

001 敦煌本靈寶金錄齋

儀(擬)

經名：敦煌本靈寶金錄齋儀
(擬)。撰人不詳，約出於唐初。
《正統道藏》未收。底本出處：
一、日本國會圖書館藏 WB32
(3) S.3701 P.2989 抄本。二、
P.4652 P.4965 抄本。

敦煌本靈寶金錄齋儀書之一

據日本國會藏本 WB32(3)、
S.3701 P.2989 合校

金錄晨夜十方懺

伏聞三錄開圖，元陽敷七品之格；五老啓運，真人演八帝之儀。是知太上宴遊，必佇齋而晏駕；天尊說教，亦資供而迴鸞。伏惟齋功，無乎不被。謹有大唐皇帝，纂慶紫微，祥雲浮

帝座之色；繼明皇極，真星朗金鏡之輝。垂衣裳而天下安，抱道德而乾坤靜。猶恐萬邦失化，一物有違，迺肅神儀，歸誠^①至道，設河圖之大醮，建金錄之清齋。臣等謹爲皇帝，依上元金錄簡文明真上宮科品，建立黃壇，法天象地，敢披玄蘊，敷露真文，并賚龍壁紋繒，歸命東方無極太上靈寶天尊、九氣天君、東鄉諸靈官。今故立齋，燒香燃燈，朗耀諸天。願以是功德，歸流皇帝七廟尊靈，九祖照^②穆，即得開度，身入光明。願皇帝緝成天地，彈壓山川，演道德而爲經，敷仁義而成緯，龜龍效祉，鸞鳳呈祥，歲阜瓊儲，時和玉燭。胡塵北靜，廓鴈海而澄波；蠻徼南清，偃鳶郊而卷霧。三光調理，五緯順常，帝道興隆，萬姓安樂。今故云云。

伏聞朱陵渺邈，疏三氣以疑真；丹峙依稀，道九炎而演聖。莫不功包六極，開六度以延祥；道冠三微，掩三元而薦福。天子修之以致化，國祚享之以太平。謹有大唐皇帝，稟大道之神器，挺至德之靈符，系伯陽之仙蹤^③，

扇無爲以育物。仰慮德澤猶闕，政教未敷，罔以自寧^④。恭修齋醮，式憑景貺，庶獲冥扶。臣等謹爲皇帝，依上元金錄簡文明真陽宮科品，建立黃壇，法天象地，敢披玄蘊，敷露真文，并賚龍壁紋繒，歸命南方無極太上靈寶天尊、三氣天君、南鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝承天理地，應聖通神，風雨以時，候三農而表貺；陰陽不爽，順四序以調年。君臣叶同德之誠，遐邇獲乂安之福^⑤，日含五色，月吐十枝，尉侯長消，干戈永戢。三光調理，五緯順常，「帝」道興隆，萬姓安樂。今故云云。

伏聞琅玕境內，金門開七氣之儀；鬱察山中，玉相湛三玄之座。金臺王母，高臨太素之庭；玉闕真妃，宴衍少陰之府。引含生於淨域，延妙祉於鄴都，安國寧家，莫尚金錄。謹有大唐皇帝，負圖大寶，纂承丕業，則天地而育群生，法日月而臨萬寓，猶恐無爲

之風凌替，道德之化未敷，不以尊極自高，每以歸依在命。臣等謹為皇帝，依上元金錄簡文明真右宮⁷科品，建立黃壇，法天象地，敢披玄蘊，敷露真文，并賚龍璧紋繒，歸命西方無極太上靈寶天尊、七氣天君、西鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝至道格於乾坤，深仁冠於上聖。固水幽陵之北，并慕淳風；浮石炎火之南，無思不服。國富千箱之積⁸，家盈萬庾之儲，黃龍薦溫洛之圖，玄龜送永昌之錄。三光調理，五緯順常，〔帝〕⁹道興隆，萬姓安樂，今故云云。

伏聞五帝分司，玄冥闡北方之教；百神辯位，登君典恒岳之圖。玉壘玄丘，截陰方而作固；金城紫堞，鎮坎陸而遙通。寶相端儀，獨步三清之城；金真撫化，高居五氣之天。開玉遺¹⁰而救囚魂，長徒披散；懸寶珠而度群品，國祚安寧。謹有大唐皇帝，膺符執紀，撫運承天，包括萬區，抑揚六合，

猶恐玄機未爽，庶類招愆，常懷旰食之憂，每軫汾陽之念。臣等謹為皇帝，依上元金錄簡文明真太陰宮科品，建立黃壇，法天象地，敢披玄蘊，敷露真文，并賚龍璧紋繒，歸命北方無極太上靈寶天尊、五氣天君、北鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝聖化被於八宏，玄恩覃於萬寓，國祚隆於億載，家洽富於千箱，四海澄清，九河無浪。鳳不虛至，必解銜書；龍不徒來，還能負卦。三光調理，五緯順常，帝道興隆，萬姓安樂。今故云云。

伏聞梵元舒彩，儼仙衛於扶搖；安寶凝輝，放神光於艮域。濟營魂於北落，引滯識於南昌，福被幽明，功包造化，至誠斯應，妙感必符，護國安人，歸心梵府。謹有大唐皇帝，御籙圖於黃屋，負翠宸於紫微，握金鏡以正天綱，執玉衡而齊地紀。既荷玄元之德，思報廣成之恩，賚金帛以盟心，憑齋醮而申謝。臣等謹為皇帝，依上元金錄

簡文明真左宮科品，建立黃壇，法天象地，敢披玄蘊，敷露真文，并賚龍璧紋繒，歸命東北方無極太上靈寶天尊、梵氣天君、東北鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝聖躬安豫，大禮聿修，吞虞夏於胸中，運商周於掌內，三農有積，九穀無寒，獸呈六足之奇，麟送五蹄之異，要荒靜禋，邊塵不驚，尉侯無虞，乾坤明觀。三光調理，五緯順常，帝道興隆，萬姓安樂。今故云云。

伏聞梵氣冲融，太上闡玄微之旨；真精恍惚，天尊開救苦之詞。故揚化九幽，迴出上清之府；通符萬象，高居太素之庭。駐流景於邪山，極逝川於浚壑，成而不宰，用而莫知，輔國度人，代代靡絕。謹有〔大唐〕¹¹皇帝，握靈圖而臨宇宙，御寶歷而統蒼生，不以九五為高，每以尊崇大道，佇斯冥祐，助牧氓黎。臣等謹為大唐皇帝，依上元金錄簡文明真下宮科品，建立黃壇，法天象地，敢披玄蘊，敷露真文，并

賚龍璧紋繒，歸命東南方無極太上靈寶天尊、梵氣天君、東南鄉諸靈官。今故立齋，燒香燃燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝德包萬寓，澤漏三泉，五岳無塵，四海澄浪，乾坤效祉，宗社降靈，銜書之鳳來儀，負圖之龍再躍，恩沾動植，化被含生，紅粟積於京垣，瓊儲實於君於倉稟。三光調理，五緯順常，帝道興隆，萬姓安樂。今故云云。

伏聞紫府開圖，示明真之典式；黃籙定簡，演靈寶之科彰。十四之罪條通，九幽之懺啓請。鏡花含象，流輝東北之方；蹇樹浮光，散影西南之土。實衆妙之逾妙，迺重玄之又玄，標天地之元根，爲帝王之楷式。謹有大唐皇帝，運天策而安九鼎，杖神威而靜萬邦，道類崆峒，德齊姑射，猶恐政乖淳化，德爽上皇，恩崇金籙之齋，以謁玉晨之帝。臣等謹爲皇帝，依上元金籙簡文明真下官科品，建立黃壇，法天象地，敢披玄蘊，敷露真文，并賚龍璧紋

繒，歸命西南方無極太上靈寶天尊、梵氣天君、西南鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝德風遐被於西海，道化彌流於八宏，窮九變之精奇，行五德之盛禮。春風普扇，禾不驚蔌；夏雨遍霑，田無破塊。丹甌浮彩，式表於年和；銅雀飛音，爰彰於歲稔。三光調理，五緯順常，帝道興隆，萬姓安樂。今故云云。

伏聞玉寶司方，耀仙姿於梵府；瑤真問罪，佇靈煦於陰宮。莫不妙闡玄符，光敷道印，返四迷於上善，度十苦於中天。廿四生啓瑤圖而薦福，八十一好含瑞景而通幽。變鳳曆之鴻基，翊飛龍之景運。謹有大唐皇帝，玄精啓曆，鼎運克昌，埏埴百王，範圍千古。處青蒲之上，有功於乘奔；居黃屋之下，無忘於齋醮。臣等謹爲皇帝，依上元金籙簡文明真太陰宮科品，建立黃壇，法天象地，敢披玄蘊，敷露真文，并賚龍璧紋繒，歸命西北方無

極太上靈寶天尊、梵氣天君、西北鄉諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身入光明。願皇帝聖曆永昌，皇風遐振，靜符萬福，動合千祥，三晨會銅雀之鳴，五緯叶珠囊之度，邊烽息焰，炎微歸淳，帝道興隆，萬姓歡樂。今故云云。

伏聞乾宇重光，秘九闕而獨化；星宮積耀，敞三洞而高居。玉都列無上之尊，瓊簡演大乘之教，卅二帝拱璿極而津梁，廿八天御碧空而輔化，神功潛運，幽讚邦家。謹有大唐皇帝，受命昊天，君臨四海，道參三大，德並二儀，但恐道不常夷，時或屯蹇，憂虞在念，怵惕居心，伏冕歸誠，虔修齋醮。臣等謹爲皇帝，依上元金籙簡文明真上宮科品，建立黃壇，法天象地，敢披玄蘊，敷露真文，并賚龍璧紋繒，歸命上方無極太上靈寶天尊、卅二天帝君、玉京玄都紫微上宮真人、玉女神仙諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭

穆，即得開度，身入光明。願皇帝明齊日月，德摠乾坤，聖祚無疆，邁宗周之七百；鴻基永固，超大漢之二京。九穀豐登，車書混一，萱階薦祉，芝檻疏禎，獸解觸耶，草能指妄，兵甲靜息，疆場晏安，六合無虞，八宏有泰。三光調理，五緯順常，帝道興隆，萬姓安樂。今故云云。

伏聞大靈播象，資方岳以裁形；大物混成，仰坤維而厚載。神功靡測，含元配得一之先；潛化難明，紐極鎮生三之首。匡扶九五，亭毒百昌，大宗神功，羌難縷說。謹有大唐皇帝，資聖握圖，承明御曆，道高千古，德跨百王，但以代隔淳風，猶傾宰戮；時乖弃智，尚假刑名。良恐獄訟之中，傷殺非理；宇宙之內，撫育失和。所以憑寄百靈，歸依三寶，奉營齋醮，幽贊皇猷。臣等謹爲皇帝，依上元金籙簡文明真下官科品，建〔立黃壇，法天象地，敢披玄蘊，敷露真〕文，并賚龍壁紋繒，歸命下方無極太上靈寶天尊、九土玉皇、四司五帝、十二仙官、五岳四瀆九宮真

人、神仙玉女、九地諸靈官。今故立齋，燒香然燈，朗耀諸天。願以是功德，歸流皇帝七廟尊靈，九祖昭穆，即得開度，身〔入〕光明。願皇帝盛德方於造化，鴻業冠於遂初，國序彝倫，身識榮茂，神芝吐秀，曆草抽英，陰陽和而風雨時，兵戈戢而候烽靜。三光調理，五緯順常，帝道興隆，萬姓安樂。今故云云。

金籙齋十方懺文

竊以金輝竦構，玉寶司方，凝神大有之宮，步影崇虛之室。通符萬象，高臨太素之庭；揚化九圍，迴出上清之府。謹有大唐皇帝，欽承寶曆，俯御璇璣，恒憂帝德未敷，天心不合，百察承負，二儀垂譴，致使陰陽爽度，水旱僭和，夙夜懷憂，靡知祈告。思崇道祐，濯累玄都。謹賚龍繒綾壁，求乞哀救，國界兆人。臣等謹承綸旨，敢開玄蘊，披露真文，歸命東方無極太上靈寶天尊、九炁天君、東鄉諸靈官。今故立齋，燒香燃燈，上謝天地，消諸不祥，福流七廟宗祧，普入光明，乘遠豫於鸞

驂，薦飛名於鳳舟。伏願皇帝聖祚遐延，鴻基永固，風雨調而玉燭明，四氣和而陰陽順，萬邦享化，百察同德，寰瀛有截，咸果正真；率土無虞，普天齊濟。今故燒香，自歸君大聖至真之德，得道之後，與真合同。〔今故云云〕。

竊以成天秘景，高居有象之尊；玉闕流光，旁聞無名之道。故能包上清而演化，列聖於是登真；泆下界而甄風，群靈由之踐妙。謹有大唐皇帝，承九玄之眷命，奉億載之宏圖，仰恐政未殷情，塵多犯□，玄天告譴，致使疫厲流行，陰陽僭度，帝王兢惕，思樹福田。臣等敬披玄蘊，敷露真文，投命南方無極太上靈寶天尊、三氣天君、南鄉諸靈官。今故立齋，燒香然燈，上謝天地，消諸〔不祥，福〕流七廟，普入光明，薦金液而澄神，奉□□□□相。〔伏願〕皇帝鳳歷遐延，龍圖永固，茫茫兆庶，蠢蠢生靈，咸趨真遊，同歸正始。今故云云。

竊聞洞景遙臨，總三元之秘策；太微上闕，控八會之真筌。馭氣金臺，

引含生於淨域；乘霞瓊室，延妙祉於玄都。謹〔有〕²⁴。大唐皇帝，忝承寶曆，重啓大唐，馭國若履深泉之（以下缺）

敦煌本靈寶金錄齋儀書之一

- ①「誠」字原本殘損，據殘字擬補。
- ②「照」字當作「昭」。
- ③P. 2989 從此行「蹤」字開始。較國會藏本缺 24 行。
- ④「罔」字，國會藏本及 P. 2989 均寫作「罔」，據前後文義改正。
- ⑤「乂」字，國會本及 P. 2989 均寫作「又」，據前後文義改。
- ⑥「帝」字，國會本及 P. 2989 均缺漏，據前後文補。
- ⑦右官：原誤作「右官」。
- ⑧國會藏本止於上行「國富千箱」。
- ⑨以下用 P. 2989 爲底本。
- ⑩「遺」字當作「匱」。
- ⑪「大唐」二字原缺，據前後文補。
- ⑫「君於」二字疑係衍文。
- ⑬「西」字當作「四」。
- ⑭「返」字原誤作「級」。
- ⑮S. 3071 寫本起於此行。
- ⑯「昌」字，P. 2989 原缺，據 S. 3071 補。
- ⑰S. 3071 止於上行「萱階薦」。
- ⑱原本此處漏抄一行。括號中文字係據前後文擬補。
- ⑲「入」字原缺，據上下文補。
- ⑳後「告」字當係衍文。

⑲今故云云「四字，原本缺，據前後文補。

⑳「犯」字下，疑漏抄一字。

㉑「不祥，福」三字，原本殘損，據前後文擬補。

㉒原本此處殘損四字。

㉓「伏願」二字原本漏抄，據前後文擬補。

㉔「有」字原本漏抄，據前後文補。

敦煌本靈寶金錄齋儀書之二

(P. 4652 抄本，前缺)

一念上香云云。願以是功德，歸流皇帝、皇后。伏願金鏡與二耀俱明，寶歷共兩儀同固，道階至聖，德偶大仙，澤洽三農，恩流四面，人知禮節，國致升平。皇后識冠柔儀，名高內範，禮拔攢秀，敷令則於丹幃；行葉流芳，振休聲於彤管。

三念上香云云。願以是功德，歸流皇太子、諸王、諸公主。伏願韞嘉瑞於雲丘，契祥期於風澤，至孝光於三善，明德茂於重離。諸王叶軒風而誕秀，應趨日以資靈，業濟屯雷，功宣作礪。諸公主性道希夷，言容婉秀，柔儀桂馥，懿範蘭薰，芳規超萬古之前，峻躅映千齡之後，槐司罄其臣節，棘署盡其忠規。臣等幸叨上善，隨報下生，忝籍良緣，預蒙提獎，遂得身參玉篆，體佩金篇，宣詞於七寶之壇，奏聞於九仙之扃。但以道尊德貴，識暗材疏，濫職

當仁，喜懼交集。

今謹有臣等，以今第三日寅時，爲國修齋，昇壇行道。伏奉帝旨，開告天曹。遂得霞堂煥彩，參差注其九光；雲宮寫照，掩映含其五色。謹以初念上香云云。願以是功德，歸流皇家，陵廟仙儀，宗祧神識。伏願蓬山煮影^①，襄野遊神，驂白鳳於崑丘，控青虬於姑射。二念上香云云。願以是功德，歸流皇帝、皇后。伏願應紫微而出震，御綠錯而登朝，德冠五龍，聲高九駿，八仙效職，四裔讐威，光景所臨，遠照燭龍之野；車書攸括，遙通火鼠之鄉。皇后毓質異宮，資靈兌域，閑襟（以下缺）

（P. 4965 抄本，前缺）

天地不仁，荷明聖之恩，則帝王何力。遂得班名羈鳳，偶迹驂鸞，承此至誠，用申虔謁。今謹有臣等，以今第四日午時，爲〔國〕^②修齋，升壇行道，伏奉帝旨，開告天曹。遂得露液凝甘，近列^③上清之府；烟香汎色，遙浮太素之庭。謹以初念上香云云。願以是功

德，歸流皇家，陵廟仙儀，宗祧神識。伏願高步三清，遙辭五濁，坐琳房而納豫，蔭襄樹而延祥^①。二念上香云云。

願以是功德，歸流皇帝、皇后。伏願壽契仙京，年逾至極，響明南面，超遠祚於青元；居正北辰，越修期於碧落。均兩儀而永泰，歷萬劫而常安，丹穀含芳，表千箱而入詠；白環摘耀，光萬宇而來王。皇后麗娥庭而著範，鏡似幄以揚芬，令德時新，柔風日暢。三念上香云云。願以是功德，歸流皇太子、諸王、諸公主。伏願金昭表德，玉裕端華，睿識虛融，天姿迴秀，啓明兩之重曜，綜知十之宏才。諸王別派咸池，分柯若木，虔外闡而惕慮，問內豎而兢憂。諸公主降精負耀，彩綉靈娥之宮；瑩質方流，光藻宓妃之館。多士飛誠璿極，群公振彩璧門。臣等帝王葛狗，草澤昆蟲，志守莊筌，元嬰魏綱，功慙映雪，業謝握錐，濫荷驅馳，唯增飲愧。今謹有臣等，以今第四日亥時，爲國修齋，昇壇行道，伏奉帝旨，開告天曹。遂得霓裳搖袞，羽客來翔，雲旆

透迤，真童戾止。謹以初念上香云云。願以是功德，歸流（以下缺）

敦煌本靈寶金錄齋儀書之二

①「煮」字似當作「煮」。

②「國」字原本漏抄，據前後文補。

③「列」字似當作「冽」。

④原抄本「祥」字下，疑缺字。

（王卡點校）

002 金錄齋啓壇儀

廣成先生杜光庭集

經名：金錄齋啓壇儀。一卷。
唐末五代杜光庭集。底本出處：《正統道藏》洞玄部威儀類。

序事

太上有三元簡文，普弘慈救，幽明蒙澤，生死荷恩。上元金錄，爲國主帝王，鎮安社稷，保佑生靈，上消天災，下攘地禍，制御劫運，寧肅山川，摧伏妖魔，蕩除凶穢。或五星失度，四氣變常，二象不寧，兩曜孛蝕，天傾地震，川竭山崩，水旱爲災，螟蝗害稼，疫毒流布，兵革四興，猛鷲侵凌，水火漂灼，冬雷夏雪，彗孛呈妖，皆當於名山洞府，古跡神鄉，精備信儀，按遵科典，修金錄寶齋。拜天謝過，責躬引咎，思道祈靈，可以攘却氛邪，解銷災變。唯在精

苦殫罄，竭節輸誠，可致通感爾。經云，靈寶大乘，普度天人，福逮一切，存歿獲恩。皇文大字，通神降靈。三洞寶經，自然天文，並是度身升玄之法。修之者，馳騁龍駕，白日登晨；奉之者，身脫八難，免諸苦厄，七祖生天；見之者，精心信向，世生善緣。若修齋行道，明依具格，立感上玄科禁。

法式列之如左

金錄壇

外壇廣四丈五尺，高二尺。中壇廣三丈三尺，高二尺。內壇廣二丈四尺，高二尺。方壇共高六尺，法坤之數也。

都壇開十門用長纂十二枚，短纂八枚。

中壇長纂十八枚，短纂八枚。八卦纂八枚別於壇外，四角，四正位安之。合用長纂三十八枚，各長一丈，出土九尺。短纂三十枚，各長七尺，出土六尺。三壇用纂六十八枚纂各圍八寸，長者染漆黑白各五處，短者黑白各三處。作纂法用墨二挺，先墨後漆，用漆十斤，用芒一百五十把。打爲縛纂。令細纒紙百幅纏竹下，墨及漆竹用爲纂。無竹之鄉可用木作之，大七寸。圍長者，朱漆五處，墨漆五處。短者，朱漆三處，墨漆三處。纂頭刻爲蓮花獅子龍鶴神獸之形，五色裝飾也。縛纂用絳繩七十

五丈四尺七寸七分於壇上，兩重竹纂，勿闌門。用榜二十二枚各廣三寸二分，長七寸四分。用二寸釘一百四十二枚釘榜銅鐵竹釘，隨時所作。用三寸釘二十二枚釘榜著門檐及封纂。

亥爲天門墨書青榜。巳爲地戶赤書黃榜。寅爲日門青書朱榜。申爲月門白書黑榜。

右四門，施於外壇。

東方青華元陽門朱書青榜。南方洞

陽太光門黃書赤榜。西方通陰金闕門墨書

白榜。北方陰生廣靈門青書黑榜。東北通

靈禁上門白書黃榜。東南始陽生元門白書

黃榜。西南元黃高晨門白書黃榜。西北九

仙梵行門白書黃榜。上方大羅飛梵門青書

黑榜，亥地。下方九靈皇真門黃書赤榜，巳

地。

右十門，施於內壇。

震宮洞青之炁青書黃榜，卯地。離宮

洞陽之炁朱書白榜，午地。兌官少陰之炁

白書青榜，酉地。坎宮洞陰之炁黑書赤榜，子

地。巽宮梵行之炁黃書黑榜，東南角。坤宮

梵陽之炁黃書黑榜，西南角。乾宮梵通之

炁黃書黑榜，西北角。艮宮梵元之炁黃書黑

榜，東北角。

右八卦榜，施於都壇之分，合二十二榜。

又用朱二兩，赤土三升染芒。綠青一兩半，胡粉十兩，黃丹一兩，墨二丸，漆五合，筆五管，外壇四尺薦席十六具。淨氈氈自制。中壇五尺薦席十二具。

淨氈氈自制，又須長筵狹席，繞都壇外一周。又於

壇內中央，安一高座，請經。又用一案，次高座，南請香火。又用案五枚，

著四面四門及中央。又經堂內，須三案，香火三具。又用青紙五幅，朱書五

方真文，置五方案上。真文本出玉訣上卷。

又用金龍五枚，鎮五方真文上。又用香五鑪，並五奩，置案頭。又壇上合用

案七張，鑪奩七具。又用漆合五枚，盛

五方紋繒，著五方香案下。又用一案，置齋主本命紋繒，在三寶座前左邊。

然燈法

春則然九燈，亦可九十燈，亦可九百燈。夏則然三燈，亦可三十燈，亦可三百燈。秋則然七燈，亦可七十燈，亦可七百燈。冬則然五燈，亦可五十燈，

亦可五百燈。日平之月，則然十二燈，亦可百二十燈，亦可千二百燈。

右件，燈一依經法，但先師相承，指方別九燈，四九三十六燈，在壇外羅列。今宜依經，貴賤時節量之也。

又須安一長燈，長一丈九尺，出土。上然九燈，安內壇裏。近三寶座西北，上以照九幽長夜之府。

又於中庭安一百五十六燈，又須蠟燭，夜別七條。

凡禳災度厄，用五色紋繒。天子正數，諸王公文數，庶人縵繒尺數。東方青紋九，南方絳紋三，西方白紋七，北方皂紋五，中央黃紋十二。公侯本命一年加一丈，隨命色。又須本命之日

天子紫紋之繒，年別一疋。諸侯亦紫紋之繒，年別一丈。庶人縵繒，年別一尺。錢二萬四千亦一萬二千，亦二千四百。米一十二斛亦二石四

斗。油一百二十斤亦一十二斤。又須金龍五枚，枚重一兩，天子用上金，諸王公用次金，庶人用下金。事訖，投於山水。

夫行道人，若依太真儀天子須二十八人，諸王公十六人，庶人十四人。所以然者，為道心者稀，難堪福田。若有精進之士至多，亦宜貴賤量之。假令十四人，三日行道，用和

香四升，香炭丸三百枚，生綵五色花三升，用合子盛之，誦詠訖，分散之。手巾四枚懸

齋堂前。又須香湯，人別一斛，浴巾二枚懸室前。廁令淨密，不得敞露。齋竟，須黃素五尺書表。

夫行道日數，經云，春九日，秋七日，夏三日，冬五日。四季之日，十二日。又云，多少日適人所為，至於三日

三夜，苦請丹心，亦感於諸夫，深自可量，節而行事。齋竟，投龍及施散法物，依經文。

右件，法用所須。若有所闕，考屬諸經，有明科不可輕闕。

齋日限滿，依別法言。功竟，燒真文。三日外，拜表謝恩竟，方落榜毀壇纂，都畢。

宿啓儀

安施即訖，尊卑相次。預皆沐浴薰香，新潔法服，簡履壇座。一一如法。列玄師之前，條疏職品，各司所任。都講鳴磬告衆，中外肅然。齋主投詞，或大臣為國，或帝王降命，皆有代拜。臣寮捧函投詞，師受詞關告，一

如常儀。

次三皈依頌

次華夏讚

次請三師讚

次旋行至地戶禁壇

次入戶呪

次升中壇天門

次上五方香 晝東，夜北

次上御案香

次上香密呪

次上本位香

次各禮師存念如法存思如靈寶儀

次鳴法鼓二十四通

次發鑪

各稱法位

具法位，奉行金錄大齋法事。臣，某

等今故燒香，奉為社稷，尊靈宗祧，先聖皇帝，皇后皇太子，諸王公主，中外臣寮，天下人民，螿飛蠹動，歸身歸神歸命，大道十方無極太上靈寶天尊。普願天清地靜，日月貞明，萬國咸和，羣生昭泰，九幽寧息，長夜開光，身得道真，超凌三界，逍遙無上金闕七寶紫

微宮，永與道合。所啓玄感，上御至真，無極道前。

次禮十方從北為始

次長跪懺悔

臣衆等至心歸身，歸神歸命十方無極太上靈寶天尊。以今啓齋禮懺，懺悔宗廟尊靈。今皇帝皇后，皇太子，諸王公主，文武職寮，自從曠劫以來，至于今日，身心口業，無量無邊。因今初夜升壇，告齋朝懺，罪無巨細，咸乞蕩除。上願宗廟安寧，帝圖遐遠。聖躬萬壽，四海和平。率土普天，俱登壽域。幽明受福，蠹動霑榮。三業清夷，六情恬晏。同升福岸，俱契道真。至心稽首，正真三寶。

次三啓頌

次三禮

次旋行讀五方真文從東方始，訖於中方，還本位。上香，重稱法位，號其真文。如降誕節，即用第一節。如為星宿災變，用第二節。如為鬼神疾疫，用第三節。如為水災淫雨，用第四節。一如玉訣中告齋之時止，讀真文，未用都呪。都呪散壇用爾，衆官隨聲呪。

東方真文

東方九炁，始皇青天。碧霞鬱壘，中有老人。總校圖錄，攝氣舉仙。

南方真文

南方丹天，赤帝玉堂。中有大神，號曰赤皇。上炎流煙，三炁勃光。神仙受命，應運太陽。

西方真文

西方素天，白帝七門。金靈皓映，太華流氛。白石峨峨，七炁氤氳。上有始生，皇老大神。總領肺氣，主校九天。檢定圖錄，制召上仙。

北方真文

北方玄天，五炁徘徊。中有黑帝，雙皇太微。總領符命，仙鍊八威。青裙羽襪，龍文鳳衣。上帝所舉，制到玉階。

中央真文

中央總靈，皇上天元。始生五老，中黃高尊。攝炁監真，總領羣生。典錄玄圖，宿簡玉文。催運輔氣，普告萬神。

重稱法位

高功具法位，奉行金錄大齋法事。

某嶽先生某帝真人臣，某等謹重上啓，太上無極大道太上大道君，太上老君，無上玄老十方靈寶天尊，已得道大聖衆，至真諸君丈人，三十六部尊經，玄中大法師天師君，上相上宰、四司五帝、三界官屬，一切真靈。臣等伏聞，大道開光，三乘御運，上聖垂化。三錄懸科，佐世安人，濟時行教。保寧邦國，匡祐帝王。凡有辭誠，理宜關奏。况奉詞旨，敢不上聞。

次讀詞

皇帝宿荷神休，誕膺景運，繼天立極，纂聖御時，期暢玄風，以康黎獻。尚慮生靈未泰，德教未孚。或賞罰乖宜，刑法失度。或陰陽舛繆，氣序愆調。唯罄丹誠，上祈玄感。竊惟乾坤主宰造化，職司三界真靈。諸天曹屬，舉善徹惡，定罪紀功，幽顯無遺，洪纖攸繫，列言奏簡，上御玄都。天尊垂鑒祐之慈，衆聖降昭彰之澤。影隨響答，有感必通。是用虔設壇場，精修齋直，凝神滌慮，改操革情。依上元金錄簡

文明真科品，於某處某宮觀，奉爲皇帝，依威儀舊典，置立皇壇，四界八極，法天象地。披九光寶蘊，敷顯真文，招真降靈，以祈所願。謹齋金龍玉璧，紋綵命繒，油燭香花，事事如法。燒香行道，披心露形，然燈續明，照燭幽夜。臣等謹依齋法，宿以啓聞。恩惟太上三尊，十方衆聖，無上經寶，玄中大法師，靈寶至真，三界官屬，垂神鑒映，省覽所陳。乞敕勒監察曹屬、侍經威神、土地真官，一合同心，併力營衛，掃蕩內外，清淨壇場，降伏妖魔，滅精崇。使臣等心安神定，思念立感，啓奏上達，齋功成就，無有窒礙。臣等雖佩至真，參修大法，處身五濁，染跡六塵，三關未調，六情放蕩。仰賴禁戒，以檢身心，輒依齋科，說戒威儀。使同齋之人，咸遵法訓。須明旦晨曉，依法行道，續更啓聞，謹啓。

次智慧頌三首旋行至東方，各一拜。

次唱人各首體投地，心禮十方

方各一拜，從北爲始。

次云禮足，衆官平跪，說戒威儀

次說戒

次十二願

次復鑪

金錄齋啓壇儀

(陳耀庭點校)

003 金錄齋懺方儀

廣成先生杜光庭集

經名：金錄齋懺方儀。一卷。
唐末五代杜光庭集。底本出處：《正統道藏》洞玄部威儀類。

懺方儀

都懺

伏聞，元始開圖，闢五方而安鎮；真文演化，分十極以凝光。總萬象於神機，歸羣功於妙有。保寧邦國，孚祐帝王。延大寶於無疆，播鴻休於有截。今謹有皇帝融神道域，屬想玄津。思啓洪禋，下資萬寓。謹齋金龍玉璧、油燭香花、法信紋繒供養之具，請披玄蘊，敷露真文，歸命十方無極太上靈寶天尊、十極天君、諸天諸地三光五嶽一切神仙諸靈官。伏冀社稷尊靈，宗祧昭穆，遊神太極，晏景上清。友八帝於

丹陵，接五皇於絳府。垂芳萬葉，流貺九圍。皇帝繼聖勛，華紹蹤義皞。寰區永泰，文軌大同。和玉燭於四時，叶珠囊於五緯。兆民康樂，百穀滋繁。長臻有道之風，克暢無爲之化。得道之後，升入無形，與道合真。

東方

臣等伏聞，勾芒律應，分淑氣於瑤臺；青帝令行，扇和風於玉樹。三光煦嫗，九野氤氳。羽戢皆翔，鱗潛盡躍。凝輝六合，蠢類昭蘇。流貺八宏，羣生咸泰。謹有皇帝齋持法信，虔設道場，披露真文，奉修齋直。歸命東方無極太上靈寶天尊，九氣天君，東鄉神仙諸靈官。伏冀社稷尊靈，宗祧先聖，雲升三境，質蛻九清。謁羣帝於星關，携列位於天路。皇帝四皇接軫，六帝齊猷。澤濬東溟，壽隆北極。寰中海外，俱沐玄休。有識含生，長承道化。兵戈戢息，風雨以時。五緯順常，兆人康泰。得道之後，升入無形，與道合真。

南方

臣等伏聞，朱陵火帝，開月殿而流輝；丹霍天君，含日精而散彩。御絳霄而演教，聖人光得一之符；居赤明以敷經，天子啓通三之曆。大弘玄訓，作範將來。爲邦國之津梁，實幽明之舟楫。今謹有皇帝齋持法信，虔設道場，披露真文，奉修齋直。歸命南方無極太上靈寶天尊，三氣天君，南鄉神仙諸靈官。伏冀社稷尊靈，宗祧先聖。五華芝蓋，應神於流火之庭；三素雲駟，遊觀於明霞之府。皇帝垂衣化表，端拱寰中。闢象魏而納萬方，固龍圖而寧九有。三辰叶度，四序調年。烽燧不驚，休祥自降。俗躋仁壽，化洽雍熙。幽夜窮泉，飛行蠢動，克承明祐，咸保物宜。得道之後，升入無形，與道合真。

西方

臣等伏聞，鬱察仙官，金真校長生之籙；浮羅寶觀，玉帝懸度世之科。大啓真宗，發輝聖緒。弘龜鼎之祚，光鳳曆之尊。導羣品於靈臺，乘霓廣漠；引含生於淨域，羽駕太清。今謹

有皇帝齋持法信，虔設道場，披露真文，奉修齋直。歸命西方無極太上靈寶天尊，七氣天君，西鄉神仙諸靈官。伏冀社稷尊靈，宗祧先聖，躡金霞而駕景，乘玉輅以參真。證品天階，延休帝業。皇帝崑丘比壽，兌澤齊貞。握三鏡以君臨，盡萬方而撫御。五風十雨，自叶於農祥；舜日堯雲，克彰於睿德。兵鋒偃戢，夷夏昭蘇。乾坤永清，億兆同泰。得道之後，升入無形，與道合真。

北方

臣等伏聞，鎮嶽標奇，據陰方而作固；玄丘聳翠，當北陸以居尊。生一氣以含元，分三才而會道。仰扶天度，上保宸居。爰司罪福之門，以顯幽明之位。今謹有皇帝齋持法信，虔設道場，披露真文，奉修齋直。歸命北方無極太上靈寶天尊，五氣天君，北鄉神仙諸靈官。伏冀社稷尊靈，宗祧上聖，挹靈津於紫府，御瓊鳳於玄洲。貽貺億千，傳光海嶽。皇帝功包九有，聖叶三無。廓溟海以流恩，並極星而御衆。

金芒玉弩，永消兵甲之灾；天象人文，自契升平之運。三邊靜肅，九稼豐穰。動息飛沈，咸承景化。得道之後，升入無形，與道合真。

東北方

臣等伏聞，一氣初分，天道運而無極；三光肇映，品物形而有倫。呈玉相於寅方，散金輝於艮域。翼朱紘之景命，爰福帝圖；開綠錯之禎文，以康天步。今謹有皇帝齋持法信，虔設道場，披露真文，奉修齋直。歸命東北方無極太上靈寶天尊，梵氣天君，東北鄉神仙諸靈官。伏冀社稷尊靈，宗祧列聖。飛步於青元之境，乘真於碧落之臺。潛播神功，允昌休祚。皇帝六符應象，萬寓宅心。睿明侔烏兔之暉，天壽等乾坤之固。外宣文德，旁振武威。稼穡有年，烽烟罷警。九幽六趣，同均浩蕩之恩；絕域窮荒，共沐雲雷之澤。得道之後，升入無形，與道合真。

東南方

臣等伏聞，石闕端旒，儼仙姿於巽境；銅階踐極，凝真相於梵宮。洪濤

浮不夜之庭，金霧鎖長生之嶽。三壺列翠，九海澄光。齊帝道於茲方，順朝宗於百谷。今謹有皇帝齋持法信，虔設道場，敷露真文，奉修齋直。歸命東南方無極太上靈寶天尊，梵氣天君，東鄉神仙諸靈官。伏冀社稷尊靈，宗祧先聖。涉鯨津而永驚，羽衛參差；指鼇嶺以長遊，雲程縹緲。皇帝光敷大號，遐鼓皇風。超農燧以揚徽，掩軒融而縱聖。三光調理，五緯順常。俗致和平，人登富壽。幽明庶類，同洽玄恩。得道之後，升入無形，與道合真。

西南方

臣等伏聞，金真撫運，朗金鏡於申郊；玉聖御時，明玉燭於坤境。玄功幽贊，保億載之宏圖；至德潛符，揚七百之遐祚。神休克被，景命惟新。今謹有皇帝齋持法信，虔設壇場，披露真文，奉修齋直。歸命西南方無極太上靈寶天尊，梵氣天君，西南鄉神仙諸靈官。伏冀社稷尊靈，宗祧昭穆。登大明之府，出沈默之鄉。延嘉貺於孫謀，霈玄滋於帝室。皇帝嵩衡比壽，日月

齊華。運乾德以君臨，配坤輿而安靜。神皋帝籍，自表於有年；偃革弢弓，永臻於至理。羣生遂性，萬國乂康。得道之後，升入無形，與道合真。

西北方

臣等伏聞，金墉千里，拱宸極以高居；琳闕九重，峙乾郊而作鎮。仰三成於崑嶠，控六紀於戍鄉。乃真靈之所都，實帝道之攸則。今謹有皇帝齋紋繒法信，龍璧香華，披露真文，奉修齋直。歸命西北方無極太上靈寶天尊，梵氣天君，西北鄉神仙諸靈官。伏冀社稷尊靈，宗桃上聖。御虬駟於天路，肅羽衛於雲衢。縱賞九清，傳徽萬葉。皇帝凝旒體道，指玄圃以長尊；負宸乘乾，與珠衡而永正。化歸清靜，歲叶豐登。鋒鏑不飛，禎祥允集。含靈有識，咸契真階。得道之後，升入無形，與道合真。

上方

臣等伏聞，至道融精，惟天爲大。覆三千而不宰，包五億以高臨。垂象無私，運行靡息。克昌景化，以福帝

圖。今謹有皇帝齋持法信，敷列壇場，披露真文，奉修齋直。歸命上方無極太上靈寶天尊，玉京玄都紫微金闕三清三界上聖高尊，上鄉神仙諸靈官。伏冀社稷尊靈，宗桃先聖。霓旂高舉，逍遙三境之中；鶴馭遐升，放曠六虛之上。皇帝體元立極，以道乘圖。邁三五之風猷，傳億千而遠大；與儀璘而並耀，配九六而永貞。萬寓咸寧，兆人康泰。兵鋒不試，文德允孚。凡曰幽明，共升道域。得道之後，升入無形，與道合真。

下方

臣等伏聞，厚載之功，寔惟坤德。廓八紘而有截，生萬類以無私。鼇浦鵬池，旁分固護。十山五嶽，遐布威靈。弘大寶於中都，總羣休於上國。今謹有皇帝齋持法信，虔設道場，披露真文，奉修齋直。歸命下方無極太上靈寶天尊，十二仙君，九宮真人，無極世界嶽瀆神仙諸靈官。伏冀社稷尊靈，宗桃先聖。三山八洞，遠奉宸遊，丹霍青丘，繼登真格。皇帝克明睿德，

永御中天。運玉斗以撫臨，闢瑤圖而端穆。三辰皎潔，長環北極之尊；九地浩茫，允福南山之壽。干戈不作，穀稼惟豐。動植幽明，常臻道化。得道之後，升入無形，與道合真。

金錄齋懺方儀

（陳耀庭點校）

004 金錄大齋宿啓儀

經名：金錄大齋宿啓儀。一卷。
底本出處：《正統道藏》洞玄部
威儀類。

各禮師存念如法

東方

九炁青天，明星大神。煥照東鄉，洞映九門。轉燭陽光，掃穢除氛。開明童子，備衛我軒。收魔束妖，上對帝君。奉承正道，赤書玉文。九天符命，攝龍驛傳。普天安鎮，我得飛仙。

南方

南方丹天，三炁流光。熒星轉燭，洞照太陽。上有赤精，開明靈童。總御火兵，備守三宮。斬邪束妖，翦截魔兇。北帝所承，烽火八衝。流鈴交煥，敢有不從。正道流行，我享上功。保天安鎮，億劫無終。

西方

七炁之天，太白流精。光耀金門，洞照太冥。中有赤皇，號曰帝靈。保神安鎮，衛我身形。斷絕邪源，王道正明。宮殿整肅，三景齊并。道合自然，飛升紫庭。靈寶玉字，溥惠萬生。功加一切，天地咸寧。

北方

北方玄天，五炁徘徊。辰星煥爛，光耀太微。黑靈尊神，飛仙羽衣。備守五門，檢精捕非。敢有干試，豁落斬摧。玉符所告，神真八威。邪門閉塞，正道明開。映照我身，三光洞輝。策空駕景，舉形仙飛。

中央

黃中理炁，總統玄真。鎮星吐輝，流煥九天。開明童子，一十二人。元炁陽精，炎上朱煙。洞照天下，及臣等身。百邪摧落，攝鬼萬千。中山神呪，溥天自然。五靈安鎮，身飛上仙。
鳴法鼓二十四通
無上三天玄元始三炁太上老君，召出臣身中三五功曹、左右官使者、左

右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今宿啓告齋，建壇闡事。謹爲入意其諸丹悃，具載緘騰。願得太上至真道炁、靈寶瑞光下降，流入臣等身中。令臣所啓之誠，速達徑詣至真無極大道、三清上聖，昊天玉皇上帝御前。

請稱法位

具法位臣，某今故燒香，願以是香功德，上祝皇圖鞏固，聖壽綿長。薰陶仁厚之風，垂拱太平之治。溥爲藩屏王侯、土地官長。臣等三師五友，異代學真，谷隱巖棲，門徒祭酒，以至三軍萬姓，天下人民，動植飛潛，無邊含識，歸身歸神歸命太上十方靈寶自然至真無極大道。特乞赦原三業六根，無邊覺咎，得親正教，同沐深恩。身得道真，歌詠太平。同躋仁壽，逍遙無爲。永與道合，所啓玄感，應聲上御至真無極道前。

起敬讚

唱十方

禮足，各長跪，歸命懺悔

臣法衆等，至心歸身歸神歸命十方無極大道太上靈寶天尊。恭望洪慈，洞垂巨澤，溥降洪恩。臣聞混元祖炁，常清靜以爲宗；金籙儀文，匪齋盟而莫格。將感通於上聖，先滌蕩於纖瑕。庶竭忱誠，以虔祀事。猶慮臣等智淪象罔，識染紛葩。精氣神混合之真，業山未破；身心口流吹之妄，定水俄波。動積過尤，無邊無量。仰祈矜憫，俯賜赦原，使臣等奏對無魔，存思合道。會萬真於帝所，綿億載於皇圖。教法興隆，振道風於遐邇；顯幽慶幸，依聖日之光華。玉葉安嘉，金湯永固。臣法衆等至心稽首，禮謝無上正真三寶。

三啓頌

三禮

重稱法位

具位臣，某與臨壇法衆等，謹同誠上啓虛無自然至真無極大道大羅元始天尊，太上道君，太上老君，昊天玉皇上帝，紫微上宮天皇帝，紫微中天北極

大帝，后土皇地祇，東華南極、西靈北真、玄都玉京金闕七寶層臺紫微上宮靈寶至真明皇道君，至真諸君丈人，十方已得道大聖衆，上相上宰、上保上傅，少保少傅、四司五帝、十二仙卿，三十六部尊經，玄中大法師，三天大法師，紫微垣帝座星君，太微垣少微垣帝座星君，皇帝本命星君，帝座照臨星宰，皇太子本命星君，宮垣照臨星曜，三界官屬一切威靈。臣等幸以宿緣，生逢道運。總圖校錄，誓流演於仙科；保國寧家，惟贊襄於道化。按瑤壇而宿建，遵瓊笈以虔祈。鏘鏘珮玉之和，秩秩鼓鐘之序。帝臨無貳，天聽非遙。更冀申飭神真，降差官將，蕩除氛厭，翦截邪蹤，營衛齋壇，道迎景福。使臣等朝修默感，念慮合真。萬象呈輝，臨照密迴於皇極；三乘啓蘊，希微妙演於瓊科。神化洋洋，靈光赫赫，明晨行道，續更敷言。謹啓以聞。

十念

存神燒香

香官使者，左右龍虎君，侍香諸靈

官。當令臣向來宿啓瑤壇之所，自然生金液丹碧芝英，百靈衆真交會在此。香火鑪前，上願天鑒宸衷，尊安皇極。玉振金聲之合序，瓊輪羽蓋之臨軒。福集邦畿，恩覃宇宙。十方仙童，玉女接待。蘭煙傳臣向來所啓之誠，速達徑御，至真無極大道，三清上聖，昊天玉皇上帝御前。

出堂頌

金籙大齋宿啓儀

(陳耀庭點校)

005 金錄大齋啓盟儀

經名：金錄大齋啓盟儀。一卷。
底本出處：《正統道藏》洞玄部
威儀類。

高功升座

啓堂法事

捻香祝曰

此香浮黎國內，玉京山中，億萬年結炁凝煙，百千衆通誠達信。根盤騫葉，滿旃檀林。寶香一炷，爇鑪中，三界十方，稽首焚香，上啓供養三清三境、十極十華、無上至真道經師寶，十方三界，千真萬靈，金錄大齋壇應感真宰。伏願驂龍駕鳳，飛空步虛，降臨道場，證盟功德。

下靜

大道門高不易登，如今且與接中乘。若知元始懸珠意，碧落浮黎自此

升。原夫至道之精，杳杳冥冥；至道之極，昏昏默默。處於太極之先，出於希夷之表。不可以貌像聲色求，不可以形名度數取。無知也，而無不知。無爲也，而無不爲。是故古之至人，體此道者，不可於貌像聲色求，不可以形名度數取。於戲，故能杳冥之中，獨見知焉。昏默之中，獨聞知焉。及其真精積久，交暢旁通。以至動天地，則上下交孚；以至感鬼神，則肝蠻斯答。至於祈福祥，去灾禍，拔沈冥，却邪癘，無施不可。彼至人果何修而得此也。其致之必有其道矣。致之之道，其惟齋法乎。齋法之說，有內有外，請備論之。內齋者，恬澹寂寞，與道翱翔。昔孔子以心齋之法告顏淵，蓋此類也。外齋者，登壇步虛，燒香懺謝，即古人禱祠祭祀之餘意也。齋法見於道家者，凡二十有七品，其源出於靈寶。一曰太真齋，二曰上清齋，三曰大洞齋，四曰金房齋，此四齋者不假人爲，與天爲徒，所謂內齋者也。五曰太一齋，六曰九天齋，七曰金錄齋，八曰玉錄齋，

九曰盟真齋，此五齋者惟天子得修之，臣庶不得修禮也。十曰黃籙齋，十一曰洞神齋，十二曰自然齋，十三曰三元齋，十四曰塗炭齋，十五曰拔度齋，十六曰洞淵齋，十七曰天寶齋，十八曰九幽齋，十九曰五鍊齋，二十曰正一齋，二十一曰太平齋，二十二曰三皇齋，二十三曰八帝齋，二十四曰北帝齋，二十五曰旨教齋，二十六曰解考齋，二十七曰化胡齋，此十八者，修之各有其宜，臣庶無間也。自太一齋而下，二十二品謂之外齋，皆有儀範，具在藏中。其間施設，雖有不同，要其歸則，不能出於靈寶之範圍也。故高上老子曰，道家所先，莫近於齋。齋者甚多，大同小異。功德甚重，實能貫通乎上下，以歸于最上一乘也。其威儀節度，總二百四十條，祕於三元宮中，造端舉要，以詔後學。由此觀之，則所謂動天地、感鬼神、福邦家、濟幽顯，捨此道則何以哉。修齋之要，在乎誠敬專懇，備物盡禮。登齋之士，則貴乎端虛勉一，遵守成規，備盡威儀。如有所失，則有玄都

簡之罰，宗師之意，槩可見矣。蓋惟表裏相符，彼此交盡，然後可以感格高真，產祥降嘏，雖然區區者不足爲吾黨之士道哉。試請論其大者，語曰人能弘道，非道弘人。夫齋法自玄一三真人始，授太極葛仙公，以至互相授受，分宗演派。修之則白日登晨，上賓三境。載之簡冊，不可枚舉。豈非人能弘道之效乎。以今欽奉綸音，崇建大齋。祈天永命，集慶延禧，職任宣行，敢忘勉力。尤在壇衆，以弘道之心爲心。同寅協恭，始終如一。陟降之間，洋洋乎如在帝之左右。則天人相與之際，得無瑕玷，豈不偉歟。易曰，神而明之，存乎其人。汝往欽哉，勉旃是幸。

下靜

十部飛天祕玉京，齋科傳世自三真。丁寧爲我弘斯道，即是浮黎得度人。

高功下座，率衆官望壇拜

講唱四結願

金錄大齋啓盟儀

①「三」原作「二」，誤，據上下文義改。

（陳耀庭點校）

006 金錄大齋補職說戒儀

經名：金錄大齋補職說戒儀。
一卷。底本出處：《正統道藏》
洞玄部威儀類。

侍職立師寶前，啓白

建齋行道，威儀肅列於三元；分
任設官，俯仰聿符於四極。諸天臨軒
而校錄，衆真侍座以監臨。職守攸司，
步趨宜謹。况玉律備監攝之令，而金
科垂銓舉之文。宜罄厥誠，登瑤壇而
恭事；各典所署，敷瓊笈以宣揚。選
授毋輕，鑒觀有翼。

先補一人爲高功。其職也，道
德內充，威儀外備，天人歸向，
鬼神具瞻，躡景飛晨，承顏宣
德，惠周三界，禮越衆官。今請
某充。直壇以職簡授之，跪受簡，三拜。
次補一人爲都講。其職也，洞

輔該通，法度明練，贊唱儀矩，

領袖班聯，玄壇步趨，升座講
說，昭符國命，默契天心。今以

某充。直壇以職簡授之，跪受簡，三拜。

次補一人爲監齋。其職也，總
握憲章，典領科禁，糾正壇職，
振肅朝綱，周密察非，從容授
簡，有嚴有翼，毋濫毋隳。今以

某充。直壇以職簡授之，跪受簡，三拜。

次補一人爲侍經。其職也，嚴
潔几褥，整齊卷軸，開函啓奏，
收積敷陳，調和衆音，表儀庶
職，觀聽允睦，幽顯交歡。今以

某充。直壇以職簡授之，跪受簡，三拜。

次補一人爲侍香。其職也。精
飾鼎彝，嚴潔案席，巡行燕炷，
始終芬芳，玄鑒昭彰，丹誠露
達，毋或中絕，有越初忱。今以

某充。直壇以職簡授之，跪受簡，三拜。

次補一人爲侍燈。其職也，整
辦缸篝，精嚴燈燭，高下照徹，
內外輝華，際夜續明，乘晨收
燄，光明道境，輝耀齋壇。今以

某充。直壇以職簡授之，跪受簡，三拜。

如上所補，皆道參洞輔，學貫樞
機。通曉齋科，非白簡初真之輩；練
明經法，匪黃冠後學之流。惟黜陟之
既明，宜賢否之勿溷。以德相尚，豈云
遷就於人情；惟道爲尊，庶獲敬承於
朝命。各敦素守，共暢玄綱。有三官
五帝之檢身，有九府四司之臨汝。天
威惕若，壇禁森如。毋自冒於科條，庶
克逃於憲律。一如靈寶玄壇律令。

智慧頌

智慧生戒根，真道戒爲主。三寶
由是興，高仙所崇授。泛此不死舟，倏
欵濟大有。當此說戒時，諸天皆稽首。

轉壇，高功西面壇，衆東面各伏
地

衆官等各各首體投地，默禮十
方，各一拜，從北爲始，禮足，周
迴十方，虔誠受戒

高功說戒

衆官長跪

元始天尊，昔以開皇元年七月一
日午時，於西那玉國鬱刹之山，浮羅之

嶽，長桑林中，授太上道君靈寶智慧上品大戒法文。是時，道君北向，五體投地，迴心十方，向東而伏。天尊是時告道君曰，今當普宣法音，開悟一切，解灾却禍，請福祈安。夫修齋行道，皆當一心奉遵十戒，專精默念，洞思自然，勿得雜想，撓亂形神。能如是者，便當靜聽。

下靜

第一戒者，心不惡妬，毋生陰賊，檢口悛過，想念如法。

第二戒者，守仁不殺，愍濟羣生，慈愛廣救，潤及一切。

第三戒者，守正讓義，不姪不盜，常行善念，損己濟物。

第四戒者，不欲不色，心毋放蕩，正潔守慎，行無點污。

第五戒者，口無惡言，言無華綺，內外中直，不犯口過。

第六戒者，斷酒節行，調和性氣，神不損傷，毋犯衆惡。

第七戒者，不得嫉人勝己，爭競功名，每事遜讓，退身度人。

第八戒者，不得評論經教，訾毀聖文，躬心承教，常如對神。

第九戒者，不得口舌相非，評詳四輩，讒惡妬忌，傷損神氣。

第十戒者，舉動施爲，平等一心，人和神穆，行常使然。

已上十戒，能持否？衆和能持。天尊言，修奉十戒，每合天心，常行大慈，願爲一切，普度厄難。慊慊尊教，不得中怠，寧守善而立，不違道而生。於是不退，可得諸天所獲，萬神所敬。長齋奉戒，自得度世。天尊言，道尊法妙，人身亦貴。故道開法門，遺戒經文，以度人身。人身既度，上與道同，宜爲精行。持齋奉戒，衷心靜默，志念分明，一意歸向。專想不二，滌蕩六腑。過中不味，內外清虛。每合自然，是其齋日。拈香啓願，應心上徹，四天司邏，十部威神，即下履行，觀聽法音，監映爾心。如戒行道，皆列功諸天，禍福立彰。道不負人，勤行諦受，勿使魔言。天尊曰，建齋行道，四天帝王，皆駕雲輿綠輶、八景玉輿、侍從真人、玉童玉女，手把華幡，前導鳳歌，後從鈞天白鶴獅子，嘯歌嚙嚙，燒香散花，浮空而來。瞻禮行道，觀聽法音。天王下降，萬靈朝焉。如是則上副宸衷，周隆齋福，豈可不盡其法也。當先授十戒，後方行道。庠序雅步，靜心閑意。坐起卧息。不離儀格。天真歡悅，列言上清，可謂得道方寸之間矣。

奉戒頌

道爲無心宗，一切作福田。立功無定準，本願各由人。虛己應衆生，注心莫不均。大聖崇正教，亦由雨降天。高陵靡不周，常卑故成淵。海爲百川王，是能舍龍鱗。萬劫保智用，豈但在厥年。奉戒不暫虧，世世善結緣。精思念大乘，會當体道真。

歸位

衆官平坐，宣禁式儀

齋法清虛，威禁至重。同齋學士，務契威儀。太極法師，具存禁戒。今當宣演，開子未聞。監齋糾率衆官，面受罰簡。有違科禁，必罰無停。

夫修齋之日，須令內外寂靜，毋使

香油缺乏，法用有虧。道士登壇，各齋巾褐版履，不得臨時交換，彼我有缺。勿得牽引非己之服。道士登齋起坐，皆當白監齋，禮法師，一拜禮香，三拜而去。還亦如之。

若到齋堂履履不整，罰禮二十拜。

若坐起不序，罰禮五拜。

若不正坐，罰禮五拜。

若臨行法事，與外人交言，罰禮二十拜。

若翻覆香火，罰禮十拜。

若講及世務，罰禮十拜。

若言語戲笑，罰禮十拜。

若綺言低睡，罰禮五拜。

若翻覆燈油，罰禮四十拜。

若巾褐不整，罰禮十拜。

若都講讚唱失儀，罰禮二十拜。

若執糾見過，不彈私隱，罰禮六十拜。

拜。

若侍經不整飭高座，觸物有缺，罰禮十拜。

若侍香香煙中絕，罰禮四十拜。

若侍燈燈火中滅，罰禮二十拜。

若執事不相檢飭，音聲高厲，罰禮五十拜。

若聽經倚據不執簡，罰禮十拜。

若不注念清虛，心想怠倦，爲衆所覺，罰禮二十拜。

若出入齋堂，不關白監齋，罰禮二十拜。

若垂髮馳步，罰禮二十拜。

若讀經紊淆，請問敗句，罰禮三十拜。

若唱善聲不齊，罰禮二十拜。

若升壇不洗手漱口，罰禮二十拜。

若坐起揖遜失儀，罰禮五拜。

若旋行不依次序及逆行，罰禮十拜。

若起行來及還坐不禮經，罰禮三十拜。

拜。

若徑去者，罰禮二十拜。

若臨燒香突行，罰禮十拜。

若供辦觸事有缺，罰禮二十拜。

若受關不啓上，罰禮三十拜。

若齋次因起居逃遁不返，爲衆所糾，罰禮一百拜。

若犯威儀，彈罰不服者，啓告三寶，退出齋次。

若下座法師，衆官法事，有虧從一至三，依科彈糾。從三以上，退出齋次。執糾不彈，與犯同罪。

若上座法師，於事有虧，從一至三，依科彈糾，從三以上，斷功百日，不得又在法座。

凡此禁戒，皆玄都上宮，明科舊格。其惰慢，其愆違，建齋之時，四天帝王天真上聖，親降齋所，瞻禮行道，察其行藏，觀其誠志。若有過失，即敕四司五帝，詔下三官，隨事糾舉，加其蓄考。天尊大聖，愍念世愚，不欲加其譴責，故開糾罰之門。使其知過而能改，罪亦消焉。受罰之者，責己甘心，恭敬聽命，勿得飾非喧競，干冒真靈。如此則弘整紀綱，解消殃咎。落罪名於既往，延福祉於將來。得不翼翼小心，虔虔夕惕。若親奉大聖，躬朝至尊，則真靈感通，福祥臻集。登壇之士，勉而戒之。

金錄大齋補職說戒儀（陳耀庭點校）

007 金錄早午晚朝儀

經名：金錄早午晚朝儀。三卷。
底本出處：《正統道藏》洞玄部
威儀類。

金錄早朝儀

各禮師，存念如法

金真綠霞，煥映三天。飛雲丹霄，諸天控輶。晨暉啓旦，陰翳俱捐。九微震空，五星回旋。萬仙感應，自然妙玄。杳冥散體，分形百千。玄珠光耀，瑞降壇乾。迎祥集慶，灌鍊金泉。魔王敬奉，合景三田。

鳴法鼓二十四通

無上三天玄元始三炁太上老君，召出臣身三五功曹、左右官使者，左右捧香金童、傳言散花玉女、五帝直符直日香官各三十六人出。出者，嚴裝顯

服，冠帶垂纓。關啓玄壇土地，方域神真。臣今早朝，陞壇行道，朝謁帝真。欽奉。其諸誠意，具載緘牒。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖昊天至尊金闕玉皇上帝御前。

請稱法位

具位臣姓某與臨壇官衆等，謹同誠上啓虛無自然至真無極大道玉清聖境大羅元始天尊，太上道君，太上老君，昊天至尊玉皇上帝，紫微上宮天皇上帝，紫微中宮北極大帝，后土皇地祇，玄都玉京七寶層臺紫微上宮靈寶至真諸君丈人，金闕諸天彌羅聖衆，上相上宰、上保上傳、少保少傅、四師五帝、十二仙卿，三十六部尊經，玄中大法師，三天大法師，日月星宮斗府、周天宿度、河漢星真，皇帝本命星君，皇太子本命星君，內廷五祀之神真官主者，三界真靈。恭望洪慈，俯垂昭鑒。臣聞，九乾敷祐，昭不言善應之私；三景垂慈，示有感必通之理。爰彰丕範，式著

明科。臣等早以微塵，依棲真域。豈期庸謬，遭遇皇恩。服羽簪星，屢受師壇之訓；飲丹分券，參傳洞室之經。誓當福國立功，禦災捍患。深慮學疏道淺，奉教戒而或違；日照月臨，沐聖恩之降重。未效涓埃之報，以酬覆載之仁。伏積憂兢，敢忘寅奉。敬奉請祈之悽，必期通感之功。齋意精純，已行宣告。冀誠通於萬聖，諒聲徹於十方。省覽所陳，允俞大願。希夷之象，超三界以稱尊；杳冥之精，妙萬物而常寂。故能開關高厚，生育陰陽。自古以固存後天而安鎮。齋心有感，真應無方。以今清旦行道，請法衆等，運茲初捻上香，願此香烟騰空，徑上供養，至真無上道寶大羅元始天尊，金闕至尊玉皇上帝，無上大羅至尊衆聖。臣等皈身皈神皈命，首體投地，仰依太上三尊、十方衆聖，願以是香功德，上祝皇帝陛下。伏願永固南山之壽，保天長存；常居北極之尊，與道同久。三靈眷佑，卜年卜世以無窮；四海乂寧，同軌同文而共化。野無遺逸，廟堂得周召之

賢；民復孝慈，寰宇樂義軒之治。干戈偃戢，稼穡豐登。政化所行，天人欣悅。今故燒香，自皈依師尊大聖衆。至真之德，得道之後，保天長存，和與道合真。

大明生東，小心事上。燦光華而駕景，極幽顯以乘晨。以今早朝，陞壇行道。請法衆等運茲二捻上香，願此香烟騰空，徑上供養至真無上經寶玉宸靈寶天尊，紫微天上帝，禹餘天宮真仙聖衆。臣等皈身皈神皈命太上三尊十方聖衆。願以是香功德，敬祝皇太子殿下。伏願聰明天縱，仁壽日躋。春毓青宮，四海謳歌而朝覲；風清紫禁，三辰照耀以居安。羽翼多賢，宗藩益順。今故燒香，自皈依師尊大聖衆。至真之德，得道之後，保天長存，和與道合真。

清明在旦，對越于天。晨暉煥燭於朝班，陽景光開於月殿。以今清旦，陞壇行道。請法衆等運茲三捻上香。願此香烟騰空，徑上供養至真無上師寶五靈玄老天尊，紫微北極大帝，后土

皇地祇，太赤天宮無邊聖衆。臣等皈身皈神皈命，首體投地，仰依太上三尊十方衆聖。願以是香功德，歸流七廟先靈，宗祧列聖。伏願乘九清之法駕，進位虛皇；登大有之妙庭，怡神真境。慶延萬世，協佑本枝。今故燒香，自皈依師尊大聖衆。至真之德，得道之後，升入無形，和與道合真。

禮方

懺悔

三啓

三禮

再稱法位

具位臣姓某與臨壇官衆等，謹重誠上啓三境至尊十方衆聖，玉京金闕天帝天真，日月星斗羣真，十方師尊聖衆，三界官屬，醮筵設像一切威靈。臣聞，輔萬仙而鬱秀，妙合淵微；作一善以降祥，應同影響。道化之昭垂赫赫，神靈之降鑒洋洋。有感斯通，無求不應。臣等俯揆夙心之素，仰酬道力之扶。若木大明，散朝班之旭日；松花克享，飄醮席之香風。拳拳祀上之誠，

翼翼由中之敬。班聯帝陛，妙演仙科。三業六塵，未滌多生之咎；九華十極，徒瞻列聖之光。惟肆赦於愆尤，庶旁流於惠澤。上願皇圖永固，聖壽綿長。萬方歌有道之朝，四海樂無爲之治。兵戈寢息，年穀豐登。次冀雨洗災塵，春融睿體，善根益著，仙道增修。普願七廟皇靈，宗祧列聖。臣等三師五友，七祖九玄，了悟宿因，開明本性。泛景太霞之上，登真寶黍之中。以致動植飛潛，洪纖高下。均沐乾坤之發育，咸資造化以生成。弁斗簪星，喜遂山林之修習；耕田鑿井，欣聞衢壤之歌謠。宗社晏安，玄風益振。則上明天尊大慈之化，下副臣等皈命之誠。謹啓以聞。

十二願

存神燒香

香官使者、左右龍虎君、侍香諸靈官，當令臣向來清旦陞壇行道之所，自然生金液丹碧芝英。百靈衆真，交會在此，香火鑪前。當願十方仙童，玉女接待，蘭烟傳臣向來所奏之詞，速達徑

上至真無極大道三清上聖昊天至尊金
闕玉皇上帝御前。

出堂頌，向來

金錄早朝儀

金錄午朝儀

各禮師，存念如法

謠歌空洞，帝君存壇。五帝校錄，
受符三官。備衛五門，束魔滅姦。流
鈴擲火，陰穢焚殘。身佩金書，鍊液芝
顏。玄靈素合，心動三關。騎獅跨鶴，
控龍乘鸞。萬星守舍，千魔不干。道
氣長存，萬仙息安。

鳴法鼓二十四通

無上三天玄元始三炁太上老君，
召出臣身中三五功曹、左右官使者、左
右捧香金童、傳言散花玉女、五帝直符
直日香官各三十六人出。出者，嚴裝
顯服，冠帶垂纓。關啓玄壇土地，方域
神真。臣今午朝，陞壇行道，朝謁帝真。
欽奉 其諸誠意，具載緘膾，願得太上
至真道炁靈寶瑞光下降，流入臣等身
中，令臣所啓之誠，速達徑御至真無極
大道三清上聖昊天至尊金闕玉皇上帝
御前。

請稱法位

具位臣姓某與臨壇官衆等，謹同誠
上啓虛無自然至真無極大道玉清聖境
大羅元始天尊，太上道君，太上老君，
昊天至尊玉皇上帝，紫微上宮天皇上
帝，紫微中宮北極大帝，后土皇地祇，
玄都玉京七寶層臺紫微上宮靈寶至真
諸君丈人，金闕諸天彌羅聖衆，上相上
宰、上保上傳、少保少傅、四師五帝、十
二仙卿，三十六部尊經，玄中大法師，
三天大法師，日月星宮斗府、周天宿
度、河漢星真，皇帝本命星君，皇太子
本命星君，內廷五祀之神真官主者，三
界真靈。恭望洪慈，俯垂昭鑒。臣聞，
洞陽赤氣，光芒瑩發於靈圖；飛雲丹
霄，垂蔭高瞻於羽蓋。玄奧深窺於蘊
妙，至真儼睹於光臨。希陽景以融春，
彤墀霧暖；遵朝儀而接晝，紫極風清。
感通造化之機，流演仙真之教。瑞彩
交飛於日表，琅音響徹於雲層。拳拳
演教之誠，耿耿對揚之志。顧瞻如在，
降鑒非遙。臣今欽奉綸音，崇修金錄。
祈請洪恩，上祝聖壽萬安，皇圖永固。
班催鴛序，迢迢晝漏之聞；香暖螭頭，

穆穆春風之轉。顧聖真之鑒享，極幽顯以交孚。以今亭午，陞壇行道，請法衆等，運茲初捻上香。願此香烟騰空，徑上供養至真無上道寶大羅元始天尊，金闕至尊玉皇上帝，無上大羅至尊衆聖。臣等皈身皈神皈命，首體投地，仰依太上三尊，十方衆聖。願以是香功德，上祝皇帝陛下。伏願鴻基鞏固，景祚隆昌。聖筭齊浩劫之年，帝道越羲皇之化。六宮安靜，百辟忠良。率土普天，咸歸有道。梯山航海，入貢無窮。今故燒香，自皈依師尊大聖衆。至真之德，得道之後，保天長存，和與道合真。

晝刻傳呼，天顏有喜。揆宿心而寅事，因朝謁以申祈。以今亭午，陞壇行道，請法衆等，運茲二捻上香。願此香烟騰空，徑上供養至真無上經寶玉宸靈寶天尊，紫微天皇帝，禹餘天宮真仙聖衆。臣等皈身皈神皈命，首體投地，仰依太上三尊，十方衆聖。願以是香功德，敬祝皇太子殿下。伏願青華定錄，金簡增年。九天之真宰垂休，三

景之靈光委照。起居平靜，壽祉彌隆。今故燒香，自皈依師尊大聖衆。至真之德，得道之後，保天長存。和與道合真。

萬聖同明，一光普及。惠日俯開於黑鬱，慈光仰睹於青華。以今亭午，陞壇行道，請法衆等，運茲三捻上香。願此香烟騰空，徑上供養至真無上師寶五靈玄老天尊，紫微北極大帝，后土皇地祇，太赤天宮無邊聖衆。臣等皈身皈神皈命，首體投地，仰依太上三尊，十方衆聖。願以是香功德，歸流七廟先靈，宗祧列聖。伏願驂駕鸞輿，高陟虛無之境；光瞻獅座，上賓清靜之天。垂裕邦家，茂延國祚。今故燒香，自皈依師尊大聖衆。至真之德，得道之後，升入無形，和與道合真。

禮方

懺悔

命魔

三啓

三禮

重稱法位

具位臣姓某與臨壇官衆等，謹同誠上啓三境至尊、十方上聖，玉京金闕天帝天真，日月星斗羣真，十方師尊聖衆，三界官屬，醮筵設像一切威靈。臣聞，虛無妙道，運一氣而育三才；自然至真，散一神而生萬象。自龍漢之祖劫，演法垂文；暨赤明之開光，立功濟物。調珠躔於璇極，明玉燭於青霄。諸天備職於仙僚，水陸分司於考校。明裡有祀，錫福無垠。救護含生，覆燾群品。臣等參承經籙，宣道宸衷。凡伸寅奉之誠，必遂感通之應。欽奉綸音，尊安社稷。陳詞列款，恭薦惟馨。虔奉明靈，仰祈昭格。伏冀儼回鶴馭，暫駐鸞輿。錫浩浩之鴻休，保巍巍之景祚。然願星辰順照，命宇光輝。祿壽增崇，起居平靜。則上明天尊大慈之化，下副臣等皈命之誠。謹啓以聞。

十二願

存神燒香

香官使者、左右龍虎君、侍香諸靈官，當令臣向來午朝陞壇行道之所，自然生金液丹碧芝英。百靈衆真，交會

在此，香火鑪前。當願十方仙童，玉女接待，蘭煙傳臣向來所奏之詞，速達徑上至真無極大道三清上聖昊天至尊金闕玉皇上帝御前。

出堂頌，向來

金錄午朝儀

金錄晚朝儀

各禮師，存念如法

神光朗曜，瑞氣帀旋。箕斗澄輝，芝宇晏然。玉眸金真，寶壇純乾。變夜作晝，回子午前。太華流珠，丹鳳飛圓。息魔滅姦，高步雲煙。天真普集，齊到帝軒。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香金童、傳言散花玉女、五帝直符直日香官各三十六人出。出者，嚴裝顯服，冠帶垂纓。關啓玄壇土地，方域神真。臣今晚朝，陞壇行道，朝謁帝真。欽奉其諸誠意，具載緘牘。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖昊天至尊全闕玉皇上帝御前。

請稱法位

具位臣姓某與臨壇官衆等，謹同誠

上啓虛無自然至真無極大道玉清聖境大羅元始天尊，太上道君，太上老君，昊天至尊金闕玉皇上帝，紫微上宮天皇上帝，紫微中宮北極大帝，后土皇地祇，玄都玉京七寶層臺紫微上宮靈寶至真諸君丈人，金闕諸天彌羅聖衆，上相上宰、上保上傳、少保少傅、四師五帝、十二仙卿，三十六部尊經，玄中大法師，三天大法師，日月星宮斗府、周天宿度、河漢星真，皇帝本命星君，皇太子本命星君，內廷五祀之神真官主者，三界真靈。恭望洪慈，俯垂昭鑒。臣聞，動生陽，靜生陰，道妙密存於太極；禮言恭，德言盛，典儀備載於玄科。運行不息之機，丕顯好生之德。龍文鳳篆，粲星日以輝煌；飄車羽輪，儼雲霄而降陟。肅朝儀而肆覲，奉醮悃以敷言。恩光儼格於宸旂，香氣濃飄於夕殿。鑒臨有赫，顧享無遺。以今欽奉綸音，崇修金錄，集福延禧。拳拳夙志之顛，耿耿初心之素。百靈衆真之交會，十方三界以齊臨。齋以事天，睹威顏之孔邇；暮焉夕月，喜光耀

以騰輝。絳霞丹霧以飛揚，景星卿雲之燁煜。踰踰濟濟，穆穆皇皇。鑒醮享之精誠，介駢蕃之景福。以今晚朝，陞壇行道，請法衆等，運茲初捻上香。願此香煙騰空，徑上供養至真無上道寶大羅元始天尊，金闕至尊玉皇上帝，無上大羅至真衆聖。臣等皈身皈神皈命，首體投地，仰依太上三尊十方衆聖。願以是香功德，上祝皇帝陛下。伏願乾坤合德，日月齊明。端居北極之尊，永固南山之壽。干戈偃戢，海宇和平。普天咸遂於豐穰，率土並躋於仁壽。車書混一，社稷莫安。今故燒香，自皈依師尊大聖衆。至真之德，得道之後，保天長存，和與道合真。

香霧浮空，暮雲凝碧。耿耿朝趨之志，拳拳夕惕之心。祝聖壽以尊安，冀宗枝之茂衍。以今晚朝，陞壇行道，請法衆等，運茲二捻上香。願此香煙騰空，徑上供養至真無上經寶玉宸靈寶天尊，紫微天皇帝，禹餘天宮真仙聖衆。臣等皈身皈神皈命，首體投地，仰依太上三尊十方衆聖。願以是香功

德，敬祝皇太子殿下。伏願福隆主器，光映前星。監國撫軍，克副守從之望；繼乾立極，允綏遐邇之心。鶴禁春融，龍樓日永。慶協宗藩之重，朝多羽翼之賢。玉葉安嘉，金湯永固。今故燒香，自皈依師尊大聖衆。至真之德，得道之後，保天長存，和與道合真。

天維顯思，日入而息。散香風於紫殿，懸慧月於清都。以今晚朝，陞壇行道，請法衆等，運茲三捻上香。願此香煙騰空，徑上供養至真無上師寶五靈玄老天尊，紫微北極大帝，后土皇地祇，大赤天宮無邊聖衆。臣等皈身皈神皈命，首體投地，仰依太上三尊十方衆聖。願以是香功德，歸流七廟先靈、宗祧列聖。伏願乘三境之龍輿，冲虛梵景；駕九天之鳳輦，俱入黍珠。福佑邦家，慶綿景祚。今故燒香，自皈依師尊大聖衆。至真之德，得道之後，升入無形，和與道合真。

禮方

懺悔

三啓

三禮

重稱法位

具位臣姓某與臨壇官衆等，謹重誠上啓三境至尊十方上聖，玉京金闕天帝天真，日月星斗羣真，十方師尊聖衆，三界官屬，醮筵設像一切威靈。臣聞，道之尊，德之貴，希微妙合於無言；大而化，聖而神，應響潛通於有翼。天九重而密勿，日三接以虔祈。洞洞乎中，洋洋在上。臣等欽奉綸音而昭事，恪遵玄範以朝修。醮松花蘊藻以齋明，馳心太漠；瞻絳節瓊輪之縹緲，駐目層霄。臣等敬仰清都，翹勤紫極。願六塵之障染，倍切冰兢；味三洞之淵微，久依雲覆。勾汲提之有造，庶懇禱以無遺。上願聖筭齊天，皇明似日。玉帛遠來於海島，甲兵永洗於邊陲。懿範六宮，尊母儀而敬仰；仁聲四海，繼聖體以光榮。弼謨益著於忠良，藩屏咸膺於福祿。恭願一人有慶，萬壽尊安。陰陽調而風雨時，五穀熟而民人育。衢謠壤擊，再還淳古之風；川泳雲飛，咸樂生成之性。邦家

集慶，道化光揚。則上明天尊大慈之化，下副臣等皈命之誠。謹啓以聞。

十二願

存神燒香

香官使者、左右龍虎君，侍香諸靈官，當令臣向來晚朝陞壇行道之所，自然生金液丹碧芝英。百靈衆真，交會在此，香火鑪前。當願十方仙童，玉女接待，蘭煙傳臣向來所奏之詞，速達徑上至真無極大道三清上聖昊天至尊金闕玉皇上帝御前。

出堂頌

向來

金錄晚朝儀

(陳耀庭點校)

008 金錄解壇儀

經名：金錄解壇儀。一卷。底本出處：《正統道藏》洞玄部威儀類。

天。檢定圖錄，制召上仙。

北方

北方玄天，五炁徘徊。中有黑帝，雙皇太微。總領符命，仙鍊八威。青裙羽襪，龍文鳳衣。上帝所舉，制到玉階。

中央

中央總靈，黃上天元。始生五老，中黃高尊。攝炁監真，總領羣仙。典錄玄圖，宿簡玉文。催運上炁，普告萬神。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官各三十六人出。出者，嚴裝顯服，冠帶垂纓。關啓玄壇土地，方域神真。臣今解壇散席，進懺言功。欽奉 其諸丹悃，具載緘

騰。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖昊天至尊金闕玉皇上帝御前。

請稱法位

具位臣姓某等今故燒香，皈身皈神皈命，太上十方靈寶自然至真無極大道。臣聞，三錄垂科，五篇著範。茂弘道旨，丕闡玄風。法天像地而肇建壇儀，呼陰召陽而鎮安雲篆。千真降駕，萬聖臨軒。齋盟上格於層霄，真馭下臨於法席。祈天永命，集福延禧。今則啓願告成，朝修竣事，解壇散席，首過陳情，祇降嘉祥，尊安宗社。金龍起篆，慶圓滿於醮功；玉緯流光，降洪厖之景福。所啓玄感上徹，徑御至真無極大道御前。

禮方

懺悔

東方九炁，始皇青天。碧霞鬱壘，中有老人。總校圖錄，攝炁舉仙。

南方
南方丹天，赤帝玉堂。中有大神，號曰赤皇。上炎流煙，三炁勃光。神仙受命，應會太陽。

西方
西方素天，白帝七門。金靈皓映，大華流氛。白石峨峨，七炁網緼。上有始生，皇老大神。總領肺炁，主校九

臣法衆等志心皈身皈神皈命，十方無極大道太上靈寶天尊。恭望洪慈，洞垂巨澤，普降洪恩，以今解席告齋，焚香禮聖。臣聞，經傳玉局，玄靈啓度。乞之儀；教演金科，紫極許禱祈之請。臣等欽奉綸音，崇修金錄，茂集鴻禧，開建蘭場，敷揚玄範。慮陟降有乖於密勿，恐存神罔合於精修。茲當解席之

期，庸致首愆之禱。恭望四司五帝，特寬宥過之恩；九府三官，誕布滌瑕之澤。功圓果備，地久天長，萬願克從，一誠昭徹。臣等志心稽首，禮謝無上正真三寶。

三啓

三禮

起真文

重稱法位

具位臣姓某重誠上啓太上無極大道元始天尊，太上道君，太上老君，無上玄老十方靈寶天尊，已得道大聖衆，至真諸君丈人，三十六部尊經，玄中大法師，三天大法師，上相上宰、上保上傅、四師五帝，星宮斗府、河漢羣真、三界官屬，一切威靈。臣等猥以宿緣，恭逢聖運。今則朝修禮畢，奏對儀周。集此良因，上祝皇圖天廣，聖德日新。睿筭齊箕翼之年，中壺固岡陵之壽。宗藩維屏，儲嗣延禧。宰輔明良，人民樂育。恭願宸情上達，景貺下臨。邦畿懋輯於休徵，宗社協符於元吉。臣等遵依科範，啓建清壇，齋信質心，法天

像地。六朝行道，一念皈真。果滿功圓，諸天復位。臣等所佩官將及臨壇效職一切威靈，宣通召命，營衛齋修，並有勳績。謹爲言功，進呈素悃，依格遷賞，特乞慈容。所有表文，謹當宣奏。

宣表

回將牒

焚化

十二願

存神燒香

香官使者、左右龍虎君、侍香諸靈官，當令臣向來解壇散席之所，自然生金液丹碧芝英。百靈衆真，交會在此，香火鑪前。上願十方仙童，玉女接待，蘭煙傳臣向來所啓之誠，速達徑御至真無極大道三清上聖昊天至尊金闕玉皇上帝御前。

出堂頌

下壇，都門外立

辭三寶

朝修已畢，奏對云周。道冠虛無，恩覃海宇。皇圖地久，聖壽天齊。和稽首拜辭，十方道寶。

金童進善，玉女奏功。名掛金牌，經藏寶輶。尊安皇極，慶集邦畿。和稽首拜辭，十方經寶。

噴鍾息響，寶篆消煙。師返太清，福流家國。玄風廣布，道化興行。和稽首拜辭，十方師寶。

願諸衆生，諸惡莫作，衆善奉行。不墮業緣，常居盛世。有情含識，同證無爲。和稽首拜辭，十方衆聖。

向來

引班，詣靜默堂，謝師

金錄解壇儀

（陳耀庭點校）

009 金錄齋投簡儀

通奉大夫守尚書右僕射兼
中書侍郎上柱國清河郡開
國公食邑二千九□□□□
□ 臣張商英奉旨刪

經名：金錄齋投簡儀。一卷。
北宋張商英刪定。底本出處：
《正統道藏》洞玄部威儀類。

山水簡二面。春夏詣孟州王屋洞天、濟
瀆水府，秋冬詣安慶潛山司真洞天、太平采石
水府。龍簡到日，所屬下教門，具威
儀迎接。差道士七人，內選授法
籙道士一人，充高功。具齋意於
殿上或壇上，開建道場，祝香。

淨壇，敕水
唱各禮師，存念如法
高功法師宣五方衛靈呪
東方

九炁青天，明星大神。煥照東鄉，
洞映九門。轉燭陽光，掃穢除氛。開
明童子，備衛我軒。收魔束妖，上對帝
君。奉承正道，赤書玉文。九天符命，
攝龍驛傳。普天安鎮，我得飛仙。

南方

南方丹天，三炁流光。熒星轉燭，
洞照太陽。上有赤精，開明靈童。總
禦火兵，備守三宮。斬邪束妖，翦截魔
王。北帝所承，風火八衝。流鈴交煥，
敢有不從。正道流行，我享上功。保
天長存，億劫無終。

西方

七炁之天，太白流精。光耀金門，
洞照太冥。中有素皇，號曰帝靈。保
神安鎮，衛我身形。斷截邪源，王道正
明。宮殿整肅，三景齊并。道合自然，
飛升紫庭。靈寶符命，普惠萬生。功
加一切，天地咸寧。

北方

北方玄天，五炁徘徊。辰星煥爛，
光耀太微。黑靈尊神，飛仙羽衣。備
守五門，檢精捕非。敢有干試，豁落斬

摧。玉符所告，神振八威。邪門閉塞，
正道明開。映照我身，三光同輝。策
空駕浮，舉形仙飛。

中央

黃中理炁，總統玄真。鎮星吐輝，
流煥九天。開明童子，一十二人。元
炁陽精，炎上朱煙。洞照天下，及臣等
身。百邪摧落，攝鬼萬千。中山神呪，
溥天使然。五靈安鎮，身飛上仙。

五星都呪

五星列照，煥明五方。水星却災，
木德致昌。熒惑消禍，太白辟兵。鎮
星四據，家國利亨。名刊玉簡，錄字帝
房。乘颿散景，飛騰太空。出入冥無，
遊冥十方。五雲覆蓋，招神攝風。役
使萬靈，上衛仙公。

唱鳴法鼓二十四通

高功法師發鑪

太上真元五靈老君當召功曹使
者、左右龍虎君、捧香使者、三炁正神，
關啓三天太上元皇老君。臣今正爾燒
香，謹奉當今皇帝玉壇醮罷，金錄齋
成。專遣某官詣某處投奠龍簡，重設醮

筵，願得太上八方正真生炁，降流臣等身中，令臣所啓，速達至真無極太上三尊三清天帝御前。

次再拜，上香、上茶、上酒

次唱各稱法位

高功具法位臣，某謹上啓三清上聖、十極高真、五方五帝君，天地水三官，洞天真宰，四瀆海嶽、水府龍神，一切聖境，得道仙靈。臣稟質凡微，託躬塵穢，宿荷餘福，栖身法門。寶訣靈書，獲聞上範約當，宣揚道化，保輔邦家。凡有禱祈，敢不聞達。今皇帝以集福禳災，散壇罷醮。專遣某官詣某州洞府靈山，投奠龍璧玉簡。恭依睿旨，重啓醮筵。祈衆聖之降臨，察誠心而領納。蒙如所請，仰荷靈恩。臣與某官等，誠惶誠恐，稽首頓首，再拜奉請。

次上香再拜，獻酒設拜。

謹奉請中元赦罪地官、中元四十二曹仙官，王屋山小有洞天神仙聖衆，十大洞天神仙真宰，五嶽洞天真君，八十一洞神仙、七十二福地仙官，青城山九天丈人、儲福定命真君、潛山司命真

君、廬山九天採訪使者、應元保運真君，諸嶽名山，洞天福地，一切得道龍神仙衆，應感分輝，降臨醮座。謹稽首虔誠再拜。謹奉請下元解厄水官、下元四十二曹掾吏，龍神聖衆，濟瀆清源王、濟瀆一切得道龍神聖衆，四海八溟、三河四瀆靈官聖衆，九江水帝、十二河源河伯、河侯河掾，川靈大澤本府靈司，一切官屬，應感分輝，降臨醮座。謹稽首虔誠再拜。

次上香，再獻酒設拜

次重稱法位

臣謹重上啓高真上聖，天地水三官，嶽瀆洞天、靖廬福地得道神仙，龍神官屬，四海八溟、千川萬谷、泉源水府靈司正神，當境一切威靈，得道聖衆，降赴醮筵，鑒納丹誠，流光映照。伏願皇帝邦基磐固，國壽天齊。動植霑恩，華夷蒙潤。甘露零而祥風集，卿雲現而景曜垂。毒癘屏消，吉祥蕃委。惟神克念，永孚于休。一切含生，並登道岸。臣等誠惶誠恐，稽首頓首，再拜奉送。

次十二願

臣等一願乾坤明素，二願炁象清圓，三願聖人萬壽，四願化洽八埏，五願天垂甘露，六願地發祥烟，七願四時應節，八願萬物生全，九願家多孝悌，十願國富才賢，十一願鄴都罷對，十二願學道成仙。

次高功復鑪祝曰

香官使者、左右龍虎君，侍香諸靈官，當令行道之所，自然生金液丹碧芝英。百靈衆真，交會在此香火鑪前。上願皇帝受福，天下蒙恩。十方仙童，玉女侍衛，香烟傳奏，向來所啓，速達至真無極大道三清上帝御前。

次學學仙頌

學仙行爲急，奉戒制精心。虛夷正氣居，仙聖自相尋。若不信法言，胡爲棲山林。

次如法焚香，度簡投下洞天

次詣水府

次舉投簡頌

祈真登紫府，告命詣靈壇。玉女謠梵響，金童奏香烟。書名通九地，列

字上三天。永享无期壽，尅成高上仙。

次舉迴向讚

向來設醮功德，上祝皇帝，次及臣寮，同賴善功，成無上道。一切信禮。

次高功回向，念善云

上來投簡事畢，設醮功德周備。奉爲皇帝，上祝聖壽無窮。念大聖元始天尊、太上玉晨大道君、太上金闕老君、太上三清大帝，無量不可思議功德。道衆山呼

山簡式

嗣天子臣伏爲迎祥集福，祇建冲科。謹齋龍璧信幣之儀，命道士幾人於某宮觀某殿，開啓金籙道場幾晝夜。罷散日，設普天大醮一座，三千六百分位。告盟天地，紀筭延釐。齋事周圓，恭陳大醮。謹依舊式，詣洞天投送金龍玉簡，願神願仙，飛行上清，五嶽真人，至聖至真。鑒此丹懇，乞爲騰奏。上聞九天，謹詣靈山，金龍驛傳。

某年太歲某甲子，幾月某朔，幾日某甲子，於道場內，吉時告聞。

土簡式

嗣天子臣伏爲迎祥集福，祇建冲科。謹齋龍璧信幣之儀，命道士幾人於某宮觀某殿，開啓金籙道場幾晝夜。罷散日，設普天大醮一座，三千六百分位。告盟天地，紀筭延釐。齋事周圓，恭陳大醮。謹依舊式，詣靈壇投送金龍玉簡。願仙飛行上清，中黃九土戊己黃神，土府五帝，鑒此丹懇，乞爲騰奏。上聞九天，金龍驛傳。

某年太歲某甲子，幾月某朔，幾日某甲子，於道場內，吉時告聞。

水簡式

嗣天子臣伏爲迎祥集福，祇建冲科。謹齋龍璧信幣之儀，命道士幾人於某宮觀某殿，開啓金籙道場幾晝夜。罷散日，設普天大醮一座，三千六百分位。告盟天地，紀筭延釐。齋事周圓，恭陳大醮。謹依舊式，詣水府投送金龍玉簡。願神願仙，三元同存，九府水帝、十二河源，江河淮濟，溟泠大神，至聖至真。鑒此丹懇，乞爲騰奏。上聞九天，謹詣水府，金龍驛傳。

某年太歲某甲子，幾月某朔，幾日某甲子，於道場內，吉時告聞。

子，於道場內，吉時告聞。青紙封簡

題式

謹上詣某處，具高功法位臣姓名告文謹封。

金籙齋科儀序

臣商英奉御筆曰：卿文章政事之外，深究道妙，博窮秘典。藥笈琅函，靡不通貫。矧金籙科教，信爲餘事。向委一二道士，將道場儀矩，稽考藏典校正，近成書帙來上，嘗付道官定奪。今據簽出，異同甚多。並降付卿，可機政餘暇看詳，指定可否，如有討論未備，文義乖訛，並未盡事件，並行貼改，刪潤進入。

臣，商英拜手稽首，敢不對揚。天子之不顯休命乃言曰：若昔帝王，匪天何憲，匪道何尊。黃帝曰：觀天之道，執天之行，盡矣。孔子曰：唯天爲大，唯堯則之。帝舜曰：敕天之命，惟時惟幾。傳說曰：惟天聰明，惟聖時憲。周詩曰：文王陟降，在帝左右。然則寂寥淡泊，必有以質其誠，恍惚希夷，必有以將其意。齋醮之興，其在茲乎。

是以自然妙經，演說科範，因事制法，析爲九條。陸修靖行之於前，杜光庭集之於後。神宗講興廢典，楊傑編纂而成書。陛下善繼先猷，愚臣討論而潤色。且夫周公咸秩無文，宣王靡神不舉。凡以爲民而救災者，無所不至也。而況蒼蒼在上，昭昭垂象。六虛周流而變動，百姓日用而不知。爲天下國家者，其可忽哉。尊帝一十三位虛皇太上三尊，道之真元也。三清上帝，道之妙有也。昊天玉皇上帝、三十二天帝、統御世界而成變化者也。天皇大帝、紫微帝君，在天成象之帝也。虛皇地后，三元九炁，所自生也。名號繁多，非道之體。博研經論攷三界，質之幽明而無疑，非以私意而增損也。舊儀先後顛倒，繁簡不倫。今斟酌九條，差次聖位，刪削名號，補完教意。一曰，請師非師，則誰主法會。二曰，補職非職，則誰行科法。三曰，授戒非清淨，則何以入壇場。四曰，敕壇非解穢，則何以降仙聖。五曰，登天門非登乾出巽，則旋繞不巾。六曰，拜表進章

非法印合符，則何以通天門。七曰，真文玉篇辯方正位，以應五行之炁。八曰，衆妙壇，用王屋山司馬子微法象之制。九曰，天寶臺取玄壇之臺制，移置殿中，以伸陟降之儀，以備風雨之至。行法之士，詳而練之。臣，商英謹序

金錄齋投簡^①儀

^①「簡」原作「商」，誤，據上下文義改。

（陳耀庭點校）

010 金錄齋三洞讚詠儀

宋太宗皇帝御製
通奉大夫守尚書右僕射
兼中書侍郎上柱國清河
郡開國公張商英奉敕編

經名：金錄齋三洞讚詠儀。三卷，北宋張商英編。底本出處：《正統道藏》洞真部讚頌類。

金錄齋三洞讚詠儀卷上

步虛詞十首

清靜建金壇，無爲大道理。歸依玉帝前，稽首求宗旨。發詠蕪名香，一心專不已。願同四海知，萬億神仙子。悟即杳冥中，玄談皆彼此。真人受命時，覺者有終始。象外好優游，愚情生謗毀。羽蓋駕青龍，行徧八方水。右一
天尊馭六龍，百萬神仙騎。雲起

自逍遙，五音皆鼓吹。碧桃爛熟時，七寶林中賜。白鳳集千羣，雪身排玉翅。華嚴如意珠，聖化不思議。師子善非常，華胥妙法智。凡愚有道心，慧眼衆生施。無限小丫童，藥宮深殿戲。右二

玉錄受經師，科儀尊上帝。頌聲世界中，道業心相濟。靈寶度衆生，丹丘雲雨翳。虛無入太清，白鶴聲嘹唳。百谷盡朝宗，煙霞全美麗。囂塵自不迷，祕要門開閉。洞府最深嚴，神仙無繫綴。天高似掌平，一一皆精細。右三
上帝化無窮，仙居紫府位。信心杳若空，稽首拜天地。晴霽布星羅，真門持不二。十州散雨花，五福真人祕。符瑞表其恭，戰兢擎寶器。善哉諸法師，祈福來凡意。功行滿三千，心緣勿退志。歸依大道君，一切靈官記。右四

仙集會玄都，法輪常轉處。持齋振寶鈴，冬夏無寒暑。絳節藥珠宮，瀛洲臨遠渚。天尊侍立人，崇道絕私語。妙入大乘經，六情皆盡去。默然念在心，澹泊勿疑阻。月皎盛明時，清娥搖玉杵。叩鍾雅調音，鍊質容相許。右五

天上典人間，黃衣受玉錄。經開道眼明，持念果成速。若遇邪魔臨，灰心似草木。丹田是命根，俯仰皆生福。鶴骨爲餐霞，修行如野鹿。三才鬱茂中，執卷但勤讀。太一及星官，康民無反覆。還淳務實時，四序長盈縮。右六

慕道要歸真，知非求得一。先須修鍊心，甚好變凡質。禮懺用精專，登壇明似日。六丁驅使易，去住如風疾。念呪與神符，邪魔無縱逸。青詞奏表章，善惡包凶吉。元始諸天尊，聖言分甲乙。香燈及醮茶，喫弄神刀筆。右七

七寶瑠璃宮，飛符排絳節。玉京鎮十方，衆真頌真訣。天地杳冥中，景雲浮不絕。太仙跨鶴遊，齋醮清嚴潔。詠讚亦非常，長生無隕滅。上帝伏魔王，執事皆賢哲。下察向黎民，靈官爲等列。香華從輦時，揚教動喉舌。右八
寶鐸振鸞鳴，諸仙相聚集。較量高下時，浮淺不能入。旋遶如意珠，破壞善修葺。玉皇朝謁前，真人傍侍立。步虛聽自然，仰望華胥邑。駕鶴與乘龍，祥光起熠熠。三千功行來，壺有大

丹粒。玄都鎮八方，臨壇皆翦鬱。清風發播揚，養命存嘘吸。右九

日月五星明，公平鑒善惡。三官五帝君，億萬周遊樂。法雨從行時，乘雲與駕鶴。如意一顧身，所化化城郭。馥郁杳冥中，真宗皆澹泊。九天利物多，寶林葉交錯。象教福人間，仙花開紫萼。剛柔轉智輪，大道心依託。右十

白鶴讚 一十首

白鶴凝霜一頂紅，常隨碧落杳冥中。三清好是逍遙處，天上人間事不同。右一

白鶴生來羽翼鮮，一聲高唳玉皇前。虛無境裏飛翔異，去住人稀到九天。右二

白鶴希奇瑩月華，雪毛翳日戀朝霞。神仙抱向長生殿，疏羽飛騰出絳紗。右三

白鶴非凡迥不同，人間描在畫幃中。桃花結子千年實，自在優遊萬里空。右四

白鶴雲中朝太清，玉童高送鳳池鳴。常教棲宿蟠桃下，三島真人畫不

成。右五

白鶴毛歛夜月圓，高飛來至步虛前。仙壇絳節霓裳舞，太一真人福壽年。右六

白鶴靈禽與壽年，生教常得羽毛鮮。五雲自有千峰嶂，紫蓋巖巒海上仙。右七

白鶴銜丹羽翼輕，玉皇常使混三清。崑崙來去飛閑暇，五色雲中萬里程。右八

白鶴朱紅一頂深，鈞天似聽沃羣心。常隨羽客避人世，碧玉桃花萬丈尋。右九

白鶴山高第九層，毛衣潔淨瑩春冰。化人宮室諸天遠，雲翼靈飛大道稱。右十

太清樂 二十首

太清樂，太清樂，太清樂處以逍遙，太清樂紫微瑞色駕青龍。太清樂玉籙香牋夜奏封。太清樂羽蓋雲中皆縹緲，太清樂霓裳一舞貌思恭。太清樂，太清樂，太清樂
精誠大道動幽元，太清樂天地常存

不死仙。太清樂象外不同人世界，太清樂衆生願福太平年。太清樂，太清樂 右二

帝星明耀斗星魁，太清樂絳闕雲浮夜醮臺。太清樂七寶山高棲白鳳，太清樂瓊樓十二月中來。太清樂，太清樂 右三

仙官朝會儼珠旒，太清樂素月當天運九秋。太清樂方丈雲駢閑玉闕，太清樂巍巍瞻望殿依樓。太清樂，太清樂 右四

焚香夜啓醮仙壇，太清樂麗景遲遲柳拂煙。太清樂天上星繁光溢目，太清樂真人似降步虛前。太清樂，太清樂 右五

黃衣受錄用心勞，太清樂法事壇前夜佩刀。太清樂修鍊但教法俗態，太清樂瀛洲仙境不爭高。太清樂，太清樂 右六

秋風入律正淒清，太清樂道法邪魔振鐸鈴。太清樂恬澹虛無真可重，太清樂科儀次第夜堪聽。太清樂，太清樂 右七

遙天薄暮景雲連，太清樂一軸青詞月下文。太清樂四氣調來思長養，太清樂仙壇夜醮紫微君。太清樂，太清樂 右八

時來樂道正熙熙，太清樂八極靈仙是我師。太清樂太一真人臨土宇，太清樂蟠桃枝下屬文詞。太清樂，太清樂 右九

風清恬澹夜焚香，太清樂光景如流
四序長。太清樂瑞氣浮空何快意，太清樂
醮茶不敢預先嘗。太清樂，太清樂 右十

九天無間運三清，太清樂夜月寒光
海上明。太清樂紫府洞中堪眷戀，太清樂
步虛齊唱一聲聲。太清樂，太清樂 右十一

夜壇移燭似流星，太清樂駕鶴乘龍
羽蓋輕。太清樂勢聳雲端成絳闕，太清樂
十洲花好洞中明。太清樂，太清樂 右十二

步虛文好思無窮，太清樂姑射逍遙
夜境中。太清樂龍闕降祥天畔出，太清樂
韶音遠聽貫心聰。太清樂，太清樂 右十三

天仗門開闕帝閭，太清樂登壇玉籙
受經文。太清樂谿訝洞府吞祥氣，太清樂
王母追遊駕五雲。太清樂，太清樂 右十四

玉皇下視九天清，太清樂仰望層霄
一炷馨。太清樂勝境幽奇千萬億，太清樂
延年字字受丹經。太清樂，太清樂 右十五

上方章奏起清編，太清樂道士科儀
事業專。太清樂玉燭調來雲鬢鬢，太清樂
丹丘遊歷莫知年。太清樂，太清樂 右十六

奇絕文通妙入神，太清樂凝情瑞雪
片紛紛。太清樂玉華殿裏排章奏，太清樂

月滿楹庭擁白雲。太清樂，太清樂 右十七

寶閣香飄遶殿樞，太清樂帝城緣業
士民居。太清樂天真可愛遙空裏，太清樂
子育黎元盡樂胥。太清樂，太清樂 右十八

大象星羅混太清，太清樂五千言道
世長生。太清樂神仙來往雲霞麗，太清樂
白鳳經天自有程。太清樂，太清樂 右十九

一聲鶴唳九霄中，太清樂王母行天
闕苑風。太清樂幾許仙人來侍從，太清樂
齋心清潔盡微躬。太清樂，太清樂 右二十

金錄齋三洞讚詠儀卷上

金錄齋三洞讚詠儀卷中

宋真宗 皇帝御製
通奉大夫守尚書右僕射
兼中書侍郎上柱國清河
郡開國公張商英奉敕編

步虛詞 一十首

銅渾春律至，玉闕曉煙披。吉夢
通天意，靈文表帝期。奉符成鉅典，胥
字報純禧。克布烝民祐，應諧百福宜。

右一

錫符瞻絳闕，揆日會彤庭。迎導
森容衛，夤威罄典刑。氤氳流協氣，絡
繹奏祥經。苾苾修嘉薦，祇祇達杳冥。

右二

將議元封禮，期觀上帝心。清都
雲杳杳，丹禁漏沈沈。先覺迴鸞馭，遵
期錫玉音。喬封成紀號，虔鞏倍欽欽。

右三

上封初蒞事，吉夢復通真。王檢
功成近，龜書錫祐臻。靈丘揚典禮，恭
館答威神。介祉從穹昊，流祥及下民。

右四

右四

右四

右四

右四

右四

右四

右四

岱嶽琅函至，神州藻仗迎。流金

炎氣散，觸石慶雲生。喜見傾都意，歡
聞載路聲。華簪皆仰望，仙羽表殊清。
右五

右五

神臯求爽塏，珍館法園清。鴻應

流無極，丕功見有成。發祥開茂緒，介
祉佑羣生。億兆觀宏壯，虔恭意倍傾。
右六

右六

夕夢通中禁，仙游降上蒼。鴻源

昭濬發，丕曆協無疆。報況虔心積，儲
休瑞命昌。慶雲知不竭，億載保咸康。
右七

右七

福地求清界，良金範粹儀。中霄

聞聖訓，邃古啓昌期。累洽彰敷祐，精
衷報錫禧。乾乾瞻肖像，簡簡茂丕基。
右八

右八

藥宮成壯麗，郢匠極精微。層閣

形疑湧，虛簷勢若飛。寶龜生綠毳，畫
棟見靈輝。欽奉求多福，常期惠九圍。
右九

右九

竊窾門扃啓，崢嶸殿宇開。雲低

龍影度，風靜鶴音來。金簡藏三洞，飄
車湊九垓。何煩言閩苑，即此是龜臺。
右十

右十

玉清樂 一十首

玉清樂，玉清聖境異諸天，玉清樂五

門高敞在雲中。玉清樂知與三天路闔
通。玉清樂絳節參差凝瑞日，玉清樂洞音
縹緲引和風。玉清樂，玉清樂 右一

右一

祕殿岩嶢象玉虛，玉清樂颺遊臨暨

福祥敷。玉清樂百神設衛尊靈命，玉清樂
億載延禧佑帝圖。玉清樂，玉清樂 右二

右二

千尺高高薄紫煙，玉清樂望中隱隱

見靈仙。玉清樂上藏玉字昭丕貺，玉清樂
下佑璿圖保億年。玉清樂，玉清樂 右三

右三

宏構巍巍如嶽峙，玉清樂層軒弈弈

狀翬飛。玉清樂上清降冶流鴻福，玉清樂
下土祈禱仰烈輝。玉清樂，玉清樂 右四

右四

畫棟華椽臨福地，玉清樂琅函金簡

祕仙經。玉清樂民風永使臻清靜，玉清樂
帝緒常期奉慶靈。玉清樂，玉清樂 右五

右五

虛廊顯敞列丹青，玉清樂萬彙森然

罔遁形。玉清樂已按玉書圖隱景，玉清樂
更摹寶應載祥經。玉清樂，玉清樂 右六

右六

三尺齋壇碧玉成，玉清樂五更醮席

對繁星。玉清樂靈儀祇率遵三洞，玉清樂
景福咸臻保萬齡。玉清樂，玉清樂 右七

右七

萬壽無疆期景貺，玉清樂百靈咸秩

表虔心。玉清樂蕭薌午夜思昭格，玉清樂

欸駕層霄想降臨。玉清樂，玉清樂 右八

右八

臺號通天聞漢氏，玉清樂閣名降聖

想唐時。玉清樂豈將往古矜宏壯，玉清樂
但冀烝民受福禧。玉清樂，玉清樂 右九

右九

測影神臯求吉地，玉清樂僦工剛日

建宏規。玉清樂烝黎受福慶無筭，玉清樂
穹昊延祥悉在茲。玉清樂，玉清樂 右十

右十

太清樂，太清樂，太清何處以逍

遙。太清樂寶籙凝祥下玉虛，太清樂靈心

敷祐屬瑤圖。太清樂肇開恭館揚丕祐，太

清樂永祕琅函在上都。太清樂，太清樂 右

一

金繩揆日將成禮，太清樂玉字遵期

復降靈。太清樂緬法園方營壯麗，太清樂

仰延颺欸答高明。太清樂，太清樂 右二

右二

仙官協夢告靈期，太清樂真馭排雲

下禁闈。太清樂鴻緒發源聞錫羨，太清樂

珠宮報貺務夤威。太清樂，太清樂 右三

右三

貢金在冶鎔天表，太清樂離衛遵塗
展國經。太清樂邃古發祥成茂緒，太清樂

億年恭已奉鴻靈。太清樂，太清樂 右四

珍符錫祐彰垂裕，太清樂祕字成功

答降祥。太清樂勵翼豈曾忘夙夜，太清樂

誠明常冀達穹蒼。太清樂，太清樂 右五

苾芬清夜列皇闈，太清樂星斗熒熒

瑞氣滋。太清樂玉酒更無餘瀝在，太清樂

飈車默有降臨期。太清樂，太清樂 右六

顯敞層楹奉帝期，太清樂森羅珍果

備鴻儀。太清樂芳馨徧享彰來格，太清樂

感應冥通見錫禧。太清樂，太清樂 右七

天柱喬峰藏瑞石，太清樂道林開土

著微辭。太清樂真宗濬發形先覺，太清樂

丕曆延洪示後期。太清樂，太清樂 右八

昊穹降鑒顯鴻威，太清樂方册披文

叙烈輝。太清樂瑞日德星常並照，太清樂

喬雲協氣每交飛。太清樂，太清樂 右九

方地效祥羣寶日，太清樂靈芝擢秀

瑞尤多。太清樂已占共穎符多稼，太清樂

更育交柯協至和。太清樂，太清樂 右十

白鶴讚 一十首

羣嬉瑞羽出青田，望以霜華編撓

天。人世不知空仰嘆，靜思應是洞中

仙。右一

仙姿相續呈祥至，瑞典徐觀自古

同。方信揚音清蹕內，還同矯翼燎煙

中。右二

霜翎高逐祥風勢，朱頂低浮瑞日

輝。為顯靈心來表瑞，前迎祕籙每羣

飛。右三

八景戒期登祕宇，九清敷佑協祥

經。曾雲頡頏瞻仙羽，暴日徘徊在福

庭。右四

五金鎔範粹儀成，千里森羅藻衛

行。應有靈仙來述職，化為珍羽蔽空

迎。右五

福地將興橐籥功，人心祇慄夙宵

同。忽觀淬羽丹青色，飛上瑤壇煙霧

中。右六

良冶將期睹粹容，醮壇先事禱神

功。豈期嘉薦當中夜，忽有仙音在半

空。右七

舳艫相接濟洪川，萬目叢觀意惕

然。因見靈潮來巨壑，益知降祉自高

天。右八

寶艦乘流近帝都，應龍表瑞見全

軀。不隨翫鬱飛雲去，常與輝煌藻衛

俱。右九

鴻淵極目接蒼煙，巨艦揚帆獨晏

然。不獨陽侯收駭浪，更觀等覺見金

田。右十

散花詞 一十首

玉宇千門啓，金爐百和然。芬芳

盈法座，祇慄待羣仙。右一

天上春常在，花開不計時。瑤壇

露瑞露，芳氣更蕃滋。右二

仙葩色最紅，望與火雲同。為問

生何處，瀛洲清景中。右三

仙花不記名，百步有芳馨。華席

開清醮，飈車降紫庭。右四

洞中春不歇，常有百花香。攀折

來瑤席，芬芳徧道場。右五

禁苑花齊發，人間第一芳。雕盤

和湛露，蘭殿奉虛皇。右六

非剪亦非裁，先春曉夕開。為迎

真馭至，常有好風催。右七

散花花不盡，徧在玉清中。還似

卿雲起，紛紛迎碧空。右八

空裏花無際，元生玉帝宮。只來

臨靖館，不去逐和風。右九

此花顏色異，片片綺霞飛。散布
瑶壇上，徧霑羽客衣。右十

又散花詞七言，一十首

散花何處最花多，天上高天有大
羅。花在此中生本異，況將瑞露慶雲
和。右一

崑丘絕頂有龜臺，臺上奇花四序
開。不是羣仙朝玉帝，何由散到世間
來。右二

天上天花旦夕開，不同人世待春
來。天花每有天人折，將獻層城日幾
回。右三

瑶臺半夜露華滋，月帔朝真在此
時。時有仙花空裏降，吹來玉宇奉金
姿。右四

五色奇葩降洞天，仰觀空裏勢翩
翩。莫言仙境常時有，動是人寰億萬
年。右五

仙花折得自仙宮，散在珍臺曉景
中。玉闕有春春不老，璿圖受福福無
窮。右六

羽客驂鸞在半天，下瞻珍館意乾
乾。蓬萊折得花無數，散在殊庭黼座

前。右七

上林花卉先春發，幽谷鶯聲尚未
知。不遣常人攀折得，盡將福地奉真
期。右八

洞中三十六天春，仙境由來異世
人。採得名花何處去，將來宮館奉高
真。右九

仙官真侶往還頻，去看蓬山閬苑
春。每採芳華朝上帝，願均福佑及生
民。右十

金錄齋三洞讚詠儀卷中

金錄齋三洞讚詠儀卷下

宋徽宗皇帝御製

通奉大夫守尚書右僕射

兼中書侍郎上柱國清河

郡開國公張商英奉敕編

玉清樂 一十首

地居天上接空居，玉清樂萬象森羅
遍八區。玉清樂功用不知誰主宰，玉清樂
絳霞丹霧闕清都。玉清樂，玉清樂 右一

碧落空歌黍米珠，玉清樂十方勃勃
入無餘。玉清樂聞經慶喜難言說，玉清樂
九色龍騰八景輿。玉清樂，玉清樂 右二

羽童呼吸辟非煙，玉清樂煙氣徘徊
綠室前。玉清樂造化不從身外得，玉清樂
自根自本即三天。玉清樂，玉清樂 右三

帝景相將會玉洲，玉清樂明真層觀
紫雲浮。玉清樂掣開三八黃金鎖，玉清樂
無極虛皇在上頭。玉清樂，玉清樂 右四

白玉飛符下紫庭，玉清樂華旛三舉
召羣靈。玉清樂攀條咀嚼空青藥，玉清樂
五體金光射日星。玉清樂，玉清樂 右五

遠昌臺下海揚波，玉清樂得道高真始得過。玉清樂下格小仙追莫及，玉清樂

邕邕遙聽八鸞和。玉清樂，玉清樂 右六

五色雲營鬢鬢屯，玉清樂三三洞戶

敞瓊門。玉清樂何方道士通朱表，玉清樂

玉女飛函達上尊。玉清樂，玉清樂 右七

上景三元妙色精，玉清樂絳宮久已

列仙名。玉清樂更從大混存雌一，玉清樂

縹緲雲車駕羽明。玉清樂，玉清樂 右八

真陽館裏氣徘徊，玉清樂升降三宮

密往來。玉清樂生死不忤浮世事，玉清樂

相將五老上金臺。玉清樂，玉清樂 右九

三華太素自然生，玉清樂空裏芙蓉

灼灼明。玉清樂絳室金房虛寶座，玉清樂

大微童子下相迎。玉清樂，玉清樂 右十

上清樂 一十首

紫清天上育華林，上清樂絳實朱柯

竹葉深。上清樂咀嚼繁英身不老，上清樂

下觀烏兔換光陰。上清樂，上清樂 右一

元君八炁號青靈，上清樂錦帔飛裙

住玉城。上清樂把握帝符司道籍，上清樂

拔除塵累濟羣生。上清樂，上清樂 右二

高上皇人宴紫霄，上清樂擷芳常引

八騫條。上清樂肌膚表裏瑠璃徹，上清樂

映照三塗萬苦消。上清樂，上清樂 右三

九日宮中四老真，上清樂廣霞山上

宴仙賓。上清樂鳴鐘鼓瑟行靈醕，上清樂

碧落融融別有春。上清樂，上清樂 右四

浮絕山連白玉京，上清樂金華樓共

日華明。上清樂五真結就圓珠炁，上清樂

骨似丹瓊貌似嬰。上清樂，上清樂 右五

秀華峰下五靈都，上清樂元景神君

握化樞。上清樂真火有功能造物，上清樂

銷鎔五毒出陰途。上清樂，上清樂 右六

赫赫瞳瞳日九輪，上清樂六淵宮殿

紫元君。上清樂霞冠錦帔端居暇，上清樂

披拂祥煙著赤文。上清樂，上清樂 右七

佳炁青葱覆紫空，上清樂青精羽駕

命元童。上清樂逆風浩蕩三千里，上清樂

七返香煙處處通。上清樂，上清樂 右八

流汨池中大寶蓮，上清樂開花十丈

映池泉。上清樂嗅香飲水無飢渴，上清樂

綽約金華葉上仙。上清樂，上清樂 右九

萬仞霞山峙玉虛，上清樂四司冠劍

護靈都。上清樂衆真稽首持天禁，上清樂

腰佩仙皇逸錄符。上清樂，上清樂 右十

太清樂 一十首

太一元君掌列仙，太清樂彤暉絳彩

射芝田。太清樂功圓會遇刊名籍，太清樂

可但洪崖笑柏肩。太清樂，太清樂 右一

五節清香半夜焚，太清樂天人玉女

盡遙聞。太清樂味同炁合遙相應，太清樂

絳節霓旌下五雲。太清樂，太清樂 右二

太極元君翠翻車，太清樂萬魔奔走

聽神符。太清樂九龍縱步齊驤首，太清樂

時見空中吐火珠。太清樂，太清樂 右三

藥珠宮裏七言成，太清樂十一神君

一一名。太清樂雲擁蒼虬歸火府，太清樂

風隨素虎出滄瀛。太清樂，太清樂 右四

金闕明光後聖君，太清樂流津煥彩

結丹雲。太清樂不因太上相傳授，太清樂

安得人間有玉文。太清樂，太清樂 右五

元景巖巒聳太空，太清樂彭彭仙室

在霞中。太清樂九靈變化俄離合，太清樂

羽駕飄飄不可窮。太清樂，太清樂 右六

東井中涵皓月精，太清樂羣龍奮擲

運金甕。太清樂仙人灌沐知何代，太清樂

唯見玻璃透骨明。太清樂，太清樂 右七

渺渺三津繞帝川，太清樂川連紅霧

霧連天。太清樂玉靈仙母時遊息，太清樂侍衛森羅日月軒。太清樂，太清樂 右八

九靈玉館接崑崙，太清樂山隔流剛不可親。太清樂囑付紫蘭令說與，太清樂紅塵何苦弊精神。太清樂，太清樂 右九

左右靈飛運甲庚，太清樂琳房八景鍊華精。太清樂常陽宴罷歸何處，太清樂擲火流金事尅成。太清樂，太清樂 右十

步虛詞一十首

太極分高厚，輕清上屬天。人能修至道，身乃作真仙。行溢三千數，時丁四萬年。丹臺開寶笈，金口爲流傳。 右一

大梵三天主，虛皇五老尊。尚難窺微妙，豈復入名言。寶座臨金殿，霞冠照玉軒。萬真朝帝所，飛鳥躡雲根。 右二

濛濛如細霧，冉冉曳銖衣。妙逐祥煙上，輕隨綵鳳飛。幾陪瑤室宴，忽指洞天歸。竚立扶桑岸，高奔日帝輝。 右三

旋步雲綱上，天風颯爾吹。飄裾凌斗柄，秉笏揖參箕。獅子銜丹綬，騏驎導翠輜。飛行周八極，幾見發椿枝。

右四

綠鬢頰雲髻，青霞絡羽衣。晨趨陽德館，夜造月華扉。搏弄周天火，韜潛起陸機。玉房留不住，却向九霄飛。 右五

昔在延恩殿，中宵降九皇。六真分左右，黃霧遶軒廊。廣內尊神御，仙兵護道場。孝孫今繼志，咫尺對靈光。 右六

寶籙修真範，丹誠奏上蒼。冰淵臨兆庶，宵旰致平康。萬物消疵癘，三辰效吉祥。步虛聲已徹，更詠洞玄章。 右七

宛宛神洲地，巍巍衆妙壇。鶴袍來羽客，鳧舄下仙官。玉笋斟元醴，琅函啓太丹。至誠何以祝，四海永澄瀾。 右八

水暎魔宮懾，燈開夜府明。九天風靜嘿，四極炁澄清。嘯咏朱陵曲，翱翔白玉京。至誠何以祝，國祚永安榮。 右九

華夏吟哦遠，人聲自抑揚。沖虛歸道德，曲折合宮商。殿閣沉檀散，樓臺月露涼。至誠何以祝，多稼永豐穰。

右十

散花詞一十首

絳節徘徊引，天花散漫飛。高真無染著，片片不沾衣。 右一

八陛旋瑤級，千花颺錦英。綠淳并紫棕，煥麗不知名。 右二

淺淺黃金萼，勻勻白玉英。天風隨御駕，吹滿九重城。 右三

綽約縈空際，繽紛落座隅。韶華長不老，何處覓仙都。 右四

淨侶吟仙曲，人人讚善哉。萬花興供養，飛舞自天來。 右五

寶葉開琪圃，珍柯在紫微。不教蝴蝶採，長共綵鸞飛。 右六

聖境三千歲，仙花始一開。如何金籙會，併奉列真來。 右七

几席延鸞馭，香燈建寶壇。丹心無可獻，碎錦灑雲端。 右八

碧綠相差次，紅黃迭淺深。化工應自失，雕斲本何心。 右九

洞案爐煙起，無爲道德香。同根無異氣，噴鼻更芬芳。 右十

白鶴詞一十首

胎化靈禽唳九天，雪毛丹頂兩相鮮。世人莫認歸華表，來端昇平億萬年。

右一

瑶臺風靜夜初分，仰喙驚鳴露氣新。太液徘徊歸未得，曾於往劫作麒麟。

右二

靈鶴翩翩下太清，玉樓金殿曉風輕。昂昂不與雞為侶，時作冲天物外聲。

右三

三山碧海路非遙，來瑞清都下紫霄。霜雪羽毛冰玉性，瑶池深處啄靈苗。

右四

金火純精見羽儀，長隨王母宴瑶池。玉壇夜醮神仙降，飛過緱山人不知。

右五

五雲宮殿步虛長，斗轉旋霄夜未央。白鶴飛來通吉信，清音齊逐返魂香。

右六

一聲嘹淚九臯禽，換骨輕清歲月深。遼海等閑人不識，大羅天上有知音。

右七

白毛鮮潔映霜華，丹頂分明奪絳

紗。千六百年神炁就，飛鳴長伴玉仙家。

右八

蓬萊會散列仙歸，羽駕飄然白鶴飛。明代為祥人慣見，何須樂府詠金衣。

右九

玉宇沉沉瑞霧開，香風未斷鶴徘徊。奇姿會與青田別，定是仙人次第來。

右十

金錄齋三洞讚詠儀卷下

(陳耀庭點校)

011 金錄設醮儀

經名：金錄設醮儀。一卷。底本出處：《正統道藏》洞玄部威儀類。

法事如式

各禮師，存念如法

請宣神呪

五星列照，煥明五方。水星却災，木德致昌。熒惑消禍，太白辟兵。鎮星四據，家國利亨。名刊玉簡，字錄帝房。乘颿散景，飛騰太空。出入冥無，遊宴十方。五雲浮蓋，招神攝風。役使萬靈，上衛仙翁。和與道合真。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人

出。出者，嚴裝。關啓玄壇土地，方域神真。臣今靜夜，設醮朝修。欽奉其諸丹悃，具載詞文。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖昊天至尊金闕玉皇上帝御前。

請稱法位

具位臣姓某與臨壇官衆等，謹同誠上啓虛無自然無極大道玉清聖境元始天尊，上清真境靈寶天尊，太清仙境道德天尊，昊天至尊玉皇上帝，勾陳星宮天皇帝，中天星主北極紫微大帝，承天效法后土皇地祇，東極青華大帝，南極長生大帝，虛無諸天天尊，虛無諸天上帝，神霄九宸上帝，九天生神上帝，五方五老上帝，五福十神太乙真君，北斗中高上玉皇尊帝，北極玄卿大帝，日宮太陽帝君，月府太陰皇君，五方五德星君，玄都四曜星君，南斗六司星君，北斗九皇星君，東西中三斗星君，五斗中神仙諸靈官，天罡大聖奎光帝君，三台華蓋星君，二十八宿星君，十二宮分星君，六十甲子星君，皇帝本命星君，

皇太子本命星君，帝座照臨真宰，周天宿度星真，三元三官大帝，三元曹府真仙，北極四聖真君闕下真宰、清微靈寶歷代師真祖師，三天大聖師正一真君，正一三師真君、左右王趙二真人，三十大天師虛靖真君、正一歷代傳教師真，三洞四輔經錄中真仙聖衆，九天採訪使真君，天曹太皇萬福真君，九天天曹列班真宰，西山許吳十二位真君，太極仙翁真君，華蓋三仙真君，三茅司命真君，諸司院府主法高真，上界朝元真宰，雷霆法部官君，法靖所隸官將吏兵，五嶽五天聖帝嶽府威靈，水府扶桑大帝水鄉仙衆，太歲城隍祀典三界應感真靈，內廷五祀之神，監醮香官使者，玄虛下降糾察真司。恭望洪慈，俯垂洞鑒。臣伏以範圍天地之道，由三炁以混凝；昭回雲漢之章，自五篇而敷落。至陽赫赫，大量玄玄。妙不可以言思，功實參於化宵。顧齋科之肇立，惟醮設以先垂；願精感以回天，協寅恭而卜日。昭事上帝，松花之會實臨；懷柔百神，蘊藻之誠可薦。感通靡間，鑒

享無遺。以今臣等恭承旨命，以虔祈敬。款上玄之颯馭。香案之祥煙散彩，蠟臺之瑞影交輝。鳧鳥駕行，儼分班於左右；龍旂鸞輅，想駕景於空浮。著明懸兩曜之光，經緯仰衆星之拱。幽明洞啓，地神湧玉局之傍；浩渺泓澄，水帝出珠宮之表。金蚪策霧，遠辭三島之仙鄉；鐵馬嘶風，近侍九重之香案。衆真交會，萬象森羅。瞻穆穆之皇皇，敬雍雍而肅肅。俯臨法席，惠鑒精誠。臣與禮官法衆等，謹稽首再拜，遙望天階，祇迎聖駕。

降醮筵兩班列聖

三界衆真，醮筵列聖。向伸奉請，諒沐光臨。請肅整於仙班，共祇迎於帝馭。

降七御

鸞輿至止，鶴駕臨軒。與醮衆真，如儀朝禮。朝禮既周，各陞壇座。臣與禮官等，再拜上香，恭行初獻。

初獻法事

重稱法位

具位臣姓某與臨壇官衆等，謹重誠

再拜上啓虛無自然三清三境天尊，金闕至尊三皇上帝，承天效法后土皇地祇，諸天諸地諸水諸山，三界十方，千真萬聖，醮筵感降一切威靈。恭望洪慈，俯垂洞鑒。臣伏以有願必從，應默同於影響；無德不報，敬實在於精誠。仰惟皇極之尊榮，恭按師真之教典，齋修金錄，儀敬展於朝修；誠格鸞輿，禮畢陳於醮謝。理無有二，事豈懸殊。惟求福之不回，皆至誠之所感。洋洋在上，洞洞乎中。設醮青詞，謹當宣奏。

宣詞

恭承詞旨，備極精誠。惟一念之懇祈，庶幾默感；在多儀之克享，敢薦明禋。皇皇上帝之臨，濯濯百靈之會。居歆獻奠，肆集禎祥。聰明睿知，足以有臨；號令文章，煥乎可述。無爲而治，克臻清靜之風；有物皆春，永樂太平之世。皇圖廣大，聖筭綿長。臣與禮官等，再拜上香，恭行亞獻。

亞獻法事

臣謹重誠上啓虛無三清、上聖妙有

十極高真，三界萬靈、十方衆聖，醮筵感降一切真靈。恭望洪慈，俯垂洞鑒。臣伏以臨汝而無有貳，上帝居歆；體物而不可遺，敬神如在。惟俯據於丹悃，用仰答於洪恩。首陳之志拳拳，皈倚之誠翼翼。伏願神享于誠，天作之福。流恩家國，永揚不息之機；斂福宗藩，式副虔祈之請。有求皆應，無感不通。臣等致恭，禮伸終獻

終獻法事

宣狀疏

臣謹重誠上啓三清上帝，十極高真，玄穹帝座，星真厚地，洞天海嶽、醮筵感降，一切威靈。臣伏以晉接惟恭，幸仰瞻於天仗；節文成禮，敢久款於輿車。輝輝蠟炬之殘，裊裊鑪香之燼。金鍾韻息，玉漏聲催。乘清氣而御陰陽，目送龍輿之舉；戴皇天而履厚土，躬依鴻覆之仁。臣與禮官法衆等，無任攀戀感恩荷德之至。謹稽首再拜，奉辭聖駕。

送聖頌

存神燒香

香官使者、左右龍虎君、侍香諸靈官，當令臣向來設醮之所，自然生金液丹碧芝英。百靈衆真，交會在此，香火洞案鑪前。當願十方仙童，玉女接待，蘭煙傳臣向來所啓之誠，速達徑御至真無極大道三清上聖昊天至尊金闕玉皇上帝御前。

金錄設醮儀

(陳耀庭點校)

012 金錄齋放生儀

經名：金錄齋放生儀。一卷。
底本出處：《正統道藏》洞玄部
威儀類。

淨穢

法事

九清之上，高澤於至真；六合之中，用資於洪貺。恭炷道德真香，遙空啓奏，供養三境高真，十華上聖，諸天日月星斗宿度羣真，三元三官大帝，北極四聖真君，靈寶五師真君，祖天師正一真君，九天曹諸司聖衆，五嶽五山之神，地府幽陰聖衆，水府扶桑大帝，三界十方真宰。恭望居有勿有，中鑒無勿無內。傾光回駕，監真度生。臣伏以一元判天地人物之形，道涵萬化；庶類布動植飛潛之象，品列三才。稟賦之質雖分，陰陽之情固具。貪生惡

死，同趨利避害之心；渴飲飢餐，均求飽謀安之念。皆根源於元始祖氣，實肇分於太極真精。奈流俗之乖仁，徇世緣而非義。陸張水捕，合罾羅以掩羣；射宿驚棲，設網罟而併命。憫彼微物，罹此何辜。以今欽奉綸音，崇建寶齋。宣揚玉範，慶成釐事。克荷玄恩，再秉宸衷，用贖生命。縱之林野，俾自在以逍遙；放之源泉，獲安閑而游泳。咸遂有生之樂，用弘無上之恩。仰望三寶慈尊，九清上聖俯從丹悃，洞鑒淵衷。體聖君隆天厚地之仁，增延睿筭；遂萬物戾天躍淵之性，永固皇圖。普使寰區，同躋仁壽。稽首皈依，無極大道。

飛潛高下各流形，總是先天祖氣成。宿劫業因誰結習，今生異類且經行。遭逢網罟冤仇債，放贖林泉惠澤深。作善降祥隆萬壽，福覃寰宇樂升平。和不可思議功德。

伏以轉煩惱，作菩提，仁恩廣大；以神奇，化臭腐，厚德充同。雖胎卵濕化之業報有殊，而生老病死之機緘則

一。幸脫離於黑網，來會合於清壇。既向無生，而獲有生。已拜聖主好生之德，當由有念以至無念，共超大道希夷之關。悟多生趨向之非，識正性指歸之樂。隨緣展轉，超覺地以安閑；任運逍遙，證福鄉而游宴。永脫鱗介羽毛之苦，獲生安樂清靜之邦。恩不虛捐，當效珠環之報；德宜漸積，須堅金石之忱。稽首皈依，無極大道。

四生流浪久沈淪，業力膠纏本性昏。幸際恩光歸彼岸，宜回覺照脫迷津。惡都落滅冤愆罪，善地皈依惠愛仁。厚德無垠知感戴，密垂福慶萬齡春。和不可思議功德

放生

伏以集康寧妙德之福，由積世之精修；憫蠢動含靈之情，本宿生之業對。六塵輪轉，萬劫循環。有地獄，有天堂，品類均明於趨向；無衆生，無壽者，飛潛同受於陶鎔。以今道氣旁周，靈光下燭。上帝普昭天漏泉之惠，羣生膺回骸起死之仁。翩翩雲飛，山深林密；洋洋川泳，海晏河清。藉聖主

仁德天齊，好生志切。植今辰之福果，綿億載之洪基。陶九有之春臺，開八荒之壽域。清衆虔誠，諷誦如法。

靈書中篇

向來

回向

向來放生功德，無限良因。仗三寶以證明，冀衆真之鑒映。伏願仁及草木，化洽蟲魚。盡宇宙高下之中，仁風披拂；極天地圓方之外，惠日舒明。悉令萬類之沾恩，不使一夫之失所。上報生成之德，旁敷化育之仁。凡厥有情，悉歸正道。爲如上因緣，念玄都萬壽天尊、太平護國天尊、好生度命天尊、福生無量天尊，不可思議功德。

金錄齋^①放生儀

①原缺「齋」，補。

（陳耀庭點校）

013 金籙祈壽早午晚三

朝儀

經名：金籙祈壽早午晚三朝儀。
三卷。底本出處：《正統道藏》
洞玄部威儀類。

金籙祈壽早朝儀

法事如式

各禮師，存念如法

請宣神呪

元上青精，九炁太靈。神光遐散，
流映東青。華景鬱勃，灌我身形。官
府安鎮，寶魂自生。洞達八朗，飛升玉
庭。

鳴法鼓二十四通

無上三天玄元始三炁太上老君，
召出臣身中三五功曹、左右官使者、左
右捧香驛龍騎吏、侍香金童、傳言散花

玉女、五帝直符直日香官，各三十六人
出。出者，嚴裝顯服，冠帶垂纓。關啓
玄壇土地，方域神真。臣今早朝，陞壇
行道，朝謁帝真。欽奉 其諸丹悃，具
載緘騰。願得太上至真道炁靈寶瑞光
下降，流入臣等身中，令臣所啓之誠，速
達徑御至真無極大道三清上聖昊天至
尊金闕玉皇上帝御前。

請稱法位

具位臣，某與臨壇官衆等，謹同誠

上啓虛無自然至真無極大道玉清聖境
大羅元始天尊，太上道君，太上老君，
昊天至尊玉皇上帝，紫微上官天皇帝，
紫微中宮北極大帝，后土皇地祇，
玄都萬壽天尊，太平護國天尊，福生無
量天尊，玄都玉京七寶層臺紫微上官
靈寶至真諸君丈人，金闕諸天彌羅聖
衆，上相上宰，上保上傳，少保少傅，四
師五帝、十二仙卿，三十六部尊經，玄
中大法師，三天大法師，日月星宮、斗
府周天、宿度河漢星真，南極老人，福
祿壽星真君，皇帝本命星君，帝座照臨
星宰，三界內外應感一切真靈。臣聞，

元始開圖，六合煥真風之妙化；虛皇
御運，八圖流慧日之祥光。上變理於
天元，下裁成於地紀。聖神立極，敷大
道於混沌之初；民庶安居，沐至化於
鴻濛之後。主張橐籥，典領權衡。臣等
抗志玄關，潛心道域。卑棲塵棘，莫觀
妙於黃房；高蹈烟林，徒凝玄於紫戶。
誓立功而承宣化，期領教以致脩真。
凡有請祈，敢忘關告。以今欽承上命，
爰謹祝釐。

電繞斗樞，誕軒轅帝之瑞慶；星
輝華渚，肇金天氏之禎祥。有開必先，
咸符嘉應。光膺寶曆，允協昌期。欽
逢震夙之辰，祇建鴻禧之會。環拱同
尊於北極，崇高永比於南山。曆頒正
朔，以同文運。啓皇明之一統，萬方依
賴，天下太平。敬伸請命於玄穹，庸致
歸恩於皇極。醮陳金籙，經閱琅函。
霓旌晝靄以來臨，羽葆葳蕤而下降。
華封三祝，鈞樂九成。以今早朝，陞壇
行道，請法衆等，運茲初捻上香。願此
香烟騰空，徑上供養至真無上道寶大
羅元始天尊，金闕至尊玉皇上帝，無上

大羅至真衆聖。臣等皈身皈神皈命，首體投地，仰依太上三尊十方衆聖。願以是香功德，上祝皇帝陛下。恭願道合羲軒，功高湯武。百川宗海，闢浩渺之福源；六龍御天，啓穹窿之壽祉。萬邦仰芘，四海永清。今故燒香，自皈依師尊大聖衆。至真之德，得道之後，保天長存，和與道合真。

大明生東，小心事上。粲光華而駕景，極遐邇以乘晨。以今早朝，陞壇行道，請法衆等，運茲二捻上香。願此香烟騰空，徑上供養至真無上經寶玉宸靈寶天尊，紫微天皇大帝，禹餘天宮真仙聖衆。臣等皈身皈神皈命，太上三尊十方衆聖。願以是香功德，上祝皇帝陛下。恭願四時順序，萬國咸寧。修至道，修至德，修至仁，倍增景福；混元神，混元精，混元氣，永保長生。齊同慈愛之心，欣樂太平之象。今故燒香，自皈依師尊大聖衆，至真之德，得道之後，永保長生，和與道合真。

皇天無親，惟德是輔。信天道之有常，上帝好生，作善降祥，見帝心之

簡在。陽景開光於壽域，晨輝燭煥於朝班。以今早朝，陞壇行道，請法衆等，運茲三捻上香。願此香烟騰空，徑上供養至真無上師寶，五靈玄老天尊，紫微北極大帝，后土皇地祇，大赤天宮無鞅聖衆。臣等皈身皈神皈命，首體投地，仰依太上三尊十方衆聖。願以是香功德，上祝皇帝陛下。伏願旦氣清明，聖躬康泰。乾坤合德，廣揚化育之仁風；海嶽效靈，咸贊雍熙之至治。慶雲煥彩，甘露凝祥。今故燒香，自皈依師尊大聖衆至真之德。得道之後，保天長存，和與道合真。

禮方

懺悔

步虛

三啓

三禮

重稱法位

具位臣姓某謹重誠上啓三境至尊，十華上聖，玉京金闕天帝天真，日月星斗羣真，十方師尊聖衆，三界官屬，一切真靈。恭望洪慈，俯垂昭鑒。臣聞，

八千歲爲春秋，咸仰靈椿之永壽；九五福齊天地，再陳洪範之嘉言。仰瞻皇極之尊，莫罄華封之祝。臣等欽逢聖旦，恭奉綸音。教演冲科，儼對威顏之只尺；福資景運，用殫忠悃於再三。天聽匪遙，玄功莫測。願回肸鬻，普賜鑒觀。寶曆增輝，春藹九重之喜氣；金枝衍慶，雷同萬國之歡聲。歲有豐登，物無疵癘。邊域干戈而永戢，郊畿麟鳳以翱翔。海晏河清，風調雨順。則上明天尊大慈之化，下副臣等皈命之誠，謹啓以聞

十二願

存神燒香

香官使者、左右龍虎君、侍香諸靈官，當令臣向來早朝陞壇行道之所，自然生金液丹碧芝英，百靈衆真，交會在此，香火鑪前。當願聖鑒昭回，丹誠感格，十方仙童，玉女接待，蘭烟傳臣向來所奏之誠，速達徑御至真無極大道三清上聖昊天至尊金闕玉皇上帝御前。

出堂頌，回向

金錄祈壽早朝儀

金籙祈壽午朝儀

法事如式

各禮師，存念如法

請宣神呪

丹華流映，寶芝生光。神情徹幽，散靈八方。直符攝炁，嘯命朱童。三精敷煥，注我絳宮。赤神安鎮，五香溢充。洞映形外，表裏發光。身生水火，獨步飛行。和與道合真。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今午朝，陞壇行道，朝謁帝真。欽奉 其諸丹悃，具載緘牒。

願得太上至真道炁靈寶瑞光下降，流入臣等身中。令臣所啓之誠，速達徑御至真無極大道三清上聖昊天至

尊金闕玉皇上帝御前。

請稱法位

具位臣姓某與臨壇官衆等，謹同誠上啓虛無自然至真無極大道玉清聖境大羅元始天尊，太上道君，太上老君，昊天至尊玉皇上帝，紫微上宮天皇大帝，紫微中宮北極大帝，后土皇地祇，玄都萬壽天尊，太平護國天尊，福生無量天尊，玄都玉京七寶層臺紫微上宮靈寶至真諸君丈人，金闕諸天彌羅衆聖，上相上宰，上保上傅、少保少傅、四師五帝、十二仙卿，三十六部尊經，玄中大法師，三天大法師，日月星宮斗府、周天宿度、河漢星真，南極老人，福祿壽星真君，皇帝本命星君，帝座照臨星宰，三界內外應感一切真靈。臣聞，道啓洪濛，峙三才而並立；神居浩渺，由五太以潛分。上參乾象之高明，下列坤輿之溥博。大梵垂光芒之雲篆，至真示空洞之靈章。懸寶黍於空玄，振瓊音於寥廓。科傳億劫，教啓先天。臣等忝與冠裳，叨承教法。學識深慚於淺陋，包含實賴於寬洪。適逢聖壽之

屆期，大闡玄科而致禱。皈依九陛，恪盡一誠。凡有請祈，敢忘關奏。欽承上命，爰謹祝釐。華月映瑤光，吉慶鍾於顛帝；卿雲屬乾象，嘉祥見於唐時。南辰司祿筭以延洪，北極注年齡而永久。天皇萬八千歲，本清靜以長生；廣成千二百年，抱冲和而不老。時逢聖誕，醮闡真科。以今停午，陞壇行道，請法衆等，運茲初捻上香。願此香烟騰空，徑上供養至真無上道寶大羅元始天尊，金闕至尊玉皇上帝，無上大羅至真衆聖。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願道合三皇，名高五帝。日觀聳岱宗之頂，壽祉巍峨；天潢接崑崙之源，福基浩渺。治定會同於五服，勳成響應於八方。來玉帛以居尊，合車書而拱極。今故燒香，自皈依師尊大聖衆，至真之德，得道之後，保天長存，和與道合真。

晝刻傳呼，天顏有喜。瞻虹流之在渚，列鷺序以趨朝。以今停午，陞壇行道，請法衆等，運茲二捻上香。願此

香烟騰空，徑上供養至真無上經寶玉宸靈寶天尊，紫微天皇大帝，禹餘天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願慶衍九疇，尊居一統。執玉帛者來萬國，春滿乾坤；垂衣裳而撫八紘，風清閭闔。壽筭等華嵩而永固，福源同溟渤以弘深。神相蕃釐，天錫純嘏。今故燒香，自皈依師尊大聖衆，至真之德，得道之後，保天長存，和與道合真。

大明方中，品彙咸蒙於普照；真科再瀆，忱誠有冀於感通。以今停午，陞壇行道，請法衆等，運茲三捻上香。願此香烟騰空，徑上供養至真無上師寶五靈玄老天尊，紫微北極大帝，后土皇地祇，大赤天宮無邊聖衆。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願寶曆光華，金枝敷茂。皇圖世永，廣開泰運於八埏；聖壽天齊，普洽歡聲於四海。嘉祥畢集，景福咸臻。今故燒香，自皈依師尊大聖衆，至

真之德，得道之後，保天長存，和與道合真。

禮方

懺悔

命魔

三啓

三禮

重稱法位

具位臣姓某謹重誠上啓三境至尊、十華上聖、玉京金闕天帝天真、日月星斗羣真、十方師尊聖衆，三界官屬，醮筵設像一切威靈。臣聞，統馭兩間，壽筭齊天而不老；治隆九有，光明如日之方中。慶集百祥，茂膺五福。垂衣裳而致治，修禮樂以化民。尊居南面以趨朝，環拱北辰而有象。克綏四海，慶衍萬邦。妙參贊於神明，永奠安於宗社。天開壽域，日啓玄科。潔淨壇場，森嚴儀衛。歸心十極，瞻仙仗以齊臨；資福九疇，祝皇圖而永固。伏冀丙觀醮禮，申飭司存。書椿筭於青編，鑒宸衷於丹刻。五行應軌，七曜順躔。六氣和平，甘露零灑於天瑞；衆真歡

慶，醴泉融溢於地靈。年穀豐登，乾坤交泰。恩沾率土，德被普天。則上明天尊大慈之化，下副臣等皈命之誠。謹啓以聞。

十二願

存神燒香

香官使者、左右龍虎君、侍香諸靈官，當令臣向來午朝陞壇行道之所，自然生金液丹碧之英。百靈衆真，交會在此，香火鑪前。當願精誠孚感，聖壽綿長。十方仙童，玉女接待，蘭烟傳臣向來所奏之誠，速達徑御至真無極大道三清上聖昊天至尊金闕玉皇上帝御前。

出堂頌

向來

金錄祈壽午朝儀

金籙祈壽晚朝儀

法事如式

各禮師，存念如法

請宣神呪

北上太玄，五炁徘徊。寶華五重，流光煥輝。靈景鬱秀，洞映太微。仰注我身，內府鮮開。安鎮靈宅，萬神總歸。身生羽服，舉形仙飛。和與道合真。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今晚朝，陞壇行道，朝謁帝真。欽奉其諸丹悃，具載緘牘。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖昊天至尊金闕玉皇上帝御前。

請稱法位

具位臣姓某與臨壇官衆等，謹同誠上啓虛無自然至真無極大道玉清聖境大羅元始天尊，太上道君，太上老君，昊天至尊玉皇上帝，紫微上官天皇大帝，紫微中宮北極大帝，后土皇地祇，玄都萬壽天尊，太平護國天尊，福生無量天尊，玄都玉京七寶層臺紫微上官靈寶至真諸君丈人，金闕諸天彌羅衆聖，上相上宰、上保上傅、少保少傅、四師五帝、十二仙卿，三十六部尊經，玄中大法師，三天大法師，日月星宮斗府、周天宿度、河漢星真，南極老人，福祿壽星真君，皇帝本命星君，帝座照臨真宰，三界內外應感一切真靈。臣聞，無名無象，潛凝一炁之中；有數有生，默運萬殊之內。玄景昭明於空碧，真風流演於寰區。道妙難明，混三才而化育；功高不宰，溥四極以生成。臣等賦性疏庸，受資凡陋。漱流枕石，擬堅素志以卑棲；味道參玄，每恪丹誠而默守。欽逢聖旦，僭領齋科。仰叩瑤階，關宣祕典。

書傳洪範，壽爲五福之先；頌效

華封，誠切三祝之備。精氣神爲體元之大本，福祿壽集景祚於聖躬。位居帝極之尊，德配乾元之首。化日流光於法海，仁風布澤於仙都。敬肅朝儀，俯殫悃悃。以今晚朝，陞壇行道，請法衆等，運茲初捻上香。願此香烟騰空，徑上供養至真無上道寶大羅元始天尊，昊天至尊玉皇上帝，無上大羅至真衆聖。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願德冠百王，功高千古。恩沾寰宇，八紘普洽於陽春；壽等穹蒼，萬歲永尊於華夏。椿齡日茂，國祚天長。今故燒香，自皈依師尊大聖衆，至真之德，得道之後，保天長存，和與道合真。

綵霧浮空，香雲凝碧。耿耿朝趨之志，拳拳夕惕之心。以今晚朝，陞壇行道，請法衆等，運茲二捻上香。願此香烟騰空，徑上供養至真無上經寶玉宸靈寶天尊，紫微天皇大帝，禹餘天宮真仙聖衆。臣等皈身皈神皈命，首體投

地，仰依太上三尊，十方衆聖。願以是香功德，上祝皇帝陛下。伏願日月同明，乾坤合德。氣調律呂，齊七政之璇璣；令握權衡，和四時之玉燭。邦家協吉，民物沾恩。歲多豐稔之歡，世有和平之俗。兆民稱慶，萬壽尊安。今故燒香，自皈依師尊大聖衆，至真之德，得道之後，保天長存，和與道合真。

天維顯思，神其如在。散香風於壇陛，懸惠月於霄衢。以今晚朝，陞壇行道，請法衆等，運茲三捻上香。願此香烟騰空，徑上供養至真無上師寶五靈玄老天尊、紫微北極大帝、后土皇地祇、大赤天宮無鞅聖衆。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願文德誕敷，仁風廣被。德歌舜日，永隆億萬世之基；慶衍莊椿，高聳八千年之壽。神人協贊，宗社莫安。今故燒香，自皈依師尊大聖衆，至真之德，得道之後，保天長存，和與道合真。

禮方

懺悔

步虛

三啓

三禮

重稱法位

具位臣姓某謹重誠上啓三境至尊、十華上聖、金闕玉京天帝天真、日月星斗羣真、十方師尊聖衆，三界官屬一切真靈。臣聞，道之尊，德之貴，希微妙合於無言；大而化，聖而神，應響潛通於有感。天九重而密邇，日三接以虔祈。洞洞乎中，洋洋在上。欽承上命，爰謹祝釐。叩首玄穹，一統咸歸於聖世；傾誠紫極，衆星普耀於吉躔。飄旂俯賜於鑒觀，仙仗聿嚴於護衛。空歌振響，梵炁流晶。寶篆騰烟，擁旌節於空玄之上；銀燈絢綵，燦衣冠於雲錦之中。禮敬肅於朝儀，事恪遵於祕範。重念臣等依光宸陛，託蔭皇穹。列款陳詞，僭瀆高明之聽；登齋行道，寧無過謬之愆。仰賴寬容，普垂原赦。圓成福果，用贊洪禧。則上明天尊大慈之化，下副臣等皈命之誠。謹啓以聞。

十二願

存神燒香

香官使者、左右龍虎君、侍香諸靈官，當令臣向來晚朝陞壇行道之所，自然生金液舟碧之英。百靈衆真，交會在此，香火鑪前。當願聖鑒昭回，丹誠感格。十方仙童，玉女接待，蘭烟傳臣向來所奏之詞，速達徑御至真無極大道三清上聖昊天至尊金闕玉皇上帝御前。

出堂頌

回向

金錄祈壽晚朝儀

(陳耀庭點校)

014 金錄上壽三獻儀

經名：金錄上壽三獻儀。一卷。
底本出處：《正統道藏》洞玄部
威儀類。

法事

聰明作元，后際虹渚之開祥；日月有容，光望龍墀而稱慶。

具職臣姓某謹同代禮官某等，誠歡誠抃，稽首頓首，再拜上奏中天星主北極紫微大帝、日月星斗列曜羣真，皇帝本命元辰星君，南極老人壽德星君，上清福德星君，上清祿德星君，帝座照臨星宰、周天宿度拱極高真。恭望洪慈，洞回淵鑒。臣聞，元始開圖，散真風於萬有；虛皇御運，流化雨於十華。林林而宇內寓形，戢戢而寰中稟命。臣等欽惟皇帝陛下，尊居皇極，總萬國之權衡；撫育黎民，開八荒之壽域。和氣

冲融於天闕，歡聲洋溢於坤輿。茲逢聖誕之辰，爰舉玄元之典。醮修金錄，境現瑤壇。稽首蒼穹，謹效華封，人之三祝，歸心至道，用祈聖天子之萬年。伏望上聖垂恩，元尊錫慶。玄龍駕景，陪瓊輪羽蓋之班；朱鳳翼轅，降綠輦丹輿之仗。不遺懇悃，允副謙恂。臣與禮官等，誠歡誠抃。稽首頓首，再拜上香，酒陳初獻。

法事

奏樂

臣聞，大德本乎生，上帝之統臨無外；五福一曰壽，下情之期望彌深。爰摠誠敬扣於天聰，而延壽用希於景貺。冀垂鑒應，克副虔祈。伏念臣等忝承正一之宗，罔悟函三之妙。爰清爰靜，愧修習之多違；曰希曰微，信言思之莫及。幸逢景運，喜近清光。恭逢樞繞之辰，肅闡玄元之典。上祝皇帝陛下，恭願一人有慶，萬國咸寧。福祿壽眾星，煥瑤光於帝座；夏商周三代，協熙皞於天朝。永樂大明，弘開壽域。臣與禮官等，誠歡誠抃，稽首頓首，再

拜上香，酒陳亞獻。

法事

奏樂

臣聞，視聽自天，惟帝心之簡在；歡呼動地，祝聖壽之延洪。會陰陽感召之機，合天地和同之德。臣等拳拳奉命，翼翼存誠。玄科次第以敷陳，景祚萬安而致禱。伏願道無終始，德被邇遐。八節四時，和氣常臻於宸極；三元六甲，福星咸順於機衡。贊邦家有永之年，洽海宇雍熙之治。仁天廣大，聖日光明。百揆忠良，美政懋敷於中外；兆民鼓舞，頌聲普及於耄倪。慶衍金枝，瑞綿寶曆。臣等誠歡誠抃，稽首頓首，再拜上香，酒陳終獻。

奏樂

諷清靜經

上疏

焚燎

向來

回向

向來恭對，道前敷陳，丹悃備陳，薦獻法事，粗周具有，進獻凡儀。仰冀

聖真，俯垂洞鑒。伏願丹極儲祥，紫宸益筭。巍巍大業，藉神明協陰翊之功；蕩蕩洪恩，俾民庶遂雍熙之樂。風調雨順，地久天長。再憑道力，志心稱念，玄都萬壽天尊。不可思議功德。

衆跪贊三呼

禮畢

金錄上壽三獻儀

(陳耀庭點校)

015 金錄延壽設醮儀

經名：金錄延壽設醮儀。一卷。
底本出處：《正統道藏》洞玄部
威儀類。

法事如式

各默禮師，存念如法

五星列照，煥明五方。水星却災，木德致昌。熒惑消禍，太白辟兵。鎮星四據，家國利亨。名刊玉簡，字錄帝房。乘飆散景，飛騰太空。出入冥無，遊宴十方。五雲浮蓋，招神攝風。役使萬靈，上衛仙翁。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官使者，各三十六人出。出者，嚴裝顯服，冠帶垂纓。

關啓此間土地，里域神真。臣今設醮朝修，欽奉。其諸丹悃，具載緘牘。願得太上十方正真生炁下降，流入臣等身中，令臣所啓之誠，速達徑御至真無極大道三清上聖昊天至尊金闕玉皇上帝御前。

請稱法位

具位臣姓某與臨壇官衆等，謹同誠上啓太上無極大道虛無自然元始天尊，虛皇玉晨大道君靈寶天尊，萬變混沌玄元老君道德天尊，昊天至尊玄穹高上帝，勾陳上官天皇大帝，中天星主紫微北極大帝，神霄玉清長生大帝，東極青華大帝，后土皇地祇，九天生神上帝，三十二天帝君，五靈五老上帝，玄都萬壽天尊，太平護國天尊，福生無量天尊，大羅諸天天尊、諸后元君，上清十一大曜星君、南斗六司延壽星君、北斗九皇延生星君、夫人內妃仙眷，二十八宿星君，十二宮辰星君、上清福祿壽三星真君，皇帝本命星君、帝座照臨星宰，泰玄樞機三省上相真君、三元三官大帝、北極四聖真君、靈寶五師真君、

九天金錄無量壽生神君，十方無極飛天神王、三界大勳魔王，三天門下三元真君，引進詞表靈官、諸司院府主法高真、雷霆三司天君、上界朝元列班真宰，五嶽五帝真君、五天聖帝洞天福地靖盧治化仙官，北陰玄天酆都大帝、水府扶桑大帝，本靖本派經籍度師、列位真人，馬趙關溫四大元帥，城隍社令、祀典明神、內廷五祀之神，三界醮筵真宰，虛空鑒察威靈。臣聞，道先天地，凝光明於混洞之中；化並陰陽，妙裁成於鴻濛之內。包羅有截，囊括無垠。曰希、曰夷、曰微，上極無上；惟玄、惟元、惟始，高拱彌高。仰窺則恍忽難名，俯視則杳冥莫測。凡居陶冶，孰越範圍。臣等樗散菲材，塵籠濁質。追隨幻境，徒冉冉於駒馳；撫閱流光，悵悠悠於兔逐。矢心補過，勵志立功。期精進以學真，庶操存而領教。臣欽奉綸音，肅嚴祀事。爰恪遵於玄範，庸肅闡於朝儀。葵藿傾誠，蘋蘩致敬。伏望元尊錫慶，上聖流光。朱鳳翼轅，降綠輦丹輿之仗；玄龍驂乘，陪瓊輪羽

蓋之班。三界侍軒，萬真受事。式副再三之悃，不遺萬一之忱。臣等下情，不勝凝俟之至。

降兩班聖位

三界衆真，醮筵列聖。向伸拜請，諒沐光臨。請各整於仙班，共祇迎於帝御。

降聖

雲輿

鸞輿至止，鶴駕臨軒。與醮列真，如儀朝禮。朝禮既周，請陞醮席。禮官上香，酒陳初獻。

法事

重稱法位

具位臣姓某重誠上啓三清上聖、十極高真，圓穹之帝后仙真，方域之曹僚主執，三界內外一切真靈。臣聞，三洞流光，玉局注延生之典；九清布化，琅函垂益壽之文。自萬變混沌以傳經，繇六合高明而啓教。恩流黃混，澤浹清微。恭逢聖誕之甫臨，敬致華封之頌祝。臣等籲天激切，扣地勤拳。每懷九還御氣之方，欲致七返延真之術。

仰依大道，用助洪禧。弘開金籙之玄文，普迓玉京之上聖。來颿旂於黃道，駐寶輦於瑤壇。喜溢天恩，壽增聖筭。具如詞悃，俯伏奏聞。

宣詞

詞文控露，玄鑿孔昭。黍稷非馨，謹寓粢盛之潔；蘋蘩可薦，爰陳綿蕪之儀。伏願倉倉時歆，高高日監。尊彝間錯，伶華鳴九奏之音；籩豆靜嘉，符寶擁九光之仗。克誠切切，庸敬渠渠。冀垂陰翊之功，永協昇平之慶。臣等上香，酒陳亞獻。

進狀

臣聞，天雖高而聽卑，惟人心而無間；人欲壽而請禱，必天聽以潛孚。影響無違，鼓桴胥契。臣今欽奉綸音，建壇設醮，已荷慈觀。降福延年，諒從真禱。伏願皇圖永固，聖壽萬安。新慶宜增，睹椿松之茂悅；夙心昭著，對箕翼之輝明。壽等華嵩，福同河漢。至治協唐虞之世，雍和樂義昊之風。次願臣等障惱消除，塵緣解脫。傳道授法，志有合於金蘭；守默存誠，操益堅

於冰檠。凡有祈扣，悉藉帡幪。上願圓蓋高華，方輿澄晏，山靈薦瑞，川后呈祥。雨順風調，百穀登成於地利；星移斗轉，四時常施於天恩。同文同軌以同倫，曰富曰康而曰壽。鳶飛魚躍，均陶一炁之生生；獸舞鳳儀，普合萬形之化化。凡諸有識，悉證無爲。臣等致恭，酒陳終獻。

法事

重稱法位

具位臣姓某重誠上啓三清上聖、十極高真、日月星斗、本命星君、天地神祇、陰陽主宰、三界內外應感真靈。臣聞，萬帝臨軒，媿葛藟之可擇；千官侍坐，諒葑菲之不遺。獻酬已罄於三周，奠享幸殫於一念。以今玉杓影轉，銀漢光斜。月澹八鸞，已翩翩而上運；風清九鳳，復搖曳以高征。烟駟傍馳，雲龍遐邁。臣等無從控挽，惟劇瞻馳，不勝依戀之至。臣與臨壇官衆等，謹稽首頓首，奉辭聖駕。

送聖頌

存神燒香

香官使者，左右龍虎君、侍香諸靈官，當令臣向來設醮朝修之所，自然生金液丹碧芝英。百靈衆真，交會在此，香火鑪前。當願皇圖永固，聖壽萬安。十方仙童、玉女接待，蘭烟傳臣向來所啓之誠，速達徑御至真無極大道三清上聖昊天至尊金闕玉皇上帝御前。

回向

向來

金錄延壽設醮儀

（陳耀庭點校）

016 金錄玄靈轉經早午

晚行道儀

經名：金錄玄靈轉經早午晚行道儀。三卷。底本出處：《正統道藏》洞玄部威儀類。

玄靈轉經早朝行道儀

法事如式

各禮師，存念如法

請宣神呪

九天上景，化生華暉。晃漾太空，曜真紫微。上致中皇，百神降回。散根離苦，八難豁開。七祖同升，福慶巍巍。使我神仙，八景齋飛。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花

玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今早朝，陞壇行道，朝謁神真。欽奉其諸丹悃，具奏臧膳。願得太上至真道炁靈寶瑞光下降，流入臣等身中。令臣所啓之誠，速達徑御至真無極大道三清上聖中天星主紫微大帝北斗九皇星君御前。

請稱法位

具位臣姓某與臨壇官衆等，謹同誠上啓太上無極大道斗極祖師元始天尊，斗極玄師靈寶天尊，斗極宗師道德天尊，昊天玉皇上帝，北極紫微大帝，紫微天皇帝，斗中高上玉皇尊星君，大微玉帝，北極玄卿大帝君，北斗天英貪狼大星君，北斗天任巨門元星君，北斗天樞祿存真星君，北斗天心文曲紐星君，北斗天禽廉貞綱星君，北斗天輔武曲紀星君，北斗天衝破軍關星君，北斗洞明左輔星君，北斗隱光右弼星君，九皇夫人、九陰內妃、天罡大聖萬真節度奎光帝君、北斗中三台華蓋星君，當生本命星君，南極老人壽德星君、上清

福德星君、上清祿德星君，帝座照臨星宰、二十八宿星君，六十甲子星君、道德玄曹官君聖衆，玄中大法師真君、三天大法師真君，中天九省諸相丈人、左右繡衣使者、擎羊陀羅使者，四直玉文功曹、通事舍人，斗中千乘萬騎，一切真靈。恭望洪慈，俯回洞鑒。臣聞三景開明，九星胤彩。地祇擁玉局之座，道運昭敷；天師侍金闕之尊，經文煥耀。作舟船而津梁男女，司喉舌而統御仙靈。凡居堪輿之中，孰出陶鎔之外。臣等宿緣儲慶，真籍登名。參河圖豁落之文；佩三五璇璣之錄。勉思功行，庸贊生成。以今欽奉聖旨，崇修金錄。臣等恪遵經訣，夙建靈壇。象地法天，望紫宸而稽首；延生益筭，注丹簡以傾心。願施雨露之恩，冀順陰陽之序。以今早朝，陞壇行道，請法衆等，運茲初捻上香。願此香烟騰空，徑上供養至真無上道寶大羅元始天尊、紫微上宮天皇帝、玉斗二帝、九皇星君、清微天宮真仙聖衆。臣等皈身皈神皈命，首體投地，仰依太上三尊、十方衆聖。

願以是香功德，上祝皇帝陛下。伏願乾坤呈彩，河洛輝符。赤鴈白麟，千古紀瑤圖之瑞；金枝玉葉，萬年開寶曆之祥。聖壽天齊，皇明日麗。今故燒香，自皈依師尊大聖衆，至真之德，得道之後，保天長存，和與道合真。

以今早朝，陞壇行道，請法衆等，運茲二捻上香。願此香烟騰空，徑上供養至真無上經寶玉宸道君、靈寶天尊、紫微中宮北極大帝、當生本命元辰星君、帝座照臨星宰、禹餘天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，敬祝皇太子殿下。伏願真風披拂，慧日舒明。碧漢流祥，壽域天開於箕翼；紫樞衍慶，福源雲集於芝蘭。今故燒香，自皈依師尊大聖衆，至真之德，得道之後，保天長存，和與道合真。

以今早朝，陞壇行道，請法衆等，運茲三捻上香。願此香烟騰空，徑上供養至真無上師寶五靈元老、道德天尊、南極老人壽德星君、上清福德星君、上清祿德星君、太赤天宮真仙聖

衆。臣等皈身皈神皈命，首體投地，仰依太上三尊、十方衆聖。願以是香功德，皈流臣等三師四友、同學門人。伏願性天澄湛，心地虛明。定錄金華，八萬四千之塵勞淨盡；標名玉簡，一千二百之戒行周圓。今故燒香，自皈依師尊大聖衆，至真之德，得道之後，永保長存。和與道合真。

七元覆護天尊

啓經

臣聞，本命經訣，無上法橋。實三洞之真宗，爲羣生之正路。故開轉者，得生人中，而聰明殊勝；令持誦者，永爲身寶，而福壽可稱。臣自愧凡微，欣逢化育。荷七星之降炁，感一極之垂精。持人命以保天年，既悉由於主宰；設醮筵而修香火，敢自蹈於輕迷。欽奉綸音，崇修金錄。三時行道，依祕典以宣揚；九徧轉經，按洞章而嘯詠。玄壇闡事，紫極布恩。期密仗於一乘，可增延於萬壽。伏願玄靈煥彩，斗極流輝。監茲一瓣之香，恪賜九光之燭。冀一人之有慶，四海永清；感萬聖之

護持，千真敬仰。達生榮界，出入福鄉。稽首皈依，人各恭敬。

三皈依

志心皈依，十方經寶，當願衆生，心開悟解，受持讀誦。

志心皈依，十方道寶，當願衆生，起心回向，一切信禮。

志心皈依，十方師寶，當願衆生，普上法橋，無有障礙。

宿命贊

宿命有信然，弱喪謂之無。皆欲眼前見，過目即言悠。大賢明道教，慘戚憫頑夫。依依念子苦，勤勤令我憂。

臣等謹按經云，北辰在上，而衆星拱之，爲造化之樞機，作人神之主宰。有消災度厄之力，有延齡益壽之功。上至帝王，下及庶人。尊卑雖則殊途，命分俱無差別。以今欽奉綸音，崇修金錄，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖、第一太尉府天英貪狼玉晨君，乞爲削落南離九紫、鶉火分野、一切之厄。仰希矜軫，俯賜允

俞。臣不勝激切之至，修行經法。

敷座贊

題經

誦經畢

解座贊

臣等向來，祇率清衆，升壇行道。

上祝聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身。人各運誠，旋行讚詠。

步虛，引至南方，上香，旋行復

位

玄靈感應天尊

臣等謹按經云，本命之日，修齋設醮，啓祝北斗，三官五帝，九府四司，薦福消災，奏章懇願，功德深重，不可具陳。以今欽奉綸音，崇修金籙，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖，第一上宰府天任巨門玉晨君。乞爲削落東北艮位、八白折木、星紀分野、一切之厄。仰希矜軫，俯賜允愈。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，升壇行道。

上祝聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身。人各運誠，旋行讚詠。

步虛，引至東北方，上香，旋行

復位

大慈延壽天尊

臣等謹按經云，若有危厄，如何救解。急須投告北斗，醮謝真君，及轉真經，認本命真君，方獲安泰，以致康榮。以今欽奉綸音，崇修金籙，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖、第二司空府天柱祿存玉晨君。乞爲削落西兌大梁分野、一切之厄。仰希矜軫，俯賜允愈。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，升壇行道。

上祝聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身。人各運誠，旋行讚詠。

步虛，引至西方，上香，旋行復

位

三聞經

聞經已後，當願天長地久，海晏河清。

聞經已後，當願聖壽萬安，皇圖鞏固。

固。

聞經已後，當願金枝蕃衍，寶曆綿

洪。

發願

存神燒香

香官使者、左右龍虎君、侍香諸靈官，當令臣向來早朝轉經行道之所，自然生金液丹碧芝英。百靈衆真，交會在此，香火鑪前。當願丹誠感格，洪貺

潛敷。聖壽萬安，皇圖永久。十方仙童，玉女接待，蘭烟傳臣向來所奏之誠，速達徑御至真無極大道三清上聖紫微北極大帝北斗九皇星君御前。

出堂頌

玄靈轉經早朝行道儀

玄靈轉經午朝行道儀

法事如式

各禮師，存念如法

請宣神呪

太上玄一，九皇吐精。三五七變，洞觀幽冥。日月垂光，下徹神庭。俠照六合，太一皇寧。帝君金闕，金書不傾。五老奉符，天地同成。使我不惑，以致真靈。却遏萬邪，禍害咸平。上朝天皇，還老返嬰。大帝有制，百神敬聽。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今午景，升壇行道，朝謁帝真。欽奉其諸丹悃，具載緘牘。願得太上至真道炁靈寶瑞光下降，流入臣等身中。令臣所啓之誠，速達徑御至真無極大道三清上聖、紫

微北極大帝、北斗九皇星君御前。

請稱法位

具位臣姓某與臨壇官衆等，謹同誠上啓太上無極大道斗極祖師元始天尊，斗極玄師靈寶天尊，斗極宗師道德天尊，昊天玉皇上帝，紫微天皇大帝、北極紫微大帝、斗中高上玉皇尊星君、太微玉帝、北極玄卿大帝君，北斗天英貪狼大星君、北斗天任巨門元星君、北斗天樞祿存真星君、北斗天心文曲紐星君、北斗天禽廉貞綱星君、北斗天輔武曲紀星君、北斗天衝破軍關星君、北斗洞明左輔星君、北斗隱光右弼星君、九皇夫人、九陰內妃、天罡萬真節度奎光帝君、斗中三台華蓋星君，當生本命星君，南極老人壽德星君、上清福德星君、上清祿德星君，帝座照臨星宰、二十八宿星君，六十甲子星君、道德玄曹官君聖衆、玄中大法師真君、三天大法師真君，中天九省諸相丈人、左右綉衣使者、四直玉文功曹、通事舍人，斗中千乘萬騎，一切真靈。恭望洪慈，洞回昭鑒。臣聞十政儲精，一元肇象。虛無

妙炁，生神寶於赤明；圓滿化身，說真經於永壽。爲衆生而設教，仰大聖以通靈。惟陰陽妙幹於權衡，而禍福悉由於主宰。臣等右壇綴武，左藉登名。期翊贊於真風，庸開明於慧日。踴躍修奉，誓願流行。以今欽奉綸音，崇修金錄。臣等恪遵妙訓，夙奉明科。酌水獻花，建瑤壇而請命；延生注福，扣玉闕以馳神。諒葑菲之不遺，監葵藿之有造。以今午朝，陞壇行道，請法衆等，運茲初捻上香。願此香烟騰空，徑上供養無上至真道寶大羅元始天尊、紫微上宮天皇帝、玉斗二帝、九皇星君、清微天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，上祝皇帝陛下。伏願道契兩儀，德涵四象。常清常靜，八荒宣玉燭之和；同軌同文，六合慶金穰之瑞。今故燒香，自皈依師尊大聖衆，至真之德，得道之後，保天長存，和與道合真。

以今午朝，陞壇行道，請法衆等，運茲二捻上香。願此香烟騰空，徑上

供養至真無上經寶玉宸道君、靈寶天尊、紫微中宮北極大帝、當生本命元辰星君、帝座照臨星宰、禹餘天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，上祝皇太子殿下。伏願膏沐太和、涵濡景運。龍墀日永，來浩浩之福源；鶴禁春融，集穰穰之喜氣，今故燒香，自皈依師尊大聖衆，至真之德，得道之後，保天長存，和與道合真。

以今午朝，陞壇行道，請法衆等，運茲三捻上香。願此香烟騰空，徑上供養至真無上師寶五靈玄老、道德天尊、南極老人壽德星君、上清福德星君、上清祿德星君、大赤天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，歸流九州四海、萬姓三農。伏願神風披冒，愛日薰陶。老安少懷，田野被無爲之化，耕食鑿飲，里閭歌有道之長。今故燒香，自皈依師尊大聖衆，至真之德，得道之後，永保長存，和與道合真。

三皈依

志心皈依，十方經寶，當願衆生，心開悟解，受持讀誦。

志心皈依，十方道寶，當願衆生，起心回向，一切信禮。

志心皈依，十方師寶，當願衆生，普上法橋，無有障礙。

宿命贊

臣等謹按經云，三元八節，本命元辰，北斗下日，嚴置壇場，轉經齋醮，依儀行道，其福無邊。以今欽奉綸音，崇修金錄，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖，第四遊擊府天心文曲玉晨君。乞爲削落西北乾位、六白陬訾、降婁分野一切之厄。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣向來，祇率清衆，陞壇行道，上祝

聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身，人各運誠，旋行讚詠。

步虛，引至西北方，上香，旋行

復位

七元覆護天尊

臣等謹按經云，可以酌水獻花，冥心望北極，稽首禮拜，念本命真君名號。亦不虛過本命限期，皆得延生注福，繫係人身，灾厄蠲除，獲福無量。以今欽奉綸音，崇修金籙，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖，第五斗君府天禽廉貞玉晨君。乞為削落申宮五黃分野一切之厄。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，陞壇行道，上祝聖壽萬安，轉誦《太上玄靈北斗本命

延生真經》各一過，並已周圓。恭望福壽資命，善果臻身，人各運誠，旋行讚詠。

步虛，引至申宮，上香，旋行復

位

大慈延壽天尊

臣等謹按經云，於是真君名號，不可得聞。凡有見聞，能持誦者，皆道心深重，宿有善緣。其功德力，莫可稱量。以今欽奉綸音，崇修金籙，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖，第六太常府天、輔武曲玉晨君。乞為削落東南巽位、四碧壽星、鶉首分野、一切之厄。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，陞壇行道。上祝聖壽萬安，轉誦《太上玄靈北斗本命延生真經》各一過，並已周圓。恭望

福壽資命，善果臻身。人各運誠，旋行讚詠。

步虛，引至東南方，上香，旋行

復位

三聞經

聞經已後，當願 天長地久，海晏

河清。

聞經已後，當願 聖壽萬安，皇圖

鞏固。

聞經已後，當願 金枝蕃衍，寶曆

綿洪。

發願

存神燒香

香官使者、左右龍虎君、侍香諸靈官，當令臣向來午朝轉經行道之所，自然生金液丹碧芝英。百靈衆真，交會在此，香火鑪前。當願丹誠感格，鴻貺潛敷，聖壽萬安，皇圖永固。十方仙童，玉女接待，蘭烟傳臣向來所奏之誠，速達徑御至真無極大道三清上聖紫微北極大帝北斗九皇星君御前。

出堂頌

玄靈轉經午朝行道儀

玄靈轉經晚朝行道儀

法事如式

各禮師，存念如法

請宣神呪

北上太玄，五炁徘徊。寶華五重，流光煥輝。靈景鬱秀，洞映太微。仰注我身，內府鮮開。安鎮靈宅，萬神總歸。身生羽服，舉形仙飛。

鳴法鼓二十四通

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今晚朝，陞壇行道，朝謁帝真。欽奉其諸丹愜，具載緘臚。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖紫微北極大帝北斗九皇星君御前。

請稱法位

具位臣姓某與臨壇官衆等，謹同誠

上啓太上無極大道斗極祖師元始天尊，斗極玄師靈寶天尊，斗極宗師道德天尊，昊天玉皇上帝，紫微天皇大帝，北極紫微大帝，斗中高上玉皇尊星君，太微玉帝，北極玄卿大帝君，北斗天英貪狼太星君、北斗天任巨門元星君、北斗天樞祿存真星君、北斗天心文曲紐星君、北斗天禽廉貞綱星君、北斗天輔武曲紀星君、北斗天衝破軍關星君、北斗洞明左輔星君、北斗隱光右弼星君、九皇夫人、九陰內妃、天罡大聖萬真節度奎光帝君、北斗中三台華蓋星君，當生本命星君，南極老人壽德星君，上清福德星君、上清祿德星君，帝座照臨星宰、二十八宿星君、六十甲子星君、道德玄曹官君聖衆、玄中大法師真君、三天大法師真君、中天九省諸相丈人、左右綉衣使者、擎羊陀羅使者、四直玉文功曹、通事舍人，斗中千乘萬騎一切真靈。恭望洪慈，俯垂洞鑒。臣聞，中極流輝，左垣煥彩。混元啓運，呈鶴鳴玉局之祥；正一承流，演龍漢瑤編之祕。

由茲經訣，遍徹堪輿。修正道以入仙宗，度天民而示妙法。日星有耀，雨露無私。臣等幸際法橋，稟依聖造。既緝熙於帝化，盍宣暢於皇風。以今欽奉綸音，崇修金籙。臣等肅嚴琳宇，聿建瑤壇。種種香花，旌請命祈恩之愜；巍巍功德，企延生注福之私。庸扣首於大鈞，希留心於皇極。以今晚朝，陞壇行道，請法衆等，運茲初捻上香。願此香烟騰空，徑上供養無上至真道寶大羅元始天尊、紫微上宮天皇大帝、玉斗二帝、九皇星君、清微天宮真仙聖衆。臣等皈依神命，首體投地，仰依太上三尊、十方衆聖。願以是香功德，上祝皇帝陛下。伏願八極拱辰，三靈輔德。龜圖九範，天開聖瑞於河清；虎拜萬年，帝闢神畿於地大。今故燒香，自皈依師尊大聖衆，至真之德，得道之後，保天長存，和與道合真。

以今晚朝，陞壇行道，請法衆等，運茲二捻上香。願此香烟騰空，徑上供養無上至真經寶玉宸道君，靈寶天尊、紫微中宮北極大帝、當生本命元辰

星君、帝座照臨星宰、禹餘天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，敬祝皇太子殿下。伏願福樹日新，善芽春長。天錫純嘏，合正炁於七元；帝與九齡，沐靈光於十極。金鼎胤虛無之寶，玉田融玄妙之珠。湛露飛霄，潤月殿星垣而咸若；卿雲凝曉，覆金枝玉葉以常寧。今故燒香，自皈依師尊大聖衆，至真之德，得道之後，保天長存，和與道合真。

以今晚朝，陞壇行道，請法衆等，運茲三捻上香。願此香烟騰空，徑上供養至真無上師寶五靈玄老、道德天尊、南極老人壽德星君、上清福德星君、上清祿德星君、大赤天宮真仙聖衆。臣等皈身皈神皈命，首體投地，仰依太上三尊、十方衆聖。願以是香功德，歸流九州四海、動植含靈。伏願正道涵濡，玄恩披拂。梯航歸化，慕衣冠禮樂之風；山澤同仁，脫鱗介羽毛之累。今故燒香，自皈依師尊大聖衆，至真之德，得道之後，永保長生，和與道合

真。

三皈依

志心皈依，十方經寶，當願衆生，心開悟解，受持讀誦。

志心皈依，十方道寶，當願衆生，起心回向，一切信禮。

志心皈依，十方師寶，當願衆生，普上法橋，無有障礙。

宿命贊

臣等謹按經云，遇本命生辰，告身屬安寧，悔過虔恭，漸登妙果。以今欽奉綸音，崇修金錄，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖、第七上帝府天衝破軍玉晨君。乞爲削落東震三綠、大火分野一切之炁。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，陞壇行道，上祝聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身，人各運誠，旋行讚詠。

步虛，引至東方，上香，旋行復位

七元覆護天尊

臣等謹按經云，本命限期，可以消灾懺罪，請福延生。持此真經，隨力章醮，福德增崇。以今欽奉綸音，崇修金錄，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖、第八玉帝府天內外輔玉晨君。乞爲削落西南坤位、二黑鶉尾、實沈分野一切之炁。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，陞壇行道，上

誦經畢

解座贊

祝聖壽萬安，轉誦《太上玄靈北斗本命延生真經》各一過，並已周圓。恭望福壽資命，善果臻身，人各運誠，旋行讚詠。

步虛，引至西南方，上香，旋行

復位

大慈延壽天尊

臣等謹按經云，凡有男女，於本命生辰及諸齋日，清淨身心，焚香持此真文，自認北極本命星君，隨心禱祝，善無不應。以今欽奉綸音，崇修金籙，祝壽延禧。臣等謹率在壇清衆，轉誦《太上玄靈北斗本命延生真經》各一過，上祝中天大聖、第九大帝府天蓬內弼玉晨君。乞爲削落北坎一白、玄枵分野一切之厄。仰希矜軫，俯賜允俞。臣等不勝激切之至，修行經法。

敷座贊

題經

誦經畢

解座贊

臣等向來，祇率清衆，陞壇行道，上祝聖壽萬安，轉誦《太上玄靈北斗本命

延生真經》各一過，並已周圓。恭望福壽資命，善果臻身，人各運誠，旋行讚詠。

步虛，引至北方，上香，旋行復

位

玄都萬壽天尊

仰惟中天大聖、斗極高真，願運洪

慈，俯垂淵鑒。臣等向來，欽奉綸音，崇修金籙，祝壽延禧，轉誦《太上玄靈北斗本命延生真經》九過，上祝九皇玉晨道君，削落九宮分野一切灾厄，並已周圓。伏願淵聽潛通，聖心洞鑒。星橋輝貫，玉衡密運於魁罡；雲漢昭回，天駟旁駟於輪輻。六甲六丁之侍衛，斗魂斗魄之禁壇。二十四炁靈官，擁森羅之鹵簿；百千萬重道炁，乘赫奕之旌旄。不違只尺之私，式副再三之禱。享九五箕疇之盛，等八千莊筭之長。自天祐之，吉無不利。稽首皈依，聞經讚詠。

三聞經

聞經已後，當願

天長地久，海

晏河清。

聞經已後，當願 聖壽萬安，皇圖鞏固。

聞經已後，當願

金枝蕃衍，寶

曆綿洪。

發願

存神燒香

香官使者、左右龍虎君、侍香諸靈

官，當令臣向來晚朝轉經行道之所，自然生金液丹碧芝英。百靈衆真，交會在此，香火鑪前。當願丹誠感格，鴻貺潛敷。聖壽萬安，皇圖永固。十方仙童，王女接待，蘭烟傳臣向來所奏之誠，速達徑御至真無極大道三清上聖紫微北極大帝北斗九皇星君御前。

出堂頌

玄靈轉經晚朝行道儀

(陳耀庭點校)

017 金錄十迴度人早午

晚朝開收儀

經名：金錄十迴度人早午晚三朝開收儀。一卷。底本出處：《正統道藏》洞玄部威儀類。

金錄十迴度人早朝開收儀

宣齋意

至心歸依，十方經寶，當願衆生，心開悟解，受持讀誦。

至心歸依，十方道寶，當願衆生，起心回向，一切信禮。

至心歸依，十方師寶，當願衆生，普上法橋，無有障礙。

宿命讚

宿命有信然，弱喪謂之無。皆欲眼前見，過目即言悠。大賢明道教，慘戚憫頑夫。依依念子苦，勤勤令我憂。

第一迴開經文

臣恭以鴻濛立極，真文已蘊於太空；龍漢開圖，元始肇生於祖劫。神風既鼓，道炁初凝。結八會之龍章，成三元之鳳篆。天地萬化，因之而建立；陰陽四時，由是以運行。道方河洛之圖書，並行不悖；功比羲文之卦象，未足爲多。

臣今欽奉綸音，崇修金錄，延禧大齋幾晝夜，臣今引領官衆升壇第一迴轉詠《太上洞玄靈寶無量度人上品妙經》，朝禮某誥，各一徧。仰依無上三寶慈尊十方諸天大聖，慈悲願力，主盟經功。伏願金口暢玄，琅函啓秘。發先天之蘊奧，出太古之篇章。俾率土之濱，普天之下，咸皆解悟，靡不蒙恩。稽首虛皇，修行經法。

敷座吟

諷經畢

解座吟

爲諸來生，作善因緣。如蒙開悟，仰荷玄恩。

回向

臣恭以大明生於東，東者少陽之位；萬物出乎震，震乃雷門之方。是故陽激搏以有聲，雷奮發而破曠。諸天稱善，躍然共讚於靈音；一國傾心，至此始聞於至道。所謂聾病開聰之義，蓋即經功取象之言。臣適來引領官衆，升壇轉詠《太上洞玄靈寶無量度人上品妙經》一徧，徑用回向東方無極太上靈寶天尊、東方玉清降福天尊、東方青元青天九炁天君、東斗注筭星君、青帝護魂君、日宮太丹鬱儀炎光太陽帝君、天垣帝座星君、東方木德始陽青皇上真道君、歲星真君、東方氏宿星君、房宿天駟星君、心宿天王星君、天市垣列宿星君、天蠍宮尊神、卯宮宋分列宿星君、東方無極無量品至真大神、飛天神王長生大聖無量度人君、東華司命真君、本命太歲祿馬尊神，齋壇應感一切真靈。乞以經功願力，安鎮東方甲乙大火之次。鎮安國祚，保固天根。伏願玉宇垂芒，珠躔順緯。東華主筭，木公錫不老之年；木德致昌，東斗注長生之字。降禎祥之有兆，致福慶於

無窮。稽首歸依，旋行讚詠。

智惠頌，旋至東方

太上玄虛宗，弘道尊其經。俯仰以得仙，歷劫無數齡。巍巍大真德，寂寂因無生。霄景結空構，乘虛自然生。日月爲炳炳，安和樂未央。

高功於東方恭文

宣表關焚化

宣二迴開經文

臣恭以五篇玉字，生於太空之先；諸天內音，顯自赤明之劫。義蘊奧而莫見，文曲折以難詳。八角垂芒，由洞陽之冶鍊；九光浮瑞，自流火之騰輝。宜寶祕於上宮，不輕宣於下俗。臣欽奉綸音，崇修金錄，延禧大齋幾晝夜，以今引領官衆，升壇第二迴轉詠《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願開明此道，啓沃臣心。庶幾雲笈之披宣，宛若天真之降授。金真流響，上通三素之天；玉章洞虛，廣演十華之妙。有聞梵語，皆證殊功。稽首虛皇，修行經法。

敷座吟

諷經畢

解座吟

回向

臣恭以地二生火，火爲至陽之精；明兩作離，離乃南方之卦。既重明以麗乎中正，俾萬方皆睹於光輝。自天尊說經教以來，皇極衍基圖之大。巍巍至道，蕩蕩難名。臣適來引領官衆，升壇轉誦《太上洞玄靈寶無量度人上品妙經》第二徧，徑用回向南方無極太上靈寶天尊、南方延壽益筭天尊、南方大丹天三炁天君、南斗上生君、赤帝養炁君、南方太微垣帝座星君、南方火德丹天赤皇上真道君、熒惑星君、柳星天厨星君、星宿天庫星君、張宿天秤星君、午宮周分列宿尊神、獅子宮尊神，南方無極無量品至真大神、飛天神王長生大聖無量度人君、南極司錄府真君、本命太歲祿馬尊神，齋壇應感一切真靈。乞以經功願力，安鎮南方丙丁鶉火之次。鎮安國祚，保固天根，請福致祥，延生保命。伏願赤文告命，黃道

順躔。南斗上生，有壽考期頤之慶；東華注福，享和平安靜之榮。民興禮樂之風，國有文明之治。稽首歸依，旋行讚詠。

智惠頌

學仙絕華念，念念相因積。去來亂我神，神躁靡不歷。滅念停虛間，蕭蕭入空寂。請經若飢渴，持志如金石。保子飛玄路，五靈度符籍。

高功於南方恭文

宣表關焚化

宣三迴開經文

臣恭以靈圖未煥，真文深隱於延康；正道當行，道君降生於玉國。於是元始上帝俾以飛天妙書，任居上清紫微宮。命主洞玄靈寶，教若無量上品。特洞玄一卷之名，其奧義微辭則神霄衆經之祖。巍巍大梵，歷歷難詳。臣今引領官衆，升壇第三迴轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願金真受簡，玉女開函。悉校理於祕文，爲恢弘

於至道。細微塵大，沙界皆悟。靈音下地，緯上天經，同生妙化。稽首虛皇，修行經法。

敷座吟

諷經畢

解座吟

回向

臣恭以天尊設教，宏開衆妙之門；元始懸珠，登引十方之聖。是謂無量上品，結成妙有本章。義貫重玄，功施不宰。于以安鎮國祚，于以保固天根。上德難名，真玄莫測。臣適來引領官衆，升壇轉誦《太上洞玄靈寶無量度人上品妙經》，徑用回向西方無極太上靈寶天尊、西方八卦護身天尊、西方太素天七炁天君、西斗記名君、白帝侍魄君、月宮黃華素曜元精太陰皇君、天垣帝座星君、金德太素少陰白皇上真道君、太白星君、胃宿天倉星君、昴宿天且星君、畢宿天耳星君、酉宮趙分列宿星君、金牛宮尊神、西方無極無量品至真大神。飛天神王長生大聖無量度人君、西靈司錄府真宰、本命太歲祿馬尊

神，齋壇應感一切真靈。乞以經功願力，安鎮西方庚辛大梁之次，端爲集福延禧，尊安社稷。伏願一人有慶，重譯來朝。玉字金書，紀善名於西斗；珠星璧月，呈瑞彩於中天。永樂太平，咸臻清靜。稽首歸依，旋行讚詠。

智惠頌

濟我六度行，故能解三羅。持齋禮太素，吐納養雲芽。逍遙金闕內，玉京爲余家。自然生七寶，人人坐蓮花。仰嚼玄都柰，俯酣空洞瓜。容顏耀十日，奚計年劫多。法鼓會羣仙，鳴鍾徵大魔。

高功於西方恭文

宣表關焚化

宣四迴開經文

臣恭以五劫開化，一氣歸元。衆星拱北辰，上森羅於萬象；六天橫北道，下統御於羣魔。惟靈寶之本章，乃上清之要道。威制天政，則日月停景，璇璣不行；嚴攝北酆，則魔精喪膽，鬼妖滅爽。是以出書度世，保天長存。修之者，得道飛仙，乘雲而遊四海；奉之

者，留形住世，垂統而永萬年。臣今欽奉綸音，崇修金籙，延禧大齋幾晝夜。臣今引領官衆，升壇第四迴轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願太真按筆，靈妃侍軒。煥玉字於太空，紉瓊文於祕笈。振玄門之鼓吹，隱韻琳琅；漲道海之波濤，玄恩曠蕩。飛潛動植，咸賴生成。稽首虛皇，修行經法。

敷座吟

諷經畢

解座吟

回向

臣恭以說經四徧，玄玄之妙義宏深；稱慶諸天，渺渺之空歌流響。臣適來引領官衆，升壇轉誦《太上洞玄靈寶無量度人上品妙經》第四徧，徑用回向北方無極太上靈寶天尊、北方消灾解厄天尊、北方太玄天五炁天君、北極紫微垣帝座星君、北斗落死星君、黑帝通血君、北方水德太冥陰元黑皇上真道君、辰門星君、女宿天女星君、虛宿天

卿星君、危宿天錢星君、子宮齊分列宿星君、寶瓶尊神、北方無極無量品至真大神、飛天神王長生大聖無量度人君、北真司危府星君、本命太歲尊神、紫堂星煞，齋壇應感一切真靈。乞以經功願力，安鎮北方壬癸玄枵之次。伏願萬聖臨軒，諸天稱慶，增延睿筭，與天地以長存；廣大皇圖，等山河而永固。梯航入貢，玉帛來朝。稽首歸依，旋行讚詠。

智惠頌

靈風扇奇花，燦爛開繁衿。紫烟鬱重秀，衆仙彈玉琴。雅歌三天上，散惠玉華林。七祖升福堂，由此步玄音。前世德未足，斯書邈難尋。信道情不盡，圖飛乃反沈。太上無爲道，弘之在兆心。

高功於北方恭文

宣表關焚化

三聞經

聞經已後，當願衆生，萬罪永消，善芽增長。

聞經已後，當願衆生，深入法門，

歸依信受。

聞經已後，當願衆生，永斷執迷，常親正教。

發願

復鑪

下壇

謝師

回向

金錄十迴度人早朝開收儀

金錄十迴度人午朝開收儀

宣齋意後

三歸依

宿命讚

宣五迴開經文

臣恭以玉隆騰勝之鄉，超無色界；碧落浮黎之境，即始青天。昔虛皇將闡道之時，開法會，特說經於此。初登獅座上，其周迴十過，猶可得聞；既入黍珠中，則祕密一真，其誰能識。是謂象外之象，要識玄中之玄。臣今欽奉綸音，崇修金錄，延禧大齋幾晝夜。臣今引領官衆，升壇第五回轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願開紫陽之祕笈，出元始之禁書。啓迪羣蒙，發輝萬有。琳琅振響，自成空洞之音；雲漢分章，洞煥太空之色。有情有識，悉見悉聞。稽首歸依，修行經法。

敷座吟

諷經畢

解座吟

回向

臣恭以萬物成終成始，皆在良方；五行一生一成，終歸土數。自立春之應候，宜生氣之騰升。蓋內陽外陰，至此而始交泰。自含靈負性，何患其不生成。臣適來引領官衆，升壇轉誦《太上洞玄靈寶無量度人上品妙經》第五徧，徑用回向東北方無極太上靈寶天尊、紫清降福天尊、東北始青天梵炁天君、天一紫炁道曜星君、尾宿天雞星君、箕宿天津星君、斗宿天廟星君、牛宿天機星君、丑寅二宮吳燕分野列位星君、磨蝎二宮尊神、東北方無極無量品至真大神、飛天神王長生大聖無量度人君、本命太歲祿馬尊神、紫堂神煞官衆，齋壇應感一切真靈。乞以經功願力，延福致祥，添齡益筭。伏願五星同色，九曜順行。紫炁灌斗牛，祥瑞下呈於地寶；東維騎箕尾，英賢上補於天官。自作善而降百祥，以建極而敷五福。稽首歸依，旋行讚詠。

智惠頌

學道由丹信，奉師如至親。挹景偶清虛，孳孳隨日新。衆人未得度，終不度我身。大願有重報，玄德必昭然。陰惡罪至深，對來若轉輪。

高功於東北方恭文

宣表關焚化

宣六迴開經文

臣恭以九霄三十六天，莫貴於真王大帝；度人六十一卷，咸宗於無量本章。蓋彼或專主一事而言，在此則總攝一乘之義。修仙學道，卓有奇功。保國寧家，具存正法。蓋源遠則波瀾衍溢，本大而枝葉扶疏者也。臣今欽奉綸音，崇修金籙，延禧大齋幾晝夜。臣今引領官衆，升壇第六迴轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願天開此道，帝誘其衷。悟妙義於一時，怡然順理；聞靈音於六轉，昭若發蒙。福及邦家，慶流藩屏。見前法衆，妙振靈音。稽首虛皇，修行經法。

敷座吟

諷經畢

解座吟

回向

臣恭以六召東南，巽爲卦炁。語其時則夏之初立，萬物潔齊；考其數則水之既成，一元歸本。夫以至學之搬運，妙在醴泉之流通。是故齒落更生，乃玉液朝泥丸之效；髮白返黑，亦金精飛肘後之功。倘知妙理之歸，即悟神化之道。臣適來引領官衆，升壇轉誦《太上洞玄靈寶度人上品妙經》第六徧，徑用回向東南方無極太上靈寶天尊、東南方長生保命天尊、東南始青天梵炁天君、神尾計都墜曜星君、翼宿天都星君、天垣帝座星君、軫宿天街星君、角宿天門星君、亢宿天庭星君、辰巳二宮尊神、鄭楚分野列宿星君、天秤雙女二宮尊神、東南方無極無量品至真大神、飛天神王長生大聖無量度人君、本命太歲祿馬尊神、紫堂神煞官衆，三界官屬應感真靈。乞以經功願力，安鎮東南壽星鶉尾之次，延福致

祥，增年益筭。伏願開明三景，回度五常。龍角之次，杓明發爲祥兆；鶉尾之間，星正散作福基。稽首歸依，旋行讚詠。

智惠頌

學道亦甚苦，晨昏建福田。種德猶植樹，積基而成山。子能耽玄上，飄爾升青天。修是無爲道，常與善結緣。太上至隱書。名曰智慧篇。福國由大材，超俗以得仙。靈姿世所奇，曄若淵中蓮。

高功於東南方恭文

宣表關焚化

宣七迴開經文

臣恭以靈寶本章，玄都祕典。其五篇敷落，有安天鎮地之功；其萬範開張，有導運御世之力。何故名經之義，獨指度人而言。豈不以人爲萬物之靈，則必以君爲天下之主。人者三才之貴，無人則曷見天地之心。其稱名也宜哉，其取類也遠矣。臣今欽奉綸音，崇修金籙，延禧大齋幾晝夜。臣今引領官衆，升壇第七迴轉誦《太上洞玄靈

寶無量度人上品妙經》，朝禮寶誥，仰依無上三寶慈尊，十方諸天大聖，慈悲願力，主盟經功。伏願弘宣道化，大振玄風。庶幾沈潛反覆之餘，默契冥惠洞清之妙。鎮安國祚，祈請福祥。所願者從不求而獲。在壇法衆，妙振靈音。稽首虛皇，修行經法。

敷座吟

諷經畢

解座吟

回向

臣恭以物養乎坤，形體總歸於地。大火成於七氣，神皆養於心君。內修鍊氣之方，外盡養形之術。故得頭童齒豁，乃復化爲朱顏；骨弱筋柔，今居然成壯力。蓋說經之異效，亦聖化之同仁。臣適來引領官衆，升壇轉誦《太上洞玄靈寶無量度人上品妙經》第七迴，徑用回向西南方無極太上靈寶天尊、西南方福生無量天尊、西南方始素天梵炁天君、天垣帝座星君、太一月孛暗曜星君、觜宿天屏星君、參宿天水星君、井宿天井星君、鬼宿天饋星君、申

未二宮尊神、西南方無極無量品至真大神、飛天神王長生大聖無量度人君、本命太歲祿馬尊神、紫堂神煞官衆，三界官屬應感真靈。乞以經功願力，安鎮西南方鶉尾之次，保命延年，迎祥集福。伏願祥開雲漢，光照人寰。井鬼守房，順經躔於星度；觜參總斗，妙運轉於天關。福祥駢集於命宮，貴祿常扶於運限。稽首歸依，旋行讚詠。

智慧頌

人行各有本，皆由宿世功。立德

務及時，發願莫不從。善惡俱待對，倚仗理難窮。賢士奉法言，道亦在兼忘。解是大智慧，上爲太極公。寶蓋連玉輿，命駕御九龍。金革擎洞經，捧香悉仙童。嘯歌徹玄都，鳴玉扣瓊鐘。

高功於西南方恭文

宣表關焚化

宣八迴開經文

臣恭以元始出書，雖主無量度人之義；神仙內學，蓋有脫胎神化之功。粵自寶珠五丈之高懸，已具金汞九還之妙理。日月停景，當含光默默之

時；山嶽藏雲，正調息綿綿之際。三尸滅，而三界侍衛；五炁理，而五帝司迎。及乎玄珠丹成，聖功胎就。金房度命，直爲金闕之登庸；玉簡刊名，可與玉京之遊宴。臣今飲奉綸音，崇修金籙，延禧大齋幾晝夜。臣今引領官衆，升壇第八回轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願身乘三素之雲，項負九光之像。烏兔鬱羅於一室，獅鶴備守於四方。今臣等口誦心惟，造大量玄玄之地；神交意會，悟至無寂寂之機。普願有情，均證無漏。同壇法衆，妙振靈音。稽首虛皇，修行經法。

敷座吟

諷經畢

解座吟

回向

臣恭以天地以生物爲心，功成不宰；靈寶以度人立教，道濟無窮。故經功八徧之周迴，符乾道一元之變化。既各正於性命，宜皆得於生成。蓋高

下洪纖，自色自形而無間；胎卵濕化，不殞不殲以何憂。神異奇哉，玄恩大矣。臣適來引領官衆，升壇轉誦《太上洞玄靈寶無量度人上品妙經》第八迴，徑用回向西北方無極太上靈寶天尊、西北方九宮捍戾天尊、西北方始玄天梵炁天君、天垣帝座星君、神首羅喉建曜星君、室宿天廩星君、壁宿天市星君、奎宿天將星君、婁宿天獄星君、戌亥二宮魯衛分野列位星君、白羊雙魚二宮尊神、西北方無極無量品至真大神、飛天神王長生大聖無量度人君、本命太歲祿馬尊神、紫堂神煞官衆，齋壇應感一切真靈。乞以經功願力，安鎮西北方，降婁媿訾之次，保命延年，迎祥致福。伏願神符鎮魯衛之分，天文煥奎壁之星。身命運限之宮，常興善瑞；年月日時之否，悉化亨貞。凡有守以有爲，俱無災而無害。稽首歸依，旋行讚詠。

智慧頌

竦身凌太虛，超景逸紫清。保元持法綱，遊玄極逍遙。萬劫猶昨夜，千

春如晨朝。巍峨蔭雲華，手攀寶林條。香烟自然生，玄階興扶搖。靈旛順風散，繁想應時消。滅智弘大混，無爲爲清謠。

高功於西北方恭文

宣表關焚化

三聞經

發願

復鑪

下壇

謝師

回回

金籙十迴度人午朝開收儀

金籙十迴度人晚朝開收儀

宣齋意後

三歸依

宿命讚

宿命有信然，弱喪謂之無。皆欲眼前見，過日即言悠。大賢明道教，慘戚憫頑夫。依依念子苦，勤勤令我憂。

宣第九迴開經文

臣恭以洞玄赤書，空青紫字。九霞煥彩，皆芒金角玉之文；八龍成章，亦刻玉鑄金之字。祕於上清之境，寒靈之殿；盛以立空之案，霜羅之巾。日月得之以運行，終古不息；帝王得之而保鎮，萬世太平。猗歟盛哉，蔑以加矣。臣今欽奉綸音，崇修金籙，延禧大齋幾晝夜。臣今引領官衆，升壇第九迴轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願玄真啓迪，上聖提携。神光照燭於慧源，道炁流通於靈府。令臣等研精覃

思，豈略通大義之可爲；索隱鈎深，必洞明至言而後已。功沾水陸，善及邦家。稽首虛皇，修行經法。

敷座吟

諷經畢

解座吟

回向

臣恭以九爲陽極，宜感召於天真；兌乃金成，故發泄於地藏。天不愛道，而圖書出世；地不愛寶，而金玉露形。昔老君降蜀都，亦感地涌玉局；虛皇遊西國，自然地薦黃金。蓋神功不約而同，其靈應何常之有。臣適來引領官衆，升壇轉誦《太上洞玄靈寶無量度人上品妙經》第九徧，徑用回向上方無極太上靈寶天尊、上方保命護身天尊、天垣帝座星君、紫微垣列位星君、中天北斗七元星君、三台華蓋中宮一切星衆、上方無極無量品至真大神、飛天神王長生大聖無量度人君、本命太歲祿馬尊神、紫堂神煞官屬，齋壇應感一切真靈。乞以經功願力，安鎮紫微中天黃道之次，保命延生，迎祥集慶。伏願奉

刻玉鑄金之簡，顯連珠合璧之祥。齊七政在玉衡，靡差躔次；轉一炁開壽域，俱入鈎陶。福佑邦家，恩沾海宇。稽首歸依，旋行讚詠。

太極頌

大道雖無心，可以有情求。伫駕空洞中，迴盼翳滄流。淨明三界外，蕭蕭玉京遊。自無玄挺運，誰能悟冥趣。落落天漢澄，俯仰即虛柔。七玄散幽夜，返胎順沈浮。冥期苟潛凝，陽九無娛憂。睹此去來會，誰復爲淹留。外身而身存，真仙會良儔。

高功於上方恭文

宣表關焚化

宣十迴開經文

臣恭以上品度人，蓋諸天之所共寶；明真有格，必四萬劫以方傳。於是真經降世，寰宇嚮風。迨徐葛相傳，則靈寶之科大備；林王繼出，則神霄之教復明。然後服氣養生之方，保國寧家之術，層見疊出。井井乎，其有條兼容併包；恢恢乎，其不漏其道。可謂大矣雖聖，又何加焉。臣今欽奉綸

音，崇修金錄，延禧大齋幾晝夜。臣今引領官衆，升壇第十迴轉誦《太上洞玄靈寶無量度人上品妙經》，朝禮寶誥，仰依無上三寶慈尊、十方諸天大聖，慈悲願力，主盟經功。伏願於皇大道，有赫高真。成周迴十過之功，盡終始一經之義。八方六合，悉皆涵泳於仁風；寸地尺天，莫不沾濡於法雨。同壇清衆，妙振靈音。稽首虛皇，修行經法。

敷座吟

諷經畢

解座吟

回向

高功存思如初

臣恭以誦上品之真，必十過而成數；修聖胎之法，須十月以成功。鼎器法乎乾坤，火候取於復姤。故得玄珠有象，玉音成形。存乎我則復命歸根，純陽被體；施於人則延生保命，在世長年。蓋經功丹道，理則同歸。在學士至人，修之自見。臣適來引領官衆，升壇轉誦《太上洞玄靈寶無量度人上品妙經》第十迴，徑用回向下方無極

太上靈寶天尊、下方興大福力天尊、中央土德祖炁中皇上真道君、鎮星真君、中斗大魁星君、下方無極無量品至真大神、飛天神王長生大聖無量度人君、本命太歲祿馬尊神、紫堂神煞官衆，齋壇應感一切真靈。乞以經功願力，安鎮下方十二分野所屬之地。伏願中斗總靈，鎮星四據。列居錯峙，正分度於周天；翕受敷施，兆禎祥於寰宇。凡在懷生之物，同瞻有赫之光。伏願妙化旁周，嘉祥駢集。十方悉陶於聖化，萬國咸歸於至仁。蠢動含臺，俱沾恩澤。稽首歸依，旋行讚詠。

太極頌

亶亶玄中趣，湛湛清漢波。代謝若循環，椿木不改柯。靜心念至真，隨運順離羅。感應理常通，神識逮自徂。淡游初無際，繁想洞九霞。飛根散玄葉，理返非有他。常能誦玉章，玄音徹霄霞。甲申洪災至，控翮王母家。永享無終紀，豈知年劫多。

高功於下方恭文

宣表關焚化

宣普嘆經文

詳夫道本無言，非言無以傳道；經非待誦，因誦而後知經。昔混沌之未形，於篇章而何有。恭惟大羅元始玉晨道君，凝梵炁於虛無，鍊真文於浩劫。乃於始青浮黎之國，說此洞玄靈寶之經。懸一黍於天中，引衆真於珠內。敷弘至妙，開化含生。混洞赤文，首述化生諸天之妙；元洞玉曆，復明保制劫運之功。敷落五篇，周迴十過。復出大梵隱語、靈書中篇，光照十方，字長一丈。皆上帝內名之隱韻，難可尋詳；迨皇人受命於天尊，爲之訓解。上以安天而鎮地，下以阜物而康民。祕在上宮，不傳下世。自漢武帝得之於西王母，斯道以傳；及徐真人授之於葛仙翁，其書亦廣。惟此無量上品，獨爲諸卷統宗。今之日臣等，欽奉綸音，崇修大教，按金錄大齋之式，舉度人轉經之儀。當願諸天下觀，衆真保舉。五帝之玉童玉女，營衛神文；八威之金虎金龍，護持寶笈。五色鬱勃以陳瑞，四氣朗清以效祥。調順天經，

三辰五星之軌道；鎮安國土，九州四海之升平。帝祚洪延，民生富庶。知音誦者，無不辟，無不度，無不禳。自天祐之，得其名，得其祿，得其壽。然後五服六親之眷屬，俱保康寧；九州四海之臣鄰，咸臻亨泰。根荦甲拆，各安生化之天；鱗甲羽毛，咸適逍遙之樂。願與三界有緣之衆，同歸一乘最上之機。法衆虔誠，收經如法。

高功收經讚

三聞經

納官

復鑪

下壇謝神王

謝師

回向

金錄十迴度人晚朝開收儀

（陳耀庭點校）

018 金錄十迴度人三朝轉經儀

經名：金錄十迴度人三朝轉經儀。一卷。底本出處：《正統道藏》洞玄部威儀類。

金錄十迴度人早朝轉經儀

師堂序立

法事

高功跪啓

具位臣，某重伸上啓靈寶玄中大法師真君、靈寶經師君、籍師君、度師君、正一天師君、女師嗣師系師君、靈寶監齋大法師真君。赤明開圖，黍珠授受，一派宗師。恭望師慈，俯回洞鑒。臣聞，元始說經，一徧而終。十徧衆真，監度東方，而至下方，無所不辟，無所不禳。曰可以生，曰可以化。將宣經

法，先叩師嚴。臣今入意以今引領官衆，升壇轉誦《太上洞玄靈寶無量度人上品妙經》第一迴至第四迴。敬爲祝延萬壽，保天長存。金賴師慈，主盟壇席。庶俾精誠上徹，玄貺孔昭。一切有情，同沾利益。專俟恩命，宣演經科。臣干冒師嚴，下情不勝虔禱之至。領衆升壇，恭行典式。

唱道引至壇前序立。

法事

降神王

具位某上啓十方無極飛天神王長生大聖無量度人君、十方飛天使者、十天玉女、十天一切靈仙官衆。咸望聖慈，洞回昭鑒。恭以開函演奧，將修八緯以誦經；監真度生，先叩十方而主教。願回靈駕，俯降道場。有開必先，全賴提撕之力；無文不度，庶成誦詠之功。法衆虔誠，修齋奉請

修齋

雲輿

散花

具位某上啓十方無極飛天神王長

生大聖無量度人君、十方飛天使者、十天玉女、十方一切靈仙官衆。伏聞元始出書，當赤明之初劫；神王受命，會碧落之空歌。同登寶黍之中，親受玉音之旨。承宣符命，監度經功。由是曲暢旁通，秘蘊之精微發見；遐盼極覽，學人之功過難欺。大勳既著於古初，美利宜開於來者。以今欽奉綸音，崇修金錄大齋。端爲祝延萬壽，保天長存。伏願來朱鳳玄龍於霄漢，迴丹輿綠輦於道場。金玉爾音，永賴綱維於十轉；絲綸其出，願言張布於萬靈。上弘蕩蕩之皇風，下副區區之丹禱。具有啓疏，謹用敷宣。

宣疏

疏文宣讀，諒賜鑒觀。伏願周迴十方，密契生成之造；過度三界，允符保舉之功。領衆升壇，修行經法。

華夏引，衆升壇，上香

信禮

各禮師，存念如法

九天上景，化生華暉。晃漾太空，曜真紫微。上致中皇，百神降迴。散

根離苦，八難豁開。七祖同升，福慶巍巍。使我神仙，八景齊飛。

鳴法鼓二十四通

無上玄元太上道君，召出臣等身中三五功曹、左右官使者，侍香金童、傳言玉女、五帝直符直日香官，各三十二人出。關啓所言，臣今爲入意願得太上降賜十方正真生炁，流注臣等身中，令臣所啓，速達徑御無上三十二天元始上帝至尊御前。

請稱法位

具位臣，某謹同誠上啓太上無極大道虛無自然元始天尊、妙無上帝，玄皇高聖太上玉晨大道君靈寶天尊、妙有上帝，混沌萬變玄元老君道德天尊、至真上帝，昊天玉皇上帝，元陽慈父大道君，靈寶玉母大道君，南極天皇上帝，北極紫微大帝，朱陵度命天尊，后土皇地祇，十方無極太上靈寶天尊，已得道大聖衆、至真諸君丈人，三十二天帝君、東華南極西靈北真玄都玉京金闕七寶瓊臺紫微上官靈寶至真明皇道君，上相上宰、上保上傳、玄中太皇上

帝高真，三十六部尊經，玄中大法師，

五帝三官、四司九府，日月五星、南辰

北斗、二十八宿、璇璣玉衡、列象星真，

十方無極至真大神，飛天神王長生無

量度人君、天真皇人妙行真人，靈寶三

師，監齋大法師，侍經五帝，玉童玉女、

典經玉郎、三洞侍經，靈寶官屬、三界

五帝、大勳魔王，三界官屬，應感真靈。

恭望洪慈，俯回洞鑒。臣聞，杳冥恍惚，

道不可以言傳，潔淨精微，經蓋因於

義顯。探其妙，則希夷微而莫測；施

之用，則周徧咸而可通。臣，某猥以肉

人，竊觀天寶。當清旦一時之行道，宣

玄經四徧以爲功。天地鬼神，諒必鑒

精虔之意；東西南北，庶皆聞微妙之

音。稽首歸依，無極大道。

至心歸依，十方經寶，當願衆生，

心開悟解，受持讀誦。

至心歸依，十方道寶，當願衆生，

起心回向，一切信禮。

至心歸依，十方師寶，當願衆生，

普上法橋，無有障礙。

宿命讚

侍經開經科，另具

敷座吟

靜念如法

叩齒三十二通，思五色雲炁，覆滿一室。青龍

白虎，朱雀玄武，獅子白鶴，鳳凰備守，左右前

後。金童玉女，五帝神仙兵馬，各九億萬騎，

營衛齋堂，然後誦經

開經玄蘊呪

雲篆太虛，浩劫之初。乍遐乍邇，

或沈或浮。五方徘徊，一丈之餘。天

真皇人，按筆乃書。以演洞章，次書靈

符。元始下降，真文誕敷。昭昭其有，

冥冥其無。沈痾能自痊，塵勞溺可扶。

幽冥將有賴，由是升仙都。

請轉法輪

師題經

道言，昔於始青天中，云云飛昇上

清。

目想三十二天，各色雲氣，交沓之中。有宮闕

樓觀，天帝冠冕，衣服分明。即存神自太皇黃

會而始，每天叩齒一通，心拜一過，共三十二

過訖。即閉目靜思，三丹田出三色雲炁，如

絲，漸漸離身。雲炁濃厚，先交絡一身，次纏

繞所座及几案，無不周徧。然後翫鬱徧及壇

外，圍布一方，良久冥合天地。次思，青龍自

肝出，立左；白虎自肺出，立右；朱雀自心出，立前；玄武自腎出，立後；獅子自脾下丹田出，十二頭立左右；白鶴自泥丸，九隻圍列四向。又存眉間六合，有日月出自兩目，各離面九尺化爲九色圓象，洞徹內外，如此分明。念密呪，勿令耳聞。呪畢，引東方青炁八道入肝，南方赤炁八道入心，西方白炁八道入肺，北方黑炁八道入腎，須加誠行之。次誦本章第二迴至第九迴，不復誦道君大序，止從本章起。第十迴如第一迴，誦序，存思。

誦經畢

解座吟

侍經回向，另具

智惠頌

師同齋官旋至東方，捻香再拜

臣恭以八陞旋行，經筵初啓；九重入奏，帝座親臨。恭惟東方無極太上靈寶天尊，東方無極飛天神王長生大聖無量度人君，乘震司春，體元育物。騫林樹下，屢傳金口之微言；黍米珠中，親受玉京之密印。伏願俯回靈鑒，洞察齋忱。上帝錄功，託會朝之聞奏；東華主筭，借化筆之品題。具有表文，謹當宣告。

宣表關

焚化

侍經宣第二回開經科

敷座吟

請轉法輪

師題經

衆誦畢

解座吟

侍經回向

智惠頌，旋至南方

臣恭以啓玉匱篇章，既演經功，而再至對玉階，只天諒回天，聽之有三，恭惟南方無極太上靈寶天尊，南方無極飛天神王長生大聖無量度人君，得一以清，嚮明而治。垂世立教，委能盡弘道之心；監真度生，諒不負修齋之請。伏願鑑觀誠意，紀錄經功。皇極尊安，惟一人之有慶；帝圖廣大，垂萬世以無疆。具有表文，謹當宣告。

宣表關

焚化

侍經宣第三迴開經科

節次二迴同

旋至西方，上香，再拜

臣恭以三後斯言，粗諳道體；一誠不息，諒格天心。恭惟西方無極太上靈寶天尊，西方無極飛天神王長生大聖無量度人君，功在有秋，位居麗澤。昔浮黎經會，如細雨密霧而來；今靈寶齋壇，諒飛雲浮空而至。伏願奏功於玄都之境，紀善於素靈之宮。聖德日新，與乾坤而並久；皇圖天廣，等嵩華以齊尊。具有表文，謹當宣告。

宣表關

焚化

侍經宣第四回開經科

節次如二迴同

旋至北方，上香，再拜

臣恭以玉字龍文，四徧既周於妙義；瓊輪羽蓋，一時同會於靈壇。恭惟北方無極太上靈寶天尊，北方無極飛天神王長生大聖無量度人君，其仁如天，曰勞乎坎。受黍珠之心印，道貫三乘；廣靈寶之宗風，恩沾羣有。伏願注名金簡，紀善玉書。列宿煥紫微，茂介壽康之福；六龍降黃道，廣覃化育之恩。具有表文，謹當宣告。

宣表關

焚化

三聞經

發願

復鑪如故

仙靈仙官、金童玉女、五帝五嶽神仙真人、三炁正神、左右龍虎君、天仙地仙、五靈香官、當今召致十方正炁，自然生金液丹碧芝英。百靈衆真，交會在此，香火鑪前。當願十方仙童玉女，侍衛香烟，傳臣向來所啓之言，速達徑御無上三十二天元始上帝至尊几前。

存四靈，各還五藏十方天真，騰雲而去。次以三色雲氣，咽下三丹田，叩齒三通，咽液三過。

直壇引下壇，詣幕謝師

師上香再拜

具位臣某虔誠上啓靈寶玄中大法師真君，靈寶經師君、籍師君、度師君，正一天師君，女師嗣師系師君，靈寶監齋大法師真君，赤明開圖、黍珠授受一派宗師。恭望師慈，俯觀謝悃。臣向來，引領官衆，升壇轉誦《太上洞玄靈

寶無量度人上品妙經》第一徧至第四徧，幸以周圓，徑爲祝延萬壽，保天長存。仰荷師恩，冥扶默相。謹伸謁謝，尚冀成終。俟琅函卷軸之時，至玉輅回鸞之日，還功報德，鏤骨銘心。上弘靈寶之科，以廣慈悲之化。臣等干冒師嚴，下情無任，不勝戰慄之至。

向來

念善

金錄十迴度人早朝轉經儀

金錄十迴度人午朝轉經儀

師堂序立

法事

高功跪啓

具位臣，某重伸上啓靈寶玄中大法師真君，靈寶經師君、籍師君、度師君，正一天師君、女師嗣師系師君，靈寶監齋大法師真君，赤明開圖、黍珠授受一派宗師。恭望師慈，俯回洞鑒。臣聞，元始開圖，真文設教。可以和天安地，可以保國寧家。普度無窮，是名上品。再登師闕，啓請經科。臣今入意引領官衆，升壇轉誦《太上洞玄靈寶無量度人上品妙經》第五徧至第八徧，敬爲祝延萬壽，保天長存。仰祈師造，特賜主盟。庶使響徹三天，聲聞九地。恩波浩蕩，惠澤隆深。普及含生，均沾利益。專俟恩命，宣演經科。臣等干冒師嚴，下情不勝虔禱之至。領衆升壇，恭行典式。

唱道引至壇前序立

次第升壇，上香

信禮

各禮師，存念如法

太上玄一，九皇吐精。三五七變，洞觀幽冥。日月垂光，下徹神庭。俠照六合，太一皇寧。帝君金闕，金書不傾。五老奉符，天地同成。使我不死，以致真靈。却遏萬邪，禍害咸平。上朝天皇，還老返嬰。大帝有制，百神敬聽。

鳴法鼓二十四通

無上玄元太上道君，召出臣等身中三五功曹、左右官使者，侍香金童、傳言玉女、五帝直符直日香官，各三十二人出。關啓所言，臣今爲某，入意願得太上降賜十方正真生炁，流注臣等身中，令臣所啓，速達徑御無上三十二天元始上帝至尊御前。

請稱法位

具位臣，某等，謹同誠上啓太上無極大道虛無自然元始天尊、妙無上帝，玄皇高聖太上玉晨大道君靈寶天尊、妙有上帝，混沌萬變玄元老君道德天尊、

至真上帝，昊天玉皇上帝，元陽慈父大道君，靈寶玉母大道君，南極天皇上帝、北極紫微大帝、朱陵度命天尊、后

土皇地祇、十方無極太上靈寶天尊、已得道大聖衆、至真諸君丈人，三十二天帝君、東華南極西靈北真玄都玉京金闕七寶瓊臺紫微上官靈寶至真明皇道君，上相上宰，上保上傳、玄中太皇上帝高真，三十六部尊經，玄中大法師，五帝三官、四司九府、日月五星、南辰

北斗、二十八宿、璇璣玉衡、列象星真，十方無極至真大神，飛天神王長生無量度人君，天真皇人妙行真人，靈寶三師、監齋大法師、侍經五帝、玉童玉女、典經玉郎、三洞侍經，靈寶官屬、三界五帝、大勳魔王，三界官屬，應感真靈。恭望洪慈，俯回洞鑒。臣聞，寶珠五丈，乃天尊神智之優爲；聖境十方，梵炁彌羅之所化。欲恩光之旁燭，託經法之弘宣。臣，某仙品未充，豈任大乘之責；宿緣有幸，側聞上品之書。願以午朝，重開秘藏。欽聖靈之在上，披情意以先聞。微顯闡幽，而徧計則五六

七八之數；被風濡化，願功加於乾坤良巽之方。稽首皈依，無極大道。

至心歸依，十方經寶，當願衆生，心開悟解，受持讀誦。

至心歸依，十方道寶，當願衆生，起心回向，一切信禮。

至心歸依，十方師寶，當願衆生，普上法橋，無有障礙。

宿命讚

侍經宣第五迴開經科

敷座吟

靜念如法

開經玄蘊呪

請轉法輪

師題經

誦經畢

解座吟

侍經回向

智惠頌

師同齋官，旋至東北方，上香再

拜

臣恭以經演五迴，蓋法乎天數；誠存一念，諒鑒於人心。恭惟東北方無

極太上靈寶天尊，東北方無極飛天神王長生大聖無量度人君。上鎮太霄，尊居良地。自臨至泰，成發生萬物之功；旋斗歷箕，有回度五常之妙。伏願書功上奏，儲祉下臨。順正星躔，俾諸福之畢至；鎮安國祚，庶萬方以來朝。具有表文，謹當宣告。

宣表關

焚化

侍經宣第六迴開經科

節次同前

旋至東南方，上香，再拜

臣恭以玉軸卷舒，數符陰六；金真嘯詠，響徹三天。恭惟東南方無極太上靈寶天尊，東南方無極飛天神王長生大聖無量度人君，處四碧宮，居重巽位。在昔浮黎之國，親受玄微；至今神霄之天，專司濟度。伏願轉經文之六徧，奏功賞於諸天。天罡太一之大聖，扶持百祥皆集；鶉尾壽星之吉曜，臨照何福不臻。具有表文，謹當宣告。

宣表關

焚化

侍經宣，第七迴開經科
節次同前

旋至西南方，上香再拜

臣恭以七轉召萬神，既成經法；三天煥九景，如對靈光。恭惟西南方無極太上靈寶天尊，西南方無極飛天神王長生大聖無量度人君，坤位居尊，人門布化。遐盼極覽，每接引於學徒；窮思畢精，妙發揮於經旨。伏願奏善於虛皇之御，書功於始素之天。人道長生，自遏除於鬼錄；天光下燭，常渙發於身田。具有表文，謹當宣告。

宣表關

焚化

侍經宣，第八迴開經科

節次同前

旋至西北方，上香再拜

臣恭以梵炁周迴，經終八徧；魔王保舉，功奏諸天。恭惟西北方無極太上靈寶天尊，西北方無極飛天神王長生大聖無量度人君，法道自然，體乾不息。雍和萬化，蓋將以立教存心，撫掌兆民，一是以度人爲本。伏願書名金

錄，列字王清。存道炁，養真精，神將來舍；開天門，閉地戶，邪不能干。具有表文，謹當宣告。

宣表關

焚化

三聞經

發願

復鑪如故

仙靈仙官、金童玉女、五帝五嶽神仙真人、三炁正神、左右龍虎君、天仙子、五靈香官，當令召致十方正炁，自然生金液丹碧芝英。百靈衆真，交會在此，香火鑪前。當願十方仙童玉女，接待香烟，傳臣向來所啓之言。速達徑御無上三十二天元始上帝至尊几前。

直壇引下壇詣幕謝師

師上香再拜

具位臣，某虔誠上啓靈寶玄中大法師真君，靈寶經師君、籍師君、度師君，正一天師君，女師嗣師系師君，靈寶監齋大法師真君，赤明開圖、黍珠授受一派宗師。恭望師慈，俯觀謝悃。臣向來

引領官衆，升壇轉誦《太上洞玄靈寶無量度人上品妙經》第五徧至第八徧，幸以周圓，徑爲祝延萬壽，保天長存。仰荷師恩，冥扶默相。謹伸謁謝，尚冀成終。俟琅函卷軸之時，至玉輅回鸞之日。還功報德，鏤骨銘心。上弘靈寶之科，以廣慈悲之化。臣等干冒師嚴，下情無任，不勝戰慄之至。

向來

念善

金錄十迴度人午朝轉經儀

金錄十迴度人晚朝轉經儀

師堂序立

法事

高功跪啓

具位臣，某重伸上啓靈寶玄中大法師真君，靈寶經師君、籍師君、度師君，正一天師君，女師嗣師系師君，靈寶監齋大法師真君，赤明開圖、黍珠授受一派宗師。恭望師慈，俯回洞鑒。臣聞，靈寶本章，總百魔之隱韻；上品妙首，敷十轉之玄功。茲再演於經科，庸仰干於師造。臣今入意以今引領官衆，升壇轉誦《太上洞玄靈寶無量度人上品妙經》第九迴至第十迴，敬爲祝延萬壽，保天長存。全賴師慈，主盟壇席。庶使響徹三天，聲聞九地。一切有情，同沾利益。專俟恩命，宣演經科。臣等干冒師嚴，下情不勝虔禱之至。領衆升壇，恭行典式。

唱道，引至壇前序立

次第升壇，上香

信禮

各禮師存念如法

玉音攝炁，靈風聚烟。紫虛鬱秀，輔翼萬仙。千和萬合，自然成真。

鳴法鼓二十四通

無上玄元太上道君，召出臣等身中三五功曹、左右官使者、侍香金童、傳言玉女、五帝直符直日香官，各三十二人出。關啓所言，臣今爲某，入意願得太上降賜十方正真生炁，流注臣等身中，令臣所啓，速達徑御無上三十二天元始上帝至尊御前。

請稱法位

具位臣，某大謝，謹同誠上啓太上無極大道虛無自然元始天尊、妙無上帝，玄皇高聖太上玉晨大道君靈寶天尊、妙有上帝，混沌萬變玄元老君道德天尊、至真上帝，昊天玉皇上帝，元陽慈父大道君，靈寶玉母大道君，南極天皇上帝、北極紫微大帝、朱陵度命天尊、后土皇地祇、十方無極太上靈寶天尊、已得道大聖衆、至真諸君丈人，三十二天帝君、東華南極西靈北真玄都玉京

金闕七寶瓊臺紫微上宮靈寶至真明皇道君，上相上宰、上保上傅、玄中太皇上帝高真，三十六部尊經，玄中大法師，五帝三官、四司九府、日月五星、南辰北斗、二十八宿、璇璣玉衡、列象星真，十方無極至真大神，飛天神王長生無量度人君，天真皇人妙行真人，靈寶三師、監齋大法師、侍經五帝、玉童玉女、典經玉郎、三洞侍經，靈寶官屬、三界五帝、大勳魔王，三界官屬，應感真靈。恭望洪慈，俯回洞鑒。臣聞，空梵成文，雖隱顯龍康之劫；法輪啓祕，有彌綸宇宙之功。顧茲口誦以心惟，諒哉聲發而響應。臣，某倥侗何取，僕遯無庸。幸因緣運之遭逢，遂竊篇章而紬繹。屬當夜奏，再畢經功。分陰分陽，考數已窮於奇耦；徹上徹下，疏恩諒博於高卑。稽首歸依，無極大道。

至心歸依，十方經寶，當願衆生，心開悟解，受持讀誦。

至心歸依，十方道寶，當願衆生，起心回向，一切信禮。

至心歸依，十方師寶，當願衆生，

普上法橋，無有障礙。

宿命讚

侍經宣，第九迴開經科

敷座吟

靜念如法

開經玄蘊呪

請轉法輪

師題經

誦經畢

解座吟

侍經回向

智惠頌

師同齋官旋至上方，上香再拜

臣恭以空洞靈章，美成九轉；雲營流響，透徹十方。恭惟上方無極太上靈寶天尊，上方無極飛天神王長生大聖無量度人君。位鎮圓羅，功施洪覆。寶珠勃勃，親聞金口之說經；雲層峨峨，常與玉京之聽政。伏願臨下有赫，申命用休。陰陽寒暑得其平，物無疵癘；日月星辰麗乎正，國有禎祥。具有表文，謹當宣告。

宣表關

焚化

侍經宣，第十迴開經科

敷座讚

請轉法輪

師舉經

存思如初

道言，昔於始青天中云云大量玄玄也。

解座吟

侍經回向

智惠頌

旋至下方，上香再拜

臣恭以行香誦經，始終十徧。祈恩請命，表裏一誠。恭惟下方無極太上靈寶天尊，下方無極飛天神王長生大聖無量度人君。命式九圍，光被四表。惟總御大小，必承宣道化以旁周；而普度天人，非推廣經功而莫可。伏願錫之終惠，介以純禧。大書特書不一書，明標功籍；有色無色非有色，均囿化鈞。具有表文，謹當宣告

宣表關

焚化

侍經宣，普嘆經文

三聞經

師收經讚

收經得道，普福天人。無上玄元，無邊睿澤。當願帝王保鎮，國祚安寧。永樂太平，長享清靜。和稽首歸依，無極大道。

師叩齒三十六通，心拜十方而退。東向，心禮三拜，瞑目密呪曰：臣，某謹誦《元始度人上品妙經》十徧既周。乞發龍輶，天神下降，役使六甲，七祖飛升，我騰上清。呪畢，叩齒三通，咽液三過。北向，心禮三拜，瞑目呪曰：上皇天真，使我升靈。清齋澡鍊，誦詠靈書。七玄披散，上朝太虛。延年長存，刻名錄書。呪畢，叩齒九通，咽液十過。

納官如法

臣誦經已竟，向來所出臣身中三五功曹、左右官使者、侍香金童、傳言玉女、五帝直符直日香官，各三十二人。請還入臣等身中，復於宮室。母令差互。後召又到，一如故事。

師精思還宮畢，叩齒三通，咽液三過。

發願

復鑪如故

仙靈仙官、金童玉女、五帝五嶽神仙真人、三炁正神、左右龍虎君、天仙地仙、五靈香官，當令召致十方正炁，自然生金液丹碧芝英。百靈衆真，交會在此，香火鑪前。當願十方仙童玉女，侍衛香烟，傳臣向來所啓之言，速達徑御無上三十二天元始上帝至尊御前。

下壇前，謝神王

具位臣，某謹重誠上啓十方無極飛天神王長生大聖無量度人君，十方飛天使者，十天玉女，十方一切神仙官屬。咸望洪慈，洞回昭鑒。向來欽奉綸音，崇修金籙大齋，轉誦《太上洞玄靈寶無量度人上品妙經》十徧，仰勤鑒證，幸已周圓。謹竭丹誠，徑伸謁謝。伏念某等骨相非仙，血屍尚穢。宣行雲篆，豈能應之手，得之心；諷誦天書，不過出乎口、入乎耳。存思迷謬，音響嘯呶。未能致冥慧洞清之天，而先招輕泄漏慢之過。仰祈春育，曲賜海涵。叩謝疏文，謹當宣讀。

宣疏

疏文宣竟，諒賜鑒觀。伏願聖心寬綽，宇宙含洪。不加斧鉞之誅，曲賜併蒙之造。使經教昭布乎寰宇，而道恩光被于邦家。法衆虔誠，謹當奉送。

直壇引下壇，詣幕謝師

師上香再拜

具位臣，某重伸上啓靈寶玄中大法師真君，靈寶經師君、籍師君、度師君，正一天師君，女師嗣師系師君，靈寶監齋大法師真君，赤明開圖、黍珠授受一派宗師。恭望師慈，俯觀謝悃。伏以屢控師垣，宏宣寶笈。已蒙開悟，幸遂周圓。恭詣師階，特摠謝悃。臣向來引領官衆，升壇轉詠《太上洞玄靈寶無量度人上品妙經》第九迴至第十迴，已遂周圓。仰荷師恩，克成善念。徑殫愚悃，謁謝玄堂。重念某體未洞真，故莫窮於玄奧；學不至道，愧未造於清虛。伏望大造垂恩，玄師錫慶。俯憐末學，不賜譴訶。庶俾家國沾恩，存亡獲福。善功圓滿，品彙生成。干冒師嚴，臣等下情不勝攀戀之至。瞻仰天階，傾心拜送。

修齋
雲輿
向來
念善

金錄十迴度人晚朝轉經儀

(陳耀庭點校)

019 玉籙資度宿啓儀

經名：玉籙資度宿啓儀。一卷。
底本出處：《正統道藏》洞玄部
威儀類。

法事如式

各禮師，存念如法

請宣神呪

東方

九炁青天，明星大神。煥照東方，洞映九門。轉燭陽光，掃穢除氛。開明童子，號曰玄卿。備衛我軒，上對帝君。收魔束妖，討捕兇羣。奉承正道，赤書玉文。九天符命，攝龍驛傳。普天安鎮，我得飛仙。

南方

三炁丹天，煥景流光。熒星轉燭，洞照太陽。上有赤精，合契虛皇。開明靈童，號曰華房。總統火兵，備守玉

堂。斬邪束妖，翦截魔王。北帝所承，風火莫當。流鈴交煥，翊衛壇場。正道流行，敢有巴狂。我享上功，坐運魁罡。億劫長存，保天無疆。

西方

七炁素天，太白流精。光耀金門，洞照太冥。中有素皇，號曰帝靈。保神安鎮，衛我身形。斷截邪源，王道正明。宮殿整肅，三景齊并。道合自然，飛升紫庭。靈寶符命，普惠萬生。元皇正炁，來合我身。功加一切，天地咸寧。

北方

五炁玄天，元始徘徊。辰星煥爛，光曜太微。黑靈尊神，號曰層威。統冠飛天，仙裙羽衣。備衛五門，檢精捕非。敢有干試，豁落斬摧。玉符所告，神真八威。邪門閉塞，正道明開。映照我身，三光同輝。策空駕浮，舉形仙飛。

中央

一炁黃天，調理乾坤。陶鎔陰陽，總統玄真。鎮星吐輝，流煥九天。開

光童子，號曰天璘。元炁陽精，焰上朱煙。洞照天下，及臣等身。百邪摧落，殺鬼萬千。中山神呪，普天使然。五靈安鎮，身飛上仙。

鳴法鼓二十四通

無上三天玄元始三炁太上道君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今宿啓告齋，建壇歲事。謹奏爲入意其諸情悃，已錄告聞。願得太上至真道炁靈寶慧光下降，流入臣等身中，令臣所啓之誠，速達徑御至真無極大道三清上聖昊天金闕玉皇上帝，東極慈尊青玄上帝道前。

請稱法位

具位臣姓某等今故燒香，願以是香功德，上願某靈鳳馭凌霄，鸞駟汎景，登神快樂，證果逍遙。普爲皇帝陛下，皇太子殿下，藩屏王侯，土地官長。臣等三師五友、異代學真、谷隱巖棲、門徒祭酒，以至三軍萬姓，天下人民，動植

飛潛，無邊含識，皈身皈神皈命，太上十方靈寶自然至真無極大道。特乞赦原臣等三業六根、無邊罪犯，得離三灾五苦、八難九厄之中，身得道真，歌詠太平。同躋仁壽，逍遙無爲，永與道合。所啓玄感，應聲上御至真無極道前。

知磬舉，起敬贊

唱十方

禮足，各長跪，皈命懺悔

臣法衆等志心皈身皈神皈命，十方無極大道太上靈寶天尊，恭望洪慈，洞垂巨澤，普降洪恩。臣聞，混元祖炁，常清靜以爲宗；玉籙儀文，匪齋盟而莫格。將感通於上聖，先蕩滌於纖瑕。庶竭忱誠，以資冥福。猶慮臣等智淪象罔，識染紛葩。精氣神混合之真，業山未破；身心口流吹之妄，定水俄波。動積過尤，無邊無量。仰祈矜憫，俯賜赦原。使臣等奏對無魔，存思合道。會萬真於帝所，集百福於齋壇。某靈證果登，福境以澄神；家國承庥，保瑤圖而永固。臣法衆等，志心稽首，禮謝無上

至真三寶。

知磬舉，三啓頌

三禮

重稱法位

具位臣姓某謹同誠上啓太上無極大道元始天尊，太上道君，太上老君，昊天玉皇上帝，紫微北極大帝，紫微天皇大帝，后土皇地祇，東極青華大帝，南極長生大帝，無上玉帝，玉虛上帝，東華南極西靈北真玄都玉京金闕七寶瓊臺紫微上宮靈寶至真明皇道君，十方已得道大聖衆、至真諸君丈人，大慈大悲救苦真人、救度真人、大惠真人、注生真人、普救真人，香林會中法解真人，二十六部尊經，玄中大法師，三天大法師，靈寶經籍度三師真君，正一嗣系女三師真君，三界官屬，一切真靈。臣等社櫟散材，并梧弱質。親承道紀，慨入室之悠悠；快睹玄樞，斯面墻之鬱鬱。莫撫煙霞於駒谷，徒玩日月於雞窗。教出始青，惟抱宣符之切；科尊太素，懼貽布憲之嚴。倘非誓地以立功，曷克承天而補過。臣欽奉綸音，

崇修玉籙，資薦某靈，增崇天福。按如詞旨，備極精誠。淬礪丹衷，磨礱素悃。遵紫陽金匱之祕，依蒼極玉籙之玄。門列十華，壇周四界。法天象地，三乘羅鸞鷲之班；呼陰召陽，九奏降龍鸞之御。藹飛煙於蘭鼎，騰彩霧於芝籥。旌葆翩翩，旛花搖曳。自某日爲始，謹依科範，啓建玄壇。恩惟三寶道師、九幽教主，垂慈鑒映，省覽所陳。敕勒三洞仙靈、靈寶官屬、青玄僚佐、黃籙班聯、監齋侍經、衛壇護道、社令土地、應感靈祇。協力同心，掃妖氛於內外；通誠達信，契影響於天人。令臣等百體清明，三關調泰。凝真端息，融妙炁於丹廬；會道運神，挹靈光於玄座。羅敷洪澤，資薦神靈。庶齋福以周圍，俾法輪而興轉。明晨行道，續更啓聞。

知磬舉，智慧頌

告符簡

存神燒香

香官使者、左右龍虎君、侍香諸靈官，當令臣向來宿啓建壇之所，自然生

金液丹碧芝英。百靈衆真，交會在此，
香火鑪前。上願天鑒中心，風清下土。
玉振金聲之合序，瓊輪羽蓋之臨軒。
成就朝修，旁流冥福。十方仙童玉女，
接待蘭烟，傳臣向來所啓之誠，速達徑
御至真無極大道三清上聖、昊天金闕
玉皇上帝、東極慈尊青玄上帝道前。

出堂頌

玉籙資度宿啓儀

(陳耀庭點校)

020 玉籙資度解壇儀

經名：玉籙資度解壇儀。一卷。
底本出處：《正統道藏》洞玄部
威儀類。

法事如式

各禮師，存念如法

請宣神呪

五靈列位，煥鎮五方。始皇護魂，丹老衛形。皓靈侍魄，黑帝攝生。中央黃帝，統御萬真。元皇誥下，幽夜開光。罪消北府，名列南昌。金籙定籍，玉字除殃。朱陵鍊質，飛神太倉。三官九府，無極神鄉。普受開度，上生天堂。和與道合真。

鳴法鼓二十四通

無上三天玄元始三炁太上道君、太上老君，召出臣身中三五功曹、左右官使者、左右捧香驛龍騎吏、侍香金

童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今解壇言功，焚香禮懺，謹奏爲入意其諸齋悃，已錄告聞。願得太上至真道炁靈寶慧光下降，流入臣等身中，令臣所啓之誠，速達徑御至真無極大道三清上聖昊天金闕玉皇上帝、東極慈尊青玄上帝道前。

請稱法位

具位臣姓某等今故燒香，皈身皈神皈命，太上十方救苦無上慈尊。臣聞三籙垂科，五篇著範。茂弘道旨，丕闡玄風。法天像地而肇建壇儀，呼陰召陽而鎮安雲篆。千真降駕，萬聖臨軒。齋盟上格於層霄，真馭下臨於法席。用資某靈，昇真天府，證品仙階。今則啓願告成，朝修事竟，解壇散席，首過言功，荐冀洪恩，尊安宗社。金龍起篆，慶圓滿於醮功；玉緯流光，降洪厯於景福。所啓玄感，上徹徑御至真無極道前。

知磬舉，起敬贊

十方號

禮足，各長跪，虔誠懺悔

臣法衆等志心皈身皈神皈命，十方救苦無上慈尊。恭望洪慈，洞垂巨澤，普降洪恩。以今解壇散席，焚香禮懺。臣聞，三天播澤，靈光舒化育之仁；九地承恩，祖炁運遷神之德。荷宸恩之鑒映，幸齋法之周圓。庸罄丹忱，仰干洪造。重念臣等精神混俗，容止生塵。玉律昭回，凜三元之校錄；金科錯落，嚴四極之條章。竄冀隆寬，恪垂涵育。陶靈光於九軌，誓暢玄宗；流法雨於三途，願隆聖造。臣等志心稽首，禮謝無上至真三寶。

三啓

三禮

重稱法位

具位臣姓某與臨壇法衆等，謹同誠上啓青玄祖炁虛無自然元始天尊，太上道君，太上老君，昊天玉皇上帝，紫微天皇大帝，紫微北極大帝，后土皇地祇，東極青玄老君，運明保元上帝，太乙救苦天尊，九幽拔罪天尊，十方分身

應化救苦天尊，大慈大悲救苦真人、大惠真人、注生真人、香林會中法解真人、十華真人、普救真人，三十六部尊經，玄中大法師，三天大法師、三界應感，醮筵降格，一切威靈。臣等野馬微生，醯雞陋質。荷九宸之錫慶，際三洞之開光。身縮金符，名聯玉籍。烟霞攝景，盍抗志於清虛；日月同流，乃棲身於埃壘。百非未滌，萬業猶羈。緬惟受道之丹忱，常勵濟時之素誓。庶俾化育，不負生成。既奉詞文，敢忘關奏。臣自今月某日爲始，欽奉綸音，崇修玉籙資度大齋幾晝夜。膳詞達悃，降真召靈。揚十絕之華幡，然九卮之法炬。解消結滯，落滅冤愆。拯度容儀，超升陽境。葵忱露奏，荷三境以流輝；芝檢風馳，開九幽而御炁。銘心罔極，刻骨奚殫。以今釐事慶成，齋功告備。天人同慶，幽顯相歡。羽葆翩翻，將返瓊輿之仗；虎旌晻藹，行收禁路之班。盍依格以奏功，爲關盟而遷賞。恩惟玄穹至聖，皇極元尊。俯覽懇祈，曲垂采鑒。其有建齋之日，上請三洞官屬、

九天真靈，監齋衛真，侍經護道，虛空監察，土地神祇，營衛齋功，具嚴勞績。即玄壇而相表，希洪造以酬恩。臣等存念不周，俯仰未備。有五帝四司之校錄，慮千愆萬過之充周。等冀隆慈，普蒙矜宥。臣誠惶誠恐，稽首頓首，謹啓以聞

宣言功表

熏表

焚燎

宣關

宣回將牒

遣官如法

謹遣臣等身中五體真官、官一小吏、十二書佐，重敕功曹使者、飛龍驛吏，嚴裝顯服，冠帶垂纓，磨硯點筆，簪劍理錄，爲臣及時操持表文，上詣三天曹治，隨事奏對。若有謬誤文字，脫落言辭，倒錯不相次比者，請傳言書佐，習事小吏，操龍頭書刀，長毫利筆，隨誤正定。毋令上官典者有所遺卻，徑達三天無極大道太上御前，慎勿稽停。左吏歷關，右吏歷啓，以次分別，當令臣

所請者下，所召者到，所濟者度，所宣者通，所遷者達，所願者應，所求者得。若有下官故炁，遏截臣表文不使上達者，收付所在近獄，依律治罪，以明天憲。臣退伏案前，伏待報應。

納官如法

臣通誠事竟，及建齋之始，所出身中功曹使者、一切真官、仙君吏兵，並還臣身中，從衆妙門而入，在左還左，在右還右。直日功曹，主領檢押，還復本位。毋令差互，須召又到，一如故事。

還功報德天尊

旋繞一匝

師立東，面西

衆立西，面東，皆跪

講舉，長跪，還戒如法

臣等學法未備，俯仰失格，進止犯科，不合儀式。恐爲四司所糾，五帝所執，千愆萬過，乞垂赦宥。哀原未悟，不見罪罰。臣等建齋之初，奉請智慧上品十戒，登齋禁戒，以檢身心。法事既竟，謁還天宮。謹上啓以聞，伏希昭宥。臣等誠惶誠恐，稽首頓首，再拜謹

言。

舉還戒頌，歸位一拜

宣三簡

投簡畢

知磬舉，五龍起鎮天尊

起鎮

發願

存神燒香

香官使者、左右龍虎君、侍香諸靈官，當令臣向來解壇散席芝所，自然生金液丹碧芝英。百靈衆真，交會在此，香火鑪前。當願善功普博，齋福周隆。十方仙童玉女，接待蘭煙，傳臣向來所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

解壇頌

下壇，辭三寶

時光迅速，日影漸移。香散玉華，道還金闕。皇圖地久，聖壽天長。和稽首拜辭，十方道寶。

金童進善，玉女奏功。名掛金牌，經藏寶韞。神靈升度，家國蒙恩。聖

入虛無，功沾幽顯。和稽首拜辭，十方經寶。

瓊鐘息響，壁磬收聲。師返太清，名標紫府。三途罷對，五苦停輪。和稽首拜辭，十方師寶。

願諸衆生，諸惡莫作，衆善奉行。不墮劫緣，常居盛世。有情含識，同證無爲。和稽首拜辭，十方衆聖。

玉籙資度解壇儀

（陳耀庭點校）

021 玉籙資度設醮儀

經名：玉籙資度設醮儀。一卷。
底本出處：《正統道藏》洞玄部
威儀類。

法事如式

各禮師，存念如法

請宣神呪

五靈列位，煥明五方。始皇護魂，丹老衛形。皓靈侍魄，黑帝攝生。中央黃帝，統御萬真。元皇告下，幽夜開光。罪消北府，名列南昌。金籙定籍，玉字除殃。朱陵鍊質，飛神太倉。三官九府，無極神鄉。普受開度，上生天堂。和與道合真。

鳴法鼓二十四通

無上三天玄元始三炁太上道君、太上老君，召出臣身中三五功曹、左右官使者、左右捧香驛龍騎吏、侍香金

童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今設醮朝修，謹奏爲入意其諸齋悃，具載青詞。願得太上至真道炁靈寶慧光下降，流入臣等身中，令臣所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

請稱法位

具位臣姓某與臨壇官衆等，謹同誠上啓太上無極大道虛無自然元始天尊，太上道君，太上老君，昊天玉皇上帝，紫微天皇帝，紫微北極大帝，后土皇地祇，東極慈尊運明保元上帝，十方應化救苦天尊，九天生神上帝，三十二天上帝，五靈五老上帝，上清十一曜星君、二十八宿星君，三元三官大帝，北極四聖真君，北極九府上真道君，泰玄樞機三省上相真君，靈寶五師真君，九天諸司真宰天曹、諸司真君，大慈大悲救苦真人，大慈大悲大惠真人，妙行真人，法解真人，太乙玄生府青玄黃籙

院主宰仙官，黃籙九司仙靈，九天普度仙真靈官，三元三官九府真宰，五嶽五帝真君，祖玄真師真人，五天聖帝，本派經籍度師真人，北陰玄天酆都大帝，六洞十宮、九幽冥路、主執神靈，京城隍諸廟聖衆，三界應感一切真靈。臣聞，赤明開圖，祖炁散洪濛之粹；青華御極，神光敷混沌之精。握蒼蓋而稟清微，臨黃輿而甦北鬱。靈風鼓舞，威神徧滿於十方；甘露涵濡，慧力圓通於三界。凝紫金之瑞相，宴碧玉之祥區。二府雲聯，九司星列。尋聲赴感，慈悲演妙於香林；應化分身，道德凝玄於騫樹。天人皈命，幽顯傾心。臣等一念疏瀹，五體澄虛。行道修齋，已拜鴻龐之惠；瞻天望聖，爰殫螻蟻之誠。莫結草以摠誠，姑采蘋而致薦。伏願龍旂翠節，詡霄景於玄虛；鳳葆珠幢，擁靈輝於碧落。清蹕肅獅頭之駕，黃麾嚴豹尾之塵。十華之日，駟來臨風雲合景；三極之霞，驂迂泣水月交輝。不忘應感之私，悉副懇祈之切。臣等不勝瞻天望聖激切之至。與醮列真，先

當奉請。

降兩班與醮列真

三界衆真，醮筵列聖。向伸拜請，諒沐光臨。請各整於仙班，共祇迎於帝御。

降九御

鸞輿至止，鶴駕臨軒。與醮列真，如儀朝禮。朝禮既周，請陞醮座。禮官上香，酒陳初獻。

舉散花

重稱法位

具位臣姓某與臨壇官衆等，謹同誠上啓三清上聖，東極慈尊，三界真仙，無鞅聖衆。臣聞，雲層列聖，青林凝生炁之華；風澤億曹，黑壘結迷雲之翳。羅六天之幽府，列九地之神鄉。職宰陰陽，權司水火。匪廓慶雲之汗漫，孰開昏霧之冥濛。俾宴玉芝，永超金粟。企神功於浩劫，仰願力於中天。虎拜勤渠，鳳瞻激切。臣等欽奉綸音，崇修玉籙，資薦某靈，益增天福，克證道真。匪請命於妙嚴，曷升神於霄極。肅芝壇而肆覲，依蓮座以對揚。潔己首愆，

精心微福。果拜登真之惠，特敷證品之功。知恩報恩，當罄情於瑤玫；上德不德，固何意於珠環。葑菲自慚，蘋蘩冒列。爰有青詞，謹當宣奏。

宣詞

詞旨具陳，淵衷洞鑒。伏願聽卑不遺，流丹恩於惠露；臨下有赫，道官玄憲於風霆。混萬聖以時歆，羅千真而日鑒。蒙如蟻禱，亶謝洪私。臣等不勝，酒陳亞獻。

宣進狀

臣謹重誠上啓三清上聖，東極慈尊，三界真仙，無鞅聖衆。臣聞，渺渺大羅，凝九華之妙炁；塵塵刹土，現三際之法身。慈雲東闡於玄真，聖日上宗於元始。玉毫遠照，廓華蓋而六合彌綸；金景旋飛，下崑崙而九幽昭朗。枝灑空青之藥，瓶流沈碧之英。妙矣玄機，大哉至化。凡皈依而有請，悉提獎以無遺。用資某靈，伏願五神冰瑩，萬炁波澄。心易悟未畫之前，性頓覺無名之始。驪珠猶耀，映滄海以涵虛；蟾玉孤明，現碧霄而煥景。高步

綠霞之景，棲身紫極之庭。翠篆承顏，侍赤圓於長樂；金芝綴武，凝青藹於方諸。上願覆載清寧，儀璘煥耀。山靈薦祉，川后呈祥。熙熙藏富於三農，桑麻雨足；蕩蕩收烽於四鄙，榆柳春閑。無焚林竭澤之憂，遂戾天躍淵之樂。三途五苦，均鼓舞於福鄉；四海九州，悉歡呼於壽域。皇圖永固，宗社隆安。臣等致恭，酒陳三獻。

法事

臣謹重誠上啓三清上聖，東極慈尊，三界真仙，無鞅聖衆。臣聞，旋天色，凝天淵，函圓方而朗照，親有德，享有道，廓經緯以周流。俯殫翼翼之心，仰扣巍巍之大造。光明濟下，冀旌几奏之勤；恍忽質旁，諒恕階升之瀆。以今敷陳禮畢，薦獻情周。蘭烟收鳳鼎之華，蓮炬暗龍缸之燼。前瞻翠節，將返景於璇霄；後矚珠旛，已回光於瑤極。月駟透迤而旁邁，雲龍搖曳以高征。萬聖旋班，千真復位。運元會道，百神混合於泥丸；入妙凝真，萬炁虛圓於玄化。臣等下情，無任不勝攀戀

之至。謹稽首頓首，奉辭聖駕。

回輶頌

存神燒香

香官使者、左右龍虎君、侍香諸靈官，當令臣設醮朝修之所，自然生金液丹碧芝英。百靈衆真，交會在此，香火鑪前。當願醮修圓滿，景福旁敷。十方仙童玉女，接待蘭煙，傳臣向來所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

寶華圓滿天尊

送聖

化財

向來

回向

玉籙資度設醮儀

（陳耀庭點校）

022 玉籙資度早午晚朝儀

經名：玉籙資度早午晚朝儀。
一卷。底本出處：《正統道藏》
洞玄部威儀類。

玉籙資度早朝儀

法事如式

各禮師，存念如法

請宣神呪

青陽虛映，曜日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右第六丁。七轉八合，周旋天經。聖化巍巍，大道興行。慶雲流布，合景黃庭。

鳴法鼓二十四通

無上三天玄元始三炁太上道君、太上老君，召出臣等身中三五功曹、左

右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今早朝，陞壇行道，謹奏爲入意其諸忱悃，已錄告聞。願得太上十方至真道炁靈寶慧光下降，流入臣等身中，令臣所啓速達徑御太上無極大道三清上聖、昊天金闕玉皇上帝、東極慈尊青玄上帝道前。

請稱法位

具位臣姓某與臨壇官衆等，謹同誠上啓虛無自然至真無極大道元始天尊，太上道君，太上老君，高上玉皇上帝，紫微北極大帝，紫微天皇大帝，后土皇地祇，東極青華大帝，南極長生大帝，無上玉帝，玉虛上帝，東華南極西靈北真玄都玉京金闕七寶瓊臺紫微上官靈寶至真明皇道君，十方已得道大聖衆、至真諸君丈人，大慈大悲救苦真人、救度真人、大惠真人、注生真人、普救真人、香林會中法解真人，三十六部尊經，玄中大法師，三天大法師，靈寶

經籍度三師真君，正一嗣系女三師真君，三界官屬，一切真靈。臣聞，赤明開圓，敷三元於祖炁；青玄御運，宏十極之真光。威神凝妙於紫金，慧力敷華於翠玉。香林駐景，琅音尊應念之慈；騫樹騰輝，瓊號表尋聲之惠。二府雲聯而宗德，九司星列以推仁。赫赫靈功，巍巍聖化。臣等福由宿慶，運際昌期。佩妙戒於身前，希夷師錫；擊鸞圖於肘後，微妙天開。莫高蹈於鵬搏，乃卑棲而駒逐。學真補過，退堅勵己之誠；宏道立功，進勉度人之力。恭承上命，敢不告聞。以今欽奉綸音，崇修玉籙，資薦某靈。虔潔己以輸誠，謹齋心而瀝悃。歸心東極，願開甘露之門；薦福某靈，早證紫虛之位。恩流宗社，澤被天人。以今早朝，陞壇行道，請法衆等，運慈初捻上香。願此香煙騰空，徑上供養無上至真道寶。臣等皈身皈神皈命，首體投地，仰依太上三尊十方衆聖。願以是香功德，端爲某靈，增崇天福，登進仙階。恭願凝神空碧，高步始青。擁環珮以朝元，慶延聖

祚；被藻旒而問道，祥衍神旂。今故燒香，自皈依師尊大聖衆，至真之德，得道之後，保天長存，和與道合真。

以今早朝，陞壇行道，請法衆等，

運茲二捻上香。願此香煙騰空，徑上供養無上至真經寶。臣等皈身皈神皈命，首體投地，仰依太上三尊、十方衆聖。願以是香功德，端爲某靈，登真快樂，進陟逍遙。恭願天詔下頒，玄恩誕錫。翠華寶幄，昇雲衢而直上朱陵；玉輦丹輿，朝西靈而高居絳闕。推恩寶祚，垂裕金枝。今故燒香，自皈依師尊大聖衆，至真之德，得道之後，昇入無形，和與道合真。

以今早朝，陞壇行道，請法衆等，

運茲三捻上香。願此香煙騰空，徑上供養無上至真師寶。臣等皈身皈神皈命，首體投地，仰依太上三尊、十方衆聖。願以是香功德，端爲某靈，悟道登真，凝神入妙。恭願紫府成真，玄都錫命。金輿羽葆，冲清虛而歸大梵之天；鳳表鸞姿，步瑤華而陟閬苑之境。慈澤永流於百世，仁恩啓佑於萬年。

今故燒香，自皈依師尊大聖衆，至真之德，得道之後，永保長存，和與道合真。

唱方

懺方

三啓

三禮

重稱法位

具位臣姓某與臨壇官衆等，謹同誠上啓三清上聖東極慈尊，三界真仙無鞅衆聖，醮筵設像一切真靈。恭望洪慈，洞垂昭鑒。臣聞，道尊太一，端神化於十方；教衍大千，流玄恩於鬱絕。凝虛無之玉相，承元始之金光。百寶流明，開晨輝於夜壑；九微回曜，啓朝景於寒庭。庶提風澤之幽寥，均步雲霄之渺莽。以今欽奉綸音，爰遵藥笈，肅建芝壇。誕修玉籙之妙齋，庸薦真靈之冥福。聞經聽法，朝獅御以依光；度命登真，步龍墀而御景。慶延宗社，澤被顯幽。上願乾樞澄湛，坤軸清凝。日月輝華，山河寧謐。三烽息警，貔貅樂意於堯疆；五穀告成，鴻雁棲身於舜畝。夜壑遂仙飛之樂，寒庭

無校錄之虞。動植飛潛，俱承惠澤。四生六道，悉被慈雲。則上明天尊大慈之化，下副臣等皈命之誠。謹啓以聞。

發願

存神燒香

香官使者、左右龍虎君、侍香諸靈官，當令臣向來早朝陞壇行道之所，自然生金液丹碧之英。百靈衆真，交會在此，香火鑪前。當願誠意感通，真靈升度，克證神仙之果，普資家國之恩。十方仙童玉女，接待蘭煙，傳臣向來所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

出堂頌

玉籙資度早朝儀

玉籙資度午朝儀

法事如式

各禮師，存念如法

請宣神呪

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟奸破妖，明耀元功。金符召制，躡雲策龍。謠歌慶會，散花太空。神化宜運，四極安隆。伏御帝前，罔有不恭。

鳴法鼓二十四通

無上三天玄元始三炁太上道君，太上老君，召出臣身中三五功曹、左右官使者，左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今午朝，陞壇行道，謹奏爲入意其諸忱悃，已錄告聞。願得太上十方至真道炁靈寶慧光下降，流入臣等身中，令臣所啓之誠，速達徑御太上無極大道三

清上聖、昊天金闕玉皇上帝、東極慈尊青玄上帝御前。

請稱法位

具位臣姓某與臨壇官衆等，謹同誠上啓虛無自然無極大道元始天尊，太上道君，太上老君，高上玉皇上帝，紫微北極大帝，紫微天皇大帝，后土皇地祇，東極青華大帝，南極長生大帝，無上玉帝，玉虛上帝，東華南極西靈北真玄都玉京金闕七寶瓊臺紫微上宮靈寶至真明皇道君，十方已得道大聖衆、至真諸君丈人，大慈大悲救苦真人，救度真人、大惠真人、注生真人、普救真人，香林會中法解真人，三十六部尊經，玄中大法師，三天大法師，靈寶經籍度三師真君，正一嗣系女三師真君，三界官屬，一切真靈。臣聞，萬真環拱，凝聖日於妙嚴；三極皈依，扇仁風於長樂。慧光映虹霓之象，威芒射劍戟之容。名耀垂慈，開地禁而招地魄；號尊救苦，將天炁以制天魂。一切之結習冰消，十方之威神風動。巍巍玄運，赫赫巖瞻。臣等身佩瑤圖，心繫瓊檢。煙霞

獨嘯，合凝二炁以鶯遷；日月同流，乃混萬塵而蚊負。切切惜分之志，依依進依寸之心。蹈過履非，幸道丹青之威令；承符宣德，誓彰金石之真忱。君命所臨，理宜關奏。欽奉綸音，崇修玉籙。資薦某靈，進位天階，升真仙品。按如詞旨，備切精誠。爰皈命於青華，冀登名於紫籍。瑤臺雲斂，羅玉籙之真階；琅闕天開，拱虛皇之寶御。禁路簇龍華之仗，霄衢傳鳳蹕之音，碧務彌羅，奏鈞天於芝陛；翠霞縹緲，飛寶篆於蘭箒。駕行穆穆以朝班，蟻悃勤勤而奏對。願敷陽綍，爲闢陰塵。俾萬類以霑恩，使十華而均慶。以今午朝，陞壇行道，請法衆等，運茲初捻上香。願此香煙，騰空徑上，供養無上至真道寶。臣等皈身皈神皈命，首體投地，仰依太上三尊、十方衆聖。願以是香功德，端薦某靈，伏願玉京侍聖，瑤闕凝真。炁入玄玄，蔭麟符而延周曆；神超渺渺，茂鳳紀以衍堯宗。今故燒香，自皈依師尊大聖衆，至真之德，得道之後，保天長存，和與道合真。

以今午朝，陞壇行道，請法衆等，運茲二捻上香。願此香煙，騰空徑上，供養無上至真經寶。臣等皈身皈神皈命，首體投地，仰依太上三尊、十方衆聖。願以是香功德，資薦某靈。上請上清黃籙院三佐真君，請授籙符，依科證道。伏願青華定籙，永遊宴於福鄉；朱陵登真，常逍遙於道境。今故燒香，自皈依師尊大聖衆，至真之德，得道之後，升入無形，和與道合真。

以今午朝，陞壇行道，請法衆等，運茲三捻上香。願此香煙，騰空徑上，供養無上至真師寶。臣等皈身皈神皈命，首體投地，仰依太上三尊、十方衆聖。願以是香功德，上請度人不死之神，南極長生之君，度世司馬大神，好生韓君丈人，南上司命司錄，延壽益筭度厄尊神，南上九華真人，十方飛天神王，同遵符命，升送某靈，上登天位。恭願降日月之真精，會陰陽之梵炁。精神魂魄，意聚五炁以朝元；玄牝天地，根結一珠而成象。證真天府，遊宴玉京。澤被人天，恩覃家國。今故燒香，

自皈依師尊大聖衆，至真之德，得道之後，永保長存，和與道合真。

唱方

懺方

命魔

三啓

三禮

重稱法位

具位臣姓某與臨壇官衆等，謹重誠上啓三清三境天尊，十極十華上聖，三界官屬，玄壇應感，一切真靈。臣聞碧落流精，洞煥綠羅之界；青霄御炁，輝煌蒼藹之墟。示法身而數若沙塵，衍聖言而明符日月。凡伸皈命，必沐留神。以今欽奉綸音，崇修玉籙，祇薦某靈。玉簡升神，諒齋功之罔極；金符度命，信妙果之無窮。恭願某靈祖炁澄清，性天瑩徹。高步華林之境，妙登碧落之庭。上願三景高明，五靈協順。風雲藏斂，草木輝華。魚躍鳶飛，遂生成於禹迹；鳳儀獸舞，陶化育於虞廷。三農遊夏屋以歡娛，四鄙登春臺而樂意。顯幽遂慶，宗社隆安。則上明天

尊大慈之化，下副臣等皈命之誠。謹啓以聞。

發願

存神燒香

香官使者、左右龍虎君、侍香諸靈官，當令臣向來午朝陞壇行道之所，自然生金液丹碧之英。百靈衆真，交會在此，香火鑪前。當願誠意感通，某靈升度。克證神仙之果，普資家國之恩。十方仙童玉女，接待蘭煙，傳臣向來所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

出堂頌

玉籙資度午朝儀

玉籙資度晚朝儀

法事如式

各禮師，存念如法

請宣神呪

五星高耀，瑞氣飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪滅惡，道炁周流。神光照夜，陰翳俱收。萬神降格，扇景乘颿。羣生咸遂，惠徧神州。和與道合真。

鳴法鼓二十四通

無上三天玄元始三炁太上道君，太上老君，召出臣身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今晚朝，陞壇行道，謹奏爲入意其諸忱悃，已錄告聞。願得太上十方至真道炁靈寶慧光下降，流入臣等身中，令臣所啓之誠，速達徑御太上無極大道三

清上聖、昊天金闕玉皇上帝、東極慈尊青玄上帝道前。

請稱法位

具位臣姓某與臨壇官衆等，謹同誠上啓虛無自然至真無極大道元始天尊，太上道君，太上老君，高上玉皇上帝，紫微北極大帝，紫微天皇帝，后土皇地祇，東極青華大帝，南極長生大帝，無上玉帝、王虚上帝、太微天帝、少微天帝，東華南極西靈北真玄都玉京金闕七寶瓊臺紫微上宮靈寶至真明皇道君，十方已得道大聖衆、至真諸君丈人，大慈大悲救苦真人，救度真人、大惠真人、注生真人、普救真人、香林會中法解真人，三十六部尊經，玄中大法師，三天大法師，靈寶經籍度三師真君，正一嗣系女三師君，三界官屬，一切真靈。恭望洪慈，俯垂昭鑒。臣聞無色無淵，祖炁妙凝於混沌；成形成象，真精煥落於洪濛。因五大以開圖，奠三靈而立極。道遵元始，光明洞輔之中；教演虚皇，化育堪輿之表。無文不度，有感斯通。臣等運際明時，緣逢

慶會。膺九清之玉牒，佩三洞之瓊文。結友雲扃，未符高步。承流塵路，莫悟玄宗。籍師寶之相携，感帝恩之下燭。尚寬玄責，猶服真乘。惟金科昭贊於仁風，度人是切；而玉律扶持於化日，濟物爲先。凡有皈投，敢忘關奏。臣欽奉綸音，崇修玉籙，祇薦某靈，按如詞言，備極昭切。庸潔玄壇而闡事，恭依玉籙以登齋。奉奎璧於十華，散金花於五界。願垂睿鑒，申衍蕃釐。敕制地祇，有護衛送迎之喜；超凌仙界，得逍遙快樂之天。福利邦家，恩沾寰宇。以今晚朝，陞壇行道，請法衆等，運茲初捻上香。願此香煙騰空，徑上供養無上至真道寶。臣等皈身皈神皈命，首體投地，仰依太上三尊、十方衆聖。願以是香功德，資薦某靈。恭願神遊紫極，汎景玄虛。蔭芝蓋以凝真，密扶聖祚；躡蓮臺而縱步，垂蔭本枝。今故燒香，自皈依師尊大聖衆，至真之德，得道之後，保天長存，和與道合真。以今晚朝，陞壇行道，請法衆等，運茲二捻上香。願此香煙騰空，徑上

供養無上至真經寶。臣等皈身皈神皈命，首體投地，仰依太上三尊、十方衆聖。願以是香功德，資薦某靈。恭願進位仙階，登真妙境。步瑤臺而遊宴，詣瓊圃以逍遙。福果自然，形神俱妙。蔭宗枝於百世，翊寶祚於萬年。今故燒香，自皈依師尊大聖衆，至真之德，得道之後，昇入無形。和與道合真。

以今晚朝，陞壇行道，請法衆等，運茲三捻上香。願此香煙騰空，徑上供養無上至真師寶。臣等皈身皈神皈命，首體投地，仰依太上三尊、十方衆聖。願以是香功德，資薦某靈。恭願慧源昭朗，覺海澄清。浴神流火之庭雲，網旋躡蔭。質明霞之館，天步高躋。上及太廟宗祧，俱登天位；下及臣等三師五友，異代學真。靈元觀妙，冲漠升真。驂鶴駕於瑤京，充悅道味；翼鸞輿於紫闕，餐聽法音。永證無爲，長辭有漏。九幽靈爽，均被甄陶。今故燒香，自皈依師尊大聖衆，至真之德，得道之後，永保長存，和與道合真。

懺悔三禮同前

具位臣姓某與臨壇官衆等，謹重誠

上啓太上無極大道元始天尊，太上道君，太上老君，無上玄老，十方已得道大聖衆、至真諸君丈人，三十六部尊經，玄中大法師天師君，上相上宰、上保上傅、四司五帝、十二卿相，三界官屬，一切真靈。恭望洪慈，洞垂昭鑒。臣聞，清微布化，敷七部以統天；赤明開圖，鎮五篇而育物。萬聖授度生之籙，三元啓延景之恩。今古承休，天人稱慶。是以齋崇玉籙，爰遵藥笈之科；恩輅青玄，式衛芝輪之澤。恭願某靈，飛玉津於東井，澄瀾心華；揚金彩於南丹，陶鎔性識。克登神於紫極，永錫佑於皇家。上願天圖朗晏，地紀安平。經緯昭融，風雲靜默。五兵偃戢，萬邦沐仁壽之風；百穀豐盈，四海極聖明之治。圖書煥瑞，文範同疆。林壑棲真，克證六通之妙；煙霞味道，早符萬行之圓。冥漠幽沈，飛潛動植。均被甄陶之澤，瓊超輪轉之機。一切有情，同登道岸。則上明天尊大慈之化，下副臣等皈命之誠。謹啓以聞。

發願

存神燒香

香官使者、左右龍虎君、侍香諸靈官，當令臣向來晚朝陞壇行道之所，自然生金液丹碧之英。百靈衆真，交會在此，香火鑪前。當願誠意感通，某靈升度。克證天真之果，普資家國之恩。十方仙童玉女，接待蘭煙，傳臣向來所啓之誠，速達徑御至真無極大道三清上聖、昊天金闕玉皇上帝、東極慈尊青玄上帝道前。

出堂頌

玉籙資度晚朝儀

（陳耀庭點校）

023 玉籙生神資度轉經儀

經名：玉籙生神資度轉經儀。
一卷。底本出處：《正統道藏》
洞玄部威儀類。

早朝

師堂序立

法事

跪啓

具位臣姓某上啓玄中教主、玉虛明
皇道君，三天教主、正一天師真君，靈
寶教主，經籍度師真君，監齋大法師真
君，太極左宮仙公真君，九天都仙太史
真君，人天教主，華蓋浮丘真君，清微
靈寶道德正一歷代師尊。恭望師慈，
俯回洞鑒。臣今欽奉綸音，崇修玉籙，
薦揚大齋。以今領衆陞壇轉詠，洞玄
靈寶九天生神玉章，第一過至第三過，
祈恩昇薦某靈進登清靜，旁資孤爽，均

證生方。未敢自專，先伸啓告。伏願
一卷必立，師密授啓蒙之訓；衆真監
度，我猶如侍坐之時。干冒師嚴，臣等
下情不勝惶懼之至。領衆陞壇，恭行
典式。

唱道，引至壇前序立

降神王

法事

具位某上啓十方無極飛天神王、長
生大聖無量度人君，飛天使者，飛天吏
兵，侍衛經寶一切聖衆。伏聞，元始說
經，功昭垂於浩劫；虛皇演教，澤廣被
於含靈。某恪意遵行，志心持誦。周九
過生神之典，度一切沈滯之魂。頒行
符命之文，普超靈識；蠲潔癘繫之薦，
用表忱誠。法衆如儀，修齋奉請。

修齋奉請

東方無極飛天神王降臨壇所，
南方，西方，北方，東北，東南，西
南，西北，上方，下方。

雲輿

向來啓請，伏想羽節徘徊，霓旌縹
緲。千乘萬騎，勃勃浮空而來；九鳳

八鸞，嚙嚙自天而下。某等無任虔恭，
淨茶上獻。具有誠疏，謹用披宣。

宣疏

焚化

疏文披露，聖聽昭回。願周九轉
之功，共證一乘之妙。神魂升度，永超
清靜之鄉；苦爽沾恩，盡睹光明之境。
某等不勝虔禱之至。謹言。

陞壇

上香

信禮

默禮師，存念如法

請宣神呪

七靈隱神，三元混形。變陰化陽，
外清內明。洞徹太和，九宮攝英。飛
丹鬱秀，鍊度八門。脫胎却死，七魄散
分。百神混合，兆爲帝賓。

鳴法鼓二十四通

無上三天玄元始三炁太上道君，
召出臣等身中三五功曹、左右官使者、
侍香金童、傳言散花玉女、五帝真符直
日香官，各三十六人出，關啓所言。臣
今入意願得太上十方真正生炁下降，流

注臣等身中。令臣所啓，速達徑御無上至真三寶昊天玉皇上帝、東極救苦天尊九天生神上帝道前。

請稱法位

具位臣姓某與禮官等，謹同誠上啓太上無極大道虛無自然元始天尊，玉宸道君、靈寶天尊，太上老君、道德天尊，統天元聖天尊，尋聲救苦天尊，朱陵度命天尊，東華木公上相青童道君，西靈金真萬炁祖母元君，十方靈寶救苦天尊，十方已得道至真諸君丈人，九天生神上帝，三十二天上帝，三皇五老上帝，五福十神真君，東華南極西靈北真玄都玉京金闕七寶玄臺紫微上宮靈寶至真明皇道君，上相上宰、上保上傅、四司五帝、十方無極至真，三十六部尊經神仙，上清日月、五星四曜、南辰北斗、萬象高真，十方無極無量品至真大神，飛天神玉，長生大聖無量度人君，天真皇人妙行真人，三元三官大帝，九天採訪使者，玄中大法師，三天大法師，靈寶三師真君，周天列宿星君，清微歷代宗師，九天天曹諸司上

聖，北極四聖真君，南昌上下宮朱陵火府黃籙院主宰二元真君，度人不死諸位真君，興生獨隸可韓功都聚魂五府真宰，三界大勳魔王侍經五帝，玉童玉女，九天符使，九天侍衛，一切靈仙，五嶽五天聖帝、儲副佐理真君，北陰酆都大帝，九壘帝君，五炁天君，十宮真君，三元官府百二十曹、考官掾吏，十方九幽諸獄主者，水府搏桑大帝，陽谷神君，九江水帝，十二谿真雷霆雨部神祇法籙、官君將吏，巨天力士執罰神兵、五帝直符、六宮掾吏、牛頭獄卒、馬面大神、玄都茭龍驛吏、齋簡童子、護戒威神、三界直符、四直功曹、城隍里社正神、侍香靈官、直符宣通召命，三界應感，一切威靈。臣聞，靈寶本章，總百魔隱韻之玄奧；洞玄妙典，敷九天生神之威儀。神功與天地齊，功大惠實，死生蒙惠，是為勝範，普度無窮。以今欽奉綸音，崇修玉籙大齋幾晝夜。今則登壇轉誦，洞玄靈寶九天生神玉章，昇薦某靈，證果逍遙，旁資苦爽，均遂生方。以今法事嚴陳，琅函將啓。敬伸

騰奏，仰冀鑒觀。伏願三境高明，九天上聖。同垂玄貺，普賜洪恩。俯降道場，證盟修奉。十方法界，六合寰區。五道衆生，九幽諸獄。以茲功德，徧用莊嚴。當願經寶宏宣，幽關罷對。淨魄蒙恩而上超道岸，苦魂受鍊而永離泉鄉。冤對蠲除，罪根落滅。徑圓成於道果，即度品於朱宮。稽首皈依，無極大道。

侍經白文

三皈依

宿命贊

侍經開經

敷座贊

靜念如法

寂寂至無宗

請轉法輪

師題經

衆諷經畢

侍經回向

解座吟

步虛，旋行至子宮，上香

師白文

伏聞，位鎮坎宮，校錄鬼神之府；威靈子位，總司罪福之權。應五氣以分輝，憫羣生之淪沒。以今欽奉綸音，崇修玉籙，昇薦某靈，超登清靜，旁資苦爽，均證生方。今者誦詠寶章，已周一過。祈玄恩而誕布，度苦爽以超昇。伏願俯納虔祈，特垂拯濟。俾三塗開泰，五苦停酸。幽夜開光，咸登彼岸。具有疏文，謹當宣告

宣疏

謹請鬱單無量天唐符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至坤宮，上香

師白文

伏聞，位當參位，端居仁靜之鄉；德運坤中，流布梵陽之炁。度人利物，起死回生。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章，已周二過。敬頒宣於恩命，祈拔度於神魂。伏願俯降大慈，特從凡懇。俾幽冥之開泰，使道果以圓成。具有疏文，謹當宣告

宣疏

謹請上上禪善無量壽天劉符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至震宮，上香

師白文

伏聞，尊居卯位，有情俱沐於玄

恩；德合震宮，幽顯咸資於大化。隨方應號，無量度人。以今欽奉綸音，崇修玉籙，昇薦某靈，超登清靜，旁資苦爽，均證生方。今者誦詠寶章，已周三過。敬頒宣於恩命，祈拔度於神魂。伏願上徹蒼旻，俯憐丹悃，證盟開度，濟拔幽冥。具有疏文，謹當宣告。

宣疏

謹請梵監須延天黃符使，速出班次，祇受公文。

宣關

焚化

三聞經

還神燒香

仙靈仙官、金童玉女、五帝五嶽、

神仙真人，三炁正神，左右龍虎君、天

仙地仙，五靈香官，當令召致十方正

炁，自然生金液丹碧芝英。百靈衆真，

交會在此，香火鑪前。令臣等學道得

道，求仙得仙。十方仙童玉女，接待香

煙，傳臣向來所啓之誠，速達徑御無上

至真三寶昊天玉皇上帝、東極救苦天

尊九天生神上帝道前。

下壇

謝師

具位臣姓某上啓玄中教主玉虛明皇道君，三天教主正一天師真君，靈寶教主經籍度師真君，監齋大法師真君，太極左宮仙公真君，九州都仙太史真君，人天教主華蓋浮丘真君，清微道德正一歷代師尊。恭望師慈，俯昭謝悃。臣適來陞壇，轉詠九天生神玉章，祈恩昇薦某靈，進登清靜，下及法界孤幽，超出沈冥，遷昇仙界。仰荷主維，已周三過，徑伸謁謝，尚冀成終。伏願何福不臻，悉入生門之度；說經未竟，少稽仙仗之留。臨午行科，別伸啓告。臣等下情無任虔謝之至。謹言。

向來

念善

午朝

師堂序立

法事

跪啓

伏以太陽洞明，景煥三炁之翁冥；綵仗下凡，筵想諸天之齊到。門

下具位臣姓某上啓玄中教主、玉虛明皇道君，三天教主、正一天師真君，靈寶教主、經籍度師真君，監齋大法師真君，太極左宮仙公真君，九州都仙太史真君，人天教主、華蓋浮丘真君，清微靈寶道德正一歷代師尊。恭望師慈，俯回洞鑒。臣今欽奉綸音，崇修玉籙，薦揚大齋。以今領衆陞壇，轉詠洞玄靈寶九天生神玉章第四過至第六過，祈恩昇薦某靈，上登福境，下及法界。孤爽出離幽冥，遷昇淨域。未敢自專，再伸啓告。伏願七寶經臺，常睹紫虛之鬱秀；三清洞闕，遙瞻梵炁之彌羅。臣等干冒師嚴，下情不勝惶懼之至。領衆陞壇，恭行典式。

唱道

陞壇

上香

信禮

默禮師，存念如法

請宣神呪

元始開圖，太玄肇靈。虛極無象，一氣流形。化生二景，五緯凝精。混

合自然，恒除結嬰。總真布景，煥赫九清。炎池廓奕，七紀齊井。祈師盧浩，丹天耀精。朱光鍊度，赤靄散明。三華鬱秀，暉映帝宸。

鳴法鼓二十四通

無上三天玄元始三炁太上道君，召出臣等身中三五功曹、左右官使者、侍香金童、傳言散花玉女、五帝直符直日香官，各三十六人出，關啓所言。臣今入意願得太上十方正真生炁下降，流注臣等身中，令臣所啓，速達徑御無上至真三寶昊天玉皇上帝、東極救苦天尊九天生神上帝道前。

請稱法位

具位臣姓某與禮官等，謹同誠上啓太上無極大道虛無自然元始天尊，玉宸道君、靈寶天尊，太上老君、道德天尊，統天元聖天尊，尋聲救苦天尊，朱陵度命天尊，東華木公上相青童道君，西靈金真萬炁祖母元君，十方靈寶救苦天尊，十方已得道至真諸君丈人，九天生神上帝，三十二天上帝，三皇五老上帝，五福十神真君，東華南極西靈北

真玄都玉京金闕七寶玄臺紫微上宮靈寶至真明皇道君，上相上宰、上保上傅、四司五帝、十方無極至真，三十六部尊經神仙，上清日月、五星四曜、南辰北斗、萬象高真，十方無極無量品至真大神，飛天神王，長生大聖無量度人君，天真皇人妙行真人，三元三官大帝，九天採訪使者，玄中大法師，三天大法師，靈寶三師真君，周天列宿星真，清微歷代師君，九天天曹諸司上聖，北極四聖真君，南昌上下宮朱陵火府黃籙院主宰二元真君，度人不死諸位真君，興生獨隸可韓功都聚魂五府真宰，三界大勳魔王，侍經五帝，玉童玉女，九天符使，九天侍衛一切靈仙，五嶽五天聖帝、儲副佐理真君，北陰酆都大帝，九壘帝君，五炁天君，十宮真君，三元官府百二十曹、考官掾吏，十方九幽諸獄主者，水府搏桑大帝，暘谷神君，九江水帝，十二谿真雷霆雨部神祇法籙、官君將吏，巨天力士執罰神兵、五帝直符、六宮掾吏、牛頭獄卒、馬面大神、玄都茭龍驛吏，齋簡童子、護

戒威神、三界直符、四直功曹、城隍里社正神、侍香靈官、直符宣通召命，三界應感，一切威靈。臣聞，三寶金書，凝虛玄之妙炁；九霄玉笈，祕空洞之靈音。內名混合於百神，生根栽成於萬品。導運御世，唱恭奉而九炁結形；乘晨希陽，洞玄靈而七元返景。洪惟元始。凝妙虛無。憫履九之告終，矜函三之應會。神景啓奧，隱韻通玄。上開天地之光，下料死生之化。希夷至極，微妙難超。仰功德之巍巍，罄謀恂之切切。以今欽奉綸音，崇修玉籙大齋幾晝夜。今則登壇，轉詠洞玄靈寶九天生神玉章，昇薦某靈，證果逍遙，旁資苦爽，均遂生方。伏願慈光耀景，玄極流輝。出禁書於玉臺，容其嘯詠；開寶章於金格，許以謠歌。琅琅而逸響九遐，鬱鬱而朗聞三界。即俾某靈性超死戶，氣返本根。乘大有之瓊音，登妙無之寶界。臣等稽首皈依，無極大道。

侍經白文
三皈依

宿命贊

侍經開經

敷座贊

靜念如法

請轉法輪

師題經

衆諷經畢

侍經回向

解座吟

步虛，旋行至巽宮，上香

師白文

伏聞，位鎮巽宮，上應神霄之境；澤林地戶，下通溟漠之鄉。無量度人，隨方設教。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章已周四過。敬頒宣於恩命，祈拔度於死魂。伏願俯憫哀悰，大施玄造。庶彰正化，以副虔祈。具有疏文，謹當宣告。

宣疏

謹請寂然兜術天彭符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至中央，上香

師白文

伏聞，道如天覆，獨總御於死生；德若穹高，較重輕之罪福。曲憐亡爽，願拯幽關。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章已周五過。奉真符而頒告，祈惠澤以宣行。伏願迴駕鑒臨，隨方應度。庶使拘囚之衆，咸登自在之天。具有疏文，謹當宣告。

宣疏

謹請波羅尼密不驕樂天范符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至乾宮，上香

師白文

伏聞，威佐天行，居福德大千之界；德恢乾運，度幽冥億劫之魂。化應諸天，功施無量。以今欽奉綸音，崇修玉籙，昇薦某靈，超登清靜，旁資苦爽，均證生方。今者誦詠寶章已周六過。賴玄恩而頒告，祈聖澤以弘施。伏願大道垂慈，神光徧燭。盡開明於長夜，俾超度於仙鄉。具有疏文，謹當宣告。

宣疏

謹請洞元化應聲天張符使，速出班次，祇受公文。

宣關

焚化

三聞經

還神燒香

仙靈仙官、金童玉女、五帝五嶽神仙真人、三炁正神、左右龍虎君、天仙地仙、五靈香官，當令召致十方正炁，自然生金液丹碧芝英。百靈衆真，交會在此，香火鑪前。令臣等學道得道，求仙得仙。十方仙童玉女，接待香煙，傳臣向來所啓之誠，速達徑御無上至真三寶昊天玉皇上帝、東極救苦天尊九天生神上帝道前。

下壇

謝師

伏以不參以三朝，禮幸成於晉接；所告者二玄，科實出於師資。門下具位臣姓某上啓玄中教主、玉虛明皇道君，三天教主、正一天師真君，靈寶教主、經籍度師真君，監齋大法師真君，太極左宮仙公真君，九州都仙太史真君，人天教主、華蓋浮丘真君，清微道德正一歷代師尊。恭望師慈，俯昭謝悃。臣適來陞壇，轉詠九天生神玉章，祈恩昇薦某靈，進登清靜，下及法界

孤幽，超出沈冥，遷昇仙界。仰沐匡維，幸周六過。庸殫昭謝，尤賴成終。伏願無文不明，普冀衆真之監度；說經將畢，願言我道之興隆。俟在落景，行科別瀝，愚衷申告。臣等下情無任虔謝之至。謹言。

向來

念善

晚朝

師堂序立

法事

跪啓

伏以諸天日停，輪遙聽空歌之唳鶴；五色雲參，駕恭迎羽蓋之鳴鸞。三瀆師尊，載遵典式。門下具位臣姓某上啓玄中教主、玉虛明皇道君，三天教主、正一天師真君，靈寶教主、經籍度師真君，監齋大法師真君，太極左宮仙公真君，九州都仙太史真君，人天教主、華蓋浮丘真君，清微靈寶道德正一歷代師尊。恭望師慈，俯回洞鑒。臣今欽奉綸音，崇修玉籙，薦揚大齋。以今領衆陞壇，轉詠洞玄靈寶九天生神玉

章第七過至第九過，祈恩昇薦某靈，進登清靜，下及法界孤爽，同證良因，登真度命。未敢自專，重伸啓告。伏希師造，終始綱維。恭願授下士不傳之祕，發微闡幽；開神魂受度之門，傾光迴駕。恭俟景命，宣演靈章。臣干冒師嚴，下情不勝惶懼之至。領衆陞壇，恭行典式。

唱道

陞壇

上香

信禮

默禮師，存念如法

請宣神呪

無上至真，大聖高尊。布化運炁，三十二天。八會九光，自然成文。安鎮天地，保制劫年。元始符命，普告三元。下敕九地，上關諸天。中告海嶽，名山大川。今日上告，萬神咸聞。修齋行道，拔度幽魂。三官九署，落滅惡根。永度三途，五苦之源。世世受福，記名丹篇。神生天堂，鍊化自然。生死開度，億劫長年。九天符命，風火驛

傳。

鳴法鼓二十四通

無上三天玄元始三炁太上道君，召出臣等身中三五功曹、左右官使者、侍香金童、傳言散花玉女、五帝直符直日香官，各三十六人出。出者嚴裝，關啓所言。臣今入意願得太上十方正真生炁下降，流注臣等身中，令臣所啓，速達徑御無上至真三寶昊天玉皇上帝、東極救苦天尊九天生神上帝道前。

請稱法位

具位臣姓某與禮官等，謹同誠上啓太上無極大道虛無自然元始天尊，玉宸道君、靈寶天尊，太上老君、道德天尊，統天元聖天尊，尋聲救苦天尊，朱陵度命天尊，東華木公上相青童道君，西靈金真萬炁祖母元君，十方靈寶救苦天尊，十方已得道大聖衆至真諸君丈人，九天生神上帝，三十二天上帝，三皇五老上帝，五福十神真君，東華南極西靈北真玄都玉京金闕七寶玄臺紫微上宮靈寶至真明皇道君，上相上宰，上保上傳、四司五帝，十方無極至真，

三十六部尊經神仙，上清日月九曜，南辰北斗、萬象高真，十方無極無量品至真大神，飛天神王長生大聖無量度人君，天真皇人妙行真人，三元三官大帝，九天採訪使者，玄中大法師，三天大法師，靈寶三師真君，周天列宿星真，清微歷代師真，九天天曹諸司上聖，北極四聖真君，南昌上下宮朱陵火府黃籙院主宰三元真君，度人不死諸位真君，興生獨隸可韓功都聚魂五府真宰，三界大勳魔王，侍經五帝，玉童玉女，九天符使，九天侍衛，一切靈仙，五嶽五天聖帝、儲副佐理真君，北陰酆都大帝，九壘帝君，五炁天君，十宮真君，三元官府百二十曹、考官掾吏，十方九幽諸獄主者，水府扶桑大帝，陽谷神君，九江水帝，十二谿真雷霆雨部神祇法籙、官君將吏，巨天力士執罰神兵、五帝直符、六宮掾吏、牛頭獄卒，馬面大神、玄都茭龍驛吏、齋簡童子、護戒威神、三界直符、四直功曹、城隍里社正神、侍香靈官、直符宣通召命，三界應感，一切威靈。臣聞，龍漢開圖，玉

宇恢張於五太；鶴鳴御運，金書羅絡於三靈。始青演妙而寶韻十回，空碧凝真而琅音九徧。啓神功於經緯，彰紫炁於玄黃。鳳篆昭回，瓊闕儼飛天之衛；龍章煥耀，紫宮敷典禁之藏。爲苦海之慈航，實昏衢之惠燭。凡伸丹禱，必賴玄恩。以今欽奉綸音，崇修玉籙大齋幾晝夜，今則陞壇，轉詠洞玄靈寶九天生神玉章，昇薦某靈，上生福境，下及孤幽，均證生方。伏願周回十方，提携萬類。昇靈魂於寶界，濯幽爽於寒泉。俾仗真乘，頓消妄業。臣等稽首皈依，無極大道。

侍經白文

三皈依

宿命贊

侍經開經

敷座贊

靜念如法

請轉法輪

師題經

衆諷經畢

侍經回向

解座吟

步虛，旋行至兌宮，上香

師白文

伏聞，位正福堂，能弘敷於慈化；惠施兌澤，每普度於神魂。幽顯沾恩，存亡獲慶。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章已周七過。沛玄恩而頒告，下冥府以施行。伏願普降慈光，鑒觀情意。俾即諧於惠澤，咸永賴於慈悲。具有疏文，謹當宣告。

宣疏

謹請靈化梵輔天徐符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至良戶，上香

師白文

伏聞鎮居良位，上尊靈寶之宮；德攝鬼門，流布彌羅之炁。施回生之大德，垂起死之神功。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章已周八過。敬頌宣於恩命，祈拔度於神魂。伏願特賜神光，俾諧度命。超甦滯爽，遷擢亡魂。免沈墜於九幽，俾超凌於三界。具有疏文，謹當宣告。

宣疏

謹請高虛清明天虞符使，速出班次，祇受公文。

宣關

焚化

侍經開經

敷座贊

請轉法輪

師題經

衆諷經畢

侍經回向

解座吟

步虛，旋行至離宮，上香

師白文

伏聞德輝離照，死生屬統御之權；化闡南譌，罪福校重輕之柄。普濟沈淪之苦，咸蒙解脫之恩。以今欽奉綸音，崇修玉籙，昇薦某靈，進登清靜，旁資苦爽，均證生方。今者誦詠寶章已周九過。廣玄恩以宣告，下冥府而奉行。伏願體上帝之好生，施大慈而救苦。拔神靈於九夜，度幽爽於重關。具有疏文，謹當宣告。

宣疏

謹請無想無結無愛天潘符使，速出班次，祇受公文。

宣關

焚化

侍經嘆經

三聞經

師收經贊

收經得道，隨念往生。無盡玄功，無邊惠澤。伏願解分宿對，緣會當來。不墮三途，悉蠲八難。稽首皈依，無上道寶。

收經得道，隨念往生。無量洪恩，

無邊聖力。伏願潛停輪轉，永斷牽纏。惡趣騰輝，神魂受鍊。稽首皈依，無上經寶。

收經得道，隨念往生。無極良緣，無窮妙力。伏願四司無滯，九署潛通。魂度朱陵，神遊紫府。稽首皈依，無上師寶。

還神燒香

仙靈仙官、金童玉女、五帝五嶽神仙真人，三炁正神，左右龍虎君，天仙地仙、五靈香官，當令召致十方正炁，自然生金液丹碧芝英。百靈衆真，交會在此，香火鑪前。令臣學道得道，求仙得仙。十方仙童玉女，接待香煙，傳臣向來所啓之誠，速達徑御無上至真三寶昊天玉皇上帝、東極救苦天尊九天生神上帝道前。

謝神王

重稱法位

具位臣姓某上啓十方無極飛天神王使者，飛天吏兵聖衆。恭望祥光，俯回洞鑒。切以九過生神，竄賴唱恭之

惠；三乘演妙，克承開宥之功。昨爲
欽奉綸音，崇修玉籙大齋，昇薦某靈，上
登福境，旁資苦爽，均證生方。向來領
衆陞壇，轉詠洞玄靈寶九天生神玉章，
已周九過。匪由聖造，曷遂圓隆。庸
罄微衷，重殫誠悃。疏文叩誦，恭對披
宣。

宣疏

宣關

疏文宣讀，諒達淵聰。伏願監真
度生，尚勾尋聲而救苦；傾光迴駕，滿
祈應世以度人。無任瞻依，不勝眷戀。
某等再拜恭虔，一心奉送。

修齋

雲輿

送出焚燎

謝師

具位臣姓某上啓玄中教主、玉虛明
皇道君，三天教主、正一天師真君，靈
寶教主、經籍度師真君，監齋大法師真
君，太極左宮仙公真君，九州都仙太史
真君，人天教主、華蓋浮丘真君，清微
靈寶道德正一歷代師尊。恭望師慈，

俯回洞鑒。臣向來陞壇，轉詠洞玄靈寶
九天生神玉章，昇薦某靈，進登福境，旁
資苦爽，均證生方。仰荷主維，功成九
過，懼形神之未定，願念慮之有差。所
冀寬原，庶成善果。伏願帝臨無貳，天
誘其衷。開度受生，魂咸離幽陰之
境；應會感靈，數俾全交泰之功。干
冒師嚴，臣等下情，不勝惶懼虔謝之至。
謹言。

修齋

雲輿

玉籙生神資度轉經儀

①「玉」原作「王」，誤，據上下文義改。

（陳耀庭點校）

024 玉籙生神資度開收儀

經名：玉籙生神資度開收儀。
一卷。底本出處：《正統道藏》
洞玄部威儀類。

早期

侍經白文

伏以玄元始炁，治三寶而結龍章；道德貞宗，映九天而成鳳篆。洞真、洞玄、洞神之妙義，太玄、太平、太清之靈書。總之于萬八千篇，祕之于三十六部。或鍊金而爲字，或揉玉以成文。玄之又玄，寂而又寂。所謂八公皓首，當時未判玄黃；九老白眉，闕後初分天地。無窮無極，乍沈乍浮，能方能圓，或隱或顯。虛寂非有，恍惚若無。以致天寶誦之，以開天地之光；靈寶誦之，以度九幽長夜之魂。神寶誦之，以制靈；太乙誦之，以結形；九

天誦之，以生神鬼。神聞之以昇遷，凡夫聞之以長存，幽魂聞之以開度，枯灰聞之以發煙，嬰孩聞之以能言，死骸聞之以還人。至於三寶神奧，萬品玄根。祕玉笈而不傳，齎金寶而方受。讚揚難盡，功德無邊。以今欽奉綸音，崇修玉籙大齋，昇薦某靈，進登清靜，重念法界孤幽苦魂等衆，不能尊其氣，貴其形，愛其神，保其命，自取死壞，離其本真。一逝洞羣，魔遊魄不顧返。採集飛空，景舊爽多不存。罔明生化之方，竟墜沈淪之趣。今者嚴陳法會，肅啓仙科。寶香芬馥於九天，慧炬照臨於十地。以茲勝善，用悼魂靈。伏望金闕覃恩，玉清惠命。鍊魂少陰之府，還神流火之庭。仰憑九過之經，徑陟三天之境。法衆運誠，志心皈依。

三皈依

宿命贊

侍經，開經

白文

經繙一過，聲洞徹於九天；命度三途，魂不拘於十地。以今陞壇第一

過，轉詠九天生神玉章。回向鬱單無量天帝，祈恩昇薦某靈，進登仙境，下及法界孤幽等衆。當願悟從前幻妄之軀，一真明了；解宿世縈纏之業，萬罪蕩除。長夜開清，神魂受鍊。不入風雷獄，免飛戈飄戟之憂；再生胞命元，證鍊炁成仙之果。了無罣礙，自在逍遙。稽首虛皇，修行經法。

敷座贊

靜念如法

寂寂至無宗，至世世爲仙家。

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周一過。仰憑經法，昇薦某靈，進登清靜，下及法界孤幽，超離沈冥，上登道境。普及一切，均沾善利。稽首皈依，旋行讚詠。

步虛

旋行上香

師白文

宣疏或符

白將

宣關

焚化

侍經宣開，第二過經

一唱萬真和，先伸諷詠之誠；二誦天地通，再舉讚揚之典。以今陞壇第二過，轉詠九天生神玉章。回向上上禪善無量壽天帝，祈恩昇薦某靈，進登仙境，下及法界孤幽等衆。當願聞經悟道，拔罪解冤。東宮頒救苦之恩，北府注上生之字。不入銅柱獄，免手抱以足登；再生胎命元，俾神完而氣聚。超昇道境，託化人天。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回

慈造，同賜證盟。臣等諷誦寶章，已周二過。仰憑經法，昇薦某靈，進登仙境，下及法界孤幽，出離沈冥，超冲道境。普及一切，均霑勝利。法衆如儀，旋行讚詠。

步虛

旋行，上香

師白文

宣疏或符

白將

宣關

焚化

侍經宣開，第三過經

寶範宣揚，今已周於三過，神魂受度，即拔出於九幽。以今陞壇第三過，轉詠九天生神玉章。回向梵監須延天帝，祈恩昇薦某靈，進登仙境，下及法界孤幽。當願欲海澄波，愛河息浪。累世修爲之罪，自此消除；多生故誤之愆，從茲解釋。不入火翳獄，變熱惱而爲清涼；再生魂命元，得逍遙而無拘滯。混合空洞炁，歡樂太上前。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣諷誦寶章，已周三過。仰憑經法，昇薦某靈，進登仙境，下及法界孤幽，出離幽冥，遷昇道境。普及一切，均沾勝利。法衆如儀，旋行讚詠。

步虛

旋行，上香

師白文

宣疏或符

白將

宣關

焚化

三聞經

復鑪

下壇，謝師

念善

午朝

三皈依

宿命贊

侍經開，第四過經

自然九章，天真隱韻。誦之四過，

魄尸開關。以今陞壇第四過，轉詠九天生神玉章。回向寂然兜術天帝，祈恩昇薦某靈，進登仙境，下及法界孤幽等衆。當願罪愆雪釋，業障冰消。了悟死生之因，頓覺虛無之化。不入屠割獄，免肢體零落之憂；再生魄命元，遂蓬島逍遙之樂。往生神仙界，控翻王母家。稽首虛皇，修行經法。

敷座贊

靜念如法

寂寂至無宗，至世世爲仙家。

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周

四過。用憑經法，昇薦某靈，進登清靜，下及法界孤幽，超離沈冥，上登道境。普及一切，均沾勝利。法衆虔誠，旋行讚詠。

步虛

旋行，上香

師白文

宣疏或符

白將

宣關

焚化

侍經開，第五過經

靈音宣演，已周五轉之功；亡者受持，悉赦多生之罪。以今陞壇第五過，轉詠九天生神玉章。回向波羅尼密不驕樂天帝，祈恩昇薦某靈，進登仙境，下及法界孤幽等衆。當願悟從前之虛幻，乘今日之良因。善念頓生，惡根俱滅。不入金剛地獄，無拘囚繫閉之憂；再生臟腑命元，證水火返還之妙。鍊胎返本，得道成真。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周五過。仰憑經法，昇薦某靈，進登仙境，下及法界孤幽，出離沈冥，遷昇道境，普及一切，均沾勝利。法衆虔誠，旋行讚詠。

步虛

旋行，上香

師白文

宣疏或符

白將

宣關

焚化

侍經開，第六過經

九炁融結，成九天玄奧之文；六過繙宣，免六道輪迴之苦。以今陞壇第六過，轉詠九天生神玉章。回向洞元化應聲天帝，祈恩昇薦某靈，進登仙

境，下及法界孤幽等衆。當願迴光返照，捨妄歸真。勾銷黑簿之名，遊步黃華之野。不入火車地獄，永無裂體之憂；再生靈府命元，即證鍊魂之果。了無凝滯，即遂逍遙。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周六過。仰憑經法，昇薦某靈，進登仙境，下及法界孤幽，出離沈冥，遷昇道境，普及一切，均沾勝利。法衆虔誠，旋行讚詠。

步虛

旋行，上香

師白文

宣疏或符

白將

宣關

焚化

三聞經

復鑪

下壇，謝師

念善

晚朝

三皈依

宿命贊

侍經開，第七過經

三洞飛玄炁，結雲篆以成文；七誦重關開，振靈音而起死。以今陞壇第七過，轉詠九天生神玉章。回向靈化梵輔天帝，祈恩昇薦某靈，進登仙境，下及法界孤幽。當願來睹陽光，永辭幽暗。不入溟泠獄，無寒冰凍體之憂；再生元府元，受暘谷回春之氣。一靈澄湛，三界遨遊。稽首虛皇，修行經法。

敷座贊

靜念如法

寂寂至無宗，至世世爲仙家。

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周六過。仰憑經法，昇薦某靈，進登仙境，下及法界孤幽，出離沈冥，遷昇道境，普及一切，均沾勝利。法衆虔誠，旋行讚詠。

步虛

旋行，上香

師白文

宣疏或符

白將

宣關

焚化

侍經開，第八過經

八過演生神之旨，幽夜光明；神魂成返本之功，應時解脫。以今陞壇第八過，轉詠九天生神玉章。回向高虛清明天帝，祈恩昇薦某靈，進登仙境，下及法界孤幽等衆。當願不迷本性，

頓悟無爲。斷除愛欲之根，凝化真靈之炁。不入鑊湯獄，免鑪炭之煎熬；再生華府元，囿陰陽之陶冶。永作逍遙之侶，不拘逼合之羣。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周八過。仰憑經法，昇薦某靈，進登仙境，下及法界孤幽等衆，出離沈冥，遷昇道境，普及一切，均沾勝利。法衆虔誠，旋行讚詠。

步虛

修行，上香

師白文

宣疏或符

白將

宣關

焚化

侍經開，第九過經

萬真朝帝所，瞻三色於空玄；九徧成人功，慶諸天之歡悅。以今陞壇第九過，轉詠九天生神玉章。回向無想無結無愛天帝，祈恩昇薦某靈，進登仙境，下及法界孤幽等衆。當願乘機而悟，見善則遷。睹太上之慈光，度苦魂於丹界。不入普掠獄，免金鎖亂考之刑；再生神府元，證玉洞凝神之妙。乘茲道力，徑陟仙階。稽首虛皇，修行經法。

敷座贊

請轉法輪

師題經

衆諷經畢

解座吟

侍經回向

仰惟三境高尊，九天上聖。俯回慈造，同賜證盟。臣等諷誦寶章，已周九過。仰憑經法，昇薦某靈，進登仙境，下及孤幽等衆，永離幽冥，遷昇道境，普及一切，均沾勝利。法衆虔誠，旋行

讚詠。

步虛

修行，上香

師白文

宣疏或符

白將

宣關

焚化

侍經讚經

伏以天尊造大慈之化，澤及羣生；至真演自然之章，功成九過。真風冲漠。梵炁彌羅。出乎太空之先，肇乎太乙之始。無色無緒，乍存乍亡。普濟人天，開度魂爽。今時昇薦某進登仙境，重慮法界。孤幽苦爽等衆，在世之日，宿昔以來，未明有漏之色身，每縱多端之罪業。自從命謝，莫測轉輪。解脫無由，超昇未遂。若非救拔，難免沈淪。幸太上出書以度人，爲神魂生根而復命。適來領衆陞壇，轉詠自然九天生神玉章，已周九過。端用昇薦某靈，下及孤幽等衆。伏願九真慈憫，九炁結凝。上以際乎九天，慶雲覆于九

府；下以觀乎九地，祥光徹于九泉。沈魂滯魄盡超昇，宿業舊冤齊解脫。罪如春雪，逢暖日以俱消；過若晴雲，得清風而盡散。常清常靜，無滯無凝。天精流煥，九宮飛生。胎結解根，諸塵漏盡。脫身陰府，穩步仙階。八極宮中，永作逍遙之侶；九霄府內，常爲遊宴之房。回向已周，聞經如法。

三聞經

師收經

復鑪

白靈朝辭

壇前，謝神王

下壇

引靈安幕

謝師

念善

玉錄生神資度開收儀

（陳耀庭點校）

025 玉籙三日九朝儀

經名：玉籙三日九朝儀。三卷。
底本出處：《正統道藏》洞玄部
威儀類。

玉籙大齋第一日早朝儀

午朝晚朝同卷

各禮師，存念如法

金真綠霞，煥暎三天。飛雲丹霄，諸天控輶。晨暉啓旦，陰翳俱捐。九微震空，五星回旋。萬天感應，自然妙玄。杳冥散體，分形百千。玄珠光耀，瑞炁壇乾。幽明蒙惠，灌鍊金泉。魔王恐懼，合景三田。

發爐

鳴法鼓二十四通

无上三天玄元始三炁太上老君，召出臣身中三五功曹、左右官使者、左

右捧香金童、傳言散花玉女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今早朝，陞壇行道，朝謁帝真。敬奉入意其諸誠意，具載緘牘。願得太上至真道炁靈寶瑞光下降，流入臣等身中，令臣所啓之誠，速達徑詣至真無極大道三清上聖、昊天至尊金闕玉皇上帝御前。

請稱法位

具位 與臨壇官衆等，謹同誠上啓虛無自然元始天尊，無極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳、太平下教二十四真人，西城總真王君，太乙真人，東嶽上卿，司命茅君，定錄保命二真人，名山洞府得道神仙，三界官屬，一切真靈。

臣聞，一炁潛凝，混合空玄之始；

三華鬱秀，胚胎溟滓之初。妙極難言，其中有象。上無復祖，惟道爲身。蘊二象以儲神，攝九霄而惚化。肇高上玉皇之炁，大梵彌羅；自太無混洞之元，赤文開廓。敷弘至妙，離合自然。臣等夙遇真風，幸逢昌運。乘良晨而悟會，竊侍神章；冒靈盼以披心，獲參上範。凡有所啓，敢不以聞。齋意青詞，謹當宣奏。

具如詞言，不違懇款。恩惟太上，分別哀祈。

臣聞，至尊湛寂，運陰陽不測之機；妙境空浮，結日月飛奔之室。丹靈鼓舞，白鶴翩翻。臣等味爽朝元，夙興請命。赤童耀景，引賜谷之流晨；青老散輝，接木宮之生炁。三色翁冥於室內，百靈交會於爐前。恭假香傳，奉修齋直。以今第一日清旦行道，請法衆等，運茲初捻上香。願此香烟騰空，徑上供養虛無至真自然大道元始天尊。願以是捻香功德，上祝當今皇帝，聖壽無疆。伏願一德格天，萬年永命。膺圖握契，睿齡齊箕翼之光，錫嘏

迎祥，景福等岡陵之固，丕衍後天之算，遠超浩劫之年。九有八荒，咸歸仁壽。千秋億載，長撫隆平。今故燒香，自歸依道尊大聖衆，至真之德，得道之後，保天長存。

臣聞，紫素生輝，大聖慶騫林之會；祥光含象，玉皇暎蘭室之華。披朗重陰，混融萬類。以今第一日清旦行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。以是捻香功德，上資宗祧神御，社稷真游。伏願鍊質丹臺，怡神紫極。逍遙自在，盼宗廟以儲精；證聖成真，昇帝鄉而入妙。福覃家國，澤及寰區。今故燒香，自皈依經尊大聖衆，至真之德，得道之後，昇入无形。

紫微真境，叅上聖於九□；碧落瓊宮，陪高仙於三境。餐臺音於空□，□□炁於玄元。垂裕後昆，本友百世。傳休中禁，子孫億年。今故燒香，自皈依師尊大聖衆，至真之德，得道之後，昇入无形。和與道合真。

禮方

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞碧落受經，一遍諸天而稱善；素車開導，歷關三界以咸聽。臣等猥以凡資，叨裨玄化。所宜棲神道域，咀空碧以鍊真，絕跡塵寰，想丹華而輕舉。告盟之始，立功爲先。故演法以度人，誓贊天而敷教。况承上命，恭爲典行。敬爲某靈崩逝以來，追念劬勞，昊天罔極。思慕真容，特伸報薦。特命羽流之衆，敬修玉籙之齋。開度神

儀，上登天府。伏願神超碧落，質煉丹庭。遊神清淨之鄉，悟道虛无之境。名高玉簡，位列瓊宮。次冀帝道遐昌，王儲衍固。聖德有同於堯舜，輔臣允賴於皋夔。睿算延洪，邊陲寧謐。普天率土，均承浩蕩之恩；十地九幽，咸遂生成之樂。則上明天尊大慈之澤，下副臣等皈命之誠。謹啓以聞。

十二願

- 一願三尊降鑑，二願五老傾光，
- 三願神光洞煥，四願九炁垂祥，
- 五願五行應運，六願靈篆飛翔，
- 七願坎離結運，八願九夜舒芒，
- 九願玄壇靈應，十願名列上蒼，
- 十一願神儀受度，
- 十二願國祚延長。

復爐

存神燒香

香官使者、左右龍虎君、侍香諸靈官，當令臣向來早朝陞壇行道之所，自然生金液丹碧芝英。百靈衆真，交會在此，香火爐前。當願十方仙童玉女，接待蘭煙，傳臣向來所奏之誠，速達徑

上至真無極大道三清上聖、昊天至尊
金闕玉皇上帝御前。

玉錄大齋第一日早朝儀

玉錄大齋第一日午朝儀

各禮師，存念如法

謠歌空洞，帝君守壇。五帝校錄，受符三官。備衛四門，束魔去奸。流鈴擲火，陰穢焚殘。身佩金書，鍊液芝顏。玄靈素合，心動三關。騎獅跨鶴，控龍乘鸞。萬星守舍，千魔不干。道炁長存，萬仙悉安。

發爐如前

請稱法位

具位 與臨壇官衆等，謹同誠上
啓虛無自然元始天尊，無極大道太上
道君，太上老君，高上玉皇，十方已得
道大聖衆至真諸君丈人，三十二天帝
君，玉虛上帝，玉帝大帝，東華南極西
靈北真玄都玉京金闕七寶瓊臺紫微上
宮靈寶至真明皇道君，三十六部尊經，
玄中大法師，上相上宰、上保上傳、太
平下教二十四真人，西城總真王君，太
乙真人，東嶽上卿、司命茅君、定錄保
命二真人，名山洞府得道神仙，三界官

屬，一切真靈。臣聞，二景含虛，隱華靈於未兆；九霄總梵，合妙炁於自然。象帝之先，寂寥獨立。太初而上，恍惚無名。混三色以玄通，凝一神而生化。分無上玉虛之炁，鬱結洞章；肇太無赤混之元，周回梵行。無文不度，至極難超。臣等憑籍福因，參聞玄妙。披九光之祕蘊，窺盼靈章；宣三洞之明科，遵行教典。凡有所啓，敢不上聞。齋意青詞，謹當宣奏。

具如詞言，不違懇款。恩惟大道，分別請祈。

臣聞，虛無空碧，玄丘顯雲篆之文；太漠流輝，梵行露天真之旨。扶搖一炁，騰育九清。臣等視晷精修，過中不昧。迴風芳耀，衝絳闕以揚輝；奔日赤精，當丹天而正照。羽蓋流精於黃道，玉華散景於玄壇。恭假香傳，奉修齋直。以今第一日中分行道，請法衆等，運茲初捻上香。願此香烟騰空，徑上供養虛無至真自然大道元始天尊。願以是捻香功德，上祝當今皇帝，嗣曆無疆。伏願統接千齡，道侔二

帝。鴻圖天固，永垂億萬世之基；龜鼎日隆，遠邁八百年之卜。握真符而御極，膺曆數以在躬。運撫靈長，功光祖述。休祥畢至，瑞慶大來。今故燒香，自皈依道尊大聖衆，至真之德，得道之後，保天長存。

臣聞，紫精朗郁，三廬生空寂之神；瓊室流輝，十合轉金橋之聖。妙機倒影，大混飛玄。以今第一日中分行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。願以是捻香功德，上資國母皇后神儀。伏願鍊質東華，陶魂南極。飛昇金闕，徑陪高上之班；遊宴玉京，位正元真之陞。流祥帝祚，延裕皇圖。金枝玉葉以彌芳，紫鳳青鸞而薦瑞。九州清泰，四海晏安。今故燒香，自皈依經尊大聖衆，至真之德，得道之後，升入無形。

臣聞，鑿開混沌，分圓清方濁之殊；位定高卑，有人世天關之別。紫虛鬱秀，玉精流光。以今第一日臨午行道，請法衆等，運茲三捻上香。願此

香烟騰空，徑上供養混元大聖自然道德天尊。願以是捻香功德，上資宗祧先聖所薦神儀。伏願天地開光，太虛感會。熙夷養素，宴息處於黃房；空碧練真，徑躋登於紫極。垂祥宗廟，延福儲宮。今故燒香，自皈依師尊大聖衆，至真之德，得道之後，昇入無形。

懺悔

旋繞

命魔

步虛

禮經

三啓

重稱法位

具位 與臨壇官衆等，謹同誠

上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞，洞玄出經，天地設恭而稽首；神霄告籙，幽冥開道以通關。臣等夙預真儔，叨承道蔭。所宜守黃庭而偃息，內養神形；餐素液以耽研，外除嗜欲。恭承上命，恪爲典行。伏望道意昭融，宸衷鑑念。頒玉清之寶籙，

金液鍊形；授金闕之瓊篇，丹臺校錄。上祝坤宮，殿下神儀。執握龍章，御登鳳輦。徑入清虛之境，飛昇太漠之鄉。位列真仙，名刊紫冊。宴瑤池而泛景，居藥闕以怡神。證道無爲，超登有在。上明天尊大慈之化，下副臣等請命之誠。謹啓以聞。

十二願

- 一願天恩普降，二願符命遐宣，
- 三願玄壇警肅，四願萬聖臨軒，
- 五願千真朝仰，六願萬炁齊仙，
- 七願回尸起死，八願度品南宮，
- 九願天清氣朗，十願河海晏然，
- 十一願輪轉得道，
- 十二願飛昇上清。

復爐同前

出堂

謝師

回幕

玉籙大齋第一日午朝儀

玉籙大齋第一日晚朝儀

各禮師，存念如法

神光朗耀，瑞炁匝旋。箕斗映輝，芝宇晏然。玉眸含真，寶壇純乾。變夜作晝，回子午前。太華流珠，丹鳳飛玄。息魔滅奸，高步祥烟。天真普集，齊到帝前。

發爐同前

請稱法位

具位 與臨壇官衆等，謹同誠上啓虛无自然元始天尊，无極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳、太平下教二十四真人，西城總真王君，太乙真人，東嶽上卿司命，茅君定錄保命二真人，名山洞府得道神仙，三界官屬，一切真靈。臣聞，三色藏輝，立天根

於混沌；一神隱妙，眇億劫於鴻濛。道達重玄，理微太漠。無形無緒，若存若亡。涵萬象以凝精，泛九陽而開劫。散冥寂玄通之炁，上冠丹霄；啓芒虚鬱秀之音，肇開玉曆。自然所化，無文不明。臣等宿契仙儲，叨承靈會。竊神章而踴躍，遐想思真；蒙大梵以生成，精修演教。凡有所啓，敢不以聞。齋意青詞，謹當宣奏。

宣詞

具如詞言，不違懇款。恩惟大道，分別請祈。

臣聞，道開五劫，浮光明於空洞之中；法出三乘，顯濟度於幽冥之內。常清常靜，曰聖曰神。臣等肅奉清齋，初臨靜夜。神風靜默，河源灌東井之華；璇漢昭回，石景吐玄陰之魄。接群仙而垂蔭，聚九炁以含烟。恭假香傳，奉修齋直。以今晚景行道，請法衆等，運茲初捻上香。願此香烟騰空，徑上供養虚無至真自然大道元始天尊。願以是捻香功德，上祝當今皇帝，介福無疆。伏願道合三微，躬膺百祿。穰

穰簡簡，受帝祉以無疆；穆穆皇皇，荷天休而滋至。以篤億萬年之祐，永膺九五福之名。四海攸同，八方奠服。今故燒香，自皈依道尊大聖衆，至真之德，得道之後，保天長存。

臣聞杳然無象，神歸妙有之庭，倏爾忘形，道在至虚之境。既推默念，允格丹衷。以今落景行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。願以是捻香功德，上資所薦神儀。伏願鍊質虚无，凝神太素。丹臺校籙，高標積善之文；紫府言功，進陟上仙之品。茂延洪福，裕護邦家。垂祐儲宮，保寧寰海。冀百官而精白，俾六服以蕃昌。永輔皇圖，益綏寵祿。今故燒香，自皈依經尊大聖衆，至真之德，得道之後，升入無形。

臣聞積功曠劫，由廣度於人天；進品仙階，在普濟於幽顯。用弘真教，以闡玄功。以今落景行道，請法衆等，運茲三捻上香。願此香烟騰空，徑上供養混元大聖自然化主道德天尊。願以

是捻香功德，上資宗桃先聖，社稷尊靈。伏願進品玉京，飛形翠景。還元復本，自九轉以成仙；合妙登真，參八辰而會道，餐天音於靈府，敷帝席於泥丸。太乙輔精，帝君品命。然願佩持寶籙，飛升金闕之中；偃息瓊車，徑上瑤臺之上。福流國祚，惠及寰區。今故燒香，自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞，三界禮房，奉齋盟於三過；九陽結篆，通冥漠於九幽。臣等宿植慶根，蚤爲玄裔。所宜諸塵漏盡，從容千日之長齋；萬徧修行，披冒九天之靈盼。既奉飲丹之誓，敢忘列券之盟。濟物度人，積功累行。今奉來旨，追念神靈。伏望上帝垂慈，高真洞鑑。

恩頒南極，俾金液以鍊形；命布東華，冀玉真而校錄。遷神閬苑，偃息華房，逍遙清淨之鄉，遊宴虛無之境。則上明天尊大慈之化，下副臣等皈命之誠。謹啓以聞。

一願慈輝普映，二願慧日光垂，

三願天恩普度，四願悟道無爲，

五願青華錫命，六願遊宴丹臺，

七願神昇紫極，八願鳳馭徘徊，

九願福延國祚，十願登上蓬萊，

十一願萬真降鑑，

十二願陞進瑤階。

復爐同前

謝師

回幕

玉籙大齋第一日晚朝儀

玉籙大齋第二日早朝儀

午朝晚朝同卷

各禮師，存念如法

五星靈暎，煥景丹庭。包羅無外，

合炁群靈。潛形杳默，周遊五經。揚

威耀日，役使甲丁。却灾除禍，滌穢消

氛。萬魔恐怖，龍虎飛奔。紫雲交覆，

萬炁齊并。

鳴法鼓二十四通

无上三天玄元始三炁太上老君，

召出臣身中三五功曹，左右官使者，左

右捧香金童，傳言散花玉女，五帝直符

直日香官，各三十六人出。出者，嚴裝

顯服，冠帶垂纓。關啓玄壇土地，方域

神真。臣今早朝，陞壇行道，朝謁帝真。

謹奏爲入意其諸誠意，具載緘牒。願得

太上至真道炁靈寶瑞光下降，流入臣等

身中，令臣所啓之誠，速達徑御至真无

極大道三清上聖、昊天至尊金闕玉皇

上帝御前。

請稱法位

具位 與臨壇官衆等，謹同誠上

啓虛无自然元始天尊，无極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝太帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳，太平下教二十四真人，西城惣真王君，太乙真人，東嶽上卿司命，茅君定錄保命二真人。名山洞府，得道神仙。三界官屬，一切真靈。臣聞，四象吁員，隱太虚於元洞；九陽煥散，泛妙炁於梵華。碧靄森羅，玄精杳邈。通明三景，滋育萬生。肇龍漢之開圖，發始青之變化。天寶出書而傳世，秀結神章；玉清應號以度人，光浮靈篆。真機敷露，正道流行。臣等謬合玄圖，獲叅上範。憑瓊顏而妙感，回侍晨軒；想珠口以凝神，奉宣法事。凡有所啓，敢不以聞。齋意青詞，謹當宣奏。

宣詞

具如詞言，不違懇款。恩惟太上，

分別哀祈。

臣聞，無形無影，神風靜默而洞煥太空；若存若亡，四炁朗清而緬平一等。群妖束首，萬聖臨軒。臣等辨色精思，凌晨對越。清風發旦，瞻靈曜之方昇；黃道啓明，正群陰之盡伏。寶炁空浮於玄座，祥烟高靄於大羅。恭假香傳，奉修齋直，以今第二日清旦行道，請法衆等，運茲初捻上香。願此香烟騰空，徑上供養虚无至真自然大道元始天尊。願以是捻香功德，上祝當今皇帝，景命無疆。伏願曆過萬年，德光四表。赤烏流屋，紹開火運之隆；神馬出河，允恪天書之瑞。誕協靈而握梵，永膺錄以受圖。帝祚昌隆，皇天眷佑。嘉祥交應，景貺咸臻。今故燒香，自皈依道尊大聖衆，至真之德，得道之後，祈天長存。

臣聞，至道垂科，鳳篆降清微之境；元皇敷教，龍章浮碧落之空。普濟幽明，同霑福佑。以今第二日清旦行道，請法衆等，運茲二捻上香。願此香烟騰空，徑上供養玉晨至聖自然靈

寶大道天尊。願以是捻香功德，上資所薦神靈。伏願宴景玉京，進階寶典。面虚皇而受道，陞瑶陛以登真。永處逍遙，長居極樂。注銀河之仙派，擷瓊圃之天芳。潤浹九圍，香傳萬葉。今故燒香，自皈依經尊大聖衆，至真之德，得道之後，昇入無形。

臣聞，常應常靜，靈光洞燭而萬行皆施；圓寂圓通，惠醴遍沾而九泉均濟。道慈廣大，至德涵容。以今第二日清旦行道，請法衆等，運茲三捻上香。願此香烟騰空，徑上供養混元大聖自然化主道德天尊。願以是捻香功德，上資所薦神靈。伏願高抗大羅，冥通无色。飄飄素質，練真於流火之庭；鬱鬱玉葩，秀實於琅霄之館。應靈圖而乘運，合空洞以生神。上聖回光，神公攝景。超證真常，齊年天地。今故燒香，自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞，十遍周回，召至真於碧落；九幽開泰，度神識以昇仙。臣等叨濯玄津，竊乘良會。所宜離形黜智，悟我理之兼忘；守靜致虛，鍊形神而高舉。蚤奉中盟而佩錄，誓弘大法以度人。粗積微功，少裨玄化。况承詞剡，恭爲典行。伏慮臣等戒疏德薄，學淺才微。冒犯條章，惟希寬宥。伏願分別哀祈，洞垂省覽。頒布青宮之符命，開度所薦之神儀，徑入太清，登真成道。則上明天尊大慈之化，下副臣等皈命之誠。謹啓以聞。

- 一願靈光下燭，二願道月揚輝，
- 三願恩宣九地，四願誠達九天，
- 五願真靈俱會，六願道炁周圍，
- 七願天堂開敞，八願地獄隳摧，
- 九願玄功普被，十願駕景空飛，
- 十一願普天懷德，
- 十二願道合無爲。

復爐

存神燒香

香官使者、左右龍虎君、侍香諸靈官，當令臣向來早朝陛壇行道之所，自然生金液丹碧芝英。百靈衆真，交會在此，香火爐前。當願十方仙童玉女，接待蘭煙，傳臣向來所奏之誠，速達徑上至真無極大道三清上聖、昊天至尊金闕玉皇上帝御前。

玉錄大齋第二日早朝儀

玉錄大齋第二日午朝儀

各禮師，存念如法

黃中策炁，斬妖滅蹤。制遏邪源，斷截魔宗。太上符命，召制神公。萬神斯格，却禍除凶。五炁三輪，洞達真風，紫戶合瓊，六度無終。左命青腰，右攝芝童。逍遙飄景，總御九空。玄壇應機，乘炁虛冲。萬真普降，濟度無窮。

發爐同早朝

請稱法位

具位 與臨壇官衆等，謹同誠上啓虛无自然元始天尊，無極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳，太平下教二十四真人，西城惣真王君，太乙真人，東嶽上卿司命，茅君定錄保命

二真人，名山洞府得道神仙，三界官屬，一切真靈。臣聞五度凝精，已兆丹光之祖；三陽隱妙，難窮浩劫之先。虛廓無形，幽寥罔象。結梵靈之元炁，開神運於赤明。敷落五篇，彌羅萬範。靈寶出金書之奧，鳳曆流通；洞玄垂玉字之芒，龍文安鎮。度人无量，保天長存。臣等忝紹仙宗，叨承正一。泛朱英而襲慶，誦詠瓊音；傳符籙於名山，遵修寶範。凡有所啓，敢不上聞。齋意青詞，謹當宣奏。

宣詞

具如詞言，不違懇款。恩惟大道，分別哀祈。

臣聞太極金書，飛二景玄真之寶；紫霞玉彩，流九霄神境之光。龍躍虎蹲，鳳翔鸞舞。臣等晝接真靈，午臨壇墀。陽晶麗正，測圭景以方中；華曜舒光，瞻丹輪而未昃。引法界虛无之聖，聚靈風鬱勃之烟。恭假香傳，奉修齋直。以今中分行道，請法衆等，運茲初捻上香。願此香烟騰空，徑上供養虛无至真自然大道元始天尊。願以是

捻香功德，上祝當今皇帝，聖壽無疆。伏願永御九重，備膺五福。垂衣致治，長臨南面之朝；居正體元，端拱北辰之所。履至尊而久視，保榮祚以無疆。帝命日新，神基天峻。克綏四海，丕演萬年。今故燒香，自皈依道尊大聖衆，至真之德，得道之後，祈天長存。

臣聞，金闕玉房，儲寶笈琅函之祕；瑤臺朱圃，顯雲章霞篆之祥。光煥九天，芒垂八角。以今中分行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。願以是捻香功德，上資國祚宗枝。伏願四塞向風，諸藩慕義。梯山航海，皆爲入貢之臣；交趾雕題，盡效來朝之職。極乾坤之覆載，窮日月之照臨。冠帶百蠻，車書一軌。咸臻安靜，各遂生成。今故燒香，自皈依經尊大聖衆，至真之德，得道之後，昇入無形。

臣聞，元始開圖，妙剖判陰陽之本；元綱流演，明生成造化之源。難終難窮，莫名莫測。以今中分行道，請

法衆等，運茲三捻上香。願此香烟騰空，徑上供養混元大聖自然化主道德天尊。願以是捻香功德，上資所薦神靈。伏願鍊炁無英，回靈驕樂。黃華蕩質，俾臟腑之清涼；紫戶生仙，總形神而整具。參帝真而結命，慶玉女以灌香。探入飛空，起離舊爽。攝召長夜，開度受生。今故燒香自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞五帝朝真，罄精修於五體；十天降命，咸普度於十回。臣等宿應玄圖，忝承真誥。所宜步太霞而泛景，嘯朗九霄；御白日以登晨，飛形三景。自受丹書之啓誓，獲傳黃素之成章。不負初心，仰弘大教，欽承詞旨，謹爲

典行。伏慮孤魂滯魄，自從宿世，以及今身，舉意故爲，動情悞犯，未能持身，不益損己爲先。嗜利無厭，弗守固窮之志；臨財苟取，不萌見得之思。或閉吝於己資，或侵攘於他物。自求豐殖，罔恤困窮。既乖推義之心，實負保真之戒。恐成愆對，未卜升沉。又慮恣迷貪累以苦形，展轉塵勞而忘本。禍招億劫，罪積萬端。或沉淪於泉曲河源，未出離於寒庭陰境。祈哀大道，請命至真。冀超黑壤之拘囚，是仗玄

都之開宥。伏願恩覃十極，澤被萬方。赤龍飛負於寶章，丹鳳驛傳於青籙。命魔三界，宣敕九門。金簡玉符，普開明於長夜；朱書紫策，下超度於重陰。又乞三天師恩，玄中教主。召靈官於三洞，勅掾吏於九泉。及召四始三元，二十八治，符章曹局，監察官君，五嶽神司，九州社令，捧持符赦，告下冥曹。攝召亡魂，齊到帝所。誨宣九過，慶東向以受生，普度十回，升南宮而鍊質。徹天響地，御炁生神。普令有識之含靈，咸得往生而隨願。則上明天尊大

慈之化，下副臣等皈命之誠。謹啓以聞。

一願恩覃宇宙，二願澤被幽明，
三願青華度命，四願玉簡開局，
五願神真降盼，六願壇陛通靈，
七願亡魂返妙，八願滯魄超升，
九願四司稟敕，十願五帝監生，
十一願靈光下燭，
十二願功果咸成。

復爐同早朝

玉籙大齋第二日午朝儀

玉籙大齋第二日晚朝儀

各禮師，存念如法

金真空降，神虎檢營。玉帝披霞，諸天命靈。九晨回駕，萬魔束形。九微迅煙，神威攝精。流金擲火，百惡消并。神耀輝夜，洞杳長春。聖道蕩蕩，十方肅清。保制劫運，元亨利貞。

發爐同早朝

請稱法位

具位 與臨壇官衆等，謹同誠上啓虛无自然元始天尊，无極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳，太平下教二十四真人，西城總真王君，太乙真人，東嶽上卿司命，茅君定錄保命二真人，名山洞府得道神仙，三界官屬，一切真靈。臣聞，六合隱形，潛混中

靈之祖炁；五陽周緯，開明梵寶之天元。光耀杳冥，芒飛煒燁。遐該九極，總統三辰。啓劫運於上皇，應靈圖於太極。分洞神之仙境，感化生文；出神寶之禁書，浮空結篆。推符曆數，載度天民。臣等濫綴真階，叨遊祕範。汎黃華之妙景，凝盼篇章；披紫笈之重玄，遵依科品。凡有所啓，敢不上聞。齋意青詞，謹當宣奏。

宣詞

具如詞言，不違懇款。恩惟大道，分別哀祈。

臣聞玉虛玄闕，育三光魂魄之精；金境紫清，浮九炁陰陽之粹。通神入寂，招真致靈。臣等恭款良宵，精修妙範。藏雲屏翳，泛四景以朗清；旋斗歷箕，接三光而煥爛。寶蓋命群真之駕，玉爐騰九色之烟。恭假香傳，奉修齋直。以今落景行道，請法衆等，運茲初捻上香。願此香烟騰空，徑上供養虛無至真自然大道元始天尊。願以是捻香功德，上祝當今皇帝，聖壽無疆。伏願倫序五行，氣調六律。日暘日雨，

齊七政之璇璣；不暑不冰，和四時之玉燭。順陰陽而合德，侔日月以並明。世路不平，年登上熟。與天同久，申命用休。今故燒香，自皈依道尊大聖衆，至真之德，得道之後，祈天長存。

臣聞，裁成天地，出保家寧國之文；化育陰陽，立度死濟生之式。諸天校錄，萬聖臨軒。以今落景行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。願以是捻香功德，歸流三塗九夜，六道四生；並願落滅惡根，出離苦趣。結胎返炁，俱昇碧落之鄉；易質蛻形，盡陟朱陵之界。俾死魂而受鍊，獲仙化以成人。報對停休，冤仇和釋。超凌三界，逍遙九清。今故燒香，自皈依經尊大聖衆，至真之德，得道之後，昇入無形。

臣聞，大道闡於不言，故示慈悲之典；真元出於有象，乃垂濟度之方。今古攸遵，人天仰賴。以今落景行道，請法衆等，運茲三捻上香。願此香烟騰空，徑上供養混元大聖自然化主道

德天尊。願以是捻香功德，上資所薦神靈。伏願長謝囂塵，永辭色界。結胎斬滯，含元炁之冲融；混化生神，畜天真於玄爽。返本初而精練，悟我理之兼忘。汎景洞空，散思霄映。逍遙靈駕，遊宴上京。今故燒香，自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖玉京金闕天帝天真，十方師尊聖衆，三界官屬，一切威靈。臣聞，六過制魔，受伏諾送迎之命；三元品戒，示蕩形沐浴之科。臣等叨濯玄津，獲儔靈運。所宜服中黃而內養，灌溉丹田；凝太素以高觀，咀飧玉液。蚤佩昇真之錄，啓傳破穢之文。普度幽沉，誓弘清靜。况承詞刻，恭爲典行。今奉某伏爲孤魂滯魄，自從宿生今世，舉意誤爲。動情故犯，未能推誠

慈順，篤志溫良。不思三戒之時，或專鬥氣；不顧一朝之忿，或致忘身。恣凶怒以凌人，恃強梁而兼弱。心懷嗔性，口肆惡聲。惟積過以稔非，罔修真而奉戒。恐因報對，未卜升沉。仰祈超濟，恭仗修崇。非滌故以洗新，曷升虛而入妙。仰垂惠澤，密注恩波。勅九鳳之將軍，命五靈之童子，招魂將吏，解穢官君，浣濯夫人，黃華玉女，請取太玄神水，鍊尸素漿，甘露金液，雲腴玉醴。合和真炁，使流注於香湯；沐浴塵勞，悉蕩除於陰翳。魂神澄正，性識圓明。灌澡五芽，整齊八景。冠帶簪紱，佩服羽儀。飛步九靈，出離五濁。滅三塗而滌罪，宣六腑以生津。斷絕地根，蕩除尸穢。永蠲熱惱，普獲清涼。易舊更新，洗瑕磨垢。登質於高明之境，怡神於玄爽之都。永謝塵寰，俱躋道岸。則上明天尊大慈之化，下副臣等皈命之誠。謹啓以聞。

十念

一念一真布景，二念二象回傾，
三念三尊鑑映，四念四炁調平，

五念五文煥爛，六念六惠齊明，
七念七辰合瑞，八念八卦利貞，
九念九光旋匝，十念魂魄飛升。

復爐同早朝

玉籙大齋第二日晚朝儀

①「太」原作「大」，誤，據上下文義改。

玉籙大齋第三日早朝儀

午朝同卷，晚朝儀缺

各禮師，存念如法

天書赦罪，下頒太微。元化生成，靈烟九回。八景六周，聖運所持，左賓赤方，右啓帝扉。東華南府，灌煉辟非。回輪日耀，轉盼月輝。今日大慶，萬道同歸。玄壇正炁，保天無衰。普告三界，驛龍風馳。

鳴法鼓二十四通

無上三天玄元始三炁太上老君，召出臣身中三五功曹、左右官使者，左右捧香金童、傳言散花王女、五帝直符直日香官，各三十六人出。出者，嚴裝顯服，冠帶垂纓。關啓玄壇土地，方域神真。臣今早朝，陞壇行道，朝謁帝真。謹奏爲入意其諸誠意，具載緘牒。願得太上至真道炁靈寶瑞光下降，流入臣等身中，令臣所啓之誠，速達徑御至真無極大道三清上聖、昊天至尊金闕玉皇上帝御前。

請稱法位

具位 與臨壇官衆等，謹同誠上啓虛无自然元始天尊，无極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳，太平下教二十四真人，西城惣真王君，太乙真人，東嶽上卿司命，茅君定錄保命二真人，名山洞府得道神仙，三界官屬，一切真靈。臣聞七素徘徊，兆七陽而分化；五元因合，煥五緯以乘天。儲粹幽微，浮空高爽。總攝梵英之炁，肇萌皓景之光。積號延康，開明億劫。紀素靈之玉曆，凝結成書，闡黃老之寶章，芒虚符篆。八威安鎮，萬寶生成。臣等叨位玄門，列名紫格。叅金闕自然之道，静念至真；受錦囊大有之文，恭依具與。凡有奏啓，敢不以聞。齋意青詞，謹當宣奏。

宣詞

具如詞旨，不違款懇。恩惟大道，分別哀祈。

臣聞湛寂元尊，御清微而不宰；撫綏九有，履玄運以無私。弘敷妙道之因，太極幽途之苦。臣等待旦存神、詰朝行道。紫霞耀日，蒼龍初上於扶桑；赤景流空，羲馭已行於東陸。返颿輪於真境，靄雲蓋於太虚。恭假香傳，奉修齋直。以今第三日清旦行道，請法衆等，運茲初捻上香。願此香烟騰空，徑上供養虚无至真自然大道元始天尊。願以是捻香功德，上祝當今皇帝，景命無疆。伏願翁受百祥，順齊七政。嘉禾朱草，屢臻地寶之和；甘露景星，並見天休之應。龍馬徠從於西極，鳳凰翔集於紫庭。諸福備膺，四靈畢集。珎符沓至，叶炁旁流。今故燒香，自皈依道尊大聖衆，至真之德，得道之後，祈天長存。

臣聞，玉笈垂文，作人天之軌範；金真演教，爲生死之津梁。困乎妙有之功，大矣難名之化。以今第三日清旦行道，請法衆等，運茲二捻上香。願

此香烟騰空，徑上供養玉晨至聖自然靈寶大道天尊。願以是捻香功德，上資某靈。伏願九玄七祖，億劫種親。並願泛景太霞，飛神空洞。登真悟道，陪九老以遨遊；凝玄鍊真，叅十華而嘯咏。斷鬼官之逮役，度上南宮；臻隨劫以長存，生身受度。福流裔嗣，慶及宗親。今故燒香，自皈依經尊大聖衆，至真之德，得道之後，昇入無形。

臣聞，聖德涵容，著延生之玉曆；道慈博愛，啓落死之玄文。斡運陰陽，主張造化。以今第三日清旦行道，請法衆等，運茲三捻上香。願此香烟騰空，徑上供養混元大聖自然化主道德天尊。願以是捻香功德，上資所薦神靈。伏願序列真仙，炁歸梵輔。怡神遐想，翳秀葉之翠霞；振袂高登，聽瓊房之妙韻。停蔭清冷之渚，乘輪深邈之衢。帶豁重開，運叅靈化。爽魄隨本，玄會無涯。今故燒香，自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞七過開關，星宿朗明而停景；九陽結炁，形神鍊度以登晨。臣等早慕精修，獲參奧旨。所宜結胎嬰而養素，坐致自然；混生炁以歸身，躬行內鍊。未臻神化，須有功勤。期引接於群生，誓流行於大教。况承詞旨，恭爲典行。今奉某靈，自從宿世，以及今身。舉意故爲，動情誤犯。未能堅持純實，恪守溫良。曾無反己之誠，靡奉成真之戒，尤恐還生人道，久汨塵勞。不能保命以愛神，至于死壞而不顧。沉聲滯色，離其本真。致生炁之無津，固死根而結滯。仰祈鍊度，普獲飛昇。伏願垂憫蒼生，廣施玄澤。敕九光之童子，請五老之靈君。鋪飴以五色之晶，灌注以九陽之炁。挺容流火，沐浴黃華。又請百鍊金剛，千和玉液。元

皇散妙，太白流光。宣通胞源，解開結節。混合神質，灌鍊身心。俾臟腑以清涼，使魂神而安鎮。迴骸起死，返陰成陽。重敕天醫之功曹，散布太清之神藥。即使魂儀受鍊，仙化更生。乘九炁以結形，蒙三元而育質。三關五臟，六府九宮。本始生神，根源復命。合靈捐息，懷胎皆得以生成；朽骨枯骸，易質咸承於超度。則上明天尊大慈之化，下副臣等皈命之誠。謹啓以聞。

- 一願天澄炁朗，二願日照月臨，
- 三願景星出現，四願法雨霖淫，
- 五願冤愆罷對，六願苦楚停吟，
- 七願龍章飛舞，八願鳳篆流金，
- 九願真靈集降，十願福被幽陰，
- 十一願靈魂普度，
- 十二願平步超升。

復爐

存神燒香

香官使者、左右龍虎君、侍香諸靈官，當令臣向來早朝陞壇行道之所，自然生金液丹碧芝英。百靈衆真，交會

在此，香火爐前。當願十方仙童玉女，接待蘭煙，傳臣向來所奏之誠，速達徑上至真無極大道三清上聖、昊天至尊金闕玉皇上帝御前。

玉錄大齋第三日早朝儀

玉籙大齋第三日午朝儀

各禮師，存念如法

元始虛皇，集炁居中。三境洞杳，肇生穹窿。七轉九靈，混合回風。變化萬神，天地開通。吉日行事，萬魔敬從。晨輝朗照，默運元功。執節建麾，散花太空。十方普度，劫運無終。

發爐同早朝

請稱法位

具位 與臨壇官衆等，謹同誠上啓虛无自然元始天尊，无極大道太上道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶瓊臺紫微上宮靈寶至真明皇道君，三十六部尊經，玄中大法師，上相上宰、上保上傳，太平下教二十四真人，西城惣真王君，太乙真人，東嶽上卿司命，茅君定錄保命二真人，名山洞府得道神仙，三界官屬，一切真靈。臣聞八景潛輝，合太冥

於無色；一陽積氣，結梵混於初元。肇萌上景之光，乃應開皇之號。玄精發耀，成象流形。五劫既周，九霄八化，元始肇封於紫典，敷炳天文，皇人紀律於玉章。總持劫運，群魔欽順，萬國安寧。臣等忝與真儔，夙承妙蔭。負九色之圓象，嚙液存思；詠三合之靈章，依科遵奉。凡有所啓，敢不以聞。齋意青詞，謹當宣奏。

宣詞

具如詞言，不違懇款，恩惟大道，分別哀祈。

臣聞，獨露本真，救萬劫含靈而咸度；廣宣妙化，濟九幽苦趣以無邊。隱顯同休，人天仰賴。臣等恭按齋儀，不遑暇食。陽晶轉燭，方臨停午之初；晝景騰輝，共仰中天之照。綠輦傾光而回駕，紫烟結篆以浮空。恭假香傳，奉修齋直。以今第三日中分行道，請法衆等，運茲初捻上香。願此香烟騰空，徑上供養虚无至真自然大道元始天尊。願以是捻香功德，上祝當今皇帝，景命無疆。伏願化洽八埏，教

行六服。金穰葉應，三登書大有之年；王道正明，千載享太平之運。日表重光之象，星昭循度之祥。海晏河清，雲行雨施。萬方有慶，四海無虞。今故燒香，自皈依道尊大聖衆，至真之德，得道之後，祈天長存。臣聞鬱羅蕭臺，乃三清之化境；洞玄教典，由五劫之出書。固真長存，保天無極。以今第三日中分行道，請法衆等，運茲二捻上香。願此香烟騰空，徑上供養玉晨至聖自然靈寶大道天尊。願以是捻香功德，上資國祚宗枝。伏願碧簡題名，丹臺紀籍。發靈光於壽域，益注遐齡；固劫石於福基，永綏寵祿。合太和而久視，保真炁以長扶。嗣續繁昌，姻親和睦。今故燒香，自皈依經尊大聖衆，至真之德，得道之後，昇入無形。

臣聞，始青肇運，三真俱現而道德圓通；靈寶度生，萬炁長存而魂神澄正。功惟微妙，形應斯須。以今第三日中分行道，請法衆等，運茲三捻上香。願此香烟騰空，徑上供養混元大聖自然化主道德天尊。願以是捻香功

德，上資所薦神靈。伏願偃息清明，從容虛妙。雲衢曜景，超四大於神方；空洞流音，離九玄於幽裔。心散重霄之上，炁凝華府之中。煥落開襟，去留解帶。飛遊自在，應感無方。今故燒香，自皈依師尊大聖衆，至真之德，得道之後，昇入無形。

懺悔

三啓

三禮

重稱法位

具位 與臨壇官衆等，謹同誠上啓三清至尊，十方上聖，玉京金闕天帝天真，十方師尊聖衆，三界官屬，一切威靈。臣聞，幽夜開光，八過精思而研誦；死魂受鍊，九玄昇化以更生。臣等獲際真詮，早傳祕籙。所宜沐玄波於仙井，滌慮澄心；庇道蔭於靈柯，歸根復命。雖尚關於人事，敢輕負於道心。伏受師盟，擔敷教化。况承詞劄，恭爲典行。今念及孤魂滯魄，自從宿世，乃至今身。舉意動情，故爲誤犯。未能溫恭思道，謙牧修身。或奉正真，每興

懷於傲忽；或居高位，常肆志於滿盈。或慢侮以凌人，或矜誇而恃己。執迷凶德，恣縱驕心。大乖推遜之風，有愧得真之戒。恐從傾逝，未卜升沉。又慮億劫輪迴，夙生流蕩。魂靈飄浪，未返故根。性識昏迷，尚拘邪黨。念沉淪於苦趣，未脫離於重陰。仰祈開宥之恩，早遂更生之願。伏願造大慈之至化，濟長夜之幽魂。惡根應消，浮爽緣故。隨所受度，咸得升仙。乞召五老之靈君，仍命九天之上帝。及啓三光九老，太上丈人、一千二百官君、百千萬重道炁、朱陵火府南昌上宮好生韓君、度世司馬元陽玉匱受度使者、延壽益筭度厄尊神、校錄真人、監生聖母、無英公子、白元尊神。桃康合延太乙司命，上祈神儀，九玄七祖，恭諾和順。侍衛送迎，反炁受形，勒籍定筭。布祥烟而塞死戶，流慶雲以開生門。經集靈根，圓成善果。則上明天尊大慈之化，下副臣等皈命之誠。謹啓以聞。

一願龍篇高映，二願鳳檢呈祥，

三願諸天校錄，四願仙樂鏗鏘，
五願三官注善，六願九夜披光，
七願和冤閉債，八願解結除殃，
九願制魔保舉，十願魂度仙鄉，
十一願恩光普被，
十二願功德難量。

復爐同早朝

玉錄大齋第三日午朝儀

(陳耀庭點校)

026 玉錄濟幽判斛儀

經名：玉錄濟幽判斛儀。一卷。
底本出處：《正統道藏》洞玄部
威儀類。

法事

具位臣某等，謹同誠上啓三清三境天尊，十極十華上聖，東極宮中慈悲太乙救苦天尊、青玄上帝，諸天天尊，諸天天帝，大羅法界無上真仙，三界萬靈一切真宰。恭望天慈，洞回昭鑒。通意

伏以一炁盈虛，萬形出沒。死復生而生復死，人爲鬼而鬼爲人。輪轉無窮，報償不息。悲莫悲於六道，苦猶苦於四生。蓋積善者，徑陟善階；積惡者，終歸惡道。賴我道祖，太上慈尊。廣立齋科，普敷濟拔。大啓超昇之會，特垂拯救之文。當陰慘陽舒之際，乃神交鬼聚之時。魂氣動而悲風

生，靈響發而陰務靄。洪音一舉，黑壤遙聞。仰惟紫極玄尊、青華教父。指明星爲慧炬，廣運照臨；凝梵炁作法橋，大垂拯濟。追魂使者，告召十方。

所屬地祇，招延催促。當願天仙道、神祇道、人倫道、地獄道、餓鬼道、畜生道，孳生物命。魚鱉昆蟲，不瞬息間，遍高深而普告，由斯須頃周遐。邇以咸知，自然意感；誠服翕爾，影隨響答。呼群率衆，聲相應，氣相求；出死入生，眇能視，跛能履。無遮無礙，源源而來；或後或先，徐徐而至。使者運招徠之力，魂兮承攝召之功。所有淨艷都、開業道、離寒庭神呪，謹當吟詠。

夫學道修真之士，以慈悲一切而爲心；積功累行之流，以利濟萬彙而爲本。每演經科而救度，常行運念以修崇。用假法恩，必希聖感。謹當齋戒之辰，爰命精修之侶。建資崇之妙會，設供養之香盞。伏爲所薦幽魂，未霑殊勝。尚縈罪障，難出苦輪。念其受身，爲茲設食。仰惟九州社令、五嶽

靈官，俯賜證明，曲垂慈愍。恭願遙瞻仙府，上啓虛皇上帝，大軫天恩，曲垂憫念。當啓乾坤之內，廣邀今古以來。是仗威光，特伸關請。

召孤

接引

蕩形

洒淨

三皈

切以幽途餓鬼，長夜沉魂。遍滿虛空，遊行境土。但吁嗟於邪道，常憔悴於歎容。復有積劫伏屍，累年滯爽。既昏明於旦暮，常穢濁於形骸。未超解脫之門，尚絆湮沉之類。或襁褓相離父母，或老耄永別子孫，或居民在此膏肓，或征客至茲淪喪，或負罪有遭王法，或無常遽奄天年，或縈纏疫癘而傾亡，或凌犯雷霆而震怒，或損害相謀性命，或刎縊自喪平生，或山林虎狼傷殘，或江海魚龍吞噬，或男敵女娘而至死，或蛇傷飲毒而殞亡，或銜冤久處於冥途，或枉死未離於鬼趣。雖思奠酌，永莫遇餽羞。心腹烟生，喉嚨火發。永

抱饑窮之苦，不逢飽飫之充。空悲兔走烏飛，暗歷時遷歲改。睽離井邑，想骨肉以難尋；隔越烟波，嘆胸襟而莫及。皆屬里域所攝，更無墳塚堪依。明月茫茫，愁雲漠漠。一切孤魂，無極滯魄。未遂冲昇之路，猶縈煩惱之心。念六趣之輪迴，悲四生之飛走。永日而身遭籠繫，終朝而膽懾網羅。或戢翎歛翅於林巢，或含齒披毛於土窟，或帶角跨蹄於草澤，或張鱗披甲於波潭。顧鼎鑊則焉免其烹，臨鋒鋌則豈逃斯慘。悉是餘殃致此，蓋由積惡使然。當有一百二十冥曹、八萬四千地府，三官獄訟。五嶽冤牢。北都長夜之庭，東嶽幽扃之府。上尸、中尸、下尸，三塗之界；死道、惡道、邪道，五苦之門。次有鐵屋鐵山地獄、鐵牛鐵馬地獄、兩石壓身地獄、八極八寒地獄、斷絕分離地獄、焦然脫落地獄，如是諸大地獄等，當來世世，劫劫生生。出死無門，求生無路，刀山險峻，劍樹森羅。食火吞烟，不捨焦燉於曉夕；飛戈飄戟，那堪痛楚於肌膚。未離撻石之塗，深苦

負山之役。蕩蕩愛河之上，黑浪迷身；沉沉苦海之中，銀波溢目。空感茫茫於豐蔀，可悲寂寂於泉臺。盡從過去狂心，以致此來報體。特啓熏修之會，爰伸供養之儀。伏願至道垂慈，高真開度。俾令狴犴，旁及河源。咸獲感通，仰承拯拔。仗琅函之聖號，宣瓊藏之睿名。未曾聞天尊者，今皆得聞；未遇天尊聖號者，今皆得遇。功力能超於鬼道，薦修可陟於仙階。各發皈依，衆當諦聽。

大慈至廣天尊，
聖力無邊天尊，
能消惡趣天尊，
得契玄功天尊，
死魂受煉天尊，
仙道潛通天尊，
罪消北府天尊，
名上南宮天尊，
昭彰妙道天尊，
飛昇太空天尊，
恭惟聖力昭彰，洪慈軫度。遂使
愛河苦海，化作蓮池，能令劍樹刀山，

翻成花圃。冰池凜冽，俄自消洋。沸鑊烹煎，遽皆撲滅。賴玄元之殊造，繫道德之良緣。於是燈燭將然，燦爛而照開地府；沉檀乍爇，氤氳而騰布十方。欲出重泉，須憑大造。饋其飲食，獻以錢財。伏覬四司六官，善簿惡籍；三元九府，陰宰陽官。俯念有情，廣施濟物。上祈睿澤，下布靈慈。變一味爲百品之珍，化一財爲千車之寶。普及無窮之世界，散霑無極之鬼魂。仰希齊降形儀，當歆祭享。遂使虛腸頓實，能令餒腹皆充。各運身心，速伸回向。夙緣曩劫，承資薦於真風；是夜今時，味馨香於甘露。密灑慈悲之雨，洗滌瑕疵；廣吹解脫之風，掃除罪累。普生歡悅，受福人天。克遂感通，仍歸遷適。變食靈章，謹當吟詠。

焚符
變食
呪食
加持
稱號
道言，戒者止也，所以止人非心，

歸於正定。故戒生定。儒者亦謂，知止而後有定。但三洞衆經，四輔祕典，演說戒法，種種不同。惟無上洞玄靈寶九真妙戒者，諸戒之首。天人共仰，幽顯同遵。無上之上，洞玄中玄，萬神之靈，一炁之寶。妙貫三才，戒制六情。數定於陽，故分爲九。修而不僞，故名爲真。天人仰之，以爲城郭。幽顯資之，以爲梯航。今日亡魂受之，可爲之法藥。然受戒之法，靜默爲先。持戒之法，勤奉爲上。法衆同誠，當傳九戒。

舉智慧頌

第一戒者敬讓，孝養父母，是名初真戒。受持之後，當獲端正長壽果，持心勿怠。

第二戒者克勤，忠於君主，是名念真戒。受持之後，當獲聰明智慧果，持心勿怠。

第三戒者不殺，慈救衆生，是名持真戒。受持之後，當獲富貴豪勝果，持心勿怠。

第四戒者不淫，正身處物，是名守

真戒。受持之後，當獲吉慶安樂果，持心勿怠。

第五戒者不盜，推義損己，是名保真戒。受持之後，當獲清淨善性果，持心勿怠。

第六戒者不嗔，兇怒凌人，是名修真戒。受持之後，當獲祿位清顯果，持心勿怠。

第七戒者不驕，傲忽至真，是名得真戒。受持之後，當獲具足十相果，持心勿怠。

第八戒者不詐，諂賊害善，是名成真戒。受持之後，當獲大道正法果，持心勿怠。

第九戒者不二，奉戒專一，是名登真戒。受持之後，當獲證大法王果，持心勿怠。

舉奉戒頌

妙戒靈文，黃籙白簡。既備宣於奧旨，當敬受於靈文。夫心焉難制，制以九戒，則可歸心於太虛；形也未超，超以二符，自可煉形於上境。汝等孤魂，直須生生勿忘於戒言，劫劫常持於

符券。澄神物外，塵緣永斷於多生；受質陽間，善果自臻於有永。恩留家國，慶及無窮。所有長生寶籙，功德疏文，謹當宣告。

祭煉

切以啓祈將竟，供養已周。延駐慮煩，冥陽有隔。今則暗云瀝瀝之銀河欲轉，丁丁之銅漏將殘。陰云黯黯之天肩牛斗，沉沉之霧鎖蟾宮。雨云寂寂之商羊鼓舞，冥冥之石燕交飛。雪云淅淅之暗粧玉樹，紛紛之靜墜瑤階。各整雲輶，齊登霄漢。天道即還天道，神明各復神司。人居三界之中，鬼治九幽之府。窮魂餓鬼，地獄幽牢，普願昇遷，俱承利益。變天厨之品餼，化塵世之錢財。悉爲祈恩，無非致福。領此香齋之會，納茲俵獻之儀。適皆次第而來，今已盤旋而去。既得託形仙府，必當高步祥雲。逕朝靈應之宮，遽詣逍遙之境。上窮雲翼，下極淵鱗。獲奉善因，仍聞妙樂。溥承資薦，共遂超升。然冀飲食之餘，供養之外。曠野飛禽之類，悉可充腸；深原走獸之徒，

盡皆飽腹。儻值抨弦繫矢，永脫侵傷。
若逢設網持戈，更難損害。早拋惡趣，
速證善緣。略伸及物之功，稍罄信心
之重。叩頭星漢，拜手天階。法衆齋
官，謹伸奉送。

玉音仙樂響珊珊，鶴舞鸞飛度九關。
執籙把符超法界，參朝金闕覲天顏。

舉極樂頌送

向來

焚燎

玉籙濟幽判斛儀

(陳耀庭點校)

027 太上黃籙齋儀

經名：太上黃籙齋儀。五十八卷。唐末五代杜光庭集。底本出處：《正統道藏》洞玄部威儀類。

太上黃籙齋儀卷之一

唐廣成先生杜光庭集

第一日清旦行道儀

舊儀，令齋主每日投詞，如告齋之法。既初建齋時已投詞祈告，若每日重疊，即於禮爲繁。今止一度，餘日並停。

衆官列位旛節香案，肅整於玄師前，立定

唱道場衆等人，各運心歸命三寶一切念

華夏讚，引至地戶華夏讚，出玉匱明真經。今但用十八虛聲耳。

啓堂頌

太上黃籙齋儀 卷一

勤行奉齋戒，誦經制六情。故得乘空飛，耀景上玉清。精心奉經教，吐納鍊五神。功德冠諸天，轉輪上成仙。

入戶呪至地戶之左，法師密呪曰

四明功曹，通真使者，傳言玉童，侍靖玉女，爲我通達道室正神。上元生炁，入我身中。

華夏讚，引入壇，升天門，上十方香東方爲始

至御案，三上香

上香密呪

玉華散景

各禮師存念如法

法師臨目存見，太上三尊乘空下降，左右龍虎，千乘萬騎，三界尊靈，羣真侍衛，羅列在座。乃爲弟子奏陳齋意。次思經師侍太上之右，心拜三過，願師得仙道，我身升度。次思籍師，次思度師。願念如初。夜法，次思青雲之氣匝滿齋堂，青龍獅子，備守前後。仙童玉女，天仙地仙飛仙，日月星宿，五帝兵馬，九億萬騎，監齋直事，三界官屬，羅列左右。次思青炁，從師肝中出，如雲之升。青龍獅子，在青炁中。天仙地仙飛仙，五方五帝，兵馬匝覆齋主家大小之身，又思五臟，五嶽五帝，如初夜法。

衛靈呪

金真綠霞，煥映三天。飛雲丹霄，諸天控輶。晨輝啓旦，陰翳俱涓。九微震空，五星回旋。萬仙應感，自然妙玄。杳冥散景，分形億千。蒙昧光曜，瑞降壇乾。生死蒙恩，灌鍊金泉。魔王恐懼，合景三田。

鳴法鼓二十四通

發爐

无上三天玄元始三炁太上老君，召出臣等身中，三五功曹、左右官使者、侍香金童、傳言玉女、五帝直符直日香官使者，各三十六人出。當召此間，土地里域，真官正神，速出關啓。臣今正爾燒香，奉爲某官某乙爲國爲家，修建無上黃籙大齋若干日夜。願得太上十方正真生炁降流，入臣等身中，所啓速達上御至真無極大道玉皇上帝御前人各三禮。

衆官長跪，法師鳴法鼓二十四通，出吏兵上啓

謹出臣等身中，五體真官功曹吏。出無上三天、執法開化、陰陽功曹、度

道消災、散禍解厄君吏，各十二人。出臣等身中治職君吏，某治建節監功大將軍，前部效功、後部效殺，驛庭令、驛庭丞，四部監功謁者。臣等身中，仙靈直使，正一功曹，左右官使者、陰陽神決吏、科車赤符吏、剛風騎置驛馬上章吏官，各二人出。出者，嚴裝顯服，冠帶垂纓，整其威儀。直使功曹，戴通天之冠衣，皂紉單衣。正一功曹，冠朱陽之幘，絳章單衣。治病功曹，冠九德之冠，五色綬命單衣，腰帶虎符，齊執玉版。直使功曹住立四方，正一功曹住立中央，治病功曹營衛臣等身中。左官使者，建節在前。右官使者，持幢在後。陽神決吏立左，陰神決吏立右。上部功曹，住立上方，中部功曹，住立臣等身中。促氣功曹，催促十方。上部使者，遠望上天。中部使者，遠瞻八方。都官使者，巾遠臣等身。郎吏虎賁，察姦鈎騎，都官僕射，天丁力士，天騶甲卒，收氣食氣吏，收神食神吏，收鬼食鬼吏、收邪食邪吏、收精食精吏、收毒食毒吏、誅符破廟吏、科車赤符

吏，剛風騎置驛馬上章吏、飛龍騎吏等，屯住臣前後左右。功曹使者，嚴裝事竟，羅列鹵簿，關啓靈寶官屬、領仙監齋君吏、天師所布二十四治、三十六靖廬、七十二福地、三百六十名山崑崙等上宮三萬六千神、日月星宿、璇璣北辰、天地三界官屬、君將史兵。道上二玄三元四始四面方位風炁注炁甲子諸官君將吏、考召君，東九夷胡老君、南八蠻越老君、西六戎氏老君、北五狄羌老君、中央三秦儉老君、五嶽四瀆丘沼君，諸廟神所在高山山林、溪谷山林、孟長十二溪女根源本始土地之主社稷將吏，一時嚴裝，與臣等身中，功曹使者、飛龍騎吏，上啓太上無極大道太上大道君，太上老君，太上丈人，无上玄老，十方無極大道道德衆聖、天尊至真，太帝天帝，天師君，靈寶監齋大法師，諸官君。臣等生長浮俗，耽染囂塵。三業縈牽，六情飄浪。叨逢至化，得遇真師。開三清衆妙之門，演八景長生之旨。澄清慾海，極擢愛河。佩奉龍文，秉修神籙。弘道贊法，佐國度人。

救物立功，齋戒爲本。今有某官某乙，上惟邦國，旁及幽明，請福祈恩，歸心十極，請修无上黃籙大齋。伏聞三洞寶經，靈仙品格，無上妙法，黃籙寶壇，通聖降真，法天象地。保安家國，君臣蒙扶祐之恩，濟拔存亡，生死荷護持之力。開九龍符命，則地獄清閑；勅五帝威神，則天圖朗晏。功高萬法，澤普群生。是敢依按玄科，齋持法信，香花油燭，紋綵金龍，效信十方，盟心三界。臣等奉承聖教，忝職玄司。凡有所祈，理宜關奏。今謹洗心靜念，沐浴清虛。建修黃籙大齋，懺謝於三光之下若干日夜。歸命至真，爲某拔度存亡，離苦升樂。和兔釋對，解厄消災。謹上請三洞天仙兵馬、飛仙兵馬、地仙兵馬、真人兵馬、神人兵馬、日月星宿兵馬、九宮五帝兵馬、三河四海兵馬，各九億萬騎，監齋直事，三十二人，侍香金童、三十二人，散花玉女、三十二人，五帝直符，傳言奏事。飛龍騎吏等，各三十二人。一合來下，主爲某乙監臨齋所，上安國祚，保祐羣生，拔度億曾萬祖。

幽魂苦爽，斷絕惡對。身入光明，永出三途，超離五苦，歸命十方无極世界，已得道大聖衆，至真諸君丈人。乞解厄除灾，延生保命，過度三灾八難衆惡之中，保國寧家，普及含識。須行道事訖，有功勤者，謁言仙宮。功曹使者、飛龍騎吏，分別關奏，以時上達。列啓事竟，各還臣等身中，復於宮室，須召又到，一如故事。畢叩齒三過，嚙液三過，出《太極敷齋威儀經》。

各稱法位衆官密稱己法位也

上清玄都大洞三景弟子、无上三洞法師、奉行黃籙大齋法師、某嶽先生某帝真人臣某，謹同誠上啓虚无自然元始天尊，无極大道太上大道君，太上老君，高上玉皇，十方已得道大聖衆至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬，一切真靈。臣等億劫良因，生值大化。玄真啓拔，得處玄門。三師盟授三寶真經，法應度人九萬九千

位。登至真而功微德薄，未能自仙。乘愆蹈過，在苒塵寰。但受法之初，盟告三界，約當度人濟物，立功爲先。凡所歸依，理宜關奏。今奉詞旨，敢不上聞。

讀詞

案如詞言，實惟虔懇。齋主以宿承福慶，擢品人倫，爲國爲家，思崇福祉。仰慮億曾萬祖，十世神儀，處世之時，過尤增積，輪迴長夜，解拔無由，欲報洪恩，昊天罔極。伏聞，虚无大道，覆育羣生。无上法王，諸天大聖垂慈救之澤，啓黃籙之科。懺謝十天，披心八極。丹誠歸向，萬罪蠲消。謹依玄科，奉齋金龍紋繒本命之信，香花油燭，表信效誠。請拔存亡，以祈玄祐。臣等謹爲澄神靜念，滌慮冥心。依黃籙簡文、靈仙科典，超度存歿，敷建靈壇。四界八極，法天象地。立齋行道，燒香然燈。披明真玉匱之文，破幽夜泉扃之苦。拔除罪網，拯濟迷津。以今清旦行道，初捻上香，供養至真无上帝寶，歸身歸神歸命大道，臣等首體投地，

歸命太上三尊。以是功德，奉福齋主某家億曾萬祖，一切靈儀，解脫三途，超離六趣。度十方世界苦惱之根，出入門幽曠塗炭之境。託影玉城，遊神紫闕。寶林彌覆，功德熏修。早入慧源，克成仙道。今故燒香，自皈依師尊大聖衆，至真之德，得道之後，昇入无形。與道合真。

二捻上香，供養至真無上經寶，歸身歸神歸命大道，臣等首體投地，歸命太上三尊。以是功德，奉福宗祧先聖社稷尊靈。鳳曆悠長，龍圖永固。皇帝聖躬納祐，國祚延洪。化被華夷，功高軒燧。皇后坤儀，並著母德遐宣。太子諸王，承乾繼聖，公卿臣佐，中外職寮，潤色帝猷，恢弘大業。億兆臣庶，各保物宜。惟孝安家，惟忠報國。周天分地，繫壤安歌。祿孽不興，穀稼時稔。九圍共軌，四海同文。學道門人，隱居林澤。宣道贊法，勇猛精勤。得一冲真，通玄合道。今故燒香，自皈依師尊大聖衆，至真之德，得道之後，昇入无形。與道合真。

三捻上香，供養至真无上師寶，歸身歸神歸命大道，臣等首體投地，歸命太上三尊。以是功德，歸流奉福齋主某己身親姻。各使神安體豫，罪滅灾消，憂患不侵，夢寤真正。轉其報質，遂等金姿。延其促齡，方成久視。少私寡欲，行合自然。貴而不驕，富而知足。六親長幼，九族宗姻。永保利貞，同居勝善。運心同義，咸享福緣。水陸飛沉，有情含識。九幽五道，六趣三途。離苦生天，和冤釋對。得度三灾萬禍刑厄之中，福業普興，善功昭著。今故燒香，自歸依師尊大聖衆，至真之德，得道之後，升入无形。與道合真。

禮方

隨方懺悔二十方，或都懺五段，儀出下卷。

各思九色圓象，嚙液，命魔密呪

法師立鬼門之上，都講立天門之上，法師存日月及項後九色圓光，映照内外，如存神圖。訣畢，叩齒三通，密呪曰

黃中策炁斬祿宗，察制強精斷邪翁。太上有命太上房，急召北帝詣玉宮。受承威令宣魔王，五帝翁鬱與命衝。祕藏玉文方就隆，三天運明，六天

運終。賢者哉。此呪密念，不得令己耳聞。違之，有咎責。慎之慎之。

步虛旋遶

旋行躡雲綱，乘虛步玄紀。吟詠帝一尊，百關自調理。俯命八海童，仰携高仙子。諸天散香花，蕭然靈風起。宿願定命根，故致標高擬。歡樂太上前，萬劫猶未始。

又

嵯峨玄都山，十方宗皇一。岌岌天寶臺，光明焰流日。煒燁玉林華，璀璨耀朱實。常念餐元精，鍊液固形質。金光散紫微，窈窕大乘逸。

又

仰存太上，華景秀丹田。左顧提鬱儀，右盼携結璘。六度觀梵行，道德隨日新。宿命積福應，聞經若至親。天挺超世才，樂誦希微篇。冲虛太和氣，吐納流霞津。胎息靜百關，寥寥究三便。泥丸洞明鏡，遂成金華仙。魔王敬受事，故能朝諸天。皆從齋戒起，累功結宿緣。飛行凌太虛，提携高上人。

三啓

樂法以爲妻，愛經如珠玉。持戒制六情，念道遣所欲。淡泊正氣停，蕭然神靜默。天魔並敬護，世世享大福。

三禮

臣等志心稽首禮，太上無極大道。臣等志心稽首禮，三十六部尊經。臣等志心稽首禮，玄中大法師。

重稱法位

具位某謹同誠上啓太上无極大道元始天尊，太上大道君，太上老君，十方无極大道、道德衆聖、天尊至真，天帝天帝，三十六部尊經，玄中大法師，上相上宰、四司五帝，三界官屬，一切真靈。臣等陶質二儀，植因萬劫。叨承道化，未悟至真。徒以佩奉玄經，宗修祕於。功未加於動植，過已積於丘林。常懼運終，受責幽夜。而告盟之日，以弘濟爲先，宣道度人，佐國行化。冀伸微效，以副元慈。今齋主皈命上真，虔誠大道。上惟國祚，爰及存亡。報君親煦育之恩，念幽夜輪迴之苦。齋持信誓，崇建道場。謝已往之愆瑕，所將

來之福祉。翹懇懇款，敢不上聞。是用率勵法徒，按依科格。施壇列纂，法地象天。瀝懇上玄，冥心至聖。伏冀

虛无大道，寥廓高尊。憫鑒丹誠，滂流玄澤。勅四司五帝，三界威靈，垂變化之功，拂烟雲而降祉；播昭彰之力，隨祈懺以齊臨。開重泉積夜之庭，釋幽獄窮魂之苦。出離陰府，超翫天衢。悟法聞經，參玄證道。齋主某家，九親眷屬，過往見存。三業罪消，六塵障滅。天羅地網，不爲三命之灾，暗曜明星，永息五行之厄。神真祐護，福壽增延。上冀國祚無疆，帝圖永鎮。聖躬萬壽，比山嶽以巍峨；睿澤滂流，配滄溟而浩蕩。萬方柔順，八極昭融。三光循軌於元天，百穀滋豐於率土。境無烽燧，俗有謳歌。天下太平，羣生遂性。洎諸幽顯，普及沉潛。齊陟真階，俱昇福岸。上明天尊廣濟之澤，下副臣等歸命之誠。謹啓以聞。

發念

一念天地交泰，二念日月貞明，三念陰陽順序，四念國土安寧，五念帝王

景祚，六念宰輔忠貞，七念萬姓安樂，八念百穀豐盈，九念幽途離苦，十念大道興行。

復爐

香官使者、左右龍虎君，侍香諸靈官，當令臣行道之所，自然生金液丹碧芝英。百靈衆真，交會在此，香火爐前。十方仙童玉女，侍衛香煙，傳奏臣向來所啓，徑達至真無極大道玉皇上帝御前。禮三拜

出堂頌

夙世恩德報，道心超然發。身飛昇仙都，七祖咸解脱。

出戶呪法師於地戶，叩齒三通，呪曰

出陰入陽，萬神開張。關啓事畢，請閉皇房。侍靖玉女，明備神宮。畢便出戶，右几先出。

回師

監齋糾過

朝儀事畢，衆官普揖

太上黃錄齋儀卷之一

太上黃錄齋儀卷之二

唐廣成先生杜光庭集

第一日中分行道

入戶

各禮師，存念如法

衛靈

謠歌空洞，帝君守壇。五帝校錄，受符三官。備衛四門，束魔去姦。流鈴擲火，除穢焚殘。身佩金書，鍊液芝顏。玄虛素合，心動三關。騎龍跨鶴，控虬乘鸞。衆星守舍，千魔不干。道炁常存，萬仙永安。

鳴法鼓二十四通

无上三天玄元始三炁太上老君，召出臣等身中三五功曹、左右官使者、侍香金童、傳言玉女、五帝直符直日香官各三十六人出。當召此間土地里域真官正神，速出關啓。臣今正爾燒香，奉爲某官某乙爲國爲家，修建无上黃錄大齋若干日夜。願得太上十方正真生炁，降流臣等身中，所啓速達上御至真

无極大道玉皇上帝御前。

各稱法位

上清玄都弟子臣，某等同誠上啓虛无自然元始天尊，无極大道太上大道君，大聖祖高上大道金闕玄元天皇大帝、太上老君，太上丈人，无上玄老，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，玄中大法師，三界官屬，一切真靈。臣聞，至道圓通，天真廣濟。垂教於希夷之表，融神於造化之前。籠萬有以陶鈞，御三乘而啓導。聖人貽則，上士勤修。佐國化人，以慈爲本。臣獲依祕妙，叨佩正真。過積丘陵，功無塵露。誠宜循省，以自檢修。而受法之初，告盟之始，玄科有約，濟物爲先。凡所叩祈，理宜關奏。况奉詞旨，敢不上聞。

讀詞

按如詞旨，誠切修崇。爲國爲家，並兼存歿。謹依科法，虔立壇場。然燈燒香，轉經行道。冀因精懇，俾獲感

通。以今中分行道，運茲初捻上香，歸身歸神歸命大道，臣等首體投地，歸命太上三尊。願以是功德，先資宗廟社稷。尊靈宴處，玉清流祥。寶祚二儀，齊永萬國。朝宗皇帝，繼聖禹湯，躡蹤軒皞。壽延北極，祚等東溟。妃后諸王，輔成睿化。賢臣良佐，匡祐丕圖。偃革垂紳，克昌道運。今故燒香，自歸依師尊大聖衆，至真之德，得道之後，升入无形。與道合真。

以今中分行道，運茲二捻上香，歸身歸神歸命大道，臣等首體投地，歸命太上尊經。願以是功德，歸流齋主某家九祖神儀，七玄幽識。超離陰府，遊神碧落之天；昇度寒庭，蛻質丹陵之境。今故燒香，歸依師尊大聖衆，至真之德，得道之後，昇入无形。與道合真。

以今落景行道，運茲三捻上香，歸身歸神歸命大道，臣等首體投地，歸命太上三師。願以是功德，徧及羣生，遐均有識。俱超昏滯，咸契正真。齋主某家九親族屬，惟新景福，克荷神功。壽祿內延，灾凶外息。三塗九夜，六趣四

生。同沐玄恩，普霑真祐。今故燒香，歸依師尊大聖衆，至真之德，得道之後，升入无形。與道合真。

禮方

懺悔

步虛

旋行躡雲綱，乘虛步玄紀。吟詠帝一尊，百關自調理。俯命八海童，仰携高仙子。諸天散香花，蕭然靈風起。宿願定命根，故致標高擬。歡樂太上前，萬劫猶未始。

三啓

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都弟子臣，某等重伸上啓太上无極大道至真，无上三十六部尊經天尊，至真大帝天帝，玉輔上宰四極真人，玄中大法師，三界内外，一切真靈。臣以兆劫植因，億齡傳慶。叨逢妙化，幸造法門。披盼真經，探求聖旨。竊

聞祈真降聖，必在立功。佐國濟時，所宜弘化。宣揚要道，敷贊玄科。齋戒以達真靈，精誠以祈福祐。今齋主某志惟修奉，冀感禎祥，瀝懇玄壇，冥心紫府。所冀天尊大聖、太上衆真，下納精虔，廣垂福祉。使帝圖悠久，聖曆遐延。文軌大同，梯航畢集。星辰合度，風雨順時。兵革不興，休禎允萃。元臣良佐，齊八極以增齡；內屏外藩，並九河而注福。光宣舜日，雲薦堯階。雨露灑於九圍，禎貺覃於萬國。齋主家幽明蒙惠，存歿咸安。開玉曆以增年，續金編而紀善。六親和泰，衆美同臻。下及三塗，旁該庶類。寒庭長夜之境，艷都地獄之中。睹太上之慈光，沐天真之法力。並蒙開度，俱出幽沉。蠢動生靈，飛潛異質。道風遐扇，惠雨普霑。盡獲安寧，克登壽域。上明天尊廣濟之施，下副臣等歸命之誠。謹啓以聞。

發願

一願大道淡泊虛無。安閑空寂，澄清自居。廣開法門，教導頑夫。皆

蒙惠澤，精苦是修。預以同學，普得昇虛。與天相保，長存无憂。

二願諸天結炁澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠逮有生。保劫長存，億劫不傾。

三願土地覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月二景高明。無有孛蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時隨節推遷。景炁和調，無有災患。疫毒消滅，普天安平。五穀豐熟，國富民歡。

七願浮雲結炁聚烟。飛空高澄，蔭覆玄玄。隱則無爲，散則彌天。神

仙同居，結友衆真。惠流一切，興國愛民。普濟羣生，人同劫年。

八願風雨流灑無窮。普加施泄，受其發揚。萬物滋生，國儲民豐。

九願五嶽各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王國土日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蜺飛蠢動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香火爐前。令修齋弟子某存亡受福，幽顯霑

恩。十方仙童玉女，侍衛香烟，傳奏臣向來所啓，速達徑御至真無極大道玉皇上帝御前。

出戶

太上黃籙齋儀卷之二

太上黃籙齋儀卷之三

唐廣成先生杜光庭集

第一日落景行道

入戶

各禮師，存念如法

衛靈

神光朗耀，瑞炁帟旋。箕斗澄輝，芝宇晏然。玉眸金真，寶壇純乾。變夜作晝，回子午前。太華流彩，丹鳳飛圓。息魔滅姦，高步祥烟。天真並集，齊到帝前。

鳴法鼓二十四通

无上三天玄元始三炁太上老君，召出臣等身中三五功曹、左右官使者、侍香金童、傳言玉女、五帝直符直日香官，各三十六人出。當召此間土地里域，真官正神，速出關啓。臣今正爾燒香，奉爲某官某乙爲國爲家，奉修无上黃籙大齋若干日夜。以今第一日落景登壇，燒香行道。願得太上十方正真生炁，降流臣等身中，令臣所啓之誠，速達

徑御至真無極大道昊天玉皇上帝御前。

各稱法位

上清玄都弟子臣，某等同誠上啓虛无自然元始天尊，无極大道太上大道君，太上老君，高上玉皇，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，玄中大法師，東嶽上卿司命真君，西極總真王君，太平下教二十四真人，名山洞府得道神仙，三界應感一切真靈。臣等幸以宿因，躬逢道化。師資開度，得入法門。佩服經圖，遵修戒籙。未能凝神，林谷養志。烟霞荏苒，光陰棲遲。朝市竊尋經旨，以濟物爲先。凡有歸心，理宜關奏。况奉詞旨，敢不上聞。

讀詞

按如詞言，情理丹切。歸心十極，稽首諸天。希設齋壇，以崇福祉。臣等謹相携率，依按科儀。啓修道場，延格真聖。奉爲修設黃籙妙齋，各運丹心，

上祈玄祐。以今落景行道，運茲初捻
上香，歸身歸神歸命大道，臣等首體投
地，歸命太上三尊。願以是功德，上資
宗廟先靈。今朝皇帝，瑤圖地久，寶祚
天長。日月齊明，山河等壽。儲宮妃
后，乃聖乃神；百辟庶僚，允文允武。
兵戈永息，祿惡不興。四海乂寧，萬方
入貢。今故燒香，歸依師尊大聖衆，至
真之德，得道之後，昇入无形。與道合
真。

以今落景行道，運茲二捻上香，歸
身歸神歸命大道，臣等首體投地，歸命
太上尊經。願以是功德，歸流齋主某
家，七祖幽靈，九玄滯識。生神上境，
鍊魄南宮。荷陽靈變質之功，得陰景
留形之妙。神津灌沐，道炁資熏。利
祐見存，逍遙自在。今故燒香，歸依師
尊大聖衆，至真之德，得道之後，昇入
无形。與道合真。

以今落景行道，運茲三捻上香，歸
身歸神歸命大道，臣等首體投地，歸命
太上三師。願以是功德，歸流普天有
識，率土含靈。同沐熏修，咸得其所。

齋主某家己身眷屬。灾衰不撓，過咎自
消。祿筭增延，福祥臻集。今故燒香，
歸依師尊大聖衆，至真之德，得道之
後，昇入无形。與道合真。

禮方

懺悔

步虛

嵯峨玄都山，十方宗皇一。迢迢
天寶臺，光明耀流日。焯焯玉林花，萼
燦耀珠寶。常念餐元精，鍊液固形質。
金光散紫微，窈窕大乘逸。

三啓

三禮

臣等至心稽首禮，太上無極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

上清玄都弟子臣，某重伸上啓太上
无極大道元始天尊，太上大道君，太上
老君，無上玄老，十方无極大道，道德
衆聖天尊，至真大帝天帝，三十六部尊
經，玄中大法師，四司五帝、天真地靈，
名山洞府，得道神仙，隨機赴感，一切

真靈。臣等累劫良緣，遭逢福會。擢形
中土，稟質太和。三洞宣行，真經下
化。參奉玄奧，佩受靈章而修鍊未專。
善功未著，志弘神化。佐國立功，濟物
度人。用副玄旨，齋主某歸心至道，拜
首靈壇。唯以丹誠，冀通三界。齋持
法信，崇啓道場。臣等輒率法流，共相
獎勵。澡身清境，注想玄虛。依按明
科，轉經行道。虔恭懇款，冀獲感通。
伏願三境衆尊，回光照映。十方大聖，
齊駕光臨。俯察丹誠，曲流景貺。勅
四司五帝，九府三官，天地衆真，證明
功德。先冀聖朝宗廟，社稷尊靈。保
祐丕圖，遐延祚曆。萬方向化，八表會
同。風雨以時，干戈戢息。次乞齋主某
家，九玄七世，超度朱陵。內外宗親，
列名丹簡。灾殃霧廓，福善雲臻。壽
祿增新，凶衰殄息。門無天橫，家有禎
祥。子孫承忠孝之風，中外享乂安之
福。旁該庶類，下及三塗。俱賴玄休，
咸昇福岸。臣等功成六度，行備三乘。
證道登真，廣濟羣品。天司地府，幽職
陰僚。共揚清靜之風，永佐無爲之教。

上明天尊廣濟之澤，下副臣等歸命之誠。謹啓以聞。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親和釋。八願潛胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香火爐前。令臣舉家受福，存歿霑恩。十方仙童玉女，侍衛香煙，傳奏臣向來所啓，徑達至真无極大道玉皇上帝御前。

出戶

太上黃籙齋儀卷之三

太上黃籙齋儀卷之四

唐廣成先生杜光庭集

第二日清旦行道

入戶

各禮師，存念如法

五星虚映，煥景神庭。包羅無象，合炁羣靈。潛形杳默，周遊五經。揚威耀日，役使甲丁。却妖除禍，滌穢消氛。萬魔恐怖，龍虎飛奔。紫雲交覆，萬炁齊并。

鳴法鼓二十四通

无上三天玄元始三炁太上老君，召出臣等身中，三五功曹、左右官使者、侍香金童、傳言玉女、五帝直符直日香官，各三十六人出。當召某處土地里域，真官正神，速出關奏。臣今正爾燒香，奉爲某乙爲國爲家，修置无上盟真黃籙大齋若干日夜，以今昇壇行道，願得太上十方正真生炁，降流臣等身中，所啓速達徑御至真無極大道玉皇上帝御前。

各稱法位

上清玄都弟子臣某等，謹同誠上啓
虚无自然元始天尊，无極大道太上大道君，大聖祖高上大道金闕元天皇帝，太上老君，高上玉皇，十方已得道大聖衆、至真諸君丈人，三十六天帝君，玉虚上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，太平下教二十四真人，東嶽上卿司命真君，西極總真王君，名山洞府得道神仙，三界應感一切真靈。臣等積生運會，萬劫津梁。獲遇至真，叨聞大道。佩九天之祕簡，列品上清；奉三洞之寶經，刻名東極。未能洗心虚白，隱迹巖巒。順俗和光，沉浮陸海。上違真訓，旁犯明科。尚以受法之辰，告盟三界。約當濟物，佐國立功。凡有所陳，理宜關奏。今奉詞旨，敢具上聞。

讀詞

按如詞言，義深修奉。仰惟國家，爰泊君親。將酬莫大之恩，是託重玄

之教。按明真品格，修黃籙典章。鎮龍綵於玄壇，散香花於紫府。臣等遵依經旨，整肅法流。潔念澄神，奉修齋直。

以今清旦行道，運茲初捻上香，歸身歸神歸命太上三尊。願以是功德，上資宗祧列聖，社稷尊靈，證品九清，垂休萬國。皇帝光延鳳曆，克固龍圖。布正朔於九圍，混車書於八極。外藩內屏，德化昭融。百揆庶寮，徽華顯著。三光朗晏，一象和寧。谷隱巖棲，師尊父母。六通早備，萬行速圓。今故燒香歸依師尊大聖衆，至真之德，得道之後，昇入无形。與道合真。

以今清旦行道，運茲二捻上香，歸身歸神歸命大道，臣等首體投地，歸命太上尊經。願以是功德，奉福某家九玄七祖，億劫神儀。釋罪黑書，昇神丹霍。三仙保度，超離幽夜之庭；五帝證明，徑入清涼之境。今故燒香，歸依師尊大聖衆，至真之德，得道之後，昇入无形。與道合真。

以今清旦行道，運茲三捻上香，歸

身歸神歸命大道，臣等首體投地，歸命太上三尊。願以是功德，歸流某家六姻眷屬，九族親緣。福樹長春，德星永曜。神尊俯鑒，消歷劫之罪因；聖力旁資，解無邊之厄運。靈丹密祐，至道潛符。徧及羣生，洎諸六趣。幽泉離苦，長夜開光。蠢動飛沉，普霑鴻福。今故燒香，歸依師尊大聖衆，至真之德，得道之後，昇入无形。與道合真。

禮方

懺悔

步虛

俯仰存太上，華景秀丹田。左顧提鬱保，右盼携結璘。六度冠梵行，道德隨日所。宿命積福應，聞經若至親。天挺超世才，樂誦希微篇。冲虚太和炁，吐納流霞精。胎息靜百關，寥寥究三篇。泥九洞明景，遂成金華仙。魔王敬受事，故能朝諸天。皆從齋戒起，累功結宿緣。飛行凌太虚，提携高上人。

三啓

三禮

臣等至心稽首禮，太上无極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都弟子臣，某等謹重誠上啓太上无極大道元始天尊，太上大道君，太上老君，三十六部尊經，玄中大法師，十方三界、名山洞府、一切真靈。臣聞，大道先天，至真寥邈。權輿造化，陶鑄陰陽。凝神則冥寂冲虚，應用則牢籠廣大。三官五帝、九府四司，奉玄化以生成，稟神科而者校。吉凶罪福，纖芥無遺。齋主某以凝氣初天，積因浩劫。承自然之運，荷造化之功。仰慮九世七玄，億曾萬祖，陶形既久，積過亦深。洎于己身親姻眷屬，上從無始，下及茲辰。所結過尤，無邊無量。存亡負犯，生死愆違。宿對苦根，未蒙除蕩。今依飛天神人說罪福緣對、拔度品文。備金龍紋繒、香花法信，澡心鍊行，崇設道場。懺謝玄真，拔贖罪咎。伏冀天尊慈祐，大聖垂光。勅勒地司，開度魂爽。出長夜之府，離九幽之中。

冠帶天儀，毀絕鬼錄。超昇幽界，沐浴

靈津，得上天堂逍遙之境。斷絕殃注，

福利見存。某家內外親緣，同霑景祐。

灾凶殄息，善瑞常臻。大道降靈，諸天

垂祐。百邪不起，衆惡靡加。國祚延

洪，帝圖廣大。聖躬納貺，四海宅心。

天度朗清，神風靜默。五兵偃戢，萬姓

樂康。穀稼有年，寰瀛無事。飛沉遂

性，幽夜光明。徧及十方，遐周二界。

普天全濟，一切蒙恩。上明天尊大聖

之澤，下副臣等歸命之誠。謹啓以聞。

發念

一念爲道四大，合德齋主。七世

父母，免墮憂苦，上昇天堂，衣食自然。

二念帝王國主，道化興隆。庠序

濟濟，皇教恢弘。威儀翼翼，普天所

瞻。民稱太平，四夷賓伏。妖惡自滅，

聖賢日生。

三念法師，功德大建。教化明達，

俱獲飛仙。

四念同志學人。早得仙道，更相

開度。

五念九親和睦，好尚仁義，貴道賤

財，行爲物範。

六念損己布施道士及飢寒者。天

下人民，各得其所。

七念蠕動跛行。一切衆生，咸蒙

成就。

八念赦貸前生。今世罪對，立功

補過。

九念家國隆盛。宗廟有人，世生

賢才。

十念尊受經師，不敢中怠平等。

一心廣度，剋獲上仙。白日登天，拜見

太上。永成真人，雲車羽駕。和與道合

真。

復爐

香官使者、左右龍虎君、侍香諸靈

官，當令臣行道之所，自然生金液丹碧

芝英。百靈衆真，交會在此，香火洞案

爐前。令臣學道得道，求仙得仙。十方

仙童玉女，侍衛香煙，傳奏臣向來所啓，

徑達至真无極大道三清上聖玉皇上帝

御前。

出戶

太上黃錄齋儀卷之四

太上黃錄齋儀卷之五

唐廣成先生杜光庭集

第二日中分行道

入戶

各禮師，存念如法

衛靈

黃中策炁，斬馘妖宗。遏絕邪源，

制斷魔蹤。太上符命，召制神功。

萬靈斯格，却禍除凶。王炁三輪，

洞運真風。紫戶含瓊，大度無終。

左命青腰，右攝芝童。逍遙颺景，

總御九空。玄壇應機，乘炁虛冲。

萬真普降，濟度無窮。

鳴法鼓二十四通

无上三天玄元始三炁太上老君，

召出臣等身中，三五功曹、左右官使者，

左右捧香驛龍騎吏，侍香金童，傳言玉

女、五帝直符直日香官，各三十六人

出。當召此間土地里域，真官正神速

出，嚴裝關啓。臣今正爾燒香，奉爲某官

某乙爲國爲家，奉修无上黃錄大齋若干

日夜。以今第二日中分登壇，朝真行道，願得太上十方正真生炁，降流臣等身中，所啓速達上御至真無極大道玉皇上帝御前。

各稱法位

上清玄都弟子臣某等，謹同誠上啓虛無自然元始天尊，無極大道太上大道君，太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，西極總真王君，東卿司命太元真人，太平下教二十四真人。五嶽靈宮、名山洞府得道神仙，三界應感，一切真靈。臣等運偶福期，善資昔會。三尊布無爲之化，四明開廣濟之門。得以凡姿，依宗妙法。披九光之寶牒，盼三洞之瓊篇。內度庸虛，諒非所任。唯憑齋戒，冀立微功。佐國度人，庸副玄旨。凡有所向，敢不上聞。

讀詞

按如詞言，歸誠玄極。爲國爲家，

請福祈恩。弟子某自惟稟質三靈，陶神四大。愛河溺性，欲海馳誠。幻境易迷，福山難構。積尤累過，歲月茲深。伏聞黃籙妙齋，玄都祕格。上拔億曾萬祖，惡對罪根；下拯九夜三塗，窮魂幽爽。解消殃結，開度天人。福惠所覃，永安家國。是敢肅虔誠懇，齎備香花、鎮信、紋繒、金龍、燈燭，建齋行道，祈降上真。普爲存亡，歸心請命。以今中分行道，請法衆等，運茲初捻上香。願此香烟騰空，徑上供養无上至真道寶。臣等歸身歸命，首體投地，仰依太上三尊。願以是功德，上資社稷尊靈，宗祧先聖。融神三境，高步九天。幽贊洪基，保安大業。皇帝壽齊兩曜，化洽三元。車軌八紘，提封萬國。儲宮藩邸，匡佐帝圖。良輔元勳，保乂王室。瑞雲昭布，法雨含滋。四友三師，山棲同志，並登真果，咸契仙階。今故燒香，歸依師尊大聖衆，至真之德，得道之後，昇入无形。與道合真。

以今中分行道，運茲二捻上香。

歸身歸神歸命大道，臣等首體投地，歸命太上尊經。願以是功德，奉福某家九祖幽儀，七玄神識。洪暉下照，出昏暗之泉扃；玄澤旁霑，釋焦勞之罪網。三官削錄，五道生神。聞正法於紫微，朝至真於碧落。佩靈書祕籙，超夜府寒庭。六趣三塗，同臻福界，今故燒香，歸依師尊大聖衆，至真之德，得道之後，昇入无形。與道合真。

以今中分行道，運茲三捻上香，歸身歸神歸命大道，臣等首體投地，歸命太上三尊。願以是功德，歸流某家九姻六族，內外親緣。體洽元和，神融妙道。金貞玉瑩，增福祉而益光；鏡朗塵清，延壽涯而彌遠。災隨霧廓，善與雲臻。動植飛沉，寰中象外。俱霑巨福，咸沐玄功。今故燒香，歸依師尊大聖衆，至真之德，得道之後，昇入无形。與道合真。

禮方

懺悔

步虛

控轡適十方，旋憩玄景阿。仰觀

劫初臺，俯盼紫雲羅。逍遙太上京，相與坐蓮華。積學爲真人，恬然榮衛和。永享無期壽，萬椿奚足多。

三啓

三禮

臣等至心稽首禮，太上无極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都弟子臣等，謹同誠上啓太上无極大道元始天尊，太上大道君，太上老君，十方无極大道、道德衆聖天尊至真，大帝天帝，三十六部尊經，玄中大法師，上相上宰、四司五帝，太平下教二十四真人，西極總真王君，五嶽靈官、名山洞府、三界應感一切真靈。臣等伏聞，元皇立教，至道垂文。碧字遐宣，拯四迷於六趣；丹書弘闡，錫繁祉於九幽。生死蒙恩，昏明咸泰。某上惟九玄七世，累劫親緣，爰泊君親，至于家國。思崇景貺，大啓洪禋。歸命玄壇，投誠紫府。請修齋直，以達誠祈。臣等依按品文，遵行戒式。纂列星辰之

位，上法圓穹；壇開日月之門，旁依真格。香花燈燭，證信達誠。龍壁紋繒，表心展禮。冥思注想，冀獲感通。所祈無上法王，放慈光而下照；玄都大聖，垂惠澤以遐臨。勅飛天神王，告盟三界；開寒庭之府，解釋幽魂。累世神儀，並蒙薦拔。沐浴神液，超度南宮。觀聽法音，化生仙境。上冀聖君萬壽，帝業無疆。廓八海之波濤，皆爲帝澤；巨九圍之川嶽，盡作王畿。車軌畢同，星躔咸順。八風和暢，五穀豐登。兵革不興，烽烟永戢。人無疵疫，俗有禎祥。某家眷屬宗親，並霑洪福。三塗九夜，動植沉潛。咸資妙道之慈，齊契自然之果。上明天尊大慈之施，下副臣等丹禱之誠。謹啓以聞。

發願

一願大道，淡泊虛无。安閑空寂，澄清自居。廣開法門，教導頑夫。皆蒙惠澤，精苦是修。預以同學，普得升虛。與天相保，長存無憂。

二願諸天，結炁澄清。高虛廣覆，保真固靈。氣候調節，四運和平。國

安民豐，普天閑寧。廣濟一切，惠達有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景炁和調，無有災患。疫毒消滅，普天安平。五穀豐熟，國富民歡。

七願浮雲，結氣聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人護慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蜺飛蟲動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行道陞壇之所，自然生金液丹碧芝英。百靈衆真，交會在此，香火洞案爐前。願修齋弟子某存亡受福，幽顯霑恩。十方仙童玉女，侍衛香煙，傳臣向來所啓，徑達至真無極大道玉皇上帝御前。

出戶

太上黃籙齋儀卷之五

①「今」原作「本」，誤，據上下文義改。
②「三」原作「王」，誤，據上下文義改。

太上黃籙齋儀卷之六

唐廣成先生杜光庭集

第二日落景行道

入戶

各禮師，存念如法

衛靈

金真空降，神虎檢營。玉帝披霞，諸天命靈。九晨回駕，萬魔束形。九微迸煙，神威攝精。流金擲火，百惡消并。神輝耀夜，洞杳長春。聖道蕩蕩，十方肅清。保制劫運，元亨利貞。

鳴法鼓二十四通

无上三天玄元始三炁太上老君，召出臣等身中，三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。當召此間土地里域，真官正神，速出關啓。臣今正爾燒香，奉爲某官某乙爲國爲家，修奉无上黃籙大齋若干日夜。以今第二日，落景陞壇，焚香行道。願

得太上十方正真生炁，降流臣等身中，所啓速達上御至真无極大道玉皇上帝御前。

各稱法位

上清玄都弟子臣某等，謹同誠上啓
虚无自然元始天尊，无極大道太上大道君，大聖祖高上大道金闕元天皇帝，太上老君，无上玄老，十方已得道大聖衆、至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，玄中大法師，東嶽上卿司命真君，西極總真王君，太平下教二十四真人，三十六部尊經，五嶽真官，靈山洞府。三界應感，一切玄司。臣等夙稟真乘，生逢道化。赤書御運，玄教弘敷。叨荷師資，授傳祕錄。未能棲神名嶽，注念中虚，結友上真。以祈超度而玄科有約，佐國爲先，演法濟人，立功爲本。凡有披告，敢不上聞。

讀詞

依按詞言，實惟丹懇。上資家國，

普及存亡。崇啓皇壇，仰祈玄貺。臣等謹爲依紫陽玉笈，黃籙寶文，罪福因緣，拔度科品，以紋繒法信、龍璧香花，效懇質心，奉修齋直。伏冀十方大聖，

太上衆尊，俯降威光，曲回睿鑒。廣垂福祉，下遂精誠。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸資宗廟、社稷尊靈，騰景太清，遊神紫闕。皇帝儀璘，並照覆載。齊尊化，被無垠，仁周有截。后妃內職，善洽六宮。太子諸王，祚延萬葉。庶寮卿佐，四友三師，俱入無爲，盡登真果。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲二

捻上香。願此香煙騰空，徑上供養无上至真經寶。臣等歸身歸命，首體投地，仰依太上尊經。願以是功德，奉福某家，九玄七祖，往逝神儀。洗累劫之罪尤，受書三洞；銷積生之報對，離苦

九幽。鍊質南宮，昇神上境。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，奉福某家，六姻五族，中外親緣。福善惟新，灾凶自息。谷神襲妙，至道垂休。動息運心，並蒙元吉。然後三塗六趣，含識有生。苦海澄波，愛鑪戢焰。真風廣扇，惠雨普霑。盡證道階，克登真果。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

步虚

大道師玄寂，昇仙友無英。公子度靈符，太一捧洞章。舍利耀金姿，龍駕倏來迎。天尊盼雲輿，飄飄乘虚翔。香花若飛雪，氛靄茂玄梁。

三啓

三禮

臣等至心稽首禮，太上無極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

上清玄都弟子臣某等，謹重誠上啓
太上無極大道元始天尊，太上大道君，
太上老君，无上玄老，十方無極大道、
道德衆聖天尊至真，大帝天帝，三十六
部尊經，玄中大法師，上相上宰，四司
五帝，名山洞府得道神仙，三界應感，
一切尊靈。臣等伏聞，金闕慈尊玉京大
聖，先混茫而布化，後億劫以迎真。開
九萬之法門，梯航品彙；啓三乘之奧
旨，汲引昏迷。臣等屬想真筌，披心寶
笈。思弘聖旨，以福羣生。弟子某仰慮
九祖幽靈，六親滯識。爰從曩劫，以洎
今生。放恣六情，縱行三業。違五常
妙訓，積四大深尤。罪結黑書，神拘陰
府。風刀水火，考對前非。寒冰夜庭，
留連惡趣。動經億劫，不睹光明。杳
杳窮泉，備受諸苦。非憑大聖，開度無
由。昔天尊大慈，憫濟羣品。八門演

法，八苦由是蠲消；九色垂光，九幽以
之開泰。輒緣斯旨，敢罄丹誠。注懇
皇壇，冥祈玄澤。燒香行道，懺罪乞
恩。伏冀聖鑒下臨，神耀徧燭。並蒙
洗滌，咸睹光華。萬罪清夷，沐浴朱陵
之苑；五神受鍊，逍遙丹霍之天。福
利見存，俱蒙貞吉。某宿殃除蕩，善業
興昌。智慧周圓，身心清淨。丹臺刻
錄，碧簡增年。一切親緣，齊霑法蔭。
上願瑤圖帝業，邁三五以居尊；金闕
聖皇，傳億千而流貺。邊烽罷焰，荒徼
歸仁。百穀滋豐，三光明曜。卿雲瑞
露，而天地以效祥；澤馬器車，出山川
而表慶。然及羣生品物，陰府冥關，蠢
動殊形，飛沉異趣。下通九壘，上極萬
天。俱荷大慈，同昇極樂。上明天尊
廣覆之澤，下契臣等虔奉之誠。謹啓以
聞。

發願

一願大道流行，普天懷德。二願
一切有生，咸皆悟道。三願九夜悲魂，
一時解脫。四願孤魂無依，咸得受生。
五願天下太平，五穀豐熟。六願臣忠

子孝，君仁父慈。士願四海通同，冤親
和釋。八願潜胞處卵，咸得生成。九
願積疾新痾，旋即痊愈。十願孤露衆
生，豐衣足食。

復爐

香官使者、左右龍虎君、侍香諸靈
官，當令臣行道陞壇之所，自然生金液
丹碧芝英。百靈衆真，交會在此，香火
爐前。弟子某存亡受福，家國蒙恩。十
方仙童玉女，侍衛香煙，傳奏臣向來所
啓，徑達至真無極大道玉皇上帝御前。

出戶

太上黃籙齋儀卷之六

太上黃籙齋儀卷之七

唐廣成先生杜光庭集

第三日清旦行道

入戶

各禮師存念如法

衛靈

天書敷羅，下盼太微。元化生成，靈煙九回。八景六周，聖運所持。左寶赤方，右啓帝扉。東華南府，灌鍊辟非。回輪日曜，轉盼月暉。今日大慶，萬道同歸。玄壇正炁，保天無衰。普告三界，驛龍風馳。

鳴法鼓二十四通

无上三天玄元始三炁太上老君，召出臣等身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。當召此間土地里域，真官正神，速出嚴裝關啓。臣今正爾燒香，奉爲某官某乙爲國爲家，奉修无上黃籙大齋若干日夜，以今第三日清旦登壇，焚香行

道。願得太上十方正真生炁，降流臣等身中，所啓速達徑御至真无極大道玉皇上帝御前。

各稱法位

上清玄都弟子臣等，謹同誠上啓虚无自然元始天尊，无極大道太上大道君，大聖祖高上大道金闕混元天皇大帝、太上老君，高上玉皇，十方已得道大聖衆至真諸君丈人，三十六天帝君，玉虚上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，東嶽上卿司命真君，西極總真王君，太平下教二十四真人，五嶽靈宮、名山洞府，得道神仙，三界真靈。臣等伏聞，太漠混融，至真澄寂。元尊撫化，大道御天。崇不宰之玄功，啓長生之祕鍵。理出隨迎之表，教垂億劫之先。普度羣生，大弘神化。臣等夙資福運，生稟靜基。獲佩靈章，遵承妙旨。立功行教，佐國爲先。凡有所祈，理宜陳奏。今奉詞旨，敢具上聞。

讀詞

按如詞言，誠深修奉。恭爲家國，普及存亡，稽首玄虚，冥心丹切。所宜汲引，俾達誠祈。是敢依按玄科，建修黃籙。法下元之品格，披上聖之簡文。鍊沐形神，精修齋直。

以今清旦行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資宗廟尊靈。證品太虚，棲真玄極。皇帝紫宸繼聖，丹宸朝元。揖羣后於華胥，納萬方於仁壽。皇后昭宣四德，保乂六宮。山河維帝子之城，磐石固宗臣之國。公侯卿輔，中外職寮。百度惟真，羣生蒙慶。今故燒香，歸依師尊大聖衆。至真之德，得道之後，昇入无形。和與道合真。

以今清旦行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上尊經。願以是功德，歸流某家九世幽儀，六親滯識。北宮釋魄，南府鍊神。濯形流火之池，列品飛香

之殿。往生淨域，託化瓊都。今故燒香，歸依師尊大聖衆，至真之德，得道之後，昇入无形，和與道合真。

以今清旦行道，請法衆等，運茲三捻上香。願此香烟騰空，徑上供養无上至真師寶。臣等歸身歸命，首體投地，仰依太上三尊。願以是功德，奉福家國。眷屬親姻，咸資景貺。沐靈津而養壽，漱瓊醴以安神。萬善同臻，百靈共衛。旁該品彙，普及四生。聖澤所霑，並登真道。今故燒香，歸依師尊大聖衆，至真之德，得道之後，升入无形。和與道合真。

禮方

懺悔

步虛

頭腦禮金闕，携手遨玉京。騫樹圓景園，煥爛七寶林。天獸三百名，獅子巨萬尋。飛龍躑躅吟，神鳳應節鳴。靈風扇奇華，清香散人襟。自無高仙才，焉能耽此心。

三啓

三禮

臣等至心稽首禮，太上无極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都弟子臣某等，謹重誠上啓太上无極大道元始天尊，太上大道君，太上老君，十方无極大道道德衆聖天尊，至真太帝天尊，三十六部尊經，玄中大法師，上相上宰、四司五帝，三界應感，一切真靈。臣聞，有物混成，先天地而垂迹；周行不殆，並日月以騰光。鼓六炁於虛無，扇八風於寥廓。生成品物，含孕生靈。惟古及今，安家濟國。某丕承道化，夙荷玄功。思報君親，莫先齋直。仰慮億曾往識，見在親緣。結咎釁於三官，積愆瑕於九地。未蒙原赦，猶滯幽扃。依按典儀，精崇齋福。伏冀真仙廣萃，靈澤遐覃。勅五帝四司、三官九府，威光下燭，開度神儀。至于過去見存，三業諸罪。承茲福祐，咸乞蕩除。上願宗廟尊靈，昇神碧落。聖躬和暢，帝道昭明。書軌混同，華夷寧謐。邊烽不警，封堠无虞。百穀阜成，三光朗晏。外藩內屏，良輔元勳。克贊雍熙，永光聖運。然後九幽泉曲，六趣三塗，蠢動飛沉，咸登道域。上明天尊弘慈之澤，下副臣等歸命之誠。謹啓以聞。

發念

一念爲道，四大合德。齋主七世父母，免墮憂苦。上升天堂，衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢日生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及飢寒者。天下人民，各得其所。

七念蠕動蚊行。一切衆生，咸蒙成就。

八念赦貸前生，今世罪對，立功補過。

九念家國隆盛。宗廟有人，世生賢才。

十念尊受經師，不敢中怠平等。一心廣度，剋獲上仙。白日登天，拜見太上。永成真入，雲車羽駕。和與道合真。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香火爐前。伏願存亡，受福家國，霑恩十方。仙童玉女，侍衛香烟，傳奏臣向來所啓，徑達至真无極大道玉皇上帝御前。

出戶

太上黃籙齋儀卷之七

太上黃籙齋儀卷之八

唐廣成先生杜光庭集

第三日中分行道

入戶

各禮師，存念如法

衛靈

元始虛皇，集炁居中。三境洞杳，肇生穹窿。七轉九虛，混合回風。變化萬神，天地開通。吉日行道，萬魔敬從。晨暉朗照，默運元功。執節建麾，散花太空。十方普慶，劫運無終。

鳴法鼓二十四通

无上三天玄元始三炁太上老君，召出臣等身中，三五功曹、左右官使者、左右捧香驛龍騎吏，侍香金童、傳言玉女、五帝直符直日香官，各三十六人出。當召此間土地里域，真官正神，速出關啓。臣今正爾燒香行道，奉爲某官某乙爲國爲家，奉修无上黃籙大齋若干日夜，以今第三日中分陞壇朝真行道，

願得太上十方正真生炁，降流臣等身中，所啓速達徑御至真无極大道玉皇上帝御前。

各稱法位

上清玄都弟子臣，某等謹同誠上啓。虚无自然元始天尊，无極大道太上帝君，高上大道金闕玄元天皇帝太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，東嶽上卿司命真君，西極總真王君，太平下教二十四真人，五嶽靈宮、名山洞府、三界應感得道真仙。臣等伏聞，至道冲虛，玄功凝寂。包羅萬象，覆育百靈。惠洽存亡，恩孚家國。叨蒙師友，傳授至真。所宜佐國立功，濟人救物。凡有祈告，敢不上聞。

讀詞

按如詞旨，義切修崇。酬乾坤煦育之仁，答邦國涵濡之賜。上資九世，旁及羣生。奉龍璧以質心，備香花而

效信。志惟虔潔，冀獲感通。臣等謹按黃籙簡文，靈仙科品。凝神丹闕，冥想紫微。敷列壇場，歸心請命。伏願九光遐燭，萬聖流慈。憫鑒丹誠，廣垂鴻福。以今中分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資九廟尊靈，宗祧先聖。冲真玉闕，蛻質瑤宮。皇帝德廣八溟，壽齊五嶽。寶圖益固，玉曆增延。妃后六宮，承華納祐。諸王太子，被福延齡。侯伯公卿，大臣良佐，輔成睿化，匡贊帝圖。今故燒香，歸依師尊大聖衆，至真之德，得道之後，昇入无形。和與道合真。

以今中分行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流某家九玄九祖，一切幽靈。落罪錄於酆都，鍊魂神於南霍。殃銷累劫，永超五苦之鄉；罪滅無窮，開度四迷之域。寒庭夜苦，咸睹光明。今故燒香，歸依

師尊大聖衆，至真之德，得道之後，昇入无形。和與道合真。

以今中分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，奉福某家泊諸眷屬。龜臺註算，鳳籙增年。五濁雲銷，四魔煙滅。福延無極，禍息未形。旁及羣生，徧該含識。盡出輪迴之果，咸登富壽之鄉。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

步虛

嚴我九龍駕，乘虛以逍遙。八天如指掌，六合何足遼。衆真誦洞玄，太上唱清謠。香華隨風散，玉音成紫霄。五苦一時迸，八難順經寥。妙哉靈寶囿，興此大法橋。

三啓

三禮

臣等至心稽首禮，太上无極大道。

臣等至心稽首體，三十六部尊經。臣等至心稽首體，玄中大法師。

重稱法位

上清玄都弟子臣，某等，謹同誠上啓太上无極大道太上三尊，十方大聖，三十六部尊經，玄中大法師，上相上宰，四司五帝，三界官屬，一切尊靈。臣等被沐玄功，欽承道化。師資開度，參佩寶文。三洞玉經，九清祕錄。度世長生之旨，昇天久視之書。所宜抗志煙巖，棲神靈谷。自期騰翥，謝絕紛華而跡處塵昏，行乖高蹈。未能齋心洞府，隱景林泉。動涉罪因，若履冰薄而告盟之首，約在度人。佐國立功，上裨玄教。凡有祈向，因敢披陳。某將報君親之重恩，仰希家國之清泰。載虔丹懇，佇降洪休。燈燭香華，表誠三界。紋繒法信，騰歎諸天。伏惟大聖高尊，垂慈鑒映。勅三官五帝、九府四司，開泉曲幽扃，赦長河苦爽。九玄神識，俱出重陰。沐浴靈津，逍遙天路。十仙汲引，衆聖津梁。悟道聞經，永出生死。某家親姻眷屬，享福無窮。惠澤所資，

並蒙元吉。即使天無謫役，冰絕盟言。鬼息殃流，地銷簡對。酆山地獄，岱嶽泉關。注訟不興，福嗣安泰。上願風雨昭朗，日月貞華。天有景星，人無疵癘。聖圖延永，大業興昌。百穀豐登，五兵偃戢。時和俗阜，國富家寧。九夜三塗，有生含識。咸承妙訓，同契無爲。上明天尊弘濟之澤，下副臣等虔奉之誠。謹啓以聞。

發願

一願大道，淡泊虛无。安閑空寂，澄清自居。廣開法門，教導頑夫。皆蒙惠澤，精苦自修。預以同學，普得昇虛。與天相保，長存無憂。

二願諸天，結炁澄清。高虛廣覆，保真固靈。氣候調節，四運和平。國安民豐，普天安寧。廣濟一切，惠達有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕

虧盈安靖。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景氣和調，無有災患。疫毒消滅，普天安平。五穀豐熟，國富民歡。

七願浮雲，結炁聚烟。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安

睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蜺飛蠢動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香火爐前。伏願存亡受福，家國霑恩。十方仙童玉女，侍衛香煙，傳奏臣向來所啓，徑達至真无極大道玉皇上帝御前。

出戶

太上黃錄齋儀卷之八

太上黃籙齋儀卷之九

唐廣成先生杜光庭集

第三日落景行道

入戶

各禮師，存念如法

衛靈

玄陰七靈，九炁合形。魂精魄爽，二景回輪。飛光赫奕，煥耀長春。日月吐暉，回合華英。大梵流布，奔飛火鈴。魔王受事，朝謁帝京。含靈普濟，廣惠幽冥。玉文敷告，萬炁騰升。

鳴法鼓二十四通

无上三天玄元始三炁太上老君，召出臣等身中，三五功曹、左右官使者左右捧香驛龍騎吏、侍香金童、傳言玉女、五帝真符直日香官，各三十六人出。當召此間土地里域，真官正神，速出關奏。臣今正爾燒香，奉為某官某乙為國為家，奉修无上黃籙大齋若干日夜。以今第三日落景陞壇朝真行道，願得

太上十方正真生炁，降流臣等身中，所啓速達上御至真无極大道玉皇上帝御前。

各稱法位

上清玄都弟子臣，某等謹同誠上啓。虚无自然元始天尊，无極大道太上大道君，聖祖高上大道金闕玄元天皇大帝、太上老君，高上玉皇，十方已得道大聖衆至真諸君丈人，三十六天帝君，玉虚上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，東卿司命太元真人，西極總真王君，太平下教二十四真人，五嶽靈宮、神仙得道，三界應感一切真靈。臣等伏聞，玄微大道，包三界以凝真；渺邈玄風，冠萬法以垂化。臣等幸資善貺，獲奉寶經。三境龍書，八天鳳篆。役召徵命，延真降靈。未能絕尚幽林，自新昇度；所宜宣弘妙訓，敷闡法音。上佐帝王，普福寰海。凡有所向，敢不上聞。

讀詞

按如詞言，義深虔奉。上惟家國，希降福祥。齋信列詞，披心請命。罄丹誠於下土，仰萬聖於上玄。臣等輒率法流，按依經旨，澡神靜念，注想希微。崇設齋壇，轉經行道。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，道體投地，仰依太上三尊。願以是功德，上資宗廟先聖，社稷尊靈。宴處玄都，福流皇極。瑤圖遐永，大寶克昌。皇帝聖德宸居，天長地久。壽逾嵩鎮，澤廣滄溟。接袂成康，撫肩堯禹。后妃叶六宮之慶，諸王傳萬乘之榮。朝野忠貞，藩垣輯睦。庶寮百揆，匡贊洪基。海外寰中，俱登壽域。今故燒香，歸依師尊大聖衆，至真之德，得道之後，昇入无形。臣與道合真。

以今落景行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流某家九玄七祖，一切幽儀。高步蓮臺，遊神仙府。九龍符命，落酆都罪目之

書；五帝監盟，勒玉簡生名之品。飛翔三界，輪轉十華。垂福傳休，永光來裔。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，奉福某家，眷屬親緣，同躋勝善。崇山比福，巨海齊年。承忠孝之風，叶温恭之美。羣灾弭息，萬行熏修。同學至人，三師四友。該羅有識，周徧含靈。俱沐玄功，咸昇福岸。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

三啓

三禮

天真帝一宮，藹藹冠耀靈。流煥法輪綱，旋空入无形。虛皇撫雲璈，衆真誦洞經。高仙凜手讚，彌劫保利貞。

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都弟子臣某等，謹重誠上啓太上无極大道元始天尊，太上大道君，太上老君，道德衆聖天尊，至真太帝天帝，三十六部尊經，玄中大法師，玉輔上宰，四極真王，三界五帝，名山洞府，隨機應感，一切真靈。臣等宿以善緣，轉輪道域。欽承至道，參佩玄經。值元始開圖，靈書演教。澤流萬品，神表五方。得涉玄津，仰探冥奧。但以天章祕重，修尚深微。所宜幽阜棲身，窮巖鍊質。而從容宇內，荏苒塵寰。思建善功，以酬天慶。濟人助國，用福羣生。弟子某仰慮前因，逮于累劫。九玄七祖，一切種親。三業內資，六情旁構。五聲伐耳，萬類蕩心。鼻悅芳香，口甘珍膳。身耽華麗，性溺繁奢。目滯色根，意迷邪境。六塵六欲，障清淨之法門；十苦十纏，隔希微之道本。以茲衆罪，留滯三塗。咎結重陰，魂拘

長夜。未蒙解救，猶處幽關。伏聞元始天尊，大慈廣濟。迴光三界，遊觀八門。睹罪福之因緣，垂拯拔之科格。是敢齎持法信，崇啓道場。懺罪祈恩，按靈仙之品目；轉經行道，遵上聖之簡文。瀝懇皇壇，注心玄極。伏冀至真大聖，無上法王，放五色之神光，照九幽之地獄。降九龍符命，勅下三官，濟拔罪魂，出離長夜。某家九玄七世，超度泉扃。惡對罪根，無邊無量。三塗流曳，六趣輪迴。昔報今緣，並從洗滌。九親眷屬，同享福因。累積過尤，無窮愆犯。克蒙銷解，俱出欲纏。祛未兆之灾，降將來之福。壽延祚永，禍滅殃除。上願帝業恢弘，皇圖悠久。山齊聖壽，日並睿明。六氣和而百穀登，玉燭調而金鏡朗。儀璘昭煥，海嶽晏安。夷夏和平，星辰順軌。山川嶽瀆，內外職司。護國安人，延休介福。上明天尊大慈之施，下副臣等歸命之誠。謹啓以聞。

發願

一願大道流行，普天懷德。二願

一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親和釋。八願潜胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此香火爐前。令修齋弟子，存亡受福，家國霑恩。十方仙童玉女，侍衛香煙。傳奏臣向來所啓，速達至真无極大道玉皇上帝御前。

出戶

太上黃籙齋儀卷之九

太上黃籙齋儀卷之十

唐廣成先生杜光庭集

太子降誕清旦行道

入戶

各禮師存念如法

衛靈

青陽虚映，曜日回靈。神虎辟邪，飛天流鈴。摧奸滅試，萬魔束形。九微迴道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

无上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今奉爲入意祈恩玉闕，進拜丹書。願得玉清道炁靈寶妙光，下降流入臣等身中。即使紫精鬱勃，玉闕開明。五老

輔根，萬帝攝真。體圓珠映，乘景騫宸。金光煥赫，御炁上清。令臣所啓，速達徑御太上无極大道無形無名虚无自然金闕玉陛下。

各稱法位

上清玄都大洞三景弟子、无上三洞法師，奉行黃籙大齋降誕法事，某嶽先生，某帝真人臣，某等，同誠上啓虚无自然元始天尊，无極大道太上大道君，高上大道金闕玄元天皇大帝太上老君，昊天玉皇上帝，十方已得道大聖衆至真諸君丈人，三十六天帝君，玉虚上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，南上好生君，文昌主仙君，延壽領籍韓君丈人，太平下教二十四真人，三界應感，一切真靈。臣等伏聞，萬化之先，大道資始。胞胎日月，孕育乾坤。三統聿分，四大攸叙。肇茲邦國，總御寰瀛。惟帝爲尊，配天立極。以正君臣之位，以明冢嗣之儀。由是奕葉，承基繼明。享祚元良之重，萬國所瞻；

莫不稟秀三光，凝華二象。御瑤光而表異，乘樞電以縱靈。屬此令辰，宜申虔祝。況奉詞旨，敢不上聞。皇帝青詞，謹當宣奏。

讀詞

按如詞言，誠深修奉。臣等遵依玄訓，率勵法流。燒香然燈，考延生之品錄；轉經行道，按靈寶之文儀。注想上清，虔誠下界。以今清旦行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊靈，宗祧列聖，遊神太漠，騰景九清。昇金闕以參玄，登玉虛而契道。永垂禎貺，克固邦家。祚曆遐長，與天无極。今故燒香，自歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流皇帝。伏冀聖圖悠永，天壽延洪。御

丹宸以無爲，上齊軒昊；儼珠旒而不宰，下邁唐虞。八表宅心，九遐同軌。后妃王子，輔贊睿謨。百辟庶寮，昭宣景化。今故燒香，自歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流皇太子。伏冀離方增耀，震殿承華。開甲觀以延祥，聳瑤山而會福。克寧大業，永贊睿圖。壽舜海以無涯，祚莊椿而益遠。然後惠覃幽顯，仁帀寰區。動植飛沉，咸亨貞吉。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

臣衆等伏聞，十方无極靈寶高尊，凝拱上玄，垂休下土。五老上帝，闡真籍以度人；四極真王，降靈科而濟物。普周家國，咸享福祥。今以皇太子誕

瑞嘉辰，虔誠修奉。注心三境，翹想十華。伏惟萬聖昭彰，洽殊禎於皇極；千真胙蠻，臻巨貺於青宮。指溟渤以齊年，峻嵩嶽而比福。上資天壽，永固龍圖。五緯順常，三光昭朗。遐兼幽顯，同沐玄恩。得道之後，昇入无形。和與道合真。

三啓

樂法以爲妻，愛經如珠玉。持戒制六情，念道遣所慾。淡薄正氣停，蕭然神靜默。天魔並敬護，世世享大福。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都大洞三景弟子、无上三洞法師，奉行黃籙大齋降誕法事，某嶽先生某帝真人臣，某等，謹重上啓太上无極大道元始天尊，太上大道君，太上老君，十方无極大道道德衆聖天尊至真，太帝天帝，三十六部尊經，玄中大法師，上相上宰、四司五帝、三界官屬，一

切尊靈。臣等福運所鐘，被沐玄化。真經御世，大道宣行。得以塵微，參修妙法。九天寶篆，三洞瓊篇。鳳劄瑤章，龍文玉誥。備探真蹟，依按遵行。輔國濟時，立功弘化。凡有修奉，咸得上陳。以今皇太子誕瑞之辰，祈福降祥之會。天光朗晏，日象暉華。魯史問名，堯門叶夢。繼重離而養德，表萬國以作貞。屬此令期，式虔齋潔。冥心三境，滌慮重玄。燒香然燈，轉經行道。冀憑精感，上達尊靈。伏惟太上三尊、十方大聖，垂慈鑒映，省覽丹襟。流巨貺於宗祧，固宏圖於社稷。克寧邦國，永祚聖躬。皇帝北極貽休，東溟注福。后紀內職，六宮匡拱於宸居；宰輔庶寮，百揆光熙於王度。皇太子重輪照灼，增舜日之祥暉；少海弘深，涵堯天之廣運。惟昌聖緒，克固邦基。然後七曜圓明，八風調順。兵旗韜戢，海嶽晏安。幽關開冥昧之光，異趣樂逍遙之化。人歸道德，俗洽和平。物外區中，同臻巨福。上明天尊大慈之澤，下副臣等歸命之誠。謹啓。

發念

一念爲道，四大合德。七世父母，免墮憂苦。上昇天堂，衣食自然。

二念帝王國主，道化興行。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢日生。

三念法師，功德大建，教化明達，俱獲飛仙。

四念同志學人，早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及飢寒者。天下人民，各得其所。

七念蠕動跂行，一切衆生，咸蒙成就。

八念赦貸前生，今世罪對，立功補過。

九念家國隆盛，宗廟有人，世生賢才。

十念尊受經師，不敢中怠平等。一心廣度，剋獲上仙。白日登天，拜見

太上。永成真入，雲車羽駕。和與道合真。

復爐

香官使者、左右龍虎君、侍香諸靈官，當令臣上章之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根。七玄拔擢，百關備仙。解除死籍，宴坐泥丸。束華紀字，策景虛玄。十方仙童玉女，接待香煙，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之十

太上黃籙齋儀卷之十一

唐廣成先生杜光庭集

太子降誕中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟奸破妖，明耀元功。金符召制，躡雲策龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

无上玄元太上道君，召出臣等身中，三五功曹、左右官使者，侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神。以今奉爲入意祈恩玉闕，進拜丹書。願得玉清道炁靈寶妙光下降，流入臣等身中。即使紫精鬱勃，玉闕開

明。五老輔根，萬帝攝真。體圓珠映，乘景驂宸。金光煥赫，御炁上清。令臣所啓，速達徑御太上无極大道無形無名虚无自然金闕玉陛下。

各稱法位

上清玄都大洞三景弟子、无上三洞法師，奉行黃籙大齋降誕法事，某嶽先生某帝真人臣某等同誠上啓，虚无自然元始天尊，无極大道太上大道君，高上大道金闕玄元天皇大帝太上老君，昊天玉皇上帝，十方已得道大聖衆至真諸君丈人，三十六天帝君，玉虚上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，南上好生君，文昌主仙君，延壽領籍韓君丈人，太平下教二十四真人，度仙保命三界尊靈。臣等伏聞，二炁混融，三靈化育。資神功於妙本，分道用於帝先。天地得以生成，日月因而照燭。萬殊森列，統之者帝王；九域施張，尊之者元后。法天定位，繼聖承基。四海所瞻，羣方攸仰。臣等誠深奉

國，志切祈真。敢因誕睿之辰，虔備焚修之會。況奉詞旨，敢不上聞。皇帝青詞，謹當宣奏。

讀詞

按如詞言，誠深修奉。是用齋心玄極，注想清都。披九天靈寶之科，按五老長生之品。轉經行道，然燈燒香。共罄精誠，虔希景祐。以今中分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊靈，宗祧先聖。神超紫極，瑞集鴻圖。皇帝功格軒融，仁包舜禹。壽齊北極，福廣東溟。妃后諸王，奉睿謨而康六合；賢臣良輔，宣帝澤而育羣生。文德武功，昭彰萬國。今故燒香，自歸依師尊大聖衆，至真之德，得道之後，昇入无形。和與道合真。

以今中分行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流

皇太子。伏冀瓊宮大帝、金闕元尊，鳳書錫延壽之符，龍帙署長生之品。追高真於緱嶺，接仙袂於嵩丘。永贊睿圖，克寧邦本。今故燒香，自歸依師尊大聖衆，至真之德，得道之後，昇入无形。和與道合真。

以今中分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流三界十方、諸天諸地，真仙主宰、川嶽職司。伏冀上正三光，下康品物，調八風而煦育，叙六炁以裁成。匡俗濟人，拯幽寧國。兵鋒罷戢，霜戈無禦敵之勞；穀稼滋盈，丹甌有流光之瑞。道風遐布，惠澤無涯。今故燒香，自歸依師尊大聖衆，至真之德，得道之後，昇入无形。和與道合真。

禮方

懺悔

三啓

三禮

鬱鬱家國盛，濟濟經道興。天人

同其願，縹緲入大乘。因心立福田，摩
摩法輪升。七祖生天堂，我身白日騰。

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

具位臣某等謹重上啓太上无極大道元始天尊，太上大道君，太上老君，十方无極大道道德衆聖，三十六部尊經，玄中大法師天師君，上相上宰、四司五帝，主仙領籍長生衆尊，三界應感一切真靈。臣等宿以鴻因，獲參玄化。披三洞三清之奧，睹生天生地之宗。澹寂無名，混茫獨運。以妙無而分妙有，得之者天地齊靈；因修真而契至真，成之者希夷永驚。由是金編玉笈，祕在天闕。貽福度人，降於塵世。保寧國祚，匡輔帝王。廣大難窮，古今攸稟。臣等誠惟奉主，志切爲時。屬青宮誕秀之期，依丹簡祈真之法。翹勤星漢，瞻禱穹旻。香炷鳳煙，經吟龍篆。拜手稽首，冀萬聖以潛通；惟精惟虔，俟諸天之鑒映。滂流景貺，安鎮寶圖。

社稷尊靈，騰神日闕；宗祧列聖，駕景琳宮。皇帝義暎齊華，農黃繼躅。峻龍峰而等福，廓鵬海以增年。妃后諸王，輔寧大寶。文階武列，翼亮洪基。皇太子睿德欽明，英風振肅。比周儲之孝敬，逾漢貳之謙恭。壽永嵩衡，扶前星於億載；祿深溟渤，廣少海於千齡。二象昭融，三光貞正。薰風入律，和氣調時。農功有積於京坻，民俗咸登於仁壽。三徒九夜，動植飛沉。同均浩蕩之恩，俱契正真之果，上明天尊大慈之化，下副臣等歸命之誠。謹啓以聞。

發願

一願大道，淡泊虛無，安閑空寂。澄清自居，廣開法門。教導頑夫，皆蒙惠澤。精苦自修，預以同學，普得昇虛。與天相保，長存無憂。
二願諸天，結炁澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠達有生。保天長存，億劫不傾。
三願土地，覆載無窮。安平不陷，

海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕，虧盈安靜。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨時推遷。景氣和調，無有災患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無窮。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化揚揚。兆庶稱慶，長樂未央。

十二願蜺飛蠹動，已生未生。咸蒙安全，普得生成。皆見元氣，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣上章之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上無極大道無形無名虛无自然金闕玉陛下。

出戶

太上黃錄齋儀卷之十一

太上黃錄齋儀卷之十一

唐廣成先生杜光庭集

太子降誕落景行道

入戶

各禮師，存念如法

衛靈

五星高曜，瑞炁飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁同流。神光照夜，陰翳俱收。萬神降格，扇景乘飈。羣生咸遂，惠遍神州。

鳴法鼓二十四通

无上玄元太上道君，召出臣等身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神。以今奉爲入意祈恩玉闕，進拜丹書。願得玉清道炁靈寶妙光下降，流入臣等身中。即使紫精鬱勃，玉闕開

明。五老輔根，萬帝攝真。體圓珠映，乘景驂宸。金光煥赫，御炁上清。令臣所啓，速達徑御太上無極大道無形無名虛无自然金闕玉陛下。

各稱法位

上清玄都大洞三景弟子、无上三洞法師，奉行黃籙大齋降誕法事，某嶽先生某帝真人臣某等，同誠上啓虛无自然元始天尊，无極大道太上大道君，高上大道金闕玄元天皇大帝太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，南上好生君，文昌主仙君，長生領籍司命韓君丈人，太平下教二十四真人，三界應感一切真靈。臣等伏聞，太虚无象，以道爲萬象之根；萬象稟生，以道爲通生之本。由是玄黃叙列，光景昭宣。日闕月城，高闕九清之上；至真元聖，端居八景之中。孚巨澤而濟人天，播神功而鎮邦國。所以五篇

靈奧，賞五帝而廓五方；三洞弘深，出三清而福三界。巍乎至極，歷劫所尊。某等夙奉玄經，豫參真妙。思憑道力，上答昌期。當重離耀彩之辰，祈萬聖垂祥之錫。况承詞旨，敢不上聞。皇帝青詞，謹當宣奏。

讀詞

按如詞言，理宜關奏。是用按重玄祕範，開衆妙福庭。燒香然燈，轉經行道。宅神恬漠，抗志希微。共勵精誠，以希禎祐。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流宗社尊靈、列聖昭穆。八霞寶輿，凌碧漢以登真；萬景飄輪，輾絳霄而證道。凝神紫殿，垂祐皇圖。超連陸以無爲，邁羲融而永祚。今故燒香，自歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投

地，仰依太上三尊。願以是功德，歸流皇帝。伏冀福澄八海，擁羣瑞以朝宗；壽聳五山，集千祥而拱極。納勛華於術內，吞軒昊於殼中。妃后六宮，匡扶睿德。諸王百揆，翼贊天休。萬國和寧，五兵韜戢。三農衍溢，品位舒榮。今故燒香，自歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流皇太子。伏冀青宮納祐，皇極貽休。龍樓增明雨之輝，雞戟耀重光之瑞。福崇崑閬，壽永椿齡。孝德忠規，光敷萬宇。今故燒香，自歸依師尊大聖衆，至真之德，得道之後，昇入无形。和與道合真。

禮方

懺悔

三啓

三禮

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

具位臣某等謹重上啓太上無極大道元始天尊，太上大道君，太上老君，十方無極大道道德衆聖，三十六部尊經，玄中大法師天師君，上相上宰，四極真王，長生大聖，主仙衆真，南宮領校，三界尊靈。臣等伏聞，元洞玉曆，大有金書。開光至極之初，汎景太無之上。靈風集妙，真道融精。出長生度世之篇，有騰駕升玄之要。法音乍闡，四萬劫以方傳；絳府重宣，五億天而共仰。故得九皇師稟，歷世宗修，佐國安邦，垂祥致福。某等希真屬念，尊道披元。祈景貺於厯洪，佇精誠之通感。當前星誕瑞之節，依上清啓福之儀。然燈燒香，轉經行道。冥心十極，馳欸諸天。所祈萬聖，傾光衆尊。流鑒延

恩，紫闕貽貺。皇朝社稷隆昌，宗祧安鎮。洪基克固，綿劫常存。皇帝壽越蓬壺，福齊穹昊。堯莫舜曆，與烏兔以無窮；禹跡周封，而華夷而順化。皇妃王子，翼奉帝猷。率土普天，敷揚睿渥。殊庭納款，絕域歸賓。歲有豐登，俗臻康樂。皇太子文明溫穆，宣慈惠和。耀忠孝於離方，群方仰德；茂謙恭於震域，九域瞻風。永贊聖功，允昌大寶。泊乎顯晦，旁及飛沉。俱躋仁壽之庭，同洽雍熙之運。上明天尊廣濟之澤，下副臣等歸命之誠。謹啓。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親和釋。八願潛胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈

官，當令臣上章之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之十二

太上黃籙齋儀卷之十二

唐廣成先生杜光庭集

特勅為臣下消灾清旦行道

入戶

各禮師，存念如法

衛靈

青陽虚映，曜日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

无上玄元太上道君召出臣身，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今奉為入意祈恩玉闕，進拜丹書。願得玉清道炁靈寶妙光下降，流入臣等身中，使紫精鬱勃，玉關開明。五老輔根，萬

帝攝真。體圓珠映，乘景驂宸。金光煥赫，御炁上清。令臣所啓，速遠徑御太上无極大道無形無名虚无自然金闕玉陛下、神霄九宸上帝御前。

請稱法位

上清玄都大洞三景弟子、无上三洞法師、奉行黃籙大齋消灾法事，某嶽先生某帝真人臣謹同誠上啓虚无自然元始天尊，无極大道太上大道君，高上大道金闕玄元天皇大帝太上老君，高上玉皇，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，二十六部尊經，玄中大法師，三界官屬一切真靈。臣等伏聞，道用無方，玄慈下濟。延祥致福，佐國度人。五符宣制御之威，三洞廣護持之力。除灾解厄，滅罪延生。億劫常存，古今咸仰。所以龍書鳳劄，河圖申宥過之文；綠籍朱編，太一垂憫灾之品。勵精誠於下土，契昭感於上清。惟善是從，有祈必應。况承詞旨，敢不上聞。

皇帝青詞，謹當宣奏。

讀詞

按如詞言，所宜關奏。皇帝承天布化，體道臨人。懼一物之失宜，欲萬方之皆泰。遐開壽域，以納羣生。以某官灾運所纏，用希消解。備香花而展禮，質龍綵以馳心。注仰玄關，允祈鴻福。以今清旦行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流宗桃列聖，社稷尊靈。承景貺以登真，上朝金闕；演殊禎而護國，下固瑤圖。駕鸞鶴以逍遙，比乾坤而遐永。今故燒香，自皈依師尊大聖衆，至真之德，得道之後，昇入无形。和與道合真。以今清旦行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流皇帝。伏覲八溟浩蕩，與鳳曆以常存；羣嶽巍峨，比龍儀而克固。莊椿等壽，舜日齊明。皇后嬪妃，播貞猷於

萬宇；諸王太子，扶睿德於千齡。百揆有倫，庶官咸理。今故燒香，自歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲三捻上香。願此香烟騰空，徑上供養无上至真師寶。臣等歸身歸命，首體投地，仰依太上三尊，願以是功德，歸流天上天下，三界十方。道炁資薰，萬靈昭泰。玄風長育，羣品安貞。九幽息冥昧之悲，六趣罷輪迴之苦。某官神功密祐，惠力遐霑。灾厄怨仇，隨懺祈而蕩滌；延年注福，承齋謝以增新。九祖生天，六親蒙祐。懷生稟化，同沐玄恩。今故燒香，自歸依師尊大聖衆，至真之德，得道之後，昇入无形。和與道合真。

禮方

懺悔

三啓

樂法以爲妻，愛經如珠玉。持戒制六情，念道遣所慾。淡薄正氣停，蕭然神靜默。天魔並敬護，世世享大福。

三禮

臣等至心稽首禮，太上无極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都大洞三景弟子、无上三洞法師，奉行黃籙大齋消灾法事，某嶽先生某帝真人臣謹重伸上啓太上无極大道元始天尊，太上大道君，太上老君，十方无極大道道德衆聖，三十六部尊經，玄中大法師天師君，上相上宰，上保上傳、四司五帝，三界官屬一切尊靈。臣等伏聞，清濁裁成，圓方定位。神功生化，吹萬莫窮。鼓之以玄風，沐之以靈澤，成之以妙用，統之以聖人。故能總天下之機，成天下之務。配兩儀而稱大，出庶物以居尊。有功不幸，則與日月齊華；弘道無爲，則與乾坤共永。况復列封一致，六合爲家。惠養必均，洪纖靡隔。皇帝推誠撫御，體道君臨。闢仁壽之庭，經華胥之化。以爲某官方纏灾否，深軫天慈。渙發德音，恭修福會。備十華之質信，披三洞

之典儀。坐宣室以冥心，望玉虛而稽首。覬憑蠲潔，以致感通。臣等夙稟明科，仰遵玄旨。敷壇列纂，法地象天。以皇帝所齋，金龍紋繒、香花油燭，依洞玄品格，修无上妙齋。騰款十天，告盟三界。伏冀玉清衆聖，无極高尊。俯鑒精虔，大弘恩宥。勅四司五帝，北極南宮。承四極明文，奉九龍符命。爲某官於天府地司之内，符圖籙籍之中，解釋冤仇，和平債訟。原銷罪對，蕩滌愆瑕。除星辰臨照之灾，祛年運凶妨之厄。積生往世，無量罪因。以今懺祈，咸蒙除蕩。即使九玄受福，舉族霑榮。年算遐長，祿秩增廣。千灾殄息，萬善成臻。顯天尊拯化之恩，副聖主憂勤之願。然乞帝圖隆永，聖壽延洪。率土普天，俱承道果。一一儀昭泰，三景輝華。九穀滋豐，五兵韜戢。龍神警衛，疫毒無侵。懷生息愁歎之音，在野有謳歌之樂。飛沉遂性，動植舒榮。九夜開光，三塗罷對。見大道無方之應，契聖明有感之祈。普及幽遐，俱昇福岸。上明天尊大慈之澤，下

副臣等歸命之誠。謹啓以聞。

發念

一念爲道，四大合德。七世父母，免墮憂苦。上昇天堂，衣食自然。

二念帝王國主，道化興行，庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢日生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及飢寒者。天下人民，各得其所。

七念蠕動跂行，一切衆生，咸蒙成就。

八念赦貸前生，今世罪對，立功補過。

九念家國隆盛，宗廟有人，世生賢才。

十念尊受經師，不敢中怠平等。

一心廣度，剋獲上仙。白日登天，拜見太上。求成真入，雲車羽駕。和與道合真。

復爐

香官使者、左右龍虎君、侍香諸靈官，當令臣上章之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上无極大道無形無名虚无自然金闕玉陛下、神霄九宸上帝御前。

出戶

太上黄錄齋儀卷之十三

太上黄錄齋儀卷之十四

唐廣成先生杜光庭集

特勅爲臣下消灾中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟奸破妖，明耀元功。金符召制，躡雲策龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

无上玄元太上道君，召出臣身三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今奉爲入意祈恩玉闕，進拜丹書。願得玉清道炁靈寶妙光下降，流入臣等身中。使紫精鬱勃，玉關開明。五老輔根，萬

帝攝真。體圓珠映，乘景驂宸。金光煥赫，御炁上清。令臣所啓，速達徑御太上無極大道無形無名虛无自然金闕玉陛下、神霄九宸上帝御前。

各稱法位

上清玄都大洞三景弟子、无上三洞法師，奉行黃籙大齋法事，某嶽先生某帝真人臣某等，同誠上啓虚无自然元始天尊，无極大道太上大道君，高上大道金闕玄元天皇帝太上老君，昊天玉皇上帝，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界應感一切真靈。臣等伏聞，得一鴻基，生三妙本。裁成覆載，含育虚无。赴感如神，隨方靡倦。丹誠上達，豈間於高卑；玄澤下臨，不遺於巨細。況復配天縱聖，運道垂裳。德貫神明，功侔造化。推恩敷惠，同膏露以齊均；申令宣威，與雷霆而並震。馳心屬念，必洽天休。以某官運履灾蒙，願希銷

解。冥懷玄極，稽首清都。爰敷齋告之儀，佇契福祥之應。香花龍綵，備按明科。列欵緘詞，所宜關奏。欽承明旨，敢不上聞。皇帝青詞，謹當宣奏。

讀詞

按如詞言，誠祈騰奏。臣等以皇帝所齋法信，恭設壇場。日域月門，象十華而設位；龍文鳳篆，陳八會之天書。固可以攘蕩氛邪，廓銷灾滯。廣延禎祝，用息晦蒙。以今中分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊儀、宗祧先聖。登真玉闕，蛻影琳宮。驂八鳳於雲衢，馭六龍於星路。仰朝萬聖，俯揖千真。流巨祝於神孫，啓遐年於寶祚。今故燒香，自歸依師尊大聖衆，至真之德，得道之後，昇入无形。和與道合真。

皇帝。伏覬聖逾軒昊，明比羲舒。曆草抽階，顯示晦明之數；神羊衛屏，潛祛邪佞之人。福嶽彌高，壽山增峻。皇后妃御，六宮宣翊贊之功；太子諸王，宗祐表繁昌之固。朝多英俊，野絕逋遺。蜂岑螺馭之賓，梯航入貢；神獸天香之使，飛翥來庭。萬宇同文，九圍順化。今故燒香，自歸依師尊大聖衆，至真之德，得道之後，昇入无形。和與道合真。

以今中分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流某官，祿筭增延，灾衰寧息。南宮丹籙，別署生名。北府黑書，全祛罪目。九玄開度，衆福資薰。泊乎三界幽明，十方寥廓。道風遐布，聖力普覃。咸蠲短景之期，盡契長生之樂。泉扃朗晏，幽獄停閑，嘉祝所資，俱登道域。今故燒香，自歸依師尊大聖衆，至真之德，得道之後，昇入无形。和與道合真。

禮方

懺悔

三啓

三禮

鬱鬱家國盛，濟濟經道興。天人同其願，縹緲入大乘。因心立福田，摩法輪昇。七祖生天堂，我身白日騰。

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都大洞三景弟子、无上三洞大法師，臣某謹重上啓太上無極大道元始天尊，太上大道君，太上老君，十方無極大道道德衆聖，三十六部尊經，玄中大法師天師君，上相上宰、上保上傅、四司五帝，三界官屬一切尊靈。臣等伏聞，道運宣行，真經布化。明科妙訓，開悟於人天；靈冊奇文，敷揚於幽滯。所以三乘三洞，拯弱喪以知歸；龍篆鳳書，佐邦家而致福。冥心契感，虛室通真。咸在至誠，以崇禎貺。欽惟大道，潛贊帝功。皇帝以某官運履晦蒙，恩深軫念。將期銷解，用保清寧。

奉龍璧香花、紋繒法信，爰崇齋直，是啓壇場。臣等叨備玄司，恭承明命。輒依科式，虔告真靈。燒香然燈，照燭幽夜。上映福堂之上，下開冥昧之庭。

爲某官悔謝存亡，和平冤對。若干日夜，行道轉經。懺九世七玄，前生今代。幽明負犯，生死愆瑕。惡對罪根，宿冤往債。及九宮八卦，三命五行。

暗曜明星，無邊灾咎。因今祈謝，咸乞蕩除。即使玄祖超昇，積瑕原有。凶隨懺解，吉逐願來。百福資薰，千灾蕩滌。增新祿祚，延益年齡。永奉聖朝，上酬帝力。下願二儀貞觀，三景輝華。

五緯循常，八風調順，寶圖隆固，聖筭遐延。超帝道而邁皇風，澄九圍而清萬國。六宮百揆，中外宣功。太子諸王，賢明佐聖。歲無疵癘，俗有謳歌。天下太平，羣生遂性。重冥寒夜，動植飛沉。俱承齋謝之緣，並悟玄通之道。上明天尊廣濟之澤，下副臣等懺謝之誠。謹啓以聞。

發願

一願大道，淡泊虛無。安閑空寂，

澄清自居。廣開法門，教導頑夫。皆蒙惠澤，精苦自修。預以同學，普得昇虛。與天相保，長存無憂。

二願諸天，結炁澄清。高虛廣覆，保真固靈。炁候調節，四運和平。國安民豐，普天閑寧。廣濟一切，惠達有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕，虧盈安靜。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有灾傷。四海寧一，普天興昌。

六願四時，隨節推遷。景氣和調，無有灾患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，

蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩无極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化揚揚。兆庶稱慶，長樂未央。

十二願螽飛蠢動，已生未生。咸蒙安全，普天生成。皆見元氣，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，洞案爐

前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香烟，傳臣向來所啓之言，速達徑御太上无極大道無形無名虚无自然金闕玉陛下、神霄九宸上帝御前。

出戶

太上黃籙齋儀卷之十四

太上黃籙齋儀卷之十五

唐廣成先生杜光庭集

特 勅爲臣下消灾落景行道

入戶

衛靈

五星高曜，瑞炁飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁同流。神光照夜，陰翳俱收。萬神降格。扇景乘飈。羣生咸遂，惠遍神州。

鳴法鼓二十四通

无上玄元太上道君、召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今奉爲入意祈恩玉闕，進拜丹書。願得玉清道炁靈寶妙光下降，流入臣等身中，即使紫精鬱勃，玉關開明。五老輔根，萬帝攝真。體圓珠映，乘景驂宸。

金光煥赫，御炁上清。令臣所啓，速達徑御太上無極大道無形無名虛無自然金闕玉陛下、神霄九宸上帝御前。

各稱法位

上清玄都太洞三景弟子、无上三洞法師，奉行黃籙大齋消災法事，某嶽先生某帝真人臣某等同誠上啓虛無自然元始天尊，無極大道太上大道君，高上大道金闕玄元天皇帝太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺三界官屬，一切真靈。臣等夙以鴻因，獲逢玄化。三洞布弘慈之訓，普福人天；四明開廣濟之科，顯資邦國。是以玉書演奧，金簡詮功。惟感必通，有祈咸應。況乎事形帝命，念屬宸襟。恩重君臣，誠希福祐。是敢考洞玄之典式，按靈寶之文儀，率勵法流，精修齋直。虔奉詞旨，敢不上聞。皇帝青詞，謹當宣奏。

讀詞

按如詞言，理宜關奏。皇帝以某官

五行倚伏，有否塞之期；三命運行，有興衰之理。值茲厄會，深軫睿慈。備內府之香花，憑上清之科品。俾崇齋福，恭啓壇場。質龍綵以盟心，資蘭炷而馳懇。八鸞十鶴，期肸蠁以來儀；鳳磬龍煙，必虛徐而上達。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流聖朝宗廟、社稷尊靈，宴景太虛，凝神丹闕。羽旂翠葆，陪萬聖以朝元；玉葉金枝，越千齡而受福。祚隆周卜，地廣堯封。八表咸寧，羣生常泰。今故燒香，自歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流皇帝。伏冀鎮元靈策，會玉斗之威神；丹籙寶章，召瓊宮之寮屬。增崇帝祚，延永聖年。與辰極以齊安，共日

華而同照。皇后，龜臺並列，鶴壽彌長。太子諸王，擁洪休而奉聖；六宮百辟，扶皇極以承榮。萬宇咸康，普天均福。令故燒香，自歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流十極九冥，諸天諸地。玄風所扇，道化所覃。幽顯俱榮，人天同福。某官九玄七世，乘善貺以登真；外族內姻，荷神功而契道。積瑕消蕩，衆厄蠲除。年祿遐長，福善臻萃。今故燒香，自歸依師尊大聖衆，至真之德，得道之後，昇入无形。和與道合真。

禮方

懺悔

三啓

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上无極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

臣某等謹重上啓太上无極大道元始天尊，太上大道君，太上老君，十方无極大道道德衆聖天尊至真，太帝天帝，三十六部尊經，玄中大法師天師君，玉輔上宰，四司五帝，三界官屬一切真靈。臣等伏聞，道化玄微，高處九清之上；神功昭著，流于八極之中。若影響之相符，由感通而咸應。凡情上達，玄貺必通。况乎發自宸衷，形于帝念。欲佇隨機之福，以彰允契之靈。大道衆尊，必乎嘉祐。皇帝以某官稟神二象，凝炁三靈。陰陽有昇降之殊，凶吉有推遷之理。值茲厄會，用軫憂勤。爰命精誠式陳，齋告所冀。青詞上御，諸天迴濟護之仁；朱表昇聞，萬聖降舒榮之澤。勅四司五帝，詔三界十方。開紫陽上宮，下九龍符命。爲某官解前冤宿債，原往覺深瑕。除罪對之書，落

考延之簡。錫延長之祚，迴短促之期。

三命五行，天文地紀。一切灾厄，咸賜蕩除。使祿祚惟新，年壽增益。神炁興盛，衰咎蠲消。九祖七玄，生天受福。上願天元昭朗，地載安貞。三光有壁合珠連，八表無祲風沴氣。寶圖隆固，聖壽延洪。方日將軍，擲火鈴而掃氛霧；麗眉御史，揮紫筆而紀休禎。皇后嬪妃，常承景祐；諸王太子，共履殊祥。明廷多譽正之臣，邊徼息烽煙之備。調和玉燭，豐積瓊儲。億兆歡康，寰瀛靜謐。洎乎陰陽主宰，川嶽龍神。翊贊昌時，昭宣道化。三塗九夜，六趣殊倫。共荷齋功，咸臻福岸。上明天尊大慈之澤，允副皇帝虔奉之誠。謹啓。

發願

一願乾坤明素。二願氣象清玄。三願聖君萬壽。四願化洽八埏。五願天垂甘露。六願地發祥煙。七願四時應候。八願萬物生全。九願家多孝悌。十願國富才賢。十一願齋功廣被。十二願善瑞日臻。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根，七玄拔擢，百關備仙。解除死籍，冥坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上无極大道無形無名虛无自然金闕玉陛下、神宵九宸上帝御前。

出戶

太上黃錄齋儀卷之十五

太上黃籙齋儀卷之十六

唐廣成先生杜光庭集

特勅爲臣下遷拔清旦行道

入戶

各禮師，存念如法

衛靈

青陽虛映，曜日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

无上三天玄元始三炁太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神，急上關啓。臣今奉爲入意以今清旦行道，願得玉清道炁靈寶妙光下降，流入臣等身中，即使玄壇清淨，內外

成真，天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都弟子臣某等同誠上啓虛无自然元始天尊，无極大道太上大道君，高上大道金闕玄元天皇大帝太上老君，昊天玉皇上帝，十方已得道大聖衆至真諸君丈人，十方自然靈寶天尊，隨機赴感救苦天尊，三十六天帝君，玉虛上帝，玉帝太帝，東華南極西靈北真玄都玉京金闕七寶玄臺紫微上官靈寶至真明皇道君，三十六部尊經，玄中大法師，三界應感一切真靈。臣等伏聞，至道延慈，玄功濟物。敷揚景化，拯護幽明。所以飛天神人，稟玉匱明真之訓；上智童子，請瑤壇三籙之科。宣布法音，開度羣品。仁周家國，惠洽古今。皇帝軫念勳賢，憫傷冥漠。某官緬痛泉扃，冥懷幽壤。某等虔修勝福，敷列壇場。冀迴至聖之慈，以拯冥關之苦。況奉詞旨，敢不上聞。

讀詞

按如詞言，理宜關奏。臣等謹依九清妙旨，三籙簡文。法天地之儀，陳懺祈之禮。上通三境，下極九幽。燒香然燈，轉經行道。銀缸散彩，冀開長夜之光；仙唱流音，佇降自天之福。以今清旦行道，請法衆等，運茲初捻上香。願此香烟騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧列聖，超登真品，遊宴福庭。保佑陽圖，遐延祚曆。乾坤共永，海嶽常寧。今故燒香，自歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流皇帝。伏冀玄濤碧海，比聖壽以無涯；羣嶽下洲，與皇圖而共固。后妃嬪御，常洽禎休。太子諸王，彌新福祚。文臣武列，中外職寮。齊忠貞協

贊之心，啓仁壽雍熙之化。天元澄朗，地紀晏寧。穀稼常登，干戈永戢。旁周萬宇。普及羣生。道力所覃，昇沉俱泰。今故燒香，歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流某官即時冥界。伏冀齋功上達，聖力下通。開玉匱之琅函，勅九龍之符命。超遷靈識，徑上南宮。經流火之庭，鍊除滓穢；入明霞之殿，佩服陽華。擢品福鄉，斷消鬼錄。九玄七祖，受化生天；五族六親，延祥納祐。冤仇洗滌，債訟和平。六趣三塗，皆霑巨福。今故燒香，歸依師尊大聖衆，至真之德得道之後，昇入无形。和與道合真。

禮方

懺悔

三啓

樂法以爲妻，愛經如珠玉。持戒

制六情，念道遣所欲。淡泊正炁停，蕭然神靜默。天魔並敬護，世世受大福。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都弟子臣某等，謹重誠上啓太上無極大道元始天尊，太上大道君，太上老君，十方自然靈寶天尊，隨機赴感救苦天尊，三十六部尊經，玄中大法師天師君，上相上宰，四司五帝，三界內外應感尊靈。臣等伏聞，二炁陶甄，五行生化。陰陽倚伏，善惡推遷。居世網之中，處化機之內。六情擾動，三業縈牽。淪溺漂沉，古今難息。自非生資道炁，天挺仙才。登福輦而碎禍車，造雲衢而超地府。悠悠浮世，孰免輪迴。某官生世已來，至于累劫。積行所犯，罪目貫盈。武臣或訓旅統戎、誅兇伐叛、芟夷之際，玉石難分。佐時雖繫於立功，專殺深虞於獲戾。又宴犒之用，須有庖爨。懲善之科，須行刑

憲。故傷誤殺，必有愆違。或兵士經行寨壘營造，侵殘丘墓，犯觸龍神，掘鑿岡原，損污泉澗，蹂踐福地，穢觸靈蹤。或往債未原，或前冤未解。或當官理務，輕重任心。生有罪瑕，歿有報對，冥冥幽獄，懺贖無由。文官或理務之時，任心肆意，詳刑讞獄，罔顧哀矜，執法持綱，不思原宥。與奪沮勸，或爽於重輕，徵督賦輸。或傷於苛急，人嗟物怨。結固罪條，或往債前冤，或違天負地，曾無懺謝。積在冥曹，身歿已來。報對斯至，拔贖無由。皇帝言念前功，悼傷泉路。考紫陽之格，披懺拔之科。嚴啓華壇，仰祈鴻澤。伏冀諸天衆聖，太上三尊。迴罔極之恩，降大慈之澤。詔下三官九府、五帝四司、太山酆都三十六獄，和冤釋對，削落罪書。承大宥之文，出重陰之域。南宮受化，福路上生。九世七玄，同霑景祐。泊乎三塗六趣，異品殊倫。動植飛沉，咸昇福岸。三光表瑞，四序均和。聖壽遐長，國祚隆永。干戈殄戢，疫毒銷亡。百穀常豐，普天昭泰。上

明天尊大慈之澤，下副臣等歸命之誠。謹啓以聞。

發念

一念爲道四大，合德齋主。七世父母，免脫憂苦。上昇天堂，衣食自然

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，賢聖日生。

三念法師，功德大建，教化明達，俱獲飛仙。

四念同志學人，早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及飢寒者。天下人民，各得其所。

七念蠕動蚊行，一切衆生，咸蒙成就。

八念赦貸前生，今世罪對，立功補過。

九念家門隆盛，宗廟有人，世生賢才。

十念尊受經師，不敢中怠，平等一心。廣度一切，剋獲上仙。白日登天，拜見太上。永成真入，雲車羽駕。和與道合真。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火爐前。令臣學道得道，學仙得仙。齋主受福，幽顯沾恩。十方仙童玉女，侍衛蘭煙，傳臣向來所啓，速達徑御太上無極大道至真玉皇上帝御前。

出戶

太上黃錄齋儀卷之十六

太上黃錄齋儀卷之十七

唐廣成先生杜光庭集

特 勅爲臣下遷拔中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟姦破妖，明耀元功。金符召制，躡雲策龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

无上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意以今朝元行道，願得玉清道炁靈寶妙光下降，流入臣等身中，即使玄壇清淨，內外成

①「入」原作「人」，誤，據上下文義改。
②「等」原作「著」，誤，據上下文義改。

真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都弟子臣某等同誠上啓虛無無自然元始天尊，無極大道太上大道君，高上大道金闕元天皇帝太上天老君，昊天玉皇上帝，十方已得道大聖衆自然至真，靈寶天尊，隨機赴感救苦天尊，至真諸君丈人，三十六天帝君，玉虛上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界應感一切真靈。臣等伏聞，至道開光，先天立化。圓方異稟，幽顯分途。設繩非誘善之科，懸懲沮昇聞之典。衆靈主宰，列職司明，巨細無遺，錙銖畢舉。蓋欲使三界之內，庶品之中。力善修心，除非輟惡。垂於經訓，示以懺祈。明載格言，古今遵奉。臣等叨依妙化，獲備玄司。志惟佐國立功，度人濟物。況奉詞旨，敢不上

聞。

讀詞

皇帝祇仰玄慈，欽承道典。軫懷冥漠，思降禎休。考明真遷拔之科，按黃籙懺陳之品。俾安靈識，爰降絲綸。頒信幣以豐嚴，錫香花而蠲潔。臣等式遵玄旨，敷列皇壇。四界八方，法天象地。貢詞誠於三境，用祈謝於諸天。

極飛光，彌崇聖壽。道德超於義皞，仁聖冠於勛華。萬國宅心，九圍隨化。后妃嬪御，欽贊堯慈。太子諸王，昭敷舜澤。公卿臣佐，文武職僚。各運忠貞，永扶昌祚。今故燒香，歸依師尊大聖衆，至真之德，得道之後，昇入无形。和與道合真。

冀罄丹心，以資鴻福。以今中分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資社稷尊靈，比乾儀而共永；宗祧先聖，齊道化以常寧。耀景十華，昇真長樂。垂休大寶，流福宏基。邁周漢之隆昌，超夏商而延遠。今故燒香，歸依師尊大聖衆，至真之德，得道之後，昇入无形。和與道合真。

以今中分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流某官即時冥界。三清衆聖，開日闕以流光；八景高尊，敞雲軒而布澤。沐浴神識，灌鍊形魂。蕩滌罪瑕，和平冤債。先亡後裔，同沐熏修。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

三啓

捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流皇帝。伏覲日華騰景，益廣睿明。辰

鬱鬱家國盛，濟濟經道興。天人同其願，縹緲入大乘。因心立福田，摩摩法輪昇。七祖生天堂，我身白日騰。

三禮

臣等至心稽首禮，太上无極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

上清玄都弟子臣某謹重伸上啓太
上无極大道元始天尊，太上大道君，太
上老君，至真自然靈寶天尊，隨機赴感
救苦天尊，三十六部尊經，玄中大法師
天師君，上相上宰、四司五帝，三界官
屬一切尊靈。臣等伏聞，萬聖延慈，九
天垂澤。憫三塗之謫役，哀六趣之漂
淪。一失生津，永乖賢域。綿綿長夜，
萬劫無期。是以遊觀八門，天尊啓濟
生之品；軫傷三界，道君宣度死之科。
欲使共陟福庭，同超欲海。真經妙旨，
匡國化人。皇帝軫念亡靈，顯頒綸詔。
按三清之格，開九奏之壇。油燭香花，
質心衆聖。紋繒法信，騰歎諸天。燒
香然燈，轉經行道。洗心滌慮，拜手祈
真。所期八景神光，下照幽陰之府；
九龍符命，徑臨積夜之庭。拔度魂儀，
昇離泉曲。赦除某官前生今世，無量劫

來。積過深尤，前冤往債。或己身所
犯，或祖世貽殃。罪目多端，不可憶
識。或違忤天地，負越神明。侵害於
人，損傷於物。歿受報對，動歷歲年。
非仗玄功，無由解釋。因今大齋功德，
懺拔之緣。萬罪千愆，咸乞除蕩。即
使神魂清靜，罪惱銷平。離苦生天，參
真悟道。至于九玄七世，往逝幽靈。
共沐勝功，俱登福路。垂祥介祐，利及
見存。上願二象清寧，三光融朗。風
雲叶序，妖惡沉零。帝祚無疆，聖躬萬
壽。三農蕃稔，睹分歧合穎之苗；四
海梯航，有天獸奇香之貢。后妃嬪御，
太子諸王，匡翊紫宸，保寧皇極。公卿
臣佐，文武忠良，敷贊九重，輯和八表。
干戈弢戢，億兆樂康。泊乎水陸龍神，
飛沉庶類。齋功所被，惠澤所覃。海
外寰中，齊臻壽域。上明天尊大慈之
澤，下副臣等懺謝之誠。謹啓以聞。

發願

一願大道，淡泊虛無。安閑空寂，
澄清自居。廣開法門，教導頑夫。皆
蒙惠澤，精苦是修。預以同學，普得昇

虛。與天相保，長存無憂。

二願諸天，結炁澄清。高虛廣覆，
保真固靈。氣候調節，四運和平。國
安民豐，普天閑寧。廣濟一切，惠逮有
生。保劫長存，億劫不傾。

三願土地，覆載無窮。安平不陷，
海淪不崩。保鎮家國，兆民興從。養
生安死，惠周十方。禾稼滋植，營運日
豐。咸得厚載，萬類皆從。

四願日月，二景高明。無有薄蝕，
虧盈安清。光照諸天，洞消暗冥。保
固劫運，世祚和平。普加潤澤，惠灑衆
生。

五願星辰，與日齊光。轉燭照耀，
朗映十方。各安其位，經緯直行。保
鎮家國，無有災傷。四海寧一，普天興
昌。

六願四時，隨節推遷。景氣和調，
無有災患。疫毒消滅，普天安平。五
穀豐熟，國富民歡。

七願浮雲，結炁聚煙。飛空高澄，
蔭覆玄玄。隱則無爲，散則彌天。神
仙同居，結友衆真。惠流一切，興國愛

民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩太極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉日來翔。敷教濟濟，威化洋洋。兆民稱慶，長樂未央。

十二願蝗飛蠹動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭

煙，傳臣向來所啓，速達徑御太上无極大道至真玉皇上帝御前。

出戶

太上黃錄齋儀卷之十七

太上黃錄齋儀卷之十八

唐廣成先生杜光庭集

特 勅爲臣下遷拔落景行道

入戶

各禮師，存念如法

衛靈

五星高曜，瑞炁飛浮。元始集神，天地交周。玉符寶節，嘯命微幽。擲火揚威，奸山無留。萬魔振伏，紛葩却消。摧怪伐惡，道炁同流。神光照夜，陰翳俱收。萬仙降格，扇景乘飈。羣生咸遂，惠遍神州。

鳴法鼓二十四通

无上三天玄元始三炁太上老君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意以今晚朝行道，願得玉清道炁靈寶妙光下降，流入臣等身中。即使玄壇清淨，內外成

真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都弟子臣某等，謹同誠上啓。虛無自然元始天尊，無極大道太上大道君，高上大道金闕元天皇帝太太上老君，昊天玉皇上帝，十方已得道大聖衆，至真自然靈寶天尊，隨機赴感救苦天尊，至真諸君丈人，三十六天帝君，玉虛上帝，玉帝太帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，五老上帝，三元君，天地水三官。考校罪福，應感真靈。臣等伏聞，善惡無形，惟人所兆。報應無爽，猶響隨聲。今古循環，吉凶攸繫。所以北宮主死，南昌領生。天地神明，詮功紀過。洪纖備舉，毫末無遺。得不惕勵，競懷仰遵玄戒。由是至真大道，無上法王。寶經垂告謝之儀，金簡有懺祈之旨。一心首悔，萬罪蠲銷。

皇帝悼念亡靈，眷傷幽夜。思弘勝福，以拯泉關。式降綸言，恭修齋直。今奉詞旨，敢不上聞。

讀詞

按如詞言，義深遷拔。臣等按紫陽玉笈、黃籙簡文，法地象天，敷壇列纂。儼十華之位，陳四極之儀。備法信紋繒、香花油燭，轉經行道，懺謝諸天。冀真聖之迴光，普幽明而介福。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流宗桃先聖、社稷尊靈。騰景王清，垂祥寶胤。鸞驂遊宴，昇汗漫以無爲；鳳曆延洪，與乾坤而不極。天元昭朗，地紀寧閑。萬國會同，羣生遂性。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流

皇帝。伏冀皇明遠矚，睿渥遐覃。坐玄扈以凝神，重觀寶籙；俯洪河而展采，再揖珍圖。地廣宏基，山齊聖壽。后妃嬪御，協贊彤廷。太子諸王，昭宣鴻化。文武卿佐，內屏外藩。福祉益新，徽華克茂。三邊靜謐，永無關戍之勞；八極懽康，常有梯航之貢。干戈戢息，疫毒銷亡。水旱無侵，龍神悅豫。凶妖不作，稼穡有年。一切含生，俱享元吉。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養无上至真師寶。臣等皈身皈命，首體投地，仰依太上三尊。願以是功德，歸流某官即時冥界。伏冀丹誠上達，玄澤下臨。三境元尊，放神光而照燭；諸天上聖，流惠渥以資薰。九泉開昏晦之衢，六趣息輪迴之苦。魂神鍊沐，冤債和平。罪惱俱銷，福祥臻萃。泊乎三塗冥識，七世幽靈。共沐勝功，咸登道果。今故燒香，歸依師尊大聖衆，至真

之德，得道之後，昇入无形。和與道合真。

禮方

懺悔

三啓

大道洞玄虛，有念無不契，鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上无極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都弟子臣某等，謹同誠上啓太上无極大道元始天尊，太上大道君，太上老君，至真自然靈寶天尊，隨機赴感救苦天尊，三十六部尊經，玄中大法師天師君，上相上宰，五老上帝，三元君，天地水三官，三界應感一切尊靈。臣等伏聞，大聖開圖，元皇撫運。天關化育，地紀裁成。惟人最靈，首出羣品。陰陽遷貿，性識波流。處身有善惡之殊，動靜繫吉凶之目。罪福以之

昇降，生死以之區分。所以元始天尊、諸天大聖，垂慈救之旨，開採護之門。命五帝四司，垂機接引；三元衆聖，應化主張。天地水官，示考校之理；陰陽曹吏，宣報對之儀。欲使盡契福階，俱超罪網。而昏迷難悟，滯濁難祛。蹈過垂愆，莫紀其極。某官爰從積世，以泊生前。無數劫來，轉輪生化。或六情所構，三業所爲。罪日多端，不可記憶。或興師統衆，征討四方。或秉法持綱，糾繩於物。或懲姦剪暴，用鉞申威。或撫弱遏強，行賞示罰。或興工土木，犯觸龍神。或犒士宴賓，宰殺物命。或釣潛弋宿，馳騁畋遊。或詳舉刑章，情有曲直。或愛憎喜怒，肆意任心。人有悲嗟，鬼有冤債。未曾祈首，積在幽冥。三官有罪考之名，五帝有報對之目。冥冥夜府，祈向何由。皇帝軫念幽靈，願言遷拔。按依科格，嚴設壇場。神燈散彩於九冥，香炷飄芬於三界。普諸天而懺罪，徧十極以祈恩。伏冀上聖高尊，慈光憫照；三官五帝，巨澤滂流。賜罔極之恩，弘大慈

之施。無邊之罪，咸賜蕩除。即使四極，甄明十仙。汲引出重陰之府，詣流火之庭。澡瑩形魂，沐浴神爽。昇居長樂，飛翥上宮。證道參真，永離幽夜。其有前冤往債，隨念和平。積罪餘殃，應時銷釋。子孫享福，玄祖超昇。動植飛沉，泉扃苦趣。齋功所及，並洽休禎。上願日月貞明，乾坤安鎮。星辰有瑞，風雨無愆。大業隆昌，聖躬萬壽。天枝帝葉，廕八極以常榮；文德武功，包九圍而並化。干戈自戢，穀稼彌豐。域外區中，盡登仁壽。上明天尊大慈之澤，下副臣等歸命之誠。謹啓以聞。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤爽無依，咸得受生。五願天下太平，五穀豐熟。六願臣忠子孝，君仁父慈。七願四海通同，六親和釋。八願潛胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火洞案爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭煙，傳臣向來所啓，速達徑御太上無極大道至真玉皇上帝御前。

出戶

太上黃籙齋儀卷之十八

太上黃籙齋儀卷之十九

唐廣成先生杜光庭刪

人臣爲國消灾清旦行道

入戶

各禮師，存念如法

衛靈

青陽虛映，耀日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意以今朝元行道，願得玉清道炁靈寶妙光下降，流入臣等身中。即使玄壇清淨，內外成

真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達逕御太上無極大道至真玉皇上帝御前。

各稱法位

上清玄都弟子臣某等，同誠上啓虛無自然元始天尊，無極大道太上大道君，高上大道金闕玄元天皇帝太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界應感一切真靈。臣等伏聞，大道宣行，三才定位。帝王立極，四大齊尊。所以開國疏邦，司牧羣有。端旒負宸，臨御萬方。縱聖法天，必資於幽贊；時和俗泰，實仗於神功。故得遵郊祀之常儀，備吉蠲之盛禮。承天事地，昭奉上玄。今屬灾運所鍾，迺蒙所構。須祈禎貺，以啓昇平。某官某乙誠切憂君，志深理國。虔修齋直，冀感真靈。臣等忝職玄司，理宜關奏。况奉詞

旨，敢不上聞。

讀詞

按如詞言，事形家國。感裁成之德，荷覆載之恩。非叩玄關，難希景祐。是用肅恭丹懇，崇設皇壇。仰碧落以馳心，注清都而騰款。以今清旦行道，請法衆等，運茲初捻上香。願此香煙，騰空供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧先聖，融神玄極，宴景丹臺。金闕玉京，奉睿謨於元始；瑤圖寶曆，延巨貺於神孫。化時而海晏河清，流福而天長地久。今故燒香，歸依師尊大聖衆，至真之德，得道之後，昇入無形。和與道合真。

以今清旦行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上尊經。願以是功德，上願皇帝瑞凝宸極，福集聖躬。同日月之明，照臨萬寓；比乾坤之德，覆育群生。皇后嬪妃，光扶大寶。儲宮王子，協贊鴻圖。卿輔庶僚，元勳良弼。文

功武烈，共泰寰瀛。今故燒香，歸依師尊大聖衆，至真之德，得道之後，保天長存。和與道合真。

以今清旦行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三師。願以是功德，歸流天上天下，三界十方、大道神明諸天衆聖。伏覬鎮寧國祚，孚祐聖朝。耀雪霜雷電之威，正春夏秋冬之令。生成品物，誅殄兇妖。蕩滌灾殃，延洪祚曆。某官某乙五山等峻，八柱齊貞。常拱紫宸，永扶皇極。九玄昇度，品類昭蘇。億兆康寧，干戈戢息。飛沈有識，咸享利貞。今故燒香，歸依師尊大聖衆，至真之德，得道之後，昇入無形。和與道合真。

禮方

懺悔

三啓頌

樂法以爲妻，愛經如珠玉。持戒制六情，念道遣所欲。淡泊正炁停，蕭然神靜默。天魔並敬護，世世受大福。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

上清玄都弟子臣某等，重誠上啓太上無極大道元始天尊，太上大道君，太上老君，至真無上三十六部尊經，玄中大法師，上相上宰、四司五帝，三界官屬一切真靈。臣等伏聞，三尊設教，務精感以居先；上聖垂科，當肅嚴而爲本。苟申素悃，必達尊靈。竊惟造化之初，逮于茲日。后非民無以布化，民非后無以鎮寧。惟后配天，惟王立極。何嘗不感資造化，依仗神功。然後能奕葉流芳，傳休繼世。粵自玄古，有國有家。克遵清靜之規，乃感玄元之澤。皇帝承天握紀，應曆披元。恭儉惠和，憂勤庶政。日慎一日，夕惕晝乾而運屬晦蒙，尚嬰灾否。非憑至道，康濟何由。某官某乙夙著鴻勳，益勤丹懇。致君憂國，莫敢違寧。是用精備香花，豐嚴信幣。披心三境，拜手諸天。式罄

明誠，仰希禎祐。伏冀丹章上御，玄渥下臨，垂變化之威神，保遐長之祚曆。詔命九天，兵騎八極。風雷掃氛霧而廓乾坤，殄灾凶而安社稷。使姦妖蕩滌，日月貞明。彗孛風驅，干戈冰釋。叛臣孽黨，革面悛心。疫毒邪精，雲收電掃。熙熙夷夏，咸遵道德之風；穆穆寰區，共悅聖明之化。某官某乙祿等嵩衡，年齊椿桂。永虔忠孝，以奉君親。皇帝聖壽巍峨，同北極南山之固；瑤圖延遠，配天長地久之期。蠢動幽明，俱升壽域。上明天尊大慈之化，下副臣衆等歸命之誠。謹啓以聞。

發念

一念爲道，四大合德。齋主七世，免脫憂苦。上升天堂，衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢日生。

三念法師，功德大建。教化明達，俱獲飛仙。

四念同志學人。早得仙道，更相

開度。

五念九親和睦，好尚仁義。貴道賤財，行爲物範。

六念損己布施，道士及饑寒者。天下人民，各得其所。

七念蠕動跂行。一切衆生，咸蒙成就。

八念赦贖前生。今世罪對，立功補過。

九念家國隆盛。宗廟有人，世生賢才。

十念尊受師經。不敢中怠，平等一心。廣度一切，剋獲上仙。白日登天，拜見太上。永成真人，雲車羽駕。

和與道合真

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火洞案爐前。令臣學道得道，求仙得仙。國家受慶，幽顯沾恩。十方仙童玉女，侍衛蘭煙，傳臣向來所啓，速達徑御太上無極大道至真玉皇上帝御前。

出戶

太上黃籙齋儀卷之十九

太上黃籙齋儀卷之二十

唐廣成先生杜光庭刪

人臣爲國消災中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟姦破妖，明耀元功。金符召制，躡雲乘龍。謠歌慶會，散花太空。神化冥運，四極安隆。伏御帝前，罔有不恭。鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者嚴裝關啓玄壇天帝神君，當召此間土地里域、真官正神，急上關啓。臣今奉爲入意以今行道之時，願得玉清道炁靈寶妙光下降，流入臣等身中。即使玄壇清淨，內外成

真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都弟子臣某等，同誠上啓虛無自然元始天尊，無極大道太上大道君，高上大道金闕玄元天皇帝太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，太漠未形，真精獨運。恢道化而裁成品物，顯神功而區別三才。以定高卑，以興邦國。君爲元首，統制幽明。代陰陽亭育之權，司億兆慘舒之柄。順天體道，大庇寰區。其或運履晦蒙，物罹屯否。一夫不獲，庶類貽憂。某官某乙誠切匡時，志深禱福。將祈嘉祐，資奉聖朝。臣等職在敷弘，所宜關奏。况承詞旨，敢不上聞。

讀詞

按如詞言，義深弘救。是用按遵玄式，嚴啓皇壇。備通真降聖之儀，考三籙九清之格。香花效懇，信幣達誠。瀝丹悃於人寰，佇玄休於天府。以今中分行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧先聖，升神三境，飛步十華。貽巨貺而福宏圖，介殊禎而昌寶曆。火鼠冰蚕之野，正朔無遺；雞林兒樹之卿，謳歌並洽。超周年世，邁禹封疆。今故燒香，歸依師尊大聖衆，至真之德，得道之後，升入無形。和與道合真。

以今中分行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，上祝皇帝。伏覲福流玄極，惠洽紫宸。八海澄波，廣同睿渥。十山聳翠，高等聖年。調玉燭於四時，布瓊枝於萬葉。后妃嬪御、太子諸王，啓迪洪休，共扶

皇極。文階武秩，良輔元勳，宣七德而靜九圍，奉三無而康四海。五兵韜戢，百穀豐登。瑞牒祥符，盈編溢冊。普天率土，俱契雍熙。今故燒香，歸依師尊大聖衆，至真之德，得道之後，保天長存。和與道合真。

以今中分行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三師。願以是功德，歸流混茫之內、道域之中、上極三清、下窮九壘陰陽主宰，天地職司。弘天尊拯護之慈，宣衆聖包容之德。滌除氛沴，蕩滅灾凶。潛福帝圖，永安國祚。致太平之化，開仁壽之庭。某官某乙克廣福祥，彌新壽祿。惟深渥澤，長贊聖明。今故燒香，歸依師尊大聖衆，至真之德，得道之後，升入無形。和與道合真。

禮方

懺悔

三啓頌

鬱鬱家國盛，濟濟經道興。天人

同其願，縹緲入大乘。因心立福田，摩
摩法輪升。七祖生天堂，我身白日騰。

三禮

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都弟子臣某謹重伸上啓太
上無極大道元始天尊，太上大道君，太
上老君，至真無上三十六部尊經，玄中
大法師，上相上宰、四司五帝，三界官
屬一切真靈。臣等獲以宿因，躬逢道
運。玉書金劄，降自天關。龜冊虎符，
行於世域。師資付授，得以稟修。而
身遠雲泉，跡迷塵海。功未匡於邦國，
道未及於飛升。惟勵丹襟，冀酬玄造。
况立功行教，佐國爲先。凡有誠祈，敢
忘遵副。某官某乙以時逢灾否，憂國疚
懷。虔備信儀，精修齋直。按太極九
清之旨，依金明三洞之文。燒香然燈，
轉經行道。竊惟無爲大教，以昭感爲
先；不測神功，以精誠爲本。罄精誠
於下土，必昭感於上玄。伏惟太上三

尊，十方衆聖。諸天諸地，應感真靈。
開大有之恩，降無涯之澤。釋除宗祧
先聖，爰及皇躬，積過深尤，無邊愆咎。
使神源澄靜，道惠融明。地紀天元，息
灾祥之數；八宏萬國，扇和樂之風。
二象安寧，三光朗徹。兵鋒偃戢，疫毒
銷沈。鷲暴摧亡，龍神輯睦。天兵騎
乘，誅剪奸妖。孽黨兇徒，應時殄戮。
風雨調順，稼穡蕃滋。動植殊形，飛潛
異稟。三塗苦爽，六趣幽關。承懺請
之緣，遂逍遙之志。勿爲疵癘，常保安
貞。八溟無逆浪之虞，萬派順朝宗之
勢。普兼顯晦，共睹昇平。一切生靈，
咸臻道化。上明天尊廣濟之澤，下副臣
衆等歸命之誠。謹啓以聞。

發願

一願大道，淡泊虛無。安閑空寂，
澄清自居。廣開法門，教導頑夫。皆
蒙惠澤，精苦是修。預以同學，普得升
虛。與天相保，長存無憂。

二願諸天，結炁澄清。高虛廣覆，
保真固靈。炁候調節，四運和平。國
安民豐，普天閑寧。廣濟一切，惠逮有

生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有勃蝕，虧盈安清。光照諸天，洞消暗冥。保固劫運，世祚和平。普加潤惠，澤灑衆生。

五願星辰，與日月齊光。轉燭照耀，映朗十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景炁和調，無有災患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，

長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國主日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蜺飛蠢動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火爐前。令臣學道得道，求仙得仙。國家受慶，幽顯沾恩。十方仙童玉女，侍衛蘭煙。傳臣向來所啓，速達徑御太上無極大道至真玉皇上帝御前。

出戶

太上黃籙齋儀卷之二十

太上黃籙齋儀卷二十一

唐廣成先生杜光庭刪

人臣爲國消灾落景行道

入戶

各禮師，存念如法

衛靈

五星高耀，瑞炁飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁同流。神光照夜，陰翳俱收。萬仙降格，扇景乘颿。羣生咸遂，惠遍神州。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神急上關啓。臣今奉爲入意，以今燒香行道，願得玉清道炁靈寶妙光下降，流入臣等身中。即使玄壇清淨，內外成

真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都弟子臣某等，同誠上啓虛無自然元始天尊，無極大道太上大道君，高上大道金闕玄元皇大帝太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，三統肇分，萬邦棋布。非帝王無以撫御，非道德無以鎮寧。三皇體道，以君臨五帝，宣德而成化。由是民懷朴厚，俗致淳和。六炁均調，四時平泰。其後陰陽差爽，九六相乘。炎黃有征伐之興，堯湯有水旱之變。率資盛德，旁賴神功。天地萬靈，咸加幽贊。既逢否運，宜禱真靈。用遵修奉之科，庶降厯洪之福。況承詞旨，敢不上聞。

讀詞

按如詞言，儀形家國。某官某乙誠深匡贊，翹仰尊靈。齋備信儀，虔修齋直。依三元品格，靈寶明科。燒香然燈，轉經行道。歷諸天而告謝，周萬聖以歸依。冀達上玄，廣流禎貺。

以今晚朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧先聖，昇神紫闕，流福皇圖。友五帝於瓊宮，優游自適；貽千祥於寶胤，隆盛無窮。今故燒香，歸依師尊大聖衆，至真之德，得道之後，升入無形。和與道合真。

以今晚朝，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，上祝皇帝。伏冀九天寶曆，增聖壽於無疆；八海瓊波，廣宏休於不極。明逾兩曜，臨照無私。德並二儀，含弘益大。后妃嬪御，柔範布於九圍；太子諸王，懿勳光

於萬葉。文武卿佐，中外職僚。敷暢帝猷，振揚鴻化。泊乎鳶郊鴈塞，異域殊封。常洽雍熙，克臻道化。今故燒香，歸依師尊大聖衆，至真之德，得道之後，保天長存。和與道合真。

以今晚朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，旁周三界，普及羣方。同播玄功，共宣洪澤。運三天之正炁，蕩滌姦兇；召八極之神兵，殄平妖沴。允昌大業，克固宏基。某官某乙神介休禎，天資祚壽。永虔忠孝，常奉聖明。今故燒香，歸依師尊大聖衆，至真之德，得道之後，升入無形。和與道合真。

禮方

懺悔

三啓頌

大道洞玄虛，有念無不契。煉質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

上清玄都弟子臣某等，重伸上啓太上無極大道元始天尊，太上大道君，太上老君，至真無上三十六部尊經，玄中大法師，上相上宰、四司五帝，三界官屬一切尊靈。臣等伏聞聖主垂衣，撫臨億兆。承天布化，體道御時。必昭敬於上玄，以資景祐；冀和寧於下土，以永昌圖。故得天道潛扶，神明幽贊。人天交感，寰海用康。近以九六乘時，陰陽愆爽。灾凶在運，中外貽憂。某官某乙理國志深，致君誠切。思弘勝福，仰奉聖朝。披按典儀，精嚴法信。馳心三境，注念諸天。恭啓壇場，虔修齋直。臣等洗心靜念，沐浴清虛。燒香然燈，轉經行道。瞻詞誠於十極，祈鑒祐於三清。伏惟無上法王，至真衆聖。臨瓊軒而下矚，流巨貺以周霑。調正天元，和平地紀。使三光融朗，五緯循常。彗孛韜形，景星效祉。八風叶序，

六炁均調。水旱無侵，灾妖殄絕。山川靜謐，鸞獸銷藏。俗洽淳貞，物無疵癘。鬼魔竄跡，邪孽摧亡。夷狄懷柔，邊封清晏。姦臣賊子，效節輸忠。烽燧不驚，干戈戢息。帝圖昌盛，聖壽延長。朝富忠良，野無遺逸。六宮百辟，共揚道德之風；太子諸王，同贊厯洪之業。梯航畢集，稼穡常豐。某官某乙允介禎休，惟新祿社。泊乎幽泉寒府，六趣三塗。慧日流光，永除昏晦。神風滌穢，克遂清涼。蠢動飛沈，俱升法界。上明天尊大慈之澤，下副臣衆等懺謝之誠。謹啓以聞。

發願

一願大道流行，普天懷德。二願一切有生，咸皆悟道。三願九夜幽魂，一時解脫。四願孤爽無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親和釋。八願潛胞處卵，咸得生成。九願積疾新痾，旋即痊愈。十願孤露衆生，豐衣足食

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香火洞案爐前。令臣學道得道，求仙得仙。國家受慶，幽顯沾恩。十方仙童玉女，侍衛蘭煙，傳臣向來所啓，速達徑御太上無極大道至真玉皇上帝御前。

出戶

太上黃籙齋儀卷之二十一

太上黃籙齋儀卷之二十二

唐廣成先生杜光庭刪

安宅清旦行道

入戶

各禮師，存念如法

衛靈

青陽虛映，耀日回靈。神虎辟邪，飛天流鈴。摧姦滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

無上三天玄元始三炁太上老君，召出臣身中，三五功曹、左左官使者，侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神急上關啓。臣今奉爲入意，願得玉清道炁靈寶妙光下降，流入臣等身中，即使玄壇清淨，內外成真。天無氛穢，

地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，昊天玉皇上帝，十方已得道大衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，太始五帝，九土玉皇，陰陽應感一切真靈。臣等伏聞，天尊孕化大道，垂功二氣。裁形萬靈，資始圓清。上結懸日月，以列星辰方濁；下凝布山川，而融海瀆。由是百神受職，以定方隅。五帝司分，各安其位。至乃清都紫闕，百雉九重。郡邑城池，人倫宅宇。皆有法象，以配乾坤。爰資安鎮之功，用叶乂寧之福。臣等職當行教，佐國立功。凡有所祈，理宜關奏。况奉詞旨，敢不上聞。

讀詞

按如詞言，情誠丹切。冀因精感，上達真靈。臣等率勵法流，按依科式。敷壇列纂，法地象天。鎮龍綵於十方，貢詞誠於三境。以今早朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流皇帝。伏冀五山鎮地，永比鴻圖。八海浮天，長齊鳳曆。祚超周漢，聖越羲農。妃后皇儲，克光睿德。諸王公主，允契休符。混車軌於九圍，集梯航於萬寓。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主家。九世七玄，俱超夜府；六親五族，並證仙階。宅宇安寧，龍神鎮守。凶灾殄息，妖惡不興。今故燒香，自歸依師尊大聖衆，至真之德，得道之

後，升入無形。和與道合真。

以今早朝行道，請法衆等，運茲三捻上香。願此香烟騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流天地之內，有識含生。咸沐道風，盡登真果。齋主某灾祛未兆，福降無涯。俱承妙道之功，永證長生之品。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，咽液，命魔密呪步虛，旋遶

稽首禮太上，燒香歸虛無。流明隨我迴，法輪亦三周。玄願四大興，靈慶及王侯。七祖生天堂，煌煌耀景敷。嘯歌冠太漠，天樂適我娛。齊馨無上德，下仙不與儔。妙想明玄覺，誦誦乘虛遊。

旋行躡雲綱，乘虛步玄紀。吟詠帝一尊，百關自調理。俯命八海童，仰携高仙子。諸天散香華，蕭然靈風起。

宿願定命根，故致標高擬。歡樂太上前，萬劫猶未始。

嵯峨玄都山，十方宗皇一。岿岿天寶臺，光明焰流日。煒燁玉林華，倩燦耀朱實。常念餐元精，鍊液固形質。金光散紫微，窈窕大乘逸。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，十方無極大道天尊，至真大帝天帝，三十六部尊經，玄中大法師天師君，上相上宰，四司五帝，天地應感一切真靈。臣等竊聞，道化未分，乃混元之首體；玄功不宰，任真一以無爲。洎乎二象分靈，三才設位。清濁配乾坤之質，晦明彰晝夜之殊。陰陽衆神，各司其職。於是構茲棟宇，代彼層巢。既取法於天關，遂主張於陰鷲。所以乾天兌澤，各有統臨；離火巽風，互明衰盛。順之則

必符貞吉，違之則自取悔尤。推古及今，率由斯道。齋主某爰因卜築，恐有犯違。神道難明，常情靡測。既畢工於土木，將展禮於香燈。懺罪希恩，祛灾謝過。大弘齋薦，上達至真。是用敷列法壇，按遵科典。蘭燈散彩，下照九幽。香穗凝煙，上通三境。轉經行道，普爲懺祈。或犯忤靈祇，侵傷地府。或殘害物命，污瀆靈蹤。或觸動龍神，違諸禁忌。或因力役，致有怨咨。或以遷移不選方所，積成釁咎，因結灾纏。或在九宮八卦之中。或在十干十二支之內。或犯陰陽刑殺、七十二神。下繫地司，上言天府。憑今懺謝，並乞蕩除。使齋福普覃，善功遐被，降九龍符命，宣告諸天；運三寶威神，勅勒三界。拯茲夜府，開諸光明。安帝業於九重，播玄休於萬國。五兵偃戢，百穀豐登。齋主某家，存歿乂康，族屬昭泰。子孫忠孝，祚胤繁昌。落罪簡於陰曹，列仙名於真境。陰陽職秩，內外神靈。護法安人，濟人利物。共揚道化，助正却邪。遐及幽明，同臻

妙道。上明天尊廣濟之澤，下副臣等歸命之誠。謹啓以聞。

發念

一念爲道四大，合德齋主。七世父母，免墮憂苦。上升天堂，衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，六夷賓伏。妖惡自滅，賢聖日生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及饑寒者。天下人民，各得其所。

七念蠕動跂行。一切衆生，咸蒙成就。

八念赦貸前生。今世罪對，立功補過。

九念家門隆盛。宗廟有人，世生

賢才。

十念尊受師經。不敢中怠，平等一心。廣度一切，剋獲上仙。白日登天，拜見太上。永成真人，雲車羽駕。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭煙，傳臣所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之二十二

太上黃籙齋儀卷之二十三

唐廣成先生杜光庭刪

安宅中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟姦破妖，明耀元功。金符召制，躡雲乘龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意，願得玉清道炁靈寶妙光下降，流入臣等身中，即使玄壇清淨，內外成真。天無氛穢，

地絕妖塵。琳琅振響，十方肅清。萬魔不干，真誠上徹。令臣所啓之言，速達徑御太上無極大道虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，無上玄老，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，土府太皇，四司五帝，八溟九壘一切真靈。臣等夙荷玄休，躬逢道化。五文散景，三洞開光。弘至理於重玄，暢神功於妙用。獲參祕蹟，得以稟修。而盟告之初，立功爲本。凡有歸向，敢不上聞。

讀詞

按如詞旨，誠切修崇。臣等忝職玄科，理宜開度。齋主某頃因繕緝，土木興工。慮犯真靈，願申祈懺。是敢按三清之格，披九奏之儀。奉信列詞，請

修齋直。冀憑關奏，上達至真。以今午朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，上資宗廟尊靈、列聖昭穆。上登聖品，下福睿圖。皇帝德紹義農，明均日月。握金鏡以臨四海，調玉燭以育萬方。朝有忠賢，野無遺逸。今故燒香，自歸依師尊大聖衆，至真之德，得道之後，升入無形。和與道合真。

以今午朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主家。九祖幽儀，生天悟道；七玄飛爽，證品登真。泊乎宅宇龍神，陰陽將吏。各安所部，共洽無爲。轉崇秩於靈階，叶殊功於道果。今故燒香，自歸依師尊大聖衆，至真之德，得道之後，升入無形。和與道合真。

以今午朝行道，請法衆等，運茲三捻上香。願此香煙騰空，徑上供養無

上至真師寶。臣等歸身歸命，首體投地，仰依太上三尊。願以是功德，歸流齋主某。福樹長春，道風遐被。壽延祿永，罪滅災銷。然後夜府寒庭，三塗六趣。俱超沈滯，同契至真。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，嚙液，命魔密呪步虛，旋遶

俯仰存太上，華景秀丹田。左顧提鬱儀，右盼携結璘。六度冠梵行，道德隨日新。宿命積福應，聞經若至親。天挺超世才，樂誦希微篇。冲虛太和炁，吐納流霞精。胎息靜百關，寥寥究三便。泥丸洞明景，遂成金華仙。魔王敬受事，故能朝諸天。皆從齋戒起，累功結宿緣。飛行凌太虛，提携高上人。

控轡適十方，旋憩玄景阿。仰觀劫仞臺，俯盼紫雲羅。逍遙太上京，相與坐蓮華。積學爲真人，恬然營衛和。

永享無期壽，萬椿奚足多。

大道師玄寂，昇仙友無英。公子度靈符，太上捧洞章。舍利耀金姿，龍駕倏來迎。天尊盼雲輿，飄飄乘虛翔。香花若飛雪，氛靄茂玄梁。

三禮

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上道君，太上老君，十方無極大道道德衆聖天尊，至真大帝天帝，三十六部尊經，玄中大法師，土府太皇，太始五帝，中黃戊己應感真靈。臣等伏聞，大道既分，聖人設教。取諸易象，法彼上玄。裁棟宇之規，代巢穴之制。以利天下，以覆羣生。乃命天地神祇，陰陽將吏。分階列品，互有主張。今古攸遵，吉凶無爽。齋主某頃因營繕，土木興工。恐穿鑿靈跡，侵傷神位。犯休王之氣，違禁忌之方。爰啓壇場，用伸懺謝。臣等按河圖品

格，披三洞典儀。率勵法流，精修齋

直。稽顙於三光之下，披心於萬聖之前。懺悔罪瑕，祈恩請宥。冀因虔懇，感降真靈。謹爲弟子某上請倉明救敗君、安闕天玄君、天休天陽君、解患頓元君、赤沙天官君、仙官計平君、始陽繕治君、青龍道元君，主安宅利居，除灾却怪，誅滅故氣，收伏邪精。蠱毒摧鋒，凶妖殄息。又請漢明地皇君、無上監氣君、爐火玉女、前校大兵，主收居宅之中井竈之鬼。又請楊方平石君，主收地中丘墓之氣、禁忌之神，使正氣流行，凶邪摧伏。居止清泰，常獲康宜。家有禎祥，門無夭橫。六親蒙福，九祖生天。壽祿增延，罪咎銷解。冤仇和釋，注訟沈零。內外清安，動靜昭暢。上冀聖圖悠久，祚曆遐延。萬國宅心，八溟順化。天清地朗，國富人歡。瑞謀休符，日書月至。風雲表貺，海嶽蘇舒。泊乎六趣九幽，有生含識。並沾洪福，各遂逍遙。宅宇龍神，陰陽職秩。遷功貿賞，安鎮方隅。自幽及明，普令開泰。上明天尊大慈之宥，下

副臣衆等歸命之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦是修。預以同學，普得昇虛。與天相保，長存無憂。

二願諸天，結炁澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠逮有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有勃蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，映朗十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景炁和調，

無有灾患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無為，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長為仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蝗飛蠹動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭煙，傳臣所啓之言，速達徑御太上無極大道金闕玉陛下。

出戶

太上黃錄齋儀卷之二十三

太上黃錄齋儀卷之二十四

唐廣成先生杜光庭刪

安宅落景行道

入戶

各禮師，存念如法

衛靈

五星高耀，瑞氣飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁同流。神光照夜，陰翳俱收。萬仙降格。扇景乘飈。羣生咸遂，惠遍神州。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉為入意，願得玉清道炁靈寶妙光下降，流入臣等身中，即使玄壇清靜，內外成真。天無氛穢，

地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，大聖祖高上大道金闕玄元天皇大帝太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，土府太皇，九地五帝，中黃戊己應感真靈。臣等伏聞，太上垂文，元皇設教。陶融萬有，亭毒群方。三洞玉書，降九清而演妙；諸天大聖，弘至道以度人。以佐國爲先，慈救爲本。凡有詞款，敢不上聞。

讀詞

臣等依按詞誠，理宜關奏。齋主某以居宅之所，併有繕修；慮違忤神明，犯干禁忌。虔申懺滌，以贖愆瑕。是敢遵按典儀，精崇壇墀，開玄都玉笈，

依黃籙簡文。法地象天，修齋行道。以今晚朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流宗廟先靈、列聖昭穆。皇帝昇聞上境，安鎮鴻圖。均兩曜而燭萬方，齊三光而育羣品。儲宮妃后，光贊休明。文武職寮，輔成睿化。今故燒香，歸依師尊大聖衆，至真之德，得道之後，昇入無形。和與道合真。

以今晚朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主某家。九世幽靈，遊神碧落；六親眷屬，列品仙都。泊乎宅宇之中，龍神將吏，鎮安其位。清蕩妖凶，克叶乂寧，永符貞吉。今故燒香，自歸依師尊大聖衆，至真之德，得道之後，昇入無形。和與道合真。

以今晚朝行道，請法衆等，運茲三捻上香。願此香煙騰空，徑上供養無

上至真師寶。臣等歸身歸命，首體投地，仰依太上三尊。願以是功德，歸流普天率土，含識有生。普及幽明，均沾福祐。齋主某家凶灾殄息，祿筭延長。允承道德之風，俱契真仙之果。今故燒香，自歸依師尊大聖衆，至真之德，得道之後，昇入無形。和與道合真。

禮方

懺悔

步虛，旋遶

頭腦禮金闕，携首遨玉京。騫樹圓景園，煥爛七寶林。天獸三百名，師子巨萬尋。飛龍躑躅吟，神鳳應節鳴。靈風扇奇華，清香散人襟。自無高仙才，焉能耽此心。嚴我九龍駕，乘虛以逍遙。八天如指掌，六合何足遼。衆真誦洞玄，太上唱清謠。香花隨風散，玉音成紫霄。五苦一時迸，八難順經寥。妙哉靈寶囿，興此大法橋。天真帝一宮，藹藹冠耀靈。流煥法輪綱，旋空入無形。虛皇撫雲璈，衆真誦洞經。高仙凜手讚，彌劫保利貞。

三禮

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，十方無極大道道德衆聖天尊、至真大帝天帝，三十六部尊經，玄中大法師，九土玉皇，太始五帝，中黃戊己十二真君，三界應感一切真靈。臣等獲奉至真，參修祕妙。功莫加於動植，化未洽於生靈。每思佐國化人，弘道贊法。奉揚玄奧，廣濟人天。齋主某以營葺所居，興工動役。或搥林運石，驚觸龍神。或增下損高，犯違禁忌。或所居之地，有古跡靈墟。或穿鑿之方，有荒祠敗壘。或汗瀆仙境。或侵逼名蹤。或失五姓之宜。或乖二宅之利。因其繕飾，遂構灾凶。虔設壇場，遍申祈懺。臣等按天師格品，依正一法文。上請救敗君等一十二部天官將吏兵士，驅除故氣，清蕩氛邪。却地中土木之精，及遊尸厲鬼。解土公侵食之害，銷

五方禁忌之灾。一切凶妖，悉令除蕩。使禎祥霧集，禍害冰銷。伏願太上衆尊，垂慈鑒映。降流真氣，覆祐其方。勅勒正神，鎮安其位。常扶貞吉，永保康宜。上願帝道隆昌，皇風遠扇。三邊有泰，八海無波。疫毒不侵，星辰合度。洎乎泉扃夜府，長睹光明。蠱類有生，無失其所。齋主某家七玄幽爽，證品生天。子孫傳忠孝之規，遠近享又安之福。龍神密衛，動靜和寧。普沐玄功，並昇真界。上明天尊慈宥之澤，下副臣等懺謝之誠。謹啓以聞。

發願

- 一願乾坤明素。二願氣象清玄。
- 三願聖人萬壽。四願化洽八埏。
- 五願天垂甘露。六願地發祥煙。
- 七願四時應候。八願萬物生全。
- 九願家多孝悌。十願國富才賢。
- 十一願齋功廣被。
- 十二願善瑞日臻。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧

芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，接待蘭煙，令臣所啓之言，速達徑御太上無極大道金闕玉陛下。

出戶

太上黃籙齋儀卷之二十四

太上黃籙齋儀卷之二十五

唐廣成先生杜光庭刪

安宅三時通用行道

入戶

各禮師，存念如法

衛靈

五星列照，煥明五方。水星却災，

木德致昌。熒惑消禍，太白辟兵。

鎮星四據，家國利亨。名刊玉簡，

字錄帝房。乘鸞扇景，飛騰太空。

出入冥無，遊宴十方。五雲浮蓋，

招神攝風。役使萬靈，上衛仙翁。

鳴法鼓二十四通

無上三天玄元始三炁太上道君，

召出臣身中，三五功曹、左右官使者、侍

香金童、傳言玉女、五帝直符直日香

官，各三十二人出。出者，嚴裝關啓玄

壇天帝神君，當召此間土地里域、真官

正神，急上關啓。臣今奉爲入意，願得玉

清道氣靈寶妙光下降，流入臣等身中，

即使玄壇清淨，內外成真。天無氛穢，

地絕妖塵。琳琅振響，十方肅清。萬
魔不干，真誠上徹。令臣所啓之言，速
達徑御太上無極大道無形無名虛無自
然金闕玉陛下。

各稱法位

具位臣某等，同誠上啓虛無自然元
始天尊，無極大道太上大道君，太上老
君，高上玉皇，十方已得道大聖衆至真
諸君丈人，三十六天帝君，玉虛上帝，
玉帝大帝，東華南極西靈北真玄都玉
京金闕七寶玄臺紫微上宮靈寶至真明
皇道君，三十六部尊經，玄中大法師，
九土玉皇，四司五帝，三界應感一切真
靈。臣等伏聞，天地權輿，陰陽生化。
裁成萬象，統御羣方。咸承不宰之功，
共洽無爲之理。洎乎大道既隱，淳化
不流。棟宇易巢穴之風，土木興僭奢
之兆。由是明干禁忌，幽犯神靈。爰
徵悔謝之儀，應獲感通之妙。所以三
尊演教，萬聖懸科。五符表禳鎮之機，
三寶開懺祈之訓。臣獲參真教，謬處職
寮。所宜佐國立功，扶危濟俗。凡有
詞旨，敢具上聞。

讀詞

按如詞言，理宜陳奏。弟子某等以
所居之地，慮營葺非宜。思立齋功，以
申禳謝。謹爲按依科典，崇設壇場。
燒香然燈，轉經行道。冀憑關奏，俾獲
感通。以今某分行道，請法衆等，運茲
初捻上香。願此香煙騰空，徑上供養
無上至真道寶。臣等歸身歸命，首體投
地，仰依太上三尊。願以是功德，歸流
聖朝宗廟、社稷尊靈。騰景九清，流祥
萬寓。保寧休運，幽贊睿圖。皇帝德
廣二儀，明均兩曜。野無遺逸，朝富忠
貞。后妃承康泰之風，中外叶和平之
化。今故燒香，自歸依師尊大聖衆，至
真之德，得道之後，昇入无形。和與道
合真。

以今某分行道，請法衆等，運茲二
捻上香。願此香煙騰空，徑上供養無
上至真經寶。臣等歸身歸命，首體投
地，仰依太上三尊。願以是功德，歸流
弟子某家。九世七玄，億曾萬祖。超離
幽夜，升睹光明。鍊質南宮，生神上
境。洎乎三塗異趣，六道殊倫。同沐

薰修，咸登福路。今故燒香，自歸依師尊大聖衆，至真之德，得道之後，升入無形。和與道合真。

以今某分行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流齋主某家。六姻五族，眷屬親緣。杜厄運於將來，釋罪尤於既往，維新福祚，增益年齡。居止攸宜，龍神安鎮。然後飛沉動植，一切含靈，共荷玄休，普均洪澤。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

三啓頌

樂法以爲妻，愛經如珠玉。持戒制六情，念道遣所欲。淡泊正氣停，蕭然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲入大乘。因心立福田，摩法法輪升。七祖生天堂，我身白日騰。

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，十方已得道大聖衆至真大帝天帝，三十六部尊經，玄中大法師，土府太皇，地下五帝，三天大法師，正一真人，三界官屬應感真靈。伏聞，玄化宣行，道風遐布。惠周三界，恩溥羣生。盟威懸佐國之科，靈寶著懺祈之品。凡有祈向，克獲感通。弟子某以跡處塵寰，未參幽妙，而卜築之所，居止非宜。竊慮忤犯真靈，違越禁忌。乖八宅五行之候，虧陰陽刑德之方。既切憂疑，願申祈謝。是用肅嚴壇墀，精按典儀。虔備香花，恭修齋直。歸心十極，懺罪諸天。依正一法文天師具格，謁請三

五官屬、天君吏兵，襮却凶邪，解銷災咎。臣謹爲某上請無上高倉君、都曹正氣君、素車白馬君、考召君，運氣解患守宅君、天上咎逆君、廣司君、北城詔命化喻謀議君、天心刺史從事平天君、無上太和君、收神上明君、上元士君、蓋天大將軍無上天君、赤天倉氣君、四胡君、制地君、天昌君、五鎮大將軍，主爲某家解除三丘五墓、地下衆精、月食土氣、百病惡逆、盜賊耗害、刑殺凶殃之氣。五瘟百病、刑禱精邪、四方破射、五部兵獵、房廟呪詛、衆考諸妖之屬及五行復注之氣、留停藏匿之神、積世流殃、行年災厄、十二刑害、中外彊殄、一切凶神，咸從銷解。其有運材撻石，動土興工。犯天地正神，乖陰陽真氣。侵傷土府，違忤神明。幽顯既殊，常情罔測。因今悔謝，並乞蕩除。即使正氣宣行，龍神安鎮。災殃殄絕，福善來臻。居止安寧，動靜和泰。親緣族屬，同沐利貞。七祖生天，三途清晏。九幽罷對，長夜開光。冤債和平，謀議潛息。伏尸故氣，滯魄幽魂。俱

荷福緣，各蒙開泰。捨邪歸正，契道通真。帝祚遐長，生靈昭暢。普天全濟，蠢動沾榮。上明天尊廣濟之澤，下副臣衆等懺謝之誠。謹啓以聞。

發願

- 一願乾坤明素。
- 二願氣象清玄。
- 三願聖人萬壽。
- 四願化洽八埏。
- 五願天垂甘露。
- 六願地發祥煙。
- 七願四時應候。
- 八願萬物生全。
- 九願家多孝悌。
- 十願國富才賢。
- 十一願齋功廣被。
- 十二願善瑞日臻。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，接待蘭煙，令臣所啓之言，速達徑御太上無極大道虛無自然金闕玉陛下。

出戶

太上黃錄齋儀卷之二十五

太上黃錄齋儀卷之二十六

唐廣成先生杜光庭刪

消灾清旦行道

入戶

各禮師，存念如法

衛靈

五星虛映，煥景神庭。包羅無象，合炁群靈。潛形杳默，周遊五經。揚威耀日，役使甲丁。却妖除禍，滌穢消氛。萬魔恐怖，龍虎飛奔。紫雲交覆，萬炁齊并。

鳴法鼓二十四通

無上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，以今奉爲入意願得玉清道氣靈寶妙光下降，流入臣等身中，令臣所啓之言，速達徑御太上無極大道無形無名虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上官靈寶至真明皇道君，三十六部尊經，玄中大法師，三界官屬一切真靈。臣等伏聞，二象經綸，五材生化。吉凶倚伏，寒暑推遷。盛衰之運不常，灾福之門是啓。大則乾坤否塞，劫曆變移。次則善惡糾紛，憂危震惕。惟茲至道，包括虛無。不始不終，自得希夷之妙；極慈極愛，旁垂濟度之科。有惡皆除，無灾不解。臣等獲參真奧，叨奉玄微。志在立功，佐時行化。受法之日，登壇告盟。約當保國度人，廣宣慈澤。凡有歸向，敢不上聞。

讀詞

按如詞旨，誠切上陳。布立壇場，以銷灾咎。臣等披尋經訓，依按典儀。玉訣真經，龍章鳳篆。凝雲結氣，混合

成文。保鎮帝王，和平災運。制御劫會，降伏妖魔。普度羣生，大弘神化。敢緣斯旨，共罄誠祈。燒香然燈，希恩請福。以今早朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧列聖，凝神太漠，宴景九清。晏紫府以逍遙，升朱陵而快樂。貽祥祚曆，延貺億千。皇帝皇后，嬪妃皇子，公卿臣佐，文武職寮，伏冀國祚安寧，聖壽遐遠。忠貞義烈，輔贊睿圖。內屏外藩，輝華帝業。萬方有泰，八極無虞。播玄元清靜之風，歸大道和平之化。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流某家。九祖七玄，幽靈滯識。生神丹霍，蛻質朱陵。落注訟於地司，息考延

於後嗣。逍遙上境，安處福庭。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流率土含靈，普天有識。下窮泉曲，旁及幽扃。景福遐沾，羣情俱泰。弟子某灾凶殄息，厄運清消。壽祿增長，福祥臻萃。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，嚙液，命魔密呪步虛，旋遶

太極分高厚，輕清上屬天。人能修至道，身乃作真仙。行溢三千數，時丁四萬年。丹臺開寶笈，金口爲流傳。

大梵三天主，虛皇五老尊。尚難窺微妙，豈復入名言。寶座臨金殿，霞冠照玉軒。萬真朝帝所，飛鳥躡雲根。

濛濛如細霧，冉冉曳銖衣。妙逐祥煙上，輕隨彩鳳飛。幾陪瑤室宴，忽指洞天歸。佇立扶桑岸，高奔日帝暉。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君道德衆聖，三十六部尊經，玄中大法師，上相上宰，四司五帝，三界官屬一切真靈。臣等伏聞，大道垂光，元和布化。陶鈞一氣，孕育三才。陰陽有代謝之期，劫運有昇淪之數。稟神毓質，分象流形。未超變化之機，固有興衰之兆。非祈上聖，難降儲祥。竊惟三洞玉書，九天金簡。龜編鳳冊，龍篆虎符。上可以安鎮帝王，保制劫運。體道無極，與天長存。次可以迴復天經，改移灾曆。寧家保國，濟物安人。幽冥荷拯拔之功，厄滯有修禳之品。靈香上御，虔懇必通。真格敷陳，尊靈必

鑒。弟子某慮灾凶在運，憂惕彌深。齋信列詞，願祈昭祐。臣等叨承明訓，勸率法流。依按玄科，奉修齋福。闡明三界，懺謝十方。瀝懇冥心，轉經行道。燈分鶴焰，蕩昏暗以流輝；香散龍煙，徹虛無而達信。伏冀天尊太上，萬聖垂慈救之仁；金闕玉京，千真播護持之力。勅下三境，普告諸天。降福延恩，濟生度死。和平冤咎，消解灾殃。五行無妨剋之凶，三景息照臨之會。上解宿曜天文、十二躔次之厄，下解山川九宮、八卦分野之灾。宿罪積愆，深殃重疊。前冤往債，故殺誤傷。三業六情，無邊過犯。因今懺謝，咸乞蕩除。上願國祚延洪，聖壽遐永。三光昭朗，四序均調。兵革不興，烽煙罷警。妖惡伏匿，善瑞來臻。水火旱蝗，干戈疫癘。無侵國界，克保昇平。然乞七祖生天，九幽罷對。飛沉遂性，品類安寧。地府陰曹，三塗六趣，俱登福岸，咸沐道風。上明天尊廣濟之澤，下副臣衆等歸命之誠。謹啓以聞。

發念

一念爲道四大，合德齋主。七世父母，免墮憂苦。上升天堂，衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢日生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及饑寒者。天下人民，各得其所。

七念蠕動跂行。一切衆生，咸蒙成就。

八念赦貸前生。今世罪對，立功補過。

九念家國隆盛。宗廟有人，世生賢才。

十念尊受經師。不敢中怠，平等一心。廣度一切，克獲上仙。白日登

天，拜見太上。永成真入，雲車羽駕。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，洞案爐前。令臣學道得道，求仙得仙。遇有緣人，證無爲果。十方仙童玉女，接待香煙，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之二十六

太上黃籙齋儀卷之二十七

唐廣成先生杜光庭刪

消灾中分行道

入戶

各禮師，存念如法

衛靈

黃中策炁，斬馘妖踪。遏絕邪源，制斷魔蹤。太上符命，召制神功。萬靈斯格，却禍除凶。王炁三輪，洞運真風。紫戶舍瓊，大度無終。左命青腰，右攝芝童。逍遙颺景，總御九空。玄壇應機，乘炁虛冲。萬真普降，濟度無窮。

鳴法鼓二十四通

無上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神，以今奉爲入意，願得玉清道炁靈寶妙光下降，流入臣等身中。即使紫清鬱勃，

玉闕開明。五老輔根，萬帝攝真。體圓珠映，乘景驂宸。金光煥赫，御炁上清。令臣所啓，速達徑御太上無極大道無形無名虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，道運宣行，元皇垂化，真靈表貺，天地效祥。正二炁於上玄，息三灾於下土。故得和寧品物，孚祐生靈。溥家國以安寧，總幽冥而利濟。臣等夙承玄澤，被沐洪休。參佩寶文，披閱真格。遵太上弘慈之旨，廣天尊解度之科。思立微功，用匡大化。度人救物，拯厄扶危。佐國爲時，冀效誠節。凡有詞款，敢不上聞。

讀詞

按如詞言，誠深修奉。願祈聖澤，以解灾凶，是敢齋備香花，營持法信。質心三界，歸命諸天。臣等輒按玄科，奉修齋直。洗心靜念，然燈燒香。法河圖禳謝之儀，依太一懺祈之典。馳誠金闕，注想玉京。冀獲感通，克蒙昭祐。以今午朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流國祚帝圖，宗祧列聖，運超三五，道冠義農。御紫極以遊神，宴朱陵而蛻影。上登真品，下福睿圖。皇帝壽等八溟，光宣二景。堯雲廣覆，舜日增華。六宮盡柔順之規，百辟運忠貞之節。萬方清泰，四海乂寧。今故燒香，自歸依師尊大聖衆，至真之德，得道之後，升入無形。和與道合真。

以今午朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主某家，億劫親緣，積生眷屬。九玄

滯爽，七祖神儀。朝上聖於諸天，落幽纏於長夜。永除罪簡，克證仙階。今故燒香，自歸依師尊大聖衆，至真之德，得道之後，升入無形。和與道合真。

以今午朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流某家。過咎蠲銷，灾凶殄息。存亡開泰，眷屬安寧。泊乎地府寒鄉，咸蒙濟拔。三塗九夜，並睹光明。俗洽乂康，境無灾沴。山栖谷隱，證道登真。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，嚙液，命魔密呪

步虛，旋遶

旋步雲綱上，天風颯爾吹。飄裾凌斗柄，秉拂揖參旗。獅子銜丹綬，麒麟導翠輜。飛行周八極，幾見發春枝。綠鬢巍丹幘，青霞絡羽衣。晨趨陽德館，夜造月華扉。搏弄周天火，韜

潛起陸機。玉房留不住，却向九霄飛。

昔在延恩殿，中霄降九皇。六真分左右，黃霧遶軒廊。廣內尊神御，仙兵護道場。孝孫今繼志，咫尺對靈光。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，十方無極大道道德衆聖、天尊至真，大帝天帝，三十六部尊經，玄中大法師，上相上宰、四司五帝，三界官屬一切尊靈。臣等伏聞，太上開圖，萬靈受福。至真演貺，羣品舒榮。正宿度於天經，靜凶殄於地紀。神風寧晏，幽顯昭蘇。某以憂切灾衰，虔希懺滌。齋香花法信，鎮綵紋繒。質信效心，祈天請命。臣等奉依科法，營設壇場。燒香然燈，照燭三界。上照諸天無極之境，長樂福堂之中；下照九地極冥之鄉，地獄重陰之內。拔度億世，罪考幽靈。

欲使累劫冤尤，普蒙解釋。九玄注逮，咸得清銷。然後上解星辰日月、暗曜之灾；下除分野九宮、刑妨之厄。千灾萬咎，重過深尤。因今懺祈，咸乞除蕩。上願帝王萬壽，祚曆永昌。比天地以安貞，並山河而悠久。后妃內職，德茂坤儀。太子諸王，功扶聖業。文武卿佐，中外職寮。百揆允修，九功咸叙。天清地靜，國泰人和。日月重光，雲霞五色。兵鋒偃戢，穀稼滋盈。河出九疇，山呼萬歲。弟子某九玄開度，舉族安寧。弘忠孝以傳家，體仁和而繼業。泊諸含識，普及幽冥。各遂物宜，咸得其所。臣等功圓六度，道證三便。谷隱寒棲，克成真果。上明天尊大慈之澤，下副臣等虔奉之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦自修。預以同學，普得升虛。與天相保，長存無憂。二願諸天，結炁澄清。高虛廣覆，

保真固靈。氣候調節，四運和平。國安民豐，普天閑寧。廣濟一切，惠逮有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有勃蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景炁和調，無有災患。疫毒消滅，普天平安。五穀豐熟，國富民歡。

七願浮雲，結氣聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，

受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天火獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蜺飛蠢動，已生未生。咸蒙安全，普得生成。皆見元氣，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，接待蘭煙，傳臣向來所啓之言，速達徑御太上無極大道無形無名虛無自然金闕玉陛

下。

出戶

太上黃錄齋儀卷之二十七

太上黃籙齋儀卷之二十八

唐廣成先生杜光庭刪

消灾落景行道

入戶

各禮師，存念如法

衛靈

金真空降，神虎檢營。玉帝披霞，諸天命靈。九晨回駕，萬魔束形。九微迸煙，神威攝精。流金擲火，百惡消并。神輝耀夜，洞杳長春。聖道蕩蕩，十方肅清。保制劫運，元亨利貞。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意，願得玉清道炁靈寶妙光下降，流入臣等身中。即使玄壇清淨，內外成真。天無氛穢，

地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

具位臣某等，謹同誠上啓虛無自然元始天尊，無極大道太上大道君，太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，五大未光，三靈初肇，冲用之功，已立混成之妙。將分先地先天，寔惟至道不暎不昧。首出羣生，所以與化無窮，隨機靡倦。帝王宗之以致理，國祚享之以太平。福善攸歸，凶灾自息。臣等早窺真格，仰奉靈科。思立善功，濟人匡國。況奉詞旨，敢不上聞。

讀詞

按如詞言，誠情丹切。謹持法信，崇啓壇場。願釋罪尤，冀銷灾咎。臣等登壇受法，告誓之初。五帝鑒盟，三官

證信。佐國行化，濟度爲先。是敢披按玄經，奉宣慈旨。修齋行道，法地象天。質龍綵於十華，罄誠祈於八極。冀因丹禱，上達玄虛。以今晚朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流宗廟尊靈，列聖昭穆。凝神雲路，超景星躔。御斗極以貽祥，乘帝車而表貺。瑤圖玉牒，配永乾坤。澤潤天波，比深溟渤。皇帝化融有截，道契無爲。與三五以並崇，指嵩衡而等固。提封萬寓，車軌大同。中外輯寧，彝倫攸叙。今故燒香，自歸依師尊大聖衆，至真之德，得道之後，升入無形。和與道合真。

以今晚朝行道，請法衆等。運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流弟子某家。億世靈儀，九玄幽識。超升北府，鍊化南宮。浴流火以參真，入明霞而證道。垂祥介福，普及見存。今

故燒香，自歸依師尊大聖衆，至真之德，得道之後，升入無形。和與道合真。

以今晚朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流弟子某家，眷屬親緣，九姻六族。灾祛未兆，福降無涯。運尼清銷，凶殃殄息。壽延祿永，禍滅福生。遍及含靈，旁資億兆。克履貞吉，俱洽休祥。九夜開光，三塗昭朗。普天全濟，一切荷恩。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

步虛，旋遶

寶籙修真範，丹誠奏上蒼。冰淵

臨兆庶，宵旰致平康。萬物消疵癘，三晨效吉祥。步虛聲已徹，更詠洞玄章。

宛宛神州地，巍巍衆妙壇。鶴袍來羽客，鳧舄下仙官。玉笋斟元醴，琅函啓大丹。至誠何以祝，四海永澄瀾。

水暎魔宮懾，燈開夜府明。九天風靜默，四極氣澄清。嘯詠朱陵府，翺翔白玉京。至誠何以祝，國祚永安榮。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，至真無極大道道德衆聖天尊至真大帝天帝，三十六部尊經，玄中大法師，上相上宰、四司五帝，三界感應一切尊靈。臣等稟化上玄，擢形中土。崇修至道，參佩靈文。所宜匿跡巖巒，棲神冲漠。自期昇舉，高謝塵寰。而法許立功，道先佐國。度人濟物，拯厄扶危。弘天尊救護之慈，示衆兆歸依之路。天上天下，咸遂其宜。弟子某以厄運所纏，憂危是切。願因關奏，冀達誠祈。質繒綵以盟心，奉香花而效信。仰爲邦國，普及存亡。懺拔祈恩，銷灾降福。仰慮積生之後，累劫以來，不悟

正真，不知科格，違天犯地，重過深尤，故殺誤傷，新冤往債，六情所起，三業所爲，無量無邊，難可記識。九府三官之籙，四司五帝之曹。罪簡易增，善功難著。七玄幽爽，有考注之文；宿對前冤，有殃流之目。或天文宿曜，躔次爲灾。或本命年辰，行運爲厄。九宮刑絕，八卦衝妨。陰陽之品目難窮，神道之幽玄靡測。致成灾咎，志切懺祈。敷列壇場，延降真聖。炷香達懇，拜手披心。伏惟上聖衆尊，垂光憫鑒。千灾萬厄，咸賜蕩除。上願國祚無疆，帝德遐廣。五星順軌，兩曜重暉。關城無戍役之勞，邊塞罷烽煙之警。五山八海，安鎮方隅。梯峻航深，率寶景化。祥雲泛彩，瑞露凝甘。嘉穀年登，禎祥日至。弟子某九玄七世，乘善賈以逍遙；五族六親，沐神休而康泰。封疆靜謐，兵革弭寧。疫毒銷亡，妖凶殄滅。九幽地獄，睹太上之慈光；六趣罪魂，受天真之惠力。並從開濟，俱獲超昇。動植飛沈，盡登常道。上明天尊大慈之澤，下副臣衆等懺謝之誠。謹

啓以聞。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親和釋。八願潜胞處卵，咸得生成。九願積疾新痼，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭煙，傳臣向來所啓，速達徑御太上無極大道無形無名虛無自然金闕玉陛下。

出戶

太上黃錄齋儀卷之二十八

太上黃錄齋儀卷之二十九

唐廣成先生杜光庭刪

懺穢疾病清旦行道

入戶

各禮師，存念如法

衛靈

金真綠霞，煥映三天。飛雲丹霄，諸天控輶。晨輝啓旦，陰翳俱蠲。九微震空，五星回旋。萬仙應感，自然妙玄。杳冥散景，分形億千。寶珠光耀，瑞降壇乾。生死蒙惠，灌鍊金泉。魔王恐懼，合景三田。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神。臣今奉爲入意願得玉清道炁靈寶妙光下降，流入臣等身中，令臣所啓之言，速達徑御太上無極大道無形無名

虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，氣象運行，陰陽顯晦。倚伏有興衰之數，虧盈爲禍福之端。況在塵寰，寧離陶鑄。惟三尊演教，垂濟生度死之科；萬聖延慈，著救物拯危之品。廣敷神化，大庇羣生。臣等獲履法門，早參慈訓。所宜救災拔難，祈福生民。行教立功，以彰玄奧。況奉詞旨，敢不上聞。

讀詞

按如詞言，誠情迫切。宜申弘護，俾達虔祈。齋主某以染跡六塵，陶形四大。水火有盛衰之異，暗明分舒慘之殊。或爽節宣，遽成疾厄。形神奔悸，

性命懸危。惟叩真靈，庶蒙解拔。臣等謹依科格，敷列壇場。稽首祈恩，仰天請命。以今早朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流帝王國主、社稷尊靈。鳳紀龍圖，配乾坤而永固；皇風睿德，與日月以長懸。明燭萬方，仁周八表。儲皇妃后，中外臣寮。克贊雍熙，共康寰海。八極之內，君臣吏民。巨福所覃，普天昭泰。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主某家。九世七玄，億曾萬祖。親緣眷屬，往逝神儀。伏承黃籙之玄功，上朱陵之仙界。陽光瑩質，流火鍊形。黑簡落名，青宮著籍。逍遙真境，永祛延注之殃；利祐見存，克享安貞之福。今故燒香，自歸依師尊大聖衆，至真之

德，得道之後，昇入無形。和與道合真。

以今早朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流齋主某，身灾纏弭，息厄運清。銷疾瘵痊平，冤仇和釋。南昌司命，開生籙以延年；北府帝君，削黑書而落死。魂神澄正，萬炁長存。眷屬親緣，同沾景福。飛沈異質，蠢動殊形。咸沐玄休，共臻貞吉。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，咽液，命魔密呪

三啓頌

樂法以爲妻，愛經如珠玉。持戒制六情，念道遣所欲。淡泊正炁停，蕭然神靜默。天魔並敬護，世世受大福。鬱鬱家國盛，濟濟經道興。天人同其願，縹緲入大乘。因心立福田，摩法輪升。七祖生天堂，我身白日騰。

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹同誠上啓太上無極大道元始天尊，太上大道君，太上老君，十方無極大道道德衆聖，三十六部尊經，玄中大法師，三界官屬一切真靈。臣等獲奉玄科，仰承慈訓。濟時佐國，弘道安人。而跡混市朝，功輕塵露。常增惕懼，不敢違寧。但法在敷揚，義先拯救。今齋主某以灾躔所迫，疾厄所侵。風燭是憂，性命斯切。今披心請命，稽首法門。臣等輒爲依按明科，修齋行道。謄詞列款，懺謝存亡。恐慮某九世以來，宿殃流注。前生往代，冤結所成。或立志運心，有違陰鷲。或舉情屬念，不合神明。往咎前愆，陰罪陽過。因緣積沓，構此灾危。

又恐三命五行、九宮八卦、天文宿曜、

行運遊年，灾殺所臨，星辰所照。或命

祿薄弱，運氣衰微。或故殺誤傷，新冤

往債。及五瘟百毒之氣，凶邪鬼注之

徒。外中肌膚，內侵臟腑。成茲危疾，

未獲痊除。特乞太上垂恩，三光赦罪。

解銷冤對，和釋灾凶。前世今生，無邊

罪目。因今祈懺，咸乞赦除。使真氣

流行，靈津宣潤。百痾蠲蕩，六府和

平。祿祚增豐，年筭延永。舉家享福，

內外沾榮。上願社稷安寧，帝王萬壽。

風雨調順，歲稔時康。有識含生，並登

壽域。上明天尊大慈之澤，下副臣等祈

懺之誠。謹啓以聞。

發念

一念爲道，四大合德。齋主七世

父母，免脫憂苦。上升天堂，衣食自

然。

二念帝王國主，道化興隆。庠序

濟濟，皇教恢弘。威儀翼翼，普天所

瞻。民稱太平，四夷賓伏。妖惡自滅，

賢人日生。

三念法師，功德大建。教化明達，

俱獲飛仙。

四念同志學人。早得仙道，更相

開度。

五念九親和睦，好尚仁義，貴道賤

財，行爲物範。

六念損己，布施道士及饑寒者。

天下人民，各得其所。

七念蠕動跂行。一切衆生，咸蒙

成就。

八念赦貫前生。今世罪對，立功

補過。

九念家國隆盛。宗廟有人，世生

賢才。

十念尊受師經，不敢中怠，平等一

心。廣度一切，剋獲上仙。白日登天，

拜見太上。永成真人，雲車羽駕。和與

道合真。

復爐

香官使者、左右龍虎君、侍香諸靈

官，當令臣行香之所，自然生金液丹碧

芝英。百靈衆真，交會在此，香火爐

前。令臣學道得道，求仙得仙。齋主受

福，幽顯沾恩。十方仙童玉女，侍衛蘭

煙，傳臣向來所啓之言，速達徑御太上

無極大道無形無名虛無自然金闕玉陛

下。

出戶

太上黃籙齋儀卷之三十

唐廣成先生杜光庭刪

懺穢疾病中分行道

入戶

各禮師，存念如法

衛靈

謠歌空洞，帝君守壇。五帝校錄，受符三官。備衛四門，束魔去姦。流鈴擲火，除穢焚殘。身佩金書，鍊液芝顏。玄虛素合，心動三關。騎獅跨鶴，控虬乘鸞。衆星守舍，千魔不干。道炁長存，萬仙委安。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。臣今奉爲入意，以今願得玉清道炁靈寶妙光下降，流入臣等身中。即使玄壇清淨，內外成真。天無氛穢，地絕

妖塵。琳琅振響，十方肅清。萬魔不干，真誠上徹。令臣所啓之言，速達徑御太上無極大道無形無名虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上玉晨大道君，太上老君，昊天玉皇上帝，十方已得道大聖衆、至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界應感一切真靈。臣等伏聞，自然妙本，弘大化於帝先；至極元尊，播玄功於物表。雖陰陽升降，劫曆始終。澹爾常存，巍乎獨運。所以三千景域，咸服於神休；五億天關，同臻於道化。至若吉凶遞代，禍福推遷。乘聖力以皆祛，沐靈休而可滌。濟危拯物，佐國化人。萬古攸遵，應靈無爽。況抱詞列款，請命希恩。凡有所祈，理宜關奏。既承詞旨，敢不上聞。

讀詞

按如詞誠，言深祈扣。弟子某以陰陽構疾，寒暑貽灾。稽首披心，虔希祐護。臣等竊惟天尊愍濟，常善救人。揚法舸而度迷津，懸寶珠而納羣品。宣科演教，捍厄扶危。是用滌慮洗心，修齋行道。願回聖力，以蕩灾蒙。以今午朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈，宗祧先聖。騰神八景，融化九清。凝觀太空，貽休大業。皇帝體堯立極，嗣禹承圖。朗金鏡於紫宸，運璿衡於碧落。壽星增耀，福嶽彌崇。后妃贊化於六宮，臣佐匡寧於萬寓。光敷有道，允洽無爲。今故燒香，自歸依師尊大聖衆，至真之德，得道之後，升入無爲。和與道合真。

以今午朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流弟子某家。九世七玄，億曾萬祖。辭太

冥之府，離長夜之庭。罪網蠲銷，福祥臻萃。泊乎泉扃異趣，飛動殊倫。禎貺所資，盡蒙開度。今故燒香，自歸依師尊大聖衆，至真之德，得道之後，升入無爲。臣與道合真。

以今午朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流弟子某身。蕩滌災纏，銷平厄運。宿冤往債，乘祈懺以咸除；積釁深瑕，沐熏修而克淨。妖凶弭息，年祿增延。今故燒香，自歸依師尊大聖衆，至真之德，得道之後，升入無爲。和與道合真。

禮方

懺悔

各思九色圓象，嚙液，命魔密呪步虛，旋遶

始青黎元蓋，金香結珠煙。飛晨總翹轡，稽首玉帝前。帝心浩以舒，錫吾太靈篇。是謂不滅道，萬天秉吾權。吾行空洞中，下仙昧其淵。

一炁化之元，邈在兩儀先。寶埒

馳金馬，真香噴玉蓮。飛空按龍轡，梵響導芝輶。綿永長春劫，翱翔無色天。初真難曉諭，以此戒中仙。

高真明道德，垂世五千言。解釋慚涼薄，殫誠測妙元。霓旌嚴教典，羽唱徹雲輶。瑞鶴儀空際，祥風拂暑煩。穹窿茲響應，寶祚億斯年。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，三十六部尊經，玄中大法師，上相上宰，四司五帝，正一左右二真人，南嶽上真紫虛元君，三界官屬一切真靈。臣等伏聞，天元立極，地紀標樞。乘妙道以分形，定兩儀而設象。含弘無際，覆燾莫窮。而九六推移，有升淪之變；衰榮代謝，有歷劫之期。况彼人倫，寧無降替。弟子某寄身俗網，染跡塵寰。氣象所拘，吉凶所繫。遂纏疾

厄，彌切憂危。竊恐往世此生，宿瑕未滌。舊冤積釁，債訟未除。或故殺誤傷，爲殃爲咎。或星辰本命，爲惡爲災。形命凡微，懺祈無所。是用披心大道，稽首玄科。崇設壇場，仰申悔謝。臣等按天師品格，啓正文儀。依紫虛元君懺災之法，奉爲某上請天昌君黃衣兵士十萬人，收弟子某家中外殃祥、十二刑殺之氣。又請南宮天明君、北星六機君收五瘟百毒百疾之氣。又請封離君、赤素君爲弟子除心腹淋露之疾。又請天官五衡君、地官五衡君、九河北海君、王法君、九集君、大官陽秩君、南上君、須臾君、石仙君收除內外邪祟爲病之者。又請蓋天大將軍、上元士君收捕衆考精邪，却禍來福。又請制地君、四胡君主除行年本命之災，斷考注之氣。又請運氣解厄君、無上高倉君、無上天君、平天君解除死喪刑害五墓之鬼。又請靈素天精君、赤天食氣君、收神上明君爲弟子某斷除惡夢惡鬼、沉疾注連之氣。使災咎寧息，疾患痊平。二十四部天官吏兵，應時

降臨，誅邪滅惡，收伏凶殃。真氣潛資，克獲安泰。夢寤真正，壽筭遐延。九祖生天，六親蒙福。龍神守衛，居止安寧。上願帝道昭融，天元朗晏。干戈永息，風雨以時。穀稼豐登，幽明和泰。旁該庶品，普及幽扃。共沐玄恩，同臻福界。上明天尊弘慈之澤，下副臣等祈懺之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦是修。預以同學，普得升虛。與天相保，長存無憂。

二願諸天，結氣澄清。高虛廣覆，保真固靈。氣候調節，四運和平。國安民豐，普天咸寧。廣濟一切，惠逮有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有勃蝕，虧盈安清。光照諸天，洞消暗冥。保

固劫運，世祚和平。普加潤澤，惠灑衆生。

五願星辰，與日齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景炁和調，無有災患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。

敷教濟濟，威化洋洋。兆庶稱慶，長樂未央。

十二願螭飛蠢動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，存歿沾恩。十方仙童玉女，接待蘭煙，令臣所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之三十

太上黃籙齋儀卷之三十一

唐廣成先生杜光庭刪

懺穢疾病落景行道

入戶

各禮師，存念如法

衛靈

神光朗耀，瑞氣帀旋。箕斗澄輝，芝宇宴然。玉眸金真，寶壇純乾。變夜作晝，回子午前。太華流彩，丹鳳飛轅。息魔滅姦，高步祥煙。天真並集，齊到帝前。

鳴法鼓二十四通

無上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。臣今奉爲入意，以今願得玉清道炁靈寶妙光下降，流入臣等身中，即使玄壇清淨，內外成真。天無氛穢，地絕妖塵。琳琅振響，十方肅清。萬魔不

干，真誠上徹。令臣所啓之言，速達徑御太上無極大道無形無名虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上玉晨大道君，太上老君，昊天玉皇上帝，十方已得道大聖衆、至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，混成構象，真一凝光。天地資之以權輿，陰陽運之以生化。盛衰倚伏，善惡糾紛。日月有虧昃之期，寒暑有推遷之數。惟茲大道，統貫幽明。延福垂休，廣濟羣有。臣等早探真訣，獲眄靈圖。三洞琅函，有祈禳之品；九天真劄，傳拯護之文。四萬劫而敷弘，五億天之宗奉。制伏妖惡，徵召魔靈。佐國立功，度人救物。有所祈向，敢不上聞。

讀詞

依按詞言，實惟虔切。弟子某以災纏未息，疾厄未平。歸命諸天，披心大道。請修齋直，延降威靈。輒運丹誠，共希玄祐。以今晚朝行道，請法衆等，運茲初捻上香。願此香煙此騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流皇帝，九廟尊儀。駕景三清，流祥萬國。鴻基克固，鳳曆永昌。太子諸王，允扶大業。后妃百辟，匡贊睿圖。車軌大同，梯航畢集。今故燒香，自歸依師尊大聖衆，至真之德，得道之後，升入無爲。和與道合真。

以今晚朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主某家。九祖七玄，幽儀滯爽。超辭地壤，昇翥天衢。息注訟於冥關，流福祥於後胤。九幽地獄，咸睹慈光。六趣羣生，同躋善域，今故燒香，自歸依師尊大聖衆，至真之德，得道之後，升入無爲。和與道合真。

以今晚朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流弟子某身。冤債和平，灾殃消解。凶衰冰泮，疾厄雲收。南斗延生，東宮注祿。洎諸眷屬，普及人天。同享善功，咸臻道域。今故燒香，自歸依師尊大聖衆，至真之德，得道之後，升入無爲。和與道合真。

禮方

懺悔

步虛，旋繞

旋步雲綱上，天風颯爾吹。飄裾凌斗柄，秉拂揖參旗。獅子銜丹綬，麒麟導翠輜。飛行周八極，幾見發春枝。

綠鬢巍丹幘，青霞絡羽衣。晨趨陽德館，夜造月華扉。搏弄周天火，韜淋起陸機。玉房留不住，却向九霄飛。

昔在延恩殿，中霄降九皇。六真分左右，黃霧遶軒廊。廣內尊神御，仙兵護道場。孝孫今繼志，咫尺對靈光。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，十方無極大道道德衆聖天尊至真，大帝天帝，三十六部尊經，玄中大法師，上相上宰、四司五帝，三界官屬一切真靈。臣等參佩寶文，夙慙靈澤。竊披玄奧，志在敷陽。思立轉功，廣被羣品。弟子某以灾凶在運，疾厄所纏。列欵表心，虔誠禱福。請崇齋直，關奏真靈。是敢遵按典儀，轉經行道。首謝弟子某前生今世，宿罪深尤。或違天地覆載之仁，或負日月照臨之德。犯二氣五行之性，傷三光六紀之和。前冤未除，後罪重結。故傷誤殺，恣意任心。不識因緣，罔知禁忌。六情所起，三業所爲。干犯幽明，違越經訓。成茲報對，構此裁危。又恐犯觸龍神，興工土木。侵傷地理，違犯天時。又恐宿曜所臨，年運所犯。九宮刑剋，八卦

衝妨。否塞既深，憂危是切。因今修齋行道，懺謝過愆。燒香誦經，祈天請命。灾殃罪咎，咸乞懺除。即使太一延生，三元却死。玉童授藥，五帝降符。六府調和，百關宣暢。壽延祿永，禍滅福生。然乞九祖生天，六親蒙祐。飛沈遂性，動植安全。上願帝業鴻圖，天長地久。武功克偃，文德允修。日並睿明，川浮聖澤。連珠合璧，重睹於玄穹；八卦九疇，再彰於清洛。三農有叙，九穀無愆。水旱不生，疵癘不作。干戈永戢，風雨以時。下及幽途，遍該含識。陰陽臣佐，山川職寮。弘道安人，誅邪祐正。俱昇福岸，齊契道階。上明天尊弘慈之施，下副臣等虔奉之誠。謹啓以聞。

發願

- 一願乾坤明素。二願氣象清玄。
- 三願聖人萬壽。四願化洽八埏。
- 五願天垂甘露。六願地發祥烟。
- 七願四時應節。八願萬物生全。
- 九願家多孝悌。十願國富才賢。
- 十一願醮官獲福。

十二願學道成仙。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，存歿沾恩。令臣所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之三十一

太上黃籙齋儀卷之三十二

唐廣成先生杜光庭刪

三元清旦行道

入戶

各禮師，存念如法

衛靈

金真綠霞，煥映三天。飛雲丹霄，諸天控輶。晨輝啓旦，陰翳俱捐。九微震空，五星回旋。萬仙應感，自然妙玄。杳冥散景，分形億千。寶珠光曜，瑞降壇乾。生死蒙惠，灌鍊金泉。魔王恐懼，合景三田。

鳴法鼓二十四通

無上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，願得玉清道炁靈寶妙光下降，流入臣等身中，令臣所啓，速達徑御太上無極大道無形無名虛無自然金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，太上老君，昊天玉皇上帝，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，五老上帝，三元君，天水三官，三十六部尊經，玄中大法師，三界官屬一切真靈。臣等伏聞，天地之前，元始布無爲之化；混茫之首，真人垂廣濟之科。由是分氣象於三元，播弘慈於萬物。命三官以考校，俾五帝以君臨。懲勸無私，恩福遐被。臣夙承道蔭，運偶玄休。參佩寶文，披閱靈奧。志惟敷揚大化，匡國濟人。八節三元，立功爲本。今屬某元令節，齋戒良辰，謝過祈恩，宜申虔懇。況奉詞旨，敢不上聞。

讀詞

按如詞言，志深修奉。況逢令序，恭演靈文。太極明科，九府具愆尤之籍；玄都典格，三元爲大有之期。齋

功遐及於存亡，惠澤旁流於家國。臣等輒相携率，修設壇場。燈燭香花，質心三界。紋繒法信，騰歎諸天。所期大道圓通，盼精誠而降福；至真冥應，隨懺滌以垂光。使飛天神人，齋九龍符命。歷下三界，關告四司。紀錄齋功，證明丹禱。以今早朝行道，請法衆等，運茲初捻上香。願此香煙騰空，徑上

供養無上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗廟先聖。登真金闕，遊宴玉京。侍聖祖於上宮，貽福祥於寶胤。皇帝蓬壺比壽，舜禹齊功。調玉燭而睦華夷，肅珠躔而靜天地。六宮妃后，內德欽明。太子諸王，瑤枝克茂。文階武列，俱傾忠孝之心；四海萬方，同混車書之化。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流

齋主某家。九祖七玄，三師四友。克辭幽夜，升睹光明。浴神流火之池，磨質明霞之殿。超升上境，福祐見存。及三塗五道之中，六趣九幽之內。息罪書之日，除簡對之文。永出沉淪，盡蒙開度。今故燒香，自歸依師尊大聖衆，至真之德，得道之後，升入無形。和與道合真。

以今早朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流齋主某家。過咎蠲銷，灾衰寧息。南宮注祿，東斗增年。眷屬咸宜，禎祥允萃。然後含靈有識，動植飛沉。俱承渙汗之恩，並陟逍遙之境。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，咽液命魔密呪

步虛，旋遶

稽首禮太上，燒香歸虛無。流明

隨我迴，法輪亦三周。玄願四大興，靈慶及王侯。七祖生天堂，煌煌耀景敷。嘯歌冠太漠，天樂適我娛。齊馨無上德，下仙不與儔。妙想朗玄覺，誦誦乘虛遊。

旋行躡雲綱，乘虛步玄紀。吟詠帝一尊，百關自調理。俯命八海童，仰携高仙子。諸天散香花，蕭然靈風起。宿願定命根，故致標高擬。歡樂太上前，萬劫猶未始。

嵯峨玄都山，十方宗皇一。岌岌天寶臺，光明焰流日。煒燁玉林華，璀璨耀朱實。常念餐元精，鍊液固形質。金光散紫微，窈窕大乘逸。

三禮

臣等至心稽首禮，太上無極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，玄中大法師，三師君，上相上宰，四司五帝，三界官屬一切真靈。臣等塵陋

凡微，積生善會。玄風普扇，真教遐宣。寶篆琅書，降三清而演化；龍文鳳誥，該萬聖以傳真。仰荷師資，咸蒙稟受。而未能修勵，克保飛昇。唯在立功，度人濟物。報至道裁成之德，酬乾坤覆載之仁。凡有歸心，所宜關奏。

齋主某伏聞，三元品格，上聖垂文。乃天元改候之期，寔三宮肆赦之日。幽明蒙祐，動植沾恩。竊惟報主報親，莫先於建福；爲家爲國，莫大於齋功。所以稽首靈壇，歸心上聖。齋持法信，崇建道場。玉珮珠旛，雜靈儀而璨爛；鯨鍾鳳磬，引仙唱以虛徐。真聖遐臨，誠祈上達。伏冀資薰大寶，孚祐帝圖。鳳曆潛延，龍儀克固。皇帝聖超義皞，仁格唐虞。萬寓宅心，九圍順化。三邊肅靜，永無烽燧之勞；八極昭融，長有梯航之貢。太平帝業，輝映無疆。星辰順軌於九天，風雨均調於四序。兵戈疾疫，無撓於黎元；水旱火蝗，不興於國介。次乞齋主家，九玄開度，五族協和。南冒題積善之名，北府落過尤之錄。灾衰不作，福祐維新。

增祿祚於天宮，益延齡於仙府。然後寒庭積夜之境，鄴都泉曲之鄉。變幽牢爲清淨之居，化地獄爲虛無之域。羣生遂性，品類昭甦。地久天長，永臻道化。上明天尊廣濟之澤，下副臣衆等歸命之誠。謹啓以聞。

發念

一念爲道四大，合德齋主。七世父母，免墮憂苦。上升天堂，衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，聖賢自生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及饑寒者。天下人民，各得其所。

七念蠕動跂行。一切衆生，咸蒙

成就。

八念赦贖前生。今世罪對，立功補過。

九念家門隆盛。宗廟有人，世生賢才。

十念尊受經師，不敢中怠，平等一心。廣度一切，剋獲上仙。白日登天，拜見太上。永成真人，雲車羽駕。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，洞案爐前。令臣學道得道，求仙得仙。十方仙童玉女，接待香煙，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃錄齋儀卷之三十二

太上黃籙齋儀卷之三十三

唐廣成先生杜光庭刪

三元中分行道

入戶

各禮師，存念如法

衛靈

謠歌空洞，帝君存壇。五帝校錄，受符三官。備衛四門，束魔去奸。流鈴擲火，除穢焚殘。身佩金書，鍊液芝顏。玄虛素合，心動三關。騎獅跨鶴，控龍乘鸞。萬星守舍，千魔不干。道炁長存，萬仙委安。

鳴法鼓二十四通

無上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香、各三十二人出。出者，嚴裝關啓玄壇天帝神君，當召此間土地里域、真官正神。以今奉爲入意，願得玉清道炁靈寶妙光下降，流入臣等身中，令臣所啓之言，速達徑御太上無極大道無形無名虛無自然

金闕玉陛下。

各稱法位

具位臣某等，謹同誠上啓虛無自然元始天尊，無極大道太上大道君，大聖祖高上大道金闕玄元天皇帝、太上老君，太上丈人，無上玄老。十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，玄中大法師，三界官屬一切真靈。臣等宿以鴻因，克承玄化。負荷大法，參佩寶文。誠宜抗跡雲林，栖神澹漠。振衣下俗，追友上真。而大聖垂科，元皇布教。先當助國宣化，濟物安人。弘道立功，廣被羣品。凡有祈告，敢不上聞。

讀詞

按如詞言，理宜關奏。齋主某上惟宗廟，下及羣生。希立善功，廣弘嘉福。況屬某元令節，齋戒良辰。玉皇臨御於上方，萬聖校功於三境。死生同福，毫末無遺。是思禱祝之儀，以罄人臣之懇。齋持法信，崇設壇場。臣等依

按典儀，凝神滌慮。馳心絳闕，拜手清都。所期羽蓋雲軒，依稀降鑒。高真上聖，髣髴照臨。溥海嶽以垂休，而幽明而孚祐。以今午朝行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資社稷尊靈、宗祧昭穆，登真碧落，垂賜皇圖。皇帝德洽義農，功侔軒燧。壽山益峻，聖日增明。車軌混同，兵戈戢息。星辰合度，風雨順時。太子諸王，承乾繼聖。后妃公主，百辟庶寮。福祉日新，徽華克茂。然後文懷遠俗，武定艱危。海外寰中，同躋壽域。今故燒香，自歸依師尊大聖衆，至真之德，得道之後，升入無形。和與道合真。以今午朝行道，請法衆等，運茲二捻上香。願此香烟騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流泉曲寒庭，艷都長夜。陰宮地府，一切幽靈。次及齋主家九世七玄，億曾萬祖。出重冥之境，登太極之庭。落北

府之罪書，遊神淨域；上南宮之生籙，證品仙階。今故燒香，自歸依師尊大聖衆，至真之德，得道之後，升入無形。和與道合真。

以今午朝行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流天地之內，道化之中。咸沐玄功，俱承真祐。齋主某灾殃殄息，過咎蠲銷。三界真靈，潛增福祚，九丹祕妙，永駐年齡。內外齊安，存亡並泰。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

各思九色圓象，咽液，命魔密呪

步虛，旋遶

俯仰存太上，華景秀丹田，左顧提鬱儀，右盼携結璘。六度冠梵行，道德隨日新。宿命積福應，聞經若至親。天挺超世才，樂誦希微篇。冲虛太和氣，吐納流霞精。胎息靜百關，寥寥究

三便。泥丸洞明景，遂成金華仙。魔王敬受事，故能朝諸天。皆從齋戒起，累功結宿緣。飛行凌太虛，提携高上人。

控轡適十方，旋憩玄景阿。仰觀劫仞臺，俯盼紫云羅。逍遙太上京，相與坐蓮華。積學爲真人，恬然榮衛和。永享無期壽，萬椿奚足多。

大道師玄寂，昇仙友無英。公子度靈符，太一捧洞章。舍利耀金姿，龍駕倏來迎。天尊盼雲輿，飄飄乘虛翔。香花若飛雪，氛靄茂玄梁。

三禮

臣等至心稽首禮，太上無極大道。臣等至心稽首禮，三十六部尊經。

臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，無上玄老，至真無極大道道德衆聖，天尊至真，大帝天帝，三十六部尊經，玄中大法師，三師君，上相上宰，四司五帝，三界官屬一切真靈。臣等自惟

幽賤，被沐玄風。擢品道階，列名真教。睹三洞五文之奧，披龍編鳳簡之書。未能晦跡韜名，窮林絕壑。以期升舉，永奉靈規。而受法之初，與三官有約。義先濟物，輔國化時。行教立功，用罄誠節。今齋主某詞情懇禱，爲國爲民，龍綵效心，香花質信。請崇齋法，以報君親。況三元爲大有之辰，存亡受福；三景著大明之日，幽顯開光。玄都上宮，紫微金闕。萬天朝宴，衆聖迴軒。釋過舉功，允當嘉節。除灾介福，仰祝昌期。臣等依按典章，虔修齋直。建壇行道，法地象天。燒香然燈，照燭幽夜。飄靈煙而上御，佇真聖以遐臨。願達精誠，冀延景貺。伏願三清上聖、八極高尊，俯借威光，下康國步。鎮安社稷，清肅寰區。皇帝兩曜齊明，丘山等壽。濬鴻源而不極，負丹宸以無爲。八海九圍，干戈自息。三邊六合，鋒鏑不驚。與三五以比崇，越羲融而縱聖。箕風畢雨，調和而百穀有年；舜日堯雲，輝煥而萬方無事。太子叶明離之象，諸王齊磐石之貞。

六宮之內則允修，百揆之忠規克著。梯山航海，率奉睿謨。異域殊封，咸臻道化。封疆靜肅，遠近樂康。疫毒不興，灾妖自殄。然後九幽長夜之府，三途六趣之鄉。九祖三師，並蒙開度。齋主某積生過咎，隨懺滌以清消；衆厄千灾，賴真靈而洗蕩。維新祿筭，永享利貞。內外宗親，俱獲元吉。飛沉遂性，蠢動安全。天地之間，物無失所。上明天尊弘慈之澤，下副臣等歸命之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦自修。預以同學，普得升虛。與天相保，長存無憂。

二願諸天，結氣澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠達有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日

豐。咸得厚載，萬物皆從。

四願日月，二景高明。無有勃蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日月齊光。轉燭照夜，朗映十方。各安其位，經緯直行。保鎮家國，無有灾傷。四海寧一，普天興昌。

六願四時，隨節推遷。景氣和調，無有灾患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方，巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天

人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化揚揚。兆庶稱慶，長樂未央。

十二願蜺飛蠢動，已生未生。咸蒙安全，普得生成。皆見元氣，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，洞按爐前。令臣學道得道，求仙得仙。十方仙童玉女，接待香烟，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之三十三

太上黃籙齋儀卷之三十四

唐廣成先生杜光庭刪

三元落景行道

入戶

各禮師，存念如法

衛靈

神光朗耀，瑞氣帀旋。箕斗澄輝，芝宇晏然。玉眸金真，寶壇純乾。變夜作晝，回子午前。太華流彩，丹鳳飛轅。息魔滅奸，高步祥煙。天真普集，齊到帝前。

鳴法鼓二十四通

無上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，以今奉爲入意願得玉清道炁靈寶妙光下降，流入臣等身中。即使金光煥赫，御炁上清。令臣所啓，速達徑御太上無極大道無形無名虛無自然金闕玉陛

下。

各稱法位

具位臣某等謹同誠上啓虛無自然元始天尊，無極大道太上大道君，大聖祖高上大道金闕玄元天皇大帝、太上老君，高上玉皇，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等伏聞，無爲妙道，包萬法以居尊；清靜真宗，運三元而育物。大弘神化，普度羣生。由是天地水官，司明罪福。陰陽曹吏，考校吉凶。飛天述玉匱之文，上智請琅函之格。自家刑國，咸許懺祈。惟顯及幽，必令開濟。臣等夙承玄訓，獲奉明科。志在立功，用敷真化。凡應披告，敢不上聞。

讀詞

按如詞言，志深修奉。况當令節，宜罄誠祈。寔諸天朝宴之辰，澤流羣品；乃萬聖宣慈之會，恩被十方。是

敢虔扣玄關，精修黃籙。普存亡而懺拔，遍家國以歸依。共勵丹誠，仰希鴻福。以今晚朝行道，請法衆等，運茲初捻上香。願此香煙騰空，徑上供養無上至真道寶。臣等歸身歸命，首體投地，仰依太上三尊。願以是功德，歸流九廟尊靈、列聖昭穆，遊神太漠，觀妙上清。延景貺於孫謀，集鴻休於帝業。皇帝化高三五，壽越億千。執大象而御天，體飛龍而立極。儲宮妃后，匡輔睿圖，良佐正臣，保寧休運。今故燒香，自歸依師尊大聖衆，至真之德，得道之後，升入無形。和與道合真。

以今晚朝行道，請法衆等，運茲二捻上香。願此香煙騰空，徑上供養無上至真經寶。臣等歸身歸命，首體投地，仰依太上三尊。願以是功德，歸流齋主某家。曠劫親緣，九世神爽。登真紫府，鍊景朱陵。御飛廉而戴列星，造天都而辭地戶。祚流無極，福利見存。今故燒香，自歸依師尊大聖衆，至真之德，得道之後，升入無形。和與道合真。以今晚朝行道，請法衆等，運茲三

捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流齋主某家。五族六親，同沾景祐。灾纏自息，罪網咸銷。四海九州，共沐和寧之化；有情含識，俱承清靜之風。夜府泉扃，盡蒙開度。飛潛蠢動，並獲安全。今故燒香，自歸依師尊大聖衆，至真之德，得道之後，升入無形。和與道合真。

禮方

懺悔

步虛，旋遶

頭腦禮金闕，携手遨玉京。騫樹圓景園，煥爛七寶林。天獸三百名，獅子巨萬尋。飛龍躑躅吟，神鳳應節鳴。靈風扇奇華，清香散人襟。自無高仙才，焉能耽此心。

嚴我九龍駕，乘虛以逍遙。八天如指掌，六合何足遼。衆真誦洞玄，太上唱清謠。香華隨風散，玉音成紫霄。五苦一時迸，八難順經寥。妙哉靈寶囿，興此大法橋。

天真帝一宮，藹藹冠耀靈。流煥法輪綱，旋空入無形。虛皇撫云璈，衆真誦洞經。高仙凜手讚，彌劫保利貞。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重伸上啓太上無極大道元始天尊，太上大道君，太上老君，十方無極大道道德衆聖天尊至真，大帝天帝，三十六部尊經，玄中大法師，上相上宰、四司五帝，三界官屬一切尊靈。臣等識昧重玄，獲參至妙。承慈儉之訓，披濟拔之科。得罄丹誠。仰贊鴻化。竊聞瓊都金闕，上聖衆尊。觀苦趣於八門，泛慈舟於三界。護持萬類，拯濟羣生。於是，命三官以統三元，垂九光而開九夜。息灾蒙於家國，照昏暗於幽沉。聖澤無遺，神功廣布。今屬某元御節，大有敷恩。爰備香燈，式陳齋薦。法天地二儀之象，大啓皇壇；繼星辰三景之明，上祈玄貺。九

時蠲潔，三日精虔。所期大帝迴光，元尊降鑒。現神光於七十二色，凝瑞彩於三十六天。隨感效祥，應機表貺。上扶國祚，與天地以永貞；仰福聖朝，配日月而齊照。宸枝克茂，大業允昌。混文軌於萬方，息戈鋌於六合。賢臣良輔，文德武功。匡翼帝圖，昭宣景化。野無隱逸，朝有忠賢。九稼滋豐，五兵偃戢。絕水旱寇攘之害，無饑凶瘡疫之虞。萬姓乂安，六氣和暢。重泉地府，披昏暗而睹光明；幽獄窮魂，解罪纏而升福岸。龍神輯睦，境域蘇舒。瑞謀禎符，日書月至。弟子某九玄滯識，證果登真。五族六親，延生永壽。飛沉遂性，動植咸宜。共沐玄功，盡階妙道。上明天尊慈施之澤，下副臣等虔奉之誠。謹啓以聞。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親

和釋。八願潜胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，洞案爐前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上無極大道無形無名虛無自然金闕玉陛下。

出戶

太上黃籙齋儀卷之三十四

太上黃籙齋儀卷之三十五

唐廣成先生杜光庭集

普度幽魂遷拔中分行道原缺清旦

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟姦破妖，明耀元功。金符召制，躡雲乘龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

无上三天玄元始三炁太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神，急上關啓。臣今奉爲入意，以今關告，願得玉清道炁靈寶妙光下降，流入臣等身中。即使玄壇清淨，內外成真。

天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都某嶽先生臣某等，同誠上啓虛无自然元始天尊，无極大道太上玉晨道君，太上老君，无上玄老，十方已得道大聖衆至真諸君丈人，三十六天帝君，玉虛上帝，玉帝大帝，東華南極西靈北真玄都玉京金闕七寶玄臺紫微上官靈寶至真明皇道君，三十六部尊經，玄中大法師，三界官屬一切真靈。臣等宿植良緣，遭遇玄化。生成羣有，濟拔幽沉。叨奉師資，佩三清之祕籙；參承玄旨，諷三洞之真經。品列仙階，名昇玉簡。未能陶神瑩骨，絕跡冲襟。空依衆妙之門，多犯明真之律。向以受法之日，申盟五帝，告誓三官。濟度天人，匡贊家國。凡有禱請，理合申陳。今奉懇誠，固難遏絕。所承詞旨，敢不上聞。

讀詞

按如詞懇，理濟幽明。齋主以歷劫功深，諸天善勝。仰自然之大化，奉无極之元尊。匡國致君，愛親事長。弘救拔之深旨，憫沉滯之幽魂。側隱興懷，隳傷寫志。遵憑聖教，以報大恩。披黃籙典章，啓玄壇階級。崇嚴鎮綵，恭獻香花。告三官五帝之靈，朝金闕玉房之聖。臣等依經奉稟，從戒精嚴。滌慮凝神，洗心注念。以今午朝行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資皇家宗社、九廟威靈。德契無爲，功宣有截。皇帝龍圖永固，鳳曆彌昌。混一車書，和同海嶽。兆民攸賴，百度惟貞。德化昭宣，奕葉繁茂。萬方寧謐，九曜高明。遁跡修真，師宗父母。咸遊八極，早翫三清。今故燒香，歸依師尊大聖衆，至真之德，得道之後，昇入無形。

以今午朝行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投

地，仰依太上三尊。願以是功德，奉福齋官。九玄七祖，往逝神儀。判除奪紀之名，增益記功之簡。昇真靖境，流慶子孫。長居得一之貞，揚名後世；永懋持三之寶，垂訓前脩。今故燒香，歸依師尊大聖衆，至真之德，得道之後，昇入無形。和與道合真。

以今午朝行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，恩流庶品，福被萬民。咸遂生成，各均利濟。爰及蓬飄旅魄，浪泛遊魂。罹八難之深殃，脫九幽之極苦。未除黑簿，莫記丹書。咸願慈尊，降垂靈貺。命天官而總錄，勅地府以全收。皆赴壇筵，盡霑救度。永離惡趣，俱植善根。託蔭人天，受生快樂。今故燒香，歸依師尊大聖衆。至真之德，得道之後，昇入無形。和與道合真。

懺方

三啓

鬱鬱家國盛，濟濟經道興。天人

同其願，縹緲入大乘。因心立福田，摩法輪昇。七祖生天堂，我身白日騰。

三禮

臣等至心稽首禮，太上无極大道。臣等至心稽首禮，三十六部尊經。臣等至心稽首禮，玄中大法師。重稱法位

上清玄都某嶽先生臣等重啓太上无極大道元始天尊，太上大道君，太上老君，三十六部尊經，玄中大法師，三界內外、名山洞府、一切真靈。臣等伏聞，太玄有作，稟無爲而有爲；至聖無私，生有物而無物。陶甄品彙，停毒生成。其用無窮，神功不宰。宣廣闢之業，弘救度之門。疏網恢恢，大信默默。今齋主某知微慮遠。扣寂求玄，浩劫先天。九玄七祖，流形散氣。積業餘殃，逮于己身。迄至親屬，輪迴生死，造作愆尤。仰依懺洗之文，希惠滌除之貺。慕玄尊救拔之理，儼恪威儀；繫上聖濟度之科，肅嚴齋戒。金龍法信，寶座朝真。諷誦靈章，虔祈聖祐。重念齋官，位居分理，職守方隅。

生民悉繫於慘舒，作福盡由於禱請。醮勞萬慮，懇悃一心。念及勳賢，至于烝庶。或立功報國，在王事歿身。或禦難忘家，向他邦而喪己。或行商坐賈，積貨亡軀。或作吏傷廉，取財殞命。或遭時疫癘。或作亂寇攘。赦所不原，刑用誅戮。亦乃孤惇絕嗣，剃落焚身，陰魄無依，陽魂靡託。春秋乏享，烏鵲傳音。集爲旱澇之災，散作螟蝗之害。功高未顯，圖廟食以無因；罪大難原，望憑依而後悔。俱沉五苦，皆滯九幽。匪仗玄恩，難離陰府。恩惟太上慈聖北極真君，勅山川土地之神、社廟城隍之主，追招遣喚，引領搜尋。盡赴靈壇，俱來聽受。咸辭鬼錄，共冠天儀。沐浴恩波，超登聖果。奉

逍遙於金闕，申讚詠於玉京。聖力優加，神功拔擢。載誕中華之境，必生上善之門，然願齋主福被親姻，榮延忠孝。灾殃盡滅，瑞炁同臻。地運發生，天儀玄曜。灾星戢彩，祥炁騰光。玄化恢弘，皇圖盛大。河清海晏，雨順風調。百穀滋豐，五兵偃戢。萬民富樂，

九德光孚。品物咸亨，飛潛遂性。上蒙天尊慈悲之澤，下副臣等歸命之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦是修。預以同學，普得昇虛。與天相保，長存無憂。

二願諸天，結炁澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠逮有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕，虧盈安清。光照諸天，洞消暗冥。保固劫運，世祚和平。普加潤惠，澤灑衆生。

五願星辰，與日月齊光。轉燭照耀，映朗十方。各安其位，經緯直行。保鎮家國，無有灾傷。四海寧一，普天

興昌。

六願四時，隨節推遷。景氣和調，無有灾患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民，普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國土日昌。四鎮安睦，兵革不揚。天人歌唱，吉應來翔。敷教濟濟，威化洋洋。兆庶稱慶，長樂未央。

十二願蝗飛蠹動，已生未生。咸蒙安全，普得生成。皆見元炁，受陽之形。草木果林，經冬不零。一切濟度，

靡不鮮榮。和與道合真。

復爐

香官使者、左右龍虎君、侍香諸靈官，當令臣建齋之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，侍衛蘭烟，傳臣向來所啓，速達徑御太上无極大道至真玉皇上帝御前。

出戶

太上黃籙齋儀卷之三十五

太上黃籙齋儀卷之三十六

唐廣成先生杜光庭集

普度幽魂遷拔落景行道

入戶

各禮師，存念如法

衛靈

五星高曜，瑞炁飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁同流。神光照夜，陰翳俱收。萬仙降格，扇景乘飈。羣生咸遂，惠遍神州。

鳴法鼓二十四通

无上玄元太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神，急上關啓。臣今奉爲入意以今朝元行道，願得玉清道炁靈寶妙光下降，流入臣等身中。即使玄壇清淨，内外成真。天無

氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上无極大道至真玉皇上帝御前。

各稱法位

上清玄都某嶽先生臣等，同誠上啓。虚无自然元始天尊，无極大道太上玉晨道君，太上老君，无上玄老，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等宿植良緣，遭遇玄化。生成羣有，濟拔幽沉。叨奉師資，佩三清之祕籙，參承玄旨，諷三洞之真經。品列仙階，名昇玉簡。未能陶神瑩骨，絕跡冲襟。空依衆妙之門，多犯明真之律。向以受法之日，申盟五帝，告誓三官。濟度天人，弘贊家國。凡有禱請，理合申陳。今奉懇誠，固難遏絕。所承詞旨，敢不上聞。

讀詞

按如詞懇，理濟幽明。伏念齋主某以歷劫功深，諸天善勝。仰自然之道化，奉無極之元尊。匡國致君，愛親事長。弘救拔之深旨，憫沉滯之幽魂。惻隱興懷，隳傷寫志。遵憑聖教，以報大恩。披黃籙典章，啓玄壇階級。崇嚴鎮綵，恭獻香花。告三官五帝之靈，朝金闕玉房之聖。臣等依經修奉，稟戒精嚴。滌慮凝神，洗心注念。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，上資皇家宗社、九廟威靈。德契無爲，功宣有截。皇帝龍圖永固，鳳歷彌昌。混一車書，和同海嶽。兆民攸賴，百度惟貞。德化昭宣，奕葉繁茂。萬方寧謐，九曜高明。遁跡修真，師宗父母。咸遊八極，早翥三清。今故燒香，歸依師尊大聖衆。至真之德，得道之後，昇入无形。和與道合真。

以今落景行道，請法衆等，運茲二捻上香。願此香烟騰空，徑上供養無

上至真經寶。臣等歸身歸命，首體投地，仰依太上三尊。願以是功德，奉福齋官。九玄七祖，往逝神儀。判除奪紀之名，增益記功之簡。昇真仙境，流慶子孫。長居得一之貞，揚名後世；永懋持三之寶，服訓前脩。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香烟騰空，徑上供養无上至真師寶。臣等歸身歸命，首體投地，仰依太上三尊。願以是功德，恩流庶品，福被萬民。咸遂生成，各均利濟。爰及蓬飄旅魄，浪泛遊魂。罹八難之深殃，脫九幽之極苦。未除黑簿，莫記丹書。咸願慈尊，降垂靈貺。命天官而總錄，勅地府以全收。皆赴壇筵，盡霑救度。永離惡趣，俱植善根。託蔭人天，受生快樂。今故燒香，歸依師尊大聖衆，至真之德，得道之後，昇入无形。和與道合真。

懺悔

三啓

大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上無極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

上清玄都某嶽先生臣等，重啓太上無極大道元始天尊，太上玉晨道君，太上老君，十方至真大聖，太一天尊，天帝天帝，三十六部尊經，玄中大法師，三界應感，一切真靈。臣等獲以凡微，參奉大道。三師盟授，三寶真經。供養尊禮，以求所願。荷恩崇重，喜懼交襟。臣等受法之日，約當宣揚正化，開度幽明。凡有所陳，理宜關奏。以齋官弟子某任居分闔，位重鈞衡。佐道立功，弘善贊法。竊睹近年之內，封域之中。俗值凶荒，人罹災沴。雖時無旱澇，而氣有愆調。貧病札瘥，飢羸歉厄。悠悠生聚，坐被中傷；惴惴黎元，多成困斃。以致形骸未保，性命不全。

老幼嬰痾，死亡枕藉。且人之處世，頃刻一生。電逝風馳，固難長保。所歿之者，其例甚多。或有事主忘軀，報君盡節。死於陣敵，不顧生全。或經販求財，死於貪利。或干名徇祿，歿於求榮。或稟性頑凶，行心險詐。恩不及物，惠不及人。僻差居懷，褊躁成性。偶有疾苦，無人供奉。一旦嬰痾，遂至困劇。或飢寒逼迫，內外侵傷。殍死路歧，無人收拾。或猪拖狗拽。或鼠喫蟲餐，生困路途，死填溝壑。或風吹日曬。或雨洗霜侵，莫睹肌膚，空殘骸骨。或手足不具。或頭脚都無，零落尸形，甚可悲念。今則併令拮拾，共爲□埋。豈別女男，不分老小。免令暴露，咸得蓋藏。況以大教之中，慈悲爲本。務先掩蔽，理切傷嗟。又先聖運心，儒宗制禮。起封種柏，猶防地媪之侵欺；掩骼埋胔。免起生人之嗟嘆。蓋欲使生者和泰，歿者安全。豈時數之使然，亦正理之所致。內懷憂痛，外切愍傷。是以詣某處，備玄門齋醮。仰申懺謝，上聞於三十六天；廣徧歸依，

普告於十方世界。伏冀至真衆聖、元始高尊，勅三官五帝之司，告六趣九幽之內。盡加渥澤，咸使安貞。赦生前歿後之愆，釋考責憂勞之苦。沐浴天澤，洗滌幽陰。鍊度形魂，出離罪惱。生者，必蒙其濟祐；死者，咸契於往生。齋主某特爲瘞藏，共爲塋塚。各安其所，並保其宜。速遂往生，勿爲留滯。然願四時和暢，六氣均調。物泰人安，時寧俗阜。至於茫茫之夜府，常垂懺拔之緣；杳杳之天堂，果叶安貞之願。上明天尊大慈之澤，下副臣等歸命之誠。謹啓以聞。

發願

一願大道流行，普天懷德。二願一切有生，咸皆悟道。三願九夜幽魂，一時解脫。四願孤爽無依，咸得受生。五願天下太平，五穀豐登。六願臣忠子孝，君仁父慈。七願四海通同，冤親和釋。八願潛胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，香火洞案爐前。令臣學道得道，求仙得仙。齋主獲福，幽顯沾恩。十方仙童玉女，侍衛蘭煙，傳臣向來所啓，速達徑御太上无極大道至真玉皇上帝御前。

出戶

太上黃錄齋儀卷之三十六

太上黃籙齋儀卷之三十七

唐廣成先生杜光庭集

遷拔清旦行道

入戶

各禮師，存念如法

衛靈

青陽虛映，曜日回靈。神虎辟邪，飛天流鈴。摧奸滅試，萬魔束形。九微回道，八威攝精。千真校錄，三元蕩清。左嘯中黃，右策六丁。七轉八合，周旋天經。聖化巍巍，三道順行。慶雲流布，合景黃庭。

鳴法鼓二十四通

无上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今奉爲入意，修齋行道，謝過祈恩。願得玉清道炁靈寶妙光下降，流入臣等身中。即使紫清鬱勃，玉闕開明。五

帝輔根，萬神攝真。體圓珠映，乘景驂宸。金光煥赫，御炁上清。令臣所啓，速達徑御太上無極大道無形無名虛无自然金闕玉陛下。

各稱法位

具位臣某與臨壇官衆等，謹同誠上啓虛无自然元始天尊，無極大道太上大道君，太上老君，无上玄老，十方尋聲救苦天尊，已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上官靈寶至真明皇道君，三十六部尊經，玄中大法師，三界宮屬一切真靈。臣等伏聞，大道垂文，元尊演教。濟生度死，佐國安人。普及幽明，同臻覆祐。臣以夙承玄訓，獲被職司。宜廣慈風，以拯羣品。况奉詞旨，敢不上聞。

讀詞

按如詞言，理宜開濟。以弟子某誠深修奉，志切懺陳。願開肆赦之期，以拔幽牢之苦。紋繒法信，騰款諸天。油燭香花，質心三界。冀因精感，上達

真靈。以今清旦行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊靈、宗祧先聖。融神太漠，蔭芝蓋以端居；觀妙上清，躡蓮臺而縱步。延祥鳳曆，流福鴻圖。皇帝澤廣滄溟，壽均衡霍。走梯航於萬宇，而慈惠於羣生。良輔正臣，共匡景運。文功武德，旁布寰區。父母師資，林棲谷隱。紀功瓊簡，證品仙階。今故燒香，歸依師尊大聖衆，至真之德，得道之後，昇入无形。和與道合真。

以今清旦行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流齋主某家。九祖七玄，及亡靈神識。解幽纏於地簡，息罪咎於陰宮。釋考對於三塗，和冤仇於六趣。超離地獄，昇入福堂。聽法聞經，叅真證道。九幽長夜，咸睹光明。蠢動飛沉，咸均巨福。今故燒香，歸依師尊大聖衆，至真

之德，得道之後，昇入无形。和與道合真。

以今清旦行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流齋主某家。永息灾凶，長臻福壽。禎祥允萃，眷屬攸宜。普及羣生，同登壽域。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

各思九色圓象，咽液，命魔密呪步虛，旋遶

太極分高厚，輕清上屬天。人能修至道，身乃作真仙。行溢三千數，時丁四萬年。丹臺開寶笈，金口爲流傳。大梵三天主，虛皇五老尊。尚難窺微妙，豈復入名言。寶座臨金殿，霞冠照玉軒。萬真朝帝所，飛鳥躡雲根。濛濛如細霧，冉冉曳銖衣。妙逐祥煙上，輕隨綵鳳飛。幾陪瑤室宴，忽

指洞天歸。佇立扶桑岸，高奔日帝暉。

三禮

臣等至心稽首禮，太上无極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，謹重誠上啓太上无極大道元始天尊，太上大道君，太上老君，十方无極大道道德衆聖，天尊至真，太帝天帝，天師君，上相上宰，四司五帝，三十六部尊經，玄中大法師，三界官屬一切尊靈。臣等獲履法門，參修祕妙。琅函寶笈，真訣靈科。得以遵行，敷弘神化。伏尋玄旨，依按經圖。行教立功，救物爲本。所以玉晨大聖、元始天尊，垂萬行之津梁，開八門之拯度。重泉逝魄，幽夜窮魂。霑惠露以清涼，燭慈光而超濟。動逾億劫，咸保安全。齋主某憂切亡魂，志希遷拔。恐其稟生之後，及無始以來，六欲十纏，恣行罪咎。六情三業，累劫過尤。不悟正真，罔知禁忌。乘非履惡，日積月深。犯天地神明，觸陰陽曹府。名書

地簡，魂閉幽牢。不睹光明，無由濟拔。是以束身歸命，懺謝愆瑕。敷列壇場，遵依科式。紋繒法信，油燭香花。質懇致心，仰期通感。伏惟至真高聖，十極尊靈，開罔極之恩，降大慈之澤。勅下十方世界飛天神人，依三籙簡文，告下九龍符命，於太山酆都、三十六獄，及五嶽地司，開赦魂神，解銷惡對。出重冥之域，入福善之庭。陶以太和，沐以靈澤。洗滌罪惡，灌鍊形魂。浴丹霍之宮，經洞陽之府。去離憂惱，觀聽法音。克證道階，利安見在。舉家享福，眷屬康寧。徧及幽明，旁周動植。同懽妙樂，咸契無爲。聖力所覃，普天全濟。上明天尊大慈之澤，下副臣等懺謝之誠。謹啓以聞。

發念

一念爲道四大，合德齋主。七世父母，免墮憂苦。上昇天堂。衣食自然。

二念帝王國主，道化興隆。庠序濟濟，皇教恢弘。威儀翼翼，普天所瞻。民稱太平，四夷賓伏。妖惡自滅，

聖賢自生。

三念法師，功德大建。教化明達，俱獲飛仙。

四念同志學人。早得仙道，更相開度。

五念九親和睦，好尚仁義。貴道賤財，行爲物範。

六念損己，布施道士及飢寒者。天下人民，各得其所。

七念蠕動跛行。一切衆生，咸蒙成就。

八念赦貸前生。今世罪對，立功補過。

九念家門隆盛。宗廟有人，世生賢才。

十念尊受經師，不敢中怠平等。一心廣度，剋獲上仙。白日登天，拜見太上。永成真人，雲車羽駕。和與道合真。

復爐

香官使者、左右龍虎君、侍香諸靈官，當令臣朝元之所，自然生金液丹碧芝英。百靈衆真，交會在此，洞案爐

前。令臣體耀金輝，斬伐胞根。七玄拔擢，百關備仙。解除死籍，宴坐泥丸。東華紀字，策景虛玄。十方仙童玉女，接待香煙，傳臣向來所啓之言，速達徑御太上无極大道無形無名虚无自然金闕玉陛下。

出戶

太上黄錄齋儀卷之三十七

太上黄錄齋儀卷之三十八

唐廣成先生杜光庭集

遷拔中分行道

入戶

各禮師，存念如法

衛靈

丹靈朱火，炎霞激風。赤輪剛運，天光八衝。迸威包羅，交變萬方。流金豁落，羣魔滅蹤。辟奸破妖，明耀元功。金符召制，躡雲策龍。謠歌慶會，散花太空。神化冥運，四極安隆。伏御帝前，罔有不恭。

鳴法鼓二十四通

无上玄元太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域，真官正神。臣今行道謹奏爲入意，願得玉清道炁靈寶妙光下降，流入臣身中。令臣所啓，速達太上无極大道虚无自然金闕玉陛

下。

各稱法位

具位臣某等，謹同誠上啓虛无自然元始天尊，无極大道太上大道君，太上老君，高上玉皇，十方已得道大聖衆至真諸君丈人，三十六天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等夙承玄運，獲履法門。窺眄靈章，遵行科典。所宜棲身巖谷，遁跡靈泉。擺落塵誼，精修祕妙。而至真慈育，以濟物爲先；大道度人，以立功爲本。宜申拯救，普及幽明。况有請祈，理難寢絕。今奉詞旨，敢不上聞。

讀詞

按如詞言，志希開濟。緬茲幽夜，義在憫傷。竊惟大象分形，稟生毓質。乘和委順，體地法天。虚白難全，機緣易惑。識塵流蕩，幻境推遷。犯誤既多，罪條無量。沉流永夜，億劫難原。唯託熏修，冀其昇濟。是敢披心三洞，

歸命諸天。黃籙開懺拔之科，玄都有遷神之品。式憑虔潔，庶贖愆瑕。各運丹心，用祈禎祐。以今中分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流社稷尊靈，宗祧先聖。昇遊真境，超證仙階。宴處南宮，流祥北闕。帝圖延永，聖壽遐長。被聲教於八溟，混車書於萬國。今故燒香，歸依師尊大聖衆，至真之德，得道之後，昇入无形，和與道合真。

以今中分行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流齋主某家。九世七玄，億曾萬祖。出幽陰之域，昇清淨之鄉。受福朱陵，鍊神丹霍。亡靈冥識，蕩滌宿瑕。罪簡落名，青宮列籍。超離苦趣，解釋幽牢。得昇長樂之庭，克證無爲之果。今故燒香，歸依師尊大聖衆，至真之德，得道之後，昇入无形，和與道合真。

以今中分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流齋主某家。眷屬親緣，同資勝福。祿延壽永，罪滅灾祛。廣及羣生，遐周有識。俱登壽域，共沐玄慈。今故燒香，歸依師尊大聖衆，至真之德，得道之後，昇入无形，和與道合真。

禮方

懺悔

各思九色圓象，嚙液，命魔密呪步虚，旋遶

旋步雲綱上，天風颯爾吹。飄裾凌斗柄，秉笏揖參旗。獅子銜丹綬，麒麟導翠輜。飛行周八極，幾見發春枝。

綠鬢魏丹幘，青霞絡羽衣。晨趨

陽德館，夜造月華扉。搏弄周天火，韜潜起陸機。玉房留不住，却向九霄飛。

水噴魔宮懾，燈開夜府明。九天風靜默，四極烝澄清。嘯詠朱陵府，翱翔白玉京。至誠何以祝，國祚永安寧。

三禮

臣等至心稽首禮，太上无極大道。
臣等至心稽首禮，三十六部尊經。
臣等至心稽首禮，玄中大法師。

重稱法位

具位臣某謹重伸上啓太上无極大道元始天尊，太上大道君，太上老君，十方无極大道道德衆聖，三十六部尊經，玄中大法師，上相上宰、四司五帝，三界官屬一切真靈。臣聞，至聖垂慈，開八門而拯苦；真經演化，布三洞以度人。惠溥幽明，澤周天地。得緣斯旨，遂罄丹誠。弘道立功，用裨明訓。齋主某以亡靈陶形復古，稟氣初天。從無始以來，泊于今日。隨化機之運，惑夢境之中。六識起塵，十纏迷性。易生罪咎，旋積過尤。或犯觸真靈。或旁干禁忌，上違天道，下爽地冥。或故殺誤傷，貪財害義。虧慈讓之德，失禮樂之和。侵暴生靈，損傷物命。罪結三官之府，名遍五帝之司。身歿以來。慮成報對。或陰關拘滯。或異趣飄淪。長夜冥冥，無由濟拔。是敢束心禱福，瀝懇祈天。紋繒效請命之儀，龍

綵備遷神之信。然九幽神燈，照燭長夜；禮十方睿號，開濟重陰。上告諸天，下關諸地。及五嶽羅酆之境，三塗六趣之鄉。惠露息於焦勞，慈風蠲其熱惱。使冤仇和釋，債訟消平。焚黑薄於艷山，刻丹篇於南極。千愆萬過，咸賜蕩除。鍊神流火之庭，瑩魄少陰之闕。上生仙品，乘化天衢。然願三景，著明二儀。交泰五兵，戢息百穀。滋豐天祚，遐長聖壽。延永龍神，幽贊風雨。均調蠢類有生，咸蒙全育；某家存亡受福，眷屬沾榮。泉府冥津，並登真果。上明天尊大慈之澤，下副臣等歸命之誠。謹啓以聞。

發願

一願大道，淡泊虛無。安閑空寂，澄清自居。廣開法門，教導頑夫。皆蒙惠澤，精苦自修。預以同學，普得昇虛。與天相保，長存無憂。
二願諸天，結炁澄清。高虛廣覆，保真固靈。氣候調節，四運和平。國安民豐，普天閑寧。廣濟一切，惠達有生。保天長存，億劫不傾。

三願土地，覆載無窮。安平不陷，海淪不崩。保鎮家國，兆民興從。養生安死，惠周十方。禾稼滋植，營運日豐。咸得厚載，萬類皆從。

四願日月，二景高明。無有薄蝕，虧盈安清。光照諸天，洞消暗冥。保固劫運，世祚和平。普加潤澤，惠灑衆生。

五願星辰，與日月齊光。轉燭照耀，朗映十方。各安其位，經緯直行。保鎮家國，無有災傷。四海寧一，普天興昌。

六願四時，隨節推遷。景氣和調，無有災患。疫毒消滅，普天安平。五穀豐熟，國富民歡。

七願浮雲，結炁聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟羣生，人同劫年。

八願風雨，流灑無窮。普加施泄，受其發揚。萬物滋生，國儲民豐。
九願五嶽，各安其方。巍巍包藏，長爲仙宮。安鎮國祚，保天無終。護

度一切，莫不仰宗。

十願江海，蕩蕩無極。含容恢廓，無細不植。淵奧柔惠，潤加蠕息。天人獲慶，年同劫石。

十一願帝王，國主日昌。四鎮安睦，兵革不揚。天人歌唱，吉應來翔。敷教濟濟，威化揚揚。兆庶稱慶，長樂未央。

十二願，螭飛蠶動，已生未生。咸蒙安全，普得生成。皆見元氣，受陽之形。草木果林，經冬不零。一切濟度，靡不鮮榮。和與道合真。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，香案爐前。令臣學道得道，求仙得仙。十方仙童玉女，接待香煙，傳臣向來所啓之言，速達徑御太上无極大道虚无自然金闕玉陛下。

出戶

太上黄錄齋儀卷之三十八

太上黄錄齋儀卷之三十九

唐廣成先生杜光庭集

遷拔落景行道

入戶

各禮師，存念如法

衛靈

五星高曜，瑞氣飛浮。元始集神，天地交周。玉符寶節，嘯命微幽。擲火揚威，奸凶無留。萬魔振伏，紛葩却消。摧怪伐惡，道炁周流。神光照夜，陰翳俱收。萬神降格，扇景乘鸞。群生咸遂，惠遍神州。

鳴法鼓二十四通

无上三天玄元始三炁太上道君，召出臣身中，三五功曹、左右官使者、侍香金童、傳言散花玉女、五帝直符直日香官，各三十二人出。出者，嚴裝關啓玄壇天帝神君，當召此間土地里域、真官正神。以今落景燒香行道入意，願得玉清道炁靈寶妙光下降，流入臣等身中，令臣所啓，速達徑御太上无極大道

虚无自然金闕玉陛下。

各稱法位

具位臣某謹同誠上啓虚无自然元始天尊，无極大道太上大道君，太上老君，无上玄老，十方已得道大聖衆至真諸君丈人，三十六天帝君，玉虚上帝，玉帝大帝、東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬一切真靈。臣等獲以福階，遭逢道運。金書演教，玉簡開圖。佩服靈文，遵承妙訓。竊惟虚皇立極，太上懸科。惠及幽明，恩沾生死。北酆夜府，神光垂照燭之慈；南霍仙庭，真格示超昇之品。粵自億劫，以及茲辰。靈澤灑其塵勞，法舟濟其淪溺。拯生度死，佐國利人。妙鍵玄樞，人天蒙祐。臣等思弘祕蹟，遷護存亡。凡有所祈，理宜關奏。况奉詞旨，敢不上聞。

讀詞

按如詞言，事形廣濟。齋主某誠深修奉，志切追崇。拯幽夜之庭，痛窮泉之苦。虔誠齋薦，冀獲感通。臣等按靈

寶尊經，明真上品。啓琅函玉匱，拯幽夜沉淪。依飛天神人，說罪福緣；對拔度科典，開設壇場。繒燭香花，質心效信。列詞騰款，關告諸天。所期福被陰冥，惠覃家國。以今落景行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流宗廟先靈，超神三境。帝王國主，比德二儀。鳳曆延洪，龍圖遐永。天元朗晏，地紀安寧。風雨順時，生靈康泰。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲二捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流齋主某，九世七玄，億曾萬祖。先亡後逝，一切魂靈。六趣幽沉，三塗苦爽。並願釋愆地簡，削罪陰曹。鍊魄洞陽，生神丹霍。冰泉夜府，永無報對之勞；地獄冥關，盡化清涼之境。冤仇

和釋，債訟消平。利祐見存，克蒙貞吉。今故燒香，歸依師尊大聖衆，至真之德，得道之後，昇入无形。和與道合真。

以今落景行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，歸流率土有生，普天含識。俱承蔭祐，各遂安寧。泊乎六道輪迴，九陰拘執。神輝普照，離苦生天。聖力遐沾，聞經悟道。齋主某家六姻五族，內外親緣。恒福所資，災纏弭息。齋功所及，罪咎蠲消。壽祿增延，禎祥臻萃。含靈蠢動，一切衆生。共荷鴻休，咸登道域。今故燒香，歸依師尊大聖衆，至真之德，得道之後，昇入无形。和與道合真。

禮方

懺悔

三啓頌

樂法以爲妻，愛經如珠玉。持戒制六情，念道遣所欲。澹泊正氣停，蕭然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲入大乘。因心立福田，摩法輪昇。七祖生天堂，我身白日騰。大道洞玄虛，有念無不契。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

三禮

臣等至心稽首禮，太上無極大道。臣等至心稽首禮，三十六部尊經。臣等至心稽首禮，玄中大法師。

重稱法位

具位臣某等，重伸上啓太上無極大道元始天尊，太上大道君，太上老君，十方無極大道道德衆聖天尊至真，大帝天帝，天師君，上相上宰、四司五帝，三十六部尊經，玄中大法師，三界應感一切真靈。臣等獲以凡微，參奉大法。三乘演化，至道開光。龍篆鳳書，天章玉訣。咸蒙稟受，克遂遵行。未能匿景幽林，棲神世表。以希高舉，謝絕塵寰。而與俗沉浮，混同常品。愆非旋積，修奉不專。徒以弘贊教儀，敷揚妙訓。度人濟物，佐國立功。冀罄丹誠，

仰助玄化。普令一切，咸入法門。開慶存亡，拯護幽顯。今齋主某，謄詞列款，齋信效心。依按典儀，奉修齋直。露懇三光之下，投誠萬聖之前。然九幽神燈，照三塗罪苦。破彼昏暗，開諸光明。行道轉經，虔誠懺悔。仰慮亡靈神識，無數劫來。捨身受身，循環報質。或生天上。或誕人間。或處中華。或居異域。或貴或賤，或富或貧。或不悟善因。或不逢正法。或執信邪妄，輕毀正真。或妬妬賢明，誹謗良善。或邪行曲逕，冒利貪財。絕人種親，離人恩愛。傷殘物命，淫祀殺生。危人自安，害他利己。十惡三業，興造罪根。肆意任情，繁奢無度。或釣川弋宿，焚林竭山。刑法非宜，殺傷乖理。或爲臣不忠，穢慢三光，呵忿雷雨。不敬天地，不畏神明。積行所爲，罪條無量。或前冤未解，宿債未原。往報未祛，深殃未懺，身歿之後，流曳三官。痛毒備嬰，魂神幽閉。在窮泉之下，地獄之中。一沉永夜，生道斷絕。動經億劫，開度無由。或受幽囚，

或充考掠。負山運石，漣汲溟波。走電驅雷，辛勤無息。冥冥受報，望返何期。自非大道開恩，天尊愍護。負斯痛惱，懺拔無階。以今一念至誠，洗心歸向。無邊之苦，並乞赦除。伏冀歷劫種親，億曾魂爽。垂茲勝福，咸得生天。墳冢安全，註訟寧息。九泉罷考，幽夜光明。六道四生，含靈抱識。俱登福岸，齊契正真。上願道化興行，二儀貞靜。三光朗曜，帝業遐昌。文軌大同，烽煙罷戢。干戈疫毒，水火旱蝗。無撓黎元，無侵境域。俗臻富壽，化洽和平。齋主某家眷屬六親，常承玄祐。千災殄息，萬善資熏。所啓所祈，克蒙御達。所首所謝，皆獲感通。上明天尊慈施之澤，下副臣等懺謝之誠。謹啓以聞。

發願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤魂無依，咸得受生。五願天下太平，五穀豐熟。六願臣忠子孝，君仁父慈。七願四海通同，冤親

和釋。八願潜胞處卵，咸得生成。九願積疾新痾，旋即痊愈。十願孤露衆生，豐衣足食。

復爐

香官使者、左右龍虎君、侍香諸靈官，當令臣行道之所，自然生金液丹碧芝英。百靈衆真，交會在此，洞案爐前。令臣學道得道，求仙得仙。十方仙童玉女，接待香煙，傳臣向來所啓之言，速達徑御太上無極大道金闕玉陛下。

出戶

太上黃籙齋儀卷之三十九

太上黃籙齋儀卷之四十

唐廣成先生杜光庭集

解考三時行道

投詞，禁壇，宿啓，一如靈寶法
衆官列位於玄師前，立定

唱道

華夏讚，引至地戶

入戶

旋行，上五方香從東爲始

上御案香

上香密呪

上本位香

各禮師，存念如法

衛靈

晨精朗曜，紫煙御空。星壇煥映，
變化雲宮。日魂月魄，離坎翼中。
金真嘯命，神虎辟艷。吉日行事，
八威鼓從。玉華羅敷，徘徊飛虹。
天光下盼，道炁豐隆。含靈普濟，
流慶無窮。

鳴法鼓二十四通

无上玄元太上道君，召出臣身中，

三五功曹、左右官使者、侍香金童、傳
言玉女、五帝直符直日香官，各三十二
人出。出者，嚴裝關啓此間土地里域、
真官正神，急上關啓。臣今奉爲入意，願
得靈寶自然生神妙炁下降，流入臣等身
中，令臣所啓之言，速達徑御太上无極
大道虚无自然金闕玉陛下。

各稱法位

具位臣某謹同誠上啓虚无自然元
始天尊，无極大道太上大道君，太上老
君，昊天玉皇上帝，十方已得道大聖
衆，至真諸君丈人，三十六天帝君，玉
虚上帝，玉帝大帝，東華南極西靈北真
玄都玉京金闕七寶玄臺紫微上官靈寶
至真明皇道君，三十六部尊經，玄中大
法師，三界官屬一切真靈。臣等伏聞，
大化既分，萬靈稟質。陰陽昇降，以定
其死生；賞罰幽明，以彰其罪福。古
今無爽，巨細必均。至道宣慈救之科，
靈寶有懺祈之典。式憑齋薦，以拯幽
昏。臣獲備職司，得披玄奧。凡有陳
露，敢不上聞。

讀詞

按如詞言，志深修奉。仰慮億曾
萬祖、內外親緣，爰及亡靈，前生累劫。
有難原之罪，莫大之愆，無量無邊，結
固不解。或在十方世界，五嶽九幽，及
水府地司，陰宮夜境，窮魂苦魄，執閉
重泉。水火風刀，晝夜考掠。形神毀
悴，痛毒難勝。注引子孫，殃流後胤。
冥冥長夜，解脫無由。輒按經科，願希
遷拔。精修齋直，懺解乞恩。恪注丹
誠，上祈玄鑒。以今某分行道，請法衆
等，運茲初捻上香。願此香煙騰空，徑
上供養无上至真道寶。臣等歸身歸命，
首體投地，仰依太上三尊。願以是功
德，歸流某家，三十六世、九祖七玄，爰
及亡靈，一切幽爽。願神光下照，息幽
暗於九冥；道力普沾，罷考對於諸獄。
冤仇銷釋，罪咎蠲除。浴魂神於流火
池中，託生化於南昌宮內。天衣掛體，
惠露澄心。永絕惡緣，長登福界。今
故燒香，歸依師尊大聖衆，至真之德，
得道之後，昇入无爲。和與道合真。

以今某分行道，請法衆等，運茲二

捻上香。願此香煙騰空，徑上供養无上至真經寶。臣等歸身歸命，首體投地，仰依太上三尊。願以是功德，歸流國家，九廟尊儀，宗祧先聖。凝神絳闕，垂賜鴻圖。皇帝德契三無，仁敷九有。寰瀛昭泰，風雨均調。卜年遠邁於宗周，弘化克光於大漢。干戈不作，夷夏乂康。今故燒香，歸依師尊大聖衆，至真之德，得道之後，昇入无爲。和與道合真。

以今某分行道，請法衆等，運茲三捻上香。願此香煙騰空，徑上供養无上至真師寶。臣等歸身歸命，首體投地，仰依太上三尊。願以是功德，奉福某家，永享福祥，咸臻貞吉。灾消未兆，罪滅無涯。九族六親，共成玄祐。洎乎飛沉動植，含識有情。地獄幽塗，四生六趣。道風遐扇，聖澤普沾。同悟無爲，盡昇諸品。今故燒香，歸依師尊大聖衆，至真之德，得道之後，昇入无爲。和與道合真。

禮方

東方

臣等至心歸命東方无極大道太上老君，太上丈人，元始天尊，東鄉神仙諸靈官。三禮，各虔誠懺謝。

懺悔已後做此

臣等今故燒香，奉爲某乙修建靈寶解考妙齋，轉經行道，懺悔億曾萬祖，及三十六世已來，爰及亡靈，若亡若存無邊之罪。或行違正道，諂佞無端。嫉妬賢能，濁亂神道。酷虐無度，殺戮任心。負誓違盟，魘蠱謀議。殃罪結固，積若丘山。責重考深，未蒙原解。魂神執繫，在木官東嶽刑擣獄中，銅柱鐵床金鎚之考。晝夜痛毒，食息無寧。注訟生人，求乞赦拔。冥冥長夜，解釋無由。以今行道結齋，祈恩懺滌。伏冀大慈開宥，道力垂光。告下東府之中，擣官門下。解存亡殃考，遷拔魂神，受福天堂。生神上境，幽明咸泰。仰荷玄恩，得道之後，昇入无爲。和與道合真。

南方

臣等至心歸命南方无極大道太上老君，太上丈人，元始天尊，南鄉神仙

諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖，及三十六世、九祖七玄，下及亡靈，若存若亡無邊之罪。或任心楚毒，殺害無辜。結誓違盟，魘害於物。邪淫放蕩，凌暴貞良。違背善階，興造罪業。冒犯天地日月，一切神明。考重殃深，未蒙原赦。魂神執繫，在火官南嶽刑擣獄中，爐炭焚燒刑殘之苦。晝夜考掠，痛毒難勝。殃注子孫，流逮無已。冥冥長夜，解拔無由。以今懺謝洗心，修齋行道。伏冀三尊鑒祐，大聖垂慈。告下南宮火官、刑擣門下，赦其積罪，開放幽魂。出霍山地獄之中，生洞陽朱宮之內。子孫蒙福，永荷靈恩。得道之後，昇入无爲。和與道合真。

西方

臣等至心歸命西方无極大道太上老君，太上丈人，元始天尊，西鄉神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖，

及三十六世已來，爰及亡靈，若亡若存無邊之罪。或行乖慈育，不惠不仁，不忠不孝。毀傷良善，犯冒神明。違越五常，恣行諸惡。魔禱呪詛，造作無端。考重殃深，未蒙原赦。魂神執繫，在金官華山刑擣獄中，劍樹刀山風雷之苦。晝夜考掠，痛毒備嬰。注訟子孫，殃流見在。冥冥長夜，解拔無由。以今懺謝乞恩，修齋行道。伏乞大慈哀育，萬聖迴光。告下西府之中，擣官門下。解拔幽苦，原赦魂神。託廕神庭，往生淨域。見存安泰，永荷玄恩。得道之後，昇入無爲。和與道合真。

北方

臣等至心歸命北方無極大道太上老君，太上丈人，元始天尊，北方神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖，三十六代已來，下及亡靈，若存若亡無邊之罪。或上違天道，下犯地司。穢瀆三光，輕凌四大。怨恚風雨，牽引鬼神。魔蠱於人，殘害於物。魂神執對，在水

官鎮山刑擣獄中，寒冰夜庭冰河之苦。肌肉凍裂，痛毒難勝。引逮生人，求乞救拔。冥冥長夜，解釋無由。以今行道修齋，虔誠懺謝。伏冀天尊大聖，降罔極之恩。告下北府之中，考官門下。赦其罪咎，遷拔苦魂。出長夜寒庭，離三塗五苦。上生淨域，利祐見存。族屬安寧，存亡開泰。蒙如所願，仰荷玄恩。得道之後，昇入無爲。和與道合真。

東北方

臣等至心歸命東北方無極大道太上老君，太上丈人，元始天尊，東北鄉神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。或爲子不孝，爲臣不忠，爲父不慈，爲君不道。妬賢嫉善，背正崇邪。口是心非，自欺形影。五逆徧造，衆惡備行。枉害無辜，傷殺非理。從生入死，怨徹上天。呪詛神明，魔禱巫蠱。殃深罪重，繫在土官下元刑擣獄中。

考掠萬般，形魂毀瘁。冥冥長夜，解拔無由。因今懺罪乞恩，立齋行道。伏冀十天降宥，三聖開恩。告下土府之中，考官門下。解釋罪對，原赦魂神。離執閉之鄉，出重檻之苦。浴神丹霍，騰景朱陵。注訟永除，子孫寧泰。存亡同福，仰荷玄恩。得道之後，昇入無爲。和與道合真。

東南方

臣等至心歸命東南方無極大道太上老君，太上丈人，元始天尊，東南鄉神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。或潛爲強暴，肆意凌人。輕侮孤窮，憎嫌老病。彰人之惡，掩人善功。瀆亂親疏，抑伏孤弱。圖謀非道，訕謗聖賢。破人成功，嫉人勝己。傷殺非理，縱橫任心。引天地日月星辰以爲質證，罪深責重，魂繫地府考官獄中。水火風刀，晝夜考掠。更相注逮，解拔無由。以今懺謝宿愆，修齋行道。伏

冀十方上聖，五帝高尊。告下東南方刑擣獄中，考官門下。拔贖幽魄，盥沐形魂。積罪蠲消，宿殃除蕩。生神福路，利祐見存。禍滅九陰，灾沉四境。幽明同福，永荷玄恩。得道之後，昇入无爲。和與道合真。

西南方

臣等至心歸命西南方无極大道太上老君，太上丈人，元始天尊，西南鄉神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。或綺言無實，矯詐非真。欺誑賢愚，凌侮真聖。附強抑弱，貪瀆無厭。或爭利競財，互相殘害。或圖榮嗜色，侵虐貞賢。結誓立盟，牽神引鬼。因成殃對，積在幽冥。魂繫地府之中，考官門下。緘閉重陷，不睹光明。考掠備嬰，終天無解，以今修齋行道，謝罪乞恩。伏冀上聖上真，大慈大宥，神光下照，陰闇開明。告下西南方刑擣獄中，考官門下。幽魂開度，淨域上生。

福善遐沾，存亡俱泰。蒙如所啓，仰荷玄恩。得道之後，昇入无爲。和與道合真。

西北方

臣等至心歸命西北方无極大道太上老君，太上丈人，元始天尊，西北鄉神仙諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。深殃重考，累劫未原。六趣三塗，受諸報對。魂神執繫在地官刑擣獄中，痛毒難堪，延殃後嗣。更相流注，億劫無窮。以今懺罪立齋，乞蒙哀宥。伏冀衆尊上聖，普降慈光。解救窮魂，出離幽苦。告下西北方刑擣獄中，考官門下。深愆洗蕩，積孽銷平。冤對和寧，存亡開度。蒙如所啓，仰荷玄恩。得道之後，昇入无爲。和與道合真。

上方

臣等至心歸命上方无極大道太上老君，太上丈人，元始天尊，上方神仙

諸靈官。三禮，各虔誠懺謝。

臣等今故燒香，奉爲某乙修建靈寶解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。或上犯真道，穢慢三光。裸露神明，呵忿雷雨。欺罔真聖，不懼幽明。九府結形，三官舉考。魂神執繫，在三塗九幽刑擣獄中。流曳寒庭，幽閉長夜。冥冥億劫，不睹光明。流注子孫，引逮存歿。更相拘礙，洗滌無由。以今行道立齋，披心懺謝。伏冀三尊大聖、諸天衆真，三光列宿，四司五帝。同垂巨澤，普降洪恩。告下上方地獄之中，考官門下。赦除積罪，拔度苦魂。昇入福堂，聞經悟道。存亡俱泰，注訟永消。一切有情，同登福岸。蒙如所啓，仰荷玄恩。得道之後，昇入无爲。和與道合真。

下方

臣等至心歸命下方无極大道太上老君，太上丈人，元始天尊，下鄉神仙諸靈官。三禮，各虔誠懺謝。

臣等今故燒香，奉爲某乙修建靈寶

解考妙齋，轉經行道，懺悔億曾萬祖及三十六代已來，下及亡靈，若存若亡無邊之罪。或妄爲師道，刻截土地、丘陵、岡原王脉，毀傷墳廟。禁遏神祇，塞絕水源，斷山湮谷。破城隍社稷，犯侯伯土官。不懼神明，恣行罪咎。魂神執繫，在下方世界九幽地獄之中。汲長夜之河，以灌四瀆。負山運石，謫役萬端。痛苦備嬰，終天無解。上延前世，下及子孫。報對未原，殃重考責。以今立齋行道，懺拔罪根。伏冀上聖衆尊，開慈救之澤。告下九地五嶽、四瀆山川、泰山岱宗、酆都地府、下方世界刑擣獄中，考官門下。赦除積生累劫，無量罪因。遷拔窮魂，出離幽苦。逍遙真境，安處福庭。胤嗣繁昌，存亡同福。蒙如所啓，仰荷洪恩。得道之後，昇入無爲。和與道合真。

十方

臣等至心歸命十方已得道大聖衆、至真諸君丈人，十鄉神仙諸靈官。三禮，各虔誠懺謝。

臣衆等歸身歸神歸命，今故燒香行

道，奉爲某乙修建太上靈寶解考妙齋，懺悔三十六代以來，億曾萬祖，下及亡靈，若存若亡無邊之罪。或上犯諸天大聖、大道衆尊、三光五行、虛空聖衆，風雲雷雨、一切神明。或下犯五嶽諸山、三十六地、丘陵水府、地下職司。或干冒聖賢，違悖仁義。犯古今靈跡，乖四大五常。動結罪因，率成殃對。十惡備造，五逆徧爲。生無善功，死有惡對。沉淪五苦，流曳三塗。謫役窮魂，未蒙原赦。以今修齋行道，懺拔罪根。伏冀太上三尊，開大慈之澤，降九龍符命。告下諸方世界考官地獄之中，出長夜之魂。沐浴朱陵之庭，冠帶洞陽之府。生神福岸，流貺子孫。吉祐來臻，存亡安泰。蒙如所啓，仰荷玄恩，得道之後，昇入無爲。和與道合真。

各思九色圓象，咽液，命魔密呪步虛，旋遶

太極分高厚，輕清上屬天。人能修至道，身乃作真仙。行溢三千數，時丁四萬年。丹臺開寶笈，金口爲流傳。大梵三天主，虛皇五老尊。尚難

窺微妙，豈復入名言。寶座臨金殿，霞冠照玉軒。萬真朝帝所，飛鳥躡雲根。

華夏吟哦遠，人聲自抑揚。冲虛歸道德，曲折合宮商。殿閣沉檀散，樓臺月露涼。至誠何以祝，多稼永豐穰。

三禮

臣等至心稽首禮，太上無極大道。

臣等至心稽首禮，三十六部尊經。

臣等至心稽首禮，玄中大法師。

重稱法位

具位臣，某謹重誠上啓太上無極大道元始天尊，太上道君，太上老君。臣等獲以凡微，承奉科戒。遵行聖旨，職在救人。濟拔存亡，普令安泰。凡有陳告，敢不上聞。今有某官齋信奉詞，披誠露懇。請修齋直，謝罪乞恩。臣依典按儀，考尋玄式。竊聞先人爲善，則福及子孫；爲惡，則殃流後世。罪福報對，如影隨形。非備懺祈，無由洗滌。某家九玄七祖，後逝先亡。無數劫來，恐犯諸罪目。或犯三元所禁百八十條。或犯玉匱罪源一十四品，六情所構，三業所爲，十惡衆非，積在陰府。

或目耽五色，不識正真。耳滯五聲，不聞至理。口貪五味，食噉傷生。身處五纏，染欲傷性。或上違天道，犯日月星辰。下犯地冥，及山川丘廟。中悖人事，虧仁義之和。爲子爲臣，不忠不孝。爲君爲父，不道不慈。口是心非，妬賢嫉善。侵害人物，凌侮孤貧。離親合疏，崇邪背正。剝刻財利，侵奪功名。竭澤焚林，釣潛弋宿。飛鷹走狗，烹殺無邊。或九族相殘，六親相暴。言無義讓，行必侵欺。或爲職爲官，貪財爲志。調上虐下，以取威名。楚撻無辜，誅殺非罪。或誓盟呪詛，牽引神祇。或土木興功，毀傷墳廟。任心肆意，罪結禍深。魂繫三塗，幽閉長夜。千痛萬考，億劫難原。杳杳天堂，法橋路斷。冥冥地獄，出離無由，遂使覺注生人，災纏後嗣。所爲躓滯，動遇凶衰。因今瀝懇披心，歸依懺謝。冥祈三寶，稽首諸天。伏冀大聖垂慈，普賜哀宥。勅四司五帝、三界威神，告下地府九幽、考官僚屬，原赦億曾萬祖，一切魂靈。釋罪除愆，和冤解咎。開重

牢幽獄，放赦苦魂，劍樹摧鋒，刀山偃刃。寒鄉冥夜，盡睹光明。瑩質南丹，昇神碧落。逍遙八景，參乘十天。擣官等遷秩太真，飛行金闕。某家灾殃殄息，善貺來臻。登壽福之階，享安貞之報。泊乎四生六趣，有識有情。同賴勳修，並昇道岸。三光玄曜，六氣均和。帝祚遐長，天下咸泰。上明天尊大慈之澤，下副臣等懺謝之誠。謹啓以聞。

發願

一願乾坤明素。二願氣象清玄。三願聖人萬壽。四願化洽八埏。五願天垂甘露。六願地發祥煙。七願四時應節。八願萬物生全。九願家多孝悌。十願國富才賢。十一願醮官獲福。十二願學道成仙。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，存歿沾恩。令臣所啓之言，速達徑

御太上无極大道虚无自然金闕玉陛下。

言功口章

具位臣某等，稽首上啓太上无極大道元始天尊，太上大道君，太上老君，三十六部尊經，玄中大法師，靈寶官屬一切真靈。臣等獲奉正真，參修祕妙。思弘齋福，以濟生靈。臣以某月某日爲某官以某事，奉修靈寶解考大齋，懺謝存亡，解銷冤考。燒香然燈，照耀諸天。誦詠靈音，行道禮懺。解億曾萬祖，囚謫罪魂。乞免離十苦八難，轉入信根。若干日，若干夜行道轉經。今功圓事竟，謹遷立齋所，請兵馬騎乘及靈寶官屬、監齋衛真諸吏、監臨衛護有功勤者，謁言真官，進品上仙，加爵帝秩。令臣等功圓行滿，騰景九天。日月同暉，三寶齊耀。惟蒙上聖，鑒映丹心。臣等或進止犯科，不合儀式。未悟之罪，一乞原除。五體真官，隨功遷賞。受秩事訖，與臣等同昇。謹啓以聞，伏須告報。臣等誠惶誠恐，稽首再禮以聞。

臣姓某屬某郡縣某觀

太清玄元无上三天无極大道太上老君，太上丈人，天帝君，九老仙都君，九炁丈人，百千萬重道炁、千二百官君，太清玉陛下。

某年太歲某月某朔某日某於某處拜上

法事畢，散送三師等，如靈寶儀。若一中行道，不須宿啓。如一日兩夜或日數稍多，即依靈寶科文，啓齊署職，宣禁說戒。言功後，還戒復職。事事如法，不得率爾而行。

太上黃籙齋儀卷之四十

太上黃籙齋儀卷之四十一

唐廣成先生杜光庭集

懺悔

夫行道建齋，庠序爲本。稍加紛擾，即失軌儀。瞻睹既爽，其禮容關奏，因虧於俯仰。非唯獲譴天府，亦恐貽誚同人。若露壇之中，風雨將至。盛暑之月，凝寒之時。或早暮失時，或別有驚擾。若頓停法事，即惶遽失常。若備盡科文，即遲迴非便。可壇前都講，便存神步虛。或驚急異常，務從簡要。即三啓大謝可也。以時消息，無至膠柱也。

二十方都懺

衆官北向，都講唱曰

臣等至心歸命十方无極太上靈寶天尊，十極天君，三光五嶽、三河四海、三十六部尊經，一切神仙諸靈官。禮足，各虔誠懺悔。或隨方唱之，各一拜

臣等伏聞，道以無爲，德而不宰。籠萬法作域中之大，跨九流開衆妙之門。善惡之理既分，罪福之科攸著。所以南宮丹籙，上生爲賞善之資；北府黑書，注死乃繩非之本。用章懲勸，以拯昏蒙。先明立教之端，方契無爲之旨。今謹有黃籙大齋主某官某乙，誠惟忠孝，恩重君親。思酬煦育之仁，乃啓焚修之會。謹齋香花法信、龍璧紋繒。歸命十方无極太上靈寶天尊，日月星宮至真大神，靈山洞府五嶽真君，水府尊靈，三寶官屬，十方三界，一切真靈。特乞開慶賜之恩，降大慈之澤。赦齋主某家億曾萬祖、幽爽神儀，長夜寒庭，俱令解脫。泊乎三姻五族、眷屬親緣，禍滅九陰，福生三景。灾凶靜息，祿壽遐長。皇帝聖越義農，壽均天地。儲宮藩屏，長贊休期。皇后嬪妃，永匡聖業。庶僚百辟，傾翼輔之。心萬國四方，混車書之化。干戈不作，風雨順常。日月貞華，星辰合度。艷都罷對，蠢動安全。克符清靜之宗，俱契希夷之道。得道之後，昇入无形。和與

道合真。

二十方分懺

衆官左行，西立，東向，都講唱

曰

臣等至心皈命東方无極太上靈寶天尊，九炁天君，東鄉神仙諸靈官。禮足各，虔誠懺悔。

東方

臣等伏聞，少陽建位，初開碧落之宮；木德司方，爰闢青元之府。行春令而群芳資始，出震域而帝業永昌。宜憑抱育之仁，盡罄歸依之懇。今謹有黃籙大齋主某荷生成之德，感覆載之私。謝過祈恩，建齋行道。謹齋青紋之繒一疋、金龍一枚，歸命東方无極太上靈寶天尊，九炁天君，東鄉神仙諸靈官。竊以至道流慈，群芳寧泰。陽和布化，品物昭融。先祈國祚延弘，聖躬和暢。扶桑蓬島之外，車軌混同；東明肅慎之鄉，禎祥入貢。次及齋主某家九玄滯識，落罪錄於岱宗；五族姻親，列仙名於東斗。灾衰屏息，祿算延長。過咎自消，善慶臻集。幽明庶類，並沐

玄恩。得道之後，昇入无形。和與道合真。

南方

臣等伏聞，丹天肇啓，彤雲結流火之庭；赤帝建都，絳氣肅明霞之殿。播陽靈而光九有，宣火德而照重冥。既資長養之仁，宜竭精誠之禱。今謹有黃籙大齋主某乙仰惟家國，爰泊君親。謝過祈恩，建齋行道。謹齋絳紋之繒一疋、金龍一枚，歸命南方无極太上靈寶天尊，三炁天君，南鄉神仙諸靈官。竊以陽德照臨，無幽不被。至真應物，有感必通。先祈上福聖躬，允昌大業。赤烏效瑞，丹鳳來儀。邊城無烽燧之虞，絕域有梯航之貢。次及齋主某家，九玄七祖，鍊質朱陵。五族六親，列名丹簡。灾衰不作，過咎自消。祿算增延，福慶臻集。含靈蠢動，俱沐玄恩。得道之後，昇入无形。和與道合真。

西方

臣等伏聞金方大帝，御璿闕以開圖；素德天君，處琳宮而演教。右極

控浮羅之嶽，西華分太妙之都。仰惟肅殺之威，一切生成之望。今謹有黃籙大齋主某乙誠深家國，義重君親。謝過祈恩，建齋行道。謹齋素紋之繒一疋、金龍一枚，歸命西方无極太上靈寶天尊，七炁天君，西鄉神仙諸靈官。竊以瓊簡垂科，義先拯濟。金真流貺，仁切裁成。先祈福祐聖朝，保安鼎祚。瑤緘玉曆，增帝業以無疆；白鳳素麟，彰瑞圖於遐永。次及齋主某家九玄幽爽，神昇鬱密之宮；見在宗親，名列西那之境。灾消未兆，福降維新。動植蒙恩，存亡俱泰。得道之後，昇入无形。和與道合真。

北方

臣等伏聞，五炁氤氳，凝結爲廣寒之域；重陰浩邈，陶甄爲沉默之鄉。宣一德而濟萬方，弘上善而敷衆妙。式憑玄化，仰備齋誠。今謹有黃籙大齋主某乙，義重君親，志深家國。建齋行道，謝過祈恩。謹齋玄紋之繒一疋、金龍一枚，歸命北方无極太上靈寶天尊，五炁天君，北鄉神仙諸靈官。竊以

玄德無私，周流萬國。至功遐被，亭毒六虛。所祈上奉聖圖，永延天壽。比滄溟而不竭，齊北極以常寧。次及齋主某家，九祖七玄，永離幽府。出艷都之境，登廣漠之宮。見在宗親，紀名玄錄。灾殃殄滅，過咎潜消。祿壽維新，福祥臻集。得道之後，昇入无形。和與道合真。

東北方

臣等伏聞，艮山聳翠，流坎水之餘波；天宇浮青，肇震木之嘉氣。揚至化於蒼元之境，扇靈風於紫極之庭。仰睿德以發生，伫神功而開度。今謹有黃錄大齋主某乙，上惟家國，爰泊君親。謝過祈恩，建齋行道。謹齋黃紋之繒一疋、金龍一枚，歸命東北方无極太上靈寶天尊，梵炁天君，東北鄉神仙諸靈官。竊以和煦將分，飛沉咸泰。真精獨運，靈化無方。先祈延福宗祧，齊二儀而安社稷；傳休聖主，均兩曜而燭萬方。次及齋主某家，九世七玄，蛻質於空歌之域；六親五族，題名於暘谷之宮。算壽內延，灾殃外息。幽

明同慶，蠢動沾榮。得道之後，昇入无形。和與道合真。

東南方

臣等伏聞，丹華闕下，凝梵炁以爲宮；絳府庭中，揚巽風而煦物。百谷職朝宗之所，三山標靈化之奇。浸德澤以無涯，配玄功而不宰。今謹有黃錄大齋主某乙誠深家國，義重君親。謝過祈恩，建齋行道。謹齋黃紋之繒一疋、金龍一枚，歸命東南方无極太上靈寶天尊，梵炁天君，東南鄉神仙諸靈官。竊以大道弘慈，恩波普洽。凝至真而下濟，臻靈貺以無遺。特乞上福鴻圖，比遐長於溟海；潛資聖壽，等崇峻於蓬山。次及齋主某家，九祖神儀，釋幽扃於地戶；見存眷屬，列仙籍於天文。過咎自消，灾衰永息。禍沉未兆，福降維新。動植生靈，普臻道廢。得道之後，昇入无形。和與道合真。

西南方

臣等伏聞，二象分靈，紐沉機於坤野；重陰定位，凝至靜於地維。對日域以稱雄，控月門而立極。群材資之

以生植，萬法體之以靜安。今謹有黃錄大齋主某乙，爲國爲家，建齋行道。謹齋黃紋之繒一疋、金龍一枚，歸命西南方无極太上靈寶天尊，梵炁天君，西南鄉神仙諸靈官。竊以至聖高真，雖迎隨而莫得；儲休降祉，在祈感而必通。特乞資福聖圖，保寧大業。九圍澄靜，六合乂康。次乞齋主某家，九世七玄，息地司之簡對；幽靈滯識，沙雲路以逍遙。見在宗親，記名仙府。灾衰不作，祿算增延。一切生靈，同均福祐。得道之後，昇入无形。和與道合真。

西北方

臣等伏聞，玉帝凝旒，御天門而布化；金靈宅位，奄乾陸以疏基。衆星垂拱極之文，萬象體元亨之運。實司罪福，以統生靈。今謹有黃錄大齋主某乙，恩重君親，誠深家國。建齋行道，謝過祈恩，謹齋黃紋之繒一疋、金龍一枚，歸命西北方无極太上靈寶天尊，梵炁天君，西北鄉神仙諸靈官。竊以天道昭明，運行不息。靈仙幽贊，敷祐無

遺。特乞上福聖朝，克凝庶績。延洪帝業，永致雍熙。次乞齋主某家，九世七玄，六親滯識。棲神崑閬，飛步煙霞。見在宗親，災衰不作。祿延壽永，禍滅福生。蠢動含靈，咸保元吉。得道之後，昇入无形。和與道合真。

上方

臣等伏聞，一炁冲融，運太虚而成象；二儀昭煥，闢寥廓以無涯。分五億之天，列三千之境。風雷寒暑，均四序以何言；肅殺生成，隨六虚而不宰。今謹有黃籙大齋主某，荷廣覆之慈，感裁成之德。建齋行道，謝過祈恩。謹齋碧紋之繒一疋、金龍一枚，歸命上方无極太上靈寶天尊，三十六天帝君，玉京玄都紫微上宮諸真人，神仙玉女，无極世界上鄉神仙諸靈官。竊以玄化周行，無幽不燭。天真廣濟，有感必通。特乞資慶國朝，克昌天祚。昭宣帝道，寧泰群方。次乞齋主某家，九祖七玄，擢魂天闕。見存姻屬，列字仙階。壽祿增崇，凶灾殄息。三途九夜，同沐玄恩。得道之後，昇入无形。和與道合

真。

下方

臣等伏聞，陰靈肇位，厚地裁形。廓八表以無垠，分九圍而不極。群方資以運載，品物因以生成。今謹有黃籙大齋主某乙，誠切君親，義深家國。建齋行道，謝過祈恩。謹齋黃紋之繒一疋、金龍一枚，歸命下方无極太上靈寶天尊，高皇九土，四司五帝，十二仙君，九宮真人，神仙玉女，无極世界下鄉神仙諸靈官。竊以上聖垂文，普幽明而幸慶；至真演教，極覆載以沾恩。特乞降瑞帝宮，延祥天闕。配坤輿而永固，齊厚地以無虧。次乞齋主某家，祖世神儀，超離陰府。見存姻屬，安處福鄉。祿壽延長，灾凶殄息。含靈蠢動，俱沐玄功。得道之後，昇入无形。和與道合真。

日宮

臣等伏聞，曜靈舒彩，陽景騰暉。晨昇暘谷之墟，夕隱虞泉之岸。九芒低散，循黃道以摘光；五色潜分，上碧虚而薦瑞。既荷鑒臨之德，實思昭報

之儀。今謹有黃籙大齋主某，為國為家，齋持法信。建齋行道，謝過祈恩。至心皈命日宮至真大聖，日中皇君明皇真人，丹霞玉女，皇華洞明太光童子，日宮神仙諸靈官。特乞昭祐聖躬，光敷寶祚。上齊兩曜，下燭萬方。次乞齋主某家，存歿沾恩，灾殃静息。永奉無私之照，長遵有道之風。身得光明，與太陽同景。得道之後，昇入无形。和與道合真。

月宮

臣等伏聞，至陰懸象，玉兔凝華。遵九道以流暉，盈虧有準；分十枝而散彩，照燭無私。仰蒙鑒祐之恩，實思昭報之禮。今謹有黃籙大齋主某，為國為家，齋持法信。建齋行道，謝過祈恩。至心皈命月宮至真大聖，月中皇君素皇真人，散暉玉女，月宮神仙諸靈官。特乞降福宗桃，延祥祚曆。乾坤等固，日月齊明。齋主某家，祿壽增新，存亡咸泰。灾衰不作，過咎自消。身得光明，與太陰同景。得道之後，昇入无形。和與道合真。

星宮

臣等伏聞，二景分暉，衆星列曜。三台五緯，綴圓碧以流光；七正三宮，布太清而垂象。主張海嶽，統制生靈，仰蒙鑒映之恩，輒思昭報之禮。今謹有黃籙大齋主某乙，齋持法信，爲國爲家。謝過祈恩，建齋行道。至心皈命諸天星宿，璇璣北辰，五星北斗，九星三台，二十八宿，周天三百六十五度星中大神、星中真人、星中神仙諸靈官。特乞潛扶大業，幽贊聖朝。辰極齊尊，景星效瑞。齋主某家，九玄開度，舉族安寧。祿壽延長，凶灾殄息。有禎祥之慶，無臨照之虞。身得光明，與星宮同景。得道之後，昇入无形。和與道合真。

東嶽

臣等伏聞，五山定位，泰嶽居尊。積翠凝嵐，聳雲亭於天外；層峰疊嶂，控日觀於海涯。下統陰靈，潛司罪福。今謹有黃籙大齋主某乙，爲國爲家，謝過祈恩。至心皈命東嶽泰山青帝真君，飛仙真人，名山洞府，得道神仙諸

靈官。伏冀匡祐聖躬，扶持帝業。乾坤共泰，海嶽齊安。齋主某家，存歿蒙恩，祿算增永。千灾不作，百福維新。得道之後，昇入无形。和與道合真。

南嶽

臣等伏聞，火行建極，赤帝分都。洞啓朱陵，藏煙霞於海外；峰標紫蓋，捧日月於雲間。既爲真聖之司，兼統死生之籙。今謹有黃籙大齋主某乙，爲國爲家，謝過祈恩。至心皈命南嶽衡山赤帝真君，飛仙真人，名山洞府，得道神仙諸靈官。伏冀降福南天，延休北闕。瑶圖益固，聖日增明。齋主某家九祖幽靈，上丹丘而蛻影；見存眷屬，列紫府之題名。祿算惟崇，灾衰永息。得道之後，昇入无形。和與道合真。

西嶽

臣等伏聞，蓮峰聳翠，華嶽稱雄。臨八水以孤標，旁分帝闕；壓九河而迴拔，下鎮神州。密統真靈，明司罪福。今謹有黃籙大齋主某乙，爲國爲家，謝過祈恩。至心皈命西嶽華山白帝真君，飛仙真人，名山洞府，得道神

仙諸靈官。特乞孚祐鴻圖，匡扶聖日。祚延萬業，壽等三峰。齋主某家存歿安寧，祿算增永。灾消未兆，福降無涯。得道之後，昇入无形。和與道合真。

北嶽

臣等伏聞，崇嶽橫空，截坎郊而蔽日；群山積秀，據北陸以扶天。雄吞朔漠之鄉，高鎮幽燕之野。含藏雷雨，制御死生。今謹有黃籙大齋主某乙，爲國爲家，建齋行道。至心皈命北嶽恒山黑帝真君，飛仙真人，名山洞府，得道神仙諸靈官。伏冀延福帝宮，保寧休運。龍圖嶽固，鳳紀天齊。齋主某家九祖超昇，出幽都之暗域；六親昭泰，奉聖日之暉華。罪滅灾消，壽延祿永。得道之後，昇入无形。和與道合真。

中嶽

臣等伏聞，四野之尊，群山之長，嵩高維嶽，峻極于天。高低而三十六峰，翠橫鞏洛；綿亘而幾千萬里，青捧穹旻。主宰生靈，司明罪福。今謹有黃籙大齋主某乙，爲國爲家，祈恩謝過。至心皈命中嶽嵩山黃帝真君，飛仙真

人，名山洞府，得道神仙諸靈官。伏冀上福宗祧，克安寰海。丕圖嶽固，聖壽天齊。齋主某家七世靈儀，棲神玉洞。六親姻屬，列字瓊文。灾厄蠲消，壽祿增永。得道之後，昇入无形。和與道合真。

水府

臣等伏聞，上善爲功，御坎宮而積德；至柔成性，流巽海以澄波。資靈於混漠之先，縱聖於乾坤之外。浮天浴日，難窮浩蕩之源；泛地蒸雲，莫究渺茫之際。下關龍神之府，兼分罪福之曹。統制無私，幽明咸賴。今謹有黃籙大齋主某乙，爲家爲國，謝過祈恩。至心皈命扶桑大帝、暘谷神王，三河四海、九江水帝，十二河源水府神仙諸靈官。伏冀福祐九重，流祥萬國。龜書龍篆，薦符瑞於堯年；海晏河清，比靈長於聖運。齋主某家九玄神識，除水府之罪書；五族六親，紀蓬宮之仙錄。灾殃自息，祿算增崇。蠢動飛沉，共沾玄澤。得道之後，昇入无形。和與道合真。

經寶

臣等伏聞，大道分光，初演不言之教；天尊布化，漸垂有作之文。由是結氣成章，凝雲作篆。字方一丈，耀八角之靈芒；跡散諸天，諧五會之音律。千二百戒行，萬二千威儀，三十六部尊經，三千六百科律。修之則長生不死，羽化神仙；奉之則匡國致君，安人濟物。總包萬法，普度群生。今謹有黃籙大齋主某乙，爲家爲國，謝過祈恩。至心皈命至真无上三十六部尊經，自然經戒，十方正法、諸天祕藏、真文寶符、侍經仙公、仙卿仙伯大夫，典儀護法一切靈司。伏冀降福九天，垂休萬國。聖躬和暢，寶祚遐長。齋主某家九代神儀，上名丹簡。六親族屬，列品紫文。灾厄清消，福壽增廣。三塗九夜，同沐神功。得道之後，昇入无形。和與道合真。

太上黃籙齋儀卷之四十一

太上黃籙齋儀卷之四十二
唐廣成先生杜光庭集

士庶消灾二十方懺悔
先禮方
次懺悔
東方

臣等伏聞，玄化區分，超於震域。冠五行之首，爲四序之先。興帝道而庶物發生，播仁德而群方咸遂。今謹有黃籙大齋主某恩酬造化，願謝過愆。率勵精誠，按依科式。謹齋青紋之繒一段、金龍一枚，皈命東方无極太上靈寶天尊，九炁天君，東鄉神仙諸靈官。竊以恍惚之教，妙用難量；寂寥之方，變通叵測。朗初陽而臨八極，流灑氣而被九垓。下察精虔之心，上沾亭毒之惠。伏願齋主某家九玄七世，名上紫文。見在宗親，功題青錄。長逢聖運，永樂堯天。有識含生，俱蒙玄祐。得道之後，昇入无形。和與道合真。

南方

①「永」字原缺，據上下文義補。

臣等伏聞，離德重明，真精煥耀。佐二儀以運化，騰三炁而生成。闢氛翳於高空，蕩昏冥於遐域。齋主某思酬玄造，虔罄丹誠。敷列壇場，按依科式。謹齋絳紋之繒一段、金龍一枚，皈命南方无極太上靈寶天尊，三炁天君，南鄉神仙諸靈官。竊以大化無私，玄恩普洽。凝至真於象外，流要妙於寰中。俯鑒禱祈，曲流慈恕。伏願齋主某家九玄滯識，列字丹文。見在親姻，題名紫籙。得道之後，昇入无形。和與道合真。

西方

臣等伏聞，兌澤潛流，金天乘運。悅茲萬物，叶覆載之心；應彼四時，導生成之化。群材受職於剛斷，庶類取則於義方。齋主某荷天地之恩，願申崇報；思過愆之積，志切懺除。敷列壇場，按依科式。謹齋素紋之繒一段、金龍一枚，皈命西方无極太上靈寶天尊，七炁天君，西鄉神仙諸靈官。竊以玄化多方，有求必應。至公惟一，無感不通。凡所虔祈，實希昭祐。伏願齋主某

家九玄神識，遷上朱陵。見在宗親，記名玄圃。得道之後，昇入无形。和與道合真。

北方

臣等伏聞，啓至陰而兆運，習盛德於坎宮。萬物得以歸休，群方資而靜息。齋主某思酬玄化，載竭丹誠。敷列壇場，按依科式。謹齋玄紋之繒一段、金龍一枚，皈命北方无極太上靈寶天尊，五炁天君，北鄉神仙諸靈官。恩沾品物，總御神明。德被萬生，普加幽顯。凡所祈向，克獲感通。伏願赦齋主某家往世靈儀，逍遙道境。見在眷屬，福祿攸宜。一切有情，普沾真祐。得道之後，昇入无形。和與道合真。

東北方

臣等伏聞，造化循環，始終良域。生成品類，混合神明。動靜隨時，變通應感。齋主某思酬照育，願謝愆尤。敷列壇場，仰遵科式。謹齋黃紋之繒一段、金龍一枚，皈命東北方无極太上靈寶天尊，梵炁天君，東北鄉神仙諸靈官。竊以至精獨立，爲化物之祖宗；

真一周行，演度人之法則。凡所皈向，必獲照臨。伏願齋主某家，先遠魂神，上登清境。見存姻屬，長處福庭。蠢動含生，克蒙安泰。得道之後，昇入无形。和與道合真。

東南方

臣等伏聞，大化無私，周流八域。布巽齊之令，對乾健之方。制度所以及人，風教因而被物。齋主某思酬玄化，載竭丹誠。敷列壇場，按依科式。謹齋黃紋之繒一段、金龍一枚，皈命東南方无極太上靈寶天尊，梵炁天君，東南鄉神仙諸靈官。竊以谷神之體，赴響應而不窮；橐籥之心，隨運動而無竭。伏願齋主某家七玄滯爽，昇入朱宮。九族宗禋，永沾鴻福。得道之後，昇入无形。和與道合真。

西南方

臣等伏聞，黃中啓運，博厚分形。動植所以資生，品類因而區別。長川浩邈，難窺四極之涯；大野蒼茫，莫盡八荒之際。今謹有黃籙大齋主某思酬覆育，願謝愆尤。爰備熏修，按依科

式。謹齋黃紋之繒一段、金龍一枚，皈命西南方无極太上靈寶天尊，梵炁天君，西南鄉神仙諸靈官。竊以高真上聖，妙用無方。羽駕雲輶，出無入有。惠加動息，恩溥沉潜。伏願齋主先世神儀，超昇淨域。見存姻眷，福祐暗滋。几百生靈，克蒙玄祐。得道之後，昇入无形。和與道合真。

西北方

臣等伏聞，乾象尊崇，始生群化。保剛健之體，合太和之方。四德周流，人神正其性命；六龍飛伏，陰陽得以變通。今謹有黃籙大齋主某荷覆載之恩，感陶甄之賜。伏慮前生今世，旋積過愆。勵志焚修，冀蒙洗滌。謹齋黃紋之繒一段、金龍一枚，皈命西北方无極太上靈寶天尊，梵炁天君，西北鄉神仙諸靈官。竊以至真寂寞，靡不照臨。玄道杳冥，皆垂鑒祐。伏願齋主某家，宗裡滯爽，鍊質上宮。眷屬親緣，咸蒙貞吉。得道之後，昇入无形。和與道合真。

上方

臣等伏聞，太虛寥邈，玄象穹崇。下列二十八天，上包三十五分。星辰得以環照，日月麗而流暉。既鼓之以雷霆，又灑之以雲雨。冠大羅而廣覆，極空洞以高臨。今謹有黃籙大齋主某荷含育之恩，思崇報之禮。謹齋碧紋之繒一段、金龍一枚，皈命上方无極太上靈寶天尊，三十六天帝君，玄都玉京紫微金闕三清三界梵炁天君，上鄉神仙諸靈官。竊以琳宮瓊闕，祕妙難窮。上聖高真，變通無迹。精誠一啓，渥澤遐敷。伏願齋主某家九世魂儀，昇離幽府。六親族屬，安處福鄉。庶類有生，普垂陰祐。得道之後，昇入无形。和與道合真。

下方

臣等伏聞，沉凝構象，下極重陰。四溟何足擬其深，九澤焉能並其奧。今謹有黃籙大齋主某思酬覆載，爰備熏修。敷列黃壇，按依玄式。謹齋黃紋之繒一段、金龍一枚，皈命下方无極太上靈寶天尊，九壘土皇，四司五帝，下鄉神仙諸靈官。竊以一炁昇淪，高卑

定位。二儀剖判，神化施行。陶冶之用有方，感應之私無迹。伏願齋主某家九元神識，位上朱宮。居世姻親，名題丹籙。得道之後，昇入无形。和與道合真。

日宮

臣等伏聞，太陽韞德，照燭無私。入虞谷以潛暉，出咸池而吐曜。飛騰八虛之外，煥爛六合之中。或蒼蒼於秋容，乍遲遲於春色。齋主某荷無私之照，思崇報之誠。至心皈命日宮皇君明皇真人，丹霞玉女，日宮神仙諸靈官。伏以真靈高潔，人道卑微。仰蒙鑒燭之恩，豈無塵瀆之過。乞垂赦免，從此自新。身得光明，與太陽同景。得道之後，昇入无形。和與道合真。

月宮

臣等伏聞，太陰垂象，盈缺有常。旋迴太虛，照臨宇宙。環暉乍分於二八之夜，璧彩將滿於三五之時。憑此晦明，定其律度。今謹有黃籙大齋主某荷無私之鑒，思崇報之誠。至心皈命月宮皇君素皇真人，散暉玉女，月宮神

仙諸靈官。伏以真靈高潔，人道卑微。仰蒙照燭之恩，豈無塵瀆之過。乞垂赦免，許以自新。身得光明，與太陰同景。得道之後，昇入无形。和與道合真。

星宮

臣等伏聞，陰陽分照，爰次星躔。一十二宮，仰制度於中斗；二十八宿，定樞機於北辰。至乃玉兔騰暉，金烏戢曜。共熒煌於穹蓋，各燦爛於圓羅。動植因以區分，生靈得而稟受。今謹有黃籙大齋主某荷照臨之賜，申崇報之誠。凡所興居，寧無塵犯。至心皈命諸天星宿，璇璣北辰，周天三百六十五度星君，星中真人神仙諸靈官。乞蒙赦免，從此自新。身得光明，與星宮同景。得道之後，昇入无形。和與道合真。

東嶽

臣等伏聞，青春爲四時之首，木德表五行之先。嵯峨對角亢之方，穹崇等齋魯之分。今謹有黃籙大齋主某至心皈命東嶽泰山青帝真君，神仙諸靈

官。切慮塵穢，上犯真靈。乞從首謝，賜蒙福祐。得道之後，昇入无形。和與道合真。

南嶽

臣等伏聞，火德盛於南方，衡嶽標其雄鎮。上當井鬼，旁注湘沅。絕壑積嵐，靄萬重，連峰橫瑞雲千里。今謹有黃籙大齋主某至心皈命南嶽衡山赤帝真君，神仙諸靈官。切慮塵穢，上犯真靈。乞從首謝，賜蒙福祐。得道之後，昇入无形。和與道合真。

西嶽

臣等伏聞，西方秋景，盛德惟金。太華穹崇，削成萬仞。叢蓮倚空，在翠嵐之頂；仙掌捧日，於白雲之中。今謹有黃籙大齋主某至心皈命西嶽華山白帝真君，神仙諸靈官。切慮塵穢，上犯真靈。乞從首謝，賜蒙福祐。得道之後，昇入无形。和與道合真。

北嶽

臣等伏聞，位膺水德，乃鎮北方。臨虛危之邦，橫幽薊之野。千崖競聳，吐雲雨於空濛；萬壑爭馳，藏煙景而

葱蒨。今謹有黃籙大齋主某至心皈命北嶽恒山黑帝真君，神仙諸靈官。切慮塵穢，上犯真靈。許從首謝，賜蒙福祐。得道之後，昇入无形。和與道合真。

中嶽

臣等伏聞，五行之尊，寔惟土德。上當辰極，下鎮雄都。向背而雲壑千層，峭拔而煙岑萬丈。今謹有黃籙大齋主某至心皈命中嶽嵩山黃帝真君，神仙諸靈官。切慮所犯，上觸真靈。乞從首謝，賜蒙福祐。得道之後，昇入无形。和與道合真。

水府

臣等伏聞，大川騰注，天漢飛流。馳不測之波瀾，益無涯之浩漫。鯤鯨得以游泳，龜龍因以伏藏。鼓潮濤而順陰陽，起煙雲而佐天地。下潤之功逾廣，上善之德攸歸。今謹有黃籙大齋主某至心皈命水府扶桑大帝、暘谷神王，三河四海、九江水帝，十二河源，水府神仙諸靈官。切慮塵穢，上犯真靈。乞從赦免，賜垂福祐。得道之後，昇入

无形。和與道合真。

經寶

臣等，伏聞道運宣行，大聖垂迹。金書玉字，鳳篆龍章。寶籙靈圖，神方祕訣。修之，則易凡心而登聖道；行之，則棄塵穢而躡雲衢。科法嚴明，非賢不授。今謹有黃籙齋主某至心皈命，无上至尊，三十六部尊經，真文寶符，諸天祕藏，十方正法，侍衛經典，一切靈司。恐前代今生，犯違正道。無邊之罪，咸乞蕩除。萬聖垂祥，千真介福。存亡俱泰，祿壽增延。九夜三塗，同沾玄貺。得道之後，昇入无形。和與道合真。

太上黃籙齋儀卷之四十二

太上黃籙齋儀卷之四十二

唐廣成先生杜光庭集

士庶消灾五方懺儀

或昇壇，盛寒盛暑及風雨之變，恐失禮容，或致忽遽。宜用此懺，以從簡要。

先禮方

臣等至心皈命十方无極太上靈寶天尊，已得道大聖衆，至真諸君丈人，十鄉神仙諸靈官。三禮，各虔誠懺悔。

次懺悔

臣等伏聞，十極天尊，垂拱於无何之上；五老上帝，開圖於太漠之中。弘道德以化群方，布恩慈而臨品物。凡所祈啓，必獲感通。今謹有黃籙大齋主某官某乙恩重君親，義深家國。將崇福祉，爰設壇場。依按科儀，齋持法信。皈命十方无極太上靈寶天尊，已得道大聖衆，至真諸君丈人，十鄉神仙諸靈官。特乞垂不宰之仁，播無私之澤。降禎祥於宗廟，延祚曆於聖躬。萬國咸寧，五兵自偃。次乞齋主某家九

玄七祖，超度朱宮。五族六親，列名丹簡。千灾不作，百福維新。一切生靈，同臻道廕。得道之後，昇入无形。和與道合真。

三光

臣等至心皈命日月星宮至真大聖，三光神仙諸靈官。三禮，各虔誠懺謝。

臣等伏聞，懸象著明，照臨下土。三光垂曜，品物流形。日帝月君，旁統死生之錄；星宮斗極，兼司罪福之文。今謹有黃籙大齋主某官某至心皈命日月星宮至真大聖，三光神仙諸靈官。特乞垂大有之恩，布無私之德。延休帝業，降福聖朝。增壽曆於無疆，致昇平於萬宇。次乞齋主某家九玄開度，百福咸臻。祿算維新，灾衰永息。三塗九夜，識連珠合璧之輝；蠢動含靈，蒙照燭生成之賜。得道之後，昇入无形。和與道合真。

五嶽

臣等至心皈命五嶽真君，名山洞府得道神仙諸靈官。三禮，各虔誠懺謝。

臣等伏聞，二儀既闢，五嶽分雄。下鎮坤輿，上扶乾蓋。名山靈洞，統制鬼神。陰府仙曹，主張罪福。今謹有黃籙大齋主某官某至心皈命五嶽真君，名山洞府得道神仙諸靈官。特乞鑒映丹誠，降流洪福。先資國祚，密祐帝圖。延鳳紀於億千，齊鶴年於嵩華。次及齋主某家九玄七楊，滯識幽牢。太山除簡對之文，仙洞得逍遙之路。見存姻屬，內外宗親。祿壽增崇，凶灾殄息。落罪書於五嶽，列仙籍於九天。蠢動飛沉，並蒙開泰。得道之後，昇入无形。和與道合真。

水府

臣等至心皈命扶桑大帝，暘谷神王，三河四海、九江水帝，十二河源水府神仙諸靈官。三禮，各虔誠懺謝。

臣等伏聞，八海扶天，泛十洲於物外；九江控日，分六合於寰中。乾坤資運載之功，動植荷涵濡之德。潛包洞府，以統生靈。既司罪福之源，宜罄皈依之懇。今謹有黃籙大齋主某官某至心皈命扶桑大帝，暘谷神王，三河四

海、九江水帝，十二河源水府神仙諸靈官。特乞開上善之仁，播靈長之澤。納禎祥於帝闕，重輯河圖；增壽紀於聖躬，求安海嶽。驚波不作，品類咸寧。次乞齋主某家九祖七玄，生天證道。出泉曲寒庭之境，造方壺圓嶠之宮。見在宗親，同沾景貺。降流福祚，洗滌灾愆。衆善日新，群生俱泰。得道之後，昇入无形。和與道合真。

經寶

臣等至心皈命太上三尊，十方衆聖，至真无上三十六部尊經、真文寶符。三禮，各虔誠懺謝。

臣等伏聞，天地之前，混茫之首。

玉京金闕，已弘大道之風；龍篆鳳文，久闡重玄之教。初傳天上，漸降人間。有長生不死之圖，有利物安人之訓。帝王宗之以布化，至士修之以昇天。爲萬法之根源，實九流之宗本。所宜稟奉，以降休祥。今謹有黃籙大齋主某官某至心皈命三十六部尊經、真文寶符。特乞開大宥之恩，錫無疆之福。永匡聖運，幽贊鴻圖。九重齊海嶽之

安，萬國混車書之化。次乞齋主某家三師九祖，列丹簡之善名；見在親姻，除黑書之罪目。潛通祕訣，密證仙階。祿壽維新，灾凶永息。飛沉動植，俱沐玄恩。得道之後，昇入无形。和與道合真。

太上黃籙齋儀卷之四十三

①「懺謝」二字原缺，據以下各節經文補。

太上黃籙齋儀卷之四十四

唐廣成先生杜光庭集

安宅行道方懺

先衆官列位於玄師前，立定

唱道

入戶

旋行，上五方香東方爲始

上御案香

上本位香

各禮師，存念如法

衛靈

晨精朗曜，紫煙御空。星壇煥映，變化雲宮。日魂月魄，離坎翼中。金真嘯命，龍虎辟艷。吉日行事，八威鼓從。玉華羅敷，徘徊飛虹。天光下盼，道炁豐隆。含靈普濟，慶流無窮。

鳴法鼓二十四通

无上三天玄元始三炁太上老君，召出臣身中，三五功曹、左右官使者、侍香金童、傳言玉女、五帝直符直日香

官，各三十二人出。出者，嚴裝關啓玄壇天帝神君，當召此間土地里域、真官正神入意。願得玉清道炁靈寶妙光下降，流入臣等身中，令臣所啓，速達徑御太上无極大道虛無自然金闕玉陛下。

各稱法位

具位臣某等，謹同誠上啓虛无自然元始天尊，无極大道太上大道君，太上老君，昊天玉皇上帝，十方已得道大聖衆、至真諸君丈人，三十二天帝君，玉虚上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，三十六部尊經，玄中大法師，三界官屬、洞府真仙、太始五帝、靈寶威神、天上地下、一切真靈。臣等伏聞，大道融真，元皇御運。五文開教，三洞宣行。天尊垂廣濟之科，太上播無疆之澤。陶鈞庶品，拯度群生。臣億劫良因，被沐玄化。龍書鳳紀，玉劄瓊篇。得以稟修，用祈昇度。而告盟之始，約匡救爲先。凡有所陳，不容寢絕。况奉詞旨，敢不上聞。

讀詞

按如詞言，情誠丹切。理宜開度，以副玄慈。竊惟五太之前，三靈分化。泊于下古，未雜澆漓。冬穴下巢，懷道抱德。各安所適，玄會無爲。自數兆陰陽，象垂棟宇。吉凶善惡，倚伏相乘。順之則代享禎祥，違之則人罹灾沴。聖人弘訓，愍濟爲心。懺罪祈恩，俾崇齋直。臣等謹相携率，依按典儀。式建壇場，以祈福祐。以今某分行道，請法衆等，運茲初捻上香。願此香煙騰空，徑上供養无上至真道寶。臣等歸身歸命，首體投地，仰依太上三尊。願以是功德，歸流地，仰依太上三尊。願以是功德，歸流

某家九祖七玄，先靈幽爽。栖神絳苑，鍊魄丹臺。襲氣每以登真，御雲嶠而託化。福資來裔，澤及存亡。克荷玄休，常承元吉。今故燒香，歸依師尊大聖衆，至真之德，得道之後，昇入无形。和與道合真。

以今某分行道，請法衆等，運茲三捻上香。願此香煙騰空，徑上供養無上至真師寶。臣等歸身歸命，首體投地，仰依太上三尊。願以是功德，歸流齋主某家。眷屬宗親，同茲禎貺。福延壽永，禍滅災銷。泊乎居宅龍神，陰陽將吏。遷功貿賞，加爵增勳。納吉祐於中宮，蕩災凶於外域。今故燒香，歸依師尊大聖衆，至真之德，得道之後，昇入无形。和與道合真。

禮方

臣等至心皈命東方无極太上靈寶天尊，青帝九炁天君，東鄉神仙諸靈官。三禮，各虔誠懺謝。已後逐方做此

懺悔

東方

臣等奉爲齋主某仰謝，東方至真无

極青帝九炁天君、青龍東斗角亢氏房心尾箕七星君、甲乙寅卯木德震神、少陽之氣九夷老君、勾芒太皞春王正神、帝車帝輅帝舍歲星木官。仰慮居宅之所，犯觸神明。負越禁忌，延致災殃。今故燒香，皈命靈寶天尊。修齋行道，謝過祈恩。伏願解除所犯，賜以福祥。銷中央土氣，一切災凶。罪咎蠲平，災衰靜息。存亡俱泰，福壽維新。舉家貞吉，動植沾榮。蒙如所請，仰荷玄恩。得道之後，昇入无形。和與道合真。

南方

臣等奉爲齋主某仰謝，南方至真无極赤帝三炁天君，朱鳥南斗井鬼柳星張翼軫七星君、丙丁巳午火德離神、太陽之氣八蠻老君、祝融火帝熒惑夏神、帝車帝輅帝舍騰蛇九紫陰陽衆神。仰慮居宅之所，犯觸神明。負違禁忌，延致災殃。今故燒香，皈命靈寶天尊。修齋行道，謝過祈恩。伏願解除所犯，賜以安寧。銷西方金氣，一切災凶。罪咎蠲平，災衰靜息。存亡俱泰，福壽

維新。舉家貞吉，眷屬沾榮。蒙如所請，仰荷玄恩。得道之後，昇入无形。和與道合真。

西方

臣等奉爲齋主某仰謝，西方至真无極白帝七炁天君、白獸西斗奎婁胃昂畢觜參七星君、庚辛申酉金德兌神、少陰之氣六戎老君、蓐收少皞太白秋神、帝車帝輅帝舍咸池刑殺陰陽衆神。仰慮居宅之所，犯觸神明。負違禁忌，延致災殃。今故燒香，皈命靈寶天尊。修齋行道，謝過祈恩。伏願解除所犯，賜以安寧。銷東方木氣，一切災凶。罪咎蠲平，災衰靜息。存亡俱泰，眷屬又安。舉家貞吉，福壽維新。蒙如所請，仰荷玄恩。得道之後，昇入无形。和與道合真。

北方

臣等奉爲齋主某仰謝，北方至真无極黑帝五炁天君、玄武北斗斗牛女虛危室壁七星君、壬癸亥子水德坎神、太陰之氣玄枵辰星五狄老君、玄冥顛頊冬神水官，太一刑殺陰陽正神。仰慮

居宅之所，犯觸明靈。負違禁忌，延致灾殃。今故燒香，皈命靈寶天尊。修齋行道，謝過祈恩。伏願解除南方火氣，一切灾凶。罪咎蠲平，灾衰寧息。存亡俱泰，眷屬乂安。舉家貞吉，福壽維新。蒙如所請，仰荷玄恩。得道之後，昇入无形。和與道合真。

東北方

臣等奉為齋主某仰謝，東北方至真无極梵炁天君，下謝良宮土府太陰之神，魁罡刑破四殺神君。仰慮居宅之所，犯觸明靈。負違禁忌，延致灾殃。今故燒香，皈命靈寶天尊。修齋行道，謝過祈恩。乞罪隨懺滅，福與願來。觸犯之愆，咸使除蕩。存亡俱泰，福壽增延。舉家貞吉，蠢動沾榮。蒙如所啓，仰荷玄恩。得道之後，昇入无形。和與道合真。

東南方

臣等奉為齋主某仰謝，東南方至真无極梵炁天君，下謝風宮地户招搖異神、三刑四殺六辛神君。仰慮居宅之所，犯觸明靈。違犯禁忌，延致灾殃，

今故燒香，皈命靈寶天尊。修齋行道，謝過祈恩。乞罪隨懺滅，福與願來。衆惡蠲銷，千灾蕩散。存亡俱泰，祿壽維新。眷屬安寧，子孫昌盛。蒙如所啓，仰荷玄恩。得道之後，昇入无形。和與道合真。

西南方

臣等奉為齋主某仰謝，西南方至真无極梵炁天君，下謝人門月域攝提坤神四維四極乙癸神君。仰慮居宅之所，犯觸明靈。負越禁忌，延致灾殃。今故燒香，皈命靈寶天尊。修齋行道，謝過祈恩。乞蠲觸犯之罪，隨懺銷平。灾咎不侵，凶衰靜息。禎祥荐至，祿壽增延。眷屬咸安，存亡同福。蒙如所啓，仰荷玄恩。得道之後，昇入无形。和與道合真。

西北方

臣等奉為齋主某仰謝，西北方至真无極梵炁天君，下謝青龍司命天門之神六宮乾位壬甲神君。仰慮居宅之所，犯觸明靈。違越禁忌，延致灾凶。今故燒香，皈命靈寶天尊。修齋行道，

謝過祈恩。乞罪隨懺滅，福與願來。凶灾靜息，祿壽增延。家安人泰，存歿同榮。子孫貞孝，祥瑞來臻。蒙如所啓，仰荷玄恩。得道之後，昇入无形。和與道合真。

上方

臣等奉為齋主某仰謝，上方至真无上梵炁天君，諸天至極上聖高尊，日月星宿八風五行，風雨雷電陰陽正神，上謝乾儀天道、日遊月行、八龍九虎、太一十精、飛旗八殺、北斗七星、天上天下一切神明。仰慮居宅之所，犯觸真靈。負違禁忌，穢慢三光。上不敬天道，下不畏鬼神。愆咎增積，延致灾殃。今故燒香，皈命靈寶天尊。修齋行道，謝過祈恩。乞懺千灾蕩散，萬罪銷平。舉家蒙福，存歿安寧。祿延壽永，禍滅福生。蒙如所啓，仰荷玄恩。得道之後，昇入无形。和與道合真。

下方

臣等奉為齋主某仰謝，下方无極世界神仙正真，高皇土府、九宮真人，四司五帝、十二仙君，靈洞川澤、五嶽尊

神，下謝陰陽所運八卦九宮、五行二宅后土至真、地下侯伯四正諸神、八部禁忌守宅將軍、五土官屬五土子孫及將軍太歲豹尾黃幡、奏書博士刑德衆神、七十二位內外神靈。仰慮居宅之所，犯觸神明。違越禁忌，延致灾殃。今故燒香，皈命靈寶天尊。修齋行道，謝過祈恩。乞一懺罪滅，萬善咸臻。犯觸之咎，並乞銷平。舉家康泰，居止安寧。祿壽增延，存亡同福。蒙如所啓，仰荷玄恩。得道之後，昇入无形。和與道合真。

步虛，旋遶

三禮

臣等至心稽首禮，太上无極大道。

臣等至心稽首禮，三十六部尊經。

臣等至心稽道禮，玄中大法師。

重稱法位

具位臣某等謹重伸上啓太上无極大道元始天尊，太上大道君，太上老君，十方已得道大聖衆至真，太帝天帝，三十六部尊經，玄中大法師，土府太皇，地下五帝，三天大法師，正一真

人，三五官屬、應感真靈。伏聞，玄化宣行，道風遐布。惠周三界，恩溥羣生。盟威懸佐國之科，靈寶著懺祈之品。凡有祈向，克獲感通。弟子某以跡處塵寰，未參幽妙。而卜築之所，居止非宜。竊慮犯忤真靈，違越禁忌。乖八宅五行之候，虧陰陽刑德之方。既切憂疑，願申懺謝。是用肅嚴壇墀，精按典儀。虔備香花，恭修齋直。歸心十極，懺罪諸天。依正一法文，天師具格。謁請三五官屬、天君吏兵，襪却凶邪，解銷灾咎。臣謹爲某上請无上高倉君、都曹正炁君、素車白馬君、考召君、運炁解患守宅君、天上咎逆君、廣司君、北城詔命化喻謀議君、天心刺史從事平天君、无上太和君、收神上明君、上元土君、蓋天大將軍无上天君、赤天倉氣君、四胡君、制地君、天昌君、五鎮大將軍。主爲某家，解除三丘五墓、地下衆精、月食土氣、百病惡逆、盜賊耗害、刑殺凶殃之氣，五瘟百病、刑禱精邪、四方破射、五部兵獵、戶廟呪詛、衆考諸妖之屬，及五行復注之氣，留停藏

匿之神。積世流殃，行年灾厄。十二刑害，中外疆殍。一切凶神，咸從銷解。其有運材捷石，動土興工。犯天地正神，乖陰陽真氣。侵傷土府，違忤神明。幽顯既殊，常情罔測。因今悔謝，並乞蕩除。即使正炁宣行，龍神鎮守。灾殃殄絕，福善來臻。居止安寧，動靜和泰。親緣族屬，同沐利貞。七祖生天，三途清晏。九幽罷對，長夜開光。冤債和平，謀議潛息。伏尸故氣，滯魄幽魂。俱荷福緣，各蒙開度。捨邪歸正，契道通真。帝祚遐長，生靈昭暢。普天全濟，蠢動沾榮。上明天尊廣濟之澤，下副臣等懺謝之誠。謹啓以聞。

發願

一願乾坤明素，二願氣象清玄，三願聖人萬壽，四願化洽八埏，五願天垂甘露，六願地發祥煙，七願四時應候，八願萬物生全，九願家多孝悌，十願國富才賢，十一願齋功廣被，十二願善瑞日臻。

復爐

香官使者、左右龍虎君、侍香諸靈官，當令臣行香之所，自然生金液丹碧芝英。百靈衆真，交會在此，香火爐前。令臣學道得道，求仙得仙。齋主受福，幽顯沾恩。十方仙童玉女，接待蘭煙，令臣所啓之言，速達徑御太上无極大道金闕陛下。

出戶

太上黃籙齋儀卷之四十四

太上黃籙齋儀卷之四十五

唐廣成先生杜光庭集

安宅方懺

都懺

臣等今故燒香，歸身歸神歸命，奉爲某乙修齋行道，仰謝十方无極太上靈寶天尊，已得道大聖衆、至真諸君丈人，日月星宿、三界諸天，五嶽水府、三寶威神，天上天下、十極尊靈，下及中黃九土、戊己黃神，土府五帝、六甲五行，九宮八卦、陰陽正神，太歲刑德、一切神明。仰慮居宅，修造之所，犯觸靈司。或侵傷地理，穢塞泉源。明違禁忌，幽忤龍神。積成罪目，解謝無由。以今修齋行道，懺悔祈恩。伏冀天尊流貺，靈寶開光。百神介福，五帝垂休。解除所犯，賜以自新。灾衰蕩滌，罪咎銷平。眷屬俱泰，祿壽延長。龍神安鎮，動植霑榮。得道之後，昇入无形。和與道合真。

東方

臣等今故燒香，歸身歸神歸命，奉爲某乙修齋行道，仰謝東方无極太上靈寶天尊，已得道大聖衆至真諸君丈人，青帝九炁天君，青龍東斗角亢氏房心尾箕七星君，甲乙寅卯木德震神，少陽之炁九夷老君，勾芒太皞春王正神，帝車帝輅帝舍歲星木官。仰慮居宅修造之所，違忤神明。負越禁忌，延致非常。今故燒香行道，修齋立功。伏願解除所犯，賜以安貞。銷中央土炁，一切灾凶。罪咎蠲平，灾衰静息。存亡俱泰，福壽維新。龍神鎮守，眷屬霑榮。得道之後，昇入无形。和與道合真。

南方

臣等今故燒香，歸身歸神歸命，奉爲某乙仰謝，南方无極太上靈寶天尊，已得道大聖衆、至真諸君丈人，赤帝三炁天君，朱雀南斗井鬼柳星張翼軫七星君，丙丁巳午火德離神，太陽之炁八蠻老君，祝融炎帝熒惑夏神，帝車帝輅帝舍騰蛇九紫陰陽正神。仰慮居宅修造之所，犯觸神明。負違禁忌，延致灾

衰。今故燒香行道，修齋立功。伏願解除所犯，賜以福祥。銷西方金炁，一切灾凶。罪目蠲平，千灾静息。存亡俱泰，福善咸臻。龍神安鎮，眷屬平和。得道之後，昇入无形。和與道合真。

西方

臣等今故燒香，歸身歸神歸命，奉爲某乙修齋行道，仰謝西方无極太上靈寶天尊，已得道大聖衆、至真諸君丈人，白帝七炁天君，白獸西斗奎婁胃昂畢觜參七星君，庚辛申酉金德兑神，少陰之炁六戎老君，蓐收少昊太白秋神，帝車帝輅帝舍咸池刑殺陰陽衆神。仰慮居宅修造之所，犯觸神明。負違禁忌，侵忤威靈。今故燒香行道，修齋立功。伏願解除所犯，賜以福祥。銷東方木炁，一切灾凶。罪咎蠲平。灾衰静息。動植俱泰，福善咸臻。龍神安鎮，眷屬康寧。得道之後，昇入无形。和與道合真。

北方

臣等今故燒香，歸身歸神歸命，奉

爲某乙修齋行道，仰謝北方无極太上靈寶天尊，已得道大聖衆、至真諸君丈人，黑帝五炁天君，玄武北斗斗牛女虚危室璧七星君，壬癸亥子水德坎神，帝車帝輅帝舍太陰之炁玄囂辰星太星太一刑殺五狄老君，玄冥顓頊冬神水官，北方無極陰陽正神。仰慮居宅修造之所，犯觸神明。負越禁忌，擾動龍神。今故燒香行道，修齋立功。至心皈命，謝過祈恩。伏願銷南方火炁，一切灾凶。罪咎除蕩，灾厄銷平。舉族開泰，福善咸臻。龍神鎮守，眷屬安寧。得道之後，昇入无形。和與道合真。

東北方

臣等今故燒香，歸身歸神歸命，奉爲某乙修齋行道，仰謝東北方无極太上靈寶天尊，已得道大聖衆、至真諸君丈人，梵炁天君，艮宮土府太陰之神，魁罡四殺八白神君。仰慮居宅，修造之所，犯觸神明。負越禁忌，擾動龍神。今故燒香行道，謝過祈恩。伏覬罪咎銷解，福善咸臻。存亡俱泰，眷屬康寧。龍神安鎮，壽祿增延。得道之後，

昇入无形。和與道合真。

東南方

臣等今故燒香，歸身歸神歸命。奉爲某乙修齋行道，仰謝東南方无極太上靈寶天尊，已得道大聖衆、至真諸君丈人，梵炁天君，風宮地户招搖巽神，三刑四殺六辛神君。仰慮居宅修造之所，犯觸神明。負違禁忌，擾動龍神。今故燒香行道，謝過希恩。伏冀罪咎銷解，福善咸臻。存亡開泰，眷屬安寧。龍神鎮守。壽祿增延。得道之後，昇入无形。和與道合真。

西南方

臣等今故燒香，歸身歸神歸命，奉爲某乙修齋行道，仰謝西南方无極太上靈寶天尊，已得道大聖衆、至真諸君丈人，梵炁天君，人門月域攝提坤神，四維四極乙癸神君。仰慮居宅修造之所，犯觸神明。負違禁忌，擾動龍神。今故燒香行道，謝過希恩。伏覬罪咎銷解，福善咸臻。存亡開泰，眷屬安寧。龍神鎮守，壽祿增延。得道之後，昇入无形。和與道合真。

西北方

臣等今故燒香，歸身歸神歸命，奉爲某乙修齋行道，仰謝西北方无極太上靈寶天尊，已得道大聖衆至真諸君丈人，梵炁天君，青龍司命天門之神，六宮乾位壬甲神君。仰慮居宅修造之所，犯觸神明。負違禁忌，擾動龍神。今故燒香行道，謝過希恩。伏覲灾凶殄息，罪咎銷平。存亡開泰，眷屬安寧。龍神鎮守，壽祿增延。得道之後，昇入无形。和與道合真。

上方

臣等今故燒香，歸身歸神歸命，奉爲某乙修齋行道，仰謝上方无極太上靈寶天尊，已得道大聖衆、至真諸君丈人，无極无上梵炁天君，三清三境上聖高尊，日月星宿八風五行，風雨雷電陰陽正神，下謝乾儀天道日遊月行、八龍九虎太一十精、飛旗八殺北斗七星、天上天下一切真靈。仰慮居宅修造之所，犯觸神明。負違禁忌，擾動龍神。虧背天道，穢慢三光。過咎增積，延致灾凶。今故燒香行道，謝過希恩。伏

冀天光下燭，萬罪銷平。存亡同福，眷屬霑榮。龍神鎮守，壽祿增延。灾衰解散，動植咸寧。得道之後，昇入无形。和與道合真。

下方

臣等今故燒香，歸身歸神歸命，奉爲某乙修齋行道，懺謝下方无極太上靈寶天尊，已得道大聖衆、至真諸君丈人，无極世界神仙正真，高皇土府九宮真人，四司五帝十二仙君，靈洞川澤嶽瀆尊神，下謝陰陽所運八卦九宮、五行二宅后土至真、地下侯伯四正諸神、八部禁忌守宅將軍、五土官屬五土子孫、將軍太歲豹尾黃旛、奏書博士刑德衆神、七十二位内外神靈，下及洞冥九壘風澤神鄉、陰景五帝五土太皇、中黃戊己一切神明。竊慮居宅修造之所，犯觸神明。侵傷地脉，掘鑿泉源。違越禁忌，擾動龍神。或五行刑剋，四殺侵凌。怪夢紛亂，居止不寧。今故燒香行道，謝罪希恩。伏冀罪瑕除蕩，冤債和平。存亡開泰，眷屬咸安。龍神復位，壽祿增延。三塗蒙福，動植霑榮。

得道之後，昇入无形。和與道合真。

三光

如修靈寶，止懺十方。如修黃籙，加三光等懺。

臣等今故燒香，歸身歸神歸命，奉爲某乙修齋行道，仰謝日月星宮至真大聖、三光神仙諸靈官。仰慮居宅修造之所，犯觸神明。負違禁忌，穢慢三光。不順星辰日月行運之期，結成過咎，延致灾衰。今故燒香行道，謝過希恩。伏冀靈光下燭，萬罪消平。存亡開泰，眷屬安寧。龍神復位，福祿增延。幽關昭朗，動植舒榮。得道之後，昇入无形。和與道合真。

五嶽

臣等今故燒香，歸身歸神歸命，奉爲某乙修齋行道，仰謝五嶽真君，名山洞府、得道神仙諸靈官。仰慮居宅修造之所，犯觸神明。負違天禁地忌，在五帝五嶽之司。結成過咎，未獲原除。今故燒香行道，謝過希恩。伏冀一懺罪滅，萬善咸臻。犯觸之罪，並賜銷平。存亡開泰，眷屬安寧。灾衰除蕩，

壽祿增延。龍神鎮守。動植霑榮。得道之後，昇入无形。和與道合真。

水府

臣等今故燒香，歸身歸神歸命，奉爲某乙修齋行道，仰謝扶桑大帝，暘谷神王，三河四海、九江水帝，十二河源水府神仙諸靈官。仰慮居宅，修造之所，犯觸神明。侵傷水脉，閉塞泉源。違上善之性，虧下潤之功。輕忤真聖，穢觸江河。結成罪咎，在水府之中。歷代纏綿，未蒙解釋。今故燒香行道，謝罪希恩。伏冀尊靈鑒祐，蕩滌罪瑕。觸犯之目，並賜銷平。存亡開泰，眷屬安寧。灾衰超度，壽祿增延。龍神復位，動植霑榮。得道之後，昇入无形。和與道合真。

經寶

臣等今故燒香，歸身歸神歸命，奉爲某乙修齋行道，仰謝至真无上三十六部尊經、真文寶符、三洞正法十方祕藏、侍衛經典一切靈司。仰慮居宅修造之所，犯觸真靈。黷穢靈蹤，侵傷福地。或三寶遺跡，經教所行，有衛法靈

司、侍真官屬。在所居之地，非常俗所知。因有犯違，結成罪咎。在三寶之府，未獲原除。今故燒香行道，謝過希恩。伏冀萬聖開光，高尊鑒宥。觸犯之罪，咸賜蕩除。福善來臻，壽祿增益。存亡開泰，眷屬安寧。動植蒙恩，龍神復位，旁資六趣，遐及三塗。聖澤所覃，幽明全濟。得道之後，昇入无形。和與道合真。

太上黃籙齋儀卷之四十五

太上黃籙齋儀卷之四十六

唐廣成先生杜光庭集

荷恩感瑞五段懺方

陛壇之時，或盛寒盛暑及風雨之變，恐失禮容，宜用此懺，以從簡易。

先都唱十方總懺

臣等至心皈命十方无極太上靈寶天尊，已得道大聖衆、至真諸君丈人，十鄉神仙諸靈官。三禮，各虔誠懺謝。

懺悔

臣等伏聞，變化無方，至道表隨機之應；精誠有感，靈真垂赴念之功。妙矣重玄，潛迴景貺。宜申昭謝，以答垂休。今皇帝以大道延慈，真仙鑒祐。虔申齋潔，仰報玄恩。奉修无上黃籙道場，三日三夜。謹齋香花法信，油燭紋繒，皈命十方无極太上靈寶天尊，十極天君，十鄉神仙諸靈官。伏冀萬聖傾光，三尊降鑒。介休祥於宗廟，致延壽於皇圖。地廣禹封，祚隆周卜。皇帝道光軒燧，德邁羲融。與曜魄以齊

尊，共蓬壺而等壽。后妃嬪御，光贊宸居。太子諸王，輔寧大業。華夷昭泰，億兆懽康。景緯循常，風雨調順。干戈不作，稼穡蕃登。泊乎水陸飛沉，三塗六趣。俱臻壽域，咸樂雍熙。得道之後，昇入无形。和與道合真。

三光

臣等至心皈命日月星宮至真大聖，三光神仙諸靈官。三禮，各虔誠懺謝。

臣等伏聞二象分華，三光垂曜。日宮月域，司暝晦而有常；五緯六府，統照臨而不紊。是彰罪福，以御人天。今皇帝以大道垂休，神功感應。思崇齋福，上答真靈。至心皈命日月星宮至真大聖，三光神仙諸靈官。伏覲大宥宣恩，無私表貺。納禎祥於帝闕，隆祚曆於皇基。超邁姬周，延洪炎漢。皇帝廓昇平之景化，闢堯禹之宏圖。壽等五山，德侔三古。六宮百揆，常弘協贊之功；八極九圖，俱洽安貞之福。得道之後，昇入无形。和與道合真。

五嶽

臣等至心皈命五嶽真君，名山洞

府、得道神仙諸靈官。三禮，各虔誠懺謝。

臣等伏聞，九土斯分，五山作鎮。捧乾樞而上列，高拱星辰；壓坤軸以低臨，旁羅川瀆。爰司善惡，以統死生。今皇帝以大道垂休，神功應感。思弘齋福，上答真靈。至心皈命五嶽真君，名山洞府，得道神仙諸靈官。伏冀玄鑒遐通，洪休廣被。宗祧先聖，承景貺以登真；社稷尊靈，洽殊祥於永祚。皇帝明均兩曜，壽等崇山。超玄古以無為，統萬方而咸化。后妃嬪主，太子諸王，題丹籙之仙名，享清都之壽紀。普天有識，率土含生。徧及幽明，同臻福果。得道之後，昇入无形。和與道合真。

水府

臣等至心皈命扶桑大帝，暘谷神王，三河四海九江水帝，十二河源水府神仙諸靈官。三禮，各虔誠懺謝。

臣等伏聞，三能既著，流巽海以無涯；七善攸彰，習坎宮而斯廣。包吞萬派，涵蕩九天。以統生靈，以司罪

福。今皇帝凝神三境，屬想九清。大道垂休，神功感應。思弘齋福，以答真靈。至心皈命扶桑大帝，暘谷神王，三河四海九江水帝，十二河源水府神仙諸靈官。伏冀廣闢殊禎，洪流景祐。宗祧社稷，與八海以常寧；聖壽皇圖，比十山而共固。六宮妃后，百辟庶寮。克茂忠貞，長承福祚。青宮朱邸，內屏外藩。俱弘道德之風，永洽昇平之化。得道之後，昇入无形。和與道合真。

經寶

臣等至心皈命无上三十六部尊經，真文寶符。三禮，各虔誠懺謝。

臣等伏聞，億劫之前，至真弘化。冲澹示無言之本，希夷成不宰之功。泊乎二象肇胎，殊途是啓。八會之文既立，六體之用爭馳。玉笈琅函，寶祕九清之上；龜書龍篆，宣行萬宇之中。統制人天，司明幽顯。今皇帝惟天縱聖，握紀披元。荷大道之垂休，感神功之昭著。思崇齋福，上答玄恩。至心皈命至真无上三十六部尊經、真文寶符。伏冀皇帝，壽齊衡華，明並曦舒。

超連陸之神功，冠堯湯之睿德。后妃嬪主，太子諸王，協輔昌期，延洪寶運。公卿臣佐，夷夏生靈，同登仁壽之庭，共樂昇平之化。三塗九夜，動植飛沉，俱沐玄功，咸昇道域。得道之後，昇入无形。和與道合真。

太上黃籙齋儀卷之四十六

太上黃籙齋儀卷之四十七

唐廣成先生杜光庭集

人臣爲國五段懺悔

十方

臣等至心皈命十方无極太上靈寶天尊，已得道大聖衆、至真諸君丈人，十鄉神仙諸靈官。三禮，各虔誠懺悔。

臣等伏聞，十極諸天，三千道域。

環拱太虚之内，包羅三界之庭。運妙化於上玄，灑靈恩於下土。洪惟景福，孚祐邦家。今謹有奉修黃籙大齋某官，上爲皇帝，按依玄格，敷列皇壇。請福希恩，修齋行道。謹齋香花龍綵、質信效心，皈命十方无極太上靈寶天尊，已得道大聖衆、至真諸君丈人，十鄉神仙諸靈官。今故立齋，燒香然燈，朗耀諸天。願以是功德，歸流社稷尊靈、宗祧先聖。九光鶴蓋，登三境以逍遙；八羽龍軒，遊十天而放曠。洪流巨福，密祐聖圖。皇帝體道凝旒，儀乾布化。御飛龍而撫物，嶽固宏基；執大象以

承天，山齊聖壽。后妃嬪主，柔贊帝謨。太子諸王，孝扶宸極。公卿文武，中外職寮。暢和平道德之風，成禮樂雍熙之理。時調五燭，歲稔瓊儲。百揆有倫，五兵常戢。龍神警衛，疫毒銷沉。四靈效瑞以來儀，七正循常而合度。洎諸幽顯，普及飛潛。咸承撫御之仁，並契華胥之俗。得道之後，昇入无形。和與道合真。

三光

臣等至心皈命日月星宮至真大聖，三光神仙諸靈官。三禮，各虔誠懺謝。

臣等伏聞，天地分靈，陰陽構象。顯日月星辰之位，定昏明隱見之殊。七政三宮，允執死生之要；文昌斗極，仍司罪福之權。宜罄修崇，以資邦國。今謹有奉修黃籙大齋某官，上爲皇帝，齋持法信。敷列壇場，請福希恩。修齋行道，皈命日月星宮至真大聖，三光神仙諸靈官。今故立齋，燒香然燈，朗耀諸天。願以是功德，歸流社稷尊靈、宗祧先聖。霓幢羽旆，超昇南極之宮；證通冲真，遊宴上清之境。潛貽

巨貺，孚祐皇基。皇帝曜魄齊尊，玄樞薦壽。御帝車而布政，握璿軸以調時。皇后嬪妃，耀貞規於女使；諸王太子，濬靈派於星津。宰輔忠貞，藩垣輯睦。永熙百度，以泰萬方。賓聲教以駿奔，奉琛琦而麋至。三光有序，五緯無愆。歲叶豐登，俗臻康樂。飛沉動植，含識有情。普及幽明，同昇壽域。得道之後，昇入无形。和與道合真。

五嶽

臣等至心皈命五嶽真君，飛仙真人，名山洞府得道神仙諸靈官。三禮，各虔誠懺悔。

臣等伏聞，混沌既闢，羣嶽裁形。捧碧落以上征，壓黃輿而下鎮。大則長離廣野，舍海外之煙霞；次則衡華云亭，總寰中之秀異。神仙所宅，邦國是依。式陳焚祝之儀，以廣休明之福。今謹有奉修黃籙大齋某官，上爲皇帝齋持法信，敷列壇場。請福希恩，修齋行道。皈命五嶽真君，飛仙真人，名山洞府、得道神仙諸靈官。今故立齋，燒香然燈，玄耀諸天。願以是功德，歸流社

稷尊靈、宗祧先聖。超七域階修之果，證三天飛舉之功。瑩神流火之庭，御景明霞之殿。永隆鴻福，欽贊龍圖。皇帝五嶽齊寧，三山比壽。明堯天之日月，闢禹跡之封疆。儉德邁於焚裘，仁煦逾於解網。后妃嬪御，匡翼紫宸。太子諸王，敷弘景化。公卿輔弼，宣至道以無爲；億兆華夷，樂太平而遂性。天光澄正，地紀竟閑。九稼惟豐，五兵常戢。幽扃夜府，異品殊倫。咸承妙道之慈，盡契長生之域。得道之後，昇入无形。和與道合真。

水府

臣等至心皈命扶桑大帝，暘谷神王，三河四海九江水帝，十二河源水府神仙諸靈官。三禮，各虔誠懺謝。

臣等伏聞，體道資靈，寔惟水德。稟元陽而化育，普及羣形；首一炁以生成，旁周品物。至有九溟八海，壯浮天沃日之威；片葉纖莖，荷潤澤霑榮之賜。玄功妙力，以福邦家。今謹有奉修黃籙大齋某官，上爲皇帝，按依玄式，敷啓皇壇。請福希恩，修齋行道。

皈命扶桑大帝，暘谷神王，三河四海九江水帝，十二河源水府神仙諸靈官。今故立齋，燒香然燈，朗耀諸天。願以是功德，歸流社稷尊靈、宗祧先聖，神遊汗漫，道契希夷。受祕訣於玄洲，得神珠於赤水。皇帝滄波注福，碧海均年。羣方歡浩蕩之恩，萬國順朝宗之派。后妃嬪主，敷睿渥於瓊宮；太子諸王，濬潢源於銀漢。公卿輔弼，文武職寮。申沃心潤色之規，廣端穆澄清之化。九河薦策，溫洛彰圖。天地效祥，黎元蒙福。旁該庶品，遐及幽津。共臻道德之風，常荷安貞之貺。得道之後，昇入无形。和與道合真。

經寶

臣等至心皈命至真无上三十六部尊經，真文寶符。三禮，各虔誠懺謝。

臣等伏聞，無爲道本，虛寂真宗。妙頤無言，希微詎測。爰啓博弘之教，以宣祕奧之功。於是八會靈書，九芒雲篆。龍迴鳳舞，初凝太漠之中；玉劄瓊篇，遂刻層臺之內。三十六部之廣，億千萬品之多。理暢重玄，義包衆

妙。人天宗奉，邦國遵行。光帝道而贊皇圖，散九流而康萬宇。宜虔尊奉，以罄齋誠。今謹有奉修黃籙大齋某官，上爲皇帝，按依科式，崇設壇場。請福希恩，修齋行道。皈命至真无上三十六部尊經、真文寶符，諸天祕藏，十方正法，侍衛經典，一切靈司。今故立齋，燒香然燈，朗耀諸天。願以是功德，歸流社稷尊靈、宗祧先聖。參真紫極，蛻景洪都。垂祐本枝，流祥萬葉。皇帝通真契道，地久天長。統萬國而混車書，洽大同而寧海嶽。后妃嬪主，享福紫庭。太子諸王，承休皇極。忠貞勳烈，常勤翊贊之謀；億兆生靈，克保隆平之運。天元順軌，睹景星瑞日之暉；地紀安貞，符九稼八蠶之異。幽明共泰，動植咸安。海外寰中，同臻道化。得道之後，昇入无形。和與道合真。

太上黃籙齋儀卷之四十七

太上黃籙齋儀卷之四十八

唐廣成先生杜光庭集

解考懺方

都懺

臣等今故燒香，歸身歸神歸命，奉爲某乙奉依解考明科，修齋行道，懺謝三十六世以來、億曾萬祖，爰及亡靈、眷屬親緣，歷世所行，無邊之罪。上犯

諸天大聖、大道衆尊，三光五行，虛空主宰風雲雷雨天道神明。下犯五嶽諸山、三十六地，丘陵水府、地下職司。中犯八卦九宮、陰陽官屬，古今靈聖、前代賢明。違背五常，犯干四大。名書罪簡，禍結幽關。夭奪年齡，不終天算。身歿之後，留滯地司。拘對窮魂，幽閉重檻。諸苦徧歷，衆考備經。往返三塗，流曳五道。楚毒謫役，毀悴難任。疊咎纏綿，終天無解。今依靈仙品格，懺罪希恩。燒香然燈，修齋行道。皈命十方无極太上靈寶天尊，已得道大聖衆、至真諸君丈人，十鄉神仙

諸靈官。伏冀太上三尊、諸天大聖，開大慈之澤，降罔極之恩。勅飛天神人，齋九龍符命。告下十方世界考官地獄之中，赦積世以來無邊之罪。開九幽地獄，出長夜之魂。沐浴朱陵之庭，冠帶洞陽之府。生神福界，流貺子孫。吉祐常臻，存亡咸泰。上資國祚，旁及羣生。俱契玄休，永登真品。得道之後，昇入无形。和與道合真。

東方

臣等今故燒香，歸身歸神歸命，奉爲某乙奉修解考大齋，轉經行道，皈命東方无極太上靈寶天尊，九炁天君，東鄉神仙諸靈官。懺悔某乙三十六世以來、億曾萬祖，爰及亡靈、眷屬親緣，積世所行，無邊之罪。或行乖慈育，不惠不仁。或違背師君，不忠不孝。毀傷良善，干冒神明。違越五常，恣行諸惡。魘禱呪詛，殺害無辜。考重殃深，未蒙原解。魂神執繫，在木官東嶽刑擣獄中，受劍樹刀山風雷之苦。晝夜考掠，痛毒難任。注訟子孫，殃流後裔。冥冥長夜，解拔無由。以今懺謝

乞恩，修齋行道。伏冀大慈哀宥，萬聖迴光。告下東府之中，考官門下。解釋冤對，原赦魂神。託化福庭，往昇淨域。見存安泰，永荷玄恩。得道之後，昇入无形。和與道合真。

南方

臣等今故燒香，歸身歸神歸命，奉爲某乙奉修无上解考妙齋，轉經行道，皈命南方无極太上靈寶天尊，三炁天君，南鄉神仙諸靈官。懺悔某三十六世以來，億曾萬祖，爰及亡靈、眷屬親緣，生世所行，無邊之罪。或任心楚毒，殺害無辜。結誓告盟，魔害於物。邪淫不正，凌暴貞良。動越禮儀，恣行罪惡。犯天地日月、一切神明。考重殃深，未蒙原解。魂神執繫，在火官南嶽刑擣獄中，爐炭焚燒形殘之苦。晝夜考掠，痛毒難任。殃注子孫，流逮無已。冥冥長夜，解拔無由。以今懺謝乞恩，修齋行道。伏覬三尊鑒宥，衆聖垂光。告下南方火官刑擣門下，赦除積罪，原赦幽魂。出霍山地獄之中，昇洞陽朱宮之內。見存蒙祐，永荷玄恩。

得道之後，昇入无形。和與道合真。

西方

臣等今故燒香，歸身歸神歸命，奉爲某乙奉修无上解考妙齋，轉經行道，皈命西方无極太上靈寶天尊，七炁天君，西鄉神仙諸靈官。懺悔某三十六世以來，億曾萬祖，爰及亡靈、眷屬親緣，生世所行，無邊之罪。或不義讓，諂佞無端。嫉妬賢能，濁亂神道。酷虐無度，殺戮任心。負誓違盟，魔蠱謀議。殃罪結固，積若丘山。責重考深，未蒙原解。魂神執繫，在金官華山地獄之中，受銅柱鐵床金鎚之考。晝夜毒痛，食息無寧。注訟生人，纏綿未解。冥冥長夜，解脫無由。以今行道結齋，祈恩懺拔。伏覬天尊慈祐，大道迴光。賜告西府之中，考官門下，解除殃注，遷拔魂神。受福天堂，生神仙界。幽明咸泰，永荷玄恩。得道之後，昇入无形。和與道合真。

北方

臣等今故燒香，歸身歸神歸命，奉爲某乙奉修无上解考妙齋，轉經行道，

皈命北方无極太上靈寶天尊，五炁天君，北方神仙諸靈官。懺悔某乙三十六代以來，億曾萬祖，爰及亡靈、眷屬親緣，生世所行，無邊之罪。或上違天道，下犯地司。穢觸三光，輕凌四大。怨恚風雨，牽引鬼神。肆毒於人，殘害於物。魂神執對，在水官恒山地獄之中，受寒冰夜庭冰河之苦。肌肉凍裂，萬痛切身。延注子孫，流殃未已。冥冥長夜，解拔無由。以今行道立齋，祈恩謝過。伏冀諸天鑒護，萬聖垂恩。勅告北府之中，考官門下。赦除罪咎，遷拔苦魂。出長夜寒庭，離三塗五苦。昇神淨域，福祐見存。族眷安寧，存亡俱泰。蒙如所願，仰荷玄恩。得道之後，昇入无形。和與道合真。

東北方

臣等今故燒香，歸身歸神歸命，奉爲某乙奉修无上解考妙齋，轉經行道，皈命東北方无極太上靈寶天尊，梵炁天君，東北方神仙諸靈官。懺悔某三十六世以來，億曾萬祖，爰及亡靈、眷屬親緣，生世所行，無邊之罪。或爲子不

孝，爲臣不忠，爲父不慈，爲君不道。妬賢嫉善，背正崇邪。口是心非，自欺形影。五逆徧造，衆惡備行。枉害無辜，傷殺非理。從生入死，怨徹天靈。呪詛神明，魘害巫蠱。殃深責重，幽繫在地府刑擣獄中。考掠萬般，形魂毀瘁。冥冥長夜，解拔無由。以今懺罪乞恩，修齋行道。伏覬十天降宥，萬聖開恩。勅告東北方刑擣獄中，考官門下。解除罪對，原赦窮魂。離幽閉之鄉，出重檻之苦。浴神丹霍，騰景朱陵。注訟永除，子孫寧泰。蒙如所啓，仰荷玄恩。得道之後，昇入无形。和與道合真。

東南方

臣等今故燒香，歸身歸神歸命，奉爲某乙奉修无上解考妙齋，轉經行道，皈命東南方无極太上靈寶天尊，梵炁天君，東南鄉神仙諸靈官。懺悔某家億曾萬祖，爰及亡靈、眷屬親緣，及三十六世以來，生世所行，無邊之罪。或恣爲強暴，凌虐於人。輕侮孤窮，憎嫌老病。彰人之惡，掩人善功。鬪亂親疏，

抑伏貧弱。圖謀非道，訕謗賢良。破人成功，嫉人勝己。傷殺非理，縱毒任心。引天地日月星辰，以爲質證。罪深責重，魂繫地府考官獄中。水火風刀，晝夜考掠。更相注逮，解拔無由。以今懺謝乞恩，修齋行道。伏冀十方大聖、五帝高尊，勅告東南方刑擣獄中，考官門下。拔贖幽爽，盥沐形魂。萬罪蠲銷，宿殃除蕩。冤仇解釋，債訟和平。福利見存，神生善域。幽明同祐，永荷玄恩。得道之後，昇入无形。和與道合真。

西南方

臣等今故燒香，歸身歸神歸命，奉爲某乙奉修无上解考妙齋，轉經行道，皈命西南方无極太上靈寶天尊，梵炁天君，西南鄉神仙諸靈官。懺悔某家億曾萬祖，三十六世以來，爰及亡靈、眷屬親緣，生世所行，無邊之罪。或綺言無實，矯妄非真。欺誑賢愚，凌侮真聖。附強抑弱，貪毒無厭。或爭利競財，侵名奪位。互相殘陷，害毒忠良。危人自安，殺生利己。削奪財利，不念

孤窮。結誓立盟，牽神引鬼。因成殃對，積在幽冥。魂繫地府之中，考官之獄。監閉幽檻，不睹光明。考掠備嬰，終天無解。以今修齋行道，謝罪乞恩。伏冀上聖上真、大慈大宥。神光下照，陰暗開明。告勅西南方刑擣獄中，考官門下。幽魂開度，託化福庭。惠澤咸霑，存亡俱泰。蒙如所啓，仰荷玄恩。得道之後，昇入无形。和與道合真。

西北方

臣等今故燒香，歸身歸神歸命，奉爲某乙奉修无上解考妙齋，轉經行道，皈命西北方无極太上靈寶天尊，梵炁天君，西北鄉神仙諸靈官。懺悔某乙家億曾萬祖，三十六世以來，爰及亡靈、眷屬親緣，生世所行，無邊之罪。殃深考重，累劫未原。六趣三塗，受諸報對。魂神執繫，在地官刑擣獄中。痛毒難堪，延逮後嗣。更相流注，億劫無窮。以今懺罪乞恩，修齋行道。伏覬衆尊上聖，普降慈光。解救窮魂，出離幽苦。勅告西北方刑擣獄中，考官門

下。冤仇和釋，債訟銷平。積孽深愆，盡皆除蕩。存亡開度，家國霑恩。得道之後，昇入无形。和與道合真。

上方

臣等今故燒香，歸身歸神歸命，奉爲某乙奉修无上解考妙齋，轉經行道，皈命上方无極太上靈寶天尊，三十六天帝君，玉京玄都紫微金闕三清三界梵炁天君，无極世界上鄉神仙諸靈官。懺悔某乙家，億曾萬祖，三十六世以來，爰及亡靈、眷屬親緣，歷世所行，無邊之罪。或上違天道，穢慢三光。裸露神明，呵忿雷雨。欺罔幽顯，不畏真靈。九府結刑，三官舉考。魂神執繫，在九幽長夜刑擣獄中。流曳寒庭，幽閉牢檻。冥冥億劫，不睹光明。流注子孫，引逮存歿。更相執對，洗滌無由。以今懺謝乞恩，修齋行道。伏覲三尊萬聖、太上衆真，諸天帝君，四司五帝，三光列宿，三界真靈。普降洪慈，鑒臨丹懇。勅告考官門下，地獄之中。拔度魂神，赦除罪犯。和冤釋對，離苦生天。昇入福堂，聞經悟道。永

超生死，同入無爲。債訟清銷，存亡開泰。蒙如所啓，仰荷玄恩。得道之後，昇入无形。和與道合真。

下方

臣等今故燒香，歸身歸神歸命，奉爲某乙奉修无上解考妙齋，轉經行道，皈命下方无極太上靈寶天尊，九壘土皇，四司五帝，十二仙君，九宮真人，神仙玉女，无極世界下鄉神仙諸靈官。懺悔某家，億曾萬祖，三十六世以來，爰及亡靈、眷屬親緣，積世所行，無邊之罪。或妄爲師道，刻截土地丘陵、岡原川脉。毀傷墳廟，禁遏神祇。塞絕水源，斷山堙谷。破城隍社稷，犯侯伯土官。不懼神明，恣爲罪惡。魂神執繫，在下方世界、九幽地獄之中。汲長夜之河，以灌四瀆。負山撻石，謫役萬端。痛苦被嬰，終天無解。上延前世，下及子孫。報對未原，殃深責重。以今修齋行道，懺拔罪根。伏覲上聖衆尊，開恩赦宥。告勅下方酆都、九幽地府刑擣獄中，考官門下。赦除往劫，無量罪因。遷拔窮魂，出離幽苦。逍遙

真境，安處福鄉。胤嗣康寧，存亡俱泰。蒙如所啓，仰荷玄恩。得道之後，昇入无形。和與道合真。

三光

臣等今故燒香，歸身歸神歸命，奉爲某乙奉修无上解考妙齋，轉經行道，皈命日月星宮，至真大聖，三光神仙諸靈官。懺悔某家，億曾萬祖，三十六世以來，爰及亡靈、眷屬親緣，無邊之罪。或爲君無道，爲臣不忠，爲父不慈，爲子不孝。犯天文地紀，及日月星辰，積惡深瑕。陰罪陽過，名書惡簿。身歿鬼官，在長夜考官之獄。執繫重檻，解謝無由。以今懺罪乞恩，修齋行道。伏冀諸天大聖、三光衆尊，告勅地府獄中，考官門下，赦除積罪，和釋冤仇。債訟銷平，存亡安泰。得道之後，昇入无形。和與道合真。

五嶽

臣等今故燒香，歸身歸神歸命，奉爲某乙奉修无上解考妙齋，轉經行道，皈命五嶽真君，名山洞府，得道神仙諸靈官。懺悔某家，億曾萬祖，及三十六

世以來，爰及亡靈、眷屬親緣，無邊之罪。或恣行釁咎，干忤神明。犯名山大川，靈墟福地、丘原主宰，幽職靈司。積罪纏綿，未蒙蠲赦。魂神執對，在名山五嶽地獄之中。痛毒備嬰，終天無解。以今修齋行道，懺罪希恩。伏冀萬聖延慈，諸天鑒祐。勅告五嶽獄中，考官門下。解除冤債，蕩滌罪瑕。萬惡俱消，九幽開朗。蒙如所啓，仰荷玄恩。得道之後，昇入无形。和與道合真。

水府

臣等今故燒香，歸身歸神歸命，奉爲某乙奉修无上解考妙齋，轉經行道，皈命扶桑大帝，暘谷神王，三河四海九江水帝，十二河源水府神仙諸靈官。懺悔某家，億曾萬祖，三十六世以來，爰及亡靈、眷屬親緣，無邊之罪。或輕慢真靈，不敬神明。污穢泉源，侵傷川澤。動成罪目，結在冥曹。執繫魂神，在水府地獄考官門下。備受諸苦，痛毒難任。撻汲溟波，以灌四瀆。冰河寒夜，凍裂身形。不睹光明，無由開

度。以今修齋行道，懺罪希恩。伏冀萬聖鑒臨，三尊赦宥。水府獄中，考官門下。解冤釋結，赦罪除愆。出幽暗之鄉，陟清虛之域。魂神受鍊，證品生天。罪咎永銷，子孫貞泰。蒙如所啓，仰荷玄恩。得道之後，昇入无形。和與道合真。

經寶

臣等今故燒香，歸身歸神歸命，奉爲某乙奉修无上解考妙齋，轉經行道，皈命至真无上三十六部尊經，真文寶符，諸天祕藏，十方正法侍衛經典一切靈司。懺悔某家，億曾萬祖，三十六世以來，爰及亡靈、眷屬親緣，無邊之罪。或前劫後劫，億世萬生。三業所爲，六情所造。陰罪陽過，考重責深。或輕慢無圖，穢賤文字。非毀聖典，泄露靈文。殃咎纏綿，未曾祈懺。魂神執繫，在九幽地獄之中。考掠備嬰，幽閉牢檻。冥冥長夜，解拔無由。以今謝過希恩，修齋行道。伏覬靈司奏御，慈澤旁流。告勅地獄幽牢，考官門下。解銷殃對，和釋冤仇。超度泉關，昇登福

路。利安後胤，克獲康寧。九夜三塗，同承景祐。蒙如所啓，仰荷玄恩。得道之後，昇入无形。和與道合真。

太上黃籙齋儀卷之四十八

太上黃籙齋儀卷之四十九

唐廣成先生杜光庭刪

言功拜表

修齋日數既畢，或用其日子時，或明日清旦。衆官相率列位於玄師前，立班訖

唱道

入戶

各禮師，存念如法

衛靈

五星列照，煥明五方。水星却災，木德致昌。熒惑消禍，太白辟兵。鎮星四據，家國利亨。刊名玉簡，錄字帝房。乘鸞扇景，飛騰太空。出入冥無，遊宴十方，五雲覆蓋，招神攝風。役使萬靈，上衛仙翁。

鳴法鼓二十四通

無上三天玄元始三炁太上道君，召出臣身中三五功曹、左右官使者、侍香金童、傳言玉女、五帝直符直日香官，各三十二人出。出者，嚴裝關啓玄

壇天帝神君，當召此間土地里域、真官正神急上關啓。臣今奉爲入意以今正爾燒香，願得玉清道炁靈寶妙光下降，流入臣等身中。即使玄壇清淨，內外成真。天無氛穢，地絕妖塵。琳琅振響，十方肅清。萬魔不干，真誠上徹。令臣所啓，速達徑御太上無極大道至真玉皇上帝御前。

各稱法位

上清玄都大洞三景弟子，奉行黃籙大齋，言功拜表，設醮投龍，還宮法事。臣某等今故燒香，願以是功德，上爲宗廟先靈、今朝皇帝、文武官屬、卿輔庶寮，及弟子某九世七玄、見存眷屬，臣等三師九祖、天下之人、一切衆生、幽途暗爽，歸身歸神歸命，十方無極太上靈寶天尊。乞原赦前代今生，生死重罪，免離三惡之道，十苦八難九厄之中。身得道真，飛行虛空。白日昇天，侍衛道君。逍遙無上金闕七寶自然宮殿，永與道合。所啓玄感，上御至真無極道前。

禮十方

懺悔

三啓頌

樂法以爲妻，愛經如珠玉。持戒制六情，念道遣所欲。淡泊正氣停，蕭然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲天大乘。因心立福田，摩

摩法輪昇。七祖生天堂，我身白日騰。大道洞玄虛，有念無不契。鍊質

入仙真，遂成金剛體。超度三界難，地獄五苦解。悉歸太上經，靜念稽首禮。

三禮

至心稽首禮，太上無極大道。

至心稽首禮，三十六部尊經。

至心稽道禮，玄中大法師。

修行，收真文，從東南西北中

方，各於本方案上，炷香，熏真

文。衆官齊聲宣真文畢，令弟

子執真文於香上熏之。法師叩

齒十二通，呪曰

元始上天，三光高明。迴景照耀，四方朗清。運度所衝，激陽流星。五分錯越，三統失寧。五斗總辰，七宿明

靈。真君大魁，厥諱玉精。夫人皇妃，字曰育嬰。總御玄關，迴轉諸天。今有某灾，玄告不祥。請以真文，赤書上呈。散髮謝愆，披露丹誠。乞垂玄鑒，迴復天經。氣不橫越，灾不橫生。焚燒靈文，散煙玉庭。上景監度，普告萬靈。氣清三關，灾滅九冥。陰陽調和，國土太平。請以金龍，風火驛傳。此呪

出赤書玉訣，若三元八節，常修黃籙及遷拔等，即書歲星輔肝等文，當用此呪。如或禳制鬼疫，即書東山神呪，文別有呪。或禳百六洪灾，即書下制東河文。如學士修身，即書東方九炁等。若有星宿失度及九曜爲灾，即依此呪矣。玉訣云：凡有祈禳，必先叩齒而呪者，爲外魔所干，關啓無感矣。又云，若灾星在東，露文九日，金龍鎮之。西七、南三、北五、中十二日，皆隨大道氣數也。灾星東方，謂在角亢七宿也。他可知焉。畢以此真文，隨表焚之。散煙青煙之中也。呪畢，衆官再拜，一一做此矣。

重稱法位

上清玄都弟子 臣某等謹重上啓太上無極大道元始天尊，太上大道君，太上老君，無上玄老，十方靈寶天尊，已得道大聖衆，至真諸君丈人，三十六部尊經、玄中大法師，天師君，上相上宰、四司五帝，東嶽上卿司命真君，西極總

真王君，太平下教二十四真人，五嶽靈宮、名山洞府、三界應感一切尊靈。臣等宿以道緣，躬逢正化。天尊演法，三洞宣行。寶訣靈圖，濟家康國。獲參真妙，許以稟修。而先在立功，普及幽顯。宜弘聖教，廣度天人。凡有投誠，不容寢絕。今奉詞旨，敢不上聞。

讀詞

臣等依按詞誠，輒相携率。考靈仙典格，披黃籙簡文。奉爲某於某州縣宮觀，設玄科之式，法象二儀。某所齋燈燭香花、金龍繒綵，本命之信，證質丹誠，以某日子時，啓齋爲首。燒香行道，懺謝玄真。然燈續明，照耀三界。下通九地，上及諸天。濟存拔亡，普爲家國。若干日夜，行道轉經。以某日亥時，功成事立。蓮燈息焰，玉磬收音。仙馭返於上玄，法流分於下界。金龍騰景，上奏齋功。聖澤宣慈，開度幽爽。酬功行賞，徧及靈司。臣等身中，所佩內外真官、三洞兵吏，及星宿九宮五帝、五嶽四瀆、三河四海、兵馬騎乘、侍香金童、散花玉女、五帝直符傳言奏

事、飛龍騎吏等，並有功勞，今當別拜。黃繒朱表，言功舉遷。臣等學法未備，俯仰之格。進止犯科，不合儀式。恐爲四司所糾，五帝所執。千愆萬過，乞蒙赦貸。哀原未悟，不見罪罰。臣等建齋之始，奉請智慧上品、十戒法事既竟，謁還天宮。臣所修齋，功成事竟。重明功德，拜黃繒朱表一通。在臣玉案之上，請省表文。表文以黃熟素五尺，朱界朱書，每行二十四字。生字不在下，死字不在上。第一行盡書法位，至頓首字。上言，獨占一行。太上無極大道君，第三行。表後以聞，去臣姓，三行。聖號，去臣姓，三行。年月，去聖號，三行。一如章法不得塗改。注乙譴責，尤重慎之。

讀表

取表於香上，熏之，即讀。法位起，再拜訖，復長跪。和聲正氣。讀至弟子名，皆令再拜。至臣誠惶誠恐處起，再拜。又至年月日某處，拜上又再拜。都畢，展於玉案上。正對御前。以龍頭書刀鎮聖號之左。朱筆鎮右訖，却長跪。

三捻香，叩齒三通，遣表，勅曰：謹遣臣等身中，五體真官。官一小吏，十二書佐。重勅功曹使者，飛龍騎吏，嚴裝顯服，冠帶垂纓，磨硯點筆，簪

劍理錄。爲臣及時，操黃素朱表，上詣天曹，隨表進對。若有謬誤，文字脫漏，言詞倒錯，不相次比者。傳言書佐，習事小吏，操龍頭書刀，長毛利筆，隨誤正定。無令上官典者，有所遣却。閉氣昇章，徑上三天無極大道太上御前，慎勿稽停。左君歷關，右吏次啓。諸官君歷第，以次分別。當令臣所請者下，所召者到，所理者愈，所誅者滅，所宣者通，所遷者達，所願者應，所求者得。若有下官，故氣邀截臣表文，不使上達者。收付所在近獄，依律定罪，以明天憲。臣等伏待，玄恩報應。

法師於案後，臨目，向天門，曲躬存。令身中吏兵及三元將軍、功曹騎乘，羅列前後，身乘羽車、龍馭，在紫氣中，冉冉而昇。上詣三天門下。先謁三天法師，入玄都宮門之左。呈表訖已。捧函徑入三天門。齋章、呈章等，從事一十二人，伺候上省。覽畢，即出三天門，御羽車與騎乘而迴所。經歷天

宮、道路次第，一如三五天拜章訣。此不具載。次內官叩齒十二通，呪曰

臣奏表事訖，向所出身中功曹使者、三五真官並還臣身中。從衆妙門而入，在左還左，在右還右。直使功曹、主領檢押，還復本位，無令錯互。須召又到，一如故事。叩齒三通，嚙液三過。

存三五上章，官吏各復身中。再拜，卷表於詞文之前內函中。封印訖，並真文通於香案上。洞案捧之，監齋押之。幢節前引，弟子隨之。至天門之上，焚之。法師於本位，向天門，存真官捧真文表等，隨青煙朱焰，上昇天門

焚詞頌
衆生多障難，大道甚矜憐。救度留科戒，咸令懺罪緣。愆辜編地府，覺結已聞天。發露祈真祐，精誠仰聖賢。虔恭禮三寶，願當奏延年。焚詞歸上界，奏名玉帝前。

三捻上香，執山簡文。叩齒九

通，讀之香熏三過，乃讀

今謹有某州縣鄉里大道，弟子某官姓名年若干歲。命屬某帝，名係某嶽。謹爲國爲家，存亡眷屬及某事，隨意言之於某州縣宮觀住宅，修建黃錄大齋若干日夜。行道事訖，投簡靈山。願神願仙，長生度世。飛行上清，五嶽真人，至神至靈。乞削罪籍，上名九天。請詣靈山，金龍驛傳。

國號某年某太歲某月某朔某日，三洞法師臣某於某靈山洞府，告文讀訖。衆官再拜。

次令弟子執簡於香煙上，法師叩齒九通，呪曰

玄上開明，元始監真。上帝五老，赤書丹文。天地本始，總領三光。攝氣召會，催促舉仙。高上符命，普告十方。日月星宿，五嶽靈山。天上地下，冥靈大神。監生主錄，南上三門。關領玉簡，勒名丹篇。削落罪目，上補帝臣。某乙歸憑至道，建齋立功。拔贖九祖，一切苦魂。行道事竟，謹詣靈山。請投玉簡，乞削罪名，皆蒙解脫，無有

冤親。去離三惡，魂昇九天。生死開度，億劫常存。今日上告，萬真咸聞。請以龍簡，關盟真官。乞如所告，金龍驛傳。衆官再拜時，衆官隨聲言之。金龍驛傳，四字簡並呪，皆三度言之。簡用榔木作之，長一尺二寸，廣二寸四分，厚二分。朱界，作五行。四行簡文，一行年月。朱書謹細，不得楷改塗注。每簡用一龍負之，長三寸六分。天子上金，公侯次金，士庶銀鍍金可也。呪畢，山水二簡，青紙封之，絲纏龍印，以九老仙都之印。土簡，黃紙青線。古法用壁頭在投龍儀中，題簡封處。法謹上詣某處洞府。山云某山洞府。水云某處泉水水府。土云某處靈壇土府。三洞法師臣某告文封

讀水簡文

今謹有某州縣鄉里某官某乙年號歲，奉爲家國，普及存亡。請福祈恩，增延祿壽。於某處奉修無上黃籙大齋若干日夜。行道事訖，投簡水府。願神願仙，三元同存。九府水帝，十二河源。江海淮濟，冥靈大神。乞削罪錄，上名九天。請詣水府，金龍驛傳。

國號某年太歲某月朔某日某三洞法師臣某於某處，靈泉水府告文。次令弟子執簡於香煙上，法師叩齒十二通，呪曰

元始五老上帝高尊，十方至真，太華靈仙，赤文告命，無幽不聞。上御九天，請下玉文。日月三星，北斗七元。中告五嶽，四方靈山。下告河海，十二泉源。九江水帝，冥靈大神，今日上告，萬願開陳。弟子建齋行道，普爲存亡。請贖七祖，宿對罪根。謹投玉簡，乞得上聞。記名水府，過去昇天。生死開度，萬靈咸聞。請以龍簡，告盟水帝。賜如所陳，金龍驛傳。衆官再禮，呪訖。封題，如前法。

讀土簡文

今謹有某州縣鄉里某官某乙，奉爲家國，普及存亡。請福祈恩，增延祿壽。於某處奉修無上黃籙大齋若干日夜。行道事訖，投簡靈壇。中黃九地，戊己黃神。土府五帝，乞削罪名。請詣中宮，勒簡太玄。金鈕白信，金龍驛傳。

國號某年太歲某月某日某三洞法師臣某於某處，靈壇土府告文。次令弟子執簡於香煙上，法師叩齒十二通，呪曰

天地開張，萬氣分靈。三元同符，十方朗清。五老上帝，主死領生。丹書赤文，元始上精。普告天下，九地皇靈。今日上告，萬仙定生。弟子建齋行道，普爲存亡。我願我仙，請投玉名。土府太皇，勒除罪名。奏簡上宮，刊簿華清。身得飛騰，天地同靈。九祖種親，腐骸更榮。魂昇南宮，受化仙庭。今日告命，萬神咸聽。請以金鈕白簡，表明至誠。請如所告，金龍驛傳。衆官再拜。

次吟投龍頌

祈真登紫府，告命詣靈壇。玉女謠梵響，金童奏香煙。書名通九地，列字上三天。永享無期壽，剋成高上仙。衆官再拜。

黃素朱表樣

右用細熟黃絹六尺，取其半幅。朱界朱書，每行二十四字。第一行，名銜密書。取至頓首字恰盡。上言兩字，獨占第二行。太上無極大道在第三行。自此每行二十四字，生字不在下，死字鬼字及人名不得在上。一如章格。

具位奉行黃籙大齋法事，某嶽先生某帝

真人臣，某稽首頓首，
上言

太上無極大道至真自然金闕下。臣等自以下愚，謬參大法。功無塵露，釁積丘山。俯仰慙惶，形魂罔寘。臣頓首頓首，臣等實謂凡微，幸籍

道福。叨逢

妙化，欣荷無任。既忝玄司，職主救度。雖稟性庸瞽，誓罄丹誠。追尋

慈風，服膺

妙訓。見義思勇，日夜在心。所值因緣，敢不啓奏。今有某州縣鄉里大道弟子某官某乙年若干歲，本命某某月某日生，稽首，列詞具言。伏聞，

無上正法黃籙大齋，解除生死，先身今身，身口意罪。上資

帝祚，下及羣生。保國寧人，禳灾却害。增延祿壽，解厄銷灾。拔度九玄七祖，一切幽爽。濟度存歿，惠澤普加。謹齋十方，金龍鎮信，本命紋繒，香花油燭，供養之具。證質丹誠，奉辭以聞。因臣等行道，懺悔首謝，宿世衆愆。斷絕殃咎，濟度存亡。言辭丹倒，

理在可申。謹率同法道士某等，若干人。謹依下元黃籙簡文，靈仙科品，於某州縣某觀玄壇之上，設玄科之式，法天象地。以某所齋金龍繒綵，施鎮十方。祈天請地，救拔存亡。共相罄勵，洗心靜念。塗炭稽顙，歸命

至真，以祈所願，若干日、若干夜，若干時禮懺，若干時轉經。以某月某日平日爲始，立齋行道，訖某日夜亥時，合若干時。祈請功成事畢。謹即言功解壇，投龍於山水；丹書檮扎，以奏言於靈壇。伏地拜黃素朱表一通，上聞

九天。伏惟

太上無極大道元始天尊，太上大道君，太上老君，太上丈人，無上玄老，十方自然靈寶天尊，已得道大聖衆、至真諸君丈人，太帝天帝，天師君，玄中大法師，曲映所奏，垂愍丹心。如蒙上御乞勅典者，宣告

十方五老上帝，五嶽真仙，三官九府，十界真靈，拔度某家九玄七祖，有緣無緣，冤親平等，一切幽爽。並令開度，得出長夜。九幽之中，昇入南宮。冠

帶枯骨，反骸生華。輪轉漏盡，化生福門。所在土地，榮衛尸形。須神反舊，與景冥合。弟子某家前世今生，一切罪咎。並乞除蕩，和釋冤對。度厄除灾，延生保命。存亡開泰，眷屬安寧。上願七曜圓明，二儀永固。陰陽調和，九穀歲稔。國富人歡，天下太平。六合清淨，

帝祚延長。疫毒消殄，善瑞日表。克保元吉，永銜道恩。謹遣修齋所請天仙兵馬、真人兵馬、神人兵馬、地仙兵馬、日月兵馬、星宿兵馬、九宮五帝兵馬、三河四海兵馬、五嶽四瀆兵馬，各九億萬騎，監齋直事、侍香金童、散花玉女、五帝直符，傳言奏事，飛龍騎吏。臣等身中所佩內外真仙、靈寶官屬、守宮將軍，此間土地里域真官、三界神祇，諸係監臨衛護、宣通召命、榮衛齋事有功勤者，一切裝嚴，隨臣等令表，上詣

玄都，例受功賞。謁言真官進品，上仙加爵帝秩。隨品署職，高下等級，皆令崇遷，一如

太真之儀。臣等學法未備，俯仰違格。進止犯科，不合儀式。恐四司所糾，五帝所執。千愆萬罪，乞蒙赦宥。哀原未悟，不見罪罰。臣等身中，五體真官，受功事訖，各還官府。使臣等學道得道，求仙得仙，永爲真人。同三光朗曜，與五氣長存。恩惟

太上衆尊，分別哀憐。謹因真官飛仙直使、正一功曹、左右官使者、陰陽神決吏、科車赤符吏、剛風騎置驛馬上章吏、飛龍騎吏、天仙騎吏、飛仙騎吏，各二十四人出操。臣謹爲某官某乙建

黃籙大齋，露請事訖，解壇遷職，復諸天位，重明功德。拜黃素朱表一通，上詣

太上上上曹伏須告報。臣某等誠惶誠恐，死罪死罪，稽首再禮，

以聞。

臣姓某屬某州某縣某官觀

太上無形無名虛無自然至真大道無上元尊金闕七寶玉陛下

國號年號太歲某某月某朔某日某
天門開時，於某宮觀玄壇中拜

上。

凡寫表，不得挑抹、塗改、僞字、添注、損污等。唯須精心，且人間奏表，尚須謹楷精細。况奏於天廷者乎。

發願

復爐

香官使者，左右龍虎君，侍香諸靈官，當令臣行道之所，自然生金液丹碧芝英。百靈衆真，交會在此，香火御前。令修齋弟子，存亡受福，家國霑恩，十方仙童玉女，侍衛香煙，傳奏臣向來所啓，速達至真無極大道三清上聖玉皇上帝御前。

出戶

太上黃籙齋儀卷之四十九

太上黃籙齋儀卷之五十

唐廣成先生杜光庭刪

散壇設醮

入戶

各禮師，存念如法

衛靈

孟章建節，靈光執戈。監兵束妖，執明消魔。黃中總治，勾陳騰蛇。奠鎮五方，掃穢除邪。金童披香，玉女散花。氣凝日彩，神運月華。靈寶混合，萬象森羅。藥珠虛白，妙道巍峨。衆真監度，是謂仙家。

鳴法鼓二十四通

無上三天玄元始三炁太上老君，召出臣等身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。當召某處土地里域、真官正神，速出關啓。臣今正爾設醮燒香，奉爲某官某乙，爲國爲家，奉修無上黃籙大齋若干日夜。以今設醮行道，願得太上十

方正真生氣，降流臣等身中。所啓速達，徑御至真無極大道三清上聖玉皇上帝御前。

各稱法位

具位臣某等稽首再禮，

謹奉請玉京玄都紫微上宮十方大聖衆、至真諸君丈人，飛仙上真，玉童玉女。伏願應感分輝，降臨醮席。稽首，再禮，後同。

謹奉請天地靈仙，諸天上聖，日君月后，真人神仙，玉童玉女，應感分輝，降臨醮座。

謹奉請北極勾陳天皇大帝君，北斗七星君，南斗六星君，三台五星君，二十八宿君，周天三百六十五度星中大神、星中真人，星宿兵馬騎乘等，降臨醮座。

謹奉請東方青帝九氣君，南方赤帝三氣君，西方白帝七氣君，北方黑帝五氣君，中央黃帝一氣君，五帝真人，玉童玉女，兵馬騎乘等，降臨醮座。

謹奉請上元天官、中元地官、下元水官，三元君，三宮九府百二十曹，五

嶽真人、五嶽大神，三十六洞天、二十四化、三河四海、九江水帝、十二河源、十二仙君，九宮真人，九天司命，五嶽丈人，九天使者，儲副正職，佐命大神，天仙地仙，飛仙神仙，兵馬騎乘等，降臨醮座。

謹奉請三洞四輔、侍經真官，仙公仙伯、仙卿大夫，九天御史，玄中大法師、嗣師係師，上古三師，經師、籍師、度師，三洞威神，降臨醮座。

謹奉請靈寶官屬，領仙監齋，直符真官，侍香將吏，玉童玉女，六甲諸官，六甲諸將，六旬玉女，社稷將吏，一切靈司，降臨醮座。

謹奉請臣等身中三五功曹、左右官使者、侍香金童、傳言玉女、五帝直符直日香官，無上三天執法開化陰陽功曹，銷災散禍、解厄君吏等，降臨醮座。

謹奉請身中所佩二十四治建節監功大將軍，四部監功謁者，上仙上靈直使，正一功曹，治病功曹，促氣功曹，三部功曹等，降臨醮座。

謹奉請陰陽神決吏、科車赤符吏、

剛風騎置吏、驛馬上章吏、飛龍騎吏、天真飛仙騎吏，上部使者、都官使者、郎吏虎賁，察奸鉤騎，都官僕射，天丁力士，天驕甲卒等，降臨醮座。

謹奉請收氣食氣吏、收神食神吏、收鬼食鬼吏、收邪食邪吏、收精食精吏、收毒食毒吏，誅巫破廟吏等，降臨醮座。

謹奉請弟子某乙元辰本命、大小行年，本命星官，驛馬將吏等，降臨醮座。

謹奉請四司五帝，應感真靈，三界職司，衛壇將吏，虛空監察，直日直符，當界主司等，降臨醮座。

謹奉請此間土地、里域真官，降臨西席。

次上香

上湯

上茶

上酒

次長跪，啓白

臣等謹上啓十方大聖，天地靈仙，日月帝君，四司五帝，三台北斗，嶽瀆真官，靈寶衆真，三官主者，三界內外，

應感真靈。伏願普降洪慈，分輝照鑒。臣宿承餘慶，得誕今生。叨佩靈文，稟修玄教。功輕塵露，過重丘山。誠宜束身，以自修檢。而法許開度，佐國立功。凡有歸心，理難抑絕。今有大道弟子某官某乙，爲家爲國，齋信投詞。請建黃籙大齋，若干日夜。以某月某日亥時，功圓事畢。拔度幽夜，關奏上真。解厄銷災，祈恩謝過。功德成就，障難不生。皆賴法籙吏兵，內外官屬，至真衆聖，應感尊靈。乘此洪休，副其丹懇。啓奏來往，勞歷真官。或薦獻失儀，違犯科典。動靜俯仰，干冒神真。將酬翊衛之恩，請降將來之福。輒因散席，虔備醮筵。乞降威靈，俯賜歆納。臣及弟子等，不任仰望之至，誠惶誠恐，稽首再禮。

次上香

上湯

上茶

上酒

臣等重啓衆聖衆真，一切官屬。臣聞三清上聖，五老尊神，天地真靈，玄

司主宰。生成天地，孕育萬靈。體洽無爲，功先覆載。神用不測，德顯幽明。潛祐邦家，幽贊羣品。無災不解，無厄不攘。凡有啓祈，必蒙鑒祐。弟子某歸心十極，稽首衆真。乞爲記錄齋功，證盟修奉。使弟子九玄七世，昇入朱陵。衣食自然，逍遙碧落。臣及弟子，凶災蕩散，罪累消除。真氣內滋，靈官外護。年命延遠，福祐增新。出入遊行，神明保護。北宮落死，南斗上生。所在地司，常加警祐。上願帝王萬壽，社稷興昌。天下太平，兵戈戢息。九幽長夜，咸得生天。率土含靈，同躋壽域。臣等學法未備，恐犯玄科。慮所奏未通，所祈未達。伏願青詞朱表，速御九天。真文靈章，遍濟幽壤。使玄風溥暢，惠澤下臨。幽顯霑榮，存亡開泰。啓謝已畢，應感斯須。塵世凡微，不敢久滯。上境天真，俱昇宮闕。嶽瀆靈官，各歸本署。五體真官，復還官府。昇車之恩，乞垂昭祐。臣等不勝懇願之至，誠惶誠恐，稽首再禮。

焚香，散果

平坐，呪曰

上真上仙，已還宮闕。侍從官吏，及當境職司、十二時神、二十四吏、前後左右一切正神，並來就坐。歆響誠禮，各安所部。贊揚道化，助正却邪。爲某乙攘却災衰，屏斥凶惡。三會之日，別當言功。苟有犯違，正一大法，科有明文。在座衆神，各還所治。後有祈奏，當重告聞。弟子再拜。

送神頌

眇眇空無象，悠悠感有情。敬則承天貺，泄則被魔精。吉凶隨運起，否泰應緣生。道不貴珠玉，神惟在至誠。丹碧盡勤苦，懇款竭中情。自然通大聖，皆得降明靈。捻香陳所願，稽首冀嘉禎。天尊常寂靜，迴心禮杳冥。

次還戒頌旋行，至向都講位

天尊大慈悲，說戒度衆生。威德被幽顯，果報感神靈。諸天來稽首，羣魔自束形。過去超八難，見在保千齡。齋福行當息，相共送虔誠。流梵逸雲唱，飛香雜煙聲。瓊鳳乘丹輦，金龍駕綠駟。生死皆快樂，家國悉安寧。

次還戒三禮畢

衆官納職

高功、都講、監齋、侍經、侍香、侍燈，各依位，相次於三寶前，禮一拜，長跪。授簡於高功訖，起，三禮，退就兩位立訖。高功起，三拜，行就本位。

發願

一願乾坤明素，二願氣象清玄，三願聖君萬壽，四願化洽八埏，五願天垂甘露，六願地發祥煙，七願四時應候，八願萬物生全，九願家多孝悌，十願國富才賢，十一願齋功廣被，十二願善瑞日臻。

復爐

香官使者，左右龍虎君，侍香諸靈官，當令拜表言功之所，自然生金液丹碧芝英。百靈衆真，交會在此，香火爐前。令存亡受福，家國霑恩。十方仙童玉女，侍衛香煙，傳奏臣向來所啓，徑達至真無極大道昊天玉皇上帝御前。

三塗五苦頌八首

三塗五苦頌八首，旋行三周，如步虛法。三才及萬物，倚伏各有靈。終始大劫數，福盡天地傾。往返於五道，苦哉更死生。展轉三途中，去來與禍并。

大賢慎茲戒，忍世念割情。愚夫不信法，罪痛常自嬰。吾念世無已，今故重告明。若欲度斯禍，歸命太上經。罪福不由他，諒自發爾身。大賢故閉口，欲滅諸惡根。滅念歸兼忘，倚伏待長泯。弘道以安世，終當見正真。淫嫉爲禍首，滅身之至患。貪養如斯禍，恐必致天殘。知惡而不革，豈是道所安。懷毒日齋直，令我發長歎。宿命有信然，弱喪謂之無。皆欲眼前見，過目即言悠。大賢明道教，慘憺憫頑夫。依依念子苦，勤勤令我憂。人命已銷盡，亦猶膏中火，四大暫相寓，五物權時假。盛年當勤學，趣求存吾我。福盡身神散，冥冥地獄下。上聖畏是故，尋道度斯禍。

學仙行爲急，奉戒制情心。虛夷正氣居，仙聖自相尋。若不信法言，胡爲棲山林。大賢樂經戒，受之爲身寶。就學常苦晚，治身恨不早。比當被幽蹟，倏忽年已老。執卷吟爾極，將更死痛惱。吾故及弱齡，棄世以學道。

次解壇頌

太空包有象，至道杳無形。承和通妙氣，應感達中情。倏忽周八極，依稀降萬靈。微香陳素款，委質表丹誠。遠泛翔鸞蓋，遐攀綺鳳旌。煙宮高鬱鬱，雲閣上亭亭。瓊駕出霄漢，金龍入太清。甘露洽人世，家國悉安寧。

出戶
華夏贊，引至三師前，列位上香。辭三師頌如不設三師位，即於天門上送。

修齋已訖，仰荷玄恩。稽首歸依，奉辭經師。

經法隨玄妙，崇奉悉因師。凡欲立善者，咸當禮願之。氣專功易就，心慢悔難追。若能勤繫念，朝夕自仙飛。修齋已訖，仰荷玄恩。稽首歸依，奉辭籍師。

道以齋爲重，法以朝爲常。不奉不信者，焉能遊帝鄉。有骨入仙品，自然開紫房。玄女登雲臺，但見金銀堂。是故謝三師，稽首禮虛皇。

修齋已訖，仰荷玄恩。稽首歸依，奉辭度師。

峒峒玉京山，玄都何巍巍。真人乘虛步，朗朗長夜開。大道由人弘，心至神自歸。修齋行道畢，稽首辭三師。雲輿不駐，鶴駕難留。後有修齋，還當奉請。

回向

向來設醮功德，上資皇帝，下及羣生。同賴玄功，成無上道。

次於玄師前，謝過禮畢。弟子捻香謝恩，禮玄中法師。六職訖，都講已下謝法師，各各展禮，如啓齋夜。訖散如常儀。

太上黃籙齋儀卷之五十

太上黃籙齋儀卷之五十一

唐廣成先生杜光庭刪

拔苦濟度方懺

東方

衆等至心歸命東方無極太上靈寶尋聲救苦天尊，東鄉神仙諸靈官。三禮

各虔誠，懺謝

臣等伏聞，一炁鴻濛，二儀開闢。扇玄風而鼓鑄，肇紅日以照臨。碧海泓澄，青林蓊鬱。今謹有黃籙大齋主某乙崇仁起念，拯物興懷。哀傷流滯之魂，閉繫風雷之獄。歲月徒久，考對未原。敬修黃籙大齋，謹齋青紋繒綵，歸命東方無極太上靈寶天尊，九炁天君，東鄉神仙諸靈官。伏冀靈威青帝，救苦真人。拔萬壑之深殃，致三清之妙樂。永離衆苦，載誕諸天。家國安寧，存亡福利。得道之後，昇入無形。和與道合真。

南方

衆等至心歸命南方無極太上靈寶

尋聲救苦天尊，南鄉神仙諸靈官。三禮

各虔誠，懺謝

臣等伏聞，三炁應身，五靈分化。丹簡注上生之籙，炎洲居不死之鄉。載日窮涯，壽星爛景。今有黃籙大齋主某乙歸心上聖，渺覲丹丘。翹勤瞻金闕之尊，側隱救火坑之苦。齋絳紋之繒綵，啓黃籙之靈壇。瓊鳳金龍，建齋行道。歸命南方無極太上靈寶天尊，三炁天君，南鄉神仙諸靈官。伏覬丹天赤帝，救苦真人。解累劫之殃原，拔九幽之沈滯。火坑息焰，獄卒停酸。同會至真，逍遙妙境。得道之後，昇入無形。和與道合真。

西方

衆等至心歸命西方無極太上靈寶尋聲救苦天尊，西鄉神仙諸靈官。三禮

各虔誠，懺謝

臣等伏聞，素靈真境，七炁應身。瓊宮儼皓素之尊，金闕啓帝靈之聖。麟洲遼復，青海深沈。今有黃籙大齋主某乙虔懇靈壇，歸崇妙旨。想金鎚之罪衆，憫劍樹之幽徒。歷劫未原，長夜

無捨。齋素紋之繒綵，豎黃籙之玄壇。白獸鎮方，金龍表信。歸命西方無極太上靈寶天尊，七炁天君，西鄉神仙諸靈官。伏冀至聖垂慈，玄元憫惻。拔九泉之重罪，離十苦之深殃。誕慶中華，記名上境。得道之後，昇入無形。和與道合真。

北方

衆等至心歸命北方無極太上靈寶尋聲救苦天尊，北鄉神仙諸靈官。三禮

各虔誠，懺謝

臣等伏聞，太芒浩劫，五炁應真。敷大化於玄天，配神功於黑帝。幽都渺莽，冰谷崢嶸。今有黃籙大齋主某乙虔懇真仙，歸心妙域。獻金龍之信，齋玄紋之繒。歸命北方無極太上靈寶天尊，五炁天君，北鄉神仙諸靈官。伏冀聖慈垂祐，玄德流仁。拔幽府之沉冤，救寒冰之毒苦。提携萬壑，引致三清。天上人間，超登妙果。得道之後，昇入無形。和與道合真。

東北方

衆等至心歸命東北方無極太上靈

寶天尊，梵炁天君，東北鄉神仙諸靈官。三禮

各虔誠，懺謝

臣等伏聞，大象丕渾，凝一炁而含韞；重玄化作，分八索以恢張。乾道流形，艮山列位。今有黃籙大齋主某乙融心妙境，注想靈都。入靜焚香，鎮龍齋信。歸命東北方無極太上靈寶天尊，梵炁天君，東北鄉神仙諸靈官。伏冀良宮仙衆，求苦真人。懋劍樹之電揮，念刀山之霜冽。九幽餓隸，十苦寒魂。弘濟度於沈埋，普仁慈於泰遠。拔從惡趣，植以善根。和煦兩明，牢籠八極。得道之後，昇入無形。和與道合真。

東南方

衆等至心歸命東南方無極太上靈寶天尊，梵炁天君，東南鄉神仙諸靈官。三禮

各虔誠，懺謝

臣等伏聞，梵炁凝精，巽方立極。流百川於地戶，產羣品於天隅。扇起玄風，運行至化。今有黃籙大齋主某乙

憂深濟物，意乃探玄。列信朝真，陳詞啓聖。仰尋聲救苦之力，扣玄關衆妙之門。歸命東南方無極太上靈寶天尊，梵炁天君，東南鄉神仙諸靈官。伏冀妙道潛通，至靈克應。拔一隅之諸苦，拯四位之羣迷。火烈停威，風刀息考。咸登道果，各被真風。永離九幽，長豐五福。得道之後，昇入無形。和與道合真。

西南方

衆等至心歸命西南方無極太上靈寶天尊，梵炁天君，西南鄉神仙諸靈官。三禮

各虔誠，懺謝

臣等伏聞，真風散景，梵炁含光。列厚載於坤維，顯玄功於乾德。生成羣有，亭育萬靈。既分罪報之司，必有沉淪之趣。今有黃籙大齋主某乙冥心上境，注意陰功。懺罪祈恩，拔苦興樂。謹齋黃信，敬鎮金龍。歸命西南方無極太上靈寶天尊，梵炁天君，西南鄉神仙諸靈官。伏冀精懇名香，徹九天之清境；深仁妙道，照十地之黃宮。

拔自鑊湯，灑之甘露。涵融大化，恢弘濟度之私；澹蕩玄風，普徧生成之力。得道之後，昇入無形。和與道合真。

西北方

衆等至心歸命西北方無極太上靈寶天尊，梵炁天君，西北鄉神仙諸靈官。三禮

各虔誠，懺謝

臣等伏聞，混元本始，廓玄象以傾天；梵炁冲融，鼓清風而立極。均分寒暑，主宰陰陽。既司善惡之權，須作重輕之報。寧無獄吏，欽守金科。今有黃籙大齋主某乙拜手陳詞，傾心軫念。歸心清妙之境，垂慈救苦之門。齋黃紋之繒，注丹虔之懇。歸命西北方無極太上靈寶天尊，梵炁天君，西北鄉神仙諸靈官。伏冀遷拔九幽，蠲除十苦。扇真風於乾極，宣顯氣於北隅。鬼錄全空，滯魂偕化。歡康聖祐，沐浴靈恩。得道之後，昇入無形。和與道合真。

上方

衆等至心歸命上方無極太上靈寶

天尊，三十六天帝君，玉京玄都、紫微金闕、三清三界、梵炁天君，上鄉神仙諸靈官。三禮

各虔誠，懺謝

臣等伏聞，虛無妙境，闡大化之玄功；碧落清風，扇自然之洪運。真功渺邈，叡智難窮。包括穹隆，司張象緯。今有黃籙大齋主某乙夙欽妙旨，虔奉真宗。行道修齋，祈恩首悔。謹齋碧紋之繒、金龍一枚，歸命上方無極太上靈寶天尊，三十六天帝君，玉京玄都、紫微金闕、三清三界、梵炁天君，上鄉神仙諸靈官。伏冀元始開度，至真敷弘。憫十方八極之羣迷，拔五嶽四溟之庶獄。咸辭幽壤，共照高明。覆育玄恩，豐滋靈澤。得道之後，昇入無形。和與道合真。

下方

衆等至心歸命下方無極太上靈寶天尊，九土高皇，四司五帝，十二仙君，九宮真人，神仙玉女，無極世界，下鄉神仙諸靈官。三禮

各虔誠，懺謝

臣等伏聞，方輿載物，弘大信以無私；厚地安貞，布洪基而永固。咸資道力，以運神功。今有黃籙大齋主某乙志感生成，心憑造化。仰乾坤之德，荷覆載之恩。謹齋黃紋之繒、金龍一枚，歸命下方無極太上靈寶天尊，九土高皇，四司五帝，十二仙君，九宮真人，神仙玉女，無極世界，下鄉神仙諸靈官。伏覬九幽息考，庶獄原殃。弘聖造於下泉，沐玄恩於上界。得道之後，昇入無形。和與道合真。

日宮

衆等至心歸命日宮至真大聖，日中皇君，明皇真人，丹霞玉女，日宮神仙諸靈官。三禮

各虔誠，懺謝

臣等伏聞，大明敷德，曜靈暉煦照之光；懸象推功，合璧瑞休祥之彩。羲和掌職，畏愛分殊。惟彼上官，實司罪福。今有黃籙大齋主某乙傾心救度，列懇詞文。憑至道之仁慈，仰太陽之照燭。修齋行道，搥磬焚香。歸命日宮至真大聖，日中皇君，明皇真人，丹

霞玉女，日宮神仙諸靈官。伏冀光延景貺，德惠仁明。朗下土之幽泉，垂上玄之明德。咸豐五福，皆離十殃。永沐道恩，常蒙聖祐。得道之後，昇入無形。和與道合真。

月宮

衆等至心歸命月宮至真大聖，月中皇君，素皇真人，散暉玉女，月中神仙諸靈官。三禮

各虔誠，懺謝

臣等伏聞，太陰垂象，素彩流光。體叶三無，照臨萬有。準盈虛而順度，司罪福而不差。今有黃籙大齋主某乙利濟推誠，憫嗟及物。虔祈妙域，拯救迷徒。歸命月宮至真大聖，月中皇君，素皇真人，散暉玉女，月中神仙諸靈官。伏冀璧彩流暉，金波借潤。照無明之苦趣，燭長夜之寒庭。洗滌罪殃，滋霑福祿。得道之後，昇入無形。和與道合真。

星宮

衆等至心歸命北辰南極，星宿璇璣，三台七星，二十八宿，星中大神，星

中真人，星宮神仙諸靈官。三禮

各虔誠，懺謝

臣等伏聞，星宮分彩，列玄象於九霄；斗極凝暉，配洪規於七曜。形模帀地，軌度周天。進退靡差，主張無爽。惟茲下土，實稟天曹。今有黃籙大齋主某乙凝心道域，虔懇星文。救苦誠專，通幽願切。歸命北辰南極，星宿璇璣，三台七星，二十八宿，星中大神，星中真人，星宮神仙諸靈官。伏冀景光垂照，福曜臨暉。拔幽爽於陰都，享壽年於南極。黑書削死，丹簡上生。凋落諸殃，敷榮衆善。得道之後，昇入無形。和與道合真。

東嶽

衆等至心歸命東嶽泰山青帝真君，飛仙真人，名山洞府，得道神仙諸靈官。三禮

各虔誠，懺謝

臣等伏聞，天孫列位，表東嶽以干霄；日觀標名，顯岱宗而鎮地。羣峰朝謁，列聖封崇。惟彼魯瞻，實司齊俗。表界河海，統領死生。今有黃籙

大齋主某乙利民興念，濟物推誠。修齋朝真，祈恩請福。歸命東嶽泰山青帝真君，飛仙真人，名山洞府，得道神仙諸靈官。伏冀大化垂仁，洪慈育德。拔幽途之滯魄，度業報之遊魂。各捨深殃，俱霑臣福。得道之後，昇入無形。和與道合真。

南嶽

衆等至心歸命南嶽衡山赤帝真君，飛仙真人，名山洞府，得道神仙諸靈官。三禮

各虔誠，懺謝

臣等伏聞，紫蓋靈臺，朱陵寶洞。分翼軫而作鎮，副濤霍以居尊。鶴舞來儀，鳥書遁跡。今有黃籙大齋主某乙推心救度，瀝懇翹勤。請福祈恩，修齋行道。歸命南嶽衡山赤帝真君，飛仙真人，名山洞府，得道神仙諸靈官。伏冀神靈朗鑒，道德垂仁。弘生植之大恩，拔幽冥之重罪。咸昇碧落，共沐玄風。日月貞明，家國豐泰。得道之後，昇入無形。和與道合真。

西嶽

衆等至心歸命西嶽華山白帝真君，飛仙真人，名山洞府、得道神仙諸靈官。三禮

各虔誠懺謝

臣等伏聞，泰華靈巖，削成萬仞。巨靈聖路，擘出三峰。神仙駕鹿以遨遊，真侶騎龍而命召。真靈所宅，罪福是司。今有黃籙大齋主某乙瀝懇上玄，歸心至聖。弘濟度之理，推振滯之誠。歸命西嶽華山白帝真君，飛仙真人，名山洞府、得道神仙諸靈官。伏冀上善真風，滌塵勞於寓世；至仁慈造，解罪考於幽徒。國泰民安，災銷福降。得道之後，昇入無形。和與道合真。

北嶽

衆等至心歸命北嶽恒山黑帝真君，飛仙真人，名山洞府、得道神仙諸靈官。三禮

各虔誠懺謝

臣等伏聞，列鎮崇峰，聳寒郊而拱極；標形厚德，臨四野以橫空。昂畢儲精，趙代疏境。實司水旱，統攝幽明。今有黃籙大齋主某乙歸仰真風，依

憑道力。瀝禱祈之懇，推救度之誠。燒香散花，修齋請福。歸命北嶽恒山黑帝真君，飛仙真人，名山洞府、得道神仙諸靈官。伏冀玄慈昭感，洪慶敷融。解罪考於幽都，致福祥於庶品。四靈叶瑞，萬國咸寧。得道之後，昇入無形。和與道合真。

中嶽

衆等至心歸命中嶽嵩山黃帝真君，飛仙真人，名山洞府、得道神仙諸靈官。三禮

各虔誠懺謝

臣等伏聞，三臺峻極，作巨鎮以干霄；二室連空，巨嵩高而拂漢。嬰提鞏洛，襟帶伊瀍。惟彼真靈，實司罪福。今有黃籙大齋主某乙冥祈妙域，處仰真宗。思弘救拔之誠，欲致覃延之福。翹勤齋禱，俯仰至誠。歸命中嶽嵩高山黃帝真君，飛仙真人，名山洞府、得道神仙諸靈官。伏冀聖造優隆，拯幽沈於九苦；玄休廣被，布康樂於萬民。品彙昭蘇，倉箱羨溢。得道之後，昇入無形。和與道合真。

水府

衆等至心歸命水府扶桑大帝，暘谷神王，三河四海，九江水帝，十二河源，水府神仙諸靈官。三禮

各虔誠懺謝

臣等伏聞，崑崙白色，均九曲以朝宗；壻嶽清源，合三江而注海。浮天韞德，載地成功。浩渺無涯，潤滋攸博。三官分理，百谷歸王。惟彼陰靈，實司罪福。今有黃籙大齋主某乙推心救度，瀝瞻虔祈。願將齋戒之功，普濟幽明之福。齋持鎮信，秉列旌幢。歸命扶桑大帝，暘谷神王，三河四海，九江水帝，十二河源，水府神仙諸靈官。伏冀百川注福，四海湛恩。弘潤下之真風，散善時之玄澤。罪除幽獄，功記明真。九穀咸滋，百靈共泰。得道之後，昇入無形。和與道合真。

經寶

衆等至心歸命至真無上三十六部尊經，諸天寶藏，十方正法，侍衛經典一切靈司。三禮

各虔誠懺謝

臣等伏聞，元尊演教，上聖傳宗。紫金書方丈之文，黃玉削通光之策。重玄奧妙，八會幽深。為福德之良因，乃歸依之妙本。羣山旨趣，眾聖師資。今有黃籙大齋主某乙至心歸命至真無上三十六部尊經，諸天寶藏，十方正法，侍衛經典一切靈司。伏冀三洞真官，贊玄休於聖運；九天靈貺，延福瑞於賢良。動植生成，幽明昭感。巖棲善友，開祕訣以登真；末俗常流，悟玄關而樂誦。三塗九夜，億祖七玄。同沐聖功，俱昇妙境。得道之後，昇入無形。和與道合真。

太上黃籙齋儀卷之五十一

太上黃籙齋儀卷之五十二

唐廣成先生杜光庭刪

轉經

夫修黃籙靈寶諸齋，每日三時行道，三時轉經，晝夜六時，為弟子關奏誦念，以祈福祉。其行道後，消息移時，仍別陞壇轉經贊道，法事一如金籙簡文。登壇上座，誦經威儀，如或風雨不常，及別有法事，即行道與轉經相續可矣。陞壇轉經，法師冠元始之冠，黃裙紫褐，五色雲霞之帔，是名法服。眾官如常服。

眾官於師前，序立

知磬唱道

道場眾等人，各運心歸命三寶，滅一切念。

入戶

上御案香

上香密呪

玉華散景，九炁凝煙。香雲密羅，逕衝九天。侍香金童，傳言玉女。傳臣所奏，上聞帝前。令臣所啓，咸賜如言。今日告齋，諸天臨軒。三界五帝，列言上清。執籙把籍，齊到帝前。

玉華散景，九炁凝煙。香雲密羅，逕衝九天。侍香金童，傳言玉女。傳臣所奏，上聞帝前。令臣所啓，咸賜如言。今日告齋，諸天臨軒。三界五帝，列言上清。執籙把籍，齊到帝前。

三歸依

人各恭敬

至心歸依，十方道寶。當願眾生，起心回向，一切敬禮。

至心歸依，十方經寶。當願眾生，心開悟解，受持轉誦。

至心歸依，十方師寶。當願眾生，普上法橋，無有障礙。

道場眾等，執簡端心，平坐如法。

眾官各依位，平坐

讚詠如法

宿命讚

待經行水行經，侍香行香。

宿命有信然，弱喪謂之無。皆欲眼前見，過目即言悠。大賢明道教，慘戚憫頑夫。依依念子苦，勤勤令我憂。

靜念如法

法師依法，瞑目存思，出威儀自然經。

若轉靈寶眾經，法師當思身坐青黃白三色雲氣之中。左青龍，右白虎，前朱雀，後玄武。日月五星，照映左右。侍經仙官，羅列壇內。已有圓光，如日

之象。畢，嚙液三過，叩齒三通，密呪曰

寂寂至無宗，虛峙劫仞阿。豁落洞玄文，誰測此幽遐。一入大乘路，孰計年劫多。不生亦不滅，欲生因蓮花。超凌三界徒，慈心解世羅。真人無上德，世世爲仙家。

若轉道德衆經，法師當思太上老君、玄中大法師、尹真人、河上公真人。畢，叩齒三十六通，嚙液三十六過。先心存左青龍，右白虎，前朱雀，後玄武，足下八卦龜。三十六獅子，伏在前頭。中七星。五藏生五氣羅紋，覆身上。三一侍經，各千乘萬騎。天地各有萬八千玉女童衛之，密呪曰

玄玄至道宗，上德體洪元。天真雖遠妙，近緣泥丸君。宮室皆七寶，窗牖自有分。清靜常正真，駕景乘紫雲。日月左右照，昇仙長年全。七祖生上天，世爲道德門。

若轉度人經，法師當東向叩齒

三十二通，上聞三十二天，心拜三十二過。閉目靜思，身坐青黃白三色雲氣之中，內外翕冥，有青龍、白虎、朱雀、玄武、獅子、白鶴，羅列左右。日月照明，洞煥室內。項生圓象，光映十方。如此分明，密呪曰

無上玄元太上道君，召出臣身中，三五功曹、左右官使者、侍香金童、傳言玉女、五帝直符直日香官，各三十二人。關啓所言，今日吉慶，長齋清堂，修行至經，無量度人。臣及甲乙，轉經受生。願所啓上徹，逕御無上三十二天元始上帝至尊几前。畢引氣三十二過，東向誦經。

若轉上清洞神諸經，各依本法，存思，呪也

念諸天尊聖號

啓經讚

稽首虛皇天尊前。

請轉寶經

轉衆經

送經頌

大量虛玄玄也。

解坐讚

爲諸來主，作善因緣。如蒙開悟，仰荷玄恩。

衆官起立

歎經功德出《三洞科》

詳夫三洞寶經，萬天勝範。結飛玄之氣，成雲篆之章。義冠無生，文垂永劫。故天地持之以分判，日月因之以運行。鬼神敬之以變通，人倫奉之以開度。是以詠之者，則形陟絳霄；聞之者，則神生碧落。莫不人天仰賴，生死依憑。爲羣品之津梁，作衆真之戶牖。不可得而言之者，其惟大乘之韞乎。粵有大道弟子某乙，爲國爲家，濟拔存亡。按靈寶簡文，考神仙品格，齋紋繒鎮信，油燭香花。修黃籙大齋，若干日夜。九時行道，九時轉經。爾其開函演奧，即響徹三清；執卷吟玄，乃聲聞五億。當願侍香金童，結香字於天中；典經玉郎，進經文於簡上。即使愆銷昔劫，福降今辰。存亡荷開泰之恩，動植悅生成之德。洎乎悠悠

庶品，蠢蠢含生。俱乘六度之舟，並達三清之岸。

三聞經

聞經已後，當願羣生，萬罪並消，善芽增長。

聞經已後，當願衆生，深入法門，歸依信受。

聞經已後，當願羣生，永斷執迷，常歸正道。

旋行，禮誦七真讚

或三首五首，如步虛法。出《玉京山經》。法師叩齒，君在金華宮，如嬰兒之狀。

太上玄虛宗，弘道尊其經。俯仰已得仙，歷劫無數齡。巍巍太真德，寂寂因無生。霄景結空構，乘虛自然征。日月爲炳灼，安和樂未央。

學仙絕華念，念念相因積。去來亂我神，神躁靡不歷。滅念停虛閑，蕭蕭入空寂。請經若饑渴，持志如金石。保子飛玄路，五靈度符籍。

濟我六度行，故能解三羅。清齋禮太素，吐納養雲牙。逍遙金闕內，玉京爲余家。自然生七寶，人人坐蓮花。

仰嚼玄都柰，俯酣空洞瓜。容顏曜十日，奚計年劫多。法鼓會天仙，鳴鍾徵大魔。

靈風扇香華，璨爛開繁衿。太真撫雲璈，衆仙彈靈琴。雅歌三天景，散慧玉華林。七祖昇福堂，由此步玄音。前世福未足，斯書邈難尋。信道情不盡，圖飛乃反沈。太上無爲道，弘之在兆心。

學道由丹信，奉師如至親。挹景偶清虛，孜孜隨日新。衆人未得度，終不度我身。大願有重報，玄德必信然。陰惡罪至深，對來若轉輪。

學道甚亦苦，晨夜建福田。種德猶植樹，積篋而成山。子能耽玄尚，飄爾昇青天。修是無爲道，當與善結緣。太上至隱書，名曰智慧篇。拔苦由大才，超俗以德真。靈姿世所奇，曄若淵中蓮。

人行各有本，皆由宿世功。立德務及時，發願莫不從。善惡俱待對，倚伏理難窮。賢士奉法言，道亦在兼忘。解是大智慧，上爲太極公。寶蓋連玉

輿，命駕御九龍。金華擎洞經，捧香悉仙童。嘯歌徹玄都，鳴玉叩瓊鍾。

竦身凌太清，超景逸紫霄。保無持法綱，遊玄極逍遙。萬劫猶昨夜，千春如晨朝。巍峨蔭雲華，手攀寶林條。香烟自然生，玄階興扶搖。靈幡順風散，繁想應時消。滅智弘大混，無爲爲清謠。已上，並與金錄儀同。

小學仙讚

學仙行爲急，奉戒制情心。虛夷正炁居，仙聖自相尋。若不信法言，胡爲棲山林。

回向讚，於玄師前，散如常儀
太極左仙公曰：真頌八篇，皆太上太極真人之辭。衆仙常所耽誦，不宣泄於下仙。祕藏金闕玉房之內，宜傳至人修靈寶齋者也。不可示浮華之徒，慎之慎之。

太極真人曰：侍經仙童玉女，聞此禮經讚詠之音，皆懽悅而祐兆身也。是大經，悉當用此讚而禮拜矣。若冥心誦經者，亦心詠之。乃上仙之祕辭，修真之妙音也。出《靈寶玄都玉京山經》第三。

天尊曰，經者，吾遺教導引愚迷，能發衆生無量道意。意從悟起，因悟成真。衆聖修行，皆登道果。故元始以一炁生化三炁，分爲三天。一曰始炁，爲清微天，號玉清境，天寶君所化。吾以龍漢之初，號無形天尊，於此天中，出洞真寶經十二部，以教天中九聖。或號萬天玄師无上法王經，九萬九千九百九十九億萬歲。二曰元炁，爲禹餘天，號上清境，靈寶君所化。吾以延康之初，號无名天尊，於此天中，出洞玄靈寶真經一十二部，以教天中九真。或號三界醫王太上真尊經，八萬八千八百八十八億萬歲。三曰玄炁，爲太赤天，號太清境，神寶君所化。吾以赤明之初，號梵形天尊，亦稱觀世真人。出洞神寶經一十二部，以教天中九仙。或號十方導師至極天尊經，七萬七千七百七十七億萬歲。開皇改號，吾號虛皇。理元陽宮中，敷揚三洞，下化人間，號太上道君經，六萬六千六百六十六億萬歲。逮至上皇，吾總號元始，理紫微宮中，廣布經戒，救

度羣生。三洞寶經，凡三十六部，亦曰三乘。洞真寶經，謂之大乘；洞玄寶經，謂之中乘；洞神寶經，謂之小乘。結飛玄之炁，自然成章。玉字金書，龍文鳳篆。大方一丈，八角垂芒。教化諸天，流通世界。始終歷劫，常轉法輪。或實或權，有廣有略。因機取悟，隨世修行。雖天地運終，而三洞不滅。開度羣品，道引人天。三界十方，俱受利益。其受每劫之初，洞真下化。人懷道德，共處無爲。悉奉正真，長生得道。次則洞玄下化，人物漸離。散朴澆淳，失道叛德。末則洞神下化，人物轉更澆浮。不奉正真，年命短促。自是之後，人心破壞。三洞不行，智慧日興。人鬼交雜，運度促急。不滿百年，念念無常。死亡不絕，吾重出宣行三洞，布化人間。隨代機緣，敷弘經教。或大或小，順物所宜。故元始本文，未盡下教。其三清上境，四梵天中。真聖修行，其文具足。山川洞府，海嶽山宮，雖有所修，亦不備足。謂隨方所修之經，三洞不得備足也。故命老子，託化人間。

救度衆生，演出科戒。或夷或夏，或聖或凡。周徧十方，悉令開度。三洞妙法，散在人間。勸諸女男，使勤修習。凡夫積罪，業累沉迷。與道無緣，不能信奉。唯從僞法，諸雜邪神，徒竭身心，終歸地獄。其信行三洞，悉入福堂。或白日昇舉，尸解遁形。隱跡洞宮，遊行世界。長生變號，永劫長存。鍊氣易形，轉神入道。人莫能識，無量無邊。吾過去後，魔教轉興。天下同遵，人民夭折。兵戈水火，疾病死傷。國破家亡，朝夕相繼。竭其府庫，以奉妖邪。僞亂日興，澆訛時扇。饑寒苦惱，父子流移。天下愚愚，永無悟矣。吾念爾輩，積劫沈淪。說是要言，以示警警。然三洞妙法，法有二種。一者真法，二者化法。真法者，離諸虛妄，永劫長存；化法者，文字流通，隨時變滅。化法之中，凡有五種。一者，結飛玄之炁，雲篆成章。離合自然，變見不測。在三清上境，常住鎮經。億劫長存，聖真扶護。二者，靈書一丈，八角煥明。在三界十方，諸天五億。隨劫

昇降，應感流傳。三者，諸天宮殿，樓閣臺房。門戶之間，書題誦詠。制伏人物，出入修行。四者，花文葉字，玉劄瓊編。方丈蓬萊，閔風玄圃。乍隱乍顯，隨劫存亡。教習神仙，伏諸魔鬼。五者，紙墨縑素，竹木漆書。散在人間，流傳誦詠。劫初即下，劫末還昇。保國安人，開度羣品。經者，元始之言，教化衆生。使識根元本始，宿命因緣。罪福報對，善惡吉凶。生化門戶，方便所由。今改惡從善，保安性命。長生無爲，歸之於道。永劫軌模，保之者福降，修之神仙矣。出《業報因緣經》。

太上道君謂三天法師曰：天尊教戒，三洞妙文。天書玉字，雲篆龍章。雖復無邊，總括條疏。雖十二事部類分別，隨根不同。一者，自然本文。二者，神符。三者，寶訣。四者，靈圖。五者，譜籙。六者，戒律。七者，威儀。八者，方法。九者，術數。十者，傳記。十一者，讚頌。十二者，章表。自然本文，天書八會，鳳篆龍章，是爲天地萬物之本。開化人神，成立諸法。主召

九天，神仙上帝。校定圖籙，調正璇璣。攝制鄴都，降魔伏鬼。勅命水帝，召龍上雲。天地劫期，聖真名諱。所治城臺，衆真境界。廣宣分別，種種降差。服御元精，化形之法。神符者，雲篆之文，神真之信。召攝衆魔，威制神鬼。總元御運，保命留年。玉訣者，天真上聖，述釋天書八會之字，以爲正音，開示大道。靈圖者，衆聖化迹，應見無方。圖寫變通，令總悟解。譜籙者，衆聖記述，仙真名諱。宗本胄胤，神宮位緒。戒律者，條制勅約，防非檢過。詮量罪福，分別輕重。威儀者，具示齋戒，進退楷模。俯仰節度，軌式容止。方法者，衆聖著述，丹藥祕要，神草靈芝、柔金水玉修養之道。術數者，明辯思神，存真念道。心齋坐忘，遊空飛步。餐吸六氣，導引三光。鍊質化形，仙度之法。傳記者，是諸衆聖，載述學業。得道成真，通玄入妙。修因方所，證果時節。讚頌者，衆真大聖，巧飾法言。稱揚正道，令總信樂。發起回向，生尊重心。章表者，師資傳

授，妙寶奇文。登壇告盟，啓誓傳度。悔謝請福，關告之辭。此十二事，總統衆法。一切意趣，無不備周。化引三乘，入一乘道。

三洞真經部帙品目

洞真寶經十二部凡二十三萬二千八百八十卷

太一部第一， 妙林部第二，

太清部第三， 徹視部第四，

上清部第五， 開化部第六，

元陽部第七， 妙真部第八，

開山部第九， 十仙部第十，

玉林部第十一， 黃老部第十二。

洞玄寶經十二部凡八十萬四千卷

靈和部第一， 靈寶部第二，

通神部第三， 無量部第四，

集仙部第五， 內祕部第六，

真志部第七， 集善部第八，

鍊精部第九， 生尸部第十，

宮圖部第十一， 鍊魔部第十二。

洞神寶經十二部凡八十四萬二千卷

太真部第一， 至德部第二，

黃庭部第三， 鍊氣部第四，

道德部第五， 元神部第六，

大劫部第七，內簡部第八，神呪部第九，三皇部第十，按摩部第十一，小劫部第十二。右三洞三十六部，共一百八十七萬六千三百八十卷。

歷代聖人神仙所受經

老君授上三皇玄中大經

老君授中三皇太素經

老君授下三皇金闕祕經

老君授中三皇開元經

老君授後三皇攝提本經

老君授伏羲元陽經三十四卷

老君授神農元精經三百六十卷

老君授祝融安神經

老君授黃帝道德經

天真皇人授黃帝三一經龍躡經

老君授顓頊微言經三十卷

老君授天老天元經

老君授帝嚳黃庭經五十卷

老君授帝堯玄德經

老君授帝舜政事離合經

老君授夏禹德戒經

老君授殷湯長生經四十卷

老君授文王赤精經

老君授武王虛無經

老君授昭王八天隱文經

老君授尹喜出塞經、化胡經、西昇

經、元陽經、道德經、內解經、九室經

老君授南榮趯衛生經

老君授宋王六甲經

老君授始皇鬼林經

老君授干吉太平經

老君授漢張天師王訣九千篇、符

圖七千章、神呪四千首、科律教戒一千

二百卷

老君授寇謙之新科一百二十卷

西王母授漢武帝上清經四十六卷

王君授魏夫人上清經三十二卷

三真人授葛仙翁靈寶經十六卷

太極真人授抱朴子靈寶經十四卷

三真人授仙人李順興上清經七卷

三茅君授仙人周子良上清經四卷

河上公授漢文帝道德經章句二卷

自三古已降，迄于巨唐。寶軸靈

文，或隱或見。或出於史冊，或著在別

傳。至宋朝簡寂先生，校讎之際，述珠

囊經目，萬八千卷。其後江表干戈，秦中兵革。真經祕冊，流散者多。後周武帝，立通玄觀。收集衆經，猶及萬卷。洎隋火版盪，唐室龍興。剪掃氛祲，底寧寰宇。至開元之歲，經訣方興。玄宗著瓊綱經目，凡七千三百卷。復有玉緯別目，記傳疏論，相兼九千餘卷。尋值二胡猾夏，正教凌遲。兩京祕藏，多遇焚燒。上元年中，所收經錄六千餘卷。至大曆年，申甫先生，海內搜揚，京師繕寫，又及七千卷。長慶之後，咸通之間。兩街所寫，纔五千三百卷。近屬巨寇凌犯，大駕南巡。兩都煙煤，六合榛棘。真宮道宇，所在凋零。玉笈琅函，十無三二。余屬茲艱會，漂寓成都。扈蹕選京，淹留未幾。再爲搜摺，備涉艱難。新舊經誥，僅三千卷，未獲編次。又屬省方，所得之經，尋亦亡墜。重遊三蜀，更欲搜揚。累祖兵鋒，未就前志。時大順二年，辛亥八月，三日庚辰，成都玉局化，閱省科教，聊記云耳。

太上黃錄齋儀卷之五十二

太上黃籙齋儀卷之五十三

唐廣成先生杜光庭刪

讚導

經科皆云：齋官之內，以道德尊高者，爲法師。明練法度，爲都講也。又都講職詞云，先鳴法鼓，次引朋衆。風則軌儀，敬憑讚說。此即讚唱導引，皆都講之務也。吳中江表、荆楚之間，皆以都講執磬，講導行禮。夫先鳴法鼓者，鍾磬之謂也。欲令羣官整肅，儀制森然。須先擊磬齊衆，而後讚唱陞壇，亦都講之職也。但以近年，或都講年德稍高，不欲一一勞止。即於衆官之內，差一人執磬唱禮。蓋事出一時，元非古制。詳其職簡，頗謂曠官。更有後學生情，妄爲臆斷。於六職之外，置一人持磬。殊無經據，訛謬益深。又高功法師，職在敷奏。進止俯仰，居衆之先。或昏耄不任，自可求退，豈容假手翻類冗員。今蜀地高功，止於發爐、復爐，兩稱名位。其他宣讀，皆委

他人。雖云先唱後隨，何異龍吟鼉應。此蓋不懼冥譴，自掇罪尤。人事尚且未容，天道如何通感。後之法主，深可戒焉。無蹈利於目前，更增罪於身後。監齋秉執科憲，繩糾愆違。務在無私，共引典法。若有虧犯，務須授簡。告之受罰之人，亦須甘心伏罪。所冀外能合禮，以全濟濟之儀；內不欺心，免抱忡忡之恨。不得使彈糾之際，彼此誼然。秉法者，進退有詞；負罪者，譴張拒命。不惟犯干玄聖，又且取笑衆人。其次侍經，整飭壇場。主張法席，經科几案。供養供須，施列敷張，皆須檢校。况舊法於齋堂之內，置兩高座，三時講讀，故簡文云：三時講唱是也。又職簡云：衛獅子之兩座。罰簡云：聽經倚據，不執版。又云：請問敗句。此皆明行道既畢，法師衆官，三時講誦矣。近代相承，祇於壇場之內，三時行道，三時轉經。久無講唱之事，亦無兩座之設。然轉經之時，衆官既坐。一人行淨水，侍香行香，侍經行經。轉讀既了，侍經收經，安置本座。及整拂壇

席，嚴待供養。無使外人，凌冒輒踐法壇，此乃侍經職務也。不得虛參職任，倨傲不恭。使几案縱橫壇場，污雜薦獻之物。使僮僕入壇，輕冒神真，凌犯禁戒。且禁壇之後，尚不許通行。而僕使庖夫，容易出入。例多此事，切宜禁之。苟獲未除，皆侍經獲其殃責也。侍香所職，具在簡詞之中。近者因循，多不勤恪。豈獨香煙中絕，往往火滅灰寒。兼有高功，尚未陞壇，中擅添香炷。此例違失，率皆有之。省閱科儀，亦宜戒慎。侍燈惟在勤勵，興廢合儀，徹曙續明，即爲稱職。近有不經之士，淺識之人。不使侍經整飭壇筵，別置直壇之號。六職之外，頗有冗名。明鑒法師，所宜共棄。無履僞跡，取誚後賢。又按金籙古儀及黃籙舊法，宿啓之夜及言功之時，皆先作自然朝，然後行齋事。故啓齋儀云，衆官相率，先行自然朝，至三禮後，即告齋署職，說戒宣科。明日晨曉，依法行道。此法自張天師、陸先生、寇天師、張清都，相傳至今，頗歷年代。皆以齋法出於靈寶。

自然朝爲齋之祖宗，故先行自然朝，示不忘本也。近有庸愚道士，不達古賢之情，先於玄師之前，補署六職，宣科授簡。然後陞壇，仍云簡寂先生齋法。謬誤飾非，謗說詞理，紛然寡識，無知一至於此。尚有其黨，相做行之。不唯獲亂法之愆，實亦受謗賢之罪。達教君子，宜共斥之。舊法之中，有相傳錯誤者，唯啓齋言功之時，自然朝內，合禮靈寶天尊。而相傳禮玉寶皇上等號，此稍失自然朝之本旨。恐是年代綿遠，書寫舛訛。今於此儀中，已爲改正。非敢臆度，惟理所歸。時彥後賢，共弘之矣。

齋壇讚唱儀軌

啓齋夜，衆官列位於玄中法師前。差一人，讀職狀訖。又一人引齋主，禮玄師，再拜。又三捻香。又禮再拜，捧詞函，自述齋意訖。又執函禮拜訖，回身長跪，授詞函於高功。接函訖，齋主禮，高功再拜，退復本位。

次高功即執詞函於玄師前。三上香，禮三拜訖。捧函正立，上

啓告齋都訖

次唱三歸依

次都講唱一切念

次華夏引，至三官前，上香

次至三師前，上香

次請齋官立

次引至地戶禁壇

次入戶呪，至天門，上十方香

次至本位

次都講唱，各禮師，存念如法

次唱，鳴法鼓二十四通

次各稱法位

次唱，至心歸命北方無極太上

靈寶天尊十方同

次唱，歸命懺悔

次三業

次三啓

次唱禮

至心稽首，太上無極大道。

至心稽首，三十六部尊經。

至心稽首，玄中大法師。

次唱，重稱法位

次大謝啓

次智慧三首訖

次唱，衆等人各首體投地，迴

心，禮十方，方各一拜。北方爲

始，東北方，東方，東南方，南

方，西南方，西方，西北方，北

方，上方，下方。十禮足起立

次唱云，衆官平坐，說戒威儀

次說戒

次奉戒頌一首畢，唱奉戒三禮

次署職都講唱云：署一人爲高

功大法師。其職也，道德內充，

威儀外備。俯仰法式，人天所

瞻。法師禮拜，長跪受簡訖

次衆官受職

次宣科禁

次十二願

次復爐

次學仙

次出戶呪

次空洞

次至玄師前，都講唱曰，向來禮

懺功德云云

次唱，監齋考過，監齋彈糾有無

訖

次唱，啓齋事畢，衆官復位

第一日清旦，於玄師前立定。都

講唱曰，道場衆等人，各運心歸

命三寶一切念

次入壇

次唱，各禮師，存念如法

次衛靈呪

次鳴法鼓二十四通

次發爐

次唱，重鳴法鼓二十四通閱吏兵

行事。法師鳴法鼓出官，餘八時不用此

次唱各稱法位

次三上香訖

次衆官左行，壇西立，面東唱

衆等至心歸命東方無極太上靈寶

天尊，九氣天君，東鄉神仙諸靈官。三禮

各虔誠懺悔。

次跪讀，方懺

次面南唱

衆等至心歸命南方無極太上靈寶

天尊，三氣天君，南鄉神仙諸靈官。三禮

次面西唱

衆等至心歸命西方無極太上靈寶
天尊，七氣天君，西鄉神仙諸靈官。三禮

次面北唱

衆等至心歸命北方無極太上靈寶

天尊，五氣天君，北鄉神仙諸靈官。三禮

次西南立，面東北唱

衆等至心歸命東北方無極太上靈

寶天尊，梵氣天君，東北鄉神仙諸靈

官。三禮

次西北立，面東南唱

衆等至心歸命東南方無極太上靈

寶天尊，梵氣天君，東南鄉神仙諸靈

官。三禮

次東北立，面西南唱

衆等至心歸命西南方無極太上靈

寶天尊，梵氣天君，西南鄉神仙諸靈

官。三禮

次東南立，面西北唱

衆等至心歸命西北方無極太上靈

寶天尊，梵氣天君，西北鄉神仙諸靈

官。三禮

次依前東南立，面西北唱

衆等至心歸命上方無極太上靈寶

天尊，三十六天帝君，玉京玄都紫微上
宮諸真人，神仙玉女，無極世界上鄉神

仙諸靈官。三禮

次於西北立，面東南唱

衆等至心歸命下方無極太上靈寶

天尊，九壘土皇，四司五帝，十二仙君，

九宮真人，神仙玉女，無極世界下鄉神

仙諸靈官。三禮

次於西南立，面東北唱

衆等至心歸命日宮真人大聖，日

中皇君，明皇真人，圓光童子，丹霞玉

女，日宮神仙諸靈官。三禮

次於東北立，面西南唱

衆等至心歸命月宮至真大聖，月

中皇君，素皇真人，散輝玉女，月宮神

仙諸靈官。三禮

次正南立，面北唱

衆等至心歸命諸天星宿，璇璣北

辰，九宮三台，二十八宿，周天三百六

十五度星中大神，星中真人，星宮神仙

諸靈官。三禮

次正西立，面東唱

衆等至心歸命東嶽泰山青帝真

君，飛仙真人，名山洞府、得道神仙諸靈官。三禮

次北立，面南唱

衆等至心歸命南嶽衡山赤帝真君，飛仙真人，名山洞府、得道神仙諸靈官。三禮

次東立，面西唱

衆等至心歸命西嶽華山白帝真君，飛仙真人，名山洞府、得道神仙諸靈官。三禮

次南立，面北唱

衆等至心歸命北嶽常山黑帝真君，飛仙真人，名山洞府、得道神仙諸靈官。三禮

次東北，面西南唱

衆等至心歸命中嶽嵩山黃帝真君，飛仙真人，名山洞府、得道神仙諸靈官。三禮

次正南立，面北唱

衆等至心歸命扶桑大帝，暘谷神王，三河四海、九江水帝、十二河源水府神仙諸靈官。三禮

次依前正南立，面北唱

衆等至心歸命至真無上三十六部尊經，真文寶符，自然天書，至極靈文。三禮

每唱禮畢，並舉。各虔誠懺悔，并宣方懺。次左行，法師住鬼門，面西立。都講住天門，面東立。唱曰

各思九色圓象，咽液，命魔密呪

次法師存神

次唱步虛，旋遶

次吟詠步虛洞章十首古法，次迴行三周，至十首畢。法或以二啓續之，近代不用。

次師歸本位，捻香，都講唱曰

至心稽首，太上無極大道。

至心稽首，三十六部尊經。

至心稽首，玄中大法師。

次重稱法位

次長跪、大謝畢，起立，唱十念

一念天地交泰，二念日月貞明，三

念陰陽順序，四念國土安寧，五念帝王景祚，六念宰輔盡誠，七念百姓安樂，八念五穀豐盈，九念幽途離苦，十念大道興行。

次復爐

次學仙

次空洞

次出戶呪

次玄師前，立作回向讚

次唱，監齋糾過

次彈糾

次唱法事，畢，衆官復位

次揖謝訖，散歸齋堂，如常儀。三時行道，每日三時，皆依此次第。唯第一日發爐之後，有重跪出官，及每日清旦禮師後，有衛靈呪耳。餘皆同此。如或將陞壇，值風雨及警急大暑極寒、迅雷暴雨、烈風晦暝之事，乃止

次三上香，衆官於本位端立，都講唱曰

衆等至心歸命十方無極太上靈寶天尊，十極天君，三光五嶽、三河四海、三十六部尊經，一切神仙諸靈官。三禮

次各虔誠懺悔懺訖，便存思，步虛或依歷唱諸方。方各一禮，如常朝次第，便用都懺亦得。或恐有所迫及陞壇失時，即可作都懺。亦候三上香畢，依在本位，面向壇中。一人面北，對三寶宣懺。都講唱讚曰

衆等至心歸命十方無極太上靈寶天尊，十極天君，十鄉神仙諸靈官。三禮

次各虔誠懺悔

衆等至心歸命，日月星宮，至真大聖，三光神仙諸靈官。三禮

衆等至心歸命，五嶽真君，名山洞府，得道神仙諸靈官。三禮

衆等至心歸命，三河四海，九江水帝，十二河源水府神仙請靈官。三禮

衆等至心歸命，太上三尊，十方大聖，三十六部尊經真文寶符。三禮

次唱，各虔誠懺悔懺畢，即命魔、步虛，一如上法。每日行道訖，各還齋堂，消息良久，即陞壇轉經。衆官於玄師前，立定。都講唱曰

道場衆等人，各運心歸命三寶一切念衆官揖玄師，次唱無上諸功德名號，隨意普念

次華夏引，陞壇

次入戶咒，陞天門，上香。至本位，立定

次唱三歸依，三首訖，都講唱道場衆等執簡當心，平坐如法。衆官坐定，又唱讚詠如法。

次作宿命讚訖，行香，行經，讚畢

次又唱，靜念如法

次法師存念

次念功德名號畢

次又唱，請轉法輪

次衆官轉經，候終一卷。都講擊磬，侍經收經。次吟送經讚畢，又吟解座讚又畢

次歎經功德。次一人歎經，或依古歎，或有新文，任時所用

次吟閒經讚三首

次旋行，吟七真讚。或七首、八首、五首、三首、一道訖

次學仙，出壇

次出戶呪

次於玄師前，作回向讚畢。唱

曰法事畢，衆官復位

次散歸齋堂，如常儀。三日、五日、七日之中，或行禮燈法事，

候落景行道出壇之時，衆官於地戶列班定，法師或法職一人，執科宣說拜呪，一如文儀。至

畢，即學仙讚，引至玄師前。舊法，巡於燈下呪。今慮繁併，只

於地戶，望壇中三尊太上，遙拜

呪之，亦甚允當。齋法既意，即於明日丑時，或其日亥後，衆官

於玄師前，列班定。都講次唱曰

道場衆等人，各運心歸命三寶一切念

次念功德讚，引入戶，陞壇上，十方香御案本位並訖

次唱，各禮師，存念如法

次衛靈

次唱，鳴法鼓二十四通

次發爐

次唱，各稱法位

次上香

次唱，至心歸命東方無極太上

靈寶天尊十方同

次歸命懺悔

次三業懺

次三啓

至心稽首，太上無極大道。

至心稽首，三十六部尊經。

至心稽首，玄中大法師。

次旋行

次收五真文東方、南方、西方、北方、中方並、宣文了

次呪真文

次唱，重稱法位

次上香，長跪

次拜表

次露表

次遣表

次存神，起再禮

次封表

次引表於天門，焚之

次內官

次都講唱十二願

次法師復爐

次知磬舉出堂頌，衆和，引出壇

次法師一拜

次引至靜默堂序立

次法師上香，啓白

次知磬舉向來頌，衆和之

次知磬云朝修事畢，衆官普揖

次設醮，散如常儀

太上黃籙齋儀卷之五十三

太上黃籙齋儀卷之五十四

唐廣成先生杜光庭刪

鎮壇真文玉訣

真文赤書安鎮法

出《靈寶玉訣經》

經曰：元始五老，太上大道君，上帝高尊，十方大神，會於南丹洞陽上館，坐明珠七色寶座。時有五帝大聖、玄和玉女及諸真人大仙，五萬二千五百衆，同來詣座。天灑香花，神龍伎樂。無鞅數衆，紫雲四敷，三景齊明。天元合慶，衆真齊駕。道君軫念，欲度衆生，是男是女，好願至人。咸使得見靈寶出法，亦有善心來歸法門。由爾前生萬劫，已奉至真。功滿德足，致生道世。值遇法興，今當爲爾，解說疑滯。十二部經，謂中法洞玄一十二部也。使爾救度十方，諸天人民。勤爲用心，勿使魔言。光庭曰：在昔元始天尊，混元既判，三炁開圖。以大道元精真一之氣，化爲靈寶；赤書凝結成文，降於

五方。以鎮安天地，招真命靈。故云天地得之以安鎮，日月得之以光明。鬼神得之以開度，人民得之以長生。真文垂之於世，上銷天災，保鎮帝王；下攘毒害，以度兆民。制伏神鬼，拯拔沈淪，無所不爲也。經云，無文不光，無文不明，無文不立，無文不成，無文不度，無文不生是也。又云，赤書玉字，八威龍文。保制劫運，使天長存。此靈寶五篇、真文之妙用也。故能正天分度，調和陰陽。開度飛爽，保衛帝王。拯淪濟溺，通幽達明。和冤釋咎，却死延生。生死之苦，無不救之。當建齋之時，以真文玉字，安鎮五方。解壇事畢，收文焚之。散灰青煙之中，具如玉訣之法。或學士修真，自祈度世。記名仙品，永離鬼宮。當以三元八節、甲子本命之日，書文玉簡，投諸名山，除宿世罪簿。言名上天，事事三過諸天。三官九府，記其善功。上天右別，萬神敬護。五帝侍衛，三界司迎。千魔萬精，不敢妄干。經曰，志願堅固。觸向咸成。七祖父母，上生天官。生

死福慶，影響相酬也。

太上靈寶真文東方青帝君符命第一
東方玉字，二十四字。學仙之士，
以立春日，朱書持之，或投名山。

𠄎 巡 危 迺 姪 𠄎
𠄎 𠄎 𠄎 𠄎 𠄎 𠄎
𠄎 𠄎 𠄎 𠄎 𠄎 𠄎

東方九氣，始皇青天。碧霞鬱壘，
中有老人。總校圖錄，攝氣舉仙。

又三十二字，主灾星臨照。朱書
青紙，上露庭中九日，持之銷灾。修黃
籙，以鎮東方。依後呪文行之。

𠄎 𠄎 𠄎 𠄎 𠄎 𠄎
𠄎 𠄎 𠄎 𠄎 𠄎 𠄎
𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎

歲星輔肝，角亢鎮真。氏房心尾，
四景迴旋。箕主七辰，正斗明輪。承
氣捕非，掃除灾羣。

又三十二字，主制鬼魔。朱書黑
紙上，向東北。持之妖滅鬼伏。並依
呪文行之。

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎

東山神呪，攝召九天。赤書符命，
制會艷山。束魔送鬼，所誅無蠲。悉
詣木宮，敢有稽延。

又三十二字，主攝東海水帝。遇
大水之灾，及度大水，召龍攝精，黃書
青紙上。依後呪行之。投文水中，身
度其灾。河伯奉迎。

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎

蒼野飛起飛

滅飛

下制東河，溟海水神。大劫洪災，蛟龍負身。水府開道，通徑百千。上帝赤文，風火無間。

太上靈寶真文南方赤帝君符命第二
南方玉字，三十二字，主神仙圖錄。學仙之士，以立夏甲子本命之日，朱書簡文，投於名山，名入仙籍，神仙長生矣。

抄抄鳳香飛抄
抄抄鳳香飛抄
抄抄鳳香飛抄
抄抄鳳香飛抄
抄抄鳳香飛抄

慈慈

南方丹天，赤帝玉堂。中有大神，號曰赤皇。上灾流煙，三氣勃光。神仙受命，應會太陽。

又三十二字，主攝南方諸星宿。變易之灾用之，及鎮黃籙齋壇。朱書青紙上，行之天文復位，天灾自消矣。

靈氣辨起共深
林榜聖體得韻
垂極揚秀赫赫
凜靈赫赫西漸
恒軍泰履当極
赫如

熒惑輔心，井鬼守房。柳星張翼，抗禦四鄉。軫主七宿，迴轉天常。召

運促會，正道驛行。

又四十字，主制天魔鬼神。黃書赤木刺上，行之鬼魔伏滅矣。

爽眉帝靈及焚
漚当柔極懽復
赫赫起起特赫
為起極起起起
屬出野出起起
為起起起起起
起起起起起起
起起起起起起

赤文命靈，北攝艷山。速送魔宗，斬滅邪根。符校所討，明列罪源。南山神呪，威伏八方。羣妖滅爽，萬試摧亡。

又四十八字，主制水災。召南海水帝，蛟龍萬精。黃書青紙上，水官奉迎。

南迺迺迺迺迺
捷迺迺迺迺迺
廣迺迺迺迺迺
尅迺迺迺迺迺
弗迺迺迺迺迺
厄迺迺迺迺迺
焮迺迺迺迺迺
疒迺迺迺迺迺

南方水帝，太伯龍王。神呪流行，普掃不祥。洪水飛災，上召蛟龍。開

除水徑。千道萬通。敢有干試，攝送火宮。赤書所告，莫有不從。

太上靈寶真文中央黃帝君符命第三
中央玉字，四十字，主神仙圖錄。
學仙之士，以本命甲子、春分、秋分、夏至、冬至之日，朱書服之，或投名山，名入仙籍矣。

厚迺迺迺迺迺
秀迺迺迺迺迺
馭迺迺迺迺迺
虛迺迺迺迺迺
書迺迺迺迺迺
浮迺迺迺迺迺
膚迺迺迺迺迺

中央總靈，黃上天元。始生五老，中皇高尊。黃中總氣，統攝無窮。鎮星吐輝，流鍊神宮。勅攝北帝，遏塞鬼門。剪除不祥，莫有當前。

又四十八字，主攝水災。召北海水帝，萬精蛟龍。黃書青紙上，行之。

隆迺迺迺迺迺
苑迺迺迺迺迺
當迺迺迺迺迺
危迺迺迺迺迺
彗迺迺迺迺迺
危迺迺迺迺迺
除迺迺迺迺迺

中山神呪，召龍上雲。制會黃河，九水河源。不得急縱，善惡悉分。千妖萬姦，上對帝君。莫有干試，太陽激焚。赤書玉字，宣告普聞。

太上靈寶真文西方白帝君符命第四
西方玉字，四十八字，主神仙圖籙。學仙之士，以本命甲子、立秋之日，書文服之，白書白刺上，投之名山，名上仙籍矣。

册迦苾悉多
殊心既靈
復華流高
粉粉既靈
危既既靈
威既既靈

馮迦悉多
靈批殺危

靈批殺危

西方素天，白帝七門。金靈皓映，太華流氛。白石峨峨，七氣氤氳。上有始生，皇老大神。總領肺氣，主校九天。檢定圖籙，制召上仙。
又二十四字，主西方灾星變異。及鎮齋壇，朱書青紙上，行之星宿復位，天灾自消矣。

克市拉乘

依虱速

馬第加

靈既靈

太白檢肺，奎婁守魂。胃昂畢觜，王制七關。參總斗魁，受符北元。
又一十六字，主攝六天鬼氣，金精

萬妖。行此法者，黑書白木刺上，制西方鬼魔，皆自伏滅矣。

犯乘後
靈批殺危

赤書玉字，九天正文。攝召萬氣，普歸帝君。

又四十八字，主攝西海水帝，水中萬精。召雲龍，以度水灾。黃書青紙上，萬精立制，水官奉迎。

聖迦野
聖林游
扶當扶
德瑪徇

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

西方神呪，八威七傳。符水上龍，召山送雲。在此校錄，同到帝門。輔衛上真，斬滅邪源。若有不祥，截以金關。赤書符命，風火驛傳。

太上靈寶真文北方黑帝君符命第五
北方玉字，四十字，主神仙圖錄。學仙之士，以立冬、本命甲子之日，丹書佩又黑書白刺上，投之名山，名上仙籍矣。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

北方玄天，五氣徘徊。中有黑帝，雙皇太微。總領符命，仙鍊八威。青裙羽襪，龍文鳳衣。上帝所舉，制到玉階。

又三十二字，主妖星照臨，及鎮齋壇。朱書青紙上，行之。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

北辰輔腎，斗牛衛扉。女虛危室，豁落四開。壁總七星，執凶糾非。却灾掃穢，明道洞輝。

又二十四字，攝天魔，乃北方鬼神。青書黑紙上，行之鬼魔摧伏矣。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

北山神呪，激陽起雷。流鈴煥落，攬天振威。北豐所部，萬妖滅摧。

又二十四字，制水灾。黃書黑紙上，攝北海水帝，制蛟龍萬精矣。

此乃術靈符也
術靈符靈符
此乃術靈符也
此乃術靈符也

九河傾訖，鳥母羣飛。蛟龍通道，水脉洞開。赤文玉書，驛龍風馳。

靈寶投真文，及吞服真文。並拔度九祖，身求神仙，叩齒十二通。呪曰，玄上高靈，元始尊神。大聖徘徊，萬真臨軒。三景散輝，慶雲四陳。上告玄圖，推筭九天。今日啓願，玄刺靈山。丹書赤字，自然真文。上告五帝，記名玉篇。萬神監映，日月盟言。願度願生，願神願仙。天地星宿，玄照我身。三官九府，五嶽大神。普告無窮，削除罪根。元始大明，莫不納言。七祖幽魂，受福自然。三塗五苦，永離八難。得與三景，同輝紫晨。輪轉不滅，

身得飛仙。畢，投刺於絕巖之中，散香於靈山之上。又叩齒三通。呪曰，元始告命，仙名已書。三官九府，罪莫不除。散香五帝，告盟太虛。請如所陳，萬劫長居。

元始五老，禳星宿客灾，明天分度，登齋安鎮真文玉訣

道言，諸天星宿，各有分度。至於經道錯越，更相侵犯。或有異星見於方境，皆由天氣運度否激所之。灾有所犯，出其分國。故以天光轉照，玄告不祥。元始垂文，和天安地。解灾却禍，安國寧人。志士精心，依法修行。灾見之日，書真文如其法，露於中庭，向方面，所謂星在東方，角亢七宿，面東呪之，九日露文。他仿此叩齒十二通，散髮仰頭。呪曰，元始上天，三光高明。迴景照耀，四方玄清。運度所衝，激揚流星。五分錯越，三統失寧。五斗總辰，七宿明靈。真君大魁，厥諱玉清。夫人皇妃，字曰育嬰。總御玄關，迴轉諸天。今有客灾，玄告不祥。請以真文赤書上呈，散髮謝愆，披露丹誠。惟乘玄

鑒，迴復天經。氣不橫越，灾不橫生。焚燒靈文，散煙玉庭。上景監度，普告萬靈。氣清三關，灾滅九冥。陰陽調和，國土太平。請以金龍風火驛呈畢，露真文於中庭，金龍鎮之。假令灾在東方，謂角亢七宿也，則九日九夜竟，燒文散灰，青煙之中。凡禳天灾，安國寧民，法法皆隨方。然燈照耀諸天，假令灾在東方，則然九燈，亦可九十燈、九百燈。用金龍一枚、青繒九十尺，九日九夜行之。灾在南方，則然三燈，亦可三十燈、三百燈，金龍一枚，絳繒三十尺，三日三夜行之。灾在中央，則然十燈、百二十燈、千二百燈。金龍一枚，黃繒百二十尺，十二日十二夜行之。中央謂天市，太微紫微宮也。灾在西方，則然七燈、七十燈、七百燈。金龍一枚，白繒七十尺，七日七夜行之。灾在北方，則然五燈、五十燈、五百燈。金龍一枚，黑繒五十尺，行之五日五夜。餘依元始靈寶上元科法。黃錄齋，常修之。當同此法

元始靈寶五老，攝召北酆鬼魔

赤書上訣

道言，夫受靈寶上法，致神明來降。存念響達，與天真交遊。宜先分別，鬼魔形象。遏塞干試，魔精既伏。存思自感，神明易致。行此之法，依上真文施行，便向東北，叩齒三十六通，東北爲鬼門。凡有大疾灾疫，妖怪妄興，當於國城郡邑境土東北之方，按法修齋，施文安鎮。精心行之，鬼魔摧伏，國寧民安，閉氣九息，而仰祝曰：三元開明，迴轉天常。運推數終，百六乘綱。大劫交會，萬妖爭行。北艷不拘，放逸鬼宗。羣魔縱肆，妖閉天光。上帝有命，普告十方。演明天度，法教開張。正道治民，攝除不祥。有何小妖，羣聚爲場。赤書玉文，檢攝鬼鄉。北艷三官，明速傳行。千丁束爽，萬鬼送形。流鈴交換，激氣太陽。金虎四邀，天丁捕亡。大小齊到，不得匪藏。元始所告，列奏上宮畢。息氣良久，應所致感之者。當分別其像真靈，思存感效，勿說之，恐敗其功。

元始五老，禳大劫洪水，召蛟龍水宮，度灾真文玉訣

道言，夫天地大劫之灾，洪水四出。蕩穢除惡，萬無一遺。當此之時，天地冥合，人民漂流，無復善惡。唯有志學之士，得靈寶真文大劫小劫之符。及可乘飛羽而高觀，登靈嶽而浮翔。當此之時，神人自當。使蛟龍爲通路，開水徑以度爾身，河伯司迎，不罣津梁也。所明靈文之真妙，豈拘大劫之灾。或遇此之際，當依其文，施用北向水位所在叩齒五通，開通閉氣。二十五息，存己身心。中生火，火出頭頂，而燒四方山林、草木及己身，都盡形體，皆成灰飛。翔青煙之中，無復所遺存己歸於極陽，不爲火所制也。思大水浩浩，蕩除天下。己身化爲灰，隨水而流。因叩齒二十五通，此或分野大水，積陰爲灾。精心之士，依文施行。亦可拯羣生之墊溺，救萬物之淪胥矣。故夏禹得之，徵神召龍，以通百川，成治水之功也。祝曰：五行相促，運度機陽。陰陽否激，結成灾衝。大劫傾訖，蕩穢除氛。九河受對，洪灾激川。水母徘徊，鳥馬合羣。日月冥會，三景停關。上選種民，推校玉文。棄惡遺善，清濁永分。我參帝簡，

名列九天。大灾四會，赤書所蠲。是日告命萬神，咸聞九河水府、溟泠大神，開除水徑，通利河津。蛟龍應符，攝山送雲。負我送我，馳驚四奔。丹書赤字，元始真文。金龍驛呈，時刻無間。立復告御，上對帝尊。畢，引氣二十五嚙，須臾當有開通之神，以度兆身。在山則山浮，在水則水開。可謂臨危而濟，儻欵之頃也。郡國有水灾之時，亦可建齋。書文精心，行之矣。

天尊於億劫之始，運元氣真精，化生靈文，以制御劫運，保國寧民。子宿有福，慶與善因。緣得值斯文。上古之人，醇和抱樸。與道混同，不俟齋戒，行之立應。代末時澆，人心散壞。崇正者寡，違真者多。欲行其法，須依三元簡文，立齋行道，精心思念。冥契玄聖，乃致感通。不爾者，魔試所干，徒爲之耳。可選精潔之士，絕塵之地，名山靈跡，以期通應矣。以彰大道濟度之慈，太上救物之澤。弘化之士，其勉之哉。庚子年，中元日集。

太上黃籙齋儀卷之五十四

太上黃籙齋儀卷之五十五

唐廣成先生杜光庭刪

投龍璧儀

下元黃籙簡文靈仙品曰：拔度罪根，威儀修齋都畢，依赤書玉訣，丹書權札，金龍青絲纏之，以關靈山五嶽。昇度之信，封於絕崑之中。一依具法。

下元黃籙簡文靈仙品曰：關五帝威儀畢，當以丹書玉札一枚、金龍一枚，青絲纏之，以投三江，以關水帝。昇度之信，一依玉訣具文。

下元黃籙簡文靈仙品曰：關水帝畢，以玉札金龍金紐九枚，青絲纏之，埋於壇所，以告盟地官。一如科云。

上元金籙簡文真仙品曰：拔度生死，修齋威儀，以金龍五枚，鎮五方真文之上，事畢，投之山水。

下元黃籙簡文靈仙品曰：拔度罪根威儀，當以上金，作十金龍，以鎮十方。拔度飛魂，十方方按一枚。

玉匱明真科云：修黃籙寶齋，當

以上金三兩，鑄三龍。龍各重一兩，國家用上金，公侯大臣次金，士庶人銀銅塗並可副以玉簡，即玉札也。提修齋所為，及國號、太歲、月日、法師姓名、投奠方所，投於名山大洞、靈泉龍穴及齋壇或住宅之中，以告盟天地水三府，使監證齋功。闕者，考屬地官九都曹。

科曰：龍者，乘雲氣，御陰陽。合則成體，散則成章。變化不測，入地昇天。故三十六天，極陽之境，可以驛傳信命，通達玄靈者，其惟龍乎。龍者，陽畜也。夫天用莫如龍，地用莫如龜，人用莫如馬也。是以上天以龍為驛騎，往來人間矣。五金之最，堅剛不渝。天地所寶，通靈合神。故以上金鑄之，取法龍形。投之洞府，告盟三元也。洞府真官，所司寮屬，告龍信簡文，錄其善功，以奏言於上聖。感應之報，猶影之隨形。修尚之士，不可闕也。

科曰：簡也者，告也，紀也，札也。紀世之善，告於上真。法長一尺二寸，象十二辰。廣二寸四分，法二十四真氣。厚二分，法二儀。上下正方，法日

之方景。正真通達，無所避讓。國家以玉為之，玉有九德，可以為禮天地。神祇之信，故用玉焉。公侯臣庶，通用權木。以其潔白，纖緻可比玉矣，明尊卑之殊也。

科曰：璧者，禮天地山川之寶也，以玉為之。投山川，用圓璧一。其色蒼，徑三寸，虛其中。山簡為九天之信，故用蒼璧。用法天也。投水簡，用六出之璧。其色黑，徑三寸，虛其中。水簡為九海水官之信，故用玄璧，水之色也。六出，水之數也。投土簡，用黃璧。正方，徑二寸，虛其中。土簡為九地之信。黃者，土之色也。方者，地之形也。璧與龍，副於簡封之外，以青絲纏之。

科曰：投三簡之法，當用金鈕九隻，以副於簡。三簡，用二十七鈕也。金鈕代歃血，青絲代割髮。造盟達誠，最為重也。故以青絲纏鈕璧，附於簡及龍，而後放之也。鈕，法國家，用金。臣庶以銀塗金，銅塗金可。鈕徑九分，圓其外，如環之形也。

科曰：修齋畢，別卜良日。或齋

潔之辰，醮饌法師衆官及齋主弟子。

或汎舟以詣水洞，或梯陸以登山門。

各於洞府之外，薙草掃灑潔淨，敷列醮

席酒果餚饌，當鹿脯湯茶等。國家六十四

分，臣庶二十四分。如嚴醮之儀，乃盛服澡

漱，朝謁法事，備如科式。所在地司靈

官，監察將吏，當爲予關啓洞中仙曹，

通達告齋之簡。如此福善立感，不得

都無關啓，直爾投於洞中。不達真靈，

反獲罪考矣。若山水之洞稍遠，師衆不可俱行，

難於登泛者，當選壇內法職一二人與弟子，齋簡以

諸洞所，設醮關告，投奠一如本儀。若國家投龍，五

嶽諸山具有金龍科式，與此常禮，繁省不同矣。齋

家或公私所拘，不得躬詣洞府者，可選

精慎虔恪、信奉恭勤者一人，代往行

禮。無可代者，師爲關告之，又不得藏

匿簡文，因循持久。既關告盟之信，所

在地司錄奏，獲罪非細，切宜慎之。至

洞所於門外，選平地，或船中，或石上，

並須掃灑精潔，以設醮位。淨席五領，

醮巾五條，青布緋布，並可酒茶湯，隨

盤數五果餅饌，隨時所有。國家六十

四分，臣庶二十四盤，香四，爐巾案四

副。

洞府神仙位

三 弟子拜位

寶

位 師關奏位

日直土地監察

陳設訖，以香水灑壇之外。以蕩

氛穢禁，勅如常儀。師徒弟子，並須澡

漱。嚴潔以虔恭爲先，不得因循，誼聒

不恭。如違，考罰尤深。

各禮師，存念如法

次思三尊，經寶玄師，五星五土，五嶽五藏

五靈，經籍度三師。三色雲氣，當處洞府，

真仙靈司，監察官屬，日直土地，並儼然在

坐，羅列分明。如齋法訖。

衛靈

五靈列位，煥鎮五方。始皇護魂，

丹老衛形。皓靈侍魄，黑帝攝生。中

央黃帝，統御萬真。元皇誥下，幽夜開

光。罪銷北府，名列南昌。金錄定籍，

玉字除殃。朱陵鍊質，飛神太蒼。三

官九府，無極神鄉。普受開度，上生天

堂。

發爐

無上三天玄元始三炁太上老君，

召出臣身中，三五功曹、左右官使者、左

右捧香驛龍騎吏，侍香金童、傳言玉

女、五帝直符直日香官，各三十六人

出。當召此間土地、山川正神速出，嚴

裝關奏。臣今正爾燒香，奉爲某官某甲

設黃籙寶齋，功圓事畢，投簡靈山。願

得太上十方正真生炁，入臣等身中。所

啓速達，徑御太上無極大道崑崙五嶽

靈山洞府前。

各稱法位

具位臣某等謹奉請大羅玉清無極

無上至真大道元始天尊，太上大道君，

太上老君，三十六部尊經，玄中大法

師，三寶衆聖，一切尊靈。垂慈降臨，

稽首再禮。謹奉請某洞府真仙洞天官

屬得道真人，垂光降臨。謹奉請當境

主司，虛空監察，香官使者，三洞威神，

里域真官，詔衛將吏，山水川澤，一切

正神，具官來降。

次三捻上香

獻酒

各稱法位

長跪，啓白

具位臣某謹上啓太上無極大道太上三尊，十方已得道大聖衆、至真諸君丈人，東華南極西靈北真，三十六部尊經，玄中大法師，太極真人，玄一三真人，諸天日月星宿、崑崙上宮諸神仙，西靈金母、五嶽真君、靈山正職、潛霍儲君。青城丈人、廬山使者，鍾山鬱絕，西玄墉臺，丘嶽大神。三官北部，六宮幽司。天下地上，冥靈諸神。監生主錄，南上三門。至神至靈，一切羣仙。臣胎誕塵濁，瞽闇無知。萬劫善緣，依承道化。奉宣慈訓，佐國立功。濟物度人，弘道讚法。若受經錄云以今某年月日，詣三洞法師，某嶽真人某甲受靈寶五老真文，赤書靈篇，三部八景，諸天内音，神仙二錄，八威策文，五帝符杖，中盟真經，傳授事竟，投簡靈山，請以金鈕，後兩過無鈕，除此四字。金龍驛傳。黃籙投簡云奉爲某官某乙修設黃籙大齋，爲國爲家，普及存亡。懺罪乞恩，解消灾咎。法事都畢，投簡靈山，金龍驛傳。

乞落除罪錄，記名玉曆。願神願仙，解釋九玄七祖、九族衆親、先亡後化，拔贖惡根，免脫酆都岱宗、二十四獄、五嶽之府、九幽之中、刀山劍樹、苦惱之鄉。魂睹光明，永蒙開度。輪轉受化，逍遙福門。安穩墳墓，注訟不興。舉家蒙福，一切荷恩。妖精殄滅，善瑞日生。修道參真，永階仙品。蒙如所啓，仰荷玄恩。臣某誠惶誠恐，稽首再禮。謹啓

次起立，捧簡文，香上熏之。叩

齒九通

次讀簡文畢，用青紙封之，青絲纏龍鈕璧等。弟子執之香上，

師呪曰

玄上開明，元始監真。上帝五老，赤書丹文。天地本始，總領三元。攝氣召會，催促學仙。高上符命，普告十方。日月星宿，五嶽靈山。天上地下，溟泠大神。監生主錄，南上三門。關領玉簡，勒名丹篇。削落罪目，上補帝臣。歸憑至道，修齋立功。拔贖九祖，一切苦魂。行道事竟，謹依靈山。請

投玉簡，乞削罪名。皆蒙解脫，無有冤親。去離三惡，魂昇九天。生死開度，億劫長存。今日上告，萬真咸聞。請以龍簡，關盟真官。乞如所告，金龍驛傳。

呪畢，衆官再禮。

次投簡於洞中

投龍頌

三禮

復爐

學仙讚

撤饌

投水簡法

各禮師，存念如法

衛靈

鳴法鼓二十四通

無上三天玄元始三炁太上老君，召出臣身中，三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。當召此間土地里域、真官正神速出，嚴裝關啓。臣今正爾燒香投簡，願得太上十方正真生氣，入臣身中。令臣

所啓速達徑御太上無極大道暘谷神王、九江水府水帝前。各三禮

各稱法位

降真

長跪，啓白

臣謹上啓太上無極大道太上三尊，十方已得道大聖衆、至真諸君丈人，東華南極西靈北真，三十六部尊經，玄中大法師，太極真人，玄一三真人，日月五星、北斗七元、五嶽四方、日窟常陽、暘谷洞陰、神君聖衆，扶桑大帝，九老仙都君，三河四海、九江淮澤、三官九府、十二河源、九府水帝，溟冷大神，水府衆仙，一切羣靈。臣誕質下土，稟識凡微。宿以道因，遭逢聖運。靈寶垂化，大法度人。佐國立功，奉弘慈訓。

受經錄云以今某年月日，詣三洞法師某嶽真人，某甲受靈寶五老真人、赤書靈篇、三部八景、諸天内音、神仙二錄、八威策文、五帝符杖、中盟衆經，傳授事畢。投龍清泉，請以金鈕，後兩過，無金鈕，當除此四字。金龍驛傳。黃籙齋畢云奉爲某官

某乙修設黃籙大齋，爲國爲家，普兼存

沒。祈恩謝罪，請福消災。解釋冤仇，增延命祿。法事都畢，投簡靈泉。金龍驛傳，乞除死籍，消罪注生。願神願仙，賜以自新。九玄七祖，解拔苦根。去離暘谷，幽夜寒鄉。沐浴鍊度，超昇天堂。塚墓安吉，殃注永泯。舉家受福，神炁休寧。學識開朗，智慧圓明。揚闡正法，消伏姦凶。三界證度，功滿行充。帝王安鎮，國祚興昌。謹以啓聞，乞如所陳。臣某誠惶誠恐，稽首再拜。謹啓。

次捧簡文，香上熏之，叩齒三通

次讀簡文畢，用青紙封簡，青絲

纏龍鈕璧等，弟子執之香上，師

呪曰

元始五老，上帝高尊。十方至真，

太華靈仙。赤文告命，無幽不關。上

御九天，請下玉文。日月五星，北斗七

元。中告五嶽，四方靈山。下告河海，

十二泉源。九府水帝，溟冷大神。今

日上告，萬願開陳。修齋行道，普爲存

亡。請贖七祖，宿對罪根。謹投玉簡，

乞得上聞。記名水府，過去昇天。生

死開度，萬靈開聞。請以龍簡，告盟水帝。賜如所陳，金龍驛傳。

畢，衆官再禮。

次投簡於水府

唱投龍頌

三禮

復爐

小學仙讚，散如常儀

投土簡法

各禮師，存念如法

衛靈

鳴法鼓二十四通

無上三天玄元始三炁太上老君，

召出臣身中，三五功曹、左右官使者、左

右捧香驛龍騎吏、侍香金童、傳言玉

女、五帝直符直日香官，各三十六人

出。當召此間土地里域、真官正神速

出，嚴裝關啓。臣今正爾燒香投簡，願

得太上十方正真生炁，入臣身中，令臣

所啓，速達徑御太上無極大道九土皇

靈地府大神前。各三禮

次各稱法位

次向西南，降真

次長跪，啓白

臣謹上啓太上無極大道太上三尊，十方已得道大聖衆、至真諸君丈人，東華南極西靈北真，五老上帝，三十六部尊經，玄中大法師，太極真人，玄一三真人，酆都大帝君，九府之宮、泉曲主司、無極世界高皇、九土皇靈季帝高真中皇，九土戊己黃神土府五帝，三界官屬，土地里域，真官正神，及此觀宅，一切靈祇。臣稟氣凡愚，叨因宿運。會遇真法，與善因緣。值靈寶開光，赤書宣化。許以庸穢，參奉正真。佐國爲時，立功行教。受法錄云以某年月日，奉詣三洞法師某嶽真人，佩受靈寶五老真文、赤書靈篇、三部八景、諸天内音、神仙二籙、八威策文、五帝符杖、中盟衆經，傳授事畢。投簡中宮，請以金鈕，後兩過無鈕，去此四字。金龍驛傳。黃錄齋主奉爲某官某甲修設黃籙大齋，爲國爲家，普兼存沒。銷殃謝罪，請福祈恩。行道事訖，投簡靈壇，金龍驛傳。乞削除地簡，除其罪愆。願度願生，保濟形身。九老仙都，玉曆注名。九祖父母、億劫

種親、先亡後逝，咸享福緣。去離九幽之下、八門之鄉、地獄之內、楚掠之中。殃注消釋，塚宅清寧。惡根斷絕，上生福堂。某學業圓就，功行盛明。生死同福，永保無傾。帝王受福，天下和平。謹以啓聞，乞垂感悟。臣某誠惶誠恐，稽首再禮。謹啓。

次捧簡文，香上熏之，叩齒十二通

次讀簡文畢，用黃紙封簡，青絲纏龍鈕璧等，弟子執於香上，師祝曰

天地開張，萬炁分靈。三元同符，十方朗清。五嶽上聞，主死領生。丹書赤文，元始上經。普告無上，九地皇靈。今日上告，萬仙定生。修齋行道，普爲存亡。我願我仙，請投玉名。土府太皇，勒除罪刑。奏告上宮，刊簿華清。身得飛騰，天地同靈。九祖種親，腐骸更榮。魂升南宮，受鍊仙庭。今日告命，萬神咸聽。請以金鈕，表明至誠。請如所告，金龍驛呈。

呪畢，衆官再禮。

次投簡於壇中，或於月建之下

次吟投龍頌

三禮

復爐

小學仙讚畢，散

此土簡，言功之夜，宣讀呪讚已畢。至明，便可埋於壇中，不俟別更關告。今以張承光法師儀內，有三簡啓奏，真位不同，故再錄於此。若修齋壇內，只以言功，醮時呪告，便可投也。其山水二簡，雖言功之時，宣呪已畢。若至洞所設醮，當須依次第，一一宣讀、封呪，然後投之。庶爲周備，不可以壇中告了，至山直爾便投所在。真靈恐不關領，善功不達，所失尤多，切宜詳慎也。所以壇中告此山水二簡者，蓋恐齋主弟子，公私所檢，不得躬詣洞門，故於壇中對共宣告耳。若齋主弟子不憚山水之遠、登涉之勞，自與衆官躬詣洞府者，即言功之夕，但拜表後，告土簡。一般了留山水二簡，就山水法事，更爲允當。切在詳而行之，不可執文爲滯也。

投三簡之時，當爲所在土地，燒錢一二百紙，極佳矣。

修道之士，三元八節，謝罪祈真，投五帝簡法。出《真文玉訣》。

元始靈寶若五嶽靈山除罪求仙上法簡文

靈寶某帝先生，臣某年若干歲某月生，命屬某帝，名係某嶽。願神願仙，長生度世，飛行上清。五嶽真人，至神至靈。乞削罪錄，上名九天。請詣靈山，金龍驛傳。

國號年號太歲某月朔某日某辰於

此某處告行

此三簡文，並自具年名所屬。願神願仙，下文一如水府土文黃籙簡中之言。封題龍璧鈕呪，一如前齋法。初一遍投三簡，各用九鈕。第二、第三遍投之，但用龍簡，無鈕也。

次投畢，散香，出水，吟頌曰

元始盟映，仙名已書。三官九署，罪莫不除。散香五帝，告盟太虛。請如所陳，萬劫吾居。

三禮

至心稽首禮，太上無極大道。
至心稽首禮，三十六部尊經。

至心稽首禮，玄中大法師。

復爐

香官使者，左右龍虎君，侍香諸靈官。當令臣投簡之所，自然生金液丹碧芝英。百靈衆真，交會在此，洞案爐前。令臣學道得道，求仙得仙。十方仙童玉女，接待香煙。傳臣向來所啓之言，速達徑御太上無極大道暘谷神王九江水府水帝前。各三禮

小學仙讚，唱如常法

道言，爾有志心，發無上道。意欲度諸天人民、善男善女，咸使得離三惡、五道、八難之中，得過三惡，世世與道相值。當以八節甲子之日，投三元玉簡。除宿罪之簿，言名上天。祀事三過，諸天三官九府，更相關告上天。右別萬神，敬護五帝。侍衛三界，司迎門戶。清肅天地，神祇日月來朝。千魔萬精，不敢妄干。志願堅固，觸回咸成。七祖父母，即得解脫。三塗五苦，上升天堂。生死福善，影響相酬。三官九府，書人功過，其理甚明。世世因緣，毫分無虧。若有至士，爲國主帝

王、土地官長、一切民人、九祖父母、長夜三塗，修黃籙大齋，三日三夜。告盟九天，投簡三元。福利廣大，不可勝言。爾諦奉行，勿爲懈怠，無使魔壤爾身。

道士張承光曰：登壇，受靈寶中盟畢。依自然金科，投金鈕十口，放龍清泉，爲求仙之道。重登壇，受五老赤書、二籙杖策、思微定志等。依明真科文，即投三龍二十七鈕，以山水宅三處，爲學仙之信。然後以玉訣，別以九龍二十七鈕，以八鈕，以八節日，投山水宅，永除罪簿，言名上天。又黃籙齋竟，亦投龍簡。只依三元簡文，無別啓告立成口訣。羣愚相承，施用蒙昧。余昔遇師陸君，通神入妙，言事當理，無不感應。稟妙在心，而文無儀軌。若依經本文，謾書投之，則山水宅神將非可誠錄，皆幽顯孟浪，甚乖玄宗。故撰此三處關啓文，各指告其仙司。又別出三簡立成訣。今按分明當時，必蒙刻書削罪，記名九玄。即拔家門前榮，學業孳茂，生死獲仙。開示門人，

尊祕之焉。光庭曰：大道以一炁生化三才，陶鈞萬有。故分三元之曹，以主張罪福，即天地水三官，實司於三元也。人之生死壽夭，罪善吉凶，莫不係焉。三錄簡文，亦三元之典格也。修齋之法，當投三簡，以告三元。故山簡投諸天洞俯，奏天官上元也。水簡投靈泉水府，告水官下元也。土簡投於壇宅，告地官中元也。詳簡文之中，真靈位號，事理顯然。近代以來，只投山水二簡。淮浙江表，有三簡之儀，行之已久。今檢尋本末，得張承光法師所述之文，奏告三元，頗爲的當，投奠信無惑焉。故可遵行以爲永式。不獨受經，即投三簡，修齋遷拔，全係三元。若三簡俱行，即銓舉善功，皆達三官之府矣。修奉之士，幸無滯疑也。

太上黃錄齋儀卷之五十五

太上黃錄齋儀卷之五十六

唐廣成先生杜光庭刪

禮燈

夫禮燈之法，出金錄簡文。凡修齋行道，以燒香然燈，最爲急務。香者，傳心達信，上感真靈。燈者，破暗燭幽，下開泉夜。所以科云燒香然燈，上照諸天福堂，下照長夜地獄。苦魂滯魄，乘此光明，方得解脫。既然燈須各有所法，象春九、夏三、秋七、冬五、四季十二，皆隨五行本數設之。然有諸天諸地、八卦九幽諸燈之位，隨全錄文中，方位羅列。燒香禮呪，即福德立降，灾咎自消。或以啓齋之夜，或三日七日之中，如法然燈。落景行道畢。出壇，至地戶，以讚詠幢節，庠序雅步，導引衆官弟子等，旋繞燈下，依位呪之。每呪畢，衆官弟子皆禮。禮□復以空洞聲，引歸玄師前。散如常儀。

明燈頌

太上散十方，華燈通精誠。諸天悉輝耀，諸地皆朗明。我身亦光徹，五藏生華榮。炎景照太無，遐想通玉京。右頌，關東嵩嶽河中同華，皆長聲吟之。落景陞壇，以引法師於燈下。禮燈時，以此頌先引，旋繞燈一周，只於地戶，列班禮呪，亦合其儀矣。

衆官於地戶，列班定，法師言曰

太極太虛真人曰：陰陽構象，天地分形。晝夜既殊，昏明有異。所以清浮表質，諸天爲仙聖之都；濁厚流形，諸地爲鬼神之府。九天之上，陰氣都消；九地之下，陽光永隔。是則冥冥之界，無復光明。當晝景之時，猶如重霧；及昏暝之後，更甚陰霾。長夜罪魂，無由開朗。衆生或無善業，宿有罪根。歿世已來，沉淪地獄。受諸惡報，幽閉艷都。不睹三光，動經億劫。我天尊大慈悲憫，弘濟多門。垂然燈之文，以續明照夜。靈光所及，罪惱皆除。更乘懺拔之緣，便遂往生之願。若有善男子、善女人，發無上道心，依按科格，來詣齋所，齋備香油，爲國主帝王、君臣父子、三塗九夜，若幽若明，依法然燈，照燭內外。上映諸天之上，福堂之中；下照九地之下，地獄之內。使苦魂超度，幽爽開光。九祖生天，三塗罷對。福沾一切，功德無窮。當知此人，積劫善緣，必得成道。今有某官某乙，修建黃錄靈寶齋，依按簡文，然燈

供養。當願帝王享福，三景著明，七祖生天，三塗朗晏。見世神明敬祐，真聖護持。福祚巍巍，永登仙果。弟子再拜。

上元金錄簡文真仙品曰：然燈威儀，於道戶上，然二燈，以照齋主住宅。爲弟子銷灾度厄，安宅鎮神。弟子於燈下，三禮。

法師呪曰：

正一陽光，焰上朱煙。開光童子，一十二人。洞照天下，及臣等身。百邪摧落，却鬼萬千，光明朗徹，通真達靈。昇入無形、與道自然。

上元金錄簡文真仙品曰：然燈威儀，於本命上，然三燈，以照三魂。爲弟子制邪度厄，拘守三魂。弟子於燈下，三禮。

陽光洞明，三魂自生。總錄萬神，長附我形。日中齊景，永保無傾。

上元金錄簡文真仙品曰：然燈威儀，於行年上，然七燈，以照七魄。爲弟子安神却禍，制魄除邪。弟子於燈下，三禮。

明燈攝光，遊精不飛。七魄安守，萬神總歸。月中齊景，長處光輝。

上元金錄簡文真仙品曰：然燈威儀，於太歲上，然一燈，以照太歲之辰。爲弟子除一年灾害，福慶來臻。弟子於燈下，三禮。

太陽流暉，光焰四方。洞照我身，七圍九重。內朗外明，洞達太空。

上元金錄簡文真仙品曰：然燈威儀，於大墓上，然三燈，以照齋主代世丘陵墓。爲弟子拔度先世亡魂，托生淨域，斷絕注訟，解復連之灾。弟子於燈下，三禮。官羽辰商丑角未徵戌向墓位禮。

太陰冥冥，萬劫無期。陽光洞煥，下照朽骸。魂受光明，鍊景反胎。得生淨境，懽樂熙熙。

上元金錄簡文真仙品曰：然燈威儀，於小墓上，然五燈，以照齋主近代丘陵墓。拔度神爽，得生天堂，利祐見在，福祚興昌。弟子於燈下，三禮。官羽戌角丑商未徵辰向墓位禮。

長夜幽冥，萬劫無開。景潛太陰，七魄蕩飛。朱靈童子，太陽洞輝。照

明魂魄，神爽同歸。

上元金錄簡文真仙品曰：然燈威儀，壇堂前，然七燈，以照七祖父母。幽魂苦爽，得生天堂。弟子於燈下，三禮。

天迴地轉，代謝相推。九幽無光，七祖不闕。太陽開度，死魂應歸。明燈續夜，朽骸生輝。

上元金錄簡文真仙品曰：然燈威儀，於中庭，然九幽之燈，以照九幽長夜之府。拔度九幽之中，弟子先亡魂爽，睹見光明。弟子於燈下，三禮。

九幽冥冥，萬劫無光。長夜閉魂，元始未通。華燈續明，下照土皇。開度七祖，上生天宮。洞照內外，世爲仙王。

上元金錄簡文真仙品曰：然燈威儀，於夾門，然二燈，以照宮宅。爲弟子驅邪捕惡，保護闔門。弟子於燈下，三禮。

陽光開明，朱煙爛暉。太炎童子，備守玄扉。洞照宮宅，四窗八開。驅鬼捕邪，萬精斬摧。三界敬護，代代不

衰。衆真交會，日月同輝。

上元金籙簡文真仙品曰：然燈威儀，於地户上，然二十四燈，以照二十四生氣。爲弟子延生益氣，增福安神，注上生名，削除死籍。弟子於燈下，三禮。向地户禮。

三部八景，合成我身。二十四氣，以成我神。明燈自然，上聞太玄。身度水火，與氣自然。八景齊并，願得神仙。

上元金籙簡文真仙品曰：然燈威儀，於八方，然八燈，以照八卦。爲弟子照明八達，開窗九官，八神密衛，八方開通。弟子於燈下，三禮。向王禮。

三景煥明，八卦開窗。天氣靜閉，太陰隱光。華燈照明，萬願皆從。身入光明，永享無窮。

上元金籙簡文真仙品曰：然燈威儀，於四面中央，然九燈，以照九宮。爲弟子度九宮灾厄，上九宮仙名。弟子於燈下，三禮。

九五分立，天地開張。玄光潜伏，太陰不陽。明我華燈，上照九宮。玄

夜開朗，我願吉昌。

上元金籙簡文真仙品曰：然燈威儀，於十方，然十燈，以照十方。爲弟子照明十極，招真降靈，解釋灾厄，名書十天。弟子於燈下，三禮。向天門禮。

天開地閉，玄陰不明。爛上朱煙，爲我通冥。十方尊神，玄鑒我形。魂魄洞輝，自然光精。

上元金籙簡文真仙品曰：然燈威儀，於四面，然二十八燈，以照二十八宿。爲弟子削除死籙，益上生名。北斗落死，南斗延年。弟子於燈下，三禮。向東南禮。

明星大煥，光流十門。玄精下映，九幽北營。我然華燈，乘光上聞。願得青蓋，照我形魂。

上元金籙簡文真仙品曰：然燈威儀，於天門上，然三十六燈，以照三十六天。爲弟子開度七祖父母，昇入天堂。弟子於燈下，三禮。向天門禮。

龍漢蕩蕩，三氣乘玄。梵行眇眇，彌羅大千。悠悠長魂，仰望綿綿。今日明燈，我願成仙。與我七祖，同昇諸

天。

上元金籙簡文真仙品曰：然燈威儀，於五方，然五燈，以照五嶽。爲弟子上名仙籙，保鎮身形。弟子於燈下，三禮。

五嶽靈山，安鎮五方。五帝尊神，神仙之宗。今日然燈，上照天王。記我命籍，度入仙宮。七祖解脫，同昇太空。

上元金籙簡文真仙品曰：然燈威儀，功德至重。上照諸天，下照諸地。八方九夜，並見光明。見此燈者，皆罪滅福生。然燈之士，其福甚深。九祖父母，上生天堂。去離憂苦，永出九幽。逍遙上元，仙宮之中。見在安泰，子孫興昌，門戶清肅，萬灾不干。存亡開度，生死荷恩。功德無量，所向從心。於家於國，咸享利貞。九夜三塗，並登真道。普念無上尊。

次小學仙讚，引至玄師前，散如常儀

明旦滅燈

上元金籙簡文真仙品曰：然燈威

儀，然燈之官，勤爲用意。令燈光明徹竟夕，不得中滅。半暗半明，令人獲罪，宜慎之焉。

上元金籙簡文真仙品曰：然燈威儀，明旦滅燈。法師呪曰：玄陰閉光，長燈續明。太陽已朗，八幽開清。燈還太陰，光附景生。日月二真，與我合並。呪畢，便滅燈止。

凡修黃籙齋，當依真文玉訣，四時然燈外，別然金籙諸燈，依法拜呪訖。或三日之內併行之，或拜呪一夕，皆獲福利，幽顯沾恩矣。或不因齋壇，特然此燈。依法拜呪，功亦等耳。崇善之士，其弘之焉。或於齋內，然九幽燈，別行禮呪之儀。或不因齋特爲存亡，然九幽燈，亦可特行禮呪之法，其儀軌附之於後。

九幽神燈禮呪

上元金籙簡文真仙品曰：然燈威儀，爲帝王國主，上銷天災，正天分度。下安兆庶，濟拔存亡。當然九幽神燈，上照九天福堂，下照九幽地獄。人天蒙惠，生死荷恩。

九真妙戒金籙度命妙經云：天地八方，有九幽地獄。考謫罪魂，皆由生死之時，造諸罪業。身淪之後，淪滯三塗。受報終天，無由解脫。冥冥長夜，不睹光明。若非大聖垂慈，善緣開度，長居黑暗，億劫難原。所以天尊懸科，著然燈之品。繼明西日，照景窮泉。流光所臨，窮魂息苦。神輝所燭，幽爽停酸。然燈之功，獲福無量。或爲遷拔亡者，或爲解厄除災。當備香油，詣諸靈觀。歸心拜手，虔仰真靈。燒香然燈，禮願供養。精誠丹苦，福力所覃。亡者生天，見存蒙福。報應之說，備存業報。金籙九幽靈寶諸經，聊述其由，此不繁載。

夫然九幽燈者，當市清淨香油，不得用非義之財，及濁雜葷穢之物。或以諸香宿漬於油中，取其燈焰芳潔，散流香氣。上感諸天，下蠲腥雜。燈光朗徹，銷暗繼明，即大獲功德。

九幽之燈，當於靈壇廣殿衆聖之前，分爲九樹。依九位陳列，樹別九盞。或一樹九層，層別九卮。九九之

數，法天象地。下開九夜，上達九玄。濟存拔亡，最爲聖福。或力不及者，止辦九卮，不必備用。此儀止焚香告真，精誠冥祝，功德通感，亦一揆也。或隨位備漿水粥時果，各九分，或八十一，列於九位之前，尤爲精妙。

次焚香，存神，叩齒二十四通，啓白

具位臣某謹啓里域真官、日直使者、虛空監察應感靈司，今謹有某乙爲某事於某處，然九幽神燈，祈恩致福。當乞上關三景，下白九幽。祈告感通，功德成就。所啓所願，咸乞如言。弟子再拜。

弟子某乙然九幽神燈，上照中天福堂之內，朗徹光景，輝映萬方。中照中宮境域神州，妖惡潛消，災凶殄息。下照中央普掠之獄，破諸幽暗，開諸光明。劍樹韜鋒，刀山息刃，窮魂罷考，罪魄停酸。離苦生天，逍遙快樂。弟子再拜。

弟子某乙然九幽神燈，上照東方無極諸天福堂之內，陽光煥赫，映徹東

方。中照震宮卯位青帝之方，清蕩灾凶，掃除氛翳。下照東方風雷地獄，破諸幽暗，開諸光明。所有飛戈飄戟，震雷霹靂。停威息苦，原赦罪魂。克果生天，逍遙快樂。弟子再拜。

弟子某乙然九幽神燈，上照南方無極諸天福堂之內，陽華洞煥，徹照無窮。中照午位九宮赤帝之野，消平灾異，掃滅氛邪。下照南方火翳地獄，破諸幽暗，開諸光明。所有火城火山考對之者，吞火食炭，一切窮魂，克獲清涼，逍遙快樂。弟子再拜。

弟子某乙然九幽神燈，上照西方無極諸天福堂之內，神光煥耀，洞映太空。中照酉位兌宮白帝之境，掃除氛穢，蕩滌灾凶。下照西方金剛地獄，破諸幽暗，開諸光明。所有鐵杖金鎚考對之者，窮魂罷苦，積罪蒙原，早得生天，逍遙快樂。弟子再拜。

弟子某乙然九幽神燈，上照北方無極諸天福堂之內，祥光照灼，徹照無邊。中照坎位一宮黑帝之野，蕩除邪穢，洗滌凶灾。下照北方溟泠地獄，破

諸幽暗，開諸光明。所有毒汁冰池考對之者，寒戟霜刃，楚毒罪魂，並得生天，逍遙快樂。弟子再拜。

弟子某乙然九幽神燈，上照東北方無極諸天福堂之內，靈光洞朗，照映虛空。中照艮卦八宮丑寅之野，廓清灾沴，摧蕩凶邪。下照東北方鑊湯地獄，破諸幽暗，開諸光明。一切幽魂，承茲福利。鐵叉煮漬，息苦停酸，早獲生天，逍遙快樂。弟子再拜。

弟子某乙然九幽神燈，上照東南方無極諸天福堂之內，光華普照，煥耀無涯。中照巽卦四宮辰巳之野，蠲消邪惡，摧滅灾凶。下照東南方銅柱地獄，破諸幽暗，開諸光明。一切罪魂，免其焦爛，罪根除蕩，內外清涼，盡獲生天，逍遙快樂。弟子再拜。

弟子某乙然九幽神燈，上照西南方無極諸天福堂之內，靈光洞朗，照映虛空。中照坤位井參之野，廓清灾沴，摧蕩凶邪。下照西南方屠割地獄，破諸幽暗，開諸光明。一切罪魂，免其銜鋒利刃之苦，早獲生天，逍遙快樂。弟子

再拜。

弟子某乙然九幽神燈，上照西北方無極諸天福堂之內，光華普照，煥耀無涯。中照乾宮奎壁之野，蠲消邪惡，摧滅凶灾。下照西北方火車地獄，破諸幽暗，開諸光明。一切罪魂，乘茲福利，火車罷扇，塗炭消憂，早獲生天，逍遙快樂。弟子再拜。

太上黃籙齋儀卷之五十六

太上黃籙齋儀卷之五十七

唐廣成先生杜光庭刪

八天真文

黃籙齋，拯救幽靈，遷拔飛爽，開度長夜，昇濟窮泉，固其大旨也。然祛灾致福，謝罪希恩，人天普修，家國兼利，功無不被矣。所鎮靈寶五老赤書真文，詳其所為，祇通四種。一則求仙受道，自東方九炁下二十四字；二則禳制星辰，自歲星輔肝下三十二字；三則摧伏鬼魔，自東山神呪下三十二字；四則蠲消水害，自下制東河下三十二字。五篇之用，於斯畢矣。西京清都觀張萬福天師儀軌云，諸天隱語、八會玉文，元始天尊於香林園中，為上智童子所說。下拔五苦，遍拯九幽。於遷神儀中，刊石行用。今則黃籙齋壇，宜用此文。凶吉合儀，銓量允當。庶夫永劫，可以流通。呪祝焚燒，與真文同耳。具有成法，共弘之焉。天復元年辛酉十月五日癸未，天姥峰羽衣

杜光庭寶聖序。

凡真文，並用青紙，朱書八天隱字，及中天玉文，以鎮齋壇五方。宿啓夜讀文訖，以金龍鎮之。散壇夜讀文訖，弟子捧文於香煙之上，法師呪畢，隨表函焚之。一如靈寶真文儀制。

東方玉文

炁冥阿庚乘璿
 福香璿紫炁
 議紫炁紫炁
 阿紫炁紫炁
 渡紫炁紫炁
 炁紫炁紫炁
 紫炁紫炁紫炁
 紫炁紫炁紫炁

輕靈炁炁炁
 靈炁炁炁炁
 靈炁炁炁炁
 靈炁炁炁炁
 靈炁炁炁炁

宣樓阿蒼，無想觀音。須筵明首，

法攬菩曇。稼那阿奕，忽訶流吟。華都曲麗，鮮菩育臻。荅落大梵，散煙慶雲。飛灑玉都，明魔上門。無行上首，迴蹠流玄。阿陀龍羅，四象吁負。

南方玉文

靈靈靈靈靈
 靈靈靈靈靈
 靈靈靈靈靈
 靈靈靈靈靈
 靈靈靈靈靈

勝莽焱 三嚴 嚴
縹緲 縹緲 三
鸞 鸞 鸞 鸞 鸞
龍 龍 龍 龍 龍
靈 靈 靈 靈 靈
徑 徑 徑 徑 徑
雙 雙 雙 雙 雙

雙 雙 雙 雙 雙

南閻洞浮，玉眸詵詵。梵形落空，
九靈吹前。澤洛菩臺，綠羅大千。眇
莽九醜，韶遙延遭。雲上九都，飛生自
騫。那育郁馥，魔羅法輪。靈持無鏡，
攬姿運容。馥朗廓奕，神纓自宮。

西方玉文

西 西 西 西 西

看 看 看 看 看
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞

鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞

刀利禪猷，婆泥咎通。宛敷滌色，
太眇之堂。流羅梵萌，景蔚蕭嶠。易

邈無寂，宛首少都。阿縊郁竺，華莫延
由。九開自辯，阿羅品首。無量扶蓋，
浮羅合神。玉誕長桑，栢空度仙。

北方玉文

鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞
鸞 鸞 鸞 鸞 鸞

啓梁飛燕報

寶壽禱

獲無自育，九日導乾。坤母東覆，形攝上玄。陀羅育邈，眇氣合雲。飛天大醜，總監上天。沙陀劫量，龍漢瑛鮮。碧落浮黎，空歌保珍。惡奕無品，洞妙自真。元梵恢漠，幽寂度人。

中方玉文

黃中總氣，統攝無窮。鎮星吐輝，流鍊神宮。

次弟子捧文香煙上，法師叩齒十二通，呪曰

無上至真大聖高尊，布化運氣，三十二天。八會九光，自然成文。安鎮天地，保制劫年。元始符命，普告三

元。下勅九地，上關諸天。中告海嶽，名山大川。今日上告，萬神咸聞。弟子修齋行道，拔度幽魂。三官九署，削滅罪根。永度三塗五苦之源，世世受福，記名丹篇。神生天堂，鍊化自然。生死開度，億劫常存。九天告命，風火驛傳。再禮

太上黃錄齋儀卷之五十七

太上黃錄齋儀卷之五十八

唐廣成先生杜光庭刪

懺穰疾病方懺

先禮方

臣等至心歸命，東方無極太上靈寶天尊九氣天君，東鄉神仙諸靈官。三禮，各虔誠懺謝。餘方仿此。

懺悔

東方

臣衆等奉爲某官某乙修齋行道，歸命東方無極太上靈寶天尊大聖衆，至真諸君丈人，東鄉神仙諸靈官。今故燒香，歸命懺謝，弟子某前代今生至于累劫。上犯東方九炁之天、木官之府、青帝之宮，歲星木德角亢氏房心尾箕宿青龍之神。下犯句芒春王寅卯甲乙蒼龍少陽，功曹之直、太衝之方、春分之氣，雷霆之威，軒轅震卦，青帝衆神。積罪重過，上繫東方無極世界官府之中，結成灾厄，歷世纏綿。今因懺謝，咸乞蕩除。上願帝王安鎮，國祚興昌。

咸乞蕩除。上願帝王安鎮，國祚興昌。

邦家受福，天下蒙恩。弟子某九幽披散，七祖生天。灾凶銷解，福祚無窮。得道之後，昇入無爲。和與道合真。

東南方

臣衆等奉爲某官某乙修齋行道，歸命東南方無極太上靈寶天尊大聖衆，至真諸君丈人，東南鄉神仙諸靈官。今故燒香，歸命懺謝，弟子某前代今生，至于累劫。上犯東南方梵炁之天、風官黃帝季春之神、天罡之位、辰巽之方。騰蛇戊己招搖四宮，立夏之氣、社稷之靈。上繫東南方無極世界官府之中，歷世結固，灾厄未原。因今懺謝，咸乞蕩除。上願宗祧遐永，帝祚延長。存亡荷福，家國沾恩。弟子某七祖九玄，上生天堂。灾凶銷解，福善無窮。得道之後，昇入無爲。和與道合真。

南方

臣衆等奉爲某官某乙修齋行道，歸命南方無極太上靈寶天尊大聖衆，至真諸君丈人，南鄉神仙諸靈官。今故燒香，歸命懺謝，弟子某前代今生，至于累劫。上犯南方三炁之天、火官之府、

赤帝之宮，熒惑火德井鬼柳星張翼軫宿朱雀之神。下犯祝融夏王、丙丁巳午天一太陽勝先之直、太一之方，夏至離卦赤帝衆尊，羽蟲九紫一切正神。上繫南方無極世界官府之中，結成灾厄，歷代未原。因今懺謝，咸乞蕩除。上願聖躬萬壽，國祚遐長。幽明同福，家國荷恩。弟子某三塗清泰，九祖生天。灾厄銷解，祿祚無窮。得道之後，昇入無爲。和與道合真。

西南方

臣衆等奉爲某官某乙修齋行道，歸命西南方無極太上靈寶天尊大聖衆，至真諸君丈人，西南鄉神仙諸靈官。今故燒香，歸命懺謝，弟子某前代今生，至于累劫。上犯西南方梵炁之天，土官黃帝季夏之神、小吉之位、坤未之方。句陳戊己后土二宮攝提之府，鎮星土神，立秋中斗一切尊靈。上繫西南方無極世界官府之中，結成灾厄，解謝無因。以今懺悔，咸乞蕩除。上願帝王受福，天下太平。存亡開泰，家國咸安。弟子某九幽釋散，七祖生天。灾

殃銷殄，祿壽增延。得道之後，昇入無爲。和與道合真。

西方

臣衆等奉爲某官某乙修齋行道，歸命西方無極太上靈寶天尊大聖衆，至真諸君丈人，西鄉神仙諸靈官。今故燒香，歸命懺謝，弟子某前代今生，至于累劫。上犯西方七炁之天，金官之府、白帝之宮，太白金德奎婁胃昂畢觜參宿白獸之神。下犯蓐收秋王、庚辛申酉刑罰少陰傳送之直、從魁之方，秋分兌卦咸池七宮毛蟲之屬、肅殺之司，赤方陰府一切正神。上繫西方無極世界官府之中，歷代不解，灾厄未原。因今懺悔，咸乞蕩除。上願聖圖悠久，帝德遐宣。存亡家國，俱沐玄恩。弟子某七祖超度，長夜開光。灾厄銷解，祿筭長延。得道之後，昇入無爲。和與道合真。

西北方

臣衆等奉爲某官某乙修齋行道，歸命西北方無極太上靈寶天尊大聖衆，至真諸君丈人，西北鄉神仙諸靈官。

今故燒香，歸命懺謝。弟子某前代今生，至于累劫。上犯西北方梵炁之天，天門黃帝季秋之神、河魁之位。乾卦戌鄉亢龍戊己青龍六宮立冬之氣，白方正神。上繫西北方無極世界官府之中，積罪結固，災厄所纏。因今懺謝，咸乞蕩除。上願帝王宗廟，祚曆遐長。家國安鎮，存歿荷恩。弟子某九玄七祖，上生天堂。災銷禍散，福善日臻。得道之後，昇入無爲。和與道合真。

北方

臣衆等奉爲某官某乙修齋行道，歸命，北方無極太上靈寶天尊大聖衆，至真諸君丈人，北鄉神仙諸靈官。今故燒香，歸命懺謝，弟子某前代今生，至于累劫。上犯北方五炁之府、黑帝之宮，辰星水德斗牛女虛危室壁之宿、玄武之神。下犯玄冥冬王、亥子壬癸冬至太陰登明之直、神后之方，坎卦太一甲蟲之靈，北宮一白黑帝衆神。上繫北方無極世界官府之中，積世結固，災厄所纏。因今懺悔，咸乞蕩除。上願帝王祚曆，地久天長。存亡受福，家國沾

恩。弟子某九幽開泰，七祖生天。災厄銷殄，壽祿延長。得道之後，昇入無爲。和與道合真。

東北方

臣衆等奉爲某官某乙修齋行道，歸命東北方無極太上靈寶天尊大聖衆，至真諸君丈人，東北鄉神仙諸靈官。今故燒香，歸命懺悔，弟子某前代今生，至于累劫。上犯東北方梵炁之天，戊己黃帝季冬之神。丑宮丘墓山川土官立春艮卦大吉之方、太陰之域、八白之宮，東北方世界一切正神。上繫東北無極之府、曹屬之中，災厄結固，歷世未原。因今懺悔，咸乞蕩除。上願帝王安鎮，祚曆無窮。三塗靜晏，九祖生天。災殃銷解，家國荷恩。得道之後，昇入無爲。和與道合真。

上方

臣衆等奉爲某官某乙修齋行道，歸命上方無極太上靈寶天尊，三十六天帝君，玉京玄都紫微金闕三清三界梵炁天君，無極世界上鄉神仙諸靈官。今故燒香，歸命懺謝，弟子某前代今生，

至于累劫。上犯上方天元之府、太芒之鄉、至陽之境，五億天宮、九元七正、三界諸天、三十六天帝，三十六天君，真仙上聖，飛天神王，風雷雲雨諸天神，無上無極一切尊靈。罪結上元之境，三官官府之中。歷代纏綿，因成災咎。以今懺悔，咸乞蕩除。上願帝王國祚，比天長存。世世不絕，常爲人君。四海安鎮，人稱太平。天地清晏，家國蒙恩。九玄七祖，上生天堂。弟子某災厄消解，福善無窮。得道之後，昇入無爲。和與道合真。

下方

臣衆等奉爲某官某乙修齋行道，歸命下方無極太上靈寶天尊，九壘土皇，四司五帝，十二仙君，九宮真人，神仙玉女，無極世界下鄉神仙諸靈官。今故燒香，歸命懺謝，弟子某前代今生，至于累劫。所犯九地之司、重陰之境，八溟九壘、風澤之方，土府太皇、地下五帝，洞冥陰府、山川洞天、三十六土皇，名山福地、岡原丘谷地府衆神。罪結下方中黃戊己官府之中，歷代未原，災

厄結固。因今懺悔，咸乞蕩除。上願國祚帝圖，山河等固。幽明蒙祐，家國荷恩。弟子某地獄寧閑，九幽披散。光明通朗，七祖生天。灾咎清銷，筭祿延未。得道之後，昇入無爲。和與道合真。

三光

臣衆等奉爲某官某乙修齋行道，至心歸命日月星宮、至真大聖、三光神仙諸靈官。今故燒香，歸命懺謝，弟子某前代今生，至于累劫。所行罪犯，上觸真靈。日月星宮、太陰太陽之府，諸天列宿，九曜尊神。不敬三光，輕慢天象。罪結三元之境、天元曹府之中，歷代纏綿，因成灾厄。以今懺謝，咸乞蕩除。上願景祚無窮，帝圖遐永。萬方昭泰，文軌混同。弟子某灾厄銷平，福祥臻萃。三塗九夜，咸睹光明。得道之後，昇入無爲。和與道合真。

五嶽

臣衆等奉爲某官某乙修齋行道，至心歸命五嶽真君，名山洞府、得道神仙諸靈官。今故燒香，歸命懺謝，弟子某

前代今生，至于累劫，所行罪犯。上觸真靈，嶽瀆尊神，山川官府、名山靈化、福食之曹，及十大洞天、三十六洞、七十二福地、三十六靖廬、佐命二儲、真宮靈宅、丈人使者司命高尊。積過未原，結成灾厄。因今懺悔，咸乞蕩除。上願聖曆永昌，帝圖安鎮。生靈和泰，寰海昭融。弟子某罪咎蠲平，灾厄銷殄。存亡蒙祐，家國沾恩。得道之後，昇入無爲。和與道合真。

水府

臣衆等奉爲某官某乙修齋行道，至心歸命扶桑大帝、暘谷神王，三河四海、九江水帝，十二河源、水府神仙諸靈官。今故燒香，歸命懺悔，弟子某前代今生，至于累劫，所行罪犯。上觸真靈，積過所鍾，下元之府，靈泉溟海，及諸河源，八澤九江，水官之簡。結成灾咎，累世纏綿。因今懺謝，咸乞蕩除。上願帝業繁昌，聖圖延永。萬方有泰，八海無波。弟子某乙罪目蠲消，灾厄除蕩。存亡蒙祐，家國沾恩。得道之後，昇入無爲。和與道合真。

經寶

臣衆等奉爲某官某乙修齋行道，至心歸命三十六部尊經，真文寶符，諸天祕藏，十方正法、侍衛經典一切真靈。今故燒香，歸命懺謝，弟子某前代今生，至于累劫。犯三元品目，真戒玄科。輕慢尊經，非毀正典。運心舉念，率陷罪條。結因纏綿，未曾懺謝。名書黑簡，身履灾危。非仗玄功，無由赦免。因今祈謝，咸乞蕩除。上願聖祚繁昌，帝德遐永。萬方朗晏，四海和平。弟子某灾咎清銷，存亡安泰。有生含識，同沐玄恩。得道之後，昇入無爲。和與道合真。

太上黃錄齋儀卷之五十八

(陳耀庭點校)

028 无上黄籙大齋立成儀

經名：无上黄籙大齋立成儀。五十七卷。宋留用光傳授，宋蔣叔輿編撰。底本出處：《正統道藏》洞玄部威儀類。

无上黄籙大齋立成儀卷之一

三洞法師冲靖先生留用光傳授
太上執法仙士蔣叔輿編次

儀範門

序齋第一

靈寶十部飛天妙書，三十六卷，生於元始之先、空洞之中。天地未根，日月未光。幽幽冥冥，無祖無宗。靈圖革運，玄象推遷。真文玉字，元始登命。太真按筆，玉妃拂筵。鑄金爲簡，刻玉爲篇。祕於玉京七寶玄臺紫微上

宮，衆真侍衛，朝慶靈文。生天立地，開化神明。上謂之靈，施鎮五嶽，安國長存；下謂之寶，靈寶玄妙，爲萬物之尊。其量莫測，巍巍太空。舊科四萬劫一出，皆傳宿有金名刻簡、來生應爲仙者。玉宸大道君，愍兆庶之塗炭，哀地獄之苦惱。懇懃懇請，下降世間，斯實齋法之祖也。和天安地，保國寧家。度死濟生，求仙學道。共弘斯經，難以言宣。太上大道君，告高玄大法師曰：夫來入吾法門，上希神仙，飛騰穹蒼。次願家國安寧，過度萬患。消災滅禍，請福求恩。當先修靈寶齋，上解宿世重過，拔度惡緣；下解己身積行以來，所犯罪愆。勤行齋直，坐致飛仙，此治行之本、求道之原。學無此法，徒勞心神。宿根不解，聖道泯泯。古聞其言，今希見其人矣。太極真人曰：靈寶無上齋，皇老君天尊大聖，常修奉不倦，而況道士仙人，可不翹慕之乎。高上老子曰：道家所先，莫近乎齋。齋法甚多，大同小異。功德重者，惟靈寶齋。世希能學之矣。學之者，

皆大乘之士，前世積慶所鍾，去仙近也。清齋誦經，仙道自成，何必藏山藪也。昔正一真人受命導世，奉荷靈寶，自以齋法旨趣淵微，法禁森嚴。非愚淺始學，所可明了。迺妙出五稱文，撰立正一齋法，目爲旨教，以遺祭酒籙生。靈寶之教，祕而不傳，仙人口口相授。太極仙公始筆之書著，敷齋威儀之訣。陸天師復加撰次，立爲成儀。祝香啓奏，出官請事，禮謝願念，罔不一本經文。張杜二師繼出玄風，益暢登壇俯仰之格。相去雖數百年，前後蓋一轍也。至於庸庸師之不學，憫流谷之無識，非非相承，其失不悟。以簡便爲適當，以古法爲難行。則自張萬福天師以來，嘗病之矣。今世醮法，徧區宇而齋法幾於影滅跡絕。間有舉行之士，又復不師古始。信末師而哂前哲，是流俗而悖經教。壇儀乖疏，科式舛謬。甲造乙習，遂成舊章。切切用力於微，影響譎詭幻怪之間，以爲捨是則無以起信末俗。而紫闕洪儀，玄臺祕典，所以度天人，息生死者，竄易殆

盡，日就湮微，可勝痛哉。夫三洞諸齋，莫不以神經爲本、懺謝爲先。登壇啓祝，罔非龍漢舊文，依文而行，是爲齋法。今將十部妙經、三洞經科、靈寶玄範及留冲靖所傳古齋一宗軌儀行遣，參以所受法訣，攷證編次，修爲成書，合三十六卷。以上追張杜二師之遺躅，仍以齋法修用一門，總其綱領，訂其疑誤。各釋經文之所從出，隨事爲之辨正，庶俾結齋之士，得所遵承，據文便可施用。雖非親遇太上面授儀則，然經文曷著足爲章程。道由人弘，何有不可。天尊告太上道君曰：吾於龍漢之中，與三寶相隨。逮至赤明，世世出化，教道三乘。已得道過去及上聖大神諸天帝王妙行真人，莫不承範威儀，修行大法，以成自然。君今方當試教三代，探索真文，宜備天儀，開度羣品。使有心者，得成神仙。靈寶三元宮中，有三部威儀，合二十四條。上元總真、中元總神、下元總仙，上應二十四真，中應二十四神，下應二十四氣。八景三部，元始之宗。今悉以相

授，其道尊重，謹勿輕傳。來世運促，人心破壞，必生異念，不信經法。吾經當還三元宮中，須至清炁三代交際、龍精乘晨、世道太平，吾經復出，下世開度。今真文祕典，尚留下世，未還三天。正使真仙，復出現世，亦知不易斯文也。齋法品類，方便多門。禮祝啓顯，隨用或別。至於威儀俯仰之格，相遠不能以寸，大要不越諸此。苟能以清虛爲體、恬澹爲用，安神定氣，心府泰然，思神念真，依儀行事。以之祈真，真必降矣。十部妙經，靈寶諸齋之祖。建齋之時，施鎮壇內。供養尊禮，所不可闕。留冲靖有云，以三洞真經爲道本，以十方懺謝爲真誠。精思九朝，密投三簡，斯言盡之矣。行齋之士，當職參三洞，身受上法。庶於齋事，無所窒礙。儻冒時宜行自速玄憲耳。然十部妙經，世亦罕備。且有終身不得盼其篇目者，敬開具安鎮齋壇合用神經，如左。儻使經教，流布世間，則齋法庶不泯沒矣。

齋壇安鎮經目

凡靈寶齋會，皆可施用。

太上靈寶元始五老赤書玉篇真文

天書經

洞玄靈寶赤書玉訣妙經

洞玄靈寶運度大劫經

洞玄靈寶丹水飛術運度小劫經

洞玄靈寶天地運度自然妙經

洞玄靈寶空洞靈章

洞玄靈寶玉京山步虛經

洞玄靈寶自然九天生神章

洞玄靈寶無極大道自然真一五稱

符經

洞玄靈寶諸天内音自然玉字

洞玄靈寶八威召龍妙經

洞玄靈寶智慧上品大誠經

洞玄靈寶智慧罪根上品誠經

洞玄靈寶三元威儀自然真經

洞玄靈寶長夜之府九幽玉匱明真

科

洞玄靈寶智慧定志通微妙經

洞玄靈寶金真法輪誠業本行上品

妙經

洞玄靈寶玄一三真勸誡法輪妙經

洞玄靈寶無量度人上品妙經

洞玄靈寶諸天靈書度命妙經

洞玄靈寶滅度五鍊生尸妙經

洞玄靈寶三元品戒功德輕重經

洞玄靈寶宿命因緣明經

洞玄靈寶仙公請問經

洞玄靈寶仙人請問本行因緣衆聖

難經

洞玄靈寶道引三光妙經

洞玄靈寶三部八景神仙二十四生

圖經

洞玄靈寶飛行三界通微內思妙經

洞玄靈寶藥品

洞玄靈寶芝品

洞玄靈寶變化空洞妙經

洞玄靈寶消魔寶真安志智慧本願

大戒上品妙經

洞玄靈寶真文要解經

洞玄靈寶太極真人敷靈寶經文齋

戒威儀諸要經訣

洞玄靈寶齋說光燭戒罰燈祝願儀

建齋總式第二

經曰：開度七祖，救拔三塗。黃

錄大齋，最爲第一。應驗開度，先審其人。實誠懇切，皈依信向，在於科法，甚爲宣行。方可許其奉示，以投狀式，并齋中法信狀。建壇要在洞天福地、靖廬名山、玄壇宮觀，不經兵陣戰場、屠坊刑獄、生產塚墓、穢惡之地。仍卜三元八節、五臘三會等日，啓齋更符。庚申、甲子、四始十直、天恩天赦，名曰良日。若專度祖先，則要在亡者七七、百日、大小祥遠忌之日相合。齋主營辦齋中法信訖，携詣師門，投拜請師，受狀畢。即引齋官詣道前，取信香，焚以啓奏。既承投詞，嚴命同學同志，同學謂上道同壇同師之友。同志謂同其志，普爲幽明者。苟非其人，和氣不生，有墮功果。共建齋功。受詞之後，師與齋官弟子，冥心一意，專以開度爲念。修文修事，悉令具足，不使臨用有闕。擇日建立齋壇，壇心三寶位上，施帳座寶蓋。中安神經，內壇設十方香案、幡花燈纂，鋪設如法。有圖壇前左右，分立六幕。有式中置九幽神燈。或於天門上壇外四圍，依法然燈。有圖壇之東南，鋪迴耀輪燈。有圖壇

之東北，鋪九獄燈。有壇壇之左，序立鍊度堂，供養煉魂聖位；壇之右，序立神虎堂，供養攝魂聖位；壇之東南，設受度堂，即齋主家九祖亡人位次遙對壇所。壇之後，正面鋪設道場，列上帝御座於中，兩旁列醮筵聖位。於道場前，左別設正一師位，供養天師、玄師、女師、嗣師、系師。又別設從章靈官位，供養寶章中仙寮靈官等。未關啓齋壇前，凡進章奏，並於道場內行事壇前，向外立土地承差監臨正神位、前期三十二日，或二十四日，更看所度亡人多寡爲則關召功曹符使土地，預告三清、玉帝、天皇、北極東極、五師三官、天樞院、地水嶽府、天下都大州縣城隍，豎立寶幡，告盟三界。有式關一處爲誦經室，開啓轉經，宣開啓疏。自此逐日精專修誦，度人上品、生神寶章、金錄度命、得道救苦諸經。禮誦朝天九幽懺法，稱揚玉皇寶號、太乙天尊、十方洞靈睿號，以多爲功。印造焚化，功力有限。自此師與齋官等，入靖對齋，不交外事。前期十日，七日亦可，量事爲之正奏三清、玉帝、勾陳、紫微、后土、

東南二極、九幽朱陵洞淵真王、十方五老九天上帝、三十二天、木公金母。申日月二宮、五星四曜、五方五斗、南北二斗、五師三官、靈寶監齋正一三師、三省五府、三元四聖、九天天曹，諸天真皇人、飛天神王、雷霆真宰、十極真人，南昌上宮符命經籙、水府都水監、五嶽四瀆、九江九壘、地府洞天、太歲尊神、龍虎君等。牒天下都大城隍、州縣城隍、係祀正神。諸道諸獄，九州社令，蒿里相公，水陸關津，五方境界，冥關幽路，五道大神，六道都案，監壇正神。關本司官將。劄司命土地。專牒三界直符、神虎追魂使者，賫持公文，預詣地水職司，根尋係薦亡靈，請領赴壇，伺候開度。次立遷神、超度等旛。有式關奏已訖，法師書篆，開度符籙。先期七日，或五、四日於道場內，拜奏啓告，玄穹解穢寶章。以次進拜，艷都赦罪章，告行元始符命救苦真符、玉清拔幽魂真符、破地獄真符、太上勅赦生天寶籙青宮九龍符命。接續進拜，開通道路、沐浴鍊度諸章。前期兩日，法

師預集，羽流登壇，演習威儀。先正齋一日，臨午聲鍾。壇官齋主，威儀執事，祇請法師，入靖默堂。各先議定職次，僉書職狀，依班序立。請法師就座，齋主九禮三伏，長跪座下，致詞請師陞壇。俟師允請，贊引法師，陞高座祝香，敷座啓盟畢事，下座，書結盟狀。知職榜引，法師出堂立幕。齋官同師，至玄師堂中，上香，請玄師下降，點酌宣疏，讀結盟狀，一就焚燎。五帝幕，請五帝下降，點酌宣疏，讀結盟狀，一就焚燎。次天師幕，請天師下降，點酌宣疏，讀結盟狀，疏焚燎如上儀，留結盟狀在幕。次三師幕，請三師下降，如玄師幕之儀。次三官幕，請三官下降，如五帝幕之儀。次監齋幕，請監齋下降，如三師幕之儀。旋至外壇戶外，序立壇下，法師率衆，各執水盂楊枝，誦淨天地呪。以次陞壇，灑淨畢，依法禁壇。至神虎堂，關發玉劄落景。法師陞壇分燈，侍燈依式然點，令內外周徧。法師退歸靜默堂，齋官弟子具威儀，祇請法師陞壇宿啓。法師齋官，參

謁六幕。先五帝，次三師、監齋、三官、天師，次玄師幕法師率衆官，列班序立玄師前。齋官上香，捧詞函，自述修齋意訖。度詞法師，法師受詞告齋，吟道讚。次讚引至都門外，序立壇下，法師上香啓白，侍經宣啓壇疏，焚燎壇外，鳴金鐘玉磬，依法陞壇。旋至地戶，法師密呪入戶，率衆官以次陞中壇，至天門。法師獨陞內壇，上香行事，依料宿啓，敷露真文，宣靈官疏，說戒補職，宣禁回幕，參謝糾過，依法禮燈，召靈沐浴，引靈朝禮，送靈歸位，諷經呪食。第一日，正齋。參謁六幕，依料三時行道。二上轉經，每朝引靈至壇下，參朝三寶，懺謝罪愆。發爐、出官畢，引靈朝壇大謝畢，引靈復位靜夜，法師至九獄神燈前，祝告王清，破地獄真符。依式懺燈，誦九清梵唱破獄呪，持策杖，發符破獄。有儀，或宿啓夜未攝召，先爲之尤妙。禮九幽神燈，懺迴耀輪燈。第二日，正齋行道，如第一日之儀。靜夜，普召九泉六道，全形沐浴，設斛鍊度，施戒傳符。第三日，正齋行道，如第二日之儀。晚朝進升度

亡靈寶章。靜夜，宣行鍊度，變鍊亡魂，傳授九真妙戒，告行長生靈符，給付券誥，斬滅三尸，飛度五戶，昇上法橋。牒天門守禦諸神，保舉亡靈，上登天府。第四日，侵晨。或先一日亦可關發設醮，請狀奏三清上帝，申三官大帝。尅日進投龍簡，依式次第，散壇進拜，言功朱表，還戒納職，奉辭三寶，解壇下榜。次辭五帝三師，監齋三官，天師。次至玄師前，回向禮謝，拜送徹幕，瘞簡投龍。齋官弟子禮謝，法師受禮。至夜，設醮謝恩，進奉車輦錢馬。功德都疏三清玉帝、靈寶五師，言功三官，申東嶽，回兵牒城隍，回祠出給照劄付功曹土地等，依格推功。竣事，法師歸堂，弟子拜謝，交賀禮成。

鎮信第三

經曰，古人淳樸，懷道抱德。不貪不欲，各足於身。但用志誠，自可通感。不須財寶，玄合天真。末代時澆，人民矯詐。唯恡財貨，不識因緣。賤命重財，亡家破國。內懷萬惡，外結凶狂。相繼滅亡，未曾自悟。念是之故，

令遣散之。一則外賊不起，內外安靜。衆禍消除，所以質信效心、以財爲首。財既可捨，心亦隨之。聖善明通，隨夫心意。高天厚地，玄聖上真。非信不通，非心不感。通感之至，在乎信焉。

金龍十三枚十枚鎮十方，三枚隨簡投之

金龍各重一兩，長三寸六分。國家用上金，公侯大臣次金，士庶銀銅塗金，並可通用。科曰，龍者，上天之驛騎也。傳送通感，龍驛爲先。負簡，即騰信三官；效誓，即告盟十極。鎮信之法，以龍爲首。闕者，考屬陰官曹。

鎮綵十一段十段十方，一段命信

東方青紋九，南方絳紋三，西方白紋七，北方皂紋五，上方碧紋三十一，下方黃紋三十二，四維黃紋各一十一，十方合一百三十六。天子匹數，諸侯丈數，士庶尺數。本命紋繒，天子諸侯紫色，士庶以本命納音色。匹丈尺數，各隨本命。外加一，以表延生之信。科曰，紋繒者，顯五行之色，象十方之氣。降十天，致五帝，通真效信，請命祈靈，不可闕也。闕者，考屬天官玄都

曹。

鎮十方紙墨筆硯一十副紙，每方用一十二幅

科曰：建齋行道，或救拔億曾萬祖，先後亡靈。或請福祈恩，消災謝過。則四司五帝、三界十方，紀錄善功，校定罪名。當以紙筆爲錄功紀善之籍，質信於十方，不可闕也。闕者，則十天五帝，不錄其功；九幽三官，不除其過。闕者，考屬三官曹。

鎮十方香花十拌

科曰：香者以通感爲用，隔氛去穢。花者以鮮潔爲美，表瑞效珍，請福祈真。香花爲本，香以沉水降真，花以香潔木生者。無花，可用五綵剪成，以鎮十方，不可闕也。闕者，考屬陰官曹。

鎮米二斛四斗或一斛二斗

科曰：米以鎮信天官，增加品祿。闕者，考屬天官曹。

鎮油二斗四升

科曰：油者，陰類也。陰中生陽，以油鎮陰，官續陽景。闕者，考屬陰官

曹。

鎮炭二十四斤

科曰：炭者，陽類也。陽中生陰，以炭鎮陽，官資陰氣。闕者，考屬陽官曹。

鎮錢一萬四千或二千四百，或一千一百

科曰：金錢一萬四千，以代上金之信。質心三界，告盟十天。闕者，考屬天官玄都曹。

槿木簡三面

簡各長一尺二寸，闊二寸四分，厚二分。科曰：簡者，記也，告也。記世之功，告盟上真、上下正方。天子以玉爲之，玉有九德，禮天地之信也。餘皆槿木爲之，或栢木，丹界五行。丹書國號年月、建齋之所，及法師姓名。投於名山大洞、靈泉龍穴及齋壇之中，告天地水三官，使著明齋事，奏于上境。闕者，考屬地官九都曹。

鎮十方玉璧十枚、投龍璧三枚

十方璧，各徑二寸四分，厚二分。圖形虛中。科有正潔之德，可以盟感

上真，故以爲信。若投龍簡，當以青絲金鈕，纏而副之。青絲以代割髮，金鈕以代歃血，上告三官也。投龍璧，天官蒼璧、圓形，地官黃璧、方形，水官黑璧、六出形。闕者，考屬地官九都曹。

投三簡，金鈕二十七枚

投簡之法，當用金鈕，以副于簡。三簡，用二十七鈕，各徑九分，圍其外，如圍之刑。國家用金，臣庶以銀銅塗金。龍簡、璧、鈕式，詳見齋法修用門。

威儀第四

科曰：太上三尊，居玄都玉京之山，七寶玄臺紫微上宮。十方世界、上聖高真，一日三來，旋行朝謁。執符把籙，建節持幢。吟詠洞章，燒香散花。奏鈞天廣樂，鸞唱鳳舞。萬真稱慶，三界齊懽。今之齋法，登壇朝奏，吟詠步虛，一象玄都玉京也。威儀法式，莫不備焉。

節一對

五色絲爲之，上下五層，懸竿頭上，金鳳銜綬帶。

幢一對

珠蓋珠網，八角一層，懸朱竿木胎，左龍右虎，龍虎銜綬帶。

旌一對

似節，無龍鳳綬帶，三層，五色絲爲之懸竿。

珠旛一對

珠錦玉珮，金鳳銜之懸竿。

五明扇一對

以木雕成金彩裝，上布星斗，中列五嶽，下繪海瀆。豎以朱竿。

鶴羽一對

以木刻成鶴翅，豎以朱竿。

香爐、几案、裊席二十副

三寶一，十方十，高功都講奏案各一，六幕六，壇外香案一。此是齋壇所需之數，他處所用，不在此數內。

章函章案

函，槿木或栢木、梓木爲之，長一尺二寸八分，方闊二寸八分，正中上下，開三印池。案副之赤松子曆云，章案長二尺二寸，高八寸，仍須曲脚，以栢楠梓木爲之，違科奪筭。

龍頭書刀

削治名籍，輟惡舉善，落死上生。齋章之中，此亦為最。可刃長六寸，柄作龍形。刃以古鐵為之，柄以銀六錢為之，拜表用，不可闕。

燈燭

行道禮誦，燈燭為急。非惟啓奏所須，抑亦消穢所用。經科具有多寡，要在隨力所營。或止依金錄簡文所載，然之照曜諸天，續明破暗。下道九幽地獄，上映無極福堂。功德之中，此最為上。或兼諸香液，雜以蘭膏。各令合儀，自然降福。其燭十方各一，三寶前二，奏案前一，六幕等處，隨力設之。然燈所以續明照夜，太陽已出，當令侍燈法師，依法滅燈。今世日中亦然燈燭，所當革除。

无上黄錄大齋立成儀卷之一

无上黄錄大齋立成儀卷之二


三洞法師冲靖先生留用光傳授
太上執法仙士蔣叔輿編次

壇幕第五

科曰：禮天地，通真靈，當建壇，以申至敬。三洞齋儀，規範不同，各見本法。靈寶黃錄齋壇，具式如左。



內壇十門，用長纂十八枚，短纂十枚，合二十八枚。以絳繩或青繩，三度欄之。第一度，自長纂花頭下，連門通欄之。第二度，自短纂花頭下，欄之。第三度，去第二度，二尺來許欄之。要與第一度絳繩，高低相似。其第二度、第三度絳繩，止欄空處，勿欄門也。又於長纂頭，十字交加，綳繩懸挂小旛及弔枝花之屬。十門之外，各依方位，掛三十二天旛三十首。每兩纂之間，施一燈纂。遇夜然燈。中外級壇，亦施燈纂，長七尺，並自壇面量起為則。纂上花頭之屬，不在數內。壇三級，各高一尺

五寸，或一尺二寸，或九寸為則。




中壇四門，用長纂八枚，短纂二十枚，合二十八枚。開四門，餘悉用絳繩或青繩欄之。旛花相間，並如內壇。法應登齋行道，止自地戶出入，餘三門不可往來。常叮嚀臨壇執事等輩，六職之外，或添副職，叅贊行事，當次侍燈下立班。今世知磬掌儀，即古都講之職。表白即古監齋之職。點酌直壇即古侍經之職。手爐即古侍香之職。直燈燭即古侍燈之職。壇官各不舉職，而六職之外，始多冗名矣。

外壇，止於離宮，開一門出入。用長纂九枚，短纂十六枚，合二十五枚。除離宮外，餘悉欄之。旛花燈纂相間，如上法。執威儀者，每壇一面，分定三人。遇步虛旋繞，依次而行。常令一面有三人執威儀，旋繞不可令疏密不均也。



壇外然燈，總十有六，合一百五十九燈。太歲燈，隨年建。本命、行年、大小墓燈，隨齋主生屬安之。本命行年燈，隨十二支轉。大小墓燈，以五姓納音推。十方九宮、二十八宿、五嶽燈，並於逐方然之。七祖九幽燈，本法然於中庭，恐妨行事，可於西南然七祖燈，於鬼户然九幽燈。田先生齋壇圖，又有六甲十直諸燈，無所經據。金籙簡文，亦無禮祝之法，今刪去。壇席狹處不可鋪燈，可於別處安之。依儀禮祝，此廣成先生之意也。



道戶燈二

本命燈三 隨生年。

行年燈七 男一歲起寅，女一歲起申。

太歲燈 一 隨本年。

大墓燈 三 宮羽辰，商丑，角未，徵戌。

小墓燈 五 宮羽戌，商未，角丑，徵辰。

七祖燈 七 東北。

九幽燈 九 分八方，中央寄西南，立牌云東方風雷獄燈之類。

夾門燈 二 與道戶燈相對，列於門之左右。

二十四炁燈 二十四 東南。

八卦燈 八 分八方，各各立牌子。

九宮燈 九 分八方安，中宮寄神名立牌，書某宮燈。

十方燈 十 立牌。

二十八宿燈 二十八 匀布四方，起角之軫，各立牌名，云某宿燈。

三十六天燈 三十六 天門。

五嶽燈 五 分四方安，中嶽寄西南，各立牌。

右於各燈下立一牌，書燈名，云道戶燈、角宿燈之類。

內壇十門 黃籙簡文靈仙品曰，十門，榜廣三寸三分，長二寸四分，隨方色。

東方 青華元陽門 朱書青榜，卯地。

南方 洞陽太光門 黃書赤榜，午地。

西方 通陰金闕門 黑書白榜，酉地。

北方 陰生廣靈門 青書黑榜，子地。

東北 靈通禁上門 白書黃榜，寅地。

東南 始陽生炁門 白書黃榜，辰地。

西南 元黃高晨門 白書黃榜，申地。

西北 九仙梵行門 白書黃榜，戌地。

上方 大羅飛梵門 青書白榜，亥地。

下方 九靈皇真門 黃書青榜，巳地。

中壇四門 張清都儀，與此不同。天門黑

書黃地，地戶赤書黃地，日門赤書朱地，月

門白書黑地。

天門 青書黑榜，亥地。

地戶 黃書赤榜，巳地。

日門 黃書青榜，寅地。

月門 黃書白榜，申地。

外壇八卦纂，中開一門

震宮 洞青之炁 青書黃榜，正東卯地。

離宮 洞陽之炁 朱書白榜，正南午地。

兌宮 少陰之炁 白書青榜，正西酉地。

坎宮 洞陰之炁 黑書赤榜，正北子地。

巽宮 梵行之炁 黃書黑榜，東南巽地。

坤宮 梵陰之炁 黃書黑榜，西南坤地。

乾宮 梵通之炁 黃書黑榜，西北乾地。

艮宮 梵元之炁 黃書黑榜，東北艮地。

八卦纂之外，周迴依法然燈，以

花柱欄之，壇纂八十一枚張萬福天師科法，用六十四枚，蓋壇止兩層，外止列八卦纂耳。

長纂三十五枚，枚長一丈，九尺出土。短纂四十六枚，枚長七尺六寸，六寸入土。壇纂三重，務在精好雕木漆畫，作蓮花火珠之形。上級中門，用長纂十八枚，短纂一十枚。中級四門，用長纂八枚，短纂十六枚。外級於離宮開一門，出入用，長纂九枚，短纂二十枚。以絳繩五百尺，作三度欄之門，兩旁各刻鏤日月瑞雲之形。又於三級之外，立花柱，各高三尺，或五尺，以青繩縻之，護淨隔凡。正中開一門，出入而已。

右按下元黃籙簡文靈仙品曰，拔度罪根威儀，當於中庭開壇。四面四角，上方下方，合十門。中央縱廣二丈四尺，四面標纂，榜題門位，上下整飭。又曰安中門畢，於十門外，開天門地戶、日門月門四角，合作四門，縱廣合長三丈二尺，名四界都門。安八卦標榜經中，止云兩

級，蓋法天象地之義。今依廣成先生儀範，建壇三級，如或地形窄狹，不可依科，營建立止上中二級。外級就平地為之，務在變通，不可膠柱。外級止闊三尺，亦可。但中級拜跪，不可狹也。如上級二丈四尺，中級當三丈二尺。上級一丈八尺，中級當二丈四尺。

杜廣成先生曰：常情所見，皆以露壇為宜。殊不知誠之所感，則九天非遙。志所不通，則跬步為隔。若丹襟動於真聖，注念合於神明，豈屋宇之能蔽乎。且敕壇之後，尚不可壇內逆行，及外人干犯，忤真違禁，科式甚嚴，况風雨不常，晴景難久。苟或關奏之際，雨澤驟來。失雍容庠序之規，有匆遽奔馳之亂。首尾既紊，誠敬全虧。故儒家，沾服失容，不祭，蓋虞於此耳。以此論之，則壇在宇下，終始周旋，固无失於禮容，自可期於通感。

右立壇，要取方位端正，坐北面南。如宮觀屋宇，基址坐向不同。當以方位東西南北，定壇之坐向，或背或偏，却所不拘

切。可遷就壇位坐向，取屋宇端正也。

玄師幕，居壇之東一次壇之南

靈寶玄師，爲三天化主，乃闡教之師。應宣行齋事，當先關啓，證盟齋功，張帳幕，設聖像几案，供養如法。

五帝幕，居壇之西一次壇之南

五老上帝，主人天功過之錄，證質齋功。古齋在五方案上。杜儀令就三師位北，別張帳幄，設聖像几案，供養如法。

天師幕，居壇之東二次玄師幕之南

正一天師，爲三天法主，乃出法之師。應有齋修，皆當關啓。張帳幕，設聖像几案，供養如法。杜儀無此

三師幕，居壇之西二次五帝幕之南

經籍度三師，爲開度之宗師，資存念之首。各張帳幄，於壇之西，設聖像几案，供養如法。

三官幕，居壇之東三次天師幕之南

三官大帝，主三元考校之籍，證錄齋功。張帳幕，設聖像几案，供養如法。

監齋法師幕，居壇之西三次三師幕之南

監齋大法師，爲靈寶齋法之主。監臨齋事，張帳幕，設聖像几案，供養如法。

右六幕，立於壇序。務在量地寬狹，隨宜鋪設。留冲靖立三師位於壇內，却添正一三師之幕。蓋自龍虎演教，相沿用之。今依杜儀，置三師帳於壇之西。如屋宇窄狹，不可立六幕，當就東西二向，各設一幕。每幕設三香花案，仍以幕帘之屬，就案分隔之。遇有參謁，並當中相通行事。東一幕，仍須移玄師居中，天師左，三官右。西一幕，五帝居中，三師左，監齋右。蓋三幕併而爲一，則當以中爲尊，而左右相次也。

鍊度堂

列鍊度帝真仙衆之位。治鍊亡靈，遷升幽爽。設聖像几案，供養如法。屋宇窄處，臨鍊度夕，隨宜設之。

神虎堂

列神虎夫人將吏之位。帳幄供養如法。此堂常簾幕，無令外人出入。

監臨所

列城隍、土地、監壇正神、承差神吏等。在壇之西。杜儀云，關召敷奏，傳感上玄。凡建齋壇，土地爲首。亦宜設位，遙對壇前。香花几案，供養如法。

受度堂杜廣成儀，立于東南上。

遷拔九幽，洗滌玄祖。宜設位遙對壇所，列係薦亡靈之位。餚饌供養如法。

靜默堂

中設高座及大法師座，衆官座列兩旁，中列齋法祖師之位。供養如法。

靖室

高功法師行持書篆、符籙之所。中列天真真人、黃籙院真宰、符籙中典籙靈官等。供養如法。

普度堂

外設菱郭，中安斛食。立六道位，餚饌供養如法。近水際爲之，尤佳。

誦經堂

中設三清三寶之位。香花供養如法。纔開啓畢，即集道衆於此。轉誦訖事，具疏宣懺。

請師第六

科曰：開度天人，救護群品。非師不度，非師不仙。况建齋請福，濟度存亡。必得其人，庶獲通感。在於備受圖籙，閑練齋科，知俯仰之儀，明進退之格。思神念真，若面奉金闕；關啓敷奏，若躬朝玉皇。庠序得宜，閑雅無失。注心丹至，精誠通感，乃可謂之師矣。若法師佩三洞、衆官參洞玄者，可著之。闕人之處，可洞玄爲法師，紫虛正一爲衆官。齋法出於靈寶，屬洞玄。以此行之，理亦爲當。其他十戒，白簡道士不可著職升壇。此外竊預名號，自貽冥譴。登齋衆官，要在契心協志，共建齋功。一或異同，有傷和氣，隳墮功果。蓋以皇天厚土，幽府重泉，十方無極之鄉，三界難量之際，非得至人，謄詞啓告，依式關宣，則何以和同天人，蒙福幽顯。如是末學下士、泛泛

之流，道行既不素充，齋法又非閑習，惟務財利，冒昧宣行，非惟徒役精神，虛費財寶，將見學法未備俯仰之格，進止有犯太真之科，擿墮冥行，自速玄憲，建齋之主，豈免負累乎。結齋之士，雖不厭多，然德行難全，恭勤者少。大凡以七人已上，至十四人爲率如。乏人之處，無身佩真文上法者，則不必廣延，濫備名數。今世道教陵夷，互相宿習。凡受籙者，止就宗壇，請籙詞及法服帖爲據，儼然自稱某籙弟子，冠裳楚楚，殊似可觀。欺天罔道，無甚於此，所宜痛哉。不使登壇縱壇，宮闕處亦須備受都功盟威籙者，方可著之。

衆官法服品位第七

科曰：服者，所以旌禮也。登壇朝真，不容紊亂。經圖備職籙高卑，用以彰明各在法度。始於正一，終於講師。高下之儀，一如定制。

正一法師

玄冠，絳褐，黃裙，絳帔。二十四條丹火玉珮。斬邪之劍，長二尺四寸。

紫虛法師

玄冠，黃裙，黃褐，黃帔。二十八條青玉珮。紫虛陽光之劍，二尺八寸。

又五帝召靈之劍，明玉珮。

洞神法師

玄冠，黃裳，青褐，黃帔。三十二條白玉珮。太一三元之劍，三尺。又三皇太乙之劍，青玉珮。

洞玄法師

芙蓉冠，黃裳，紫褐，紫帔。三十條明光玉珮。八景揮靈之劍，三尺六寸。又五帝威靈禦邪劍，素玉之佩。

洞真法師

元始冠，青裙，紫褐，紫帔。青裏表三十九條，珠玉綉履。震靈之座，玉簡瑤笏，震靈之劍。左右垂玉珮珠璫。前後通真召靈之符。或仙衲雲霞之帔。

大洞法師

元始冠，黃裙，紫褐，五色雲霞帔。劍珮如洞真法。

三洞講師

元始冠，黃裙，紫褐，九色雲霞之帔。無劍珮。

如上品職高卑，皆爲朝真法服。陞壇以朝真交靈也。寶海云，劍者，辟

邪制非，威神伏魔。珮者，進止動靜，以中律度，各有第級也。夫天真上聖，法式威儀。萬品千名，變化無極。至於樓臺宮闕，結氣凝雲。恍惚有無，不常厥所。或飛臺行館，空裏轉移。或金闕玉樓，虛空化出。或大包宇宙。

或細入毫芒。其於羽衣雲衫，霞衣玉珮，珠幢寶節，飛印瓊冠，瑤笏霓旌，鳳輿龍轂，日旂月旆，鶴駕鸞驂，雖資變化之神，亦有等差之秩。所以朝真法服，劍珮冠衣，取象上真，垂儀下士。若其清齋端默，靜室凝神。合炁虛無，遊心澹漠。密朝大帝，隱叩玄關。無煩服飾之殊，自會感通之要。尊卑品秩，一切泯然。其如行教表儀，立規定體，各循階序。此可為常按而行之，亦玄門之盛美也。弘法之士，其勉之焉。

齋饌第八

几營齋饌，飯食隨時，餅果蔬菜。並須清淨，安置如法。勿使小兒、禽畜污犯，其酥乳酪並不得登齋厨。齋後，茶湯方可，通炁而已。正齋之日，上三寶前及監齋法師、監壇正神獻齋。聊

以表誠，不在多品。仍於三寶十方及諸幕前，備時果供養，獻細茶棗湯。三寶、三十方、十六幕、十四監臨，量力獻之。每朝發爐後，茶。大謝時，獻湯。諸幕參謁時，即便獻茶湯也。

沐浴第九

登齋入靜，以潔為先。內以法水洗心，外以香湯洗垢。心靜則塵念自息，垢除則真氣流行。學道之人，常宜澄心定慮，沐浴薰香。可以通達神明，感降真聖矣。每修齋之前，當煮五香之水以浴。青木、荆芥、零陵、蘭香、真檀如無五香之處，可依紫虛元君沐浴解穢法，以竹葉十兩、桃白皮十兩，以水二斗，煮一兩沸，通寒溫，先飲一盞。以此沐浴，諸穢自散。凡入靖行香，水漱口謂之除穢。出靖亦如此，謂之閉真炁。

日辰第十

崇建大齋，要擇節會開壇。謂宿啓日及正齋第一日散日，更值良日尤佳。雖得吉辰，仍避丙寅丁卯、丙申丁酉，戊辰戊戌及受死、龍虎日為善。惟三會無避忌。若啓齋已得吉日，而以後日分

或值當避之日，則不須忌。拜章却忌六戊日，以天門不開故也。關發文字，避截路空亡、時值大吉小吉、傳送功曹為美。

三會日

正月七日天曹舉遷賞會 七月七日地府慶生中會 十月五日水府建生大會

三元日

正月十五日上元 七月十五日中午 十月十五日下午元

八節日

立春 春分 立夏 夏至 立秋 秋分 立冬 冬至 出玉清經

五臘日

正月一日天臘 五月五日地臘 七月七道德臘 十月一日民歲臘 十二月王侯臘。逢臘日，是王真人授趙真人

小三會日

庚申日尸神白人罪過 甲子日方一簡 閱神祇 本命日百神朝身

四始日

正月一日 四月一日 七月一日 十月一日

十天逐月下降日明真科，拔度死魂罪

對上品，常以六陽月每月合十日及八節甲子庚申日，依威儀具法開啓。

一日，八日，十四日，十五日，十八日，二十三日，二十四日，二十八日，二十九日，三十日。

節會日

甲午天節，甲申地節，甲子人節，甲辰四時會，甲戌五行會，丙午天會，壬午地會，壬子人會，庚午日會，庚申月會，丁卯真仙會，辛酉星辰會，月三日斗辰會，本命日萬神會，出女青律。

受死日

正月戌，二月辰，三月亥，四月巳，五月子，六月午，七月丑，八月未，九月寅，十月申，十一月卯，十二月酉。

龍虎日

正月巳，二月亥，三月午，四月子，五月未，六月丑，七月申，八月寅，九月酉，十月卯，十一月戌，十二月辰。

聖忌日

丙寅丁卯道父忌 丙申丁酉道母忌
壬辰壬戌北帝忌 戊辰戊戌南帝忌

帝酷殺日

正月庚申日又初二日 二月辛亥辛卯又初九日 三月甲戌庚戌又初十日 四月癸亥日又十一日 五月壬子日又十一日 六月癸丑日又初十日 七月甲寅日又十二日 八月乙卯日又十三日 九月甲辰日又十三日 十月丁巳日又初八日 十一月丙午日又十五日 十二月丁未乙未又十三日

月將選時陽日起，大吉順行。陰日起，小吉逆行。皆以本日支遁起。

天罡 太乙 勝先 小吉 傳送
從魁 河魁 登明 神后 大吉

功曹 太衝
空亡時
甲己日申酉時 乙庚日午未時 丙辛日辰巳時 丁壬日寅卯時 戊癸日子丑時

天門開閉時
陽日，陰時開，陽時閉子寅辰午申戌為陽日，陰時開，陽時閉丑卯巳未酉亥為陰日

陰日，陽時開，陰時閉丑卯巳未酉亥為陰日

無上黃錄大齋立成儀卷之二

無上黃錄大齋立成儀卷之三

三洞法師冲靖先生留用光傳授
太上執法仙士蔣叔輿編次

預告門

正薦投壇狀式

鄉貫住居，具官位姓某

右某，伏為亡親某非本宗，乃著性命係

某甲子某月時生，於某年月日，在某處命過，享年幾歲，葬某處。今月某日屆于某節，欲為某亡懺罪，期瑟縮述平生愆過，心常自愧

者慮從傾逝，或滯幽冥。願假修崇，用伸薦拔。兼為合門先遠，罔測升沉。

夙世業愆，未曾湔洗。乞就某處，開建無上黃錄大齋三晝夜，滿散修設，謝恩

清醮，三百六十分位或二百四十分位及土惡之家一百二十外，別設真官位四十分，餘並同仰仗

道慈，俯超逝識。開明苦暗，普濟幽沉。集此殊因，上資家國，利安品物，

福佑見存。謹依科法齋備，建齋法信，醮用物儀。具狀投上清三洞法師某君

醮用物儀。具狀投上清三洞法師某君

門下，伏乞法慈，特賜矜允。擇日開建施行，未敢自專，伏候法旨。

歲次某甲子年月 日具官位姓某狀

可漏

狀 授

具官位姓某謹封

上請三洞法師某君門下

普薦狀式謂集眾財建大會者

鄉貫住居，欲充黃籙大齋會首，具官姓某，同在會士庶男女等。

右某等，幸因宿慶，叨際真風。欲伸追悼之誠，願假薦嚴之力。兼為各門先遠，罔測升沉。夙世業愆，未曾湔洗。伏聞无上黃籙大齋，功高萬法，澤被十方。共發虔誠，同伸修奉。乞就某處開建无上黃籙大齋三晝夜，滿散修設，謝恩清醮，三百六十分位。所資功德，普為在會，係薦眾魂，及往逝親緣，囚徒罪爽，解除業累，開證生方。仗此齋功，上資家國，利安品物，福佑見存。謹依科法齋備，建齋法信，醮用物儀。具狀投上清三洞法師某君門下，伏乞法慈，特賜矜允。擇日開建施行，未敢自專。

伏候法旨。

年 月 日具位姓某狀

可漏同前

鎮信禮物狀

鄉貫具官位姓某，今具建齋鎮信下

項：

金龍十三條，

玉璧十三枚，

鎮綵一十段，

命信若干尺寸，

紙筆墨硯十副，

鎮米二石四斗，

鎮錢二萬四千或二千四百，

鎮油二斗四升，

玉簡三片，

金鈕三副，

青絲一兩二錢，

信香若干，

朱砂一兩二錢，

龍頭書刀一柄。

右件信儀，隨狀見到。應沿齋醮所須，一一備足。謹具狀投靈寶大法司，伏候法旨。

年 月 日具官位姓某狀

可漏

鎮信禮物狀申

三洞法師某君門下

具官位姓某謹封

正薦齋意如非行大法，入內投靈寶大法司，委有窒礙。其奏狀云，投臣。申狀云，投某。牒劄云，當院目。餘並同。

鄉貫某路某州縣居具官某人狀稱，伏為亡親某乙命係某甲子某月日時生，於何年月日，在某處因患身亡，享年幾歲。今月某日屆于某節，慮從傾逝，或滯幽冥。願假修崇，用伸薦拔。兼為合門先遠，罔測升沉。宿世業愆，未曾湔洗。謹齋建齋法信，醮用物儀，投靈寶大法司，乞就某處宮觀，開建无上黃籙大齋三晝夜，滿散祇設，謝恩清醮，三百六十分位。仰仗道慈，俯超逝識。開明苦暗，普濟幽沉。集此殊因，上資家國，利安品物，福佑見存。

普薦齋意欲充二字，止發預告用。之發預告後，便除去之。

鄉貫某路某州縣居，欲充黃籙大齋會首，具官某乙同在會士庶男女等如有見

任官入會，作官僚士庶等。狀稱，伏念某幸因宿慶，叨際真風。欲伸追悼之誠，願假薦嚴之力。兼為合門先遠，罔測業愆，未曾湔洗。伏聞无上黃籙大齋，功高萬法，澤被十方。共發虔誠，同伸修奉。謹齋建齋法信，醮用物儀，投靈寶大法司，乞就某處宮觀，開建无上黃籙大齋三晝夜，滿散修設，謝恩清醮，三百六十分位。所資功德，普為在會，係薦等魂，及往逝親緣，囚徒罪爽。解除業累，超證生方。仗此齋功，上資家國，利安品物，福佑見存。

行遣通用式

諸奏申狀，用勻淨展劄紙。前空一掌，後空兩掌。關牒用狀紙。

諸奏狀稱臣。申狀稱名。天樞院用司額，稱本司。關牒，稱當司。

諸帝尊並用奏狀。聖位以黃簽書，臨時貼。其餘並用申狀。

諸奏三清玉帝，稱道慈勅旨。諸帝，稱天慈睿旨。后土，稱宸慈聖旨。

諸貼黃，分單行寫，闊二寸四分高三寸或闊三寸高三寸六分為則。粘狀

前背後合縫處，書臣名用印。

諸倚黃，用小黃簽，側貼太歲下。

諸可漏，並貼黃。一位者，用黃簽側貼。兩位以上者，用稍闊黃簽中貼。

兩位四位，以右為尊。三位五位，以中為尊。

諸方函，不拘奏狀、申狀，並不貼黃，不稱臣，兩頭止書名。章表符誥，同此。

諸奏申狀聖位合者，方函題最前一位。

諸帝尊，並獻龍車。后土皇祇，獻鳳輦。

諸公牒關劄引，並批朱。公牒摺角，封書名，押字散牒。關劄用可漏，押字不書名。

諸年辰，若甲子年，則云太歲甲子。自乙丑年至癸亥年，並同。

諸御位稱陛下，后土稱殿下。

諸帝稱御前，諸真稱聖前，神祇稱神前。

奏
玉清凡狀內雙注者，分正薦普薦用。以

意續文，餘同此式。

具法位臣姓名

今據某布政使司某府縣某里社居住入前齋意至福佑見存，臣據詞難抑，謹集法籙道士一壇，依下元黃籙簡文靈仙品格，建立靈壇，結盟立誓。寅奉寶齋，先颺寶籙。上聞齋意，看誦太上真經睿號。擇日開啓齋壇，恭按玄科，宣揚祕範。仰祈恩霈，普濟存亡。除具事由，上奏諸天尊帝，請降睿旨。申三界真司，牒合屬去處。各乞照會崇建大齋事理。亡靈某乙，在會係薦亡魂及建齋弟子家，億曾萬祖，歷劫種親。十方九幽，苦魂滯魄。權停考對，落滅惡根。願假道力，恩光至期，親朝壇陛，懺雪罪垢，祇受齋功。所有元始符命、寶籙真符、開度一宗、靈文祕篆，及建齋醮謝日，分別具奏。聞欲得三界十方、合屬去處，預使聞知，普今遵奉，須至奏聞者。

右臣謹錄狀，上奏玉清上帝元始天尊、上清大帝靈寶天尊、太清大帝道德天尊陛下。恭望道慈，特降勅旨，頒行三界十方，允臣所奏。冒犯天威，臣誠

惶誠恐，稽首頓首，死罪謹具，狀奏以聞。謹狀。

歲次某甲子某年月 日具法位臣姓名狀

貼黃

奏爲某人衆會，添等字，後同乞崇建

无上黃籙大齋正薦亡親某等，普薦在會衆魂。

及十方九幽苦魂罪魄，欲得

救命，頒下三界十方，預行照應

事，伏低

敕旨。

倚黃

乞下 三界十方施行

可漏

如開寫奏狀三函，每可漏一箇，書天尊一位。

上清大帝靈寶天尊

玉清上帝元始天尊 陛下具法位臣姓名狀奏謹封

太清大帝道德天尊

方函

奏狀一函謹謹上詣

三天門下上清天樞院呈進

具法位臣姓名謹重封

昊天

具法位臣姓名某

今據某布政使司某府縣某里社居住，同三清狀，至普濟存亡除具事由，飛奏上帝，乞降勅命，及奏諸天帝尊，請降睿旨。申三界真司，牒合屬去處。各乞

照會崇建大齋事理。將亡故某乙在會

係薦等魂，及建齋弟子家，億曾萬祖，

歷劫種親。十方九幽，苦魂罪魄。權

停考對，落滅惡根。願假道力，恩光至

期，親朝壇陛，懺雪罪垢，祇受齋功。

所有元始符命、寶籙真符、開度一宗、

靈文秘篆，及建齋醮日，分別具奏。

聞欲得三界十方、合屬去處，預使知

聞，普令遵奉，須至奏聞者。

右臣謹錄狀，上奏太上開天執符御

曆含真體道昊天玉皇上帝陛下，恭望道

慈。後同三清狀結

貼黃

倚黃 並同三清

可漏照狀，聖位僉聖位換易

天皇

具法位臣姓名某

今據某布政司某處，同昊天狀，至須至奏聞者。

右臣謹錄狀，上奏勾陳星宮天皇大帝陛下，恭望天慈，特降睿旨，頒下三界十方，合屬真司。允臣所奏，冒犯天威。

同三清狀結，至謹狀。

貼黃 同三清狀，改勅旨作睿旨

倚黃 同三清

北極

具法位臣姓名某，

今據某布政司某處同昊天狀，至須至奏聞者。

右臣謹錄狀，上奏紫微中天北極大

帝陛下，恭望道慈，特降睿旨，頒下三界

十方、合屬真司。允臣所奏，昌犯天威。

同三清狀結，至謹狀。

貼黃 同三清狀，改勅旨作睿旨

倚黃 同三清

東極

具法位臣姓名某

今據某鄉貫居住同天皇狀，至須至奏

聞者。

右臣謹錄狀，上奏東極宮中大慈仁

者，尋聲赴感太乙救苦天尊御前，恭望

道慈，允臣所奏。特降睿旨，頒下三界

十方，咸令遵奉。仍乞慧光，照徹幽夜。使受苦衆生，出離幽暗，得睹光明，普詣齋壇。承功超度，冒犯天威。後同天皇狀結

已上可漏並同前式

貼黃，倚黃並同天皇

无上黃籙大齋立成儀卷之三

无上黃籙大齋立成儀卷之四

三洞法師冲靖先生留用光傳授
太上執法仙士蔣叔輿編次

天樞院繳狀

靈寶大法司

本司據鄉貫某人狀投稱入前齋意，至福佑見存，本司祇按玄科，修崇齋法。今預行飛奏上帝，告盟三界真司，牒合屬去處。欲乞救命睿旨，頒下幽牢應干、合屬去處。咸使聞知，崇建大齋事理。將亡故某乙 在會係薦等魂，及建齋弟子家，億曾萬祖，歷劫種親。十方九幽，苦魂滯魄。權停考對，落滅惡根。建齋之日，特與赦拔冤愆，親朝壇陛，祇承符命，開度超生。今發奏狀五函，重封印全，須至開申下項：
三清上帝陛下，
昊天玉皇上帝陛下，
勾陳星宮天皇帝陛下，
紫微中宮北極大帝陛下，
東極太乙救苦天尊御前。

右謹具狀，申三天門下上清天樞院。伏乞徑爲通奏，恭請救命睿旨，早與頒降施行。謹具申聞，伏候昭報。謹狀。

歲次某甲子某年月 日具法位

某某 狀 申

五師應奏狀稱臣處，申狀並改稱名

具法位姓名

今據某布政使司入前齋意，至福佑見存，某據詞難抑，謹集法籙道士一壇，依下元黃籙簡文靈仙品格，建立靈壇，結盟立誓。寅奉寶齋，先賜寶籙。上聞齋意，看誦太上真經睿號，擇日開啓齋壇。恭按玄科，宣揚祕範。仰祈恩霈，普濟存亡。除具事由，飛奏上帝。乞降救命，及奏諸天帝尊，請降睿旨，申三界真司，牒合屬去處。各乞照會，崇建大齋事理。將亡故某乙 在會係薦等魂，及建齋弟子家，億曾萬祖，歷劫種親。十方九幽，苦魂罪魄。權停考對，落滅惡根。願假道力，恩光至期。親朝壇陛，懺雪罪咎，祇受齋功。欲得三界十方，預知修奉，須至申聞者。

右某謹具狀，申玄中教主上清靈寶聖師真君，三天大法天師正一靜應真君，靈寶經師真君，靈寶籍師真君，靈寶度師真君聖前。伏乞聖慈，特降聖旨，下三界十方，合屬去處。預知今來修奉大齋事，特與照應施行。冒犯聖威，某下情無任惶悚之至，謹具申聞。謹狀。

歲次某甲子某年月 日具法位
姓某 狀

可漏

靈寶五位聖師真君聖前具法位姓某謹封

方函

申狀一函上詣

具法位姓某謹重封

靈寶五位聖師門下

三官

右某謹具狀，申上元天官紫微大帝，中元地官清虛大帝，下元水官洞陰大帝右共一狀，同五師。

可漏

可漏

三元天地水官大帝御前具法位姓某謹封

可漏

三元天地水官大帝御前具法位姓某謹封

方函

申狀一函上詣
三元都會府
地府
具法位姓某謹重封

具法位姓某

今據鄉貫，同五師狀，至祇受齋功欲得嶽府羅酆、冥關幽獄，預知修奉，須至申聞者。

右某謹具狀，申北陰玄天酆都大帝

聖前。伏乞聖慈，特降聖旨，下九地幽

陰、十宮五嶽東嶽狀改四嶽應干拘繫罪魂

去處，預知今來修奉大齋事理。特與

照應施行。冒犯聖威，某下情無任惶懼

之至，謹具狀申聞。謹狀。

歲次某甲子某年月 日具法位

姓某狀

可漏

北陰玄天酆都大帝御前 具法位姓某謹封

方函

申狀一函上詣

具法位姓某謹重封

北陰酆都宮

東嶽

具法位姓某

今據某鄉貫，同五師狀，至祇受齋功欲得嶽府羅酆、冥關幽獄，預知修奉，須至申聞者。

右某謹具狀，申東嶽天齊仁聖帝御前。伏乞聖慈，特降聖旨，下九地幽陰、

十宮四嶽應干拘繫罪魂去處，預知今來修奉大齋事理。特與照應施行，冒

犯聖威，某下情無任惶懼之至，謹具狀

申聞。謹狀。

歲次某甲子某年月 日具法位

姓某狀

可漏

東嶽天齊仁聖帝御前 具法位姓某謹封

方函

申狀一函上詣

具法位姓某謹重封

東嶽泰山府

水府

具法位姓某

今據某鄉貫，同五師狀，至祇受齋功欲得

江海河瀆、水府去處，預知修奉，須至

申聞者。

右某謹具狀，申東霞扶桑丹林大帝

御前。伏乞聖慈，特降聖旨，下四海九

江、五湖四瀆、三元水府、十二河源應干拘繫考校去處，預知今來修奉大齋事理。後同地府狀結

歲次某甲子某年月 日具法位

姓某 狀

可漏

東霞扶桑丹林大帝御前 具法位某謹封

方函

申狀一函上詣

具法位姓某謹重封

東霞扶桑宮

牒應狀內稱名處，並改作當司

都大城隍牒

靈寶大法司 牒上 天下都大城隍主

者

當司今據某鄉貫，入前齋意，至福佑見存

當司據詞難抑，謹集法錄道士一壇，依

下元黃籙簡文靈仙品格，建立靈壇，結

盟立誓。寅奉寶齋，先颺寶籙。上聞

齋意，看誦太上真經睿號，擇日開啓齋

壇。恭按玄科，宣揚祕範。仰祈恩霈，

普濟存亡。除具事由，飛奏上帝，乞降

敕旨，及奏諸天帝尊，請降睿旨，申三

界真司，牒合屬去處。各乞照會，崇建

大齋事理。將亡故某乙，在會係薦等魂及建齋弟子家，億曾萬祖，歷劫種親。十方九幽，苦魂罪魄。權停考對，落滅惡根。願假道力，恩光至期。親朝壇陞，懺雪罪垢，祇受齋功。欲得所屬去處，預知修奉，須至專牒者。

疾速指揮，移文冀、兗、青、徐、揚、荆、豫、

梁、雍州社令，及諸府、州、縣、鎮城隍，

互相關報，咸使知聞。今來修奉大齋

事理，火急根刷。管下久滯幽陰、无由

度脫、孤魂滯魄、冤讎執對之衆，各令

分頭考對先次，攢類誘諭，俾令捨離惡

緣，發生善念，同候建齋之期，當再牒

請指揮，發遣赴壇，濯鍊形神，參朝太

上，聞經聽法，解負除冤，欲受齋羞，祇

承功德，普霑開度，俱遂超生。上應

大道之慈悲，下顯齋功之廣博，牒請依

應施行。謹牒。

歲次某甲子某年月 日牒

批朱牒上，天下都大城隍主者

印階法位姓某押

摺角封正面

摺角封正面

謹 具法位姓某 押 封

靈寶大法司 牒上 天下都大城隍主

者

州城隍

靈寶大法司 牒上 某州城隍主者

當司今據某鄉貫，同都城隍牒，至須至專

牒者。

疾速指揮，移文諸縣城隍，並管下鄉鎮、里

社正神縣隍牒，改作移文管內鄉鎮里社正神應

干香火去處。咸使知聞，今來修奉大

齋事理。至期放逐孤魂滯魄等衆，前

來欲受齋羞，祇承功德。更請關會諸

處諸祠，廟祀正神。各各預集神兵，伺

候建齋。預期前來，衛護靈壇。掃除

厭穢，隔絕葷辛。鈐束孤魂滯魄，毋令

妄起冤心，潛害人命。開壇請為監臨，

祇伺寶馭下臨、真游降格。齋事圓成，

言功舉遷。牒請依應施行。謹牒。

縣城隍牒 同前州城隍牒，摺角封，正面

背面前式，神位同牒改易。

關

四直功曹關子

靈寶大法司

當司今月 日 時，發緊急奏狀五函，申狀一函，重封印全，上詣三天門下上清天樞院，請進須至關發者。

右關某甲子年年直功曹使者，某甲子月月直功曹使者，某甲子日日直功曹使者，某甲子時時直功曹使者。准此齋管，前去分明投進，申上雲程之中，不許稽遲。有所遏截，攝赴近獄，依律施行。故關。

歲次 年月 日 時關

批朱關 四直功曹

印法階姓 押

可漏正面

具法階姓 押 封

背面

靈寶大法司 關 四直功曹使者

功曹符使關子

靈寶大法司

當司今月某日某時，發緊急文字下項一申狀五函，重封印全，上詣靈寶五位聖師門下，三元都會府，北陰酆都大

帝宮，東霞扶桑丹林大帝宮，東嶽泰山府，或別引沿路土地傳送亦可已上，並請逐處申上。

右關某年年直功曹使者，某月月直功曹使者，某日日直功曹使者，某時時直功曹使者，上界直符使者，中界直符使者，下界直符使者。准此齋持，前去逐處分明，申上雲程之中，不得時刻稽滯。故關。

歲次 年月 日關

引

都大城隍司土地引

靈寶大法司

當司某月某日某時，發緊急公牒一角，仰齋赴天下都大城隍司投落，須至指揮。

右引某處土地，及前路應干經由地分土地，准此指揮，齋管上件公文，火急遞傳。前去分明投落，在路不得住滯時刻，及有揩磨損失。如或稽違，罪歸有處。

歲次某年某月 日某時引

具印階位 押

州縣城隍引

又同都城隍司土地引引改作某州縣城隍主者，前通下右引某州縣城隍同下

錢馬狀單

功曹直符錢馬單

靈寶大法司

今據齋主某人備到金錢幾分，從馬幾騎。

右謹奉上四直功曹使者、三界直符使者，伏維鑒納。謹狀。

今月 日當司支錢馬狀

將吏錢馬單

靈寶大法司

今據齋主某人備到金錢幾分，銀錢幾分從馬幾騎，奉上靈寶大法司靈官功曹、金童玉女、天將天兵，上清天樞院天將天兵，以下，隨法師所受法開列，不可拘此。北極驅邪院神將神兵，玉樞五雷院雷將雷兵，嶽府統兵助法二大將馬步兵等衆。

右請准此，受領。

今月 日當司支錢馬單

土地錢馬單

靈寶大法司

今據齋主某人備到金銀錢幾分，從馬幾騎，支送天下都大城隍司下，沿路土地。

右仰准此，受領。

今月 日當司支錢馬單

州縣城隍司土地單狀同前式

无上黃錄大齋立成儀卷之四

无上黃錄大齋立成儀卷之五

三洞法師冲靖先生留用光傳授
太上執法仙士蔣叔輿編次

正奏門

奏

三清

具位臣姓某

先據某鄉貫入齋意，至福佑見存臣據詞難抑，已於某月某日預告，先颺寶幡，上聞齋意。今按下元黃錄簡文靈仙品格，建立靈壇，崇修齋法。恭依次第，宣演真科。進拜天官濟度諸章，頒行元始符命、金錄白簡、救苦真符，太上敕赦生天寶錄，玉清拔幽魂、破地獄真符，青宮九龍符命，神虎玉劄。赦拔亡故某乙 在會係薦等魂，及十方九幽、囚徒苦爽，出離長夜，祇受齋功。謹取某月某日開啓齋壇，召攝亡魂，赴壇受度。某日清旦爲始，正齋行道，三日九朝。某日夜普設清淨，無礙斛食，夜齋鍊度，

六道四生，孤魂滯魄。某日夜水火變鍊，係薦亡魂。傳授九真妙戒，告行元始符命。金錄白簡，長生靈符，給錄破券，保舉超昇。事畢，拜表言功，解壇滿散。某日夜祇設三界高真，清醮三百六十分位，仰答洪恩，投龍進簡。除具事由，備奏諸天帝尊，請降睿旨。申三界真司，牒合屬去處。將所薦亡魂姓名、生死年月，別具帳狀，申三天門下上清天樞院，伺候敕旨，乞與頒行外。臣尚慮所薦，一切亡魂，宿纏業垢，永閉幽途。非假天恩，無由濟拔。及有元始符命，寶錄真符，開度一宗，靈文祕篆。并監衛齋壇，靈寶官屬，宣通召命，諸司將吏，所合請降，依式宣行，須至奏聞者。

右臣謹錄狀，上奏玉清上帝元始天尊陛下。恭望道慈，允臣所奏，頒降符命，付臣奉行。特賜敕旨，普告諸天、日月星宮、璇璣玉衡、四司五帝、司命司錄、韓君主錄南昌上官、諸地諸水、五嶽靈山、三官九署、十二河源，長夜之府，九幽之中，無極世界，一切神靈。

各令照應，赦拔亡故某乙。在會係薦等魂，暨修齋弟子家，億曾萬祖，歷劫種親。十方九幽，苦魂罪魄。深愆重過，宿對惡根。咸與惟新，悉從開宥。得出幽夜，來詣齋壇。沐浴形神，參真聽法。懺除罪業，受鍊更生。更乞頒下南北兩宮、陽精陰魄主者，十方神王典者，靈官玉女，上章曹治，玄都蛟龍驛吏，察命童子，護法威神，龍虎騎吏，三元將軍，監衛齋壇。靈寶官屬，南昌鍊度官君，神虎追攝將吏，各令知委，應臣請召，分形降氣，顯助宣行。俾魔障不生，齋功成就。先亡超化，見在利安。家國霑恩，幽明蒙福。建齋之日，伏願三光朗耀，四炁和平。俯賜恩光，證明修奉。冒犯天威，臣誠惶誠恐，稽首頓首，死罪謹具狀，上奏以聞。謹狀。

歲次某甲子某年月 日具法位臣姓某狀

貼黃
奏爲某人，乞蒙建无上黃籙大齋
正薦亡故某乙 普薦在會衆魂及十方九幽，苦魂罪魄。今欲頒行符

命，請降官將。追攝赴壇，依科開度。乞降敕命，頒下三界十方施行事。伏候敕旨。

倚黃

乞降付三界真司施行。

可漏，方函並同預告門

上清

上清大帝靈寶天尊

太清

太清大帝道德天尊此二位，各一奏狀。並與玉清狀，起結相同。

昊天

具法位臣姓某

先據某鄉貫，同三清狀，至投龍進簡除具事由，備奏上帝，乞降敕命。及奏諸天帝尊，請降睿旨，申三界真司，牒合屬去處。後同三清狀，至奏聞者。

右臣謹錄狀，上奏太上開天執符御曆含真體道昊天玉皇上帝陛下，恭望道慈，同三清狀，至幽明蒙福冒犯天威。臣誠惶誠恐，稽首頓首，死罪。謹具狀，上奏以聞。謹狀。

年月貼黃倚黃並與三清狀同

天皇

具法位臣姓某

先據某鄉貫，同三清狀，至投龍進簡除具事由，備奏上帝，乞降敕命。及奏諸天帝尊，請降睿旨，申三界真司，牒合屬去處。將所薦亡魂，生死年月，別具帳狀，申三天門下上清天樞院，伺候敕旨頒行外。臣尚慮所薦亡魂，及十方九幽，囚徒罪爽，宿纏業垢，永閉幽途，非假恩光，無由濟拔。及有開度一宗符命并南北兩宮、合屬官吏，欲得頒降，依式宣行。須至奏聞者。

右臣謹錄狀，上奏勾陳星宮天皇大帝陛下，恭望天慈，允臣所奏，特降睿旨，下三界十方、九幽重陰、冥曹幽獄一切去處。各令照應，赦拔亡故某乙。在會係薦等魂，暨建齋弟子家，億曾萬祖，歷劫種親。十方九幽，苦魂罪魄。特與消除罪錄，落滅惡根。令詣齋壇，普受開度。參真聽法，受鍊更生。仍乞頒下南北兩宮、陽精陰魄、水火二司主者，監衛齋壇靈寶官屬，南昌鍊度官君，神虎追攝將吏，咸令知委，應臣請召。分

形降炁，顯助宣行。俾魔障不生，齋功圓就。先亡超化，見在利安。家國霑恩，幽顯蒙福。冒犯天威，臣誠惶誠恐。同三清狀式，結至謹狀。

貼黃 同三清，至依科開度，乞降睿旨，頒下三界十方施行

倚黃 同三清狀，后土至三十二天、木公金母諸狀，貼黃倚黃，並相同

北極 此一狀起結，與天皇狀並相同
紫微中天北極大帝。

后土

具法位 臣姓某

今據某鄉貫，同天皇狀，至伺候敕旨頒行外須至奏聞者。

右臣謹錄狀，上奏承天效法厚德光大后土皇地祇殿下，恭望宸慈，允臣所奏，特降睿旨，下三界十方、九幽重陰、冥曹幽獄合屬去處，各令照應。特與係薦亡魂，幽途滯爽，解除罪對，赦拔冤愆。得睹光明，普承開濟。叅真聽法，受化更生。上願國祚綿長，寰區靜謐。雨暘時若，災沴潛消。普及含生，同臻道果。冒犯宸威，臣誠惶誠恐。同天皇狀，結至謹狀。

貼黃

奏為某人，乞崇建无上黃籙大齋，正薦亡魂某乙，普薦在會眾魂。及十方九幽，苦魂罪魄。今欲開壇，依科修奉。乞降睿旨，頒下三界十方施行事。

太乙

具法位 臣姓某

先據某鄉貫，同昊天狀，至伺候敕旨頒行外，臣尚慮羅酆幽遠，泉曲重深。不假慧光，無由通濟。所薦亡魂，無邊罪爽。業緣報對，神識沉淪。欲得救拔冤愆，返生魂魄。及有開度生化，一宗符命，未敢擅便告行，須至奏聞者。

右臣謹錄狀，上奏東極宮中大慈仁者尋聲赴感太乙救苦天尊御前，恭望道慈，允臣所奏，特降睿旨，宣告救苦真人，九光童子，奉青宮符命，秉威神慧光，照燭三途，開明五道。北都泉府，出受苦之眾生；南極朱宮，下鍊魂之仙眾。特與亡故某乙，在會係薦等魂，及十方九幽，苦魂罪魄，除愆宥過，解結滌瑕。水注陰符，火飛陽候。起朽骸而

復秀，使枯骨以成人。昭顯形儀，庶彰道法。叅朝太上，度品南宮，永處福齡，閉封債業。九朝啓奏，五日告盟。恭乞證明，濟甦亡歿。庶使沈沈五道，普霑生育之私；寂寂九幽，咸沐慈悲之化。全依洪造，成就齋功。冒犯天威。同昊天狀，結至謹狀。

貼黃

奏為某人，乞崇建无上黃籙大齋，正薦亡魂某乙等普薦在會眾魂及十方九幽，苦魂罪魄。今欲頒行符命，追攝赴壇。依科關奏，乞降睿旨，頒下三界十方施行事。

九幽

具法位 臣姓某

今據某鄉貫，同昊天狀，至伺候敕旨施行外，臣尚慮朔獄幽途，泉酆土壘。拘繫罪魂去處，未即放釋前來。有妨開度，須至奏聞者。

右臣謹錄狀，上奏九幽拔罪天尊御前，恭望天慈，特降恩命，下三官九署、五嶽九州、北陰酆都、内外宮洞、冥關幽治、長夜泉扃、十方九幽、一切諸獄，

效職主司，考官掾吏，各令照應。特與亡故某乙 在會係薦等魂，及九幽一切苦魂罪魄，勾消生前歷劫罪考之名，削除歿後無窮冤報之目。焚燒業簿，落滅惡根。俾離幽關，獲霑齋法。更乞慈光下燭，照破重泉。使受苦衆生，永離惡趣。無邊滯爽，咸沐善緣。幽夜開光，羅艷罷對。冒犯天威，臣誠惶誠恐，稽首頓首。同昊天狀，結至以聞謹狀。

貼黃同太乙

南極

具法位臣姓某

今據某鄉貫，同昊天狀，至伺候敕旨頒行外，臣尚慮所薦亡魂，久淪幽夜，迷失本真。必假陽精，陶形易質。除已建立水火華池，依科鍊度，欲得南昌一行官吏，如期下臨，及有鍊度生化，一宗符命，未敢擅便告行，須至奏聞者。

右臣謹錄狀，上奏南極長生大帝御前，恭望天慈，特降睿旨，下三界十方，合屬去處，照應赦拔亡魂，開明罪爽。仍乞頒下丹天世界、南宮水火二司，朱陵火府、南昌上官，洞陽之館、流火之

庭，一切真司鍊度官將，至期下降，顯助行持。俾在會係薦等魂，受化更生，隨果超度。四生六道，滯爽窮魂，俱承變鍊之功，永離沉淪之苦。齋功成就，幽顯蒙恩。冒犯天威，同昊天狀，結至謹狀。朱陵此一狀起結並與南極狀相同

貼黃二狀，並與天皇狀同。

十方天尊

具法位臣姓某

今據某鄉貫，同天皇狀，至伺候敕旨頒行外，臣尚慮所薦亡魂，無邊罪爽。有多生之業障，及積世之愆尤。萬劫沉淪，終天無解。恭依上聖垂科，九朝懺謝，求哀悔首，釋負除冤。欲得諸天神仙，靈官聖衆，隨詞騰奏，恩許原除，須至奏聞者。

右臣謹錄狀，上奏東方無極太上靈寶天尊御前，恭望天慈，允臣所奏，特降睿旨，下十方無極世界、地水冥司、一切去處。照應赦宥亡魂，開明罪爽。更乞威神慧力，散影分形，遍十極之中，徹九幽之內。無邊地獄，悉睹天

容，拔度亡故某乙 在會係薦等魂，暨修齋弟子家，億曾萬祖，歷劫種親。十方九幽，苦魂罪魄。出離幽夜，落滅惡根。獲詣齋壇，普受開度。建齋之日，仍乞敕勒十方神仙、靈官聖衆，下臨壇席，上奏齋誠。俯賜恩光，證盟修奉。俾建齋弟子，永處福齡，各安正命。陽間有識，陰界無依。俱承懺悔之功，並脫輪迴之苦。恩覃家國，澤及存亡。冒犯天威，臣誠惶誠恐，稽首頓首，死罪，謹具狀，上奏以聞。謹狀。

太歲某年月 日具法位臣姓某狀

貼黃

奏爲某乙乞崇建无上黃籙大齋正薦亡故某乙普薦在會衆魂，今欲開壇，依科修奉，九朝懺謝，首露愆瑕，欲仗靈官，啓奏齋誠，原赦超度。乞降睿旨，頒下三界十方施行事。

南方無極太上靈寶天尊
西方無極太上靈寶天尊
北方無極太上靈寶天尊
東北方無極太上靈寶天尊

東南方無極太上靈寶天尊

西南方無極太上靈寶天尊

西北方無極太上靈寶天尊

上方無極太上靈寶天尊

下方無極太上靈寶天尊

右九位天尊，各一奏狀，起結並與東方天尊相同。

五老

東方青靈始老青帝九炁天君

南方丹靈真老赤帝三炁天君

西方皓靈皇老白帝七炁天君

北方五靈玄老黑帝五炁天君

中央元靈元老黃帝一炁天君

右五位帝君，各一奏狀，起結並與十方天尊相同。

无上黃籙大齋立成儀卷之五

无上黃籙大齋立成儀卷之六

三洞法師冲靖先生留用光傳授
太上執法仙士蔣叔輿編次

奏

洞淵

具法位臣姓某

今據某鄉貫入齋意，至福佑見存，臣據詞難抑，已於某月某日預告，先颺寶籙，上聞齋意。今按下元黃籙簡文靈仙品格，建立靈壇，崇修齋法。恭依次第，宣演真科。進拜天官濟度諸章，頒行元始符命、金籙白簡、救苦真符，太上

敕赦生天寶籙，玉清拔幽魂、破地獄真符，青宮九龍符命，神虎玉劄，赦拔亡故某乙，在會係薦等魂，及十方九幽、囚徒苦

爽，出離長夜，祇受齋功。謹取某月某日開啓齋壇，召攝亡魂，赴壇受度。某

日清旦爲始，正齋行道，三日九朝。某

日夜普設清淨無礙斛食，夜齋鍊度，六道四生，孤魂滯魄。某日夜水火變鍊，

係薦亡魂。傳授九真妙戒，告行元始符命、金籙白簡長生靈符、給籙破券，保舉超昇。事畢拜表言功，解壇滿散。某日夜祇設三界高真，清醮三百六十分位，仰答洪恩，投龍進簡。除具事由，備奏上帝，乞降救命，及奏諸天帝尊，請降睿旨，申三界真司，牒合屬去處。將所薦亡魂，生死年月，別具帳狀，申三天門下上清天樞院，伺候敕旨，頒行外。臣尚慮朔獄幽途，泉艷土壘，拘繫罪魂去處，未即放釋前來，有妨開度，須至奏聞者。

右臣謹錄狀，上奏洞淵三昧無量上太乙天君三洞天尊御前，恭望天慈，特降睿旨，下三界十方、重泉九壘，風梵剛維之境，朔單鬱絕之鄉，一切陰司、冥曹幽獄，開明罪爽，赦拔亡魂。普及幽沉，俱蒙超濟。齋功成就，存歿霑恩。冒犯天威，臣誠惶誠恐，稽首頓首，死罪，謹具狀，上奏以聞。謹狀。

太歲某年月 日具法位臣姓某狀

貼黃

奏爲某乙崇建无上黃籙大齋，正

薦亡故某乙普薦在會衆魂今欲開壇，依科修奉，九朝懺謝。首露愆瑕，欲仗靈官，謄奏齋誠，原赦超度。乞降睿旨，頒下三界十方施行事。

真王

具法位臣姓某

今據某布政司同洞淵狀，至伺候敕旨頒行外，臣尚慮所薦，一切亡魂，宿纏障業，拘繫幽途。欲得赦拔冤愆，超離苦趣。全神復本，顯露形儀。須仗恩光，俯垂濟度，須至奏聞者。

右臣謹錄狀，上奏九天採訪應元保運南極真王朱陵大帝御前，恭望天慈，允臣所奏，特降睿旨，下三界十方、合屬真司，九地幽陰、一切去處。照應赦拔亡魂，開明罪爽。更乞分靈降監，採納啓祈。成就齋功，殄消魔障。降流睿澤，超度亡魂。苦爽無依，普資昇濟。臨壇翊衛，傳奏仙曹。均與賞功，進加品爵。覃恩家國，資福存亡。上應大道之好生，下副微臣之懇禱。冒犯天威。同前洞淵狀，結至謹狀。

九天上帝

具法位臣姓某

今據某布政司某處某鄉居同洞淵狀，至伺候敕旨頒行外，臣尚慮所薦一切亡魂，宿世今生，迷真逐妄。業緣報對，神爽沉淪。欲得和合陰陽，反生魂魄。結形九炁，育質三元。全賴恩光，俯垂開度，須至奏聞者。

右臣謹錄狀，上奏靈寶自然九天生神上帝御前，恭望天慈，允臣所奏，特降睿旨，下三界十方及九天鍊度、生化真司，地水冥曹、一切去處。照應赦拔亡魂，開明罪爽。仍乞俯賜恩光，證明鍊度。降九天之神炁，發九地之朽骸。俾係薦亡魂，幽魂苦爽。迴骸起死，聚氣凝神。落滅惡根，超昇福境。更祈殊貺，利佑見存。普及邦家，均霑景福。冒犯天威。同洞淵狀，結至謹狀。

貼黃

奏爲某人，乞崇建无上黃籙大齋。正薦某乙普薦衆魂，今欲頒行符命，追攝赴壇，依科開度，乞降睿旨，下三界十方及九天鍊度。

生死真司施行事。

三十二天帝君

具法位臣姓某

今據某布政司某鄉某處同洞淵狀，至伺候敕旨施行事，臣尚慮所薦亡魂，神爽沉滯，尸魄流蕩，必資焚炁，完聚形神。及建齋之日，欲得諸天金童玉女、直符騎吏，下臨壇所，上奏齋誠，須至奏聞者。

右臣謹錄狀，上奏三十二天帝君御前，恭望天慈，允臣所奏，特降睿旨，下三界十方、一切去處，照應俯賜，恩光照燭，梵炁流通。俾亡故某乙在會係薦等魂，及十方九幽，苦魂罪魄，俱離幽夜，悉詣齋壇。陶沐陽精，灌溉胞命。聚神返本，受化更生。仍乞降旨諸天，監齋直事、侍香金童、散花玉女、五帝直符、直日香官、傳言奏事、飛龍騎吏等，如期下降，監衛齋壇。庶得啓奏感通，齋功御達。存亡受度，家國霑恩。冒犯天威。同洞淵狀，結至謹狀。

貼黃

奏爲某人，乞崇建无上黃籙大齋。

正薦某乙 普薦衆魂，今欲頒行符命，請降官吏，追攝赴壇，依科開度。乞降聖旨，頒下三界十方施行事。

木公金母

具法位臣姓某

今據某布政司某鄉某處同洞淵狀，至伺候敕旨頒行外，臣尚慮在會係薦亡魂，業緣報對，神爽沉淪。欲得生炁結形，陶魂鑄魄，必資祖炁，變鍊形神，須至奏聞者。

右臣謹錄狀，上奏東華木公上相青童道君、九靈太妙白玉龜臺夜光金真萬炁祖母元君聖前，恭望聖慈，俯賜恩光，監臨鍊度。降二儀之祖炁，發九地之朽骸。特與在會係薦等魂，鍊胎返本，委炁聚形。受化更生，隨果超度。更資慧澤，普及幽沉。俱承變鍊之功，並脫輪迴之苦。庶俾三塗罷對，五道開光。冒犯聖威。同洞淵狀，結至謹狀。已上狀末式，並與三清狀同。

天樞院狀

連粘帳狀在前，如普度大會，亡魂姓名多者，各函申發，後同。

靈寶大法司

本司先據某布政司某縣某處入意，至福佑見存，本司據詞難抑，已於某月某日預告，先颺寶幡，上聞齋意。今按下元黃錄簡文靈格，建立靈壇，崇修齋法。恭依次第，宣演真科。進拜天官濟度諸章，頒行元始符命、金錄白簡、救苦真符，太上敕赦生天寶錄，玉清拔幽魂、破地獄真符，青宮九龍符命，神虎玉劄。赦拔亡故某乙 在會係薦等魂，及十方九幽，囚徒苦爽。出離長夜，祇受齋功。謹取某月某日開啓齋壇，召攝亡魂，赴壇受度。某日清旦爲始，正齋行道，三日九朝。某日夜普設清淨，無礙斛食，夜齋鍊度。六道四生，孤魂滯魄。某日夜水火變鍊，係薦亡魂，傳授九真妙戒，告行元始符命、金錄白簡、長生靈符、給錄破券，保舉超升。事畢，拜表言功，解壇滿散。某日夜祇設三界高真，清醮三百六十分位。仰答洪恩，投龍進簡。除具事由，備奏上帝，乞降敕命，及奏諸天帝尊，請降睿旨，申三界真司，牒合屬去處。所有係

薦亡魂，姓名，生死年月，開具帳狀。前去今發，奏狀二十七函。並重封印完，乞爲依時投進。請降敕命，睿旨施行。須至開申者，

玉清上帝陛下，

上清大帝陛下，

太清大帝陛下，

昊天至尊玉皇上帝陛下，

勾陳星宮天皇帝陛下，

紫微中天北極大帝陛下，

東極太乙救苦天尊御前，

南極長生大帝御前，

后土皇地祇殿下，

九幽拔罪天尊御前，

朱陵度命天尊御前，

東方無極太上靈寶天尊御前，

南方無極太上靈寶天尊御前，

西方無極太上靈寶天尊御前，

北方無極太上靈寶天尊御前，

東北方無極太上靈寶天尊御前，

東南方無極太上靈寶天尊御前，

西南方無極太上靈寶天尊御前，

西北方無極太上靈寶天尊御前，

上方無極太上靈寶天尊御前，
下方無極太上靈寶天尊御前，
洞淵三昧無量上上太乙天君三洞天尊
御前，

九天採訪應元保運南極真王朱陵大帝
御前，

靈寶自然九天生神上帝御前，

三十二天帝君御前，

五靈五老五帝天君御前，

木公尊神金母元君道前。

右謹具狀，申三天門下上清天樞
院。伏乞將上件奏狀，徧爲通奏。恭
請敕旨符命，睿旨頒行，三界十方。依
本司今來所乞，逐一施行。謹具申聞，
伏候昭報。謹狀。

太歲某年月 日具法位姓某

正薦帳狀

靈寶大法司

今具係薦亡魂，姓名，生死年月，
去處下項。

一正薦，亡故某乙，係某甲子命。某
年月日在某處命過，享年幾歲。

一附薦此一項，係家廟姻親

依前，逐一開列。

附壇追度亡魂如無附壇之人，不列項

依前，逐一開列。

右具如前。

歲次某年月 日具法位姓某狀

普薦帳狀

靈寶大法司

今具在會係薦亡魂，姓名，生死年
月，去處下項。

一會首，具官姓某，薦亡親某乙，係

某甲子命存日，享年幾歲。於某年月
日，在某處命過。依前式，逐一開列。

一在會具鄉貫，姓某薦亡親某乙，係
某甲子命，享年幾歲。於某年月日，在某
處命過。依前式，逐一開列後。同正
薦申狀結。

无上黃錄大齋立成儀卷之六

无上黃錄大齋立成儀卷之七

三洞法師冲靖先生留用光傳授
太上執法仙士蔣叔輿編次

正申門

申

靈寶三師

具法位姓某

先據某布政司某縣某處入齋意，至福佑
見存，某據詞難抑，已於某月日預告，先賜
寶籙，上聞齋意。今按下元黃錄簡文
靈仙品格，建立靈壇，崇修齋法。恭依
次第，宣演真科。進拜天官濟度諸章，
頒行元始符命、金錄白簡、救苦真符，
太上敕赦生天寶籙，玉清拔幽魂、破地
獄真符，青宮九龍符命，神虎玉劄。赦
拔亡故某乙 在會係薦等魂，及十方九幽，
囚徒苦爽，出離長夜，祇受齋功。謹取
某月某日開啓齋壇，召攝亡魂，赴壇受
度。某日清旦爲始，正齋行道。三日九
朝。某日夜普設清淨無礙，斛食香齋，

鍊度六道四生孤魂滯魄。某日夜水火變鍊，係薦亡魂，傳授九真妙戒，告行元始符命、金籙白簡、長生靈符、給籙破券，保舉超升。事畢，拜表言功，解壇滿散。某日夜祇設三界高真，清醮三百六十分位。仰答洪恩，投龍進簡，除具事由，備奏上帝，乞降敕命，及奏諸天帝尊，請降睿旨。申三界真司，牒合屬去處。將所薦亡魂，姓名，生死年月，別具帳狀，申三天門下上清天樞院，伺候敕旨，乞與頒行外。三日正齋，建散壇席，宣行科範。欲得恩光下燭，濟度存亡，須至申聞者。

右某謹具狀，申靈寶經師真君，靈寶籍師真君，靈寶度師真君聖前。恭望師慈，特降聖旨，下三界十方、地水冥曹、一切去處。照應依準黃籙靈仙科品、元始符命、開度事理。根刷亡故某乙在會係薦等魂，及十方九幽，苦魂罪魄。不以罪業輕重，拘留執對；特與赦除冤業，解釋苦根。俾離重冥，普受開度。建齋設醮之日，願賜祥光，鑒盟壇席。庶使善功圓就，障難不生，家國霑

恩，幽明蒙福。干冒聖威，某下情無任惶懼之至，謹具申聞。謹狀。

太歲某甲子某年月 日具位姓某狀
可漏同前式，見預告門

玄中教主上清靈寶聖師真君，三天扶教輔元大法天師正一靜應真君。右二狀，並同上。

三官

具法位姓某

先據某布政司某縣某處，同五師狀右某謹具狀申上元天官紫微大帝聖前，恭望聖慈，特降聖旨，下三界十方、一切去處，及三元官府、諸司曹局、陰陽風刀、水火考官、北陰酆都、內外宮洞、冥關幽治、長夜泉扃、嶽瀆河源、九幽諸獄，效職主司，考官掾吏。照應依準，黃籙靈仙科品、元始符命開度事理，根刷亡故某乙在會係薦等魂，及十方九幽，苦魂罪魄。不以罪業輕重，拘留執對；特與赦除冤業，解釋苦根。俾離幽冥，普受開度。建齋之日，願賜祥光，監臨壇席。庶使善功圓就，障難不生。家國霑恩，幽明蒙福。干冒聖威。

同前五師狀，結至謹狀。

方函

申狀一函上詣
上元天官紫微大帝 聖前具法位姓某謹重封

中元地官清虛大帝

下元水官洞陰大帝聖前

右此二狀，與天官狀並同。

日宮

具法位姓某

今據某鄉貫同三師狀，至伺候敕旨頒行外，尚慮所薦一切亡魂，生世之日，所行罪犯，上觸天光，釁結日宮大明之府。月宮狀，改作月宮太陰之府三塗考對，萬劫沉淪。非假恩光，無由開濟。及鍊度之夕，欲望流光委炁，變鍊亡魂，須至申聞者。

右某謹具狀申日宮炎光鬱明太陽帝君聖前，伏望聖慈，特降聖旨，下三界所屬真司，九地幽陰、一切去處。照應依準，黃籙靈仙科品、元始符命開度事理，赦拔係薦亡魂，及十方幽途苦爽，積劫以來，觸犯諸罪。俾離長夜，睹見光明。更乞降炁分光，開明幽暗。灌

溉甘露法食，委注水火華池。俾係薦等魂，陶沐陽精，月宮改作陰精蕩除陰穢，聚神返本，受化更生。福普邦家，恩霑見在。所在鍊度一行，仙靈童女，併乞如期下降，顯助宣行。冒犯聖威。同前三官狀，結至謹狀

月宮

月宮黃華素曜元精聖后太陰皇君聖前

右此一狀，與日宮起結相同。

五星 四曜 五斗

具法位姓某

今據某鄉貫同三師狀，至伺候敕旨頒行外，尚慮所薦一切亡魂，生世之日，所行罪犯，上觸天光，釁結星宮三元之府。三塗考對，萬劫沉淪。非假恩光，無由開濟，須至申聞者。

右某謹具狀申東方木德歲星真君、東斗主筭星君、東方七宿星君聖前，恭望聖慈，特降聖旨，下三界所屬真司，照應檢會亡故某乙 在會係薦等魂，及十方九幽，苦魂罪魄。所有積劫以來，觸犯諸罪，並令原赦，睹見光明。更乞降炁分光，照燭幽夜。灌溉甘露法食，委注

水火華池。俾係薦一切亡魂，蕩除陰穢，落滅惡根。受化更生，普蒙開濟。恩均見在，福被邦家。干冒聖威。同前日宮狀，結至謹狀。

方函

申狀 函 上 詣

東方木德歲星真君

聖前具法位姓某謹重封

南方火德熒惑星君

南斗上生真君

南方七宿星君

右三位共一狀，起結與東方同。

西方金德太白星君

西斗記名星君

西方七宿星君

右三位共一狀，起結與東方同。

北方水德伺辰星君

北斗落死星君

北方七宿星君

右三位共一狀，起結與東方同。

中央土德鎮星星君

中斗大魁星君

神首羅喉星君

神尾計都星君

天一紫炁星君
太一月孛星君

右六位共一狀，起結與東方同。

南斗

具法位姓某

今據某鄉貫同三師狀，至伺候敕旨頒行外，尚慮所薦一切亡魂，久淪幽夜，迷失本真。必假陽精，陶形易質。除已建立水火華池，依科鍊度，欲得南昌上宮，一行官將，應期感格，輔助行持，須至申聞者。

右某謹具狀申南斗六司星君、南上朱陵火府君聖前，恭望聖慈，特降聖旨，下三界十方，一切去處，照應依準，黃籙靈仙科品，元始符命開度事理，赦拔亡魂，開明罪爽。仍乞頒下丹天世界，朱陵火府、南昌上宮、水火二司差，撥鍊度一行官吏，如期下降，輔助宣撫，鍊度在會亡魂，無邊罪爽。俱承拯濟，永脫輪迴。普及含靈，均霑景福。冒犯聖威。同前日宮狀，結至謹狀。

方函

南斗六司真君聖前 具法位姓某謹重封

北斗

具法位姓某

今據某鄉貫同三司狀，至伺候敕旨頒行外，所有神虎一行官吏，欲冀下臨，輔助追攝。及有玄冥隱書、混元玉劄、一宗符命，未敢擅便告行，須至申聞者。

右某謹具狀申大聖北斗九元星君、

北斗九皇夫人、北斗玄冥太一夫人聖前，恭望聖慈，特降聖旨，下三界所屬真司，地水冥曹、一切去處，照應俯賜，九光神燭，七炁靈暉。照破重泉，開明幽暗。特與亡故某乙 在會係薦等魂，及十方九幽、囚徒苦爽，削除罪簿，落滅惡根。頒行玄冥隱書、混元玉劄、神虎符命，差降提魂攝魄倒生玄司玉女，雄左雌右玄伯主吏、三部使者追魂一行神吏。預赴齋壇，遵領符命。追攝在會係薦等魂，普及六道四生，孤魂滯魄。俱承恩霈，出離幽關。睹見光明，參朝壇陛。儀形昭顯，報應分明。受鍊更生，隨果超度。更祈聖造，恩佑邦家。普及含靈，均霑景福。冒犯聖威。同南斗狀，結至謹狀。

方函

北斗九元星君聖前 具法位姓某謹重封

黃籙院

具法位姓某

今據某鄉貫同三師狀，至頒行外，今將依按典儀，崇修齋直，頒行符命，追攝煉度，須至申聞者。

右某謹具狀申黃籙院知院真君、黃

籙院真宰聖前，伏望聖慈，特降聖旨，下三界十方、合屬去處，照應依準，黃籙靈仙科品、元始符命開度事理，根刷亡故某乙 在會係薦等魂，十方九幽、苦魂罪魄，特與削除罪籍，解釋冤愆。俾赴齋壇，獲霑開度。更乞差撥合屬功曹將吏、鍊度官君，翊衛齋壇，祇迎寶馭，宣行鍊度，開濟窮魂。六道四生、孤魂滯魄，受度事畢。管押到院之日，與將三世罪籍，速行考較，普令次第，隨品受生。所覲齋事周圓，存亡受度。冒犯聖威。同前北斗狀，結至謹狀。

正一三師

具法位姓某

今據某鄉貫同三師狀，至伺候敕旨頒行

外，須至申聞者。

右某謹具狀申正一女師真人、正一

玄師嗣師真人、正一真師系師真人聖前，伏望聖慈，允茲所懇。敷誠上帝鑒察，啓祈拯濟亡魂、起昇滯爽。俾章表之徑御，冀恩霈之溥加。庶縲道力無邊，齋功博洽。存亡受福，幽顯蒙休。冒犯聖威。同前黃籙院狀，結至謹狀。

方函

正一女師嗣師系師真人聖前具法位姓某謹封

四相

具法位姓某

今據某鄉貫同三師狀，至伺候敕旨頒行

外，須至申聞者。

右某謹具狀申玉清上相、泰玄上相、天機上相、天樞上相聖前，伏望聖慈，特降聖旨，下三界十方、地水冥曹、一切去處，照應依準，黃籙靈仙科品、元始符命開度事理，根刷亡故某乙 在會係薦等魂，及十方九幽、苦魂罪魄，不以罪業輕重，拘留執對；特與赦除冤業，落滅惡根。俾離重冥，普受開度。更希恩造，圓就齋功。所請所祈，悉蒙昭

格；所濟所度，俱遂遷昇。使幽顯蒙休，存亡受福。冒犯聖威。同正一三師狀，結至謹狀。

可漏

玉清泰玄三省諸相真君 具法位姓某謹封

方函

玉清泰玄天機天樞上相真君聖前具法位姓某謹重封

四聖

具法位姓某

今據某鄉貫同三師狀，至伺候敕旨頒行外，欲得諸府神兵，下臨壇所。周旋營衛，輔助宣行，須至申聞者。

右某謹具狀申天蓬都元帥真君、天猷副元帥真君、翊聖保德儲福真君、佑聖真武靈應真君聖前，伏望聖慈，特降聖旨，下所屬真司，差撥一行將吏，預期下降，以助宣行。更冀恩光，下臨壇席，證明修奉，濟度存亡，殄滅妖氛，驅除魔障。所冀齋功圓就，幽顯蒙恩。冒犯聖威。同四相狀，結至謹狀。

監齋

具法位姓某

今據某鄉貫同三師狀，至頒行外，欲得

飛天翊衛、直事功曹、傳奏官君、靈寶官屬。上聞齋意，降格鸞輦。三日正齋，建散壇席。恭願分光降鑒，濟度存亡，須至申聞者。

右某謹具狀申靈寶監齋大法師真君聖前，恭望師慈，允今所懇。俯降齋壇，證明修奉。特賜聖旨，關告靈寶官屬、黃籙院聖衆，監臨翊衛，導達齋誠。俾詞悃之上通，獲恩光之下逮。圓成齋事，證度亡魂。六道含靈、九幽罪爽，咸希拯濟，俱賴超昇。澤被存亡，恩霑家國。冒犯聖威。同四聖狀，結至謹狀。

九天

具法位姓某

今據某鄉貫同三師狀，至敕旨頒行外，須至申聞者。

右某謹具狀申九天丈人儲福定命真君、九天高明大使神功妙濟真君、九天司命真君、九天度世司馬大神、九天好生韓君丈人、九天諸位真君聖前，伏望聖慈，特降聖旨，下諸天曹府、三界十方、洞天幽治、考校靈司一切去處，

照應依準黃籙靈仙科品、元始符命開度事理，赦拔亡魂，開明罪爽。仰賴分靈降世，應化垂慈。俾係薦等魂，無邊滯爽，均霑真澤，普被陽元。受炁生身，聚神返本。更祈殊貺，利佑邦家，普及含生，俱霑景福。冒犯聖威。同監齋狀，結至謹狀。

方函

九天儲福定命真君 具法位姓某謹重封

天曹

具法位姓某

今據某鄉貫同三師狀，至敕旨頒行外，須至申聞者。

右某謹具狀申天曹太皇萬福真君、天曹諸位真君聖前，恭望聖慈，特降聖旨，下諸天曹府三界十方、九地幽陰冥曹去處。照應依準，黃籙靈仙科品、元始符命開度事理，根刷亡故某乙 在會係薦等魂，及十方九幽，苦魂罪魄，其或前生今世，宿對深愆，執繫拘留，未該超度。特與赦除罪對，俾離冥途。親詣齋壇，獲承開濟。叅真聽法，受鍊更生。更冀障難消除，休祥畢集。齋功

成就，家國霑恩。冒犯聖威。同九天狀，結至謹狀。

方函

天曹太皇萬福真君聖前具法位姓某謹封

三洞經錄符命靈官將吏

具法位姓某

今據某鄉貫同三師狀，至伺候敕旨頒行外，尚慮所薦一切亡魂，元因三業，積習衆非。穢慢靈文，破違經戒，沉淪幽夜，墮落惡源。必假太上真經、靈符祕篆，宣流委炁，下濟沉魂，須至申聞者。

右某謹具狀申三洞寶經、九等法錄、上聖高真侍衛羣仙，元始符命、靈篆天章、一切真仙靈官將吏聖前。伏乞聖慈，特降聖旨。三清祕藏、十方正法、典守侍衛，一切玄司，啓蘊開函，分光降炁。庶得誦詠合玄真之奧，書篆符按筆之規。使係薦亡魂、幽途苦爽，乘茲慧力，出離冥途。解釋冤愆，閉封業債。了知宿命，克證真常。俱承委炁之功，永脫輪迴之苦。恩霑見在，福被邦家。冒犯聖威。同九天狀，結至謹狀。

方函

三洞四輔經錄符命上聖高真仙靈將吏 具法位姓某謹重封

天真皇人

具法位姓某

今據某鄉貫同三師狀，至伺候敕旨頒行外，所有元始符命、雲篆天章、開度一宗、真符寶錄。今將書篆，依式宣行。尚慮凡軀濁質，體未洞真。不能合炁虛无，有差按筆，須至申聞者。

右某謹具狀申三清上境天真皇人聖前，伏乞聖慈，特降慧源。一炁灌注，內腑丹元。令某書篆天符，克獲靈應。昭合發揮之妙，默符按筆之規。庶俾係薦亡魂等衆，祇承符命，受度更生。全賴恩休，圓成善果。冒犯聖威。同經錄狀，結至謹狀。

三元真君

具法位姓某

今據某鄉貫同三師狀，至伺候敕旨頒行外，所有章詞表奏、陳請事件，經由剛風世界，次到真司雲路之中。慮有阻滯，須至申聞者。

右某謹具狀申上元道化真君、中元護正真君、下元定志真君聖前，伏望聖

慈，特降聖旨，下三界所屬真司，及剛風上吏、天門守衛、一切主司，照應凡遇，今來拜奏章詞表疏，應干陳請事件。欲得逕過剛風，速歸省院，即令上御，早為頒行。庶得齋事圓成，幽明受度。冒犯聖威。同天真皇人狀，結至謹狀。

十真人

具法位姓某

今據某鄉貫同三師狀，至頒行外，尚慮羅艷幽遠，泉曲重深。不假恩光，無由通濟，須至申聞者。

右某謹具狀申大慈大悲救苦真人、大慈大悲大慧真人、大慈大悲拔罪真人、大慈大悲拔度真人、上清妙行真人、上清太極真人、上清普度真人、上清普濟真人、上清左玄真人、上清右玄真人聖前，恭望真慈，特傳符命，運慈悲願力，放威神慧光。照燭三途，開明五道。赦拔在會係薦一切亡魂，積生罪犯，累劫冤愆。俾出幽途，獲參壇陞。聞經聽法，受度更生。全希化育之恩，普濟沉淪之苦。冒犯真威。同三元真君狀，結至謹狀。

五府真宰

具法位姓某

今據某鄉貫同三師狀，至頒行外，尚慮所薦亡魂，及無邊罪爽，久沉陰翳，迷失本真。必假陽精，返生形質。雖已建立水火華池，依科鍊度。欲得諸司一行官將，同助宣行，須至申聞者。

右某謹具狀申興生獨隸、可韓功都聚魂五府真宰聖前，伏望聖慈，俯賜恩光下燭，真炁流通。特與在會係薦一切亡魂，完聚形神，滌除陰穢。鍊胎返本，受化更生。仍乞聖旨，差撥鍊度一行仙靈童女，如期下降，顯著宣行。冒犯聖威。同十真人狀，結至謹狀。

南昌

南昌上宮受鍊司真宰

火府高真

鍊度真人

右此一狀，同五府狀起結相同。

雷霆用五雷院印

具法位姓某

今據某鄉貫同三師狀，至頒行外，所有齋壇應干上奏章詞表狀，緣由雲路，恐

有阻遏。及飛章拜表，建齋設醮，或慮風雨不常，有妨修奉，須至申聞者。

右某謹具狀申玉府五雷院使真君、玉樞五雷院使真君、北帝斗下雷司五雷上聖、雷霆都司五雷上聖、蓬萊都水司五雷上聖聖前，伏乞聖慈，特降聖旨，下合屬真司，及五雷二院三司風雷雨部。照應凡遇，本壇拜奏章書、關發、表狀，預先飛符雲路，剪除妖氣。所有邀遏，攝赴雷霆，依律治罪。更乞行下某州社令、雷司，今歲行雨龍神、當境壇洞，應掌風雨去處，各照今來修奉事理。至期權停雨澤，特賜晴明。使四氣和平，三光朗耀。庶得聖真降格，齋醮周圓。冒犯聖威。同五府狀，結至謹狀。

方函

玉府玉樞五雷院使真君聖前

十方神王

具法位姓某

今據某鄉貫同三師狀，至頒行外，所有宣揚科範，書篆符章，欲得分光，俯垂證鑒，須至申聞者。

右某謹具狀申十方無極飛天神王

聖前，伏乞聖慈，特降聖旨，啓三清秘藏，出三洞真詮。下濟亡魂，普超滯魄。閉五累業根之戶，開法輪度人之門。俾詠誦宣揚，咸蒙悟解。存思修用，悉獲感通。降炁分靈，迴尸起死。傾光回駕，監真度生。所冀齋事圓成，幽明受度。冒犯聖威。同雷霆狀，結至謹狀。

地府

具法位姓某

今據某鄉貫同三師狀，至頒行外，今再具細帳，頭連在前，專牒三界直符神虎將吏，前去十方三界，地水幽局。請領到壇，祇承功德。尚慮諸司，未準聖旨。不即放釋前來，有妨開度，須至申聞者。

右某謹具狀申北陰玄天酆都大帝聖前，伏乞聖慈，特降聖旨，下十宮五嶽、九地幽陰、冥曹幽獄，合屬去處。照應依準黃籙靈仙科品、元始符命開度事理，赦拔幽局，開明罪爽。根刷亡故某乙，在會係薦等魂，及建齋弟子家，億曾萬祖，歷劫種親。或有前生今世，宿

債深愆，拘留執對之者，並請指揮放釋，交付泰山神吏、三界直符神虎使者，管領預期，前來崇建齋壇之所，聽候召請。沐浴朝真，懺悔罪愆。乞賜超度六道，幽儀十方。罪爽併祈原放，齊赴法筵。俱承拯拔之功，永離輪迴之苦，全依聖造，普濟沉淪，望賜俞允，早與施行。冒犯聖威。同十方神王狀，結至謹狀。

十宮

具法位姓某

今據某鄉貫同三師狀，至頒行外，今再具細帳，專牒三界直符神虎將吏，前去十方三界，地水幽扃，同地府狀至申聞者。

右某謹具狀申太素妙廣真君、陰德定休真君、洞明普淨真君、玄德五靈真君、最聖耀靈真君、寶宿昭成真君、玄德妙生真君或作神變萬靈、無上正度真君、飛魔演慶真君、五化威靈真君聖前，伏望聖慈，特賜聖旨，下所屬冥曹幽陰去處，依準。同地府，結至謹狀。

方函

地府十宮真君聖前 具法位姓某謹重封

水府

具法位姓某

今據某鄉貫同地府狀至，須至申聞者。右某謹具狀申東霞扶桑丹林大帝御前，伏乞聖慈，特降聖旨，下三河四瀆、九江五湖、水國龍庭，一切所屬冥曹去處。照應依準黃籙靈仙科品、元始符命開度事理。赦拔幽扃，開明罪爽。根刷亡故某乙在會係薦等魂，暨建齋弟子家，億曾萬祖，歷劫種親。或有前生今世，宿債深愆，拘留執對之者，並請指揮放釋，交付泰山神吏、三界直符神虎使者，管領預期前來崇建齋壇之所，聽候召請。沐浴朝真，懺悔愆尤。乞賜超度地水羈囚，苦魂罪魄。併祈原赦，齋赴法筵。俱承極濟之功，永離輪迴之苦。望賜俞允，早與施行。冒犯聖威。同十宮，結至謹。

三元水府

具法位姓某

今據某鄉貫同十宮狀至，須至申聞者。右某謹具狀申三元水府真宰、九江水帝、四瀆源王聖前，伏乞聖慈，特降聖

旨，下水府所屬冥曹去處。同水府狀，結至謹狀。

方函

三元水府真宰聖前 具法位姓某謹重封
都水監

具法位姓某

今據某鄉貫同三師狀，至頒行外，及委三界直符神虎追魂使者，前去請領。再具帳狀，頭連在前，須至申聞者。

右某謹具狀申蓬萊都水監真人聖前，伏乞聖慈，特降聖旨，下水府所屬冥曹去處。照應依準黃籙靈仙科品、元始符命開度事理。檢校上件，係薦亡魂，及一切苦魂滯爽。或有前生今世，宿債深愆，拘留執對去處，並請放釋前來，祇承功德，受度超昇。上應大道之慈悲，下顯齋功之廣博。冒犯聖威。同水府狀，結至謹狀。

東嶽

具法位姓某

今據某鄉貫同三師狀，至頒行外，及委三界直符神虎追魂使者，前去請領。再具帳狀，頭連在前，須至申聞者。

右某謹具狀申東嶽泰山天齊仁聖帝聖前，伏乞聖慈，特降聖旨，下本嶽合屬曹局，及四嶽十宮、九地幽陰、冥曹去處。照應遞相關報，依準黃籙靈仙科品、元始符命開度事理。赦拔幽局，開明滯爽。根刷亡故某乙，在會係薦等魂，暨建齋弟子家，億曾萬祖，歷劫種親。或有前生今世，宿債深愆，拘留執繫冥司之者，不以罪業輕重，並體指揮放釋、差委神將二員、部領馬步精兵、各帶隨身器械，同三界直符神虎追魂使者，召靈官將，管領預期，前來崇建齋壇之所，聽候召請。沐浴朝真，懺悔愆尤。乞賜超度其久滯幽陰，囚徒滯爽。併祈類聚，原放前來。俱承拯濟之功，並脫輪迴之苦。所差神將吏兵，一就防衛靈壇，鈐束孤魂，無令妄起冤心，謀害人命。及隔截葦厭，免致觸犯，有玷齋功。致妨上帝，迂臨高真，下鑒所有前件事理。乞賜俞允，早與施行。冒犯聖威。同地府狀，結至謹狀。

今據某鄉貫同三師狀，至伺候敕旨頒行外，今具細帳，專委三界直符、神虎追魂使者，前去請領。仍申東岱嶽府，乞賜聖旨，行下照應，外須至申聞者。

具法位姓某

四嶽

右某謹具狀申南嶽司天昭聖帝聖前，伏乞聖慈，特降聖旨，下本嶽曹局，及十宮九地，一切幽陰、合屬冥曹去處。照應遞相關報，依準黃籙靈仙科品、元始符命開度事理。啓拔幽局，開明滯爽。照應直符，備去姓名。根刷前項，係薦亡魂等衆。或有宿債深愆，尚係冥司之者，不以罪業輕重。伏乞指揮放釋，預賜差委將吏管領，前去東嶽泰山府，類聚發遣，前來崇建齋壇之所，祇承功德，受度超生。六道幽儀，十方滯爽。併祈原赦，普受齋功。伏乞俞允施行。冒犯聖威。同東嶽狀，結至謹狀。

具法位姓某

右三狀，並與南嶽狀起結相同。

西嶽金天順聖帝
北嶽安天元聖帝
中嶽中天崇聖帝

具法位姓某
今據某鄉貫同三師狀，至伺候敕旨頒行外，仍申五嶽聖帝，乞賜聖旨，照應施行，外，須至申聞者。

右某謹具狀申東嶽上卿司命佐命儲副真君、南嶽上真司命佐命儲副真君、西嶽上真司命佐命儲副真君、中嶽上真司命佐命儲副真君聖前，伏乞聖慈，特降聖旨，下五嶽十宮九地、幽陰冥曹去處，照應依準黃籙靈仙科品、元始符命開度事理。赦拔幽局，開明罪爽，照應直符，備去姓名。根刷前項亡魂，及六道幽儀，十方滯爽。或有前生今世，宿債深愆，尚繫冥司之者，不以罪業輕重，特與釋放。預期類聚，東岱嶽府，差委將吏管領，發遣前來，崇建齋壇之所。祇領功德，受度超生，望賜俞允施行。冒犯聖威。同前狀，結至謹狀。

具法位姓某

洞天

可漏

五嶽上真司命佐命儲副真君聖前具位姓某謹封

今據某鄉貫同三師狀，至頒行外，尚慮洞天幽治，考校靈司，未知今來，修奉事理。拘繫亡魂，及諸滯爽，不與放釋，普受齋功，須至申聞者。

右某謹具狀申王屋山小有清虛洞天仙官聖前，伏乞聖慈，特賜聖旨，下九大洞天、三十六小洞天、七十二福地、三百六十名山靖廬福地去處。照應或有主持香火，居處養生。未離五行，積成三業。葷辛厭穢，觸犯真靈，盜竊資財，焚修有怠，皆為罪業，淪沒拘囚。並請上體黃籙靈仙科品，元始符命開度事理。放釋前來，聽法聞經。開明本性，還形返質，度品南宮。庶得滯爽昇遷，福庭清淨。冒犯聖威。同五嶽儲副狀，結至謹狀。

九壘

具法位姓某

今據某鄉貫同三師狀，至頒行外，須至申聞者。

右某謹具狀申地府九壘土皇君聖前，伏望聖慈，特降聖旨，下風梵剛維之所，朔單鬱絕之鄉。厚地重陰，冥曹幽

獄。欲得咸遵敕命，開道冥關，濟拔亡魂，昇遷滯爽。全依聖造，成就齋功。冒犯聖威。同洞天狀，結至謹狀。

龍虎君

具法位姓某

今據某鄉貫同三師狀，至頒行外，某月某日為始，開建靈壇，崇修齋直。乞恩懺罪，露簡宣詞。欲仗接待香烟，通傳誠款，須至申聞者。

右某謹具狀申左右龍虎君、三五功曹、左右官使者、侍香金童、傳言玉女、五帝直符，直日香官聖前，恭望聖慈，鑒茲情悃。應凡關告，立降靈壇。使香信潛通，齋誠達御。衆真交會，萬聖遐臨。自生丹碧之英，大闡慈悲之化。功加一切，澤灑重泉。普及邦家，均霑景福。冒犯聖威。同九壘狀，結至謹狀。

可漏

左右龍虎君功曹使者金童玉女直符香官 具位某封

太歲尊神

具法位姓某

今據某鄉貫同三師狀，至敕旨頒行外，所有拜上章表、關發奏申事，係六十甲子

官君，捧持扶衛，方得上達，須至申聞者。

右某謹具狀申某甲子年太歲官君神前，伏乞聖慈，特為關告一周太歲，五十位官君聖衆。照應今來，修奉事理。如係黃籙齋壇，發遣應干章奏公文。當承受官君，依時上御，無使稽延。庶得齋事圓成，存亡開泰。冒犯神威。同龍虎君狀，結至謹狀。

以上歲年月日，具位姓名狀式，見預告門。

无上黃籙大齋立成儀卷之七

无上黄籙大齋立成儀卷之八

三洞法師冲靖先生留用光傳授

太上執法仙士蔣叔輿編次

牒劄門

都城隍

靈寶大法司 牒上 天下都大城隍主者

當司先據某鄉貫入齋意，至福佑見存，當司據詞難抑，已於某月某日預告，先賜寶籙，上聞齋意。今按下元黃籙簡文靈仙品格，建立靈壇，崇修齋法。恭依次第，宣演真科，進拜天官濟度諸章，頒行元始符命、金籙白簡、救苦真符，太上敕赦生天寶籙，玉清拔幽魂、破地獄真符，青宮九龍符命，神虎玉劄。赦拔亡故某乙 在會係薦等魂，及十方九幽、囚徒苦爽，出離長夜，祇受齋功。謹取某月某日開啓齋壇，召攝亡魂，赴壇受度。某日清旦爲始，正齋行道，三日九朝。某日夜普設清淨無礙夜齋，鍊

度六道四生、孤魂滯魄。某日夜水火變

鍊，係薦亡魂，傳符授戒，告行元始符命、金籙白簡、長生靈符、給籙破券，保舉超生。事畢，拜表言功，解壇滿散。某日夜祇設三界高真，清醮三百六十分位，仰答洪恩，投龍進簡。除具事由，備奏上帝，乞降敕命，及奏諸天帝尊，請降睿旨，申三界真司，牒合屬去處。將所薦亡魂姓名，生死年月，別具帳狀，申三天門下上清天樞院，伺候敕旨。乞與頒行外，須至再行專牒者。

牒候到請，詳前項事理。疾速指揮，移文關報諸府州縣鎮城隍、祀典廟貌、一切香火去處，及冀、兗、青、徐、揚、荆、豫、梁、雍州社令，知委修奉，大齋事理。上遵敕旨符命，開關啓路，照應直符，備去姓名，放令亡故某乙 在會係薦等魂，及六道四生、孤魂滯魄，預赴齋壇，伺候召攝，參真聽法，受度超生。延奉帝真之次，請赴齋壇，歆受醮禮。事畢，言功遷賞，少答神勳。明真有格，威禁至重，事須遵奉，不請有違。謹牒。

州城隍

靈寶大法司 牒上 某州城隍主者某侯王

當司先據某鄉貫同都城隍牒，至頒行外，見今壇儀將啓，聖範恭宣。迎奉鸞輿，關行齋法。欲得神騎前來，驅除妖穢。止隔葷辛，鈐束孤魂。斷絕魔障，須至再行專牒者。

牒候到請，檢照先牒事理。疾速移文，關報本州管下，諸縣城隍管內係國祀典正神，互相知委。部集神兵，預次會合，躬親前來，專一掃蕩穢氛，防衛壇席。祇候上帝降臨，隔絕葷厭。欲魔害者，並請禁絕，無令侵害。應沿齋醮所須，法用物儀，專委神將，常行守護，不得輒令惡人盜賊，及蟲畜等，暗有侵犯。仍請上遵敕旨符命，開關啓路，照應直符，備去姓名，放令亡故某乙 在會係薦等魂，及導引六道四生、孤魂滯魄，來臨壇下，分明報應伺候，引朝太上，懺洗愆尤，祇受齋功，隨果超度。不得邀阻，隱匿形跡，及縱令妄起冤心，潛謀人命。遇有急切呼召，即時

承受，無輒有違。齋事周圓，言功遷賞。延降帝真之次，同歆醮禮，用答神勳。牒請依準，玄科玉律，疾速施行。故牒。

縣城隍

靈寶大法司 牒上 某縣城隍主者

當司先據某鄉貫，同州城隍牒，至專牒者

牒候到請，移文關報，當縣係國祀典正神，管下鄉鎮里社，一切香火去處，互相知委。同州城隍牒

九州社令九道

靈寶大法司 牒上 冀州社令主者

當司今據某鄉貫，同都大城隍牒，至伺候敕旨頒行外，今再錄合要姓名，差委直符神虎追魂使者，前去追取，外須至專牒者。

牒候到請，詳前項備去事理，遍告本州，所管分野，合屬幽陰去處，知委今來修奉大齋事理。上遵敕旨符命，火急分項考對，照應直符，備去姓名，根刷亡故某乙，在會係薦等魂。或有罪業深重，執繫拘留，未得超生之者，並請釋放前來，預到靈壇，祇承功德。其本

州分野，應干有主無主、孤魂滯魄、一切陰沉苦爽。無問新久，高下遠近，聚集攢類，發放前來，伺候普召，盡詣壇所，沐浴更衣。引朝太上，聞經聽法，懺罪除愆。咸睹光明，俱沾法食。無礙無隔，普濟普度。上明天尊大慈之化，下副齋官廣救之心。仍請禁戢誘諭，暨以靜夜，無令喧闐，妄起離心，干犯齋壇，有墮功果。明真品格，威禁至重。事須遵奉，無輒故違。謹牒。

兗州社令主者 青州社令主者

徐州社令主者 梁州社令主者

揚州社令主者 荊州社令主者

豫州社令主者 雍州社令主者

右八州牒，各一道，並與前冀州牒相同。

諸獄專牒九道，轉牒五道

靈寶大法司 牒上 東方風雷地獄主者

當司今據某鄉貫，同都大城隍牒，至伺候敕旨頒行外，今再錄合要姓名，差委直符神虎、追魂使者，前去追取外，須至專牒者。轉牒，改專字作轉字

牒候到請，詳前項備去事理，行下

管內諸獄，十方道牒，改諸獄作諸道委知今來修奉大齋事理。上遵敕旨符命，火急分明考對，照應備去姓名，根刷亡故某乙，在會係薦等魂。或有罪業深重，執繫本獄諸獄牒同十方道牒，改本獄作本司未得超昇之者，並請釋放，交付直符并泰山神吏管領，預赴齋壇，祇候召請，參真聽法，受度更生。齋事周圓，言功遷舉，明真科格，威禁至重。事須遵奉，不請有違。謹牒。

南方火翳地獄主者 西方金剛地獄主者

北方溟泠地獄主者 東北方鑊湯地獄主者

東南方銅柱地獄主者 西南方屠割地獄主者

西北方火車地獄主者 中央普掠地獄主者

鄂都三十六地獄主者 轉牒鄂都三元二十四地獄主者

轉牒鄂都九幽無間諸大地獄主者 轉牒五嶽地獄主者 轉牒四瀆獄主者

十方道

十方道

東方道都大主者

南方道都大主者

西方道都大主者

北方道都大主者

東北方道都大主者

東南方道都大主者

西南方道都大主者

西北方道都大主者

上方道都大主者

下方道都大主者

牒文同諸獄，隨方換易

冥關幽路主者

靈寶大法司 轉牒 冥關幽路主者

當司今據某鄉貫同都大城隍牒，至伺候
敕旨頒行外，今再錄係薦亡魂姓名，差委
直符將吏前去追取，外尚慮幽關有阻，
冥路為艱，須主轉牒者。

牒具如前候到請，指揮火急，互相
關報冥關幽路、水陸橋梁、關津去處，
並請各遵敕旨符命，開度事理。開通
冥路，啓拔幽扃。引導係薦亡魂，及六
道四生、孤魂滯魄。盡詣靈壇，聞經聽
法。普霑開度，超證生方。事竟言功，
各當遷賞。明真科格，威禁至重。事
須遵奉，不得有違。故牒。

五道大神 溟泠大神 牒式同上

蒿里相公

靈寶大法司 牒上 東嶽蒿里相公五
方境界水陸關津神祇

當司今據某鄉貫，同都大城隍牒，至伺候
敕旨頒行外須至專牒者。

牒請照應，上件事理。通告冥司，
合屬去處。土地界分，水陸橋梁，津度
主職，開張道路，引導亡故某乙 在會係薦
等魂，六道四生、一切孤魂滯魄，無問
高下遠近，盡詣壇前，恭聽法音，開悟
迷識，普享法食，祇受齋功。明真科
格，威禁至重。事須遵奉，不得有違。
故牒。

土地里域真官

靈寶大法司 牒上 某宮觀土地里域
真官五方境界內外侍衛正神

當司今據某鄉貫，同都大城隍牒，至伺候
敕旨頒行外見今壇儀肅備，法席嚴陳，須
至專牒者。

牒請照應，前件修齋事理。疾速
整飭威儀，肅清內外，掃除妖氛，導集
佳祥。祇迓帝真，鍊度魂識。邀迎遐
邇，通達往來。啓迪幽塗，開明沉滯。

咸遵教令，以扇慈風。德就功圓，進階
遷品。依準玄科玉格，疾速奉行。故
牒。

六道都案

靈寶大法司 牒 酆都六道都案

當司今據某鄉貫某人狀稱，伏為正
薦亡親某乙 普薦在會等魂，及六道四生、
一切孤魂滯魄、乞就某處開建無上黃籙
大齋，用資超度。當司據詞難抑，謹依
下元黃籙簡文、靈仙科品，建立靈壇。
取今日某日為始，結盟立誓，寅奉寶齋。
於某日夜普施九泉六道，無礙斛食夜齋
一筵，說戒傳符，依科開度。除已備奏
上帝，乞降敕旨，及奏諸天帝尊，請降
睿旨，申三界真司，牒合屬去處照應，
外須至移文者。

牒伺到請，詳前項事理。疾速差
撥六道主管官將，遍行關報，預期發放
前來。伺候普召，悉詣壇所。聽法聞
經，享食承供。領請功德，受鍊更生。
不請稽遲，有妨開度。故牒

請監壇

請當處香火威靈顯著係祀典者，發正奏畢，齋

主贊公牒，詣祠下拜云：靈寶大法司有公文，令至殿下投放。祝畢，再拜，就神前焚之。

靈寶大法司 牒上 某神某王侯

當司今據某鄉貫某人狀稱，伏為正薦亡親某乙，普薦在會亡魂乞就某處，崇修无上黃籙大齋，用資超度。當司據詞難抑，謹按下元黃籙簡文靈仙科品，建立靈壇，關行齋法。恭依次第，宣演真科。拜奏章書，頒宣符命。遷拔罪爽，開赦亡魂。取今月某日開啓齋壇，攝召係薦亡魂，赴壇受度。某日清旦為始，正齋行道，三日九朝。某日夜普施六道四生，孤魂滯魄，無礙夜齋。某日夜鍊度亡魂，超昇道境。事畢，言功拜表，解散齋壇。某日夜祇修齋醮，三百六十分位，仰謝洪恩。欲仗神威，監臨壇席。禁戢魔障，掃蕩穢氛。止隔葷辛，圓成齋事，須至專牒者。

牒伺到請，詳前項事由。照今來修奉日分，預集神兵騎吏，躬親前來，專一防衛靈壇，驅遣伏屍故炁，止隔葷厭。欲魔害者，並請隔截。如故意者，明顯報應，即時制伏。無令侵害，應沿

齋醮，所須法用儀物。專委神吏，常行守護。不得輒令惡人盜賊，雞犬猫鼠，暗有侵犯。仍請上遵敕旨符命，開度事理。放令預薦亡魂，及無邊滯爽，赴壇受度，承領齋功，鈐束冤魂罪對，無令妄起讎心，以相報復。將來焚燎經籙冥財之次，願承三寶威力，攝化無窮，普施衆靈。務令周徧，防衛火燭，迎導福祥。竣事言功，以答神貺。牒請依應施行。謹牒。

以上，牒後歲年月日牒式，見預告門。

三界直符神虎使者

靈寶大法司 牒 三界直符神虎追魂使者

當司今據某鄉貫，同城隍牒，至頒行外今來修奉有期，合要上件係薦等魂，及洗懺弟子各人身中冤家債主，前來崇建齋壇之所，伺候召請，祇受齋功。除具帳狀在前，所有申狀公牒，通落去處，開具下項。

一申狀五函詣

地府北陰酆都大帝聖前申上
水府東霞扶桑大帝聖前申上

東嶽泰山天齊仁聖帝聖前申上
地府九壘土皇君聖前申上
地府十宮真君聖前申上

一公牒九道詣

九幽地獄主者逐處通下

一轉牒五道詣

酆都三十六地獄主者

酆都三元二十四地獄主者

酆都九幽無間諸大地獄主者

五嶽獄主者

四瀆獄主者逐處通下

一公牒十道詣

十方道都大主者逐處通下

一公牒九道詣

九州社令逐處通下

一轉牒二道詣

冥關幽路主者

五道溟泠大神逐處通下

一公牒二道詣

酆都六道都案

天下都大城隍主者

牒請照會，齋管前去，逐處通落。

如上件亡靈，其內或有二世業愆，拘留

執對，未得超生之者，并洗懺弟子，或有冤債報對、酬償之魂，並要請領，預赴靈壇，伺候召請，沐浴朝真，懺謝罪愆，依科開度。其或陰關有阻，冥路爲難，示以公文，庶爲照證。其餘事理，請遵元始符命施行。無或稽違，有干玄律。故牒。

歲年 月 日 時牒

關劄引

將吏關

隨法師所傳授之法，不可拘。

靈寶大法司

當司今據某鄉貫，同都大城隍牒，至伺候敕旨頒行外須至專有指揮。

右關本司仙曹，執職靈官功曹，金童玉女，天神將吏，上清天樞院屬官功曹，章奏童子，丁甲吏兵，玉樞五雷院元帥猛吏，雷公電母，風伯雨師，五雷使者，雷火吏兵，北極驅邪院統兵助法兵頭部伍行長，神將吏兵，三元五德將軍，龍虎騎吏，四靈神君，南昌鍊度仙衆，神虎追攝官吏，諸司法院神將吏兵，功曹符使等衆，仰照應前件事理。

同當處城隍里社，司命土地，近側廟貌，應係香火正神，一合同心，併力於建壇之初，掃蕩內外，伏屍故炁，厭穢不祥，速令清潔。應沿齋醮，所須法用儀物，常行守護。不得輒令惡人盜賊，雞犬貓鼠等，暗有侵犯，齋事屆期，各嚴裝，分布左右，祇迓聖真，通達誠款，當局行事，共建齋功。仍導引亡靈等衆，沐浴鍊度，巡察無礙斛食，鈴束冤魂罪對，無令妄起離心，以圖報復，侵損生人。遇有告召，即時承受。所冀齋功圓就，障難不生。家國霑恩，存亡受度。解壇散席，言功舉遷。明真有格，威禁至重。事須遵奉，不請有違。

年 月 日關

可漏

靈寶大法司關 諸司法院天神將吏仙衆

司命劄

靈寶大法司

當司今據某鄉貫同將吏關，至頒行外仰當處司命、五道土地、門丞戶尉、庭中令長、守宅將軍、十二禁忌、內外干繫

香火正神，及側近廟貌、里社井邑、地祇等神，照應前件事理，同本司法院、大神將吏等，一合同心併力，於建壇之初同前將吏關至不請有違。

右劄付某處司命，五道土地，十二禁將，內外干繫等神。准此。

年 月 日劄下

可漏

靈寶大法司 劄某處司命五道土地十二禁將內外等神

發奏狀四直功曹關子

靈寶大法司

當司今爲某鄉貫某人，乞取今月某日，就某處，崇建无上黃籙大齋，正薦亡親某乙，普薦在會衆魂超昇福境。今發奏狀二十四函，申狀一函，重封印全。上詣三天門下上清天樞院，請進須至關發者。

右關某甲子年年直功曹使者，某甲子月月直功曹使者，某甲子日日直功曹使者，某甲子時時直功曹使者。準此齋管前去，分明投進，申上雲程之中。不請稽滯，有所遏截，攝赴近獄，依律施行，故關。

年 月 日 時關

發申狀功曹符使關子

靈寶大法司

當司令為鄉貫某人，同前關，今發申狀四十函，並重封印全，開具申發。去處下項

日宮太陽帝君聖前

月宮太陰皇君聖前

東方歲星東斗七宿星君聖前

南方熒惑南斗七宿星君聖前

西方太白西斗七宿星君聖前

北方辰星北斗七宿星君聖前

中央鎮星中斗四曜星君聖前

南斗六司星君聖前

北斗九元星皇君聖前

玉清太玄天機天樞上相天君聖前

靈寶經籍度師真君聖前

玄中大法師真君聖前

三天大聖師真君聖前

三清上境天真皇人聖前

上清十華真人聖前

上清五府真宰聖前

上元天官紫微大帝聖前

中元地官清虛大帝聖前

下元水官洞陰大帝聖前

靈寶監齋大法師真君聖前

正一女師嗣師係師真君聖前

十方無極飛天神王聖前

三洞經籙符命上聖高真仙靈將吏

聖前

九天丈人儲福定命真君聖前

北極四聖元帥真君聖前

天曹太皇萬福真君聖前

三元真君聖前

黃籙院知院真君聖前

南昌上宮受鍊司真宰聖前

玉府玉樞五雷院使真君聖前

五嶽上真司命佐命儲福真君聖前

三元水府真宰聖前

蓬萊都水監真人聖前

東嶽泰山府天齊仁聖帝聖前

南嶽衡山府司天昭聖帝聖前

西嶽華山府金天順聖帝聖前

北嶽常山府安天元聖帝聖前

中嶽嵩山府中天崇聖帝聖前

王屋山洞天仙官聖前

前

龍虎君功曹金童玉女香官使者聖

某甲子太歲尊神神前

已上，並逐處申上。

右關某年年直功曹使者，某月月直功曹使者，某日日直功曹使者，某時時直功曹使者，上界直符使者，中界直符使者，下界直符使者。請照會交管前去，逐一分明。申上雲程之中，不得稽滯時刻。有所邀遏，攝赴近獄，依律施行。故關。

年 月 日 時關

發牒引

天下都大城隍引天下都大城隍司，沿路土地傳送。

州城隍引某州城隍司下，沿路土地傳送。

縣城隍引某縣城隍司下，承受沿路，土地傳送。

東嶽蒿里相公引東嶽泰山府下，沿路承受，土地傳送。

當處土地五方境界侍衛正神引當處土地傳送。

右引五道，並同預告門式

功曹直符錢馬狀

將吏土地錢馬單並同前式，見預告門。

无上黄籙大齋立成儀卷之八

无上黄籙大齋立成儀卷之九

三洞法師冲靖先生留用光傳授

太上執法仙士蔣叔輿編次

章奏門

章共五通

啓告玄穹解穢章

太上三五某籙弟子係天師某治某炁云云章奏臣某誠惶誠恐稽首頓首再拜上言。臣謹按玄科，今據入齋意，至福佑見存，臣據詞難抑，已於某月某日預告，先颺寶籙，上聞齋意。今按下元黄籙簡文靈仙品格，建立靈壇，崇修齋法，恭依次第，宣演真科，進拜天官濟度諸章，頒行元始符命、金籙白簡、救苦真符，太上敕赦生天寶籙，玉清拔幽魂、破地獄真符，青宮九龍符命，神虎玉劄。赦拔亡故某乙 在會係薦等魂，及十方九幽、囚徒苦爽，出離長夜，祇受齋功。謹取某月某日開啓齋壇，召攝亡魂，赴壇受度。某日清旦爲始，正齋行道，三日九朝。某

日夜普設清淨，無礙斛食，夜供鍊度，六道四生，孤魂滯魂。某日夜水火變鍊，係薦亡魂，傳授九真妙戒，告行元始符命、金籙白簡、長生靈符，給籙破券，保舉超昇。事畢，拜表言功，解壇滿散。某日夜祇設三界高真清醮，三百六十分位，仰答洪恩，投龍進簡。外齋鎮信錢米、命素紋繒、香油柴炭、鹽豉筆墨、法用物儀。投臣乞爲進拜天官，拔贖濟度諸章。仰祈道力，俯拔亡魂如普薦大會內，有生身受度者，改作俯濟存亡。臣切慮建設壇場之所，灰劫之前，四面方隅，一切厭穢。往來人物，隱顯葷辛。濁氣混凝，氛埃閉塞。昏霾六合，障翳八紘。不能降格颺輦，駐停真馭。恐妨開濟，拯度幽明。匪仗道慈，莫遂清肅。臣今章奏，先祈上通宸極，旁及邇遐。敷露懇誠，導迎慧澤。掃除氛穢，蕩滌邪妖。臣以凡愚，未盡教法。念臣叨奉真宗，夙叅治籙。名濫充於祭酒，職敢廢於關膳。既奉皈投，理難抑塞。謹爲伏地拜章一通，上聞三天。伏惟太上無極大道，太上師尊上官典者，垂

慈省理。臣謹爲上請五方五帝、解諸厭穢君各一人，官將各一百二十人，下洗浣肉人，解諸厭穢。玉女使者官將一百二十人，齋真精之水、五和之香，盥洗靈壇。及製造無礙斛筵，所供齋食，燈燭香花，井竈內外，立遣清淨。千厭萬穢，應時消散。上請仙花玉女一千二百人，九鳳破穢錄中，收穢大將軍，滅穢大將軍，運穢大將軍，除穢大將軍，各一人，官將各一百二十人，與五方五龍主水使者，各持真精之水，洗浣黃籙齋壇，並齋主某一家，內外長幼，臨壇執事，祇奉法流，往來人物，有諸厭穢，一切解散。使各人心神，內養體力，外和注念，精通舒誠，感格齋功成就，庶事無魔。全仗洪恩，普資清淨。謹上請靈寶十戒、威儀九真妙戒、元始符命、金籙白簡、長生靈符、救苦真符，太上生天敕赦寶籙，玉清拔幽魂、破地獄真符，東極青宮，九龍符命，神虎玉劄，玄都蛟龍驛吏、金龍驛吏、九龍符命使者、三元龍虎騎吏、神虎追攝官君，鍊度諸司聖衆，靈寶官屬等，一合

下降，宣通召命，監衛齋壇，昇擢所薦，咸開滯爽。使懺謝必聞，啓傳無間。衆真俯鑒，列聖遐臨，幽顯霑恩，含靈蒙福，所請天官騎吏，靈寶官屬，一切聖衆，俟於散壇，拜表言功，各乞遷賞，以爲效信。恩惟太上，分別求哀。臣愚謹因二官直使、正一功曹、左右官使者、陰陽神決吏、科車赤符吏、剛風騎置吏、驛馬上章吏、飛龍騎吏等官，各二人出。又因甲申日直神扈文長從官十六人，符吏天光二人。直神從官符吏，隨日辰易，舉此爲例操臣謹爲黃籙大齋主，普薦改云，黃籙大齋都會首某乙，同在會官寮庶士等，後同拜上天官，啓告玄穹，解蕩厭穢寶章一函，上詣太上虚无丈人宮都司曹治北辰宮。曹治隨日換，舉此爲例伏須告報，臣某誠惶誠恐，稽首頓首，再拜以聞。

空三行

臣某屬 某宮焚修

空三行

大清玄元無上三天無極大道太上老君太上丈人天帝君天帝丈人九老仙都君九炁丈人百千萬重道炁千二百官君太清金闕寶玉陛下

空三行

年號歲次某甲子某月某朔某日甲子某時某於某處黃籙齋壇拜上

空三行

可漏用全紙一幅爲之

大清玄元無上三天□□大道太清金闕寶玉陛下具章奏章法位臣姓某上奏謹封

內方函

謹 上 詣 具章奏法位臣姓某謹重封

太上虚无丈人宮都司曹治北辰宮

外方函

謹 謹 上 詣

三天門下請進

具章奏法位臣姓某謹重封

右按正一書章律，寫章不隔日，填大清不隔時。章中，太清聖位科云，臨時細書，長三寸六分，或五寸，朱表後。聖位科云，臨時法師，自書二寸四分內取盡，恐難措寫，止臨時細書作一行爲佳。張萬福天師科，亦載之矣。若能依科楷書尤妙，又陛下二字，雖云細注，然玉陛下辭意，本是一義，不可分拆。獨細書陛下兩字，頗似未穩。且五鍊生尸經黃籙章法及張杜二儀，亦不說細注下兩字。以理推之，作一行細書，恐可通行，亦留冲靖之意也。

鄂都赦罪章

具章奏法位臣某，誠惶誠恐，稽首頓首，再拜上言。臣謹按玄科，今據同啓告玄穹章，至投龍進簡，除已備奏諸天帝尊，申三界真司，牒合屬去處。外齋鎮信，法用物儀，投臣乞爲進拜天官，拔贖濟度諸章，俯拔亡魂，出離幽夜。伏念臣夙奉真宗，獲參治錄。名濫充於祭酒，職敢廢於關膳。謹開具係薦亡魂姓名，隨章進呈，普及六道四生、孤魂滯魄，願承恩命，出離冥途，受領齋功，超昇淨界。臣尚慮亡故某乙 在會係薦等魂，及建齋弟子家，億曾萬祖，囚徒苦魂。累劫以來，有諸愆業，拘留報對，未脫幽冥。非憑赦罪之章，難出重陰之境。全依道力，曲賜生成。臣謹爲上請太清降真、召靈符吏、降真召靈童子各一人，特爲亡故某乙 在會係薦等魂，恭請太極真符，告下東極青宮、長樂天內、大慈仁者、尋聲赴感太乙救苦天尊，乞降威神慧光，普照十方世界。北陰鄂都九幽諸獄、天牢水獄考掠冥司、一切諸獄，承茲慧光，照耀應時，普得開解，鐵

城摧毀，枷鎖解脫。赦宥亡故某乙 在會係薦等魂，及囚徒苦爽。咸睹光明，出離幽暗。仰賴天尊上聖，依黃籙簡文靈仙品格，召十方飛天神王救苦真人、救苦童子、青玄玉女遍下幽獄。灑甘露之寶漿，降慈悲之法雨。威神感應，慧力靈通。所指所到，炎火息焰，冰雪生春。刀化玉樹，劍變騫林。銅柱鐵牀，成寶座之具；鑊湯爐炭，爲清涼之燈。鐵丸金汁，無熱惱之威；鋸解屠割，摧鋒芒之利。銅蛇鐵狗，永斷惡緣。獄卒牛頭，俱發善念。魔王束首，掾吏歸誠。曹屬除罪籍之名，司案焚業緣之字。冤仇和睦，債訟消平。至于四生六道，普離凡塵。甲介昆蟲，俱獲生化。擔砂負石之衆，漣汲溟波之魂。驅雷役電之魄，天圓轉匝之神。運風掃山之鬼，穿地引水之龍。斷地逮役，度上南宮。永離五苦，遠抑三途。即使亡故某乙 在會係薦等魂，及弟子某家，祖玄靈識，佩服天儀，冠帶朱紱。飄乘碧落，羽駕太清。緣運不絕法應，更生侯王之門，修行衆善。超神仙果，

達快樂鄉。俱如臣言，不違懇款。恩惟

太上，分別求哀。臣愚謹因同前章，只易直

神操臣謹爲黃籙大齋主某，拜上天官鄂

都開業道赦罪寶章一函，上詣太上某宮

曹治。並同前章式。

玉曆照帳狀姓名，寫朱書帳狀，見正奏門

今開具係薦亡魂姓名，下項普薦，改

作今開具在會係薦亡魂姓名。下項。

正薦

某人只寫姓名

附薦

某人逐一開列姓名

今月 日具高功法位臣姓某具

右玉曆，若是普薦，不立正薦、附

薦項目，便將亡人姓名，從頭具去，量

所度亡魂多少及紙高低，爲則一行，可

寫數名。要得磊落見單數，寫須做格。

寫令真楷，行列端正，衷在章書圓封

外，入第二方函內，發去。

開通道路章

具章奏法位臣某誠惶誠恐，稽首頓

首，再拜上言。臣謹按玄科，今據同啓告

玄穹章，至投龍進簡除已備奏諸天帝尊，申

三界真司，牒合屬去處。外齋鎮信，法用物儀。投臣乞爲進拜天官，拔贖濟度諸章，以祈昇濟。切念臣幼慕玄風，早參治錄。名濫充於祭酒，職敢廢於申騰。除已具按典儀，崇修齋法，臣尚慮幽關杳邈，冥路迢遙。水陸不通，方隅隔絕。亡故某乙 在會係薦等魂，及十方九幽、囚徒苦爽，須資赦罪之章，期出重陰之境。非憑道力，莫關關津。克詣齋壇，普受開度。謹爲拜章一通，上聞三天，開清氛穢，道啓黃雲。四關六通，無有障礙。上請太上直符使者、三界直符使者，各一人，齋持太上符錄、太清符命，告下三宮九府、百二十曹、五帝考官主吏，北陰酆都內外宮洞、五嶽九幽、四方三十六獄、大鐵圍山無間地獄、泉曲河源、三元水府、五道都府、九州社令、十方道主者，丘丞墓伯、河伯河侯、蒿里丈人、上下二千石官、九壘二皇君、地下土府神官、洞天幽治、考校曹局、泰山主職，諸曹地獄、山林孟長，廟社神祇、溟泠大神。某甲子太歲尊神、天下城隍社令、當處土地正

神、善惡二部長吏、一百二十位官府神祇、七十二禁忌神將、天牢地獄、冥關幽治、長夜泉扃、一切主者，敬聽太上符命，開關啓路，毀鎖張門，釋放亡故某乙在會係薦等魂，及六道四生、孤魂滯魄，悉詣玄壇，參朝三寶。傳符授戒，聽法聞經，領諸善果，使幽途無險阻之程，冥關開逍遙之徑。功圓果滿，進品仙階。違滯之者，冥曹降職。恩惟太上衆真，分別求哀。臣愚謹因同前章，只易直神，操臣謹爲黃錄大齋主某乙拜上天官，開通道路寶章一通。上詣太上某宮曹治。同前章式

鍊度沐浴章

具章奏法位臣某誠惶誠恐，稽首頓首，再拜上言。臣謹按玄科，今據同啓告玄穹寶章，至投龍進簡，外齋鎮信，法用物儀。投臣乞爲進拜天官，拔贖濟度諸章。恭祈道力，俯拔亡魂。切念臣幼慕玄風，早參治錄。名濫充於祭酒，職敢廢於關騰。尚慮亡故某乙 在會係薦等魂，及六道四生、孤魂滯魄，宿纏業垢，墮落惡源。未盥沐於身形，難參朝於壇

陛。克諧鍊度，各遂超升。仰仗道慈，俯垂開濟。臣謹爲上請五方五靈童子各五人，解穢官君將吏各一百二十人，浣濯夫人，黃華玉女各一人。應時下降，請取黃華神水、鍊屍素漿、雲腴玉醴、甘露金津，灌注香湯之中，沐浴上件亡魂，無邊苦爽。蕩除陰翳，洗滌塵勞。絕表裏冤債之根，淨內外熱惱之垢。即令五方童子，上請東方青靈始老真炁，哺飴以九炁之青津；南方丹靈真老真炁，哺飴以三炁之丹華；西方皓靈皇老真炁，哺飴以七炁之素漿；北方五靈玄老真炁，哺飴以五炁之玄泉；中央元靈元老真炁，哺飴以一炁之黃華。即使所薦靈魂，承哺飴之恩，安鎮魂魄，自生五臟。又請金剛百鍊，千和玉液，太白流光，元皇散液，解除鬱結，去蕩滓穢，灌鍊身心，智慧洞明。又請天醫神吏，尚藥靈官治病。三五功曹太醫博士、主者砭石小吏、敷藥靈官，請取太上五色神藥，布散亡魂臟腑之中。救療生前榮衛之病，針砭心腹積滯，摩按氣血瘡瘡。斷筋傷骨

者，續形返生；零落肢體者，易質復故。生肌長肉，一一完全。骨體康強，神魂磊落。憂惱消釋，飢渴滅除。結節開通，胞元散滯。形神端正，相貌莊嚴。又請天元真水真火、南昌上官主鍊、九華真人、九光童子、火陵靈童、東井玉女、鍊度大神、五府真宰、受鍊司主宰、鍊度神將官吏，迴骸起死，反形度生。應干真衆，各持法器，下降玄壇。奉爲亡故某乙，並赦罪章中，備奏所薦男女等魂，普及六道四生、孤魂滯魄，豐加冶鍊。令逐玄微，承茲殊貺，上度仙鄉。恩惟太上，分別求哀。臣愚謹因同前章，只換直神，操臣謹爲亡故某乙等，拜上天官沐浴鍊度寶章一函，上詣太上某宮曹治。同前章式

昇度亡靈章 係於黃錄第三日落景，於

齋醮壇，拜上

具章奏法位臣某誠惶誠恐，稽首頓首，再拜上言。臣謹按玄科，今據同啓告玄穹寶章，至投龍進簡，外齋法信。投臣乞爲進拜天官濟度諸章，仰祈道力，俯拔亡靈。切念臣幼慕玄風，早參治錄。名濫

充於祭酒，職敢廢於關膳。除已勵率法流，依科修奉，九時懺謝，三日告盟。建齋弟子某乙，志竭誠殫，儀陳事畢。詞旨徧聞於三界，恩光普被於重泉。所薦亡魂，蒙原愆業。道將還於金闕，經宜入於琅函。澤被存亡，功加一切。謹爲上請南昌上官司命君、司錄君、延壽君、益筭君、度厄君、上生君各一人，昇度所薦亡故某乙靈魂，及酆都章中，備去係薦男女等魂，普及六道四生、孤魂滯魄，上生南宮，定筭玉簡，注名金文。又爲上請司馬大神、監生大神、衛房靈姥、洞陽童子，鍊度亡過某乙及係薦等魂，一切孤滯等衆。入流火神庭之內，黃華寶池之中。蕩形易質，返骸更生。隨朱宮品格，託化人天，重立玄功，徑登道果。恩惟太上，分別求哀。臣愚謹因同前寶章，只換直神，操臣謹爲亡過某乙等，拜上天官昇度寶章一函，上詣太上某宮曹治。餘同前章式

從章疏

某布政使司某府某縣某處居，黃錄大齋主姓某，伏爲正薦亡親某乙 普薦在會衆

魂崇修无上黃錄大齋。今辰進拜天官寶章，欲憑真造，即爲進呈。謹備太上洞玄靈寶昇玄消灾護命妙經三十六卷，金錢三十六分，從馬三十六疋。

右謹隨疏獻上，三元唐葛周真君、三天門下引進真君、三天門下呈章從事、錄章從事、通章從事、齋章從事、校章從事、禦章從事、刺章從事、印章從事、直使功曹、正一功曹、左右官使者、除陽神決吏、科車赤符吏、剛風騎置吏、驛馬上章吏、飛龍騎吏、二緋衣使者、小吏十二書佐、金光童子、直日直時從官符吏、某章中諸位靈官典者，一切聖衆聖前。伏惟聖慈，俯賜昭鑒。某下情無任激切之至。謹疏。

歲次某甲子年月 日具位姓某

疏

可漏

某章中諸位從官靈官 聖前 具齋主位某疏獻謹封典者 一切聖衆

章關

泰玄都省

今奉爲修建黃錄大齋主某人正薦某

乙 普薦衆魂，崇建无上黃錄大齋。今來進拜天官某章，已恭對太上御前宣讀，訖用方函，上下封印。全須至關發者。

右關呈章、錄章、通章、定章、齋章、校章、禦章、刺章、印章從事，二官直使，正一功曹，左右官使者，陰陽神決吏、科車赤符吏、剛風騎置吏、驛馬上章吏、飛龍騎吏，諸位靈官、使者童子，章中千乘萬騎，一切聖衆，准此同加，嚴衛齋捧。徑詣三天門下，依文請進。所過剛風，浩炁等神，不得遏截。事須遵稟，毋輒滯違。故關。

歲次某甲子年月 日 時關，

具法位某押。

三天大聖、都天大法天師、正一靜應真君張。

无上黃錄大齋立成儀卷之九

无上黃錄大齋立成儀卷之十

三洞法師冲靖先生留用光傳授太上執法仙士蔣叔與編次

上章逐月所詣宮分

正月、十二月，上詣太上虚无丈人宮。

二月，上詣太上九老仙都宮。

三月、四月，上詣太上三天太清宮。

五月，上詣太上重道宮。

六月、七月，上詣太上九炁文昌宮。

八月，上詣太上天帝宮。

九月、十月，上詣太上大道宮。

十一月，上詣太上侍中左右監諸將軍宮。一作侍中左右監神諸將軍宮。

閏月，上詣太上玄都宮。一作太上九老仙都宮，一作金單太歲宮。《赤松子章曆》，閏月，隨前月宮。

逐月曹治宮分

一日，建玉曹治，赤靈宮。

二日，太素曹治，太微宮。一作建太素曹治，太微宮。

三日，太微曹治，北平宮。

四日，都正曹治，太清宮。一作太消

下宮。

五日，正一曹治，通明宮。一作東明宮。

六日，玄一曹治，上明宮。

七日，太素曹治，高靈宮。

八日，雲集曹治，紫微宮。一作靈集曹。

九日，元靈曹治，侍春宮。一作用靈曹治，侍春宮。

十日，太清曹治，紫靈宮。一作武靈宮。

十一日，三水曹治，素女宮。

十二日，司錄曹治，巨野宮。

十三日，清叙曹治，西明宮。

十四日，玄正曹治，上絳宮。

十五日，中都曹治，典平宮。一作典司宮，一作典平宮。

十六日，司非曹治，北府宮。

十七日，司奸曹治，南伯宮。一作南真宮。

十八日，統部曹治，東明宮。一作統攝曹，一作通明宮。

十九日，統錄曹治，西靈宮。

二十日，監考曹治，司命宮。一作胡冷宮。

二十一日，監司曹治，陽明宮。
二十二日，典考曹治，太陽宮。一作
玄元宮。

二十三日，司官曹治，少陽宮。
二十四日，玄元曹治，太陰宮。一作
玄天曹。

二十五日，太玄曹治，少陰宮。

二十六日，都司曹治，北辰宮。

二十七日，都候曹治，太白宮。

二十八日，直使曹治，休明宮。一作
司考曹。

二十九日，司直曹治，陽明宮。

三十日，集都曹治，啓明宮。一作興

考曹。

六十甲子直神

古章本無直神，不用亦可。

甲子王文卿，從官十八人，符吏天

季二人。

乙丑龍季卿，從官十六人，符吏天

仲二人。

丙寅張仲卿，從官十四人，符吏孔

光二人。

丁卯司馬卿，從官十二人，符吏天

奸二人。

戊辰季楚卿，從官一十人，符吏地
根二人。

己巳何文昌，從官十三人，符吏地

行二人。

庚午馮仲卿，從官十七人，符吏天

元二人。

辛未王文章，從官十五人，符吏天

杵二人。

壬申侯博卿，從官十三人，符吏天

季二人。

癸酉孫仲房，從官十一人，符吏天

定三人。

甲戌展子江，從官十四人，符吏天

根二人。

乙亥龐明心，從官十二人，符吏天

監二人。

丙子祁孫卿，從官十六人，符吏天

市二人。

丁丑趙子玉，從官十四人，符吏天

償二人。

戊寅虞子張，從官十二人，符吏地

行二人。

己卯石文陽，從官十五人，符吏天

曹二人。

庚辰尹佳卿，從官十三人，符吏天

閣二人。

辛巳楊仲公，從官十一人，符吏天

光二人。

壬午馬子明，從官十五人，符吏天

朗二人。

癸未呂威明，從官十三人，符吏天

卿二人。

甲申扈文長，從官十六人，符吏天

行二人。

乙酉孔利公，從官十四人，符吏天

長二人。

丙戌車元昇，從官十二人，符吏天

淑二人。

丁亥張文通，從官一十人，符吏天

明二人。

戊子樂石陽，從官十四人，符吏地

光二人。

己丑范仲陽，從官十七人，符吏天

慶二人。

庚寅褚進卿，從官十五人，符吏天

行二人。

辛卯郭子良，從官十三人，符吏天剛二人。

壬辰武雅卿，從官十一人，符吏天華二人。

癸巳史公來，從官九人，符吏天處二人。一作天虔。

甲午衛上卿，從官十八人，符吏天償二人。

乙未杜仲陽，從官十六人，符吏天位二人。

丙申朱伯衆，從官十四人，符吏天榮二人。

丁酉臧文公，從官十二人，符吏天容二人。

戊戌范少卿，從官一十人，符吏天征二人。

己亥鄧郁卿，從官十三人，符吏天豈二人。

庚子楊仲卿，從官十七人，符吏天梁二人。

辛丑林衛公，從官十五人，符吏天監二人。

壬寅丘孟卿，從官十三人，符吏天

唯二人。

癸卯蘇他家，從官十一人，符吏天曲二人。

甲辰孟非卿，從官十四人，符吏天雄二人。

乙巳唐文卿，從官十二人，符吏天公二人。

丙午魏文公，從官十六人，符吏天英二人。

丁未石叔通，從官十四人，符吏。陽二人。

戊申范伯陽，從官十二人，符吏天施二人。

庚戌史子仁，從官十三人，符吏天基二人。

辛亥左于行，從官十一人，符吏天林二人。

壬子宿上卿，從官十五人，符吏天祥二人。

癸丑江漢卿，從官十三人，符吏天興二人。

甲寅明文章，從官十六人，符吏天

望二人。

乙卯戴公陽，從官十四人，符吏天河二人。

丙辰霍叔英，從官十二人，符吏天畢二人。

丁巳崔巨卿，從官一十人，符吏天絕二人。

戊午從元光，從官十四人，符吏天令二人。

己未時通卿，從官十七人，符吏天命二人。

庚申華文陽，從官十五人，符吏天開二人。

辛酉邴元玉，從官十三人，符吏天立二人。

壬戌樂進卿，從官十一人，符吏天宮二人。

癸亥左石松，從官九人，符吏天正二人。一作石有松。

書章品則

令曰：章法，前勿留牘牘者，紙也便泰玄都。

第一，泰玄都正一平炁，係某治正

一臣某稽首再拜。

第二，上言謹按文書，某郡縣鄉里男女甲年紀戶名。

第三，恩惟太上，分別求哀，臣愚誠惶誠恐。

第四，安以聞與再拜，下相去一寸，下窮者別牘。臣姓平頭。

第五，比牘安臣姓與太歲平頭。

第六，比牘安泰清四十八字，三寸書之。

第七，比牘安太歲日月時於某郡鄉里中拜上。

第八，後讓三牘。三師靈讚，若不滿三牘，以另紙接之。

第九，書章界紙，止讓八分。正書中界，亦分爲法則。

第十，書章法，依如上法，不妄讓牘界。

令曰：正一道士，書章威儀法則，當如上件。十條令，不得妄開章界牘，生造仁意，以迷惑後學品則。凡違令者，但是自作一法，坐此，正一道士五刑科論。五刑者，謂輸天治、覆屋苑三千束。

第十一書章法，以巾於下，不得令紙著牀。紙亦如法，勿令衣拂著章，可不謹之。

第十二書章，當令紙筆硯必使潔淨，不得穢污雜用。

第十三書章，磨墨左轉四十九迴止。

第十四書章，筆左右轉各七迴止，不得口含筆毫。

第十五書章法，不得閑論他事。

第十六書章法，書水當令清澄。

第十七書章法，不得以筆點水，滴向硯上。

第十八書章法，當閉口，不得有所食飲。

第十九書章法，人身經穢污，不得書章。

第二十書章法，當選手巾洗手，每令清淨。

第二十一書章法，當不得敗字。字不成，若不合止。

第二十二書章法，紙勿使破裂、漏筆。

第二十三書章法，不得令章並紙，飛落地。不復用。

第二十四書章法，不得仍書，飲食葷穢。

第二十五書章法，不得仍書，穢污不淨之事。

令曰：上件，二十五條門下，科令書章作法。當依如科，令若觸慢，不依令者，坐正一道士三刑科論。三刑科者，掃道路橋梁，三十日。

第二十六書章法，當整理衣服，不得裸露。

第二十七書章法，當匍匐恭敬，不得蹲踞。

第二十八書章法，已成先陰，讀校一遍。

第二十九書章法，脫字皆用白墨、雄黃治定之。

第三十書章法，不得潦草書字。

第三十一書章法，不得令他人盜讀章文。

第三十二書章法，不得預下泰清日時，臨奏却寫入。

第三十三書章法，道士印封畢，主人束帶請章。

第三十四，主人請章，三叩頭、三搏頰、三起三下，合九止。

第三十五，主人對章叩頭，至奏竟。當自祝願，隨心所道。乞疾病差，隨事陳述。

第三十六，道士奏章竟，主人謝竟。叩頭搏頰，如初請法。

右三十六條，出正一書章品門下，科令第二。凡書章表，先齋戒沐浴，盥洗手面，整理衣冠。入室，向天門設座，焚香依式。書之章紙，可高准尺九寸，或小尺一尺二寸，或一尺四寸為則。以綵鋪案書之古法。泰京都，泰字高於上言一字，上言上空八分，下通走蟻。每行一十七字，行闊一寸二分，或二寸四分。第一行書盡法位，至再拜字。上言獨占一行。臣字不得為頭，鬼字不得居首。不得懸生露死，及抽破人姓名。姓名各當

一字，雖是雙名，亦只作一字。應魂魄喪亡之字，並須迴避，不令上頭。不得令外人覬視，及雞犬等入室。書章不得與外人語言，閉氣書之書。未了，不得放下筆。對章，不得厲聲讀章。未畢，不得離坐。不得令香煙中絕。以聞去再拜上，一寸書之，下窮者別牘。修真旨要，同此。蔡致虛儀，以聞低告報二字書之。後空三行，書臣姓名。後空三行，書太清階。太清階後三行，書太歲。太歲與臣姓名，低上言字二寸四分。太歲一行，隨字多少，令到行末。後空三行，少則添紙一幅。太清階緊疊。據科令云，太清四十八字，三寸書之。今太清階，乃五十六字，比古科多八字。若修真旨要去金闕七寶四字，亦是五十二字，與科不同。當攷。赤松子曆，太清細字，上度三寸五分，中度四寸五分，下度五寸，不得過此。留冲靖止作一行，細

楷書臣姓名、太歲，各只作一行，勻書寫章，不隔日。填陛下，不隔時古法填太清不隔時。下太清細銜。令齋主束帶，請章。法師奏章，日東向，夜北向。朱表，以勻淨黃素朱書，高下尺寸，並同章法。每行二十四字，行闊一寸二分，或九分為則。書章之士，當須明察。勿使筆畫滅裂，遺漏脫誤。仍勿擅改章文入齋意，取令理順，不至斷續。書章之時，靈官功曹、十二書佐，監臨左右。功過必錄，纖瑕無遺。禁戒威嚴，莫越於此。謹之。

章信

科曰：凡奏章，先須備信。若都無信，即神明不納，責子有慳鄙不捨之心。又曰，章無的信，富者增之，貧者減之。富貴之家，心希功德而慳惜財物，只效貧者出信，如此無益於事。貧寒之士，求請章醮，師為代出法信。舊章雖各具所用，大抵有之。天子、王

公、庶人，尊卑不同，品名各異，不得淆亂而無分別。科云，章信之物，散施貧窮。宜行陰德，師不可全用。十分爲率，師可用三分而已。天科嚴峻，可不謹之。

繒綵 天子紫色，疋數。王公用本命色，丈數。士庶用繒，尺數。

鎮錢 天子金錢。王公銀錢。庶人銅錢。

祿米 天子三石六斗。王公二石四斗。庶人一石二斗。

鎮油 天子一石二斗。王公六斗四升。庶人二斗四升或一斗四升。

信香 天子全斤。王公半斤。庶人三兩至五兩。

筆、墨、紙、朱砂，此給主者書章用，應是諸章，悉須置辦，不可暫闕。其餘並依本科。

啓告玄穹章

紙一百張。筆墨硯各一副。書刀一口。金魚一枚。玉鴈一雙。香五兩。柴五十斤。炭五十斤。鹽一斤。鼓一斤。油一斗二升。米一石二斗。錢一貫二伯文。淨巾二條。

命信若干丈尺。

自餘每章一通米、五斗錢、一貫二伯文、命信紙筆墨硯，如本儀。

封章法

凡宣章訖，以書刀置太清陛下，以金魚、玉鴈置太清左右，存靈官書佐考校章文，及以新筆硯等，置於前存畢。高功於香煙上捲軸，令緊入函，仍入腦子。外以青絲三節緊繫之，注蠟池中。外以青紙函重封，付烈火焚之。

无上黄籙大齋立成儀卷之十

①「月」疑應作「日」。

②原字殘缺，疑爲「任」。

无上黄籙大齋立成儀卷之十一

三洞法師冲靖先生留用光傳授
太上執法仙士蔣叔輿編次

表詞門

表

黄素朱表

具法位 臣某誠惶誠恐，稽首頓首，再拜，上言太上無極大道至真自然金闕下。臣等猥以下愚，繆參上法。功無塵露，過積丘山。俯仰慚惶，形魂罔寘。臣誠惶誠恐，稽首頓首。臣實以凡微，幸藉前福。叨逢妙化，欣荷玄恩。既忝真司，職當濟度。雖稟性庸瞽，誓罄丹衷，追尋慈風，服膺妙訓。見義思勇，日夜在心。因緣所值，敢不以聞。今有某鄉貫，入齋意，至未曾湔洗伏聞，無上正法黄籙大齋，解除生死，洗身心口意罪。上資帝祚，下及羣生。保國寧家，禳灾却害。超拔九玄七祖、一切幽爽，

濟度存歿，慧澤普加。謹齋十方金龍鎮信、本命紋繒、香火油燭、齋醮物儀，奉詞投臣。乞就某處，開建无上黃籙大齋三晝夜，滿散祇設謝恩清醮三百六十分位。所資功德，總用追薦亡親某乙等，普為在會係薦等魂泊門中，先遠眷屬親緣，旁及十方九幽、囚徒罪爽，解除業累，超證生方。仗此殊因，上資家國，利安品物，福佑見存。臣據詞懇切，不敢抑違。除已奏告十天、關盟三界，謹率法籙道士某等若干人，依下元黃籙簡文靈仙品格，設玄科之式，法天像地，建立靈壇。以某所齋金龍繒綵，施鎮十方。祈天請地，救存拔亡，共相罄勵，洗心淨念，塗炭稽顙，歸命至真，以祈所願。三日三夜，九朝行道，預依次第，宣演真科。拜奏天官濟度諸章，持誦太上真經睿號。頒宣符命，開赦九幽，然燈續明，請光破獄。普施無礙，斛食攝召，預薦亡魂，沐浴朝壇，聞經聽法，傳符授戒，鍊度超生。廣集善功，總資超度。以今月某日啓齋為始，訖某日某時事畢。謹即言功解壇，投龍於山水；丹書謹

劄，以奏言於靈壇。伏地拜黃素朱表一通，上聞九天。伏惟太上無極大道元始天尊、太上道君、太上老君、太上丈人、无上玄老十方自然靈寶天尊，已得道大聖眾、至真諸君丈人，大帝天帝，天師君、玄中大法師。曲映所奏，垂愍丹心。如蒙上御，乞赦典者。宣告十方五老上帝、五嶽真仙、三官九府、十界真靈，拔度亡故某乙在會係薦等魂，及建齋弟子家，億曾萬祖，歷劫種親，六道四生，苦魂罪魄，有緣無緣，冤親平等，並令開度，得出長夜。九幽之中，昇入南宮。冠帶枯骨，返骸生華。輪轉漏盡，化生福門。所在土地營衛尸形，須神返舊，與景冥合。弟子某家前世今生，一切罪咎，並乞蕩除，解滅刑害。度厄消災，延生保命。存亡開泰，眷屬安寧。上願七曜高明，二儀永固。陰陽調和，五穀歲稔。國富民安，天下太平。六合清淨，帝祚延長。疫毒消殄，善瑞日臻。克保元吉，永銜道恩。謹遷所請天仙兵馬、地仙兵馬、飛仙兵馬、真人兵馬、神人兵馬、日月星

辰兵馬、九宮五帝兵馬、三河四海兵馬、五嶽四瀆兵馬，各九億萬騎。三十二天監齋直事、侍香金童、散花玉女、五帝直符、傳言奏事、飛龍騎吏，臣等身中所佩受法籙內外真仙、靈寶官屬、三寶威神、玄都金龍驛吏、九龍使者、察命童子，護法威神龍虎騎吏、三元將軍、南昌鍊度官君、神虎追攝將吏、城隍社令、此間土地里域真官、三界神祇監壇某神係當庭香火，威靈顯著，曾請監壇者。諸係監臨護衛，宣通君命，營衛齋事，有功勤者，一切嚴裝，隨臣今表，上詣玄都，列受功賞。謁言真宮，進品上仙。加爵帝秩，隨品署真。高下等級，皆令崇達，一如太真之儀。臣等學法未備，俯仰失格。進止犯科，不合儀式。恐為四司所糾，五帝所執。千愆萬罪，並蒙赦宥。哀原未悟，不見罪罰。臣等身中五體真官，受功事訖。各還官府，使臣等學道得道，求仙得仙，永為真人。齊三光朗曜，與五氣長存。恩惟太上眾尊，分別哀原。臣愚謹因三官飛仙直使，正一功曹，左右官使者，陰陽神決

吏、科車直符吏、剛風騎置吏、驛馬上章吏、飛龍騎吏、天仙騎吏，各二十四人。操臣謹爲某官某乙啓建黃籙大齋，露請事訖，解壇遷職。復諸天位，重明功德。拜黃素朱表一通，上詣太上某曹，伏須告報。臣某誠惶誠恐，稽首頓首，再拜以聞。

空三行

臣姓某屬某州某縣某宮觀焚修

空三行

太上無極無名虛無自然至真大道無上天尊金闕玉陛下

杜儀云，此聖號，臨時法師自書，二寸四分取盡。如不能止，作一行細書。

空三行

某年號太歲某甲子朔某日某甲子天門開時於宮觀玄壇中拜上

空三行

朱表，用黃絹一丈二尺。輕黃紙背過，裁高一尺二寸，書之每行二十四字。若依古法，二寸四分爲一行。恐寫不過，量詞多寡，爲行數可也。表稱黃素，則當用生黃絹。田先生用之，第

柔軟不堪操露，不如用薄紙背過爲妙。聖號二十四字，無三字。見靈寶真一自然經訣。

可漏，方函，並同章法。亦以黃絹爲之。發表，不用關子。

鍊度表

具法位臣姓某誠惶誠恐，稽首頓首，再拜。

右臣謹瀝丹誠，上干天聽。臣謹據

入齋意，至未曾湔洗，乞取某月日，就某處開建无上黃籙大齋，三晝夜滿散，修設謝恩清醮，三百六十分位。願憑道力，俯拔亡魂。乞按真科，宣行鍊度。返形易質，受化更生。臣以凡微，獲參上法。濫司濟度，職在宣騰。既奉皈投，理難抑絕。謹具表上奏祖師北極紫微大帝、祖師南極長生大帝陛下，恭望天慈，特賜睿旨，頒告水火二司、五嶽總領真君。乞降陰陽靈根，真水真火。即日今時，下降壇場，鍊度亡過某乙等。使其神魂澄正，萬炁俱存。身有光明，魔無干犯。遷神北府，度品南宮。仰賴威光，曲垂洞鑒。臣謹俯伏，以俟天恩昭報。冒犯天威，臣誠惶誠恐，稽首頓

首，死罪。謹具表，上奏以聞。謹奏。

太歲某甲子年月 日具位臣姓某

表奏

可漏

祖師北極紫微大帝 陛下 具位臣姓某表奏謹封
祖師南極長生大帝

方函

表一函謹謹奏詣 具位姓某謹重封

三天門下請進

日直功曹關子

无上黃籙大齋壇

本壇，今發奏表一函，重封印全。

上詣三天門下，請進須至關發者。

右關某日當直功曹使者，請分明交管，前去依時，請進雲程之中，不許住滯時刻，有所遏截。攝赴近獄，依律施行。

太歲某年月 日 時關

錢馬狀依常式

詞

青詞

維大明國某年歲次甲子某月某朔某甲子，某府州縣，居具官位臣姓名，謹罄

哀 丹誠，上干天聽。各入齋意。正薦，自臣伏為亡親起。普薦，自臣等幸因宿起，並至未曾湔洗。

謹齋法信，投靈寶大法司，乞請道士一壇，就某處宮觀，取某月日為始，開建无上黃籙大齋，三日三夜，九時行道。預依次第，宣演真科。拜奏寶章，頒行符命。遷拔罪爽，開赦幽沉。然燈續明，請光破獄。普施無礙，斛食攝召，預薦亡魂，沐浴更衣，朝真聽法，傳符授戒，鍊度超生。滿散，拜表言功，投龍進簡，祇設清醮三百六十分位，上謝洪恩。各再入齋意。正薦，自仰仗道慈起。普薦，自所資功德起，並至福佑見存誠惶誠恐，稽首頓首，再拜上啓太上無極大道、至真无上、三十六部尊經、真文寶符、太上三尊十方衆聖玄中大法師銜前。臣伏以入詞文，臣下情無任瞻天，望聖激切屏營之至。謹詞。

內封用黃紙三寸，腰封

臣某，係法師名騰 奏謹封

引進狀

狀紙，依青詞紙，高低以狀。裏青詞，入方函內發。

无上黃籙大齋壇

本壇今月某日為黃籙大齋主某人，正薦亡親某乙 普薦在會衆魂崇建黃籙大齋。所有進拜，青詞一通。已恭對太上御前宣讀訖，合行申發前去，須至申聞者。

右謹具狀，申三天門下省。伏乞引進，徑為通奏施行。謹具申聞，伏候昭報。謹狀。

太歲某年月 日具法位姓名狀

外方函

謹謹上詣 請進 具法位姓名謹重封 三天門下

發詞關

如在亥時發，則關兩日當直功曹。同朱表，焚於天門上。

无上黃籙大齋壇

本壇今月某日，奉為黃籙大齋主某人，正薦亡故某乙 普薦在會衆魂崇建无上黃籙大齋。所有進拜，青詞一通，已對太上御前宣讀訖。本壇用重封印全，須至關發者。

右關某日當直功曹使者，請疾速齋

捧，上詣三天門下省，投進雲程。不得稽滯時刻，有所遏截。攝付天一北獄，依律治罪，以明天憲。故關。

歲次某年月 日 時關

書詞格式

應青詞，須用上等青紙，勿令稍有點污、穿破。如紙薄，即將兩幅背之，高一尺二寸。只許用一幅。通前後，不過十七行。行密無妨，當令後空紙半幅。自維字之後，平頭寫之。上空八分，下通走蟻。逐行不拘字數，但真謹小楷為妙。如啓聖後下文，不得過十六句。當直指其事，務在簡而不華，實而不蕪。切不可眩文瞻，飾繁藻。惟質朴為上。書詞紙，不得令飛落床席及地上，仍不得令衣袖等沾拂詞文。凡書詞之時，當入靜室。几案敷淨巾，朱筆朱盞，勿用曾經穢穢之物。口含妙香，閉氣書之，不得以口氣衝文。寫未乖，不得落筆，及與他人言語。仍不許隔日書下。臣字不得在行頭，行內不得拆破人姓名。此為書詞之格，或稍有違，不惟不達，反招釁爾。

右出任仲昇齋儀黃壇，節目頗多，文亦難省。添數行，蓋亦無妨。但要後令空紙多爾。

无上黃籙大齋立成儀卷之十一

无上黃籙大齋立成儀卷之十二

三洞法師冲請先生留用光傳授
太上執法仙士蔣叔輿編次

疏牘門

開經疏

大明國某布政使司某府州縣居器具位臣姓某，普薦門云，某人等，後並同謹罄丹誠，上干洪造。臣伏爲入齋意，至醮用物儀具狀，投上清三洞法師某君門下，乞請道士一壇，就某處建立靈壇，關行齋法。再入齋意。正薦，自仰仗道慈起。普薦，自所資功德起。並至福佑見存蒙於某月某日預告，先颺寶播，上聞齋意。取某月某日開啓齋壇，如未有定日，則云，尋別擇日，開啓齋壇恭按玄科，宣揚祕範。正齋行道，三日九朝。請謝十方，告盟三界。滿散修設，謝恩清醮三百六十分位。仰祈霈澤，普祐沉淪。所有回獻三界聖真、十方仙宰，醮筵內外，一切威靈。並資悼亡

魂，普薦幽爽。太上諸部真經、天尊睿號，謹預於某日爲始，開函看誦。今先具品目，敷奏如後。

一請道士看轉，太上洞玄靈寶无量度人上品妙經幾卷，太上洞玄靈寶昇玄消災護命妙經幾卷

已上，並用普伸，回奉奏獻，上三界十方，聖真仙衆，醮筵主宰、侍衛威靈。

一請道士看轉，太上靈寶天尊說救苦妙經幾卷

已上，並用回奉，上獻係醮冥官主宰，一切威靈。

一請道士看轉，如別看經禮懺，則逐一別項填入。

太上洞玄靈寶无量度人上品妙經幾卷

太上洞玄靈寶九天自然生神章經幾卷

太上靈寶九真妙戒金籙九幽拔罪妙經幾卷

太上靈寶天尊說救苦妙經幾卷

元始天尊說生天得道經幾卷

元始靈書中篇幾卷

玉皇大天尊玄穹高上帝寶號幾聲

太乙救苦天尊睿號幾聲

九幽拔罪天尊睿號幾聲

十方洞靈睿號幾聲

已上功德，並用資薦亡故某乙，超

生仙界。普薦云，在會係薦一切魂儀，各超仙界

一請道士看轉，

太上洞玄靈寶无量度人上品妙經

幾卷

太上洞玄靈寶九天自然生神章經

幾卷

太上洞玄靈寶天尊說救苦妙經

卷

元始天尊說生天得道真經幾卷

元始靈書中篇幾遍

某經某號逐一子細開列

已上功德並用資薦，門中遠化，各

超仙界或有附薦名位，依此逐一開列。

一請道士看誦

太上洞玄靈寶无量度人上品妙經

幾卷

太上洞玄靈寶九天自然生神章經

幾卷

太上洞玄靈寶九真妙戒九幽拔罪

妙經幾卷

太上洞玄靈寶天尊說救苦妙經幾

卷

元始天尊說生天得道真經幾卷

元始靈書中篇幾遍

玉皇大天尊玄穹高上帝寶號幾聲

太乙救苦天尊睿號幾聲

九幽拔罪天尊睿號幾聲

朱陵度命天尊睿號幾聲

已上功德，並用資薦，六道四生、

孤魂滯魄，各各離苦，同遂生成。

右恭以玄科奧典，寶藏靈文，為濟

苦之津梁，作拔亡之梯磴。敢憑勝妙，

用薦沉迷。切念亡親某乙，如普薦，則以會

首所薦姓名為首，添入及在會係薦亡魂等涉世塵

深，歸魂地遠。慮業緣之未盡，致仙化

之無期。願仗真乘滲漉之功，普度苦

海流吹之識。將宣寶範，先啓琅函。

仰希洞鑒之聰，允納預聞之請。臣無任

瞻天望聖，激切屏營之至。謹具疏，上

奏以聞。謹疏

太歲某年月 日具前官位臣姓

名疏

外可漏

黃籙開經文疏上奏

三界聖真十方主宰

具官位臣姓名謹封

六幕疏

五帝疏

具位姓某

檢會先據某鄉貫，入齋意，至未曾湔洗

謹齋法信，投靈寶大法司。乞取某月

日，就某處，開建无上黃籙大齋三晝夜。

滿散修設，謝恩清醮，三百六十分位再

入齋意，至福佑見存。臣據詞難抑，除已謄詞

帝闕，請命師尊，奏告十天，關盟三界。

見令壇儀肅備，法席嚴陳。謹率同齋

道士，恭取今宵，開建靈壇，分光破暗，

列陳鎮信，敷露真文。翌日清旦，正齋

為始。三日九朝，宣揚科範。遷拔幽

苦，懺悔罪愆。仰冀恩光，俯垂證度，

須至奏聞者。

右伏以道尊五老，本一炁以同

生；德冠三才，植萬靈而兼統。為人

天之信仰，作生死之依憑。將啓齋修，

敢忘祈叩。恭惟五方五靈、五老五帝

天君御前，化育羣品，開張萬真。務紀

錄於善功，每鑒觀於齋事。伏願天慈廣被，聖澤遐覃。放五色之光明，救重陰之苦爽。齋功克就，生名永紀於丹臺；懺謝必聞，罪錄盡銷於黑簿。仰賴甄陶之賜，庶成護度之功。福被邦家，恩霑幽顯。臣下情無任惶懼，激切屏營之至。謹具疏，上奏以聞。謹疏。

太歲某年月 日具位臣姓名疏

可漏

五方五靈五老五帝天君聖前 具位臣姓名疏奏謹封

方函

疏一函上詣

具位臣姓名謹重封

五老上帝

三官疏

具位臣姓名某

檢會先據同五帝疏，內改稱臣處稱名奏聞

者

右伏以方圓奠位，資玄範以開張；品物流形，賴神功之主宰。凡歸校錄，悉仰生成。恭惟上元賜福天官紫微大帝、中元赦罪地官清虛大帝、下元解厄水官洞陰大帝聖前。位統三元，掌天地人神之錄籍；司分九府，總死

生善惡之樞機。苟露懇祈，悉蒙昭格。伏願真慈惻憫，聖造矜容。削罪福於水火考對之曹，拔死魂於泉鄴幽陰之境。圓成齋事，紀錄善功。資福存亡，覃恩家國。某下情無任惶懼激切之至，謹具疏申聞。謹疏。

太歲某年月 日具位臣姓名疏

可漏

三元天地水三官大帝聖前具位臣姓名謹封

方函

疏一函上詣

聖前 具位臣姓名謹重封

三官大帝

玄師疏

具位姓名某

檢會先據同三官疏

右伏以道分三洞，肇萬法之元綱；教聞重玄，作十方之師寶。凡伸修奉，悉荷證盟。輒披露於懇誠，冀俯回於靈聽。恭惟玄中教主、上清靈寶聖師真君聖前，道崇金闕，位亞玄元。散影分形，證修齋於萬國；垂光接物，施惠利於重泉。伏願聖鑒昭回，真慈覆護。書愆紀過，雖存糾察之司；宥

罪滌瑕，允賴含洪之德。珍消魔障，成就齋功。俾幽顯以霑恩，普邦家而蒙福。某下情無任，惶懼激切之至。謹具疏申聞。謹疏。

可漏

玄中教主上清靈寶聖師真君聖前具位姓名謹封

方函

疏一函上詣

聖前 具位姓名謹重封

玄中教主上清靈寶聖師真君

天師

具法位姓名某

檢會先據以後並同三官疏

右伏以扶教三天，播慈風而濟物；疏光十界，宣祕蹟以度人。肇宏正一之宗，丕闡貸三之教。敢伸丹禱，仰叩玄聰。恭惟太上輔元體道三天大聖都天大法天師、正一靜應真君聖前，列位玉清，侍宸金闕，掌玄元科法，為章醮之宗師。伏願俯賜祥光，下臨壇席。證明齋事，開度沉魂。俱承拯拔之功，盡脫輪迴之苦。障魔殄滅，詞表御聞。澤普被於存亡，慶均霑於家國。某下情無任惶懼激切之至，謹具疏申聞。謹疏。

可漏

太上輔元體道三天大聖都天大法天師正一
靜應真君聖前具位

方函

疏 一 函 上 詣
三天大法天師正一靜應真君 聖前 具法位姓名謹重封

三師

具法位姓某

檢會同前

右伏以玄元始炁，於●開光於萬化
之先；經籍度師，演教於三乘之始。
將期修奉，敢後皈投。恭惟靈寶經師
真君、靈寶籍師真君、靈寶度師真君聖
前。道冒重玄，名標上古。隨方設教，
弘敷齋謝之科；應物流行，昭示真常
之路。飭黃壇而葺事，望紫闕以陳詞。
伏願師造鑒觀，仙游來格，提携末學，
錫正氣於靈關；開度沉魂，施祥光於
法界。恩流有截，澤被無垠。某下情無
任惶懼激切之至，謹具疏申聞。謹疏。

可漏

靈寶經籍度師真君聖前具法位姓某謹 封

方函

疏 一 函 上 詣
靈寶經籍度師真君 聖前 具法位姓某謹重封

監齋

具法位姓某

檢會同前

右伏以玄元闡教，廣開普度之
門；太極垂科，顯著監齋之號。凡伸
修奉，悉仰證明。恭惟靈寶監齋大法
師真君聖前。弘教化初，興哀劫末。特
流傳於齋法，俾恩祐於沉淪。伏願俯
賜師慈，特頒真旨。下靈寶司之官屬，
暨黃籙院之聖真。依下元簡文靈仙品
格，降飛天翊衛傳奏官君。紀錄齋誠，
宣騰詞款。導迎慧澤，開濟沉魂。俾
善果以圓成，普幽明而受度。恩霑見
在，福被邦家。某下情無任惶懼激切之
至，謹具疏申聞。謹疏。

可漏

靈寶監齋大法師真君聖前具法位姓名謹封

方函

疏 一 函 上 詣
靈寶監齋大法師真君 聖前 具法位姓名謹重封

啓壇疏

具法位臣姓某

謹瀝丹誠，上干洪造。臣先據同五帝
疏，關盟三界恭依次第，宣演真科。拜奏
寶章，頒行符命。遷拔罪爽，開赦幽
沉。燒香然燈，立齋行道。請光破獄，
普施夜齋。召攝亡魂，沐浴鍊度。傳
符授戒，保舉超生。事畢，拜表言功，
投龍進簡。祇設清醮，上謝洪恩。廣
集善功，總資昇度。以令壇儀肅備。同
五帝疏，至奏聞者。

右伏以飭黃壇而葺事，恪遵夤奉
之儀；望紫闕以陳詞，仰冀鑒觀之澤。
爰殫衷悃，上露齋誠。恭惟太上無極
大道、至真无上三十六部尊經真文寶
符，太上三尊、十方聖衆、玄中大法師御
前，敷落五篇，開張萬範。飛玄結炁，自
成空洞之文；下元總神，遂著靈仙之
格。保制劫運，拯護幽明。臣繆以師
資，叨傳妙訓。俾依科而遵奉，敢冒禁
以宣行。謹勵法徒，虛遵品式。結立
盟誓，共建齋功。伏願三寶證明，萬靈
降格。傾光迴駕，監真度生。地水幽
闇之鄉，仗道慈而開濟；日月照臨之
土，霑慧力以昭融。福普邦家，恩覃存

沒。臣無任瞻天望聖激切屏營之至，謹具疏上奏以聞。謹疏。

可漏

至真无上三十六部尊經真文寶符

太上三尊十方聖衆玄中大法師

太上無極大道御前

方函

啓壇疏奏請

請進 具位姓名謹重封

三天門下省

十方靈官疏

具法位姓某

檢會同三官疏，至關盟三界，見令壇儀

肅備，法席嚴陳。謹率同齋道士，恭取今宵，開建靈壇。分光破暗，列陳鎮信，敷露真文。翌日清旦，正齋爲始。宣行科範，懺悔罪愆。今具紙筆墨硯，安鎮十方。乞賜騰奏，仰祈恩霈，俯濟存亡，須至具疏告聞者。

右伏以梵炁彌羅，落落九霄之境；真都渺莽，巍巍十極之鄉。欲誠悃之升聞，仗聖恩之垂濟。恭惟十方無極世界、日月星宮、經寶地水、十鄉神仙諸靈官，傳奏聖衆聖前。真常善應，聖化無方。每降格於壇場，爲宣通

於詞款。伏願廣運慈悲之德，溥施拯護之功。禮謝十方，遐邇俱祈於通感；敷誠九奏，愆瑕悉賴於包藏。所冀情旨，上通恩光，下逮淨滌。有爲之業，崇成無量之功；庶俾幽明，皆資生化。某下情無任激切之至，具疏申聞。謹疏。

可漏

十方神仙靈官傳奏聖衆聖前具位姓名疏上謹封

方函

疏 上

具位姓名謹重封

結盟共三通

无上黃籙大齋結盟。今奉某鄉貫

某處居黃籙大齋主姓某，如衆會，作黃籙大齋都會首某人，同在會官僚士庶等，謹備十方紋繒、金龍壁鈕、質信之儀，請道士幾人，就某州某處宮觀，取某月某日宿啓齋壇，修建无上黃籙大齋三晝夜，滿散修設，謝恩清醮，三百六十分位。意者上資家國，下濟深沉。超度先亡，保安見在。切以無上正法，黃籙大齋。和天安地，保國寧家。普度幽明，悟人真

道。謹按玄科舊典，法天象地，立纂舒壇。信幣列於華庭，詞表通於金闕。肅祇如在，精潔造微。所以爾者，全在同齋之士，共契丹盟，滌除玄覽。夫齋者，齋其心也。絕視聽色身之好，抑口味鼻香之貪。吐氣自澄，抱神以靜。故我太極宗師，垂留科範。建齋之始，先受十戒威儀。罰簡憲章，存念不愆，俯仰合格。焚燒黑簿，昭著丹書。七祖生天，九幽得度。有情含識，無不霑恩。今黃籙大齋主某人衆會稱某人等向我法門，歸投大道。奉修齋直，爲國爲家。開濟存亡，普霑含識。齋持法信，乞爲關行。某本乏仙材，謬當遷請。實懷兢愧，不容避辭。誓竭精誠，勉力就職。今與同齋之士，合誓三官，結盟五帝，共相罄勵，同建齋功。儻若有違科律，冒瀆天真，彈糾不悔者，告下三官五帝，受考風刀，長扁夜壑。請各簽法位，作合同盟三本。二本歸三官，五帝一本，留泰玄都省照應。謹啓以盟。

太歲 年月 日時
次從下列行壇道衆

次列六職

可漏

五老上帝聖前 具法位臣姓名狀奏謹封

三官太帝聖前 具法位姓名狀申謹封

三天大法師真君聖前 具法位姓名狀申謹封

方函二

黃籙齋壇結盟狀奏請

五老上帝聖前 具法位姓名謹重封

黃籙齋壇結盟狀申

三官大帝府 具法位姓名謹重封

職狀

无上黃籙大齋壇

今為某人崇建无上黃籙大齋。謹

集見前法衆，克取今辰，依科修奉。擬

補職事下項。

高功大法師

具法位姓名

都講

具法位姓名

監齋

具法位姓名

侍經

具法位姓名

侍香

具法位姓名

侍燈

具法位姓名

右具如前，各宜守職。謹狀。

年 月 日具高功法位姓名狀

鍊度疏二道一疏設斛用，一疏正度用。

某鄉貫黃籙大齋主姓名

伏為正薦亡親某乙 普薦在會衆魂，崇建

无上黃籙大齋三晝夜。仰憑道力，普

濟幽沉。乞按真科，宣行鍊度。謹備

太上昇玄消灾護命妙經三十六卷，金

錢三十六分，從馬三十六騎。

右謹獻上鍊度合會一切真宰，南

昌上宮鍊度真仙，朱陵火府鍊度真仙，

南陵樞府鍊度真仙，水火二司鍊度仙

吏，靈寶大法鍊度仙吏，靈寶仙曹官童

將吏，金童玉女一切吏兵，諸司法院、

宣通召命、承差將吏，靈寶監察直符直

事，地水職司導從官吏，城隍土主里域

真官，靈壇翊衛應感威靈。伏惟聖慈，

俯賜照鑒。謹疏。

年 月 日 具位姓名 疏

可漏黃籙

真經錢馬疏獻

鍊度合會真宰一切威靈

斛疏

鄉貫黃籙大齋主具官姓名某

今為正薦亡親某乙 普薦在會衆魂，開建

无上黃籙大齋，取某日夜，普設無礙夜

齋斛食，看誦太上真經睿號，焚化經幡

冥財。廣集善因，總資超度。開列品

目如後：

一請道士看誦如別看經禮懺，逐項添入

太上洞玄靈寶无量度人上品妙

經幾卷

太上洞玄靈寶九天自然生神章

經幾卷

太上洞玄靈寶九真妙戒拔罪妙

經幾卷

太上靈寶天尊說救苦妙經幾卷

元始天尊說生天得道真經幾卷

元始靈書中篇幾卷

一稱念

玉皇天尊玄穹高上帝寶號幾

聲 太乙救苦天尊睿號幾聲

九幽拔罪天尊睿號幾聲

朱陵度命天尊睿號幾聲

十方洞靈睿號幾聲

一焚化

某經無量數 某幡無量數

冥衣無量數 冥綵無量數

駝馬無量數

已上並用，普薦六道四生、孤魂滯

魄，各離苦趣，同證逍遙。

右伏以清都演教，普垂開度之

科；碧落傳經，廣示弘慈之化。前件

功德，普用薦資。伏願真性常明，克淨

多生之垢；幽塗罷對，遂停五道之輪。

徑登快樂之鄉，永斷淪胥之苦。仰惟

大道，俯賜證明。謹疏。

年 月 日 具位姓名疏

可漏

功德 疏 普 薦

六道四生孤魂滯魄一切衆靈

具位姓名謹封

薦亡疏

某親具位姓名

今爲亡親某官，今月某日屆當某辰普

薦云今爲資薦亡親某官，謹備鎮信物儀，具

狀投靈寶大法司。乞請道士一壇，就某

處宮觀，取某月某日開建无上黃籙大齋

三晝夜。滿散修設謝恩清醮三百六十

分位。仰憑道力，開度生方。所有看

誦真經睿號，焚化經幡冥財等。謹具

列品目如後：

一請道士看誦

某經幾卷 某懺幾卷 某號幾聲

一焚化

某經幡幾卷 錢財幾分 從馬幾疋

已上並用，追薦某故某官尊靈，超

生仙界。

右伏以龍章玉字，鳳檢瓊文。釋

萬罪於寒庭，濟羣生於福境。是辰功

德，總用薦資。伏願魂度朱陵，名列南

宮之籍；神昇碧落，罪銷北府之書。

自在逍遙，長生快樂。恭惟大道，俯賜

證明。謹疏

年 月 日 某親具位姓名疏

可漏

功德疏資薦

亡親某官尊靈

某親具位姓名謹封

薦家廟三代宗親疏文式同前疏。

三代宗親之外，更入本宗先遠內外姻親一

位，庶功德尤普

右伏以紫闕高尊，演瓊科而流惠

澤；玄都上聖，宣寶範以濟寒冥。用

集真功，普伸資薦。伏願苦根散釋，善

果增崇。身超流火之庭，字錄瑩金之

簡。福垂後裔，慶被家門。恭望道慈，

俯垂昭鑒。謹疏。

年 月 日 疏

可漏

功德 疏 資 薦

三代遠化宗親諸住尊靈

薦亡人四負冤家債主疏文

具齋主位姓名某

今爲同前疏

經懺冥財，隨多寡開列。

已上並用，普薦亡靈三世、負財

負命、負恩負德，冤家債主之衆。同獲

離苦，各遂超生。

右伏以金科祕典，玉字寶音。開

業障於迷津，釋冤憎於昧境。前件功

德，並用薦資。伏願業累蠲消，冤愆解

釋。永斷仇讎之念，各生和會之心。

同仗真功，俱登福境。恭惟大道，俯賜

證明。謹疏。

可漏

功德 疏 薦

某人三世負財負命負恩負德冤家債主之衆 具位姓某疏封

功德都疏

某鄉貫居具官臣姓名

謹瀝丹誠，上干洪造。臣伏爲入齋

意，至醮用物儀具狀投靈寶大法司。乞請道士一壇，就某處建立靈壇，取某日爲始，崇修无上黃籙大齋三晝夜，九時行道。預依次第，宣演真科。建立華旛，遷拔罪爽。持誦太上真經睿號，拜奏天官濟度諸章。立纂舒壇，謄詞效款。列陳鎮信，敷露真文。然燈續明，請光破獄。告行符命，開赦九幽。召攝魂儀，沐浴鍊度。普施九泉六道、清淨無礙夜齋。受戒傳符，給籙破券。依科昇度，保舉超生。滿散，拜表言功，投龍進簡。取某日夜，祇設清醮三百六十分位。上謝洪恩，供養酒果香花，化貢車輦錢馬。修奉並已周圓，意者仰仗道慈，普超逝爽。上資家國，下祐見存。謹具錄回奉奏獻并資薦應干，真經睿號，開具品目，敷奏于後：

一請道士某人看誦

某經並逐項一一具列，依開經疏開之。

右伏以玉檢靈篇，道演超凌之化；瓊臺祕範，功宣開度之儀。仰仗真游，俯濟寒苦。伏念臣亡故某乙及三代宗親等，粵從遷謝，罔測昇沉。涉世塵深，孰悟愛河之飄浪；生仙路邈，難逃業道之輪迴。式建殊勳，用資冥福。冀假三洞真筌之力，普開九幽長夜之魂。伏願昭錫恩光，遷昇逝爽。寒庭無間，悉登快樂之鄉；法界有情，俱入逍遙之徑。臣無任祈天望聖激切屏營之至，謹具疏上奏以聞。謹疏。

歲次某年 月 日具齋官位臣

姓名疏

貼黃

奏爲滿散

无上黃籙大齋正薦亡魂某乙 普薦在會衆魂

乞超生界

進奏修奉功德品目事

倚黃

乞降付天曹紀功行下三界十方照應

可漏

正面貼黃簽

與疏後貼黃同

具齋官位臣姓某疏奏謹封

方函

功德疏一函上詣

三天門下 請進 具高功位姓某謹重封

進疏繳狀裏功德疏入函發去

靈寶大法司

本司今月某日，伏爲修齋弟子某人正薦亡親某乙 普薦在會衆魂，崇建无上黃籙大齋三晝夜。用資超度滿散，祇設清醮三百六十分位，仰謝洪恩。所有弟子某進奉功德都疏一通，已恭對太上御前宣奏訖。今謹繳進前去，須至申聞者。

右謹具狀，申三天門下省。伏乞逕爲通進，請降敕命，付天曹紀功，行下三界十方，照應施行。謹具申聞，伏候昭報。謹狀。

歲次某年 月 日具高功法位

姓某狀

无上黃籙大齋立成儀卷之十二

①於「疑爲衍文。」

无上黄籙大齋立成儀卷之十三

三洞法師冲靖先生留用光傳授
太上執法仙士蔣叔輿編次

榜牒門

開經榜

无上黄籙大齋壇

本壇奉為大齋主某崇建无上黄籙大齋正薦亡親某乙，普薦在會眾魂等，及六道四生、一切孤魂滯魄，所有回獻，上聖高真，係醮主宰，侍衛威神，并資悼亡靈，普薦幽爽，太上諸部真經，天尊睿號。取某日為始，開函看誦。具列品目于後：

一看誦

太上洞玄靈寶无量度人上品妙經
太上洞玄靈寶九天自然生神章經
太上洞玄靈寶昇玄消灾護命妙經

經

已上，並用普伸，回奉奏獻，上三界十方，上聖高真，係醮主宰，侍衛威靈。

一看誦

太上洞玄靈寶天尊說救苦經
已上，並用回奉上獻，係醮冥官，一切威靈。

一看誦

齋主家，若別看經文及禮懺等，逐項添入。

太上洞玄靈寶无量度人上品妙經

太上洞玄靈寶九天自然生神章經

太上靈寶九真妙戒金籙九幽拔罪妙經

太上洞玄靈寶天尊說救苦妙經

元始天尊說生天得道真經

元始靈書中篇

玉皇大天尊玄穹高上帝寶號

太乙救苦天尊睿號

九幽拔罪天尊睿號

已上功德，並用資薦亡故某乙靈魂及

係薦亡靈，在會係薦一切亡靈超生仙界。

一看誦

太上洞玄靈寶无量度人上品妙經

太上洞玄靈寶九天自然生神章經

太上洞玄靈寶天尊說救苦妙經

元始天尊說生天得道真經

元始靈書中篇

玉皇大天尊玄穹高上帝寶號

太乙救苦天尊睿號

九幽拔罪天尊睿號

已上功德，並為建齋弟子，資薦亡

靈三世，負財負命，負恩負德，冤家債

主之眾。同獲離苦，各遂逍遙。

一看誦

一看誦

太上洞玄靈寶无量度人上品妙經

太上洞玄靈寶九天自然生神章經

太上靈寶九真妙戒金籙九幽拔罪妙經

太上洞玄靈寶天尊說救苦妙經

罪妙經

太上洞玄靈寶天尊說救苦妙經

罪妙經

元始天尊說生天得道真經

元始靈書中篇

玉皇大天尊玄穹高上帝寶號

太乙救苦天尊寶號

九幽拔罪天尊寶號

朱陵度命天尊寶號

已上功德，並用普薦，六道四生、孤魂滯魄等衆。各離苦趣，同遂往生。

右伏請臨壇道衆，靜念存真。調聲正氣，依文轉誦啓聖。懺宣所覲，飛天下觀，上帝遙唱。存亡受度，幽顯蒙恩。科禁具嚴，各宜遵守。故榜。

年 月 日 榜

具 法 位 姓 押

古法十戒榜

无上黃籙大齋壇

夫結齋之士，當拱默幽室，制伏情性。閉固神關，使外累不入；守持十戒，令俗相不起。建勇猛心，修十道行。堅植志意，不可移拔。注玄味真，念念皆淨，如此謂之修齋也。具十事如後：

一，香湯沐浴，以清神炁。使五體

清潔，九孔鮮明。衣服悉淨，內外芳馨。延降上帝，視接真靈。

二，廢棄世務，斷俗因緣。屏隔內外，儵然無爲。心形閑靜，注念專精。

三，中食絕味，挫割嗜慾。使盈虛得節，臟腑調和。神炁清夷，含養玄泉。

四，謹身正服，齊整嚴肅。捨離驕慢，無有怠替。禮拜叩搏，每事肅節。

五，閉口息語，不得妄言。調聲正炁，誦詠經文。開悟人鬼，會感神仙。

六，滌除心意，不得邪想。調伏六根，盪滅三毒。存神思真，通洞幽微。

七，燒香奏煙，鳴鼓召神。上聞三清，普宣十方。

八，懺謝罪咎，請乞求願。心丹誠至，慊苦懇惻。

九，發大慈悲，憫念一切灾厄惱難。咸願度脫，生死休泰，無復幽苦。

十，進止俯仰，每盡閑雅。更相開導，言止於道，不得離法。覺有闕誤，便即輸失，稽顙懺悔。

右榜清虛靜默堂，請結齋道俗，各

宜奉行。故榜。

年 月 日 榜

具 法 位 姓 押

告諭誓言榜

无上黃籙大齋壇

本壇今奉玄師道旨，建立齋壇。抵導天恩，普福幽顯。合與諸司法院、天神大將，元帥功曹，金童玉女，靈官將吏，防護齋壇、侍衛正神一切等衆。分布誓言，各宜敬聽。吾行齋法，命出師壇。守之惟謹，行之惟艱。大道好生，濟度無間，下通地府，上開天關。人門衛生，鬼道無殘。施之惟正，職本防姦。符章奏告三界，通頒上天下地。水府名山，去來時刻，飛雲往還。玄壇已正，奉法宜公。扶護孝義，摧伏魔凶。死生受度，飛符駕龍。齋事告畢，上朝仙宗、五帝紀錄。三官考功，陞階進職。名豎蒼穹，儻或懈怠，罪在爾躬。若違吾誓，天錫汝鋒。勉哉勉哉，受爵無終。故茲告諭，爾非勿聰。

右誓如前，各宜守職。故榜。

年 月 日 榜

具法位姓押

告諭齋官榜普度用此

无上黄籙大齋壇

本壇恭依靈寶飛天妙書、元科祕範，崇建无上黄籙大齋，超度幽爽，福利見存。謹按天尊言，凡建齋行道，四天王，皆駕飛雲綠輶，八景玉輦。侍從真人、玉女，手執華幡。前導鳳歌，後從天鈞。獅子白鶴，嘯歌邕邕。燒香散花，浮空而來，瞻禮行道，觀聽法音。萬聖臨軒，千真駐蹕。凡同齋之士，當庠序雅步，靜心閑意。坐起卧息，不離儀格。則天王懽悅，列言上清。除已奏告諸天，關聞三界。結盟立誓，夤奉寶齋。專牒請本州城隍主者某神及集神，監衛靈壇，掃除厭穢。祇迎寶馭，濟度存亡。伏請入會齋官，士庶到壇，證明拈香，務竭精誠，同祈靈貺。其符簡功德戒牒，候鍊度畢，送靈度橋，一處焚燎。已請監壇某神，專差將吏，照對亡靈，逐名分俵，庶使齋德有歸。切望入會信士，毋得攙先。輒自焚燎，以致錯亂，有玷齋功，須至

曉諭。

右榜，各請知悉。故榜。

年 月 日 榜

具法位姓押

知職榜

无上黄籙大齋壇

本壇奉為黄籙大齋主某，正薦亡親某乙，普薦在會眾魂，崇建无上黄籙大齋。今尅取今月某日為始，開壇關行齋法。至某日夜滿散，修設大齋，上謝洪恩。所有同齋道眾，各合依式，分攝治職。除已徧行咨請，結立盟誓。尚慮臨事有闕，須至逐一開具，所有職事，如後：

高功大法師

具法位姓某

其職也，道德內充，威儀外備。俯仰動止，莫非法式。三界所範，鬼神所瞻。關啓祝願，通真召靈。解疑釋滯，導達羣賢。

都講法師

具法位姓某

其職也，才智精明，閑鍊法度。行道時節，上下食息。先白法

師，次引眾官。禮拜揖遜，皆當讚唱。

監齋法師

具法位姓某

其職也，司察眾過，彈糾愆失。秉執科憲，隨事舉白。必使允當，不得隱濫。

侍經法師

具法位姓某

其職也，營衛尊經，整理中韞。高座几案，四坐席地。拂飭齊整，不得懈怠。

侍香法師

具法位姓某

其職也，料理爐器，常令火然灰淨。三時行道，二上轉經。皆預備辦，不得臨用有缺。

侍燈法師

具法位姓某

其職也，景臨四方，備辦燈具，依法安置。火焰火然，常使朗明。若遇風雨，火勢不立。啓白法師，宜停乃停。不得怠替，

輒令闕廢。

一副職人寡，則一人兼兩職，或三職。人多，則兩人或三人，共二職。

副都講法師

具法位姓某

參知鐘磬，讚唱法事。揖引齋官，進退拜禮。

副監齋法師

具法位姓某

讚舉壇儀，監視齋獻。表白詞文，宣告讚祝。

副侍經法師

具法位姓某

敷設壇供，進獻點酌。讚宣經科，引靈朝禮。

副侍香法師

具法位姓某

燎理爐器，助添香炷，主執手爐，讚道行禮。

副侍燈法師

具法位姓某

備辦燈具，施添油炷，徹曉續明，乃為稱職。

右榜，各請清心滌慮，思神念真。

關啓精明，升降整肅。所冀天真降格，幽顯霑恩。當使五帝考功，無致三官鼓筆。科簡昭示，幸勿疏違。故此咨聞，各宜守職。故榜。

年 月 日 榜

具 法 位 姓 押

約束將吏榜

无上黃籙大齋壇

本壇今為某鄉貫居具官某人，崇建无上黃籙大齋正薦亡親某乙 普薦在會亡靈等，及六道四生，一切孤魂滯魄，超生仙界。以今營建齋壇，關集將吏及城隍里社等神，在壇守衛，合行約束。

右榜，壇所曉諭，諸司法院天神將吏、靈官功曹、神兵騎吏、本處城隍里社、司命土地、應干侍衛等神，請知委上件事理。各齊心併力，營護壇場。掃蕩穢氛，祇迎飈馭。通達詞悃，宣召往來。應諸處陰官部到亡魂，及河沙孤滯等衆，團聚近處，伺候召攝。即時赴壇場，沐浴鍊度。聞經聽法，受戒傳符。明領殊勳，超昇淨域。或有冤家

債主，憑著生人，盜賊惡人，侵欺法物。

茹葷飲酒，觸冒壇禁。並請密切戢伏，明彰報應。務令齋功圓就，魔障不生。家國霑恩，存亡受度。事畢，言功遷賞，以答神庥。故茲曉諭，各宜知悉。故榜。

年 月 日 榜

具 法 位 姓 押

約束孤魂榜

无上黃籙大齋壇

本壇奉為黃籙大齋主某人，崇建无上黃籙大齋。今月某日夜，普設無礙斛食夜齋。所有召到法筵，一切六道四生、九州十類、河沙滯魄，幽夜苦魂。是男是女，或老或少。慮有前生債主，夙世冤仇。負命負財，負恩負德。因時際會，惡念頓生。不以解脫為心，惟懷返報。是念無由超化，永墮輪迴，今故約束者。

右榜，曉諭前件，召到法筵，五方五姓，乃文乃武，儒流羽士，道民僧徒、女冠尼師、莊農書吏、軍兵將校、商旅術人、卜筮巫覡、奴僕藥藝、孤獨鰥寡、

枉死橫亡、造逆刑誅、不孝雷震、手斃足跛、目盲耳聾、產乳血尸、襁褓夭折、冤家債主、負命欠財、附草依茅、遺壇古社，若男若女、或老或少，一切無依無主、孤魂滯魄、長夜囚徒、神鬼等衆。各宜檢束形神，聽經聽法。排列就位，饗食承供。不得縱強脅弱，恃勇欺怯。各要豐足，務在均平。仍須洗滌身心，依投正道。和平冤對，懺悔罪愆。承茲教戒之功，憑此薦拔之果。同求解脫，各願往生。無縈迷途，無戀鬼趣。所宜恭謹，祇候超昇。盟真科格，威禁至重。各須遵奉，毋輒有違。故榜。

年 月 日 榜

具 法 位 姓 押

宣諭亡靈榜

无上黃籙大齋壇

本壇先據某官某人狀稱，伏爲正薦亡

親某乙 普薦在會亡靈等，乞崇建无上黃籙

大齋。用資超生，所有令來召到在壇係薦靈魂。並已澡鍊形神，參朝壇陞訖。每日依時導引，朝禮聖真。恭聽法旨，祇候開度外，須至再行曉諭者。

右榜，專委監齋直事，功曹法院、召靈神將等，常切誘諭，上件召到，在壇預薦亡靈，及冤家執對之衆，各令發生善念，捨離惡緣，整束身心，皈依道果。自識宿命，莫結冤讎。當知稟性受形，本來清淨。識緣物假，妄起塵情。執此惡根，成其障惱。氣凋神逝，難復本初。五累牽纏，三途報對。永沉幽夜，墮落惡源。淪沒妄波，不能出離。如斯所苦，昔已備嘗。今到道前，求解脫法，斷顛倒想。起信向心，回觀本來。究竟空寂了真，實性罪障亦空。即得妙用見前，靈光不昧。逍遙自在，永離輪迴。恭俟本壇，依時導引。朝禮上聖，懺謝罪愆。祇受戒符，用憑超度。非時不請，輒離靈筵。明真有格，威禁至重。各宜遵奉，無或有違。故榜。

年 月 日 榜

具 法 位 姓 押

法事節次榜

无上黃籙大齋壇

本壇先據某官某狀稱正薦亡親某乙

普薦在會衆魂等，乞就某處宮觀，開建无上黃籙大齋三晝夜。拜奏寶章，頒宣符命。廣崇妙範，總助昇遷。滿散拜表言功，投龍進簡。祇修清醮三百六十分位，仰謝洪恩。所有同齋道衆，除已分攝治職、依科修奉外，尚慮臨事闕誤，須至預行開列節次于後。

一 某日

關發預告文字 颺幡 開轉經號

一 某日

關發正奏文字

一 某日

進拜天官某章依日分，逐一開列

一 某日中分

度詞 啓盟 立幕 淨壇發玉

劄

落景

分燈 建壇宿啓 說戒 補職

宣禁

靜夜

禮燈餘夜同 召靈 沐浴 朝真

呪食

一某日清旦

正齋行道 轉經

中分

正齋行道 如清旦儀，不宣衛靈呪，不出

官 轉經

落景

正齋行道 如中分儀

静夜

祝九獄燈發符破獄 讚九幽燈

懺迴耀輪燈

一某日清旦

正齋行道 如第一日清旦儀，不出官

轉經

中分

正齋行道 如第一日中分儀 轉經

落景

正齋行道 如第一日落景儀

静夜

普召幽爽，設斛鍊度

一某日清旦

正齋行道 如第二日清旦儀 轉經

中分

正齋行道 如第二日中分儀 轉經

落景

正齋行道進拜 天官昇度章

静夜

建水火池，大鍊昇度亡魂

一某日

解壇拜表 告投三簡

一某日

設醮

已上，並照讚唱節次門，逐一開列。

右榜，各請舉唱如法，讚詠協音。

登降務在雍容，節次無使差互。庶得

聖真靈鑒，幽顯蒙休。壇有常規，各宜

守職。故榜。

年 月 日 榜

具 法 位 姓 押

關牒 共七道

普召牒

无上黃籙大齋壇

本壇先據某人狀，伏為正薦亡親某乙

普薦在會衆魂，乞就某處，開建无上黃籙

大齋三晝夜，普施九泉六道、清淨無礙

夜齋。除已章奏上達三天，告簡敷落

九地，申牒地水職司、冥關主宰，開明沉滯，啓拔幽扃，預期發放六道四生、一切孤滯之衆，來詣齋壇，伺候攝召，沐浴更衣，參真聽法，享食承供，開度生方。今依律召攝，遍十方際、盡玄空界、浩劫以來、至於今日，一切天道，一切人道，一切神道，一切地獄道，一切餓鬼道，一切畜生道，一切孤魂滯魄。乃至一切依草附木、無主無歸之衆，一切投崖赴澗、自溺自沉之衆，一切拘縛不得自在之衆，一切冤家不得和釋之衆，一切軍陣非橫殘傷之衆，一切牢獄自遭誅戮之衆，一切道路商賈流亡之衆，一切邊疆守戍死害之衆，一切自刺自縊、投河落井之衆，一切自害自傷、負財負命之衆，一切雷霆霹靂、水火漂然之衆，一切產難血腥閻死之衆，一切呪詛蠱毒傷亡之衆，一切覆舟墜馬、魂魄飛揚之衆，一切殺生害命、神識縈纏之衆，一切食胎、食血、食肉、食骨、食髓之衆，一切食花、食果、食苗、食草之衆，一切食便食利、食涎食洩之衆，一切食生食香、食漏食味之衆，一切食毒

食腥、食穢食精之衆，一切食灭食炭、食土食灰之衆，若胎生、若卵生、若濕生、若化生，已受苦、未受苦、已受報、未受報、展轉輪迴、無有邊際、不可稱說、未能解脫之衆，又遍十方際、盡玄空界、若有色、若無色、若非有色、若非無色、若有想、若無想、若非有想、若非無想、若有情、若無情、若非有情、若非無情，若有識、若無識、若非有識、若非無識，幽靈滯爽，新死遠亡，或女或男，或老或少，或在家、或出家，或中國、或外夷，有主無主，令終凶終，如是等衆，與其眷屬，無量無邊。各承太上之慈光，普入盟真之法會，須至召攝者。

牒請靈壇守衛威神、某甲子歲德尊神、本處城隍土地、里域真官、五道大神、六甲開導使者，導善官吏、神虎三部追魂使者。依律放入，上件六道四生、孤魂滯魄、三界十類、一切衆靈，普詣黃籙靈壇，躬受開度，仍請衛護。一切生氣，無令侵尅。謹牒。

年 月 日 時牒

可漏

无上黃籙大齋壇 牒 靈壇守衛一切威神太歲城隍土地等神

追取關

无上黃籙大齋壇

本壇今爲鄉貫某人，開度亡故某乙靈魂衆會添等字，崇建黃籙大齋。取今月某日夜，普爲六道四生、孤魂滯魄，修設無礙斛食夜齋。依按真科，宣行鍊度。俾霑恩霈，隨果超生。除已飛奏三天，申聞三界。備牒酆都，六道都案，遍行關報，依科發放，及專申東嶽泰山府，括責孤滯等衆，差委神吏，管押前來。尅定是夜赴壇，祇承功德。今來攝召在即，須至專有指揮。

右關神虎三部、追魂使者，天道、地道、人道、仙道、神道、鬼道、業道功曹。只今前去酆都，六道都案，及東嶽泰山府。交管發放，六道四生、孤魂滯魄等衆。同共引領前來，赴壇受度，不得時刻住滯。故關。

年 月 日 時關

可漏

无上黃籙大齋壇 關 神虎追魂使者七道功曹

九真戒牒

洞玄靈寶九真妙戒牒 給付 亡故某

乙靈魂

謹按太上洞玄靈寶九真妙戒、金籙度命九幽拔罪妙經云，若人命過，應入九幽，名書黑簿。爲受九真妙戒，應得解脫，魂昇九天。因緣輪轉，得爲九宮真人。今者恭對道前，傳授三歸九戒。所宜給付，持爲身寶者。

三歸依

- 第一歸依，无上道寶。
- 第二歸依，无上經寶。
- 第三歸依，无上師寶。

九真戒

- 一者敬讓，孝養父母。
- 二者克勤，忠於君王。
- 三者不殺，慈救衆生。
- 四者不淫，正身處物。
- 五者不盜，推義損己。
- 六者不嗔，兇怒凌人。
- 七者不詐，諂賊害善。
- 八者不驕，傲忽至真。
- 九者不二，奉戒專一。

牒前件，三歸依，九真戒。乃金籙靈詮、玉清祕典。為登真之戶牖，作濟死之津梁。宜謹受持，無或懈怠。即得遷神北府，度品南宮。永離有漏之色身，克證無為之妙果。人間天上，信受奉行。故牒。

年 月 日牒

又九真戒牒一，給付六道四生、孤魂滯魄等衆

功德壇牒一

无上黄籙大齋壇 牒 亡過某官靈魂

本壇先據某鄉貫，入詞，至福祐見存。內亡靈，止稱官位，不著姓。下文稱亡魂處改作亡靈，

本壇據詞難抑，謹依下元黄籙簡文、靈仙品格，建立靈壇。取今月某日為始，崇修无上黄籙大齋三晝夜。九時行道，恭依次第。宣演真科，拜奏寶章。頒宣符命，遷拔罪爽。開赦幽沉，然燈續明。請光破獄，普為九泉六道，修設無礙夜齋。宣召靈儀，沐浴鍊度。傳符授戒，保舉超生。事畢，拜表言功，投龍進簡，祇設清醮三百六十分位。仰謝洪恩，所集善功，總資超度。今來功德圓滿，合行給付，以為遷昇之據。

開具如後：

一看誦

某經逐一開列

一持念

某聖號逐一開列

一告下

元始符命救苦真符一面

元始符命長生靈符一面

太上敕赦生天寶籙一道

玉清寶籙拔幽魂真符一道

玉清寶籙破地獄真符一道

東極青玄救苦九龍符命一道

一給付

洞玄靈寶九真妙戒牒一道

中元金書九天寶誥一道

靈寶長生度命黄籙一道

太上升天左右券

一備化

某經若干卷逐一開列

某幡若干首逐一開列

生仙淨衣一襲

冥財若干

駝一疋

檐一乘

一建立

告盟寶籙

遷神寶籙

太一寶籙

命靈寶籙

超度寶籙

迴耀寶籙

一普設

六道四生、孤魂滯魄、清淨無礙

夜齋

一呪施

雲厨甘露法食一筵

牒具如前。瓊都寶範，落五累之苦根；金簡玉符，定九宮之生籍。集茲善利，總薦靈儀。徑登品於洞陽，遂棲神於太漠。安閑自在，快樂逍遙。凡所經由，執此為據。故牒。

年 月 日牒

功德壇牒二

无上黄籙大齋壇 牒 六道四生孤魂

滯魄等衆

本壇奉為鄉貫某人，資薦亡故，某

乙，衆會，添等字崇建无上黄錄大齋，普度六道四生、孤魂滯魄，取今月某日夜，修設天地冥陽、六道四生、孤魂滯魄、無礙夜齋，沐浴更衣，參真聽法、傳符授戒、鍊度超生，修奉功德。並已周圓，合行給付。以爲遷昇之據者。

一看誦

太上洞玄靈寶无量度人上品妙

經幾卷

太上洞玄靈寶九天自然生神章

經幾卷

太上靈寶九真妙戒金錄九幽拔

罪妙經幾卷

太上洞玄靈寶天尊說救苦妙經

幾卷

元始靈書中篇幾卷

一持念

玉皇大天尊玄穹高上帝寶號幾

聲

太乙救苦天尊睿號幾聲

九幽拔罪天尊睿號幾聲

朱陵度命天尊睿號幾聲

一告下

元始符命金錄白簡救苦真符一

面

元始符命金錄白簡長生靈符一

面

太上生天寶錄一道

一傳授

三皈依

九真戒

一普施

無礙清淨夜齋一筵

一備化

某經無量數

經幡冥衣冥財等逐一開列，並云無量

數

牒具如前。夙世迷真，遂漂流於

苦海；今日受度，克昇證於仙鄉。集

茲最上之殊因，普薦無邊之逝識。徑

憑妙善，永絕輪迴。俱登快樂之天，長

處光明之界。故牒。

年 月 日牒

可漏

无上黄錄大齋壇 功德牒給付六道四生孤魂滯魄等衆

防送關

无上黄錄大齋壇

本壇奉爲鄉貫某人正薦亡親某乙 普

薦在會衆魂，崇建无上黄錄大齋，普爲六

道四生、孤魂滯魄，修設無礙夜齋。依

按真科，宣行鍊度。今來事畢，除已給

牒執照受生外，合差將吏，管送前去，

須至指揮。

右關本司法院、天神將吏、靈官功

曹、丁甲吏兵，黄錄闔會虛通召命仙吏

等，管送受度衆魂，前去黄錄院，交管

計會直日曹吏。遵依黄錄靈仙科品、

元始符命，開度事理，特與削落罪籍，

俾令隨果超度，託化人天，不得稽滯。

年 月 日關

可漏

无上黄錄大齋壇 關 本司法院神將丁甲吏兵等

无上黄錄大齋立成儀卷之十三

无上黄籙大齋立成儀卷之十四

三洞法師冲靖先生留用光傳授
太上執法仙士蔣叔輿編次

禮成奏謝門

三簡奏

具位臣姓某

右臣謹瀝丹誠，上干天聽，退省僭易，以埃譴誅。臣先據某鄉貫某人投稱，伏為正薦亡親某乙普薦在會亡過某乙等，乞就某處宮觀，崇修无上黄籙大齋，拜奏章詞，宣行符命。恭祈恩霈，普濟幽沉。臣尋於某月日為始，開建寶齋，至某月日罷散。謹依科法，就某處洞天，告投天官名山洞府金龍玉簡；及就建立齋壇之所，告投地官土府金龍玉簡；就某處潭洞，告投水官水府金龍玉簡。拔贖亡故某乙及在會預薦亡魂等罪簿。謹具狀，飛奏金闕三境帝師七寶玉陛下。恭望道慈，允臣所奏，特降敕命，下

泰玄都省，宣告上元賜福天官、諸天曹局、洞天主宰，中元赦罪地官、五嶽十官、九幽地府、九壘土皇、土下諸司靈官主宰，下元解厄水官、江海河瀆、泉曲溪真、水府諸司靈官主宰，遵依玉簡，告命拔出，亡故某及在會預薦亡魂。請滅三惡，斬絕地根。解釋冤仇，增添善果。計功昇度，隨品受生，仰副太上好生之德。冒犯天威，臣誠惶誠恐，稽首頓首，死罪謹錄奏聞，伏候敕旨。

貼黃

奏為某乙修建

无上黄籙大齋正 亡親某乙 普 薦 在會衆魂 滿散依法告敕

三官金龍玉簡乞降

敕命施行事

倚黃

乞降付泰玄都省

右舊儀，山簡、土簡、水簡各一狀奏。內解釋冤仇、增添善果二句，止山簡用之。請滅三惡、斬絕地根二句，水土二簡俱用之。今合為一奏，非惟從省，亦免煩瀆。三簡各日投者，自依

舊法。內三簡奏稱某處洞天，非是洞天去處，則不可稱洞天，止稱某山洞府可也。

可漏

奏狀一緘謹謹上詣
三天門下上清天樞院 請進 具位臣姓某謹重封

申天官

具法位姓某

先據某鄉貫某投稱，伏為正薦亡親某乙普薦在會衆魂，乞就某處，崇修无上黄籙大齋。拜奏章詞，宣行符命。恭祈恩霈，普薦幽沉。某尋於某月日為始，開建寶齋，至某日罷散。謹依科法，就某處洞天，告投天官名山洞府金龍玉簡，拔贖亡故某預薦亡魂等罪簿。除已飛奏上帝外，須至申聞者。

右謹具狀，申上元天官紫微大帝聖前。伏望聖慈，特降聖旨。下上元曹局、名山洞天主司、一切聖衆，遵依玉簡，告命拔出，在會預薦亡魂。解釋冤仇，增添善果。計功昇度，隨品受生，仰副大道好生之德。冒犯聖威，某下情無任惶懼之至。謹具狀申聞。謹狀。

地官

具位姓某

先據同天官狀至，謹依科法，就某處建立齋壇之所，告投地官土府金龍玉簡，後同天官狀

右謹具狀，申中元地官清虛大帝聖前。伏望聖慈，特降聖旨。下中元曹局、九壘土下主司一切聖衆，遵依玉簡，告命拔出，在會係薦亡魂。請滅三惡，斬絕地根。計功昇度。同天官狀結

水官

具位姓某

先據同天官狀至，謹依科法，就某處潭洞，告投水官水府金龍玉簡，同地官狀。右謹具狀，申下元水官洞陰大帝聖前。伏望聖慈，特降聖旨。下下元曹局、靈潛淵水下主司、一切聖衆。同地官狀，結至謹狀

可漏

方函 如常式

天樞院引進狀 裹奏狀，入函發去

靈寶大法司

今月某日發奏狀一函，重封印全，

為鄉貫某人，崇建无上黃籙大齋正薦亡親某乙。普薦在會衆魂滿散，依法告投三官金龍玉簡。乞降敕命，施行事須至申聞者。

右謹具狀，申三天門下上清天樞院。伏乞徑為通奏，恭請敕命，早與頒降施行。謹具狀申聞，伏候昭報。謹狀。

直日功曹關子

靈寶大法司

今發緊急申奏文字，下項一奏狀一函，上詣三天門下上清天樞院請進。一申狀三函，上詣上元天官紫微大帝聖前申上、中元地官清虛大帝聖前申上、下元水官洞陰大帝聖前申上。已上奏狀一函，申狀三函，並用重封印全，須至關發者。

右關某日當直功曹使者，請交管前去，分明請進，申上雲程，不得稽滯時刻。有所遏截，攝付近獄，依律施行。

年 月 日 關

三簡牒

山簡

靈寶大法司 牒上某處洞天仙官主宰是洞天，即稱洞天。是福地，即稱福地。非洞天福地，則稱某山靈官主宰。

照對今月某日為某處某人正薦亡親某乙 普薦在會衆魂，崇建无上黃籙大齋三晝夜。遷拔逝爽，度上南宮。以今功圓事畢，解散齋壇。謹依科法，齋持龍簡壁鈕，投送某處洞天或福地，或名山標記善功，刻名仙籍，須至專牒者。

牒候到，伏請照會，依準玄都舊典奉行。謹牒。

土簡

土府太歲九壘土皇靈官主宰 牒內文作某處靈壇土府

水簡

某處靈澤潭洞靈官主宰 牒內文作某處靈泉水府

投簡獻錢狀

具齋主位姓某

謹備金錢二十四分，從馬二十四疋。

右謹獻上洞天仙官主宰土水二簡，依牒文改此一位，靈壇監察、香官使者、三洞

威神、當境主司里域真官、山水川澤一切正神聖前。伏惟聖慈，俯賜鑒納。謹狀。

年月日 具位姓某狀

三清玉帝謝狀

具法位臣姓某

右臣先錄狀上奏，為某鄉貫某人，狀稱入齋意，至未曾湔洗乞請道士一壇，就某處，崇建无上黃籙大齋三晝夜。依按玄科，宣揚祕範。恭憑道力，俯拔幽途。滿散修設，謝恩清醮，三百六十分位。廣崇善利，總助遷昇。臣尋於某月某日開啓，依科修奉，至某月日滿散已訖。重念臣與同齋道士某等，稟質凡愚，昧於科簡。關行雖畢，違戾實多。仰望天恩，特垂原赦。臣無任瞻天望聖，激切屏營之至。謹具狀上奏，稱謝以聞。謹狀。

年月日 具位姓某狀

可漏

三清玉帝至尊陛下 具位臣姓某狀奏謹封

貼黃

奏為某人乞崇建

无上黃籙大齋 正 亡親 普 薦 在會 超生已行滿散稱謝事

天樞院繳狀裏奏狀入方函內發去

靈寶大法司

今月某日發奏狀一函，為據黃籙大齋主某人正 普薦亡親某乙 在會衆魂，乞請道士一壇，就某處，開建无上黃籙大齋，修設謝恩清醮，三百六十分位。已行滿散，具狀稱謝。事須至申聞者。

右謹具狀，申三天門下上清天樞院。伏乞徑為，通進施行。謹具狀申聞，伏候昭報。謹狀。

年月日 具位姓某狀

方函

申狀一函謹謹上詣 請進 具法位姓某謹重封 三天門下上清天樞院

六幕謝疏

五帝

具法位臣姓某

右臣先具狀奏聞，為某鄉貫同三清狀，至違戾實多。伏望天慈，特垂原赦。臣下情無任，瞻聖望真，惶懼激切屏營之

至。謹具疏上奏，五方五靈五老五帝天君聖前，稱謝以聞。謹疏。

年月日 具法位臣姓某疏

三師

具法位姓某

右某先具狀申聞，為某鄉貫同三清玉帝奏狀，至違戾實多。內稱臣處，並稱名，不稱臣伏望師慈，特垂原赦。某下情無任，瞻聖望真，惶懼激切屏營之至。謹具疏上奏靈寶經師真君，靈寶籍師真君，靈寶度師真君聖前，稱謝以聞。謹疏。

年月日 具法位姓某疏

玄師與三師狀同式

玄中教主上清靈寶聖師真君聖前

天師與三師狀同

太上輔元體道三天大聖都天大法

天師正一靜應真君聖前

監齋與三師狀同

靈寶監齋大法師真君聖前

三官同前式

上元賜福天官紫微大帝聖前

中元赦罪地官清虛大帝聖前

下元解厄水官洞陰大帝聖前

方函

可漏並同啓齋立幕六疏式

三官考功狀

具法位姓某

先據某鄉貫某人狀稱。伏爲正普

薦亡親某乙 在會衆魂崇建无上黃籙大齋，用資超度滿散，修設清醮，三百六十分位，上謝洪恩。今來齋醮圓成，所有在壇攝職道士，並翊衛衆神，及委差神將、功曹土地等神，並皆奉職行事，委有勞績。謹按太真之儀，合行投錄推賞。除已具朱表，奏聞上帝外，須至開列申聞者。

一同齋攝職道士，除某外，開具下項

開列道士姓名

已上道士，並各在壇守職。

一在壇翊衛傳衆神，下項

天下都大城隍主者

某州城隍主者

某神某侯王曾請監壇者

九州社令主者

五方道都大主者

九幽諸地獄主者

操章將軍、僕射天丁、都官使者、功曹從事、直事君符吏、郎決吏、驛龍吏、收食吏、庭令丞小吏等

捧香驛龍騎吏、三五功曹、左右官使者、侍香金童、傳言散花玉女、五帝直符直日香官、監齋功曹使者，左右前後、青龍白虎、朱雀玄武、四靈神君

靈寶大法司、上清天樞院、北極驅邪院、玉樞五雷院、靈寶正一諸階法籙中神仙將吏隨法師所受法籙，將吏言功，嶽兵同此

東嶽統兵、助法神將、東嶽差來守衛神將吏兵等衆、某州某縣城隍司一行守衛神將吏兵等衆、係國祀典廟宇差來防禦吏兵等、某處土地里域真官

已上衆神，並各在壇，傳奏翊衛，效勤本職。

一差委追取鍊度亡魂神將、功曹、土地衆神，下項

某本司差委同三界直符追取亡魂神虎追攝官君、功曹神將等

南陵樞府、朱陵火府、南昌上宮、鍊度一行官吏仙衆

上清黃籙院一行官吏、三界直符使者、某年某月某日某時四直功曹使者

某甲子日啓奏，至某甲子滿散日時，當直功曹使者

火府齋簡童子、金龍驛吏地府齋簡童子、茭龍驛吏

九龍使者
七道功曹

五嶽城隍司十方道等、沿路傳送牒狀土地等神

已上衆神，並各傳送，通達往來，追攝鍊度亡魂，宣布天恩，並無違闕。

右具如前，謹具狀申上元賜福天官紫微大帝、中元赦罪地官清虛大帝、下元解厄水官洞陰大帝聖前。伏乞聖慈，特賜聖旨。下三界所屬真司，計功酬賞施行。謹具申聞。謹狀。

年 月 日 具法位姓某狀

東嶽回兵狀

具法位姓某

先據某鄉貫同三官考功狀，至齋醮圓成所
有元申請差到守衛靈壇，神將吏兵，并
嶽府元差，在本院統兵助法二大將精
兵等。若不曾行天心正法，不用統兵助法將兵等
語，後同並各在壇，委是效勤。本職除已
具朱表，聞奏三天，乞降敕命施行，及
具申三官大帝府，與依格考校、計功推
賞外，須至申聞者。

右前件將吏，除元差在本院二大
將精兵等，仍舊在院外，非行天心正法人，除
自將吏至院外十九字，云右前件昨來申請云所有
昨來申請差到守衛靈壇神將吏兵隨狀
見到。謹具狀申東嶽天齊仁聖帝聖前。
伏乞指揮，所屬收管，依舊著役，聽候
天庭，指揮施行。謹具狀申聞。謹狀。

年 月 日 具法位姓某狀
可漏

方函 如常式

城隍回祠牒 監壇神回祠牒式同

靈寶大法司

當司檢會，先據某鄉貫同三官狀，至齋

醮圓成，所有建齋之初，曾邀神馭，差撥
將兵，翊衛壇場。委有勞績，除已具朱
表，聞奏三天，乞降敕命施行，及申三
官大帝府，與依格考校、計功推賞外，
所合牒請照會，須至移文。

牒請照會回祠，聽候天庭，推恩施
行。謹牒。

日真功曹香官使者等照劄

靈寶大法司

當司檢會，先據某鄉貫同三官狀，至齋
醮圓成，所有建齋之初，及散壇設醮日
分，當直功曹、三界直符、監齋直事、香
官使者，往來傳奏，翊衛壇場，效勤本
職，並無違闕。除已具朱表，聞奏三
天，乞降敕命施行，及申三官大帝府，
與依格考校、計功酬賞外，仰各行照
會，聽候推恩施行，須至指揮。

右劄，付四直功曹香官使者等。
准此。

年 月 日劄

嶽府將兵照劄

靈寶大法司

當司檢會，先據某鄉貫同三官狀，至齋

醮圓成，所有元申嶽府，關請到衛壇將
吏。除已具朱表，聞奏上帝，乞降敕命
施行，及申三官大帝府，與依格考校、
計功酬賞外，合行發回本所。今有東
嶽泰山府公狀一通，仰齋持前去候到，
分明通落，仍依舊著役外，各行照會，
聽候推恩施施行，須至指揮。

右劄，付東嶽泰山府差到衛壇將
吏等。准此。

年 月 日劄後二劄同

城隍將吏照劄

靈寶大法司

當司檢會，先據某鄉貫同三官狀，至齋
醮圓成，所有元牒城隍司，關請到衛壇將
吏。除已具朱表，聞奏上帝，乞降敕命
施行，及申三官大帝府，與依格考校、
計功酬賞外，合行發回本所。今有城
隍司公牒一封，仰齋持前去候到，分明
通落，仍依舊著役外，各行照會，聽候
推恩施施行，須至指揮。

右劄，付城隍司差到衛壇將吏等。
准此。

土地等照劄

靈寶大法司

當司檢會，先據某鄉貫同三官狀，至齋醮圓成，所有當界土地等神，翊衛壇場，效勤本職，並無違缺。除已具朱表，聞奏上帝，乞降敕命施行，及申三官大帝府，與依格考校、計功酬賞外，合行照會，聽候天庭，推恩施行，須至指揮。

右劄，付某處土地等神。准此。

泰山沿路土地照引

並仿此行遣，內改換作：所有泰山沿路土地等，傳遞往來，並無違缺。

日直功曹關

靈寶大法司

今發文字，下項

一奏狀一函，重封印全，上詣三天門下上清天樞院請進。

一疏六函，申狀一函，重封印全，上詣五方五老五帝天君聖前、靈寶經籍度三師真君聖前、上清靈寶聖師真君聖前、三天大聖天師真君聖前、靈寶監齋大法師真君聖前、三元三官大帝聖前申上，除已上下並封印全，須至關發者。

右關某日功曹使者，請照會齋管前去，疾速請進。申上雲程之中，毋令稽滯時刻。故關。

錢馬狀同前式

錢馬單同前式

无上黄籙大齋立成儀卷之十四

无上黄籙大齋立成儀卷之十五

三洞法師冲靖先生留用光傳授
太上執法仙士蔣叔輿編次

醮謝請獻門

聖祖位序說

趙彥衛《雲麓漫抄》云：景祐元年四月，仁宗謂宰臣曰：近年以來，陰陽不順，卦氣乖舛。此必應天之道，有未合於天心，而違於人意者。宜推明咎證之本。臣僚上言，早歲陳彭年等，定中外醮儀，聖祖天尊在北極之上。伏緣北極大帝，總領萬物，主宰中極。聖祖司命真君，因薦尊號，驟居紫微帝君之上。既定位非順，自茲天下郡縣，多致災傷。伏望重行詳定。禮院詳定，當院與道衆，參詳天下道觀。聖祖每遇醮設，於聖祖殿供獻。聖祖天尊及六位仙官，即與衆真，各無相妨，仍別用青詞奏告。如無聖祖殿處，即別設

醮位，爲便從之後。道士欲得聖祖雜於其間，以重其教復合之。自渡江，朝廷作醮，亦從其說。叔輿竊謂，本朝及唐之祀聖祖，猶其祀感生帝也。感生帝，出於諸儒。聖祖，出於方士。其爲附會則一爾。感生帝，即五天帝之一也。有天下者，以其膺五德之運而王天下，其祖感某帝之德而生，故於四時迎氣時祭之外，別爲壇位而特祀之。聖祖，即諸天帝真之一也。唐以李姓出於老子，故祖老子。本朝以趙姓出於黃帝，故祖黃帝。遂加尊號，築景靈宮而事之。州郡天慶觀，率立聖祖殿。其禮至嚴。景祐禮院，詳定天下道觀，每遇醮設，獨於聖祖殿供獻，不與衆真參列，所以尊其祖之所自出也。州縣官僚，爲國爲民，祈請禳禱，遇有醮設，或可邀迎，已失於僭。臣庶之家，不宜僭及。

醮說

有酬酢曰獻，無酬酢曰醮。醮者，用酒於位，敬以成禮也。延真降靈，而以醮名，其古用酒於位之禮歟。自漢

天師流傳醮法，以福羣有。今見於道藏者，其目尤繁。杜廣成先生刪定黃籙散壇醮儀，以爲牲牲血食謂之祭，蔬果精珍謂之醮。醮者，祭之別名也。河圖經品、三洞之中，凡有四十二等，咸以太上爲主，次以北斗爲宗。苟能禮物精豐，心誠丹罄，何善不降，何患不除。然名位雖不同，而儀矩則相類。解穢、禮師、衛靈呪之後，即繼以發爐降神，一獻上香，讀詞再獻，奏錢焚詞，三獻送神復爐。其位寡，故其禮專；其儀簡，故其誠備。鋪度設坐，茶果酒饌，隨力豐儉。多者一百二十杯盤，次或七十二，或六十四，或四十二，或三十六，或二十四。按科戒云，凡設醮，所須飲食餅果，一如齋法。若須市買，皆不得爭論高下，及尸產竊盜之物。燈當用清淨香油，不得用非義之財，及濁雜葷穢之物。其務實而不務文也，明矣。未聞揭立牌位、普醮三界、混合天神地祇爲一壇者也。普醮之設，其起於順天興國，延壽去邪，續命應物，壇範之訛乎。張清都黃籙儀，無謝恩

醮。杜廣成儀，始有之，亦以修齋召命神靈，管衛壇場，宣通關告，往來勞役，所以言功，設此醮筵，用行酬賞。然亦止於壇外，鋪席青巾絳坐，羅列果饌之屬。三寶元師，用香茶人參伏苓湯等。三官五帝將吏，用茶酒杯盞，隨盤爲數。九祖土地日直皆用銀錢。依位作狀，醮訖焚之。其降真醮位，始則以玉京玄都紫微上宮、十方大聖衆、至真諸君丈人，飛仙上真玉童玉女爲一節。次則天地靈仙、諸天大聖、日月帝君、真人神仙玉童玉女。次北極勾陳天皇大帝、北斗七元、南斗六星、三台五星、二十八宿、周天分度、星中神真兵馬騎乘。次五方五帝君、五帝真人、玉童玉女兵馬騎乘。次三官三元、三宮九府、一百二十曹、五嶽真神、洞天治化河海永帝、十二河源仙君、九宮真人、九天司命、五嶽丈人、九天使者、儲副正職、佐命大神、天地神仙兵馬騎乘。次三洞四輔侍經真官、仙公仙伯仙卿大夫、九天御史、玄師天師、嗣師系師、上古三師、經籍度師三寶官屬。次靈寶官

屬、領仙監齋直待真官、侍香將吏、玉童玉女、六甲官將、六旬玉女、社稷將吏一切靈司。次則身甲三五功曹使者、金童玉女、直符香官、執法開化陰陽功曹、消灾散禍解厄君吏等。次身中所佩二十四治建節監功大將軍、四部監功謁者仙靈直使、正一治病促氣三部功曹等。次陰陽神決吏、科車赤符、罡風騎置、驛馬上章、飛龍天仙、飛仙騎吏、上部中部、都官使者、狼吏虎賁、察奸鈎騎、都官僕射、天丁力士、天驕甲卒等。收食氣神鬼邪精諸天騎吏、誅符破廟騎吏等。次弟子元辰、大小行年、本命星辰、驛馬將吏等。醮筵所降，聖真之目，總十有三項。而土地里域真官，則降之於西席。所列之杯盤有限，而所降之真靈無窮。亦以皇天后土，享于克誠，不以其物故也。蔡致虛黃籙齋醮儀，設位雖三百六十，而聖目合者甚多。自御位用專狀外，餘悉以類相從，止作都疏獻送，意似有見於此。路時中黃籙大齋儀範，正筵一百二十，而冥官四十位在外。每位一

請一獻，其禮備矣。然謂憑此為足以感格神靈則未可。蓋道集虛者也。吾心苟虛，即與道合。齋戒沐浴，卮酒可獻千真。若徒泥於色相之間，終有拘攣不通之處。文為日盛，古意寢失。今時所請醮位，又多有不與齋法相關者。日數既逼，修寫不精。法師無緣過目，悉舉而委之。筆史之手，寧免錯亂，靈誤誠敬，果安在哉。刪除繁文，旋復古法。要在哲匠，能弘之耳。田先生齋儀云，設醮，古儀不載。唐先生若山有之。若師古之士，當從晉唐舊法。然謝恩設醮，留冲靖固常因之矣。今不敢廢，具式如後。

請醮四等狀式

第一等奏請狀

內格式合換，勿並注。在醮筵聖位卷內，見聖真班次門。

奉醮具官位臣姓某

先為，正 普薦亡親某乙 在會亡過等

魂，崇建无上黃籙大齋。某月某日已行滿散。謹取某月某日夜，祇設清醮三百六十分位。仰謝洪恩，合預具狀奏請

者。

右臣謹昧死具狀，奏某位尊帝陛下。恭望道慈，允今奏請事理。於至日夜，俯降恩光，鑒臨御座。冒犯天威，臣無任誠惶誠恐，激切屏營之至。謹具狀，上奏以聞。謹奏。

年 月 日奉醮具官位臣姓某狀奏

可漏

某帝尊陛下 奉醮具官位臣姓某謹封

方函

謹 謹 上 詣 請進奉醮具法位臣姓某謹重封 三天門下上清天樞院

第二等奏請狀

奉醮具官位臣姓某

先為 同第一狀，至仰謝洪恩，合預具狀奏請者。

右謹具狀上奏，伏望天慈，於某日夜，俯降恩光，鑒臨御座。冒犯天威，臣無任惶懼，激切屏營之至。謹具狀奏聞。謹狀。

年 月 日奉醮具官位臣姓某狀奏

第三等申請狀

奉醮具官位姓某

先為同第一等狀，至仰謝洪恩，合預具狀申請者。

右謹具狀申聞，伏望聖慈，於至日夜，降臨醮座。干犯聖威，某下情無任惶懼之至。謹狀。

年 月 日奉醮具官位姓某狀

第四等上請狀

奉醮具官位姓某

先為同第一狀，至仰謝洪恩，合預具狀上請者。

右謹具狀申聞，伏望神慈，於至日夜，降臨醮座。謹狀。

年 月 日奉醮具官位姓某狀

天樞院繳進狀

靈寶大法司

本司今月某日發奏狀十函，重封印全。為某人正 普薦亡親某乙 在會眾魂，崇建无上黃籙大齋。某月某日已行滿散，謹取某月某日夜，祇設清醮二百六十分位，仰謝洪恩，合預錄狀，奏請須至，開具申聞者。

玉清上帝元始天尊陛下

上清大帝靈寶天尊陛下

太清大帝道德天尊陛下

昊天至尊玉皇上帝陛下

勾陳星宮天皇大帝陛下

紫微中宮北極大帝陛下

東極宮中大慈仁者尋聲太乙救苦天尊御前

天尊御前

太微南極長生大帝御前

十方救苦天尊御前

后土皇地祇殿下

右謹具狀，申三天門下上清天樞院。伏乞徑為，通奏施行。謹具狀申聞，伏候昭報。謹狀。

年 月 日具法位姓某狀

發請狀關子

日直功曹關

靈寶大法司

當司先為黃籙大齋主某人，正 普薦某乙亡魂 在會眾魂，崇建无上黃籙大齋。今月某日已行滿散，今取某月某日夜，祇設清醮，三百六十分位，上謝洪恩。今發奏請狀一十函，申狀幾函，重

封印全，上詣三天門下、上清天樞院，請進須至關發者。

右關某日當直功曹使者，請疾速齋管，前去分明，請進雲程，不得稽滯時刻。有所邀阻，攝赴近獄，依律施行。故關。

年 月 日 時關

功曹符使關

靈寶大法司

當司先為同日直關，至上謝洪恩，合預錄狀，請諸天帝尊、三界真仙，係醮主宰、一切威靈。除已各具專狀外，開具下項，欲仗神威，須至關發者。

一奏請狀，三十四通，上詣

某尊帝御前逐一開列，已上逐處請進。

進。

一申請狀，二百五十四通，上詣

某聖位聖前逐一開列，已上逐處申

上。

一上請狀，六十二通，上詣

某神位逐一開列，已上逐處投下。

右關某年年直功曹使者，某月月直

功曹使者，某日日直功曹使者，某時時

直功曹使者，上界直符使者，中界直符使者，下界直符使者。請疾速齋管前去，各照界分，徧詣闕庭等處。通進申上，所冀聖真降鑒，醮事周圓。無或稽違，有干玄律。故關。

年 月 日 關

青詞 共三道

維某年太歲某甲某月某朔某日某甲某路某鄉貫居，具官位姓某，謹罄哀丹誠，上干天聽。同齋詞，至投龍進簡。正薦，再自仰仗道慈起，至福佑見存。普薦，再自所資功德起，至福佑見存以今功圓事竟，解散齋壇。謹取某月某日夜，祇設清醮，三百六十分位，上謝洪恩。臣誠惶誠恐，稽首頓首，再拜上奏。

玉清聖境虚无自然元始天尊

上清真境太上道君靈寶天尊

太清仙境太上老君道德天尊陛下

臣伏以詞並同前詞式結謹詞。

玉皇一詞

太上開天執符御曆含真體道昊天

玉皇上帝陛下

勾陳三位一詞

勾陳星宮天皇大帝

紫微中天北極大帝

太微南極長生大帝御前

東極一詞

東極宮中大慈仁者太乙救苦天尊

十方救苦天尊御前

后土一詞

承天效法厚德光大后土皇地祇殿

下

內封及方函式見詞疏門

引進狀 不裹青詞，別作一函發

靈寶大法司

本司今月某日，奉為黃籙大齋主某

人正薦亡親某乙 普薦在會亡魂，崇建无上黃

籙大齋，已行滿散。今月某日夜，祇設

清醮三百六十分位，上謝洪恩。所有

進拜青詞五通，除已恭對太上御前宣

讀訖，合行繳發前去，須至申聞者。

右謹具申三天門下省，伏乞引進，

徑為通奏施行，謹具申聞。謹狀。

年 月 日 具高功法位姓某

狀

可漏方函見詞疏門

申狀狀式見正奏門

詞疏關子

靈寶大法司

當司今月某日，伏為黃籙大齋主某

人，滿散无上黃籙大齋，祇設清醮三百

六十分位，上謝洪恩。所有進拜青詞

五函，及功德疏一函，各已恭對太上御

前宣讀訖，並繳進狀二函，並重封印

全，須至關發者。

右關某日當直功曹使者云云。同齋詞

關式。如散醮夜深，關兩日功曹，發式具六卷

詞疏門。

進獻禮物四等狀式

換易間，注在醮筵聖位卷內。

第一等獻狀

奉醮具位臣姓某

恭備

龍車一乘。

右謹隨狀上進，恭望天慈，俯賜昭

鑒。冒犯天威，臣誠惶誠恐，稽首頓首，

謹具上進以聞。謹進。

年 月 日 奉醮具位臣姓某狀

進

可漏

某帝尊陛下 奉醮具位臣姓某狀進謹封

方函

進獻狀一函上詣 請進 具高功法位臣姓某謹重封
三天門下

地祇用鳳輦，稱宸慈、聖威。

方函

后土皇地祇闕下

第二等獻狀

奉醮具位臣姓某

恭備

龍車一乘。

右謹隨狀，上進以聞。冒犯聖威，
臣誠惶誠恐，稽首頓首，謹具狀奏聞。
謹狀。

年 月 日奉醮具位臣姓某狀

可漏同前式，後同

第三等獻狀

奉醮具位姓某

恭備

太上昇玄消灾護命妙經、金錢
一分、從馬一疋。

右謹隨狀上獻，伏惟聖慈，俯賜昭
鑒，謹具狀申聞。謹狀。

年 月 日奉醮具位姓某狀

第四等上獻狀

奉醮具位姓某

謹備太上昇玄消灾護命妙經冥官獻
救苦經、金錢一分、從馬一疋。

右謹隨狀上獻，伏惟神慈，俯垂鑒
納。謹狀。

年 月 日奉醮具法位姓某狀

三天門下繳狀

靈寶大法司

本司今月某日發進獻狀九函，各封
印全。為某人滿散黃籙大齋，修設謝恩
清醮三百六十分位，進獻龍車事，須至
申聞者。

右謹具狀，申三天門下省，伏乞徑

為通進施行，謹具申聞。謹狀。

年 月 日具高功法位姓某狀

方函

可漏同前式

發進獻禮物日直功曹關

靈寶大法司

當司今月某日，奉為黃籙大齋主
某，滿散无上黃籙大齋，修設謝恩清醮。
所有進獻車輦等，除已各具專狀外，須
至關發者。

一進獻狀九函，申狀一函，各重封
印全，龍車九乘，上詣三天門下請進。

一進獻狀一函，重封印全，鳳輦一
乘，上詣后土皇地祇殿下請進。

右關某日當直功曹使者，請疾速齎
管前去，隨從車輦，徑詣逐處闕庭請
進。不得墜違，有干玄律。故關。

年 月 日關

三界直符關

靈寶大法司

當司奉為同前關，至謝恩清醮三百六十分
位，所有貢獻三界聖真、係醮主宰，龍車
金錢從馬。除已各具專狀外，須至關
發者。

一進獻狀若干函，龍車幾乘，

上詣某帝御前逐項開列聖位。

一進獻狀若干函，金錢若干分，從馬

若干疋，上詣某聖位聖前逐項開列

一上獻狀若干函，銀錢若干分，從馬

若干疋，上詣某神位逐項開列。

右關上界直符使者、中界直符使者、下界直符使者，請各齋管，分詣闕庭等處進獻，毋令差互，及有墜違。故關。

年月日 時關

唐武宗皇帝九天生神保命齋詞

維大唐會昌五年歲次乙丑十月乙亥朔十四日戊子，仁聖文武章天成功神德明道大孝皇帝，臣某謹稽首再拜，虔誠上啓至真無極大道元始天尊，太上大道玉晨君，大聖祖高上大道金闕玄元天皇大帝太上老君，玉清大有天寶君、上清玄妙靈寶君、太清太極神寶君三寶尊神，三寶丈人，玄都紫微九天大帝君，東華南極西靈北真四天神，三十六天帝，三十二天君，十方靈寶至極天尊，五老上帝三景君，道德衆聖三元君，太極天帝天師君，元洞至極明皇道君，三十六部尊經，玄中大法師，三光衆聖，八景靈君，三十六地、嶽瀆正神，河海川澤、名洞靈山、諸化福地得道神仙，三界應感，一切真靈。臣聞萬化之

初，總之者妙道；群靈之表，冠之者至真。剖判玄黃，裁成品彙。幽明既辯，主宰有倫。九皇司牧以無爲，八帝統區而有度。洎乎，清源斯壅，玄澤不流。舜禹遺揖讓之風，湯武起干戈之役。禮樂隳於大樸，俎豆矜其小成。玉帛徒美於爭馳，世道亦悲於交喪。斯所謂時君忘本，至理莫追。悠悠含生，眇然何怙。是知凝旒負宸非道，無以寧至理；垂裳非德，無以立我國家。玄元錫祐，仙李標華。承德明興聖之基，紹高祖太宗之業。庭除六合，簷無九圍。扇之以熏和，沐之以渥澤，治之以聲教，正之以詩書。惠露洽於幽陰，百神咸秩；仁照周於萌蘖，大樂同和。趙二百年，一臻于道。顧惟涼德，祇嗣洪圖。思弘清淨之規，以兆寰瀛之福。冥心丹簡，屬想玄經。披太上九天之文，得元洞生神之旨。將陳寶籙，首備齋壇。錦幣華繒，金龍白璧。普萬天而展禮，極旦境而告虔。所期肸鬻咸通，昭彰會祉。鵜林鯨水，咸歸仁壽之鄉；海水域中，一變華胥之俗。豈使

燕昭臺上，獨凝三素之雲；漢武殿前，嘗降九靈之駕。蓋保綏於億兆，非金慕於騫騰。列聖衆真，降茲伸懇。謹遣道士東嶽先生，修九天寶齋，三日四夜，稽首以開。謹詞。

无上黄錄大齋立成儀卷之十五

①「永」疑應作「水」。

无上黄籙大齋立成儀卷之十六

東晉廬山三洞法師陸修靖撰

大唐清都三洞法師張萬福補正

上清三洞法師李景祈集定

三洞法師冲靖先生留用光傳授

太上執法仙士蔣叔輿編次

科儀門一

古法宿啓建齋儀

法師坐堂，弟子九禮三伏。衆官具威儀，贊引高功法師出堂，上五帝、三師、監齋、三官、天師幕香畢。悉詣玄師幕序立。次齋官再拜、上香、執詞函於玄師前，自述修齋意詞，再拜。次齋官回身，捧詞函，跪授法師，師受詞訖，齋官再拜。法師退立于右。

次高功三禮上香告齋杜光庭曰：舊儀令齋主，每日投詞，如告齋之法。既初建齋時已投詞祈告，若每日重疊，即於禮爲煩。今止一度，餘日並停。

具法位姓某上啓，三天化主玄中大

法師。今有大道弟子某官某乙，伏爲某事，就某處修建无上黄籙大齋，三日三夜，投詞列款，關告真靈。今爲依按典儀，建齋爲始，當乞虚空監察、直日直時、傳言侍香、香官騎吏，關盟三界，普告十方，證明功德。使啓奏御達，齋功成就，存亡受度，幽顯霑恩。某及衆官等，不勝激切懇禱，仰望之至各三拜。

次監齋宣職狀，狀畢告誓云，登齋衆官，各揚乃職。務在精潔，冀獲感通。使家國霑恩，存亡受度。不共其事，科有明文，次唱道讚。自告齋至道讚出杜廣成《黄籙齋儀》。

次華夏引，高功至外壇都門，上香祝白啓壇。侍經宣啓壇疏，次宣金鐘玉磬儀。古儀無此，不用亦可。次華夏讚，引高功陞外壇，至地戶外立。次高功於地户之左，密誦入户呪畢。從地户入，升中壇。高功先入，衆官次之。出入口呪，出《金籙簡文經》。

次高功從天門入，陞內壇，上十方香。衆官就中壇旋遶訖，依次立。次上御案香，上香呪。出《洞真經》次都講

唱，各禮師，存念如法。出《三籙簡文經》次高功宣五方衛靈呪。出《真文要解》次都講唱，鳴法鼓二十四通。次三揲香呪祝出杜廣成儀。

次發爐

无上三天玄元始三炁太上老君，召出臣等身中，三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者嚴裝，關啓某處土地里域、真官正神。臣今正爾燒香，奉爲某官某人正薦亡親某乙普薦在會衆魂等，修建无上黄籙大齋，三日三夜，以今初夜，宿啓登壇，朝真行道，補職宣戒，關盟諸天。願得太上十方正真生炁，降流臣等身中，令臣所啓，速達徑御太上无極大道至真玉皇上帝御前各三禮，發爐，復爐，出《三籙簡文》。

建齋設醮，自發爐至復爐，懺謝之詞皆仗仙靈傳奏。故發爐末，稱令臣所啓速達，絕句徑御太上无極大道至真玉皇上帝御前。復爐末，亦稱傳臣向來所

啓，絕句徑御太上無極大道至真玉皇上帝御前。今之世師，不明經旨，却於發爐中間，添入詞意，極其醜縷，煩瀆天真。至於關宣之際，巧求韻美，虛費光景。止一發爐，幾一二刻，其他可知。求其誠懇，果安在哉。祝文所稱，嚴裝關啓。此間土地里域真官，蓋以三界分司，咸有主職。太虛遼邈，未易通傳。人居地界，苟有啓告，須憑當處神司，次第宣達，方其感通。故太極敷齋威儀，出身中及法籙治官，關啓治廬靖化，四面方位，嶽瀆丘沼，諸廟神祇，土地之主，社稷將吏，同爲上啓。而杜廣成醮儀，聖真之外，必別設日直土地之位，正以關奏情詞，根元本始，在此故也。雲光張若海，烏足語此，乃指以爲悞。於五代石晉天福中，著之論說甚矣，其無識也。所稱太上無極大道至真玉皇上帝，舉六合

範圍之大，孰有外於道炁者。至真玉皇、不知包括多少帝尊爲稱。而揚傑修金籙改爲三清上聖昊天玉皇上帝，是求之於區區色相之間矣。況不本經文，輕以私意更易，今不取。餘見齋法修用門次高功上本位香，侍香引齋官左行，上十方香從北方爲始。

次都講唱，各稱法位衆官默稱所受經籙

具法位，奉行黃籙大齋法事。臣某等今故燒香，願以是功德，上爲天子王侯、土地官長、經籍度師、山林巖栖學真道士、同學之人，弟子某所薦亡靈九祖父母、存亡兩代、眷屬親緣、內外姻族、天下人民、飛行蠢動、一切衆生。今故燒香，皈身皈神皈命，太上十方靈寶自然至真无上大道。特乞赦除，前世今世，生死所行，宿對重過，得免離三惡之道，十苦八難；九厄之中，身得道真。飛行虛空，白日升天。侍衛道君，逍遙无上金闕七寶自然宮殿，永與

道合。所啓玄感應聲，上御至真无極道前。出《金籙簡文》

次都講唱，禮十方

志心皈命，北方無極太上靈寶天尊。一拜

東北方，東方，東南方，南方，西南方，西方，西北方，上方，下方。

次都講唱，各皈命懺悔法師長跪懺

臣法衆等志心皈命，無極大道天尊。懺悔齋主某臣衆等，及一切衆生，前世今世，身形所犯，四肢舉措，動違戒律，不依經典。身業大罪，无量无边，並乞蕩除。皆願齋主某臣衆等，及一切衆生，身入至仙，會道合真，稽首禮謝，无上十方正真三寶。一拜

臣衆等志心皈命，無極大道天尊。懺悔齋主某臣衆等，及一切衆生，前世今世，心業所犯，志念不專，情浮意動，馳騁不息。心業大罪，无量无边，並乞蕩除。皆願齋主某臣衆等，及一切衆生，神合真寂，洞入自然，稽首禮謝，无上十方正真三寶。一拜

臣衆等至心皈命，無極大道天尊。

懺悔齋主某臣衆等，及一切衆生，前世今世，口業所犯，善惡反論，綺語飾非，華詞惑衆。口業大罪，无量无边，並乞蕩除。皆願齋主某臣衆等，及一切衆生，性命合道，玄會無爲，稽首禮謝，无上十方至真三寶。一拜

次都講唱曰

臣衆等志心皈命，太上三尊、十方衆聖。禮經如法。

次吟三啓頌三首每首一拜，出《智慧本願大戒經》。

樂法以爲妻，愛經如珠玉。持戒制六情，念道遣所欲。澹泊正炁停，蕭然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲入大乘。因心立福田，摩

摩法輪昇。七祖生天堂，我身白日騰。大道洞玄虛，有念无不契。鍊質入仙真，遂成金剛體。超度三界難，地獄五苦解。悉皈太上經，靜念稽首禮。

次一時稽首，禮三寶。

都講唱曰

至心稽首禮，太上無極大道。一拜

至心稽首禮，至真無上三十六部尊經真文寶符。一拜

至心稽首禮，太上三尊十方衆聖玄中大法師。一拜

次高功左行，至東方，執真文，香上熏之。舉宣婁阿會四字，衆官隨聲呪曰：

宣婁阿會，無想觀音。須延明首，法攬菩曇。稼那阿奕，忽訶流吟。華都曲麗，鮮菩育臻。答落大梵，散煙慶雲。飛洒玉都，明魔上門。無行上首，回蹠流玄。阿陀龍羅，四象吁員。

衆官再拜，置真文於東案，以金龍鎮之，玉尺壓于兩傍。次高功左行，至南方，執真文，香上熏之。舉南閻洞浮四字，衆官隨聲呪曰：

南閻洞浮，玉眸詵詵。梵形落空，九靈推前。澤洛菩臺，綠羅大千。眇莽九醜，韶謠緣邇。雲上九都，飛生自騫。那育郁馥，摩羅法輪。靈持无鏡，攬姿運容。馥朗廓奕，神纓自宮。

衆官再拜，置真文於南案，以金龍鎮之。次高功左行，至西方，執真文，

香上熏之。舉刀利禪猷四字，衆官隨聲呪曰：

刀利禪猷，婆泥咎通。宛藪滌色，太眇之堂。流羅梵萌，景蔚蕭嶠。易邈無寂，宛首少都。阿縵郁竺，華莫延由。九開自辯，阿那品首。無量扶蓋，浮羅合神。玉誕長桑，栢空度仙。

衆官再拜，置真文於西案，以金龍鎮之。次高功左行，至北方，執真文，香上熏之。舉獲无自育四字，衆官隨聲呪曰：

獲无自育，九日導乾。坤母東覆，形攝上玄。陀羅育邈，眇炁合雲。飛天大醜，總監上天。沙陀劫量，龍漢瑛鮮。碧落浮黎，空歌保珍。惡奕無品，洞妙自真。元梵恢漠，幽寂度人。

衆官再拜，置真文於北案，以金龍鎮之。次高功左行，至御前，取中央真文，於香上熏之。舉黃中理氣四字，衆官隨聲，張清都《靈寶五鍊生尸齋儀》，黃帝一炁，天文黃中土炁，總統衆靈。鎮星吐精，流鍊神形。與此不同。當考。

呪曰：

黃中理氣，統攝無窮。鎮星吐輝，流鍊神宮。

衆官再拜，置真文於案上，以金龍鎮之。高功再舉東方玉字寶婁阿會，次南方，次西方，次北方，次中央。如初，衆官同聲，呪五方玉字一徧畢。高功歸位。出《五鍊生尸經》。

次宣十方靈官疏

次唱重稱法位

具位奉行黃籙大齋法事，臣某等謹上啓太上無極大道元始天尊，太上道君，太上老君，十方已得道大聖衆天尊，至真大帝天帝，三十六部尊經，玄中大法師、天師君，上相上宰，四司五帝，三界官屬一切真靈。臣等幸以宿緣，生逢大化九天之劫，延及今身，三寶開圖，三乘御運。真經演教，大道垂科，祕籙靈文，和天安地。上保國祚，下濟存亡。得以凡微，授傳真品，而受法之日，盟告三官。救物度人，立功爲本。是宜弘宣祕妙，開化未聞。凡有歸投，理宜關奏。况奉詞旨，敢不上聞。

宣詞

案如詞旨，備極精虔。齋主某夙值良緣，皈依至道。義形報薦，志切修崇。切慮亡靈某，及九玄七祖，億劫種親。六趣三塗，無邊苦爽。生世之日，罪惡難稱。死入地獄，終天無解。願祈恩霈，開濟存亡。懺謝玄真，披解宿對。上資家國，下祐羣生。臣等不勝所見，謹相携率。依下元黃籙簡文、靈仙品格，於某處靈壇之上，設玄科之式，四界八極，法天象地，以某所齋金龍繒綵，安鎮十方，本命紋繒若干尺，證質丹誠，沐浴五體，洗心靜念。尅用今月某日，修奉无上黃籙大齋，謄詞效款，燒香轉經，然燈續明，照耀諸天。三日三夜，九時行道。拔度亡靈某及弟子某家，億曾萬祖，囚徒死魂，惡對罪苦。謹依科法，宿啓以聞。恩惟太上三尊、十方至聖、玄中大法師，垂神鑒映，省覽所陳。乞敕勒靈寶官屬、土地真官，一合同心併力，營衛齋所，掃蕩內外，清淨壇場，降伏妖魔，馘滅邪祟。使臣等心安神定，思念立感，天清地朗，啓奏御達。

齋功成就，無有窒礙。臣等雖佩至真，參修大法，處身五濁，染跡六塵。三關未調，六情放誕。仰賴禁戒，以檢身心。輒依明科，說戒威儀。使同齋之人，咸知法訓。明晨行道，續更啓聞。謹啓。

自然朝，乃齋法之祖。建齋之始，必先行自然朝。發爐稱名位禮十方懺，三業三啓三禮，爲自然朝。因以敷露真文，讀詞說戒，補職宣禁，即本科所謂謹依科法，宿以啓聞是也。末稱明晨行道，續更啓聞，蓋謂明旦方始正齋行道耳。既欲爲人建齋，則當預告真靈，以修齋之意。古科宿啓，必在建齋之日時。而陸天師所撰靈寶道士自修盟真齋儀，則不宿啓，止於齋日清旦，說戒接續，登齋行道，繼以言功，口表正經。科止云：建齋，當先行自然朝。初無宿啓散壇之文故也。雲光張若海，智識膚淺，不睹經文，輒以己見，肆

爲妄論。筆之於書，凡二十條，大悖經教。遂使後世不學之徒，乘非蹈謬，悉於宿啓之前說戒補職，且補職授簡然後升壇。杜廣成先生，固嘗非之矣。說見齋法修用門中李景祈所集齋科，却於建壇之日午後，先於大道前行自然朝，說戒復歸玄師幕，補職宣禁，至夜方始依科宿啓。則是於未建齋之初，一日之間，兩行自然朝也，不幾贅乎。向在竹宮，曾與留冲靖論及此。留冲靖以爲，止緣宿啓之夜，分燈破獄，召靈沐浴，事緒極多。若不如此，則晷漏有限，將有不逮事之憂。然畢竟非古法。今悉改從本科，倘宣行齋事，不求觀美於讚詠繁文之末，止依經科修奉，要亦自有餘力。好古之士，共弘之焉。

次吟智慧頌三首 每一首，一拜，出《智慧觀身經》。

智慧起本無，朗朗超十方。結空

峙玄霄，諸天挹流芳。其妙難思議，虛感真實通。有有竟不有，無無无不無。

智慧常觀身，學道之所先。渺渺任玄肆，自然錄我神。天尊常擁護，魔王爲保言。晃晃金剛軀，超超太上前。

智慧生戒根，真道戒爲主。三寶由是興，高仙所崇受。汎此不死舟，倏欵濟大有。當此說戒時，諸天咸稽首。

次旋行一周，法師面東立

次唱禮十方

衆官等各各首體投地，默禮十方。

方各一拜，從北爲始。

次唱衆官平坐說戒威儀衆官西方面

東坐，弟子於壇前同受戒，法師三捻香說戒

天尊告太上道君曰，今當普宣法

音，開悟羣生，爲諸男女，解灾却患，請福受命，拔諸苦根。使生者見道，身脫八難；死者懽樂，飲食天堂。早生人中，轉輪聖王之家。修齋求道，皆當一心。請奉十戒，諦受勿忘。專精默念，洞思自然。勿得雜想，撓亂形神。能如是者，便當靜聽。

第一戒者，心不惡妬，无生陰賊。

檢口謹過，想念在法。

第二戒者，守仁不殺，愍濟羣生。慈愛廣救，潤及一切。

第三戒者，守正遜義，不淫不盜。常行善念，損己濟物。

第四戒者，不色不欲，心無放蕩。正潔守謹，行無玷汙。

第五戒者，口無惡言，言不華綺。內外中直，不犯口過。

第六戒者，斷酒節行，調和氣性。神不損傷，無犯衆惡。

第七戒者，不得嫉人勝己，爭競功名。每事推遜，退身度人。

第八戒者，不得評論經教，訾毀聖文。躬心承法，常如對神。

第九戒者，不得鬥亂口舌，評詳四輩。天人咎恨，傷損神炁。

第十戒者，舉動施爲，平等一心。人和神穆，行常使然。

已上十戒能持否，衆官各稱能持。天尊言，修奉清戒，每合天心，常

行大慈。願爲一切，普度厄世。慊慊尊教，不得中怠。寧守善而死，不爲惡

而生。於是不退可得拔度五道，不履三惡諸天所護，萬神所敬，長齋奉戒，自得度世。

天尊言，道尊法妙，人身亦貴。故道開法遺戒經文，以度人身。人身既度，上與道同。宜爲精行，持齋奉戒，夷心靜默，志念分明。一意皈向，專想不貳。滌蕩六腑，過中不味。內外清虛，每合自然。是其齋日，搢香，啓願應心，上徹四天，司邏十部威神，即下履行觀聽，至音鑒映。爾心如戒行道，皆列功諸天。禍福立彰，道不負人。勤行諦受，勿使魔言。

天尊言，建齋行道，四天帝王，皆駕飛雲綠輶，八景玉輿，侍從真人玉女，手執花幡，前導鳳歌，後從天鈞。白鵠獅子，嘯歌邕邕。燒香散花，浮空而來。瞻禮行道，觀聽法音。天王下降，萬靈朝焉。如是，豈可不盡其法也。當先受十戒，然後行道。庠序雅步，靜心閉意。坐起卧息，不離儀格。天王懽悅，列名上清，可謂得道在方寸之間。出《智慧上品大戒經》，元始天尊以開皇元

年，於西那玉國，授太上道君。

次吟奉戒頌，巡行一周歸班。出《仙公請問經》

道爲無心宗，一切作福田。立功無定主，本願各由人。虛己應衆生，注心莫不均。大聖弘至教，亦猶雨降天。高陵靡不周，常卑故成淵。海爲百川王，是能含龍鱗。萬劫保智用，豈但在厥年。奉戒不暫虧，世世善結緣。精思念大乘，會當體道真。

次高功選舉官衆

明日行道，各典所職

高功法師，經云當舉高德，玄解經義。斯人也，道德內充，威儀外備。俯仰動止，莫非法式。三界所範，鬼神所瞻。關啓祝願，通真召靈。釋疑解滯，導達羣賢。法師再拜。受簡畢，又再拜。

都講，經云才智精明，閑練法度。其任也，行道時節，上下食息。先白法師，次引衆官。禮拜揖遜，皆當讚唱。受職者，在位再拜，詣高功位跪受職簡畢，歸位，又再拜，衆官同此。

監齋，其職也，司察衆過，彈糾愆失。秉執科憲，隨事舉白。必使允當，

不得隱濫。

侍經，其職也，營衛尊經，整理巾蘊。高座几案，四坐席地。拂飾齊整，不得懈怠。

侍香，其職也，料理爐器，常令火然灰淨。三時行道，二上轉經。皆預辦備，不得臨用有闕。

侍燈，其職也，景臨四方，備辦燈具，依法安置。光焰火然，常使朗明。若遇風雨，火勢不立，啓白法師，宜停乃停。不得怠替，輒令闕廢。

右詮舉六職，出金籙簡文，是爲登齋威儀。陸天師靈寶齋說光燭戒罰祝願儀叙云，先宿啓畢，次授上品十戒，東向平立，誦智慧頌。誦畢，北向首體投地，回心禮十方。法師還東面西，說戒威儀。說戒畢，法師依舊還署，衆官長跪受簡劄。明日行道，各典所署。選署畢，東向祝復香。衆官引行出治，按次列坐。法師更爲宣科說禁，告示威儀。則是說戒、補職、宣禁，

必當在宿啓後，於科已有明文。然禁制威儀，却於復香之後，方告示者非他。蓋陸天師所說，禁制自太極三十六條外，其餘項目甚多。如第一當使香油充足，淨水盈餘，不得乏少，臨用有闕。次當修治園廁，令上下蔽密，不得敞露。又建齋結坐，不得令散外之人，參雜坐席。供辦齋食，每每簡素清淨。齋日清旦，下白粥、菜菹、鹽豉。日間設食菜羹菜蒸菹薑之屬，竟設大餘。依厨料狀，本科無酒，事有明文等，法禁極爲纖悉。乃是欲使齋主，咸服法訓，十戒，不止爲六職說，當與齋主同受勢只得在復爐後說之，爲合宜也。先行自然朝，然後說戒補職威儀，由晉迄唐，相沿不革。自雲光張若海逞妄謬不經之說，著《元壇刊誤》，淺學者，或宗其說，古法始漸湮微。崇真先生固嘗深闢之矣。據雲光云，今

修齋道士當日齊集至夜，自玄中法師前，齋主投詞、法師關告後，便升壇行事。至大謝後，即轉洞案說戒補職。何倒錯之甚也。又云，朝真之科，與國家裡祀禮同享。前七日，太尉於都省集齋官戒誓，未聞徹祭之後，方戒齋官也。今道士登齋重啓謝後，說戒聽其戒辭，又非齋意自說初入道披度戒文，次第乖違，庠序顛倒。良由昔人，不能刊改，按用謬科。致使後來，乘此誤本。其餘妄謬，未易槩舉。抑不思太上天尊開玄都上宮，紫微玉笈出靈寶妙齋，開度群品威儀之格，具載經文。靈者神也。微妙之功，出於思議之表。變化無窮，故謂之靈。寶者一也，三才所得，而以清寧正者也。所不可失，故謂之寶。人居濁世，三關躁擾，不能閑停。身爲殺盜淫動，故役之以禮拜；口有惡言，綺妄兩舌，故

課之以誦經。心有貪欲嗔恚，故使人之以思神。用此三法，洗心淨行，心行精至，齋之義也。太極真人演經文，而著齋戒威儀之訣。陸天師摭經訣，而撰齋謝戒罰之儀。三錄九幽、解考塗炭、三日七日，一時九時，品目雖繁，儀矩則一。沿流窮源，舍太極真人及陸天師，果何適矣。雲光末識，妄肆評議。崇真先生謂其任庸鄙之淺見，泯賢聖之崇規。賊壞玄綱，非聖無法。譬諸泥蠖、井蛙，不知滄海之大。二十件之乖謬，詳細疏駁，文具道藏。本朝興崇玄學，繹經潤文，蓋置使矣。楊傑重定金錄，乃或因之，是可爲長嘆者也。就雲光所言，今世開建大齋，齋主必預投詞，法師受詞，與之關奏，亦在一月之前。次第進拜章書，頒宣符命，豈不謂之先行其事。若必以爲先行事，而後補職，謂之顛倒。

又安可於未發預告正奏之前，令高功先補職邪。竊詳經科垂補職之文，爲明晨行道設耳。宿啓散壇，不與正齋相涉。雲光乃總正齋言之，謂爲十一朝法事。宜其爲說，如是紛紛也。太上垂齋直懺謝之法，普度天人，津梁品彙。罪既可懺，福亦隨臻。居三界中，因緣輪轉。塵染業累，種種成愆。觸犯三光，嶽瀆十方。經寶積爲罪目，結在九幽，欲析赦拔，必先使之隨方懺謝，蓋爲此也。二十方懺文，則見於黃籙簡文、三元品戒經。十方懺文，則見於真文要解、玉匱盟真科。經豈塵世鄙夫所可擬議哉。一日修奉，止曰齋會。三日以上，方謂之齋戒。七日或九日，久者一月，具載經科行道懺謝之文，則一不以重復爲嫌也。自雲光謂三日道場，凡有十一朝法事，方懺尚占九場，齋主、齋官久立行

事，跛倚壇席，其何以堪。但書懺文，一讀而已。或於大謝之後，宣讀三兩過，只須易換懺文。不可三日內，重讀舊文。而後之行齋事者，始務去繁就簡，習爲穿鑿矣。夫上清齋禮九天，而九天帝即天尊也。科云，鬱單無量天尊是也。洞神齋，十方外，復設中央香案，則十一方也。靈寶盟真齋，雖懺十方，至金籙簡文自然齋禮，十方之外，復禮四極，則十四方也。黃籙三元齋，謝十方外，復禮三光五嶽、水府經寶，則二十方也。禮方之位雖殊，總之不離乎十。蓋元始於空界分作十方，諸天五億、世界三千。一一域中，各有十方三界。日月星宿、天曹地府、九幽地獄天尊，散景分形，世間周遍。隨機所感，說法度人。聖真仙品，高下等級，蓋非肉眼凡夫所能窺測。故上清科，以元始次於九天元父玄母

之後，不爲瀆啓。靈寶經，以三十二天、三十二帝，躋於元始上帝、太上道君之上，不爲褻尊。以各有所因故也。自雲光謂法師先上十方香，是先降十方真炁。凡對三清啓奏，不兼諸天尊號者，乃是瀆無再三，三尊無二上。今之修齋者，宣詞及三上香後，却禮十方，或兼懺謝，又更禮日月星宿、五嶽水帝，亦有懺文十方天尊與日月星宿於三清前猶可，庶幾五嶽水府之神，大不穩便而後之。行齋事者，始不知所適從，遂有東青、西素、南丹、北冥、酆都大帝、閻羅天子等禮，悉以都懺從事矣。夫爲道修齋，當奉戒法。廣度無極，法禁微妙。檢攝意態，伏心就淨。殃垢消滅，智慧自生。拔生死難，就無爲地。深觀所起，察其所滅。因其所病，療以慧藥。若見色利，以戒掩目；若聞惡言，以戒塞耳；

若之甘香，以戒杜口；若放情慾，以戒挫心；若趣惡事，以戒折足。身不犯戒，超出塵羅，可為整百行，建萬善者也。受持清戒，乃可修齋靜思，反聽內視。口不妄言，身不妄動。故無色之色，為之見；無聲之聲，為之聞；無味之味，為之甘；不言之言，為之應。神明為之降，福氣為之臻。未然之福，無願不獲。若外不奉威儀，內不守戒律，行無可紀，功無可著，精誠不至，猶豫懷疑，內外不相應，心口不相副，性急性戾，陰賊嫉傲。念慮疲於外馳，精神消於多慾。雖修齋直，終身無福。以心至不存於內，魂魄勞役於外。和炁無主，故不能有所感動也。修齋說戒，壇官齋主，咸令各持，安可分別。自雲光不見智慧上品大戒經，謂聽其戒辭非齋意，自說初入道披度戒文而後之。行齋事者，始

務立異好奇，恣為誇誕，遂有不得登壇之際少懈威儀、入靜之時啓端喧闐等戒矣。燒香行道，懺罪謝愆，則謂之齋。延真降聖，乞恩請福，則謂之醮。齋醮儀軌，不得而同。今雲光乃謂齋直朝真，與國家裡祀禮同，而香蔬肴醴有異，是全不識齋法本末源流矣，烏足怪哉。選舉六職，若依陸天師舊文，本不容議。自近代令都講昌補六職，而又於職事之下，添入上下僉議，以某人充等語，頗有空礙，高功法師，豈僉衆所可補充者耶。今悉改從陸天師本科，庶免後來者之惑。

次都講唱，衆官等平坐，宣禁威儀三十六禁，出《太極威儀經》。

法師曰，夫齋法清虛，威禁至重。主人當洒掃屋宇，每潔淨了。敕大小、內外寂靜。不可使香油闕乏，法用有虧。

道士登齋，各齋巾褐版履，不得臨

時交換。彼我公事有闕，勿得牽引非己之服。

道士登齋起居，皆當闕白監齋，禮法師一拜，禮香三拜而去。還亦如之。
張萬福天師曰，不敢指三寶，故曰禮香也。

若到齋堂，履屨不整，罰油二斤，准禮二十拜。受拜者，願輸本色，及以香油。准禮者聽。

若坐起不庠序，罰油半升，准禮五拜。

若不正坐，罰朱半兩，准禮五拜。

若臨行法事，與外人交言，罰香一斤，准禮二十拜。

若翻覆香火，罰香半斤，准禮十拜。

若講及世務，罰香一斤，准禮二十拜。

若言語戲笑，罰朱一兩，准禮十拜。

若綺言低睡，罰朱半兩，准禮五拜。

若翻覆燈油，罰油五升，准禮五十拜。

若翻覆燈油，罰油五升，准禮五十拜。

若巾褐不整，罰香半斤，准禮十拜。

若都講讚唱失儀，罰香一斤，准禮二十拜。

若執糾見過，不彈私隱，罰油六升，准禮六十拜。

若侍經不整飾高坐，觸物有闕，罰香半斤，准禮十拜。

若侍香香烟中絕，罰油四升，准禮四十拜。

若侍燈燈火中滅，罰香一斤，准禮二十拜。

若齋主内外不相檢敕，音聲高厲，罰油五升，准禮五十拜。

若聽經倚據不執簡，罰油一升，准禮十拜。

若不注念清虛，心想意倦，爲衆所覺，罰油三升，准禮三十拜。

若出入齋堂，不關白監齋，罰油二斤，准禮二十拜。

若垂髮馳步，罰香一斤，准禮二十拜。

若讀經或亂，請問敗句，罰油三

升，准禮三十拜。

若唱念聲不齊，罰油二升，准禮二十拜。

若陞壇不洗手、漱口，罰油二斤，准禮二十拜。

若坐起揖遜失儀，罰油半升，准禮五拜。

若旋行，不依次第及逆行，罰香半斤，准禮十拜。

若起行來及還坐，不禮經三拜，徑去者，罰香一斤，准禮二十拜。

若臨燒香突行，罰油一升，准禮十拜。

若齋主供辦，觸事有闕，罰香一斤，准禮二十拜。

若受關不啓上，罰油三斤，准禮三十拜。

若齋次因起居逃遁不返，爲衆所糾，罰香五斤，准禮一百拜。

若犯威儀，彈罰不伏者，啓告三寶，退出齋次。

若下坐衆官，法事有虧。從一至三，依科彈罰。從三已上，退出齋次。

執糾不彈，與犯同罪。

若上坐法師，於事有虧，自取愆失，送簡監齋。從一至三，依科彈罰。從三已上，斷功三百日。不得又在法坐。

太極法師曰，凡此禁制，皆玄都上宮、明科舊格。戒其惰慢，檢其愆違。建齋之時，四天王、天真上聖，親降齋所，瞻禮行道。察其行藏，觀其誠志。若有過失，即敕四司五帝，詔下三官，隨事糾舉，加其灾考。天尊大聖，哀念世愚。不欲使其因齋獲罪，故開罰糾之門，使其知過，過而能改，罪亦消焉。受罰之者，責己甘心，恭敬聽命，勿得飾非諛競，干冒真靈。如此則弘整紀綱，解消殃咎。落罪名於既往，延福祉於將來。得不翼翼小心，虔虔夕惕。若親奉大聖，躬朝國君，即真靈感通，福祥臻集。登齋之士，勉而戒之。出《靈寶科玄都律》。

次都講唱，監齋受罰簡監齋受簡三拜而起

次復爐

香官使者，左右龍虎君，侍香諸靈官，當令開建黃籙齋壇之所，自然生金液丹碧芝英，百靈衆真，交會在此，香火爐前。當願齋功成就，存沒霑恩。十方仙童玉女，侍衛香烟。傳臣向來所啓，逕御太上無極大道至真玉皇上帝御前。

次吟學仙空洞頌，出壇出《步虛經》，

《空洞靈章經》

次出戶呪法師候衆官出地戶畢，於戶內向

壇密呪

次參幕至玄師前，高功三捻香，小

啓

謝過三禮，出杜廣成儀

次回向

次都講唱，監齋糾過監齋隨有無言之

次都講唱啓齋事畢，衆官復位

次威儀迎師歸堂，齋主弟子禮謝

法師

杜廣成先生曰：啓齋既畢，衆官

與齋主弟子禮謝法師，遞相致賀。弟

子當虔誠致禮，不得傲誕自高。自建

齋之後，至散齋已前，法師昇壇，轉經

行道，既服朝服，又冠元冠。禮絕，衆官是爲壇主。雖衆官有拜，皆不合答。茅山台嶽，此法久行。岷蜀之中，尚未詮舉。若互相交禮，何表法儀。今但依行，庶全綱紀。散壇之後，一切如常可也。

无上黃籙大齋立成儀卷之十六

无上黃籙大齋立成儀卷之十七

上清三洞法師李景祈立定
三洞法師冲靖先生留用光傳授
太上執法仙士蔣叔輿重修

科儀門二

古法三時行道儀

法師坐堂，弟子九禮三伏。香花華夏，引師出堂，參詣六幕，如宿啓之儀。法師左行，自地戶入壇。入戶呪

次華夏，左旋入壇、昇天門，上十方香，東方爲始。御案香

次高功宣五方衛靈呪出《真文要解妙經》

東方

九炁青天，明星大神。煥照東鄉，洞映九門。轉燭陽光，掃穢除氛。開明童子，備衛我軒。收魔束祿，上對帝君。奉承正道，赤書玉文。九天符命，

攝龍驛傳。普天安鎮，我得飛仙。

南方

南方丹天，三炁流光。熒星轉燭，洞照太陽。上有赤精，開明靈童。總御火兵，備守三宮。斬邪束妖，翦截魔凶。北帝所承，風火八衝。流鈴交煥，敢有不從。正道流行，我享上功。保天長存，億劫無終。

西方

七炁之天，太白流精。光耀金門，洞照太冥。中有素皇，號曰帝靈。保神安鎮，衛我身形。斷截邪源，王道正明。宮殿整肅，三景齊并。道合自然，飛昇紫庭。靈寶符命，普惠萬生。功加一切，天地咸寧。

北方

北方玄天，五炁徘徊。辰星煥爛，光耀太微。黑靈尊神，飛玄羽衣。備衛五門，檢精捕非。敢有干試，豁落斬摧。玉符所告，神真八威。邪門閉塞，正道明開。映照我身，三光同輝。策空駕浮，舉形仙飛。

中央

黃中理炁，總統玄真。鎮星吐輝，流煥九天。開光童子，一十二人。元炁陽精，焰上朱烟。洞照天下，及臣等身。百邪摧落，殺鬼萬千。中山神呪，普天使然。五靈安鎮，身飛上仙。

次都講唱，鳴法鼓二十四通

次高功三揲香祝

次發爐

无上三天玄元始三炁太上老君，召出臣等身中，三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者，嚴裝關啓某處土地里域、真官正神。臣今正爾燒香，奉爲某官某人正薦亡親某乙。普薦在會某乙等，修建黃籙大齋三日三夜。以今第一日清旦，中分落景隨時換易昇壇行道。願得太上十方正真生炁，降流臣等身中，令臣所啓，速達逕御太上無極大道至真玉皇上帝御前。

衆官各三禮

次都講唱，重鳴法鼓二十四通，閱吏兵行事衆官各長跪，叩齒二十四通，出

吏兵

謹出臣等身中五體真官功曹吏。

出上三天執法開化陰陽功曹，度道消灾，散禍解厄君吏，各十二人。出臣身治職君吏，某治中建節監功大將軍，前部效功、後部效殺，驛廷令、驛廷丞、四部監功謁者。出臣等身中仙靈直使，正一功曹、治病功曹、左右官使者、陰陽神決吏、科車赤符吏、罡風騎置吏、驛馬上章吏、飛龍騎吏等，各一人出。出者，嚴裝顯服，冠帶垂纓，整其威儀。直使功曹，戴通天之冠，衣皂紈單衣。正一功曹，冠朱陽之幘，絳章單衣。使者冠九德之冠，五色綬命單衣，腰帶虎符，齎執玉版。直使功曹，住立四方。正一功曹，住立中央。治病功曹，營衛臣等身。左官使者，建節在前。右官使者，持幢在後。陽神決吏立左，陰神決吏立右。上部功曹，住立上方。中部功曹，住臣等身中。促氣功曹、催促十方。上部使者，遠望上天。中部使者，遠瞻八方。都官使者，匝繞臣等身。狼吏虎賁，察姦鈎騎，都官僕射，天驪

甲卒，天丁力士，收炁食炁吏、收神食神吏、收鬼食鬼吏、收精食精吏、收毒食毒吏、收邪食邪吏、誅符破廟吏、科車赤符吏、罡風騎置吏、驛馬上章吏、飛龍騎吏，屯駐臣等前後左右。功曹使者，嚴裝事竟。羅列鹵簿，關啓靈寶官屬、領仙監齋、諸君吏。天師所布下二十四治、三十六靖廬、七十二福地、三百六十名山、崑崙等上宮三萬六千神。日月星宿、璇璣玉衡、天地五帝、三界官君將吏，及道上二玄、三元四始、四面方位，風氣注氣、甲子諸官君，將吏考召君，東九夷胡老君，南八蠻越老君，西六戎氏老君，北五狄羌老君，中央三僚儉老君，五嶽四瀆丘沼君，諸廟神祇，所在高山卑谷，山林孟長，十二溪女，根源本始，土地之主，社稷將吏，一時嚴裝，與臣等身中功曹使者、飛龍騎吏，上啓太上無極大道太上道君，太上老君，太上丈人，太上玄老，十方無極大道道德衆聖天尊，至真大帝天帝，天師君，靈寶監齋大法師諸官君。臣等生長魔俗，沉淪季業。玩樂榮華，宿命

因緣。忽見啓拔，得奉大道。已上出《太極敷齋威儀經》。荷恩隆重，喜懼交襟。臣等受法之日，約以奉修玄旨，表效丹誠。敷暢真風，廣宣惠澤。慈心愛物，開度天人。今有某州某縣某官，爲某亡靈某甲請修无上黃籙大齋。謹依科法，齋金龍繪綵，香花油燭，證質丹誠，以祈所願。臣等忝職玄司，不勝所見。謹爲沐浴五體，洗心正念。依下元黃籙簡文靈仙科品，於某處，建立皇壇，奉修无上黃籙大齋，三日三夜，九時行道，露身三光之下，稽顙十極之前。燒香然燈，轉經念真，爲弟子某拔度亡靈某及門中祖玄靈識，九幽一切長夜死魂，懺罪謝愆，離苦昇樂。覃恩家國，資福見存。普及含生，俱登道果。謹上請三洞天仙兵馬、地仙兵馬、飛仙兵馬、真人兵馬、神人兵馬、日月星宿兵馬、九宮五帝兵馬、三河四海兵馬、五嶽四瀆兵馬，各九億萬騎。三十二天，監齋直事、侍香金童、散花玉女、五帝直符、傳言奏事、飛龍騎吏等，各三十二人，一合來下，監臨齋所。爲齋主某拔度亡

靈某甲，及九祖父母，窮魂苦爽，得出長夜九幽之府，斷絕罪根，出離三塗五苦之中，身入光明。上昇天堂，衣食自然。轉輪更生，福慶之門。齋主某今齋信效心，歸命十方無極世界，已得道大聖衆、至真諸君丈人、十方諸靈官。乞所願從心，身得過度，三灾九厄，十苦八難，自請官至此，並出黃籙簡文衆惡之中。保國寧家，普及含識。須行道事竟，有功勤者，謁還天宮。功曹使者，飛龍騎吏，分別關啓，以時上達。列啓事竟，各還臣等身中，復於宮室，須召又到，一如故事。各鳴法鼓三通，咽液三過。建齋止第一日，清旦出官。自餘否。道士不受靈寶法，不受都功盟威籙，不可出官行齋。

右出官啓事，按三洞科儀，籙品不同，真官亦異。當各隨身中所度仙靈吏兵出之。至若建靈寶齋，出盟威都功治職君吏。所以科儀云，受盟威都功籙者，止稱攝行齋事。蓋爲此上清齋，出靈寶洞玄中盟五法官吏。夫籙始於正一，演於洞神，貫於靈寶，極於上清。上清，匿景韜光，精思上

道。志期輕舉，全不涉俗。洞神，役御神靈，消伏魔癘，其於遷拔，已不相干。陽光敷演道德自然，昇玄講究真實法性。冥心修鍊，與道合符。修身保命，開度天人。蓋無逾於靈寶齋者。受道之士，先受正一盟威三五都功。修持有漸，方可進受靈寶中盟、上清大洞諸錄。否則爲躐等僭越，違太真之格，今世羽流不體。太上慈悲演教之意，切切然，惟貨利是營。上清靈寶，盟威信金既重。止憑化士於宗壇，受一法錄詞文，便稱某錄弟子，行持齋事。又有止受都功昇玄等錄，輒出靈寶齋科仙靈真官者。遐方僻郡，習以成俗。非惟有犯玄憲，抑實矯誣上天。杜廣成儀云，其他十戒，白簡道士，不可補職昇壇，此外竊預名號，自貽陰譴。建齋之主，寧免負累，得不戒哉。行齋之士，所當痛革。

次都講唱各稱法位

具法位奉行黃籙大齋事，臣某等謹同誠上啓，虛无自然元始天尊、無極大道太上大道君、太上老君、高上玉皇、十方已得道大聖衆、至真諸君丈人、三十二天帝君、玉虚上帝、玉帝大帝、東華南極西靈北真玄都玉京金闕七寶玄臺紫微上宮靈寶至真明皇道君、三十六部尊經、玄中大法師、三界官屬一切真靈。臣等夙命因緣，生值大化。玄真啓拔，得入信根。三師盟受，三寶神經。法應度人，九萬九千。位登至真而功微德小，未能自仙。志竭軀命，佐國立功。已上並出靈寶玉匱明真科凡所歸投，理宜關奏。今奉詞旨，敢不上聞。

次宣詞

按如詞言，精誠丹切。願憑大道，開度存亡。齋主某仰慮亡靈某及九祖父母、一切窮魂。生世之日，罪惡難稱。死入地獄，終天無解。伏聞无上黃籙大齋，功高萬法，惠覃無窮。謹依玄科，奉齋金龍紋繒、本命之信，香花油燭，表效丹誠。請拔九祖窮魂、長夜

之苦。仰祈玄佑，普福幽明。臣等謹爲

滌慮澄神，冥心靜念。依黃籙簡文靈仙典格，拔度科品，敷建靈壇。四界八極，法天像地。立齋行道，燒香然燈。懺謝存亡，三世罪考。奉爲亡過某及齋主家億曾萬祖、囚徒死魂，開諸光明，解脫苦難。免離惡道，轉入信根。今故燒香，自皈依師尊大聖衆，至真之德，得道之後，昇入無形。和與道合真。

師弟子一時左回，三上十方香，還西，面東立，師祝曰

臣等今爲齋主某拔度亡靈某及九祖父母，九幽玉匱、長夜之府，死魂惡對，宿身罪根。功德開度，建齋燒香，請謝十方。願爲亡故某及某家九祖父母，長夜死魂，拔出幽一作憂苦，上升天堂。今故燒香，歸身歸神，歸命大道。臣等首體投地，歸命太上三尊。願以是功德，歸流亡靈某及某家九祖父母、一切死魂。乞得免離十苦八難、長夜之中。身見光明，上升天堂。衣食自然，長居無爲。今故燒香，自皈依師尊大聖衆，至真之德，得道之後，昇入無形。和與

道合真。

師弟子左迴，三上十方香，如上，

法師祝曰

臣等今爲齋主某拔度亡靈某及九祖父母，九幽玉匱、長夜之府、死魂惡對，宿身罪根。功德開度，建齋燒香，請謝十方。願爲亡故某及某家九祖父母，長夜死魂，拔出幽苦，上昇天堂。普爲帝王國主，君臣吏民，受道法師，父母尊親，同學門人，隱居山林、學真諸道士賢者。願各得真道，歸身歸神，歸命大道。臣等首體投地，皈命太上三尊。願以是功德，歸流帝王國主、君臣吏民、受道法師、父母尊親、同學門人、隱居山林學真諸道士賢者。願各得真道，安居無爲。今故燒香，自皈依師尊大聖衆，至真之德，得道之後，昇入無形。和與道合真。真①

師弟子左迴，三上十方香，如上，

法師祝曰

臣等今爲齋主某拔度亡靈某，及九祖父母，九幽玉匱、長夜之府，死魂惡對，宿身罪根。功德開度，建齋燒香，

請謝十方。願爲亡故某及某家門宗室，九族姻親，國中吏民，同學友流，天下人民，螿飛蠹動，蚊行蝟息，已生未生，一切衆生，皈身皈神，皈命大道。臣等首體投地，皈命太上三尊。願以是功德，皈流弟子某身，令得仙度，身入無爲，與四大合德。天下人民，螿飛蠹動，已生未生，一切並得免離十苦八難、五毒水火、十灾萬害、賊疫鬼炁、刑厄之中。今故燒香，自皈依師尊大聖衆，至真之德，得道之後，升入無形。和與道合真。已上，並出黃籙簡文經。前後稱與道合真者，凡四。皆本經文。

右張清都科，三上香，不能巡行。當使侍香執爐左行亦可。然不若令侍香，引齋主，逐方上香，爲合儀也。大率行道，不可久占時光。劬勞甚，則禮容惰，反無功矣。太上流傳齋法，本爲學道之士，謝罪求仙，令其更相開度。故齋儀上香念願，祝帝王國主之後，必祝三師，及受道法師，同學門人。而黃籙簡

文正科並稱，今爲同法某甲蓋可見矣。後世用之於他人，其間詞語，未免稍有遷就處。然三捻香，祝願帝王師資之語，諸經盡然，切不可改。

次都講唱禮二十方懺悔

東方

臣衆等，至心歸命，東方無極太上靈寶天尊、九炁天君、東鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青上宮、拔度科品，齋青紋之繒九十尺，九尺金龍一枚，皈命東方無極太上靈寶天尊、九炁天君、東鄉神仙諸靈官。拔贖亡故某及齋主某家罪錄，開度窮魂，身入光明。上昇天堂，衣食自然，早得更生福慶之門，某甲身得道真。和與神合同。

次東南方

臣衆等，至心歸命，東南方無極太上靈寶天尊、梵炁天君、東南鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青中宮、拔度科品，齋黃紋之繒一百二十尺，一十二尺，金龍一枚，皈命東南方無極太上靈寶天尊、梵炁天君、東南鄉神仙諸靈官。拔贖亡靈某及齋主某家九祖父母，一切死魂，惡對罪根，三界司筭。女青中宮，削除罪錄，開度窮魂，身入光明。上昇天堂，衣食自然，早得更生福慶之門。其甲身得道真。和與神合同。

次南方

臣衆等，至心歸命，南方無極太上靈寶天尊、三炁天君、南鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青陽宮、拔度科品，齋絳紋之繒三十尺，三尺，金龍一枚，皈命南方無極太上靈寶天尊、三炁天君、南鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青陽宮，削除罪簿，開度窮魂，身入光明。上昇天堂，衣食自然，早得更生福慶之門。某甲身得道真。和與道合同。

次西南方

臣衆等，至心皈命，西南方無極太上靈寶天尊、梵炁天君、西南鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。

罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青下宮、右官拔度科品，齋黃紋之繒一百二十尺，一十二尺，金龍一枚，皈命西南方無極太上靈寶天尊、梵炁天君、西南鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青下宮右官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次西方

臣衆等，至心皈命，西方無極太上靈寶天尊、七炁天君、西鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青右宮、

陰官拔度科品，齋白紋之繒七十尺，七尺，金龍一枚，皈命西方無極太上靈寶天尊、七炁天君、西鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青右宮陰官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次西北方

臣衆等，至心皈命，西北方無極太上靈寶天尊、梵炁天君、西北鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青太陰宮、水官拔度科品，齋黃紋之繒一百二十尺，一十二尺，金龍一枚，皈命西北方無極太上靈寶天尊、梵炁天君、西北鄉神仙諸靈官。拔贖亡故某及齋主某家九祖

父母，一切死魂，惡對罪根，三界司筭。女青太陰宮水官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次北方

臣衆等，至心皈命北方無極太上靈寶天尊、五炁天君、北鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青太陽宮火官、拔度科品，齋黑紋之繒五十尺，五尺，金龍一枚，皈命北方無極太上靈寶天尊、五炁天君、北鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青太陽宮火官，削除罪錄，開度窮魂，身入光明。上昇天堂，衣食自然，早得更生福慶之

門。某甲身得道真。和與神合同。

次東北方

臣衆等，至心皈命，東北方無極太上靈寶天尊、梵炁天君、東北鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青左宮禁官、拔度科品，齋黃紋之繒一百二十尺，一十二尺，金龍一枚，皈命東北方無極太上靈寶天尊、梵炁天君、東北鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青左宮禁官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次上方

臣衆等，至心皈命，上方無極太上

靈寶天尊、三十二天帝君、玉京玄都紫微上宮諸真人、神仙玉女、無極世界上鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青上宮都禁官、拔度科品，齋青紋之繒三百二十尺，三十二尺，金龍一枚，皈命上方無極太上靈寶天尊、三十二天帝君、玉京玄都紫微上宮諸真人玉女、上方無極世界上鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青上宮都禁官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次下方

臣衆等，至心皈命，下方無極太上靈寶天尊、高皇九土四司五帝、十二仙

君、九宮真人、神仙玉女、無極世界下鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所犯元惡。罪結九幽長夜之府，魂充考撻，諸痛備嬰。形體毀瘁，苦毒難任。長淪萬劫，終天無解。今依盟真玉匱、女青下宮四司官、一無官字拔度科品，齋黃紋之繒三百二十尺，三十二尺，金龍一枚，皈命下方無極太上靈寶天尊、高皇九土四司五帝、十二仙君、九宮真人、神仙玉女、無極世界諸靈官。拔贖亡故某及齋主某家九祖父母，一切死魂，惡對罪根，三界司筭。女青下宮四司禁官，削除罪錄，開度窮魂，身入光明。上昇天堂，衣食自然，早得更生福慶之門。某甲身得道真。和與神合同。

次日宮向東北方唱禮

臣衆等，至心皈命，日宮至真大聖日君夫人、炎光童子、日中神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，逮及某身，受生所行，罪結難稱。死魂殃對，流曳長夜。九幽之中，充受考撻，諸痛備嬰。長淪萬劫，終天無解。今故燒香皈命日君夫人、炎光童子、丹霞玉女、日中神仙諸靈官。乞丐原赦，所行罪負。上觸天光，生死殃對。拔度亡故某及九祖父母，囚徒死魂，開出光明。上昇天堂，衣食自然。某身得道真，上與日君，和同光自然。

次月宮向西南方唱禮

臣衆等，至心皈命，月宮至真大聖月君夫人、圓光玉女、月中神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，逮及某身，受生所行，罪結難稱。死魂殃對，流曳長夜。九幽之中，充受考撻，諸痛備嬰。長淪萬劫，終天無解。今故燒香皈命，月君夫人、圓光玉女、

月中神仙諸靈官。乞丐原赦，所行罪負。上觸天光，生死殃對。拔度亡故某及九祖父母，囚徒死魂，開出光明。上昇天堂，衣食自然。身得道真，上與夫人，和同光自然。

次星宮向北方唱禮

臣衆等，至心皈命，諸天星宿、璇璣玉衡、周天三百六十五度星中大神、星中夫人、星中神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，逮及某身，受生所行，罪結難稱。死魂殃對，流曳長夜。九幽之中，充受考撻，諸痛備嬰。長淪萬劫，終天無解。今故燒香皈命，諸天星宿、璇璣玉衡、周天三百六十五度星中大神、星中夫人、星中神仙諸靈官。乞丐原赦，所行罪負。上觸天光，生死殃對。拔度亡故某及九祖父母，囚徒死魂，開出光明。上昇天堂，衣食自然。某身得道真，上與星宿，和同光一作明自然。

次東嶽向東唱禮

臣衆等，至心皈命，東嶽泰山青帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯東嶽泰山神仙諸靈官。罪結九幽，謫役東嶽。幽執泰山地獄之中，魂充考撻，諸痛備嬰。長淪萬劫，終天無解。今故燒香皈命，東嶽泰山青帝真君、飛仙真人、名山洞府得道神仙諸靈官。乞丐原赦，所作罪負，上觸東嶽元惡之罪。放赦囚徒，身出光明。上昇天堂，衣食自然，某身得道真。和與青帝合真。

次南嶽向南唱禮

臣衆等，至心皈命，南嶽衡山赤帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死

魂，生存所行，元惡醜逆，觸犯南嶽衡山神仙諸靈官。罪結九幽，謫役南嶽。幽執衡山地獄之中，魂充考撻，諸痛備嬰。長淪萬劫，終天無解。今故燒香皈命，南嶽赤帝真君、飛仙真人、名山洞府得道神仙諸靈官。乞丐原赦，所行罪負，上觸南嶽元惡之罪。放赦囚徒，身出光明。上昇天堂，衣食自然，某身得道真。和與赤帝合真。

次西嶽向西唱禮

臣衆等，至心皈命，西嶽華山白帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯西嶽華山神仙諸靈官。罪結九幽，謫役西嶽。幽執華山地獄之中，魂充考撻，諸痛備嬰。長淪萬劫，終天無解。今故燒香皈命，西嶽白帝真君、飛仙真人、名山洞府得道神仙諸靈官。乞丐原赦，所作罪負，上觸西嶽元惡之罪。放赦囚

徒，身出光明。上昇天堂，衣食自然，某身得道真。和與白帝合真。

次北嶽向北唱禮

臣衆等，至心皈命，北嶽常山黑帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯北嶽常山神仙諸靈官。罪結九幽，謫役北嶽幽執常山地獄之中，魂充考撻，諸痛備嬰。長淪萬劫，終天無解。今故燒香皈命，北嶽黑帝真君、飛仙真人、名山洞府得道神仙諸靈官。乞丐原赦，所行罪負，上觸北嶽元惡之罪。放赦囚徒，身出光明。上昇天堂，衣食自然，某身得道真。和與黑帝合真。

次中嶽向西南唱禮

臣衆等，至心皈命，中嶽嵩山黃帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯中嶽嵩山神仙諸靈官。罪結九幽，謫役中嶽幽執嵩山地獄之中，魂充考撻，諸痛備嬰。長淪萬劫，終天無解。今故燒香皈命，中嶽黃帝真君、飛仙真人、名山洞府得道神仙諸靈官。乞丐原赦，所行罪負，上觸中嶽元惡之罪。放赦囚徒，身出光明。上昇天堂，衣食自然，某身得道真。和與黃帝合真。

次水官向北唱禮

臣衆等，至心皈命，扶桑大帝暘谷神王、三河四海九江水帝、十二河源水府神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯三河四海九江水帝、十二河源淮濟河伯河侯河掾、水府諸靈官。罪結九幽，謫役水官。俾塞長源，幽執寒夜。魂考苦痛，塗炭備嬰。長淪萬劫，終天無解。今

故燒香皈命，扶桑大帝暘谷神王、洞淵清泠大神、三河四海九江水帝、十二河源淮濟河伯河侯河掾、水府諸靈官。乞丐原赦，所行罪負，觸犯水官元惡之罪。放赦囚徒，得離寒鄉長河之責。削除罪錄，身入光明。上昇天堂，衣食自然，某身得道真。和與水官合真。

次經寶向北唱禮

臣衆等，至心皈命，无上至真三十六部尊經、真文寶符、自然天書、至極靈文、三洞侍經神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，前世今生，業行所犯，心念思量，積習衆惡。身口相資，隨事成罪。見色聞聲，多生染惑。履苦遇樂，每起迷障。犯三元品目百八十條、萬二千威儀、千二百戒行，乃至科儀所不載，律令所不容。歷劫相尋，久遠增積。前者未悔，後犯重加。或知而故爲，或謬誤不覺，或非意所作，或逼迫從他。罪

報惡緣，更相拘礙。出生入死，憂難遐長。神爽沉淪，終天無解。今故燒香皈命，太上無極至真三十六部尊經、寶符玉章、玉童玉女。乞丐原赦，生死所犯。功德拔度，九祖罪魂，得離三塗五苦之中，刀山劍樹，長河寒庭。身出幽冥，得入光明。上昇天堂，衣食自然，某身得道真。和與經合同。

右二十方懺文，自東方至水官，十九方並出黃籙簡文經經中。謝三寶神經懺文，即大謝懺文是也。經科無大謝，故陸天師三元齋，懺二十方畢，即便復爐。其以懺謝經寶之文，爲大謝。蓋自陸天師因太極敷齋誠威儀經，撰靈寶道士自修盟真齋立成儀始，自後相沿用之。所不可廢經寶懺文。今以張清都儀修入，自今故燒香皈命以後，又是黃籙簡文經本文。留冲靖所傳、李景祈科止用靈寶自然齋十方大仰謝文，出真文要解經。今刪去，易以黃籙簡

文經二十方懺文。據本科，每禮一方，叩頭搏頰，各如其方之數。謂如東方九十、上方三百

二十、日宮三十、月宮七十、水宮百二十之類。今建大齋，儀軌不一，精力有限，未易行也。盟真玉匱、女青上官、拔度科品，蓋謂長夜九幽之府中，有玉匱祕藏、盟真拔度之科品耳。翟公異撰黃籙醮儀乃云，標名垂訓，首曰玉匱盟真，謂其盟誓上真，乃當修設。緘滕玉匱，斯謂祕嚴，是不曾見。靈寶玉匱盟真科經，失其旨矣。建齋升壇，或值風雨，及緊急變異，大暑極寒，迅雷暴雨，烈風晦暝，及非常之事。三上香畢，衆官於本位端立，用此十方、五嶽、三光都懺文。水官經寶，依元科，非有他故，切不可用此。務從簡略，冒犯科禁。

十方依本儀，隨方禮訖，却總懺謝，尤爲妙善

臣衆等，至心皈命，十方無極太上靈寶天尊、十極天君、十鄉神仙諸靈官。各虔誠懺悔。

跪懺

臣等今故燒香，皈身皈神皈命，謹爲黃籙大齋主某，仰慮亡靈某及九祖父母，一切死魂，生世之日，所行元惡。罪結九幽長夜之府，魂充考撻，諸痛備嬰。形體毀瘁，苦痛難任。長淪萬劫，終天無解。今依盟真玉匱、女青上官、拔度科品，齋十方紋繒一百三十六尺，金龍十枚，皈命十方無極太上靈寶天尊、十極天君、十鄉神仙諸靈官。拔贖亡故某及齋主某家九祖父母，一切死魂，惡對罪根，三界司筭。女青上官，削除罪錄，開度窮魂，身入光明。上昇天堂，衣食自然，早得更生福慶之門。某身得道真。和與神合同。

三光

臣衆等，至心皈命，日月星宮至真大聖、三光神仙諸靈官。各虔誠懺悔。

跪懺

臣等皈身皈神皈命，謹爲黃籙大齋

主某，仰慮亡靈某及九祖父母，一切死魂，逮及某身，受生所行，罪結難稱。死魂殃對，流曳長夜。九幽之中，魂充考撻，諸痛備嬰。長淪萬劫，終天無解。今故燒香皈命，日月星宮至真大聖、三光神仙諸靈官。乞丐原赦，所行罪負，上觸天光，生死殃對。拔度亡故某及齋主某九祖父母，囚徒死魂，開出光明。上昇天堂，衣食自然，某身得道真。和與神合同。

五嶽

臣衆等，至心皈命，五嶽五帝真君、飛仙真人、名山洞府得道神仙諸靈官。各虔誠懺悔。

跪懺

臣等皈身皈神皈命，謹爲黃籙大齋主某，仰慮亡靈某及九祖父母，一切死魂，生存所行，元惡醜逆，觸犯五嶽神仙諸靈官。罪結九幽，謫役五嶽地獄之中，魂充考撻，諸痛備嬰。長淪萬劫，終天無解。今故燒香皈命，五嶽五帝真君、飛仙真人、名山洞府得道神仙諸靈官。乞丐原赦，所行罪負，上觸五

嶽元惡之罪。放赦囚徒，身出光明。上昇天堂，衣食自然，某身得道真。和與神合同。

水官依元科

經寶依元科

次都講唱，各思九色圓象，咽液命魔出《玉經隱注》。

次都講唱密呪出五符人鳥經

先叩齒三通，咽液三過，心存日月在己面上，從鼻孔入洞房金華宮。一兩眉間却入辟方一寸，曰明堂宮。二寸曰洞房宮，三寸曰丹田宮。明堂之北，洞房之南，向上辟方一寸，曰金華宮光明出頂後，煥然作九色圓象，薄入玉枕，徹照十方，隨我遶經而行矣。日從鼻左孔入，月從鼻右孔入，又叩齒三通，咽液三過，密呪曰杜廣成先生曰，此密呪不得令耳聞。達之有咎責，謹之謹之。

黃中策炁斬邪宗，密制強精斷邪翁。太上有命太上房，急召北帝詣玉宮。受承威令宣魔王，五氣翳鬱與命衝。祕藏玉文方就隆，三天運明，六天運終。賢者哉。

次都講唱，步虛旋遶

次吟太上玉京山步虛之章十首終

篇，各唱善一禮。出靈寶步虛經

稽首禮太上，燒香皈虛無。流明隨我迴，法輪亦三周。玄願四大興，靈慶及王侯。七祖生天堂，煌煌耀景敷。嘯歌觀太漠，天樂適我娛。齊馨無上德，下仙下與儔。妙想朗玄覺，誦誦巡虛遊。

旋行躡雲綱，乘虛步玄紀。吟咏帝一尊，百關自調理。俯命八海童，仰携高仙子。諸天散香花，蕭然靈風起。宿願定命根，故致標高擬。歡樂太上前，萬劫猷未始。

嵯峨玄都山，十方宗皇一。岌岌天寶臺，光明爛流日。焯焯玉林華，精燦耀朱實。常念餐元精，鍊液固形質。金光散紫微，窈窕大乘逸。

俯仰存太上，華景秀丹田。左顧提鬱儀，右盼携結璘。六度冠梵行，道德隨日新。宿命積福應，聞經若至親。天挺超世才，樂誦希微篇。冲虛太和氣，吐納流霞津。

胎息靜百關，寥寥究三便。泥丸洞明景，遂成金華仙。魔王敬受事，故

能朝諸天。皆從齋戒起，累功結宿緣。飛行凌太虛，提携高上人。

控轡適十方，旋憩玄景阿。仰觀劫仞臺，俯盼紫雲羅。逍遙太上京，相與坐蓮花。積學爲真人，恬然榮衛和。永享無期壽，萬椿奚足多。

大道思玄寂，昇仙友無英。公子度靈符，太一捧洞章。舍利耀金姿，龍駕歛來迎。天尊眄雲輿，飄飄乘虛翔。香花若飛雲，紛靄茂玄梁。頭腦禮金闕，携手遨玉京。騫樹圓景園，煥爛七寶林。天獸三百名，獅子巨萬尋。飛龍躑躅鳴，神鳳應節吟。靈風扇奇花，清香散人襟。自無高仙才，焉能耽此心。

嚴我九龍駕，乘虛以逍遙。八天如指掌，六合何足遼。衆仙誦洞玄，太上唱清謠。香花隨風散，玉音成紫霄。五苦一時迸，八難順經寥。妙哉靈寶囿，興此大法橋。

天真帝一宮，藹藹冠曜靈。流煥法輪綱，旋空入無形。虛皇撫雲璈，衆真誦洞經。高仙凜乎讚，彌劫保利貞。

至真無所待，時或轡飛龍。長齋會玄都，鳴玉扣瓊鍾。十華諸仙集，紫烟結成宮。寶蓋羅太上，真人把芙蓉。散花陳我願，握節徵魔王。法鼓會群仙，靈唱靡不同。無可無不可，思與希微通。

次都講唱

臣衆等，至心皈命，太上三尊十方衆聖。禮經如法。

次吟三啓頌三首終篇，各唱善一拜，見宿啓建壇儀。

次都講唱三禮

至心稽首禮，太上無極大道一拜

至心稽首禮，至真無上三十六部

尊經、真文寶符一拜

至心稽首禮，太上三尊、十方衆

聖、玄中大法師一拜

次都講唱，重稱法位

次高功大謝並長跪

具法位，臣等謹重上啓太上無極大道元始天尊、太上大道君、太上老君、無上玄老十方無極大道道德衆聖天尊、至真大帝天帝、三十六部尊經、玄

中大法師天師君、上相上宰、四司五帝、三界官屬一切真靈。臣等忝以凡微，獲參上法。功無□□，過積丘山。誠宜束骸，甘俟冥罰。徒以受道之日，結誓三官。敷讚玄風，拯護幽顯。普令一切，咸入法門。今齋主某仰慮亡靈某及九祖父母，一切窮魂，夙世今生，積成罪垢。業緣報對，神爽沉淪。非假齋功，無由懺拔。齋持法信，證質丹誠。乞度先亡，得免憂苦。使長夜之魂，睹太陽之光。孤爽還胎，朽骸更肉。普天率土，皆沐道恩。臣等職任所司，敢不謏奏。是用謹依下元黃籙簡文靈仙科品，奉爲某修建无上黃籙大齋，三日三夜，九時行道。轉經禮懺，燒香然燈。普爲存亡，拔贖罪苦。一心皈命，太上大道、至真衆尊，特乞回大慈之澤，下罔極之恩。赦除亡靈某及齋主家，億曾萬祖，長夜死魂。迨今己身，家門大小，天下人民，一切衆生，生死所行，重惡罪過。或賊害君父，不孝二親。背師欺友，廢真就僞。或反上逆下，殺害無辜。罣誤生靈，攻伐家

國。或傷戕物命，陷害忠良，奪人所崇，離人骨肉。或姦邪淫泆，門族交通，嫉賢妬能，不欲勝己。或評論道德，焚竊經書，穢觸三光，輕慢四大。或爲上無道，爲下不忠，輕侮孤窮，酷虐百姓。或怨怒天地，訾毀正真。罵詈鬼神，呵忿風雨。或不崇有道，不敬老人，助人爲非，笑人作善。或心非口是，形影自欺。日累月深，罪障因積。如齋主家，別有隱惡欲懺，師爲撰文，於此添入從劫至劫，捨身受身。五欲十纏，六情三業，違天背地，負誓愆盟。宿對苦根，累世結固。相牽流曳，墮落惡源。訟逮存亡，轉輪不絕。魂充考責，身謝風刀。抱閉幽關，備受諸苦。乞今燒香行道，懺謝玄真。如上罪條，隨事散釋。仰賴天尊上聖，十極天君，領納弟子某金龍紋繒拔度之信，即敕飛天神王，齋九龍符命，告下九幽酆都岱宗、河源泉曲、三官九署、百二十曹、陰陽水火、考官掾吏，明承符命，解釋幽魂。開赦亡靈某及齋主家祖玄靈識，出離長夜，睹見光明。落滅惡根，削除罪簿。

斷地簡對，絕水盟言，遷品朱陵，練神丹霍。應度者度，應生者生。若在福處，增本功德。暨于四生五道、六趣三塗，普離凡塵，咸獲昇化。陽官拘繫，罪謫囚徒，仗此齋功，悉蒙清脫。齊契正真之果，俱登快樂之鄉。上願三景著明，二儀交泰。帝圖鞏固，禾稼滋豐。水火旱蝗，兵戈賊疫，無侵境域，各保安寧。齋主某眷屬親緣，常承玄祐。千灾殄息，萬善資薰。所啓所祈，克蒙御達。所首所謝，皆獲感通。上明天尊大慈之澤，下副臣等懺謝之誠。謹啓。

陸天師盟真齋儀大謝懺文，即經中謝經寶之文，蓋祖太極敷齋威儀經耳。張清都黃籙儀，大謝乃自出機軸爲之，而詞意頗繁復。故李景祈所傳，乃是採取陸天師盟真儀大謝，爲黃籙齋大謝文。其間引用張清都儀，不過數語。蓋陸天師而未嘗撰黃籙齋儀也，經科懺罪，質而不華，語頗難讀，今人因以爲

古樸。慶元乙卯，留冲靖來括蒼主王夕郎家齋事，每讀至大謝處，諸孤以爲給事，生前無甚罪過，道錄不須如此懺，是未知太上立齋謝之法，攝法界一切衆生罪緣因起，令有悔心。悔心苟形，善心自著。天堂地獄，由是分從。有入無歸之於道。普天普地，俱攝入一懺願法中，故曰大齋。夫豈止爲亡者乞恩悔罪而已哉。然使建齋之主，因有不滿意處，則亦非太上隨機設教之義。杜廣成黃籙齋，爲同學行道儀，曾引括謝經寶之文爲大謝矣。今略加潤色，令便順易讀。然懺罪處，悉反覆用經語，庶使齋法，流傳永劫也。

次都講願念

次復爐

香官使者，左右龍虎君，侍香諸靈官。當今修齋之所，生自然金液丹碧芝英，百靈衆真交會，在此香火爐前。

令齋主某存亡受福，家國蒙恩。十方仙童玉女，侍衛香烟，傳臣向來所啓，逕御太上無極大道至真玉皇上帝御前

次吟學仙頌，出壇張萬福天師科用奉戒頌

次出户呪

次空洞讚，引至玄師前列班，高功

小啓謝過三禮

次回向讚

次監齋糾過隨有無言之。無則云，壇衆奉法圓成，幸免疏缺。有則啓白，法師授簡。失者詣師再拜，長跪受簡，退於經前施拜，依數止之。

次讚引法師歸堂

无上黄錄大齋立成儀卷之十七

①「真」疑衍。

②「虔」原作「處」，誤，今改。

无上黄錄大齋立成儀卷之十八

上清三洞法師李景析立定

三洞法師冲靖先生留用光傳授

太上執法仙士蔣叔輿重修

科儀門

古法散壇言功儀

修齋日數既畢，或用其夜子時，或用明日清旦，衆官相率詣元師前立班。

次舉唱道讚

次華夏贊，引法師參募昇壇，念入

户呪

次從地户，昇天門，上十方香

次上御案香呪

次都講唱，各禮師存念如法

次宣五方衛靈呪

次都講唱，鳴法^①鼓二十四通

次三捻香呪

次發爐

无上三天玄元始三炁太上老君，

召出臣等身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者嚴裝，關啓某處土地里域真官正神。臣今正爾燒香，奉爲具官某修建无上黄錄大齋，三日三夜。九時行道，事竟言功。願得太上十方正真生氣，降流臣等身中，令臣所啓，速達逕御太上無極大道至真玉皇上帝御前。各三禮。

次法師與弟子，上十方香

次都講唱，各稱法位

具位，奉行黄錄大齋言功法事。臣

某等，今故燒香，願以是功德，上爲天子王侯、土地官長、經籍度師、山林巖栖學真道士、同學之人，弟子某所薦亡靈，九祖父母，存亡兩代，眷屬親緣，内外姻族，天下人民，飛行蠢動，一切衆生。今故捻香，皈身皈神皈命，太上十方靈寶自然至真無上大道。特乞赦除，前世今世，生死所行，宿對重過。得免離三惡之道、十苦八難九厄之中。身得道真，飛行虚空。白日升天，侍衛道

君。逍遙無上金闕、七寶自然宮殿，永與道合。所啓玄感，應聲上御，至真無極道前。

次都講唱，禮十方

至心皈命東方無極太上靈寶天尊
一拜，餘九方同。

次都講唱，各皈命懺悔法師長跪懺

臣衆等，至心皈身，無極大道天尊。懺悔齋主某臣衆等，及一切衆生，前世今世，身形所犯。四肢舉措，動違戒律。不依經典，身業大罪。無量無邊，並乞蕩除。皆願齋主某臣衆等及一切衆生，身入至仙，與道合真。稽首禮謝，无上十方真正三寶。一拜

臣衆等，至心皈神，無極大道天尊。懺悔齋主某臣衆等，及一切衆生，前世今世，心業所犯。志念不專，情浮意違。馳騁不息，心業大罪。無量無邊，並乞蕩除。皆願齋主某臣衆等及一切衆生，神合真寂，洞入自然。稽首禮謝，无上十方真正三寶。一拜

臣衆等，至心皈命，無極大道天尊。懺悔齋主某臣衆等，及一切衆生，

前世今世，口業所犯。善惡反論，綺言飾非。華詞惑衆，口業大罪。無量無邊，並乞蕩除。皆願齋主某臣衆等及一切衆生，性命合道，玄會無爲。稽首禮謝，无上十方真正三寶。一拜

次都講唱

臣衆等，至心皈命，太上三尊、十方衆聖。禮經如法。

次吟三啓頌三首

次都講唱，三禮

次旋行，收五方真文，隨方讀文畢，令弟子執真文於香上熏之，叩齒十二通，呪之玉訣云，凡所祈禳，不先叩齒而呪者，爲外魔所干，關啓無感矣

無上至真，大聖高尊。布化運氣，三十二天。八會九光，自然成文。安鎮天地，保制劫年。元始符命，普告三元。下敕九地，上關諸天。中告海嶽，名山大川。今日上告，萬神咸聞。弟子某乙，修齋行道。拔度幽魂，三官九署。削滅罪根，永度三塗。五苦之源，世世受福。記名丹篇，神生天堂。鍊化自然，生死開度。億劫長存，九天告

命，風火驛傳。衆和三聲，出《靈寶內音玉訣》。

呪畢，置香案上拜表後，隨表焚之。散灰

青烟之中

次都講，鳴法鼓二十四通高功叩齒，瞑目，咽液，存九炁光華之法

次都講，重稱法位李景祈三禮後大謝，方拜表。並宗張清都儀，非古法也

具法位，奉行黃籙大齋言功拜表法事。臣某等，謹重誠上啓太上無極大道元始天尊、太上大道君、太上老君、無上玄老十方靈寶天尊、已得道大聖衆、至真諸君丈人、三十六部尊經、玄中大法師天師君、上相上宰、四司五帝、三界官屬一切真靈。臣等無極之劫，因緣至今。遭遇大法，真經下世。繆荷非分，奉受寶文。未能超絕世表，匿景幽林。長齋苦思，以求高蹈，而浮沈世路，混同魔俗。身口犯違，愆過積沓。常恐考至，負媿幽明。夙夜戰兢，形魂罔措。誠知罪穢非念真之人。然受法之日，約當罄竭愚歎，表效丹誠。廣宣慈風，讚揚妙化。普令一切，咸入法門。凡有皈投，輒當騰奏。今奉詞旨，敢不上聞。

宣詞

按如詞言，在可矜憫。臣等輒相携率，依黃籙簡文、威儀舊典，於某處靈壇之上，設玄科之式，法天象地。以某所齋金龍繒綵，安鎮十方。本命之信，證質丹誠。沐浴五體，洗心靜念。以今月某日某時為始，奉修黃籙拔度大齋，塗炭稽顙，燒香轉經，然燈續明，照耀諸天。三日三夜，九時行道。拔度亡靈某及弟子某家九祖父母，億劫種親。幽魂苦爽，宿對罪根。訖某日亥時，功成事畢。澤被存亡，恩霑家國。酬功行賞，遍及靈司。臣等身中，所佩內外真官、君將吏兵，及所請靈寶官屬、監齋衛真、天仙地仙飛仙、真人神人、日月星宿、九宮五帝、三河四海、五嶽四瀆、兵馬騎乘、諸天監齋直事、侍香金童、散花玉女、五帝直符直日香官、傳言奏事飛龍騎吏，一切官屬，法籙治職、官君將吏、四方監察、土地真官、三界神祇，往來傳奏，監臨衛護，宣通召命，營衛齋事，並有功勞。謹為拜黃繒朱表一通，上詣太上三天曹，解壇遷

職，復諸天位，重明功德。表在臣玉案之上，請省表文。

次宣表取表於香上，熏之，即讀法位起，再拜訖，復長跪。和聲正氣，讀至弟子名，皆令再拜。至臣誠惶誠恐處起再拜。又至年月日某處拜上，又再拜

展表玉案上，以書刀鎮聖號之左，朱筆鎮右畢。高功三捻香，叩齒三通，長跪，遣表敕曰

謹遣臣等身中，五體真官，官一小吏，十二書佐，重敕功曹使者、飛龍騎吏，嚴裝顯服，冠帶垂纓，磨硯點筆，簪劍理籙。為臣及時操黃素朱表一通，上詣三天曹，隨時進對。若有謬誤，文字脫漏，言詞倒錯，不相次比者，傳言書佐習事小吏，操龍頭書刀、長毫利筆，隨誤正定。無令上官典者，有所遣却。閉口烝升，逕上三天無極大道太上御前，謹勿稽停。左君歷關，右吏次啓，諸官君歷第以次分別。當令所請者下，所召者到，所濟者度，所宣者通，所遷者達，所願者應，所求者得。若有下官故罔，邀截臣表文，不使上達者，收赴所在近獄，依律治罪，以明天憲。臣

退伏案前，伏待報應。

次收表入函，華夏引表下壇

次法師向天門伏地存神，呈進如儀

次焚表於天門，法師起，舉焚詞頌

次都講唱，長跪內官如法

法師三上香，叩齒十二通，納官

臣奏表事竟，建齋之始，所出身中

功曹使者、一切真官、仙君吏兵，並還臣

等身中。從衆妙門而入，在左還左，在

右還右，直使功曹，主領檢押，還復本

位，無令差互。須召又到，一如故事。

叩齒三通，咽液三過，存三五上章官吏各復身中，再拜。

次都講唱，長跪還戒如法法師面西，

衆官面東

臣等學法未備，俯仰之格，進止犯

科，不合儀式。恐為四司所糾，五帝所

執。千愆萬過，乞從赦貫。哀原未悟，

不見罪罰。臣等建齋之始，奉請智慧上

品十戒，法事既竟，謁還天宮。謹上啓

聞，伏祈昭宥。臣等誠惶誠恐，稽首頓

首，再拜。

次還戒頌三禮，出《三洞科儀》

天尊大慈悲，說戒度衆生。威德被幽顯，果報感神靈。諸天來稽首，魔王自來形。過去超八難，見在保千齡。齋福行當息，相共送虔誠。流梵逸雲唱，飛香雜烟馨。瓊鳳乘丹輦，金龍駕綠駟。生死皆快樂，家國悉安寧。

次宣山簡叩齒九通，長跪和雅讀文

宣山簡畢，衆官再拜。令弟子執簡携香烟上。高功面東，叩齒九通，呪曰衆官同聲呪曰：

玄上開明，元始監真。上帝五老，赤書丹文。天地本始，總領三元。攝炁召會，催促舉仙。高上符命，普告十天。日月星宿，五嶽靈仙。天上地下，溟泠大神。監生主錄，南上三門。關領玉簡，勒名丹編。削落罪書，上補帝臣。某乙皈憑至道，修齋立功。拔贖九祖，一切苦魂。行道事竟，謹依靈山。請投玉簡，乞削罪名。皆蒙解脫，無有冤親。去離三惡，魂升九天。生死開度，萬劫常存。今日上告，萬神咸聞。請以龍簡，關盟真官。乞如所告，金龍驛傳。

次宣水簡如山簡之儀

宣水簡畢，高功面東呪曰：

玄始五老，上帝高尊。十方至真，太華靈仙。赤文告命，無幽不聞。上御九天，請下玉文。日月五星，北斗七元。中告五嶽，四方靈山。下告河海，十二泉源。九府水帝，溟泠大神。今日上告，萬願開陳。修齋行道，普爲存亡。請贖七祖，宿對罪根。謹投玉簡，乞得上聞。記名水府，過去升天。生死開度，萬神咸聞。請以龍簡，告盟水帝。賜如所陳，金龍驛傳。

次宣土簡如山簡之儀

宣土簡畢，高功面東呪曰：

天地開張，九炁分靈。三元同符，十方朗清。五老上帝，開真領生。丹書赤文，元始上精。普告天下，九土皇靈。今日上告，萬仙定生。修齋行道，普爲存亡。我願我仙，請投玉名。土府太皇，勒除罪形。奏簡上官，列簿華青。早得飛騰，天地同靈。九祖種親，腐骸更榮。魂升南宮，受化仙庭。今日告命，萬神咸聽。請以金鈕，表明至

情。請如所告，金龍驛呈。

右三簡呪出《靈寶赤書玉訣》

次吟投龍簡頌

次都講唱，衆官納職各於三寶前，禮三拜，長跪授簡，高功又三拜，退畢

次復爐

香官使者，左右龍虎君，侍香諸靈官，當令解散黃籙齋壇之所，自然生金液丹碧芝英。百靈衆真，交會在此，香火爐前。令弟子存亡受福，家國霑恩，十方仙童玉女，侍衛香烟，傳臣向來所啓，逕御太上無極大道至真玉皇上帝御前。各三禮。

次法師上香，面東立，辭三寶此杜廣

成儀

時留已過，日影漸虧。香遍虛無，

鴻鍾息響。道還金闕，經入玉函。稽

首皈依。和無上道寶。一拜

香隨風散，聲入泰清。名掛金牌，

題書玉簡。仙童上記，玉女進文。稽

首皈依。和無上經寶。一拜

道場圓滿，法席周圍。一切衆生，

登無爲岸。稽首皈依。和無上師寶。一

拜

願諸衆生，諸惡莫作，衆善奉行。常生中土，不墮邊方。六道蒙恩，艷都罷對。遍禮十方。和得道真仙，一切聖衆。一拜

次旋行，詠三塗五苦頌，下榜出《消魔寶真安志智慧本願大戒經》

次吟解壇頌

次吟學仙頌，旋行出壇出《太極敷齋戒威儀經》

次出戶呪

次詣五帝、三師、監齋、三官、天師幕、玄師幕謝辭

次華夏引，高功歸室

次衆官禮法師，三拜長跪，謝曰：某等叨佩下風，預瞻法事。雖遵科戒，多有違愆，願垂恕亮。三拜

弟子率男女大小，詣師，九禮三伏，謝曰

某等千生慶會，蒙師開度。齋功成就，生死荷恩。不勝忝切，自初迄終。觸物短闕，願垂開宥。又三拜，受福。

无上黃籙大齋立成儀卷之十八

①「鳴法」原作「法鳴」，誤，今改。

无上黃籙大齋立成儀卷之十九

廣成先生杜光庭集

科儀門

禁壇儀

請師下降畢。華夏讚引一周，至地戶。法師正主，存如本儀。別選正一法師一人，玄冠絳褐，行禁壇法事。如高功自行，亦可。

泰玄都正一平炁係天師某治祭酒赤天三五步罡元命真人臣某上言。臣聞，運陰陽者，莫過乎百靈；濟存亡家國者，豈逾於大道。故碧落有灾祥之變，令人測之；黃籙有拯拔之科，令人修之。臣雖至愚，切慕玄化。濫佩大法，叨稱治官。所歷壇場，敢忘報效。以今某年太歲某甲某月某日，奉爲某官某處宮觀，爲某事崇修无上黃籙大齋，若干日夜，行道轉經，依科關奏。臣等澡形鍊氣，棲心靜神。剋期奉行，敢不上啓。伏惟太上布惟新之令，開覆育之恩。敕下真官，分司降監。使烟雲暫

息於三界，風雨無施於四溟。懺謝必聞，啓傳無間。臣不勝仰望之至，精思念真，伏待報應。

畢，瞑目，思青龍、朱雀、白虎、玄武、次頭戴斗、五星、日月，煥然四方，垂手握固，呪曰

東方青龍，角亢之精。吐靈鬱氣，喊雷發聲。飛翔八極，周遊四溟。來侍吾左。

西方白虎，上應觜參。英英素質，肅肅清音。威攝衆獸，嘯動山林。來立吾右。

南方朱雀，衆禽之長。丹穴化生，碧霄流響。奇綵五色，神儀六像。來導吾前。

北方玄武，太陰化生。虛危表質，龜蛇合形。盤遊九地，統攝萬靈。來從吾後。

吾召四靈，四靈既集。即當遊帶，日挾月巡行。九州、十六神將爲吾使；天官、地官、水官同其休。

次丁罡三步，進前，右手取劍，執而呪之曰

五行所運，火木水土金。我佩剛劍，禁敕鬼神。二十八宿，隨吾指陳。北斗七星，挾輔靈真。周遊萬方，百福同臻。

次取水碗，左手執之，呪曰
江河淮海非常水，五龍吐出清天地。大帝服之三萬年，今日吾將淨妖炁。

次劍水相向，呪曰

東方青龍，銜符降真炁，入吾水中。南方赤龍，銜符降真炁，入吾水中。西方白龍，銜符降真炁，入吾水中。北方黑龍，銜符降真炁，入吾水中。中央黃籠，銜符降真炁，入吾水中。吾水，非常之水，五龍五星真炁之水；吾劍，非常之劍，九鍊堅剛，七星挾旁。踏躡北斗，跨踞魁罡。太一生水，周流萬方。清無過水，濁無過穢。以清蕩濁，以水治穢。急急如律令。

重敕東方青帝木官解穢君吏九人，南方赤帝火官解穢君吏三人，西方白帝金官解穢君吏七人，北方黑帝水官解穢君吏五人，中央黃帝土官解穢

君吏一十二人。上請天上解穢吏，地下解穢吏，今歲直符解穢吏，今月直符解穢吏，今日直符解穢吏，今時直符解穢吏，解穢將軍吏兵、真人童子，一合真官降下。屆此齋壇之所，解除天穢、地穢、人穢、鬼穢、牛馬六畜禽蟲之穢。破穢鳳凰，從前至後，自東及西，以次解穢，立遣清淨。即使天穢還天，地穢還地，人穢還人，鬼穢還鬼，一切邪穢速去萬里，不得留止。急急如律令。

次西行，至乾上，呪曰此名禹步呪

乾尊耀靈，坤順內榮。二儀交泰，六合利貞。配哭享地，永寧肅清。應感玄黃，上衣下裳。震離坎兌，翼贊扶將。乾坤艮巽，虎步龍驤。天門地戶，人鬼璣衡。衛我者誰，旻天旻蒼。今日禹步，上應天罡。鬼神竇伏，下辟不祥。所啓所陳，應時靈光。

次禹步，三步九跡，自西北至東北，面南呪曰

上請東方青帝、青童君、從官兵士九千萬人。乘歲星真炁，浮空而來，降臨壇所。臣從東北角，結界至東南角。

行神布炁，搜索邪精。祛除鬼賊，有罪無赦。

次三步九跡，自東北至東南，面西呪曰

上請南方赤帝、赤童君、從官兵士三千萬人。乘熒惑星真炁，浮空而來，降臨壇所。臣從東南角，結界至西南角。行神布炁，搜索邪精。焚燒鬼賊，有罪無赦。

次三步九跡，自東南至西南，面北呪曰

上請西方白帝、白童君、從官兵士七千萬人。乘太白星真炁，浮空而來，降臨壇所。臣從西南角，結界至西北角。行神布炁，搜索邪精。誅斬鬼賊，有罪無赦。

次三步九跡，自西南至西北、面東呪曰

上請北方黑帝、黑童君、從官兵士五千萬人。乘辰星真炁，浮空而來，降臨壇所。臣從西北角，結界至于中央。行神布炁，搜索邪精。漂蕩鬼賊，有罪無赦。

次三步九跡，從東南，面壇心呪曰

上請中央黃帝、黃童君、領黃衣兵士十二萬人。乘鎮星真炁，浮空而來，降臨壇所。臣從上方結界，至于壇中。行神布炁，搜索邪精。埋藏鬼賊，有罪不赦。

次順行，至東北，面北呪曰

臣今奉為某官某乙修建黃籙大齋，依科行道。上請天仙兵馬九億萬騎，地仙兵馬九億萬騎，飛仙兵馬九億萬騎，真人兵馬九億萬騎，神人兵馬九億萬騎，日月星宿兵馬各九億萬騎，九宮五帝兵馬各九億萬騎，三河四海兵馬各九億萬騎，五嶽四瀆兵馬各九億萬騎。並各嚴裝絡繹，風震雷舉，雨沸雲騰。一合來下，降臨壇所。繞壇三匝，蓋壇三重。上張天羅，下布地網。九土齊功，兵馬列陣於壇場內外，四面八方。所有土木精邪、伏尸故炁，一切凶穢，於道不順者，收付魁罡之下。入地萬丈，無動無作。急急如太上老君律令。

畢於地戶上，書鬼字，卓劍於鬼心

中，嚙水、垂手、握固，向鬼門呪曰

九天有命，普告萬靈，促召天真，俱會帝庭。太一下降，雙星翊精。監察禦邪，理炁攝生。若有不祥，干試神明。請帝之道，敕整神兵。七神秉鉞，天鋒右征。揮劍前驅，煥擲火鈴。檄命甲騎，虎卒天丁。風火齊戰，伐邪狡精。上威六天，下攝魔靈。既威既攝，萬凶滅形。神戈電掃，姦妖無生。仙皇建節，有命敢停。拒節違命，是誅汝形。各警各慎，保茲黃寧。九天告命，萬神敬聽。

次華夏贊，引法師，自地戶旋行，升壇

禮燈儀先學仙頌贊，引法師出堂。次吟明燈頌，引法師旋繞明燈，一於地戶上，立班禮祝

太極太虛真人曰：陰陽立象，天地分形。晝夜既殊，晦明有異。所以清浮表質，諸天為僊聖之都；濁厚流形，諸地為鬼神之府。九天之上，陰炁俱消。九地之下，陽光永隔。是則幽冥之界，無復光明。當畫景之時，猶如

重霧。及昏暝之後，更甚陰霾。長夜罪魂，無由開朗。衆生或無善業，夙有罪根。歿世以來，沉淪地獄。受諸惡報，幽閉酆都。不睹三光，動經億劫。

我天尊大慈悲憫，弘濟多門。垂然燈之文，以續明照夜。靈光所及，罪惱皆除。更乘懺拔之緣，便遂往生之願。若有善男子、善女人，發無上道心，依按科格，來詣齋所。齋備香油，爲國主帝王、君臣父子，三塗九夜，若幽若明。依法然燈，照燭內外。上映諸天之上、福堂之中；下照九地之下、地獄之內。使苦魂超度，幽爽開光。九祖生天，三塗罷暗。福霑一切，功德無窮。當知此人積劫善緣，必得成道。今有某乙修建黃籙大齋，依按簡文，然燈供養。當願帝王享福，二景著明。七祖生天，三塗朗晏。見世神明敬祐，真聖護持，福祚巍巍，永登仙界。弟子再拜

正一陽光，炎上朱烟。開光童子，一十二人。洞照一宅，及得我身。百邪摧落，却鬼萬千。光明朗徹，通真達靈。升入無形，與道自然。

上元金籙簡文真仙品曰：然燈威儀，於本命上，然三燈，以照三魂，爲弟子制邪度厄，拘守三魂。弟子於燈下三禮呪曰：

陽光洞明，三魂自生。總錄萬神，長附我形。日月齊景，永保無傾。

上元金籙簡文真仙品曰：然燈威儀，於行年上，然七燈，以照七魄，爲弟子安神却禍，制魄除邪。弟子於燈下三禮呪曰：

明燈攝光，遊精不飛。七魄安守，萬神總歸。日中齊景，長處光輝。

上元金籙簡文真仙品曰：然燈威儀，於太歲上，然一燈，以照太歲之神，爲弟子除一年灾害，福慶來臻。弟子於燈下三禮呪曰：

太陽流暉，光焰四方。洞照我身，七緯九重。內朗外明，洞達太空。

上元金籙簡文真仙品曰：然燈威

儀，於大墓上，然三燈，以照齋主代世塚墓，爲弟子拔度先世亡魂，託生淨域，斷絕注訟，解復連之灾。弟子於燈下向大墓三禮。宮羽辰商丑角未徵戌呪曰：

太陽冥冥，萬劫無期。陽光洞煥，下照朽骸。魂受光明，景更反胎。得生王門，歡樂怡怡。

上元金籙簡文真仙品曰：然燈威儀，於小墓上，然五燈，以照齋主近代塚墓，拔度神爽，得生天堂，利祐見在，福祚興昌。弟子於燈下向墓三禮。宮羽辰商未角丑徵辰呪曰：

長夜幽冥，萬劫無開。景潛太陰，七魄蕩飛。朱靈童子，太陽洞輝。照明魄戶，神爽同歸。

上元金籙簡文真仙品曰：然燈威儀，於中庭，然七燈，以照七祖父母，幽魂苦爽，得生天堂。弟子於燈下向地戶三禮呪曰：

天地回轉，代謝相推。九幽無光，七祖不開。太陽開度，死魂應歸。明燈續夜，朽骸生輝。

上元金籙簡文真仙品曰：然燈威

儀，於中庭，然九幽之燈，以照九幽長夜之府，拔度九幽之中，弟子先亡魂爽，睹見光明。弟子於燈下，向戌巳西南方，三禮呪曰：

九幽冥冥，萬劫無光。長夜閉魂，元始未通。華燈續明，下照土皇。開度七玄，上升南宮。洞照一宅，世爲仙王。

上元金籙簡文真仙品曰：然燈威儀，於夾門，然二燈，以照宮宅，爲弟子祛邪捕惡，保護闔門。弟子於燈下，向南三禮呪曰：

陽光開朗，朱烟爛輝。太炎童子，備守玄扉。洞照宮宅，四窗八開。驅鬼捕邪，萬精斬摧。三界敬護，世世不衰。衆真交會，日月齊輝。

上元金籙簡文真仙品曰：然燈威儀，於地戶上，然二十四燈，以照二十四生氣，爲弟子延生益炁，增福安神，注上生名，削除死籍。弟子於燈下，向地戶，三禮呪曰：

三部八景，合成我身。二十四炁，以成我神。明燈首然，上開泰玄。身

度水火，與炁自然。八景齊光，願得神仙。

上元金籙簡文真仙品曰：然燈威儀，於八方，然八燈，以照八卦，爲弟子照耀八達，開聰九宮，八神密衛，八方開通。弟子於燈下，向王三禮呪曰：

三景煥明，八卦開窗。天炁靜閉，太陰隱光。華燈照冥，萬願開通。身入光華，永享無窮。

上元金籙簡文真仙品曰：然燈威儀，於四面中央，然九燈，以照九宮，爲弟子度九宮灾厄，上九宮仙名。弟子於燈下，向正三禮呪曰：

九五分位，天地開張。玄光潛伏，太陰太陽。明我華燈，上照九宮。玄夜開朗，我願吉昌。

上元金籙簡文真仙品曰：然燈威儀，於十方，然十燈，以照十方，爲弟子照明十極，招真降靈，解釋灾厄，名書十天。弟子於燈下，向天門三禮呪曰：

天開地閉，玄陰不明。爛上朱烟，爲我通冥。十方尊神，玄鑒我形。魂魄同輝，自然光精。

上元金籙簡文真仙品曰：然燈威儀，於四面，然二十八燈，以照二十八宿，爲弟子削除死錄，益上生名，北斗落死，南斗延生。弟子於燈下，向東南，三禮呪曰：

明星大煥，光流十門。玄精下映，九幽不宣。我然華燈，乘光上聞。願得清蓋，照我形魂。

上元金籙簡文真仙品曰：然燈威儀，於天門上，然三十六燈，以照三十六天，爲弟子開度上祖父母，昇入天堂。弟子於燈下，向天門三禮呪曰：

龍漢蕩蕩，三炁乘玄。梵行渺渺，彌羅大千。悠悠長魂，仰望綿綿。今日明燈，我願我仙。與我七祖，同昇諸天。

上元金籙簡文真仙品曰：然燈威儀，於五方，然五燈，以照五方，爲弟子上名仙籙，保鎮身形。弟子於燈下，向五方三禮呪曰：

五嶽靈山，安鎮五方。五帝尊神，神仙之宗。今日然燈，上照天王。記我命籍，度入仙宮。七祖解脫，同昇太

空。

上元金籙簡文真仙品曰：然燈威儀，功德至重。上照諸天，下明諸地。八方九夜，並見光明。見此燈者，皆得罪滅福生。然燈之主，其福甚深。九祖父母，上生天堂，去離憂苦，永出九幽，逍遙上元仙宮之中。見在安泰，子孫興昌。門戶清肅，萬災不干。存亡開度，生死荷恩。功德無量，所向從心。於家於國，咸獲利貞。九夜三塗，並登真道。

右然燈呪法，出上元金籙簡文經。杜廣成儀，落景行道畢，導引衆官弟子等，旋繞燈下，依位呪之。每呪畢，衆官弟子皆禮。留冲靖，祝燈在宿啓前，似不如宿啓後，合宜也。每夜一禮祝爲佳，法師心力不逮，遣侍經侍燈禮祝之亦可。弟子止於都門外，拜禮也。

次念善
次以學仙讚，引歸元師前，散如常儀

上元金籙簡文真仙品曰：然燈威儀，侍燈之官，勤爲用意。每令燈光明徹，竟外不得中滅。半暗半明，令人絕世。常宜謹之。

上元金籙簡文真仙品曰：然燈威儀，明旦滅燈。法師呪曰：

玄陰開光，長燈續明。太陽已朗，八幽開清。燈還太陰，光附景生。日月二真，與我合並。

呪畢，便滅燈。

无上黃籙大齋立成儀卷之十九

①「達」原作「遠」，據杜光庭《太上黃籙齋儀》卷五十六改。

无上黃籙大齋立成儀卷之二十

廣成先生杜光庭集

科儀門

投龍璧儀

詣洞天，於門外，選平地，或船中，或石上。並須掃淨精潔，以設醮位。淨席五領，醮巾兩條。青布緋布，並可酒茶湯，隨盤數五。果餅饌，隨時所有。國家六十分，臣庶二十四。盤香四，爐巾案四副。正面三寶位，左洞府神仙位，右日直土地監察位，及法師關奏位。陳設訖，以香水洒壇之外，以盪氛穢禁，敕如常儀。師徒弟子，並須澡漱嚴潔，以虔恭爲先。不得因循喧聒，不恭於事，考罰尤深。次唱，各禮師存念如法。次思三尊、經寶玄師、五星五帝、五嶽

五藏五靈、經籍度師三色雲炁。當處洞府、真仙靈司、監察官屬、日直土地，儼然在坐，羅列分明。如齋法訖，依科行事。

投山簡法

先於洞府門外，鋪設醮位訖。禮師存神，如本法。

各禮師，存念如法

次衛靈呪

次鳴法鼓二十四通

發爐

无上三天玄元始三炁太上老君，召出臣等身中三五功曹、左右官使者、左右捧香驛龍騎吏，侍香金童、傳言散花玉女、五帝直符直日香官，各三十六人出。出者嚴裝關啓某處土地里域、真官正神。臣今正爾燒香，奉爲某官，爲某事，乞修設无上黃籙大齋，功圓事畢，投簡靈山。水簡作靈泉，土簡作靈壇，願得太上十方正真之炁，降流臣等身中，令臣所啓，速達逕御太上無極大道，崑崙五嶽、靈山洞府前。各三禮

水簡太上無極大道，賜谷神王，九江水府水

帝前

土簡太上無極大道，九土皇靈，土府大神前

次各稱法位

具法位，奉行黃籙投龍法事，臣某

謹奏請大羅玉清無極無上至真大道元始天尊、太上道君、太上老君、三十六部尊經、玄中大法師、三寶聖衆、一切尊靈。恭望感應分輝，垂慈下降。稽首再拜謹奉請某洞府神仙、洞天官屬、得道真人。伏望真慈，垂光下降。謹上請當境主司、虛空監察、香官使者、三洞神威、里域真官、翊衛將吏，山水川澤一切正神。伏望聖慈，具官來降。

次三捻香，上茶酒

次長跪，啓白

臣謹上請太上無極大道太上三尊，十方已得道大聖衆，至真諸君丈人，東華南極西靈北真，三十六部尊經，玄中大法師，太極真人，玄一三真人，諸天日月星宿、崑崙上宮諸神仙，西靈金母，五嶽真君，靈山正職、潛霍儲君，青城丈人，廬山使者，鍾山鬱絕、西玄埔臺，丘嶽大神，三官北部，六宮幽司，天

下地上、冥靈衆神、監生主錄、南上三門，至神至靈一切群仙。臣胎誕塵濁，瞽暗無知。萬劫善緣，依承道化。奉宣慈訓，佑國立功。濟物度人，引導讚法。奉爲某官某乙，修設黃籙大齋，正薦某乙，普薦某魂普及存亡，懺罪乞恩。解消罪咎，法事都畢。投簡靈山，金龍驛傳。乞落除罪簿，記名玉曆。願神願仙，解釋九玄七祖、九族種親、先亡後化、拔贖惡根，免脫酆都岱宗，二十四獄。五嶽之府、九幽之中，刀山劍樹、苦惱之鄉。魂睹光明，永蒙開度。轉輪受化，逍遙福門。安穩墳墓，注訟不興。舉家蒙福，一切荷恩。妖精殄滅，善瑞日生。修道參真，永偕仙品。蒙如所啓，仰荷玄恩。臣某誠惶誠恐，稽首頓首，再拜謹啓。

起立，捧簡文香上熏之。次讀簡文竟，青紙封之，青絲纏龍鈕璧畢。弟子執之於香上，法師呪曰：玄上開明，元始監真。上帝五老，赤書丹文。天地本始，摠領三元。攝炁召會，催促舉仙。高上符命，普告十

天。日月星宿，五嶽靈山。天上地下，溟泠大神。監生主錄，南上三門。關領玉簡，勒名丹編。削落罪書，上補帝臣。某皈憑至道，修齋立功。拔贖九祖，一切苦魂。行道事竟，謹依靈山。請投玉簡，乞削罪名。皆蒙解脫，無有冤親。去離三惡，魂升九天。生死開度，萬劫常存。今日上告，萬神咸聞。請以龍簡，《玉訣》及《投龍簡訓》並作金鈕。關盟真官。乞如所告，金龍驛傳。

呪畢衆官再拜

次投簡於洞中

次投龍簡頌

次三禮

次三捻香

次復爐

次學仙讚

次徹饌

投水簡法

禮師存念

衛靈呪

鳴法鼓

發爐

稱法位

降真

上茶酒

次長跪，啓白

臣謹上啓太上無極大道太上三尊，十方已得道大聖衆，至真諸君丈人，東華南極西靈北真，三十六部尊經，玄中大法師，太極真人，日月五星，北斗七元，五嶽四方，日窟常暘，洞谷洞陰，神仙大王，扶桑大帝，九老仙都君，三河四海，九江淮澤，三官九署，十二水源九府水帝，溟泠大神，水府衆仙，一切群靈。臣誕形下土，稟質凡微。宿以道因，遭逢聖運。靈寶垂化，大法度人，佐國立功，奉弘慈訓。今爲某官某修設無上黃籙大齋，薦拔亡靈某，普兼存歿，祈恩謝罪，請福消災。解釋冤仇，增延命祿。法事都畢，投簡靈泉，金龍驛傳。乞削死籍，落罪注生。願神願仙，賜以自新。九祖七玄，解拔苦根。去離陽谷，幽夜寒鄉。沐浴鍊度，超升天堂。塚墓安吉，殃注永泯。舉家受福，神氣休寧。學識開朗，智慧圓明。揚

闡正法，消伏姦凶。三界證度，功滿行充。帝王安鎮，國祚興昌。謹以啓聞，乞如所陳。臣某誠惶誠恐，稽首頓首，再拜謹啓。

啓畢，長跪。叩齒三通，讀簡文畢。青紙封簡，青絲纏龍璧鈕等。

令弟子執於香上，呪曰

元始五老，上帝高尊。十方至真，

太華靈仙。赤文告命，無幽不關。上御九天，請下玉文。日月五星，北斗七元。中告五嶽，四方靈山。下告河海，

十二泉源。九府水帝，溟泠大神。今

日上告，萬願開陳。某修齋行道，普爲存亡。請贖七祖，宿對罪根。謹投土

簡，乞得上聞。記名水府，過去昇天。生死開度，萬神咸聞。請以龍簡，玉訣作

金鈕告盟水帝。《玉訣》作關盟水官。賜如所陳，《玉訣》賜作請。金龍驛傳。

呪畢，衆官再拜

次投簡於水中

次投龍簡頌

次三禮

次三捻香

次復爐

次學仙讚

次徹饌，散如常法

投土簡法

禮師存念

衛靈呪

鳴法鼓

發爐

次稱法位

降真

上茶酒

次長跪，啓白

臣謹上啓太上無極大道太上三尊，十方已得道大聖衆，至真諸君丈人，東華南極西靈北真，五老上帝，三十六部尊經，玄中大法師，太極真人，玄一三真人，酆都大帝君，九州之宮、泉曲主司，無極世界、高皇九土皇靈，季帝高真中皇，九土戊己黃神，土府五帝，三界官屬、土地里域、真官正神，及此宅觀一切靈祇。臣稟氣凡愚，叨因宿運，會遇真法，與善因緣。值靈寶開光，赤書宣化。許以庸穢，參奉正真。佐國爲

時，立功行教。奉爲某官某修設黃籙大齋，薦拔亡靈某，普兼存歿，消殃謝罪。請福祈恩，行道事訖。投簡靈壇，金龍驛傳。乞削除地禍，除其罪名。願度願生，保濟形神。九老仙都，玉曆注名。九祖父母，胞元種親。先亡後逝，咸享福緣。去離九幽之下、八門之鄉、地獄之內、楚掠之中。殃愆消釋，家宅清寧。惡根斷絕，上生福堂。某學業圓就，功行盛明。生死同福，未保無傾。帝王受福，天下和平。謹以啓聞，乞垂感悟。臣某誠惶誠恐，稽首頓首，再拜謹啓。

啓畢，長跪。叩齒十二通，讀簡文。次黃紙封簡，素絲纏龍鈕璧，

令弟子執於香上，呪曰

天地開張，九氣分靈。三元同符，十方朗清。五老上帝，開真領生。丹書赤文，元始上精。普告天下，天一作元九土皇靈。今日上告，萬仙定生。某修齋行道，普爲存亡。我願我仙，請投玉名。土府大皇，勒除罪形。奏簡上宮，列簿華青。早得飛騰，天地同靈。九

祖種親，腐骸更榮。魂升南宮，受化仙庭。今日告命，萬神咸聽。聽作寧，《投龍簡詞》寧作聽請以金鈕，表明至情。請如所告，金龍驛呈。

呪畢，衆官再拜

次投簡壇心地中

次投龍簡頌

次三禮

次三捻香

次復爐

次學仙讚

次徹饌，散如常儀

右土簡，言功之夜，宣讀呪讚已畢。至明，便可埋於壇中，不俟別更關告。今以張承先法師儀內，有三簡啓奏，真位不同，故再錄於此。若修齋土簡，只以言功醮時，呪告便投可也。其山水二簡，雖言功之時，宣呪已畢。若至洞所設醮，當須依此次第，一一宣讀封呪，然後投之，斯爲周備。不可以壇中已告，至山直爾便投。所在真靈，

恐不關領。善功不達，所失尤多，切宜詳謹也。所以壇中告此山水二簡者，蓋恐齋主弟子，公私所係，不得親詣洞天。故於壇中，對共宣告爾。若齋主弟子不憚山水之遠、登涉之勞，自與衆官躬詣洞府者，即言功之際，但拜表後，告土簡了，留山水二簡，就行法事，更爲允當。切在詳而行之不可。執三簡之時，當爲所在土地，燒錢一百紙極佳矣。庶文不爲滯也。

唐道士張承先曰：登壇受靈寶中盟畢，依自然金科，投金鈕十口，放龍清泉，爲求仙之道。重登壇，受五老赤書、二錄策仗，思微定志等，依明真科文，重投三龍三十七鈕，以山水宅三處，爲學仙之引信。然後依玉訣，別以九龍二十七鈕，以八節日，投山水宅，求除罪簿，言名上天。又黃籙齋竟，亦投龍簡，只

依三元簡文，無別啓告、立成口訣。群愚相承，施用蒙昧。余昔遇師陸君，通神入妙，言事當理，無不感應，稟妙在心，而文無儀軌。若依經本文，謾書投之，則山水宅神，將非可識錄幽顯，漫浪甚乖。玄宗故撰此三處關啓文，各指告其仙司，又別出三簡立成訣，今按分明當時，必蒙克書。削罪記名，九玄即拔。家門荷榮，學業孳茂，生死獲仙。開示門人，尊祕之焉。

杜光庭曰：大道以一炁化生三才，陶鈞萬有。故分三元之曹，以主張罪福。即天地水三官，實司於三元也。人之生死壽夭，罪善吉凶，莫不係焉。三籙簡文格，亦三元之典格也。修齋之法，當投三簡，以告三元。故山簡投諸洞天洞府，奏天官，上元也。水簡投靈泉水府，告水官，下元也。土簡投於壇宅，告地官，中元也。詳簡文之中，

真靈位號，事理顯然。近代以來，只投山水簡。二淮浙江，表有三簡之儀。行之已久，今檢尋本末，得張承先法師所述之文，奏告三元，頗爲明當。則三簡投奠，信無惑焉。固可遵行，以爲永式。不獨受經，即投三簡。修齋遷拔，全係三元。若三簡俱行，即詮舉善功，皆達三官之府矣。修奉之士，幸無致疑也。

右禁壇禮燈、投龍璧儀，並出杜光庭黃籙齋儀。

无上黃籙大齋立成儀卷之二十

无上黄籙大齋立成儀卷之

二十一

唐成先生杜光庭集

太上執法仙士蔣叔輿修

科儀門

陞壇轉經儀

夫修黄籙、靈寶諸齋，每日三時，行道轉經。晝夜六時，爲弟子關奏誦念，以祈福祉。其行道消息移時，仍別升壇，轉經讚道，宣行法事，一如金籙簡文。登壇上座，誦經威儀如式。風雨不常，及別有法事，即行道與轉經，相續可矣。陞壇轉經，法師冠元始之冠，黄裙，紫褐五色靈霞之帔，是名法服。衆官如常服。

先衆官具威儀，迎法師，詣玄師前，立班，法師上香

次唱道讚

次華夏讚引，升壇如式

次法師升天門，上御案香，念上香

呪

次法師、都講各上本位香

次唱三皈依

至心歸依，十方道寶。當願衆生，

起心回向，一切信禮。

至心歸依，十方經寶。當願衆生，

心開悟解，受持念誦。

至心歸依，十方師寶。當願衆生，

普上法橋，無有障礙。

次唱，道場衆等執簡當心，平坐如

法

次唱讚詠，如法

次唱宿命讚

宿命有信然，弱喪謂之無。皆由眼前見，過目即言悠。大賢明道教，慄戚憫頑夫。依依念子苦，勤勤令我憂。

次都講啓經

雲篆太虛，浩劫之初。乍遐乍邇，

或沉或浮。五方徘徊，一丈之餘。天

真皇人，按筆乃書，以演洞章，次書靈

符。元始下降，真文誕敷。昭昭其有，

冥冥其無。沉痾能自痊塵，勞溺可浮

幽冥。將有賴由，是升仙都。以今奉

爲齋主某，開建無上黄籙大齋正薦亡親某

乙 普薦在會衆魂，超昇福境。謹集見前，

清衆升壇，看誦太上洞玄靈寶無量度

人上品妙經度人上品萬道之宗。修奉大齋所宜

轉誦。三日正齋，要終十迴，法十迴之數。如更能別

誦生神章諸經尤妙也。回獻三寶上帝，十極

高真，地水職司，冥關主宰，三界官屬、

應感真靈。資薦亡靈某等魂，普及九幽

囚徒罪爽，超離苦趣，各證生方。伏願

飛天下觀，上帝遙唱。靈音一轉，九幽

之地獄停閑，隱韻十迴，五道之沉魂

息對。恩流亡歿，澤被見存。普及含

靈，同臻道果。爲上因緣，稱念大聖元

始天尊，太上道君，太上老君，太上靈

寶天尊，尋聲救苦天尊，九幽拔罪天

尊，朱陵度命天尊，法橋大度天尊，十

方救苦天尊，上清左玄真人，上清右玄

真人，玄中大法師，不可思議功德。

次唱，靜念如法

各思，身坐青黄白三色雲氣之

中，左青龍，右白虎，前朱雀，後

玄武。日月五星，照映左右。侍經仙官，羅列壇內。已有圓

光，如日之象。都畢，咽液三過，叩齒三通。密念開經玄蘊呪。

凡轉靈寶衆經，皆當依此存思經文。行持不同者，別依本法。

寂寂至無宗，虛峙劫仞阿。豁落洞玄文，誰測此幽遐。一入大乘路，就計年劫多。不生亦不滅，欲生因蓮花。超凌三界途，慈心解世羅。真人無上德，世世爲仙家。

次吟啓經頌

稽首虛皇天尊前

次唱，請轉法輪轉度人經，如儀至密呪處，依文行持

各目想，三十二天，九色雲氣交沓之中，有宮殿樓觀。天帝衣天色衣冕服，一一分明。即存神，自太皇天爲始，先叩齒一通，心拜一過訖。次第二太明天，三十二過，畢即閉目靜思。三丹田出玄元，始青黃白三色雲氣如絲，漸漸離身，雲氣濃厚，先交絡一身，次纏映坐所，

及几案經席，無不周遍。翦鬱旋繞一壇，然後出外，圍布一方，良久冥合天地。次存青龍出肝立左，白虎出肺立右，朱雀出心立前，玄武出腎立後，獅子出脾下丹田，十二隻列於左右，白鶴自泥丸出，九隻圍列四向，方寸眉後，六合宮中，有日月出自二目，去面九寸，光照壇內，洞徹煥明，方始密呪。心密言之，勿令耳聞。

無上玄元太上道君，召出臣身中三五功曹、左右官使者、侍香金童、傳言玉女、五帝直符直日香官，各三十二人，關啓所言。臣等，奉爲具官某，正薦亡親某乙，普薦在會亡魂，修建無上黃籙大齋。以今陞壇轉經，用資超度。願所啓上徹，逕御無上三十二天元始上帝至尊几前。

畢，鼻引東方八天青炁，八過入肝；南方八天赤炁，八過入心；西方八天白炁，八過入肺；北方八天玄炁，八過入腎。

然後誦經。誦經畢，次吟解座贊

爲諸來生，作善因緣。如蒙開悟，仰荷玄恩。

贊畢，衆官起立，都講嘆經。

詳夫三洞寶經，乃萬天勝範。結飛玄之炁，成雲篆之章。義冠無生，文垂永劫。故天地得之以分判，日月因之以運行，鬼神敬之以變通，人倫奉之以開度。是以詠之者，則形陟絳霄；聞之者，則神生碧落。莫不人天仰賴，生死依憑。爲羣品之津梁，作衆真之戶牖。巍巍大範，讚嘆莫窮。今弟子某，開建黃籙大齋，九時行道，六上轉經。願仗真乘，超凌亡爽。上資家國，下祐見存。爾者開函演奧，即響徹三天；執卷吟玄，乃聲聞五億。當願侍香金媛，結香字於天中；典經玉郎，進經文於簡上。即使愆消昔劫，福降今辰。存亡荷開泰之恩，動植悅生成之德。以茲勝善，徧悉裝嚴。三途罷楚毒之勞，九夜絕酸辛之苦。泊乎，悠悠庶品，蠢蠢含生，俱乘六度之舟，並達三

清之岸。

次唱三聞經

聞經已後，當願羣生，萬罪蕩除，善芽增長。

聞經已後，當願羣生，深入法門，歸依信受。

聞經已後，當願羣生，永斷執迷，常修至道。

法師叩齒三通，咽液三過，存三素元君在金華宮，如嬰兒之狀。

次旋行

誦太上智慧經讚

太上玄虛宗，弘道尊其經。俯仰以得仙，歷劫無數齡。巍巍太真德，寂寂因無生。霄景結空構，乘虛自然征。日月為炳灼，安和樂未央。

學仙絕華念，念念相因積。去來亂我神，神躁靡不歷。滅念停虛閑，蕭蕭入空寂。請經若饑渴，持志如金石。保子飛玄路，五靈度符籍。

濟我六度行，故能解三羅。清齋禮太素，吐納養雲芽。逍遙金闕內，玉京為余家。自然生七寶，人人坐蓮花，

仰嚼玄都柰，俯酣空洞瓜。容顏曜十日，奚計年劫多。法鼓會天仙，鳴鍾徵大魔。

靈風扇香花，燦爛開繁衿。太真撫雲璈，衆仙彈靈琴。雅歌三天上，散慧玉華林。七祖昇福堂，由此步玄音。前世德未足，斯書邈難尋。信道情不盡，圖飛乃反沉。太上無爲道，弘之在兆心。

學道由丹信，奉師如至親。挹景偶清虛，孳孳隨日新。衆人未得度，終不度我身。大願有重報，玄德必信然。陰惡罪至深，對來若轉輪。

學道亦甚苦，晨夜建福田。種德猶植樹，積篋而成山。子能耽玄尚，飄爾昇青天。修是無爲道，當與善結緣。太上至隱書，名曰智慧篇。拔苦由大才，超俗以得仙。靈姿世所恃，曄若淵中蓮。

人行各有本，皆由宿世功。立德務及時，發願莫不從。善惡俱待對，倚伏理難窮。賢士奉法言，道亦在嘿忘。解是大智慧，上爲太極公。寶蓋連玉

輿，命駕御九龍。金華擎洞經，捧香悉仙童。嘯歌徹玄都，鳴玉扣瑤鍾。

竦身凌太清，超景逸紫霄。保無持法綱，遊玄極逍遙。萬劫猶昨夜，千春如晨朝。巍峨蔭雲華，手攀寶林條。香烟自然生，玄階興扶搖。靈幡順風散，繁想應時銷。滅智弘大混，無爲爲清謠。

次吟學仙頌，出堂至玄師前，回向

太極左仙公曰：真頌八篇，皆太上太極真人之辭。衆仙所耽誦，不宣泄於下世。祕藏金闕玉房之內，宜傳至人，修靈寶齋也。不可示浮華之徒，謹之哉，謹之哉。

太極真人曰：侍經仙童玉女，聞此禮經讚詠之音，皆懽悅而祐兆身也。是大經，悉當用此讚而禮拜矣。若冥心誦經者，亦詠之乃上仙之辭，修真之妙旨也。出《靈寶玄都玉京南經》。

天尊曰：經者，吾遺教導引愚迷，能發衆生無量道意。意從悟起，因悟成真。衆聖修行，皆登道果。故元始

以一炁生化三炁，分爲三天。一曰始炁，爲清微天號，玉清境天寶君所化。吾以龍漢之初，號無形天尊，於此天中出洞真寶經十二部，以教天中九聖、或號萬天玄師、無上法王，經九萬九千九百九十九億歲。二曰元炁，爲禹餘天號，上清境靈寶君所化。吾以延康之初，號無名天尊，於此天中，出洞玄寶經十二部，以教天中九真，或號三界醫王、太上真尊，經八萬八千八百八十八億萬歲。三曰玄炁，爲大赤天號，太清境神寶君所化。吾以赤明之初，號梵形天尊，亦稱觀世真人，出洞神寶經十二部，以教天中九仙，或號十方導師、至極天尊，經七萬七千七百七十七億萬歲。開皇改號，吾號虛皇，理元陽中，敷揚三洞，下化人間，號太上道君，經六萬六千六百六十六億萬歲。逮至上皇，吾總號元始，理紫微宮中，廣布經戒，救度羣生。三洞經寶，凡三十六部，亦曰三乘洞真寶經，謂之大乘。洞玄靈寶經，謂之中乘。洞神寶經，謂之小乘。結飛玄之炁，自然成章，玉字金

書，龍章鳳篆。大方一丈八角，垂芒教化諸天。流通世界，始終歷劫，常轉法輪。或實或權，有廣有略。因機取悟，隨世修行。雖天地運終，而三洞不滅。開度羣品，導引人天。三界十方，俱受利益。其後每劫之初，洞真下化。人懷道德，共處無爲。悉奉至真，長生得道。次則洞玄下化，人物漸漓。朴散澆浮，失道叛德。末則洞神下化，人物轉更澆浮，不奉正真，年命短促。自是之後，人心破壞，三洞不行，智慧日興，人鬼交雜，運度促急，不滿百年，念念無常，死生不絕。吾故重出，宣行三洞，布化人間。隨代機緣，敷弘經教。或大或小，順物所宜。故元始本文，未盡下教。其三清上境、四梵天中，真聖修行具足。山川洞府、海嶽仙宮，雖有所修，亦不具足。謂隨方所修之經，三洞不得備足也。故命老子，託化人間，救度衆生，演出科戒。或夷或夏，或聖或凡。周遍十方，悉令開度。三洞妙法，散在人間。勸誘男女，使勤修習。凡夫積罪，業累沉迷。於道無緣，不能信奉。唯

從僞法，諸雜邪神。徒竭身心，終歸地獄。其信行三洞，悉入福堂。或白日升舉，尸解遁形。隱迹洞宮，遊行世界。長生變號，永劫長存。練氣易形，轉神入道。人莫能識，無量無邊。吾過去後，魔教轉興。天下同遵，人民夭折。兵戈水火，疾病死傷。國破家亡，朝夕相繼。竭其府庫，以奉妖邪。僞亂日興，澆訛時扇。饑寒苦惱，父子流移。天下愚迷，永無悟矣。吾念爾輩，積劫沉淪。說是要言，以示聾瞽。然三洞妙法，法有一種。一者真法，二者化法。真法者，離諸虛妄，永劫長存。化法者，文字流通，隨時變滅。化法之中，凡有五種：一者，結飛玄之炁，雲篆成章，離合自然，變見不測，在三清上境，常住鎮經，億劫長存，聖真持護；二者，靈書一丈八角，煥明在三界十方、諸天五億，隨劫升降，應感流轉；三者，諸天宮殿樓閣、臺房門戶之間，書題詠誦，制伏人物，出入修行；四者，花文葉字，玉札瓊編，方丈蓬萊，閭風玄圃，乍隱乍顯，隨劫存亡，教習

神仙，伏諸魔鬼；五者，紙墨縑素，竹木漆書，散在人間，流傳誦詠，劫初即下，劫末還升，保國安人，開度羣品。經者，元始之言，教化衆生。使識根源本始，宿命因緣。罪福報對，善惡吉凶，生化門戶，方便所由。改惡從善，保安性命，長生無爲，歸之於道，永劫軌模。保之者，福降。修之者，神仙矣。出《業報因緣經》。

太上道君謂三天法師曰：天尊教戒，三洞妙文，天書玉字，靈篆龍章，雖復無邊，總括條疏，唯十二事。部類分別，隨根不同。一者自然本文，二者神符，三者寶訣，四者靈圖，五者譜籙，六者戒律，七者威儀，八者方法，九者術數，十者記傳，十一者讚誦，十二者章表。自然本文，天書八會，鳳篆龍章，是爲天地萬物之本，開化人神，成立諸法，主召九天神仙上帝，校定圖籙，調正璇璣，攝制艷都，降伏魔鬼，敕命水帝，召龍上雲，天地劫期，聖真名諱，所治城臺，衆真境界，廣宣分別，種種降差，服御元精，化形之法。神符者，雲

篆之文，神真之信，召攝衆魔，威制神鬼，總元御運，保命流年。寶訣者，天真上聖，述釋天書八會之字，以爲正音，開示大道。靈圖者，衆聖化迹，應見無方，圖寫變通，令總悟解。譜籙者，衆聖記述，仙真名諱，宗本胄胤，神宮位緒。戒律者，條制勅約，防非檢過，詮量罪福，分別重輕。威儀者，具示齋戒，進退楷模，俯仰節度，軌式容止。方法者，衆聖著述，丹藥祕要，神草靈芝，柔金水玉，修養之道。術數者，明辯思神，存真念道，心齋坐忘，遊空飛步，餐吸六炁，導引三光，鍊質化形，仙度之法。記傳者，是諸衆聖，載述學業，得道成真，通玄入妙，修因方所，證果時節。讚誦者，衆真大聖，功飾法言，稱揚正道，令總信樂，發起回向，生尊重心。章表者，師資傳授，妙寶奇文，登壇告盟，啓誓傳度，悔謝請福，關告之辭。此十二辭，統統衆法。一切意趣，無不備周。化引三乘，入一乘道出《本際經》。

三洞真經帙品目

洞真寶經十二部凡二十三萬三百八十八卷

太上部第一 妙林部第二

太清部第三 徹視部第四

上清部第五 開元部第六

元陽部第七 妙真部第八

開山部第九 十仙部第十

玉林部第十一 黃老部第十二

洞玄寶經十二部凡八十萬四千卷

靈和部第一 靈寶部第二

通神部第三 無量部第四

集仙部第五 內祕部第六

真志部第七 集善部第八

鍊精部第九 生尸部第十

官圖部第十一 鍊摩部第十二

洞神寶經十二部凡八十四萬二千卷

太真部第一 至德部第二

黃庭部第三 鍊氣部第四

道德部第五 元神部第六

大劫部第七 內簡部第八

神呪部第九 三皇部第十

按摩部第十一 小劫部第十二

右三洞三十六部，共一百七十八萬六千三百八十卷。

歷代聖人神仙所受經

玄中大經 上三皇 太素經 中三皇
 開元經 中三皇 金闕祕經 下三皇
 攝提本經 稷三皇 元陽經 伏羲
 元精經 神農 安神經 祝融
 道德經 黃帝 微言經 顓帝
 天元經 天老 黃庭經 帝嚳
 玄德經 帝堯 政事離合經 帝堯
 德戒經 夏禹 長生經 般湯
 赤精經 文王 虛無經 武王
 八天隱文經 昭王 出塞經 以下六
 經並尹喜受
 西昇經 元陽經
 道德經 內解經
 九室經 衛生經 南榮
 六甲經 宗王 鬼林經 始皇
 太平經 干吉 王訣九千篇 以下四
 品，張天師受
 符圖七千章 神呪四十首
 科律教戒一千二百卷
 新科一百二十卷 冠謙之

右諸經，並老君授

三一經 黃帝 龍躡經 黃帝

右二經 天真皇人授

上清經 四十六卷 漢武帝

右西王母授

上清經 三十二卷 魏夫人

右王君授

上清經 七卷 仙人李順興

右三真人授

上清經 四卷 仙人

右三茅真君授

靈寶經 十六卷 葛仙翁

右三真人授

靈寶經 十四卷 抱朴子

右太極真人授

道德章句 二卷 漢武帝

右河上公授

粵自三古已降，迄于巨唐。寶軸靈文，或隱或見。出於史策，或著在別。傳至宋朝，簡寂先生，校讎之際，述珠囊經目，萬八千卷。其後江表干戈，秦中兵革，真經祕策，流散者多。後周武帝，立通玄觀，收集衆經，猶及

萬卷。洎隋火版蕩，唐土龍興，翦掃氛妖，底定寰宇。至開元之歲，經訣方興。玄宗著瓊綱經目，凡七千三百卷。復有玉諱別目，記傳疏論，相兼九千餘卷。尋至二胡，猾夏正教。凌遲兩京，祕藏多遇焚燒。上元年中，所收經錄六千餘卷，至大曆年申甫先生，海內搜訪，京師繕寫，又及七千卷。長慶之後，咸通之間，兩街所寫，纔五千三百卷。近屬巨寇凌犯，大駕南巡，兩都烟煤，六合榛棘，真宮道宇，所在凋零。玉笈琅函，十無三二。余屬茲艱會，漂寓成都，扈蹕還京，淹留未幾，再為搜訪，備涉艱難。新舊經誥，僅三千卷，未獲編次。又屬省方所得之經，尋亦亡墜。重遊三蜀，更欲搜訪。累阻兵鋒，未就前志。時大順二年辛亥八月初三日庚辰，成都玉局化閱省科教聊紀云爾。杜光庭述。

无上黄錄大齋立成儀卷之二十一

无上黄籙大齋立成儀卷之

二十二

三洞法師冲靖先生留用光傳
太上執法仙士蔣叔輿修

科儀門

正一飛章謁帝儀

先華夏贊，引高功詣祖師道前，及從章靈官前，上香洒淨訖

法師啓白，請聖醮獻

次入戶呪

四明功曹，通真使者。上元生炁，

入臣身中。令所奏章，關達上聞。

華夏，旋香一周

次上御案香

各禮師，存念如法

右以章置簡上，兩手捧，當心，

正立，曲身，存思本師，位西立。

心禮三拜次存東方諸君丈人，心禮

三拜次存南方道德天尊，心禮三拜

次存西方三師，心禮三拜次存北

方太上老君，心禮三拜次存左日右月，去面各九寸，七星在頭

上。青炁從肝中出，布滿一室，

清光過乎日月。次存唐將軍從

左腎中出，立左。葛將軍從右

腎中出，立右。周將軍從心中

出，立前。兵士各三千萬衆，悉

朱衣赫然。次存五德將軍乃五神

也列位四方。次存天驕甲卒，臍

間出。天丁力士，額間出。狼

吏虎賁，兩眉間出。剛風騎置

吏，兩膝間出。收炁食炁吏，鼻

間出。次存傳章玉童玉女，各

立左右。直使功曹，朱衣黑幘，

正立前畢。然後行科。神仙之道，

恍惚之間，斯須則至。存念不宜久時，饜

常起有在心，一念一起，則了然矣。

次衛靈呪

鳴法鼓二十四通

發爐

太上玄元五靈老君，當召功曹使

者、左右龍虎君、捧香使者、三炁正神，

急上關啓三天玄元太上道君。臣今正

爾燒香，奉為齋主某伏為正薦亡親某乙普薦在會衆魂等，取某日，修建無上黃籙大齋，用資超度。謹依科格，前期拜奏天

官某章若干通，上詣某宮曹治某宮。願得

八方正真生炁，來降臣身中，令臣所啓，

速達逕御至真無極大道玉皇尊帝御前。

各稱法位

具章奏法位臣姓某謹上啓虛無自

然元始天尊、無極大道太上道君、太上

老君、高上玉皇、十方已得道大聖衆、

天尊至真、大帝天帝、玄中大法師、三

天大法師、正一靜應真君、正一女師真

人、正一嗣師系師真人、三元唐葛周真

君、三天門下諸司真宰、上章曹治通進

仙僚、天官某章中靈官典者、法籙治職

仙靈將吏、某歲德尊神、三界內外應感

威靈。臣胎肉微生，泥塵賤品，繆因宿

慶，忝冒法階，佩服符圖，遵行教法。

普令一切，咸入法門。凡有歸投，理宜

關告。今弟子某義形報薦，志切修崇。

願建齋功，廣資冥福。乞按科格，拜奏

章書。祈慧力之普加，俾幽途之開泰。

臣濫充祭酒，職在宣騰。謹為請命三

天，投誠衆聖。仰希感格，俯賜鑒觀。俾天澤下臨，章書上御。請祈遂志，幽顯蒙恩。永恢正一之風，普被大慈之化。臣無任誠惶誠恐，稽首再拜。謹啓以聞。

次詣三清御位，上香降聖，酌獻法事如儀。三清御座前，每位各香一爐。太清前烈火豐香，不可使香烟中絕。此留冲靖之旨也。

次叩齒二十四通，長跪出官衆官皆長跪

謹出。臣身中五體真官功曹吏出，上仙上靈直使、正一功曹、治病功曹官各二人出，左右官使者、陰陽神決吏、科車赤符吏、驛馬上章吏官各二人出。出者，嚴裝顯服，冠帶垂纓，整其威儀。直使功曹，戴通天之冠，皂紉單衣。正一功曹，冠朱陽之幘，絳章單衣，腰帶龍頭之劍，操持謁簿。使者，弁玄陰之幘，冠九德之冠，五色綬命單衣，腰帶虎符，齋執玉版。直使功曹住立四方，正一功曹住立中央，治病功曹營衛臣身。左官使者建節在前，右官使者持幢在後。陽神決吏立左，陰神決吏立

右。狼吏、虎賁、察奸、鈎騎、三官僕射、天驪甲卒、天丁力士、治正執正吏、收炁食炁吏、收神食神吏、收鬼食鬼吏、收毒食毒吏、收邪食邪吏、收精食精吏、收温食温吏、誅符破廟吏、剛風騎置吏、飛龍騎吏等官，各二人出，並皆羅列，住立臣前後左右，感受臣口中詞語，分別臣所奏上天官某章，關啓里中真官、注炁監察、考召里邑君、左右都平君、四面方位諸君將吏，天師所布下道上二玄三元、四始十二時辰皇天大帝、甲子諸官君、丙子仁君、五七赤陽君、二十五官君、考召諸君將吏等。臣所受某治男官女官二十四官、男炁女炁二十四炁、男職女職二十四職、治中左右陰陽二十四炁、建節監功大將軍，高下治中真炁、前部效功、後部效煞、驛亭令、驛亭丞，四部監章從事、按章從事、呈章從事、錄章從事、通章從事、禦章從事、定章從事、較章從事、齋章從事、五百印章從事，東九夷、南八蠻、西六戎、北五狄、中央三秦、玄元始三萬六千餘神，山川溪谷、社稷將吏。同

誠上啓太清玄元無上三天無極大道太上老君，太上丈人天帝君，天帝丈人九老仙都君，九炁丈人、百千萬重道炁、千二百官君，太清金闕七寶玉陛下、天師女師、嗣師系師君夫人，大道門下，上官典者，幹佐小吏，奉行文書事。臣以肉質，觸事暗昧，職當申騰。咸宣師命，救濟民物。今時謹有某拜奏某章，在臣素案之上、函蘊之中。臣伏地宣章如法，功曹使者，對共料理，特蒙逕御，謹開玉函，伏讀章文。

次上手爐香，以龍頭書刀啓章函，叩齒三通，祝曰

四明功曹，開函小吏。手執書刀，開發函軌。章文上奏，開通道理。亡者生天，存者蒙庇。急急如律令。

次從函中出章，於香上度過，叩齒三通，祝曰

五色之烟，衝章上天。五色之炁，衝章達帝。下官故炁，不得妄干。急急如律令。

次法師以章付侍經，侍經跪受章書，同侍香呈金魚置右，玉鴈置

左。次宣章法師望天門再拜，長跪，至請官處，皆再拜，存伏如儀。宣章畢，置案上，以書刀鎮左，筆鎮右。法師再拜，歸位慰章如儀。次法師以章置御案香上熏之。次叩齒二通，遣章。

謹遣臣身中五體真官，官一小吏，十二書佐，冠帶垂纓，磨硯點筆。為臣及時操臣謹為某拜上天官某章，上詣某宮曹治。臣愚謬忝參治錄，耳目閉塞，檢校不聰。所上章文，恐有錯誤。行列不端，文字不整。脫漏顛倒，音句不屬。將前作後，以左為右。事任陰陽神決吏、傳言書佐、習事小吏，隨章進對，龍頭書刀，尋文削治，長毫利筆，依儀證定。無令上官典者，有所遣却，閉炁昇章，逕御太上老君御前左吏、歷關右吏，歷啓諸官君。歷第以次，分別關啓。當令臣所請者下，所召者到，所濟者度，所奏者達。若有下官故炁，邀截臣章文，不使上達者，錄付所在近獄，依律治罪，以明天憲。臣伏在案左，恭待聖恩報應。

封章入函

侍經捧章，監齋押之。威儀華夏讚，引至焚燎所。侍經讀章，疏關

焚章頌

法師伏地，呈進如儀候。興舉送聖頌，長跪納官。

臣上章事訖，所出臣身中功曹使者，一切靈官君吏，各從臣衆妙之門而入，在左還左，在右還右。直使功曹，主領檢押，復於宮室，無令差互。後召又到，一如故事。叩齒三通，咽液三過

復爐

香官使者，左右龍虎君，侍香諸靈官，當令臣奏章之所，自然生金液丹碧芝英。百靈衆真，交會在此，香火爐前。當願弟子某合家受福，幽顯蒙恩。十方仙童玉女，侍衛香烟，傳奏臣所言，並所上章文，徑御至真無極大道玉皇尊帝御前。

出堂頌

天師前，禮謝

雲輿

送師

向來

念善

請恩設醮儀

古儀不載。唐先生有之，今隨有焉。若師古之士，當從晉唐舊法

先嚴潔排辦，香燈茶酒果醮獻之具，一一如法供養

次敕水淨穢，華夏升壇

入戶呪

繞醮筵，行香一周，道衆依序立班

各禮師，存念如法

衛靈呪

鳴法鼓二十四通

無上三天玄元始三炁太上老君，召出臣等身中，三五功曹、左右官使者、左右捧香、驛龍騎吏、侍香金童、傳言散花玉女、五帝直符直日香官，各三十六人出。出者嚴裝，關啓此間土地里域、真官正神。臣今正爾燒香，奉為某開建无上黃籙大齋，行道事竟，謹設清醮，一座幾分位。仰謝洪恩，願得太上十方正真生炁，降流臣等身中。令臣所

啓，速達逕御太上無極大道至真玉皇上帝御前。

次長跪出官叩齒，咽液如法。納官同

謹出臣身中，五體真官功曹吏，出上三天、執法開化、陰陽功曹，度道消災、散禍解厄君吏，各一十二人出。臣等身中治職君吏，某治中建節監功大將軍，前部效功、後部效殺、驛庭令、驛庭丞、四部監功謁者，上仙上靈、直使功曹、左右官使者，陰陽神決吏、科車赤符吏、剛風騎置吏、驛馬上章吏、飛龍騎吏等官，各二人出。出者，嚴裝顯服，冠帶垂纓，整其威儀。功曹，弁朱陽之幘，冠通天之冠，衣皂紉單衣，腰帶龍頭之劍，捧持謁簿。使者，弁玄陰之幘，冠九德之冠，衣絳章單衣，腰帶虎符，齋執玉版。直使功曹，住立四方。正一功曹，住立中央。治病功曹，營衛臣身。左官使者，建節在前。右官使者，持幢在後。陽神決吏立左，陰神決吏立右。上部功曹住立上方，中部功曹住立身中。促氣功曹，催促十方。上部使者，遠望上天。中部使者，遠瞻

八方。都官使者，繞巾臣身。狼吏虎賁、察奸鈎騎、都官僕射、天驕甲卒、天丁力士，治正執正吏、收神食神吏、收鬼食鬼吏、收炁食炁吏、收毒食毒吏、收精食精吏、收邪食邪吏、誅符破廟吏、剛風騎置吏、驛馬上章吏、飛龍騎吏等，並皆屯駐臣左右前後，受臣詞語，分別關啓。此間土地里域、真官監察、考召左右都平君，天師所布下二十八治、三十六靖廬、七十二福地、三百六十名山、崑崙等上宮洞天海嶽、三元四始、二十四炁、十二司神，太歲太陰、甲子諸官君、玄元始炁三萬六千神，在時受命章中，從事東夷、南蠻、西戎、北狄、中央三秦、五老神君，山川溪谷、靈官將吏。同誠上啓太上無極大道元始天尊，太上大道君，太上老君，太上丈人無上玄老君，十方無極大道道德衆聖天尊，至真大帝天帝，三十六部尊經，玄中大法師天師君，靈寶衆真、三界威靈。臣等夙命因緣，叨傳教法。告盟之日，約以行持。誓願蕩揚真風，廣化一切。今爲弟子某虔遵科簡，修奉寶

齋。已散瑤壇，載陳清醮。仰酬洪造，用表丹衷。伏乞功曹使者、飛龍騎吏，爲臣傳奏，速令上達。所冀三清大帝、十極高真，普錫洪慈，分輝降鑒。流恩下土，施澤窮泉。福被存亡，慶均家國。臣誠惶誠恐，稽首頓首，激切之至。謹啓以聞。

各稱法位

具法位，奉行黃籙言功大醮法事。

臣某與臨壇衆官等，謹同誠上啓虛无自然元始天尊、無極大道太上大道君、太上老君、高上玉皇、十方已得道大聖衆、至真諸君丈人、三十二天帝君、玉虛上帝、玉帝大帝、東華南極西靈北真玄都玉京金闕七寶瓊臺紫微上宮靈寶至真明皇道君、玄中大法師天師君、上相上宰、四司五帝、三界官屬一切真靈。臣謹爲弟子某，恭修無上黃籙大齋。功圓事竟，謹涓吉夕。虔備醮修，延降諸天聖真、靈寶官屬、三界職司、一切主宰。願垂降駕，鑒察丹衷。臣等無任瞻天望聖，激切屏營之至，謹稽首再拜奏請。

次降聖 上香 進茶 獻酒

法事遶醮筵行香一周，至洞案前立

舉長吟法事

各稱法位

具法位 臣某與弟子某臨壇官衆等，謹重誠上啓三清上聖、十極高真、天地靈仙、日月星宿、四司五帝、嶽瀆真官、靈寶仙曹、三界官屬、醮筵感降一切真靈。臣等夙承餘慶，得際真風。叨佩靈文，稟修玄教。功輕塵露，過重丘山。誠宜束身，以自收檢。而法許開度，佐國立功。凡有皈投，理難抑絕。况奉詞旨，敢不上聞。

宣詞

按如詞旨，備極精誠。齋主某虔奉道真，齋持法信。依按科簡，恭設皇壇。修無上之齋，竭事天之實。叩頭十極，歸仰三光。懺積罪於神經，謝宿愆於嶽瀆。隨方鎮綵，至潔至嚴。列位香燈，無虧無絕。青詞朱表，上達玄都。玉篆金書，下頒幽壤。諒齋功之成就，祈善願以周圓。幽顯均休，存亡

獲慶。今者法事已悉，仙範既終。真馭返於上玄，法流分於下界。經收寶軸，道還玉京。卸梵炁之牌，倒碧蓮之纂。共惟三界，一切真靈，侍經威神，直壇將吏。爰從啓告，逮至散壇。依按典儀，九時朝奏。監臨翊衛，通達往來。勞役具官，驅馳將吏。敬陳醮禮，恭謝靈恩。伏願暫駐雲輶，少留寶馭。享茲清潔，察此精誠。賜景福於家門，降祺祥於眷屬。幽冥開泰，生死荷恩。臣等無任虔切之至，謹稽首再拜，上香，酒伸亞獻。

次法事遶醮筵行香一周，至洞案

前序立

舉長吟法事

具位 臣某與弟子某等，謹重誠上啓太上三尊，十方衆聖，三界官屬，一切真靈。臣聞，大道無爲，神功不測。生成天地，孕育萬靈。惠濟幽明，利霑品物。凡伸祈告，必獲感通。今弟子某宿植良緣，歸依正教。荷恩深厚，展敬虧違。寶齋已散於良宵，清醮再陳於吉夕。答天地生成之德，謝真靈衛護之

恩。洗積世之愆尤，解百生之冤結。遷升往逝，保佑親姻。伏乞上聖垂慈，至真錫祐。三官注善，五帝記名。功德克周，善緣成就。福流無極，利及有情。先願宗祧先聖，社稷尊靈，長保丕圖，克昌厥後。皇帝天基惟永，睿筭無疆。四夷咸賓，五兵銷偃。陰陽叶序，風雨應時。歲有豐登，物無疵癘。次願弟子某等，億曾萬祖，苦爽幽魂，俱承妙善之功，咸獲超生之路。死魂受鍊，永拋有漏之緣；真性長存，頓悟無爲之果。次乞 臣等己身眷屬，舉族姻親。體合元和，神融妙道。金真玉瑩，增福祉於隆昌；鏡朗塵清，延壽齡於綿遠。灾隨霧散，善逐雲臻。動植飛沉，寰中象外，俱霑巨福，咸沐玄恩。然願享祀神祇，此間土地，同承齋力，進品仙階。鎮宅寧家，安人護物。三途五苦、六道四生、兵死陣亡、沉魂滯魄，各蒙道力，溥受殊勳，速離幽關，早超真界。仰希真應，克副所祈。稽首虔恭，酒陳終獻。醮壇禮狀，恭對敷宣。

次奏獻車輦，錢馬

宣功德都疏

法事遶醮筵行香一周，至洞案前序立

臣謹重誠上啓至真大聖，無極高尊，三界真靈，一切官屬。臣等祇奉仙科，慶成道典。禮既周於三獻，善斯降於百祥。所願從心，所求遂志。功霑水陸，善及存亡。一切有情，悉蒙玄澤。尚慮臣等學法未備，進止犯科。弟子某薦獻乖儀，修營有缺。願垂原赦，普降洪恩。塵世凡微，不敢稽滯。仰瞻真馭，已在雲霄。升車之恩，不違祈請。臣等下情，無任攀戀望恩之至。謹稽首再拜，奉送。

回輦頌

長跪，納官

臣奏啓事畢，向者所出功曹使者，並還臣身中。從衆妙門而入，在左還左，在右還右。直使功曹，主領檢押。各復本位，無令差互。須召又到，一如故事。

復爐

香官使者，左右龍虎君，侍香諸靈

官，當令設醮之所，自然生金液丹碧芝英。百靈衆真，交會在此，香火爐前。當令存亡受福，家國霑恩，十方金童玉女，待衛香烟。傳臣向來所啓之誠，逕御太上無極大道至真玉皇上帝御前。

吟焚詞頌，至燎所

回向，念善

唱設醮事畢，衆官復位

无上黄錄大齋立成儀卷之二十二

无上黄錄大齋立成儀卷之二十三

三洞法師冲靖先生留用光傳
太上執法仙士蔣叔輿修

科儀門

請光分燈儀

先備明燭一炬，置于三寶前，道衆列班齋壇，請齋官上香設拜，舉法事。

次法師同侍香侍燈，詣道前請光

法師啓白

具法位臣某上啓玉清上帝元始天尊，上清大帝靈寶天尊，太清大帝道德天尊，東極太一救苦天尊，十方尋聲救苦天尊，大慈大悲救苦真人，大慈大悲大慧真人，靈寶五師真君。臣聞四生冥昧，不離迷途；六趣昏蒙，長居永夜。自積無明之□垢，莫逢有赫之恩光。是以師寶垂慈，帝真流化。著迴耀降光之格，演然燈懺臯之儀。上照諸天，則三晨增耀；下輝九夜，則庶獄停酸。

中映十方，遍資六趣。神光普被，妙用難明。今謹有弟子某，正薦亡親某乙，普薦在會衆魂，開建無上黃籙大齋，用資超度，恭依科式，敷列壇場。然點神燈，開明幽暗。伏乞天光下濟，法澤旁流。放九色之明輝，度重泉之苦爽。十方法界，九夜冥關。盡憑照燭之功，俱遂升遷之願。稽首歸依，加持燈果。

大聖元始天尊

大聖玉宸天尊

大聖玄元天尊

法師以符燭置手中，宣迴耀神呪

九陽至清，三天道明。日月神華，

星光合明。三華寶耀，混合羣晶。三寶發華，慧光發神。長降飛空，下燭幽冥。慧光一照，徧徹十方。三塗罷對，五苦停輪。火山息焰，冰消雪崩。刀化玉樹，劍變鸞林。鐵城摧毀，魂升玉清。臣今上請，願賜開澄。日月靈妃，星光真人。一十二真，稽首奉行。分燈散輝，照徹寒庭。

法師以符燭就三寶前，請光在手，宣分燈慧光呪

赤明開圖，運度自然。開明三景，億劫之先。今日大慶，沉魂受鍊。重昏幽暗，永閉寒泉。欲請慧光，照破冥關。冰寒溫和，爐炭息焰。刀山劍樹，永斷攀緣。回光十方，照耀諸天。魂消五累，業除勾連。三辰同暉，永劫元元。開光童子，承恩上玄。三光玉女，請如斯言。

侍香侍燈，各以紙燭，就法師所

執符燭，分光三炬。

法師分輝

一生二，二生三，三生萬物。普照

幽沉，見前清衆，請爲分輝。

流光法界天尊

侍香侍燈，分點壇上燈燭。衆

官各執紙燭，就法師手中，分光

然點。壇席燈燭，並令周徧。

光明朗徹，輝映十方。

衆官序立，詠迴耀飛光頌

法師回向

向來然燈功德，無量勝因。用薦幽靈，遷昇淨界。永離苦暗，長處光明。利及十方，恩霑六道。爲上良緣，

念三清無上天尊，太一救苦天尊，十方救苦天尊。不可思議功德。

金鍾玉磬儀

先置金鍾玉磬於都門外，香案前，鍾列左，磬列右。

次高功上香

都講宣白

伏以華林隱靄，環列天中之天；丹闕森羅，旁通象外之象。矧玉匱挺愛河之筏，而寶齋橫苦岸之舟。廣度迷津，齊登道果。制器有象，能事盡陳。輒稽大法之鴻儀，式按冲科之妙用。金鍾互奏，玉磬交鳴。四關六通，間步虛之繚繞；九和十合，揚大梵之彌淪。神風靜默以凝和，灑炁飛騰而薦瑞。鸞歌鳳舞，虎嘯龍吟。希聲振而三景明，上徹寥陽之帝所；隱韻砰而九陰闢，下通鬱絕之神鄉。臣等肅建靈壇，祇迎寶馭。仰祈聆響，俯格精誠。稽首歸依，無極大道。

振金鍾二十五聲

伏以九陽隱韻，大音希聲。象含圓極之容，量廓太虛之度。憑真寂以

感聖，冀玄和而聚仙。有叩則鳴，如谷答響。虛凌恢漠，極丹禁之華堂；默感璇璣，潛九空之雅觀。至外無外，知空不空。密運玄音，一新功範。

宣召陽神呪

元範恢漠，九霞映空。丹靈顯著，五緯交通。真陽激徹，韻合玄官。元始徘徊，羣仙敬從。萬炁齊仙，隱微降衷。道生自然，與道合真。

擊玉磬三十聲

伏以瑤壇蠲潔，玉磬琳琅。六合之真宰凝神，九野之陰靈稽首。垂光五蔭，分盼三塗。警悟覺昏，還元返本。妙有之真機感妙，虛玄之逸響合虛。冥合自然，作成祕範。

宣召陰神呪

高上太虛，瓊宮紫房。玄壇制器，玉磬琳琅。霞霄振舉，乾坤合張。陰生梵唱，流演元綱。慶雲生門，昇度淪亡。克成高仙，永處福鄉。與道合真。

鍾磬交振三十六聲

伏以飛虛掣翠，遏紫電於遙空；流燁垂晶，散幽微於玄漠。雲璈萬戰，

風詠千箏。龍含虎炁以迎祥，玉和金風而呈瑞。輕綃四舉，映玄壇鬚鬣之間；薄霧九沉，引法界虛無之路。九和二炁，十合三宮。雨露恩霑，風雲慶會。

混合二炁，表陰著陽。金和動瑞，

玉潤靜昌。交感上下，格于十方。窈振玄宮，環珮鏘敷。靈符所告，嚴肅壇場。祕範重宣，萬神開張。與道合真。

振金鍾九聲

擊玉磬六聲

伏以混茫始判，天地殊形。澄高清於九億萬重，凝滓滯於三十六壘。音通象外，韻徧無方。流八極深沉之端，通五行造化之表。龍蟠雲聚，振寰海之邪蹤；虎伏風平，明人天之真識。辟非之效，禁壇之功。莫盡讚揚，故先遵奉。今則清場初啓，迎祥於太漠之鄉；紫範恭宣，施澤於重陰之境。金鍾清徹，玉磬含和。召十方陽德之靈，集九地陰冥之宰。普臨法會，共證齋功。清衆同誠，旋行讚詠。

无上黄錄大齋立成儀卷之二十三

无上黄錄大齋立成儀卷之二十四

三洞法師冲靖先生留用光傳
太上執法仙士蔣叔輿編

科儀門

九幽神燈儀

陳設畢，法師焚香，存神，叩齒二十四通。

啓白

具法位某上啓黃錄會中，無鞅仙聖，九幽主宰，一切真靈。咸望洪慈，俯回洞鑒。伏聞二儀定位，三炁開光。晦明分晝夜之殊，幽顯辨昇沉之像。十方法界，九夜冥關。憑道力以潛通，仗神輝而洞照。今謹有黃錄大齋主某，伏爲資薦某靈，開建黃錄大齋，乞於齋次，依法然燈。破暗續明，祈恩請福。當乞上關三景，下白九幽。宣達齋誠，導迎景貺。九霄八極，六趣三塗。盡憑照燭之功，俱遂遷昇之果。稽首歸依，無極大道。

十方靈寶天尊

伏聞大道分形，真精布化。奠三才而立極，幹萬化以居中。今奉爲黃籙大齋主某，資薦某靈，謹然九幽神燈，上照諸天福堂之內，朗徹光景，輝映萬空。中照中宮境域神州，妖惡潛消，灾凶殄息。下照中央普掠之獄，破諸幽暗，開諸光明。劍樹韜鋒，刀山斷刃。無邊皐爽，一切窮魂，息苦停酸，除愆滅臯。俱入光明之界，永離黑暗之鄉。清衆歸依，虔誠讚詠。

九幽拔罪天尊

伏聞，一炁洪濛，二儀開闢。木德號發生之府，慈尊垂拯拔之科。今奉爲黃籙大齋主某，資薦某靈，謹然九幽神燈，上照東方無極諸天福堂之內，陽光煥赫，照徹東方。中照震卦卯位三宮青帝之方，清蕩凶灾，掃除妖翳。下照東方風雷地獄，破諸幽暗，開諸光明。息震雷霹靂之威，免飄戟飛戈之難。無邊罪爽，一切窮魂，落黑府之罪名，上青元之生籙。解脫憂苦，升證光明。清衆歸依，虔誠讚詠。

威光寶際天尊

伏聞，三炁開光，五靈分化。丹簡注長生之籙，朱陵開冶鍊之庭。今奉爲黃籙大齋主某，資薦某靈，謹然九幽神燈，上照南方無極諸天福堂之內，陽華洞朗，照徹無窮。中照離卦午位九宮赤帝之野，消平灾沴，掃除妖氛。下照南方火翳地獄，破諸幽暗，開諸光明。停火城考對之威，息塗炭炮炙之苦。無邊罪爽，一切窮魂，永辭長夜之鄉，逕上丹靈之界。常居福慶，永獲善緣。清衆歸依，虔誠讚詠。

光流萬變天尊

伏聞，空青結字，太白流精。西華分太妙之都，右極控浮羅之嶽。今奉爲黃籙大齋主某，資薦某靈，謹然九幽神燈，上照西方無極諸天福堂之內，神光煥耀，朗映太空。中照兌卦酉位七宮白帝之境，掃除氛穢，蕩滌凶灾。下照西方金剛地獄，破諸幽暗，開諸光明。停金槌鐵杖之威，息穿腹塞心之苦。無邊罪爽，一切窮魂，克超解脫之門，逕入莊嚴之界。冤仇和釋，智慧圓

通。清衆歸依，虔誠讚詠。

寶光通照天尊

伏聞，太茫浩劫，五炁應真。敷大化於玄天，配神功於黑帝。今奉爲黃籙大齋主某，資薦某靈，謹然九幽神燈，上照北方無極諸天福堂之內，祥光昭灼，徹照無邊。中照坎卦子位一宮黑帝之野，蕩除邪穢，洗滌凶灾。下照北方溟泠地獄，破諸幽暗，開諸光明。停冰戟霜刃之威，息長夜丘寒之苦。無邊罪爽，一切窮魂。願乘懺拔之功，逕上空真之境。永離惡趣，超證仙鄉。清衆歸依，虔誠讚詠。

金華廣耀天尊

伏聞，乾道流形，艮山列位。總生化於蒼元之境，扇靈風於紫極之庭。今奉爲黃籙大齋主某，資薦某靈，然九幽神燈，上照東北方諸天福堂之內，靈光洞朗，照映虛空。中照艮卦八宮丑寅之野，肅清灾沴，摧蕩凶邪。下照東北方鑊湯地獄，破諸幽暗，開諸光明。永停煮漬之威，普化清涼之境。無邊罪爽，一切窮魂。逕登長樂之鄉，永離

重陰之苦。形神升度，債業蠲消。清衆歸依，虔誠讚詠。

太微光範天尊

伏聞，梵炁騰精，巽方並極。惟妙寂莊嚴之界，有好生度命之尊。今奉爲黃籙大齋主某，資薦某靈，然九幽神燈。上照東南方無極諸天福堂之內，光華普照，煥耀無涯。中照巽卦四宮辰巳之野，蠲消邪惡，摧滅凶災。下照東南方銅柱地獄，破諸幽暗，開諸光明。停猛烈火之威，息表裏焦爛之苦。無邊罪爽，一切窮魂。永辭長夜之鄉，逕上耀真之境。罪根蕩滌，神識清閑。清衆歸依，虔誠讚詠。

流光應現天尊

伏聞，真風散景，梵炁含光。列厚載於坤維，顯元功於乾德。今奉爲黃籙大齋主某，資薦某靈，然點九幽神燈。上照西南方無極諸天福堂之內，流光洞徹，照耀無窮。中照坤卦二宮申未之鄉，掃除陰沴，清蕩凶邪。下照西南方屠割地獄，破諸幽暗，開諸光明。停倒懸割切之威，息肢體零落之苦。無

邊罪爽，一切窮魂。消累劫之愆尤，釋多生之罪考。宿根清淨，善果圓成。清衆歸依，虔誠讚詠。

通光普照天尊

伏聞，元精既闢，天闕肇開。衆星垂拱極之文，萬象體元亨之運。今奉爲黃籙大齋主某，資薦某靈，然九幽神燈。上照西北方無極諸天福堂之內，光華朗徹，照映太虛。中照乾卦六宮戌亥之分，掃清妖惡，蕩滅凶災。下照西北方火車地獄，破諸幽暗，開諸光明。停刀輪運轉之威，息燒炙焦爛之苦。無邊罪爽，一切窮魂。浴流火以鍊形，詣明霞而證道。罪消北府，名度南宮。清衆歸依，虔誠讚詠。

洞靈無上天尊

向來然燈功德，上明三界，下煥九幽。睹此光明，同霑福力。即使火山息焰，冰池靜波。吞火食炭，化爲甘露。金槌鐵杖，變成蓮花。若存若亡，俱登道果。九幽地獄，無量罪魂。或是九祖七玄，或是先亡後逝，或識不識，若冤若親。墮此獄中，受諸罪報。

或先親作業，或七世爲非，或三業六情，或十惡五逆。當生之日，不悟善緣。自作自爲，違天負地。命歿之後，幽繫陰司。五苦交煎，衆惡備受。罪終報盡，方獲托生。展轉三塗，輪迴六趣。動經億劫，出離無由。一失人身，永乖賢路。自非大道遷拔，至聖垂慈。長夜冥冥，何時解脫。因今懺悔，然燈燒香，願睹光明，萬罪消釋；乘功德力，託化人天，禮覲天尊，聞經悟法。諸惡永息，衆善遵行。世世生生，常歸正道。爲此良緣，再憑稱念，九幽拔罪天尊。不可思議功德。

杜廣成先生曰：上元金籙簡文真仙品曰，然燈威儀，爲帝王國主，上消天災正天分度，下安兆庶濟拔存亡。當然九幽神燈，上照九天福堂，下照九幽地獄。人天蒙福，生死荷恩。夫然九幽燈者，當市清淨香油，不得用非義之財及濁雜葷穢之物，或以諸香宿漬於其中，取其燈焰，芳潔散流。香炁上感諸天，下

蠲腥雜。燈光朗徹，消暗繼明，即大獲功德。九幽之燈，當於靈壇廣殿、衆聖之前。分爲九樹，依九位陳列，樹列九盞。或一樹九層，層列九卮。九九之數，法天象地。下開九夜，上達九玄。濟存披亡，最爲勝福。或力不及者，止辨九卮，不必備用此儀，止焚香告真，精誠冥祝，功德通感，亦一揆也。或隨位、備漿、水、粥、時果九分，或八十一分列於九位之前，尤爲精妙。

九獄神燈儀

道衆立獄所，齋官上香，法師告玉清破地獄真符。

具法位 臣某焚香，上啓三清上帝、太一救苦天尊、九幽拔罪天尊、十方救苦天尊、大慈大悲救苦真人、大慈大悲大慧真人、玄中化主、三天聖師、天地水官帝君、北陰酆都大帝、五嶽聖帝、水府扶桑大帝、三十六壘土皇君、東方風雷地獄主者、南方火翳地獄主者、西

方金剛地獄主者、北方溟冷地獄主者、東北方鑊湯地獄主者、東南方銅柱地獄主者、西南方屠割地獄主者、西北方火車地獄主者、中央普掠地獄主者、酆都十八地獄主者、酆都八大地獄主者、酆都三十六地獄主者、酆都三官二十四地獄主者、五嶽地獄四瀆地獄主者、十二河源地獄主者、冥關幽路一切冥司地道功曹、里域真官、虛空監察、應感威靈。願降無私，同回有監，以今伏爲黃籙大齋主某，資薦亡親某，開建无上黃籙大齋，依法然懺九獄神燈一壇，告行玉清寶籙、破地獄真符，依準上帝符命，時刻昇遷。天牢地獄、冥關幽路、長夜泉扃、一切冥司、效職百靈、考官掾吏，敬聽上玄符命，開關啓路，毀鎖張門，赦拔係薦亡魂，及九幽十道、囚獄沉魂等衆。不以罪業輕重，普皆釋放。部衛前來，制魔保舉。度品南宮，死魂受鍊。仙化成人，隨劫輪轉，與天齊年，永度三塗五苦八難，超凌三界，逍遙上清。寶籙真符，謹當告下。

宣符命，告文

法師召神
謹召地道功曹，恭對道前，承受符命。告下十方，依律赦罪。

宣關 焚符

舉明燈頌，旋遶一匝

法師化身爲太一救苦天尊，行持如本儀。侍燈執卷，宣白

一元布化，高卑分天地之形；三炁開光，幽顯定升沉之象。聚仙聖於碧落空歌之境，拘罪魂於羅酆泉曲之鄉。業識相因，輪迴受報。一淪惡趣，永墮冥關。億劫不睹於光明，長夜備嬰於苦惱。玉京上聖，金闕玄真。大慈大悲，普濟普度。著回耀降光之格，垂續明破暗之文。俾承懺滌之功，克遂超昇之願。今謹有黃籙大齋主某，資薦亡靈某修奉大齋，超生仙界，乞於齋次，依法然燈。伏願三境帝師、十方應號尋聲救苦太一慈尊，放九色之神輝，破重泉之幽暗。無鞅世界，受苦衆生，願睹燈光，自識宿命。思愆悔罪，息苦停酸。乘道力以超遷，憑真符而關濟。煥明九地，輝映三塗。普及含靈，同臻

道果。見前清衆，同爲讚揚。

九幽拔罪天尊

九幽之東，曰風雷獄。飛戈飄戟，衝突罪人。今謹爲黃籙大齋主某人，資薦亡靈某。乞按靈寶科格，然懺九獄神燈。伏願東方大慈救苦玉寶皇上天尊，普放祥光，照破幽獄。慈風廣扇，咸停霹靂之威；慧力靈通，永息風雷之考。亡靈超度，罪爽遷昇。入丹霍以煉神，詣青華而受記。見前清衆，請爲讚揚。

玉寶皇上天尊

稽首華林境，玉寶皇上尊。願垂大慈力，拔度此亡魂。出離風雷獄，往生人天道。不可思議功德。

法師左玉清訣，右執策杖。叩齒

九通，於獄前，呪曰

九炁生煙，玉寶慈尊。皇上正炁，流降冥空。雷霆息威，偃息迅風。戟戈摧折，罪惡傾奔。元始靈命，昇濟魂宗。

十方救苦天尊就燈焚旛套於獄中。法師叩齒九通，默誦開光呪，執策杖於獄前，依內

鍊大旨，本章行持，存元始寶光照破幽獄。次存黃色雲氣，覆於一方，餘獄同此行持

九幽東南，曰銅柱獄。令諸罪人，

手抱足登。今謹有黃籙大齋主某，資薦亡靈某。乞按靈寶科格，然懺九獄神燈。伏願東南方大慈救苦好生度命天尊，普放慈光，照破幽獄。神輝洞照，自除熱惱之威；業債消平，永斷攀緣之苦。惡根斷絕，屍穢沈零。咸登解脫之鄉，逕上逍遙之路。見前清衆，請爲讚揚。

好生度命天尊

稽首碧霞境，好生度命尊。願垂大慈力，拔度此亡魂。出離銅柱獄，往生人天道。不可思議功德。

師執策杖，行持如前，呪曰

生化梵陽，一炁好生。度命大聖，普度無窮。焦爛生肌，熱惱散衝。炎然銅柱，永滅無營。苦除罪考，上升仙宮。

十方救苦天尊焚符旛，破獄如前儀

九幽之南，曰火翳獄。令諸罪人，吞火食炭。今謹有黃籙大齋主某，資薦

亡靈某。乞按靈寶科格，然懺九獄神燈。伏願南方大慈救苦玄真萬福天尊，普放祥光，照破幽獄。火山息焰，沐慧露於清涼；業道停輪，被慈雲而開泰。無邊罪爽，一切窮魂。神登流火之庭，面禮丹皇之聖。見前清衆，請爲讚揚。

玄真萬福天尊

稽首梵天境，玄真萬福尊。願垂大慈力，拔度此亡魂。出離火翳獄，往生人天道。不可思議功德。

法師行持如前儀，呪曰

三炁丹華，萬福玄真。吹呼陽光，拔度幽魂。火翳頓滅，炎生靈風。炮炙塗炭，法雨慈雲。慧光布化，罪考消蠲。一如告命，群靈敬聽。

十方救苦天尊焚符旛，破獄如前儀

九幽西南，曰屠割獄。倒懸罪人，刀劍割體。今謹有黃籙大齋主某，資薦亡靈某。乞按靈寶科格，然懺九獄神燈。伏願西南方大慈救苦太靈虛皇天尊，普放祥光，照破幽獄。真陽下濟，生劍戟之蓮花；逝魄上升，睹慈尊之

玉相。開明本性，早入慧源。悟業障之本空，得形神之自在。見前清衆，請爲讚揚。

太靈虛皇天尊

稽首耀真境，太靈虛皇尊。願垂大慈力，拔度此亡魂。出離屠割獄，往生人天道。不可思議功德。

法師行持如前儀，呪曰

坤蠡虛皇，太靈高尊。景色元輝，下照幽官。風刀割切，摧刃剝鋒。罪魂零落，肌復神冲。永離荼毒，隨證仙宗。

十方救苦天尊 焚符籙，破獄如前儀

九幽之西，曰金剛獄。金槌鐵杖，

亂考罪人。今謹有黃籙大齋主某，資薦亡靈某。乞按靈寶科格，然懺九獄神燈。伏願西方大慈救苦太妙至極天尊，普放輝光，照破幽獄。炎炎烈火獄，慈風扇而熱惱蠲；重重金剛山，法雨露而憂勞息。洞開劫夜，超度窮魂。逍遙七炁之天，輪轉十華之界。見前清衆，請爲讚揚。

太妙至極天尊

稽首金光境，太妙至極尊。願垂大慈力，拔度此亡魂。出離金剛獄，往生人天道。不可思議功德。

法師行持如前儀，呪曰

七炁素英，太妙至極。金光寶耀，普度魂識。鐵杖考掠，永使脫離。金鎚刀叉，應時銷摧。天慈赦宥，無敢有違。魂升太素，逍遙神儀。

十方救苦天尊 焚符籙，破獄如前儀

九幽西北，曰火車獄。車輪冰刃，割切罪人。今謹有黃籙大齋主某，資薦亡靈某。乞按靈寶科格，然懺九獄神燈。伏願西北方大慈救苦無量太華天尊，普放祥光，照破幽獄。尸魄受煉，

度十方世界苦惱之根；死魂生身，出八門曠蕩塗炭之境。羅酆息對，幽夜

煥明。普令九地之幽沉，盡沐重玄之惠澤。見前清衆，請爲讚揚。

無量太華天尊

稽首妙道境，無量太華尊。願垂大慈力，拔度此亡魂。出離火車獄，往生人天道。不可思議功德。

法師行持如前儀，呪曰

乾靈玉真，無量太華。天元正炁，廓照無涯。火車毀輪，消滅蹤轍。潰爛腐魂，變形玉葩。神聚魂凝，上詣仙家。

十方救苦天尊 焚符籙，破獄如前儀

九幽之北，曰溟泠獄。冰戟霜刃，衝突罪人。今謹有黃籙大齋主某，資薦亡靈某。乞按靈寶科格，然懺九獄神

燈。伏願北方大慈救苦玄上玉宸天尊，普放慈光，照破幽獄。祥烟塞死，開南上之生門；冰池靜波，息北陰之業對。罪根散釋，債訟消平。逕登快樂之天，永斷輪迴之路。見前清衆，請爲讚揚。

玄上玉宸天尊

稽首定真境，玄上玉宸尊。願垂大慈力，拔度此亡魂。出離溟泠獄，往生人天道。不可思議功德。

法師行持如前儀，呪曰

五炁素精，玄上玉宸。九和陽光，普濟靈魂。清香周布，惡穢散氛。冰戈霜刃，消蕩其根。九天道炁，永除寒

肩。罪考解脫，逕上南宮。

十方救苦天尊焚符籙，破獄如前儀

九幽東北，曰鑊湯獄。煮漬罪人，肢體爛潰。今謹有黃籙大齋主某，資薦亡靈某。乞按靈寶科格，然懺九獄神燈。伏願東北方大慈救苦度仙上聖天尊，普放祥光，照破幽獄。苦魂罪魄，咸超解脫之鄉；朔獄幽牢，盡化清涼之境。輪停五道，澤洒十方。共乘無上之因，咸造無爲之果。見前清衆，請爲讚揚。

度仙上聖天尊

稽首長樂境，度仙上聖尊。願垂大慈力，拔度此亡魂。出離鑊湯獄，往生人天道。不可思議功德。

法師行持如前儀，呪曰

鎮劫保運，神景慈尊。化形救苦，度仙上聖。惠澤流布，鑊湯滅爨。沸煮火爛，形復端正。湯化甘涼，蓮生赤柄。永出苦獄，普登元應。一如靈命，鬼官敬聽。

十方救苦天尊焚符籙，破獄如前儀

九幽中央，曰普掠獄。拷掠罪人，痛毒難忍。今謹有黃籙大齋主某，資薦

亡靈某。乞按靈寶科格，然懺九獄神

燈。伏願上方大慈救苦玉虛明皇天尊、下方大慈救苦真皇洞神天尊，普放祥光，照破幽獄。神燈朗耀，洞成不夜之鄉；劍樹摧鋒，悉化騫林之境。亡靈受度，罪爽蒙原。永除五苦之根，具足六通之慧。見前清衆，請爲讚揚。

玉虛明皇天尊

稽首梵天主，明皇洞神尊。願垂大慈力，拔度此亡魂。出離普掠獄，往生人天道。不可思議功德。

真皇洞神天尊

法師行持如前儀，呪曰

上元玉虛，明皇紫宸。下洞九淵，真皇洞神。慧慈二光，普度亡魂。刀山劍樹，立化騫林。拷掠苦毒，徑除酸辛。鋸解倒懸，永不經由。鐵城破散，鬼官遷真。億劫罪爽，普度朱陵。十方告命，群靈奉聽。敢不奉命，列奏玉宸。

十方救苦天尊焚符籙，破獄如前儀

太一救苦天尊
師靈寶訣，執所懷青玄破酆都符，

密念化形呪，同回光符，併焚獄

中。再心祝，存燈光成百寶祥光，上達九霄，下徹九地。存化無量天尊，遍入九幽，一切罪魂，俱蒙原赦。師執酆都山真形。掐玉清訣，呪曰：

元始符命，制魔奉行。保舉亡魂，度品南宮。酆山銷盡，三官解刑。赦縛閉業，受化更生。隨品鍊度，上登福庭。

呪畢，焚之。以舌柱上腭，存元始在頂中金光，滿口吹灰東北放訣。衆誦破酆都呪，及甘露通真呪。旋繞，師執柳枝水盂洒之。

北帝六宮，蓋陽精之不照；朔幽九獄，乃罪爽之所居。非憑上聖之威光，莫啓重泉之生路。今者奉爲黃籙大齋主某，資薦亡靈某，依科行道，如法然燈。列字玉清，允集升遷之路；注名黃籙，爰彰開度之恩。凡流蕩之苦魂，獲皈依於正道。仰賴巍巍之大範，悉超渺渺之仙源。一切含靈，俱蒙法潤。恩覃家國，澤被存亡。稽首皈依，

無極大道。為上因緣，念太一救苦天尊、九幽拔罪天尊、朱陵度命天尊、隨願往生天尊、逍遙快樂天尊，无量不可思議功德。

五苦迴耀輪燈儀

先於地戶上，依式然燈訖。道衆序立燈所，舉迴耀飛光頌，旋燈一周。法師同齋官上香設拜。

宣白

妙道開先，方圓定位。澄高潔而為乾蓋，凝混黃而作坤輿。分奠三光，敷張萬化。上窮有頂，旁及無垠。凡屬照臨，皆歸覆育。惟人心之善惡異趣，故業道之報對殊塗。三業未除，寧離三塗之考；五蘊不滅，難停五苦之輪。既墮陰關，莫超生界。朔單鬱絕，泉曲羅艷，三十六泉，二十四獄，羈囚罪魄，拘閉窮魂。不睹光明，無由解脫。是以元皇悲憫，太上哀憐。垂然燈破暗之科，著懺罪遷神之式。輪轉取像於車轂，方圓用法於乾坤。施此慈光，滅諸苦暗。今謹有黃籙大齋主某，伏為資薦亡靈某，及一切罪魂，崇建

无上黃籙大齋，恭依科格，然迴耀神燈一壇。懺拔罪根，遷昇逝爽。伏願三晨迴耀，煥明八極之鄉；五道開光，永息九幽之苦。庶仗慧慈之澤，克登解脫之門。謹按冲科，關行法事。

寶光九夜天尊

次衆官旋至輪燈西面，東立

第一輪迴之道，名為色累苦心門。

一切衆生，馳騁淫心，恣縱情慾。身謝之後，受泰山地獄苦。今謹有黃籙大齋主某，依按科格，然懺神燈。奉為亡靈某及一切罪魂，落滅色累之根，解釋心神之苦。伏願九清鑒映，三寶迴光。俯垂赦宥之慈，下濟泰山地獄之難。

轉輪聖王天尊

法師左玉清訣，右策杖行持。念

隱語，就燈焚幡，以柳枝淨水洒之。玄燈照上虛，九天煥然明。寥寥金樓裏，梵音誦洞經。諸天迴龍駕，下降慰衆靈。魔王執符命，上奏太帝庭。不可思議功德。

衆官旋至輪北面，南立

第二輪迴之道，名為愛累苦神門。

一切衆生，飄蕩愛河，流吹慾海。身謝之後，受風刀地獄苦。今謹有黃籙大齋主某，依按科格，然懺神燈。奉為亡靈某及一切罪魂，落滅愛累之根，解釋神形之苦。伏願玉京上聖、金闕高尊，俯垂開濟之慈，下濟風刀地獄之難。

轉輪聖王天尊

法師行持，如前儀

玄燈映太无，明光徹高虛。幽幽長夜府，百結解散舒。萬劫一時釋，九玄天堂居。羽騎迅飛輪，往造太帝廬。不可思議功德。

衆官旋至輪東面，西立

第三輪迴之道，名為貪累苦形門。

一切衆生，貪名徇利，耗氣傷形。身謝之後，受攄山負石苦。今謹有黃籙大齋主某，依按科格，然懺神燈。奉為亡靈某及一切罪魂，落滅貪累之根，解釋形神之苦。伏願大羅真帝、浩劫元尊，俯垂濟拔之慈，下濟攄山負石地獄之難。

轉輪聖王天尊

法師行持，如前儀

玄燈藹九真，無極超上官。落落演文字，玉音徹太空。足躡天一階，流盼觀十方。金虎著命籍，長居太帝房。不可思議功德。

衆官旋至輪南面，北立

第四輪迴之道，名爲華競苦精門。一切衆生，貪競榮華，耗散真氣。身謝之後，受填作江河地獄之苦。伏願玄都上聖、紫闕高真，俯垂大有之慈，下濟填作江河地獄之難。

轉輪聖王天尊

法師行持，如前儀

玄燈朗幽夜，晃然發光容。欣欣七祖釋，長離八難中。沐浴蘭香湯，結友與喬松。提携十天真，長與太帝同。不可思議功德。

衆官旋至輪東北面，西南立

第五輪迴之道，名爲身累苦魂門。一切衆生，耽迷妄境，勞役魂神。身謝之後，受吞火食炭、鑊湯地獄苦。今謹有黃籙大齋主某，依按科格，然懺神燈。奉爲亡靈某及一切罪魂，落滅身累之根，解釋魂神之苦。伏願十方真聖、三

界慈尊，俯垂超度之慈，下濟火炭鑊湯地獄之難。

轉輪聖王天尊

法師行持，如前儀

玄燈徹九天，朗然九幽開。靡靡九祖釋，反胎生玉階。冥心歸洞虛，不渴亦不飢。玄黃五色帳，身生羽毛衣。不可思議功德。

衆官旋歸本位

紫聖垂慈，著迴耀降光之格；清

真演化，垂遷神拔罪之儀。普爲沉迷，開明幽暗。上照九天，則三晨增耀；下輝九地，則庶獄停酸。澤洒重泉，恩霑六道。北陰夜府，受罪窮魂。睹此燈光，永離惡趣。十方法界，一切有情，自一起五，而輪迴生返。六合無而煩惱息。咸超自在，長處光明。爲上因緣，念大聖元始天尊、太上大道君、太上老君、太一救苦天尊、九幽拔罪天尊、朱陵度命天尊。不可思議功德。

右五呪，出陸天師然燈禮祝儀，名九幽五方燈頌。

无上黃籙大齋立成儀卷之二十四

无上黃籙大齋立成儀卷之二十五

太上執法仙士蔣叔輿修

科儀門

賜旛儀

先於賜旛處設立香案一隻，法師同齋官上香。

祝曰

具法位臣某上啓太上無極大道至真無上三十六部尊經、真文寶符，太上三尊、十方衆聖、東極天宮長樂舍內天慈仁者、尋聲赴感太一救苦天尊、東方玉寶皇上天尊、南方玄真萬福天尊、西方太妙至極天尊、北方玄上玉晨天尊、東北方度仙上聖天尊、東南方好生度命天尊、西南方太靈虛皇天尊、西北方無量太華天尊、上方玉虛明皇天尊、下方真皇洞神天尊、朱陵度命天尊、轉輪聖王天尊、超度化昇天尊、大慈大悲救苦真人、大慈大悲大惠真人、大慈大悲拔罪真人、大慈大悲拔度真人、太陽鬱

儀帝君、太陰結璘皇君、中央北斗九皇君、玄中大法師，三界官屬，一切威靈。臣聞元皇設教，俯為一切之含生；黃籙垂科，普度九幽之苦趣。建齋實修崇之本，颺旛乃資悼之先。將啓靈壇，宜騰寶號。今謹有某官某，正薦亡故某靈，普薦在會衆魂開建无上黃籙大齋，用資超度，肇崇寶刹。祇揭華旛。企真馭之遐臨，乞恩光之降鑒。願迴景耀，燭以靈輝。稱號一聞，三塗隨聲而離苦；垂旂所指，八紘被蔭以遷昇。臣等修敬以時，歸誠如在。懼人寰之溷濁，勤天步之透遲。仰賴至仁，俯矜微素。今有靈旛，赦罪神呪，謹為宣揚。

黃籙開度，三界十方。四生六道，同到道場。生神遷魄，萬劫不忘。旛之為體，隨風飛颺。風之所被，各從其方。重陰之府，九夜之鄉。地獄餓鬼，旁生無鞅。皆得解脫，上昇天堂。急急如太上度生律令。

次揭幡 舉

靈旛赦罪天尊

上來揭旛功德，無量殊因，並用回

施。十方三界，六道四生。共證玄功，同成道果。為上因緣念大聖元始天尊、太上大道君、太上老君、太一救苦天尊、十方救苦天尊。不可思議功德。

開啓轉經儀

道衆齊集經所，面三寶上帝前，序立。

舉啓堂頌

法師上香，啓白

具法位臣某焚香上啓妙無上帝自然元始天尊、無上道寶妙有上帝、虛皇玉宸大道君、無上經寶至真大帝、萬變混沌玄元老君、無上師寶昊天玉皇上帝、紫微天皇大帝、紫微北極大帝、太微南極長生大帝、東極太一救苦天尊、十方尋聲救苦天尊、玉京玄都紫微上宮十方大聖飛天上真、九天上帝、五老上帝、二十二天帝君、日宮太陽帝君、月宮太陰皇君、五星五德真君、南斗六司星君、北斗七元星君、二十八宿周天分度星君、九天天曹諸司真宰、三官大帝、五師真君、三十六部尊經三洞威神、三寶官屬天真皇人妙行真人、十方無極飛天神王長生大聖、無量度人三

洞四輔侍經真官、玉童玉女、北陰玄天酆都大帝十宮真人、扶桑大帝暘谷神王、三河四海九江水帝、洞天福地治化仙官、五嶽聖帝、里社靈司、虛空監察、直符直事，三界應感，一切威靈。普同供養。香乃玉華散景，九炁凝烟。香雲密羅，逕衝九天。當願侍香金童、傳言玉女，傳臣啓奏，上聞帝前。令臣所啓。咸乞如言。臣聞玉字金書，道闡重玄之化；瓊章寶範，文生空洞之先。保鎮邦家，超凌品彙。神功靡測，奧義難窮。以今奉為齋官某，正薦亡親某乙，普薦在會衆魂，崇建无上黃籙大齋，用祈昇濟，預取今辰，轉誦太上諸部真經，琅函睿號。恭憑道力，普濟幽沉。仰冀恩光，俯垂證鑒。臣下情無任虔懇皈依之至，聞經文疏，謹用表宣。

宣開經疏宣畢，就焚之。衆官各就位

舉三皈儀讚

舉道場衆等，執簡當心，平坐如法

舉讚詠如法 舉宿命讚

行香水淨手 敷經文

唱靜念如法 法師念玄蘊呪

啓經

雲篆太虛，浩劫之初。乍遐乍邇，或沉或浮。五方徘徊，一丈之餘。天真皇人，按筆乃書。以演洞章，次書靈符。元始降下真文，誕敷昭昭，其有冥冥。其無沉痾，能自痊塵。勞溺可浮，幽冥將有，賴由是升仙都。以今奉為鄉貫某處，黃籙大齋主具官某，伏為亡親正薦某至福佑見存，普薦隨齋意改易，已於今月某日預告三天，關膾三界。謹集見前清衆，開啓轉誦太上洞玄靈寶諸品真經，回獻三寶上帝、十極高真、三元三界、嶽地水府、齋壇合會，係醮威靈，並資倬亡靈，十方罪爽。真經寶號，功德圓滿，別具表宣。若乞聖鑒昭回，帝慈孚佑。斬地根於死戶，業對停閑；鍊陰魄於生門，形神昇度。八方清泰，九夜煥明。普令有識之含靈，皆證無為之妙果。為上因緣，念大聖元始天尊、太上大道君、太上老君、太一救苦天尊、九幽拔罪天尊、朱陵度命天尊、法橋大度天尊、火鍊丹界天尊、轉輪聖王天尊、隨願往生天尊、逍遙快樂天尊、

高真妙果天尊、十方靈寶天尊，不可思議功德。

啓經讚

轉念如儀存思之法，並見升壇轉經儀

神虎告玉札儀

先排辦淨茶酒果供養，道衆依次序立，法師存

變如儀。

祝香

精誠所感，萬聖遐臨。丹懇上通，千真畢集。仗神靈而達愫，假寶炷以傳心。恭焚寶香，供養三清上聖、十極高真、北斗七星君、北斗玄冥太一夫人、天一北祚神虎大聖、太一紫元玉札夫人、雄左玉曹玄伯、雌右武鸞主吏、三部追魂使者、直印三神、七元玉女、追魂攝魄官君吏兵、五道大神、土地里域真官、虛空監察，應感威靈。仗此真香，普同供養。

香乃玉華散景，九炁凝烟。香雲

密羅，徑衝九天。侍香金童、傳言玉女，上聞帝前，令臣所啓，咸賜如言。今據入齋意，伏以陽生陰殺，明善惡以無私；地濁天清，定升沉而有自。北魁

置追攝之局，南昌存鍊度之司。可謂至道大慈，明真普度。以今某人，乞修齋直，普福幽明。謹按金科，宣行玉札。庶使九泉開度，六道蒙恩。一切有情，咸臻妙果。當職清衆，淨壇如儀。

洒淨 再祝

死者不可復生，故太上有返魂之法；道者無為而化，在元真垂普度之科。欲使滯爽更生，必先呼召魂識。以我至定，合彼有靈。庶散積鬱陰氛，弗忤冲和陽炁。伏願神虎大聖，追攝官君，不忘元始教戒之言，俯鑒齋主虔誠之懇。尋聲赴感，應念垂慈。道衆虔誠，一心奉請。

請神虎衆聖

法師握訣召神，臨目密呪

玄天玉札，神虎符文。混元合炁，太一玄冥。追魂攝魄，開陽啓陰。萬神敬聽，敢不奉迎。神虎玉女，神虎大聖。追魂使者，攝魄吏兵。一召速至，不得稽停。稟受符命，宣告寒庭。追魂攝魄，現影現形。來臨法會，功奏玉

宸。

焚符 存至上香 獻茶酒

三獻，法事如儀

祝白

頒符度錄，咸遵太上之科；攝魄召魂，並按元師之旨。願飛雲馭，遍達泉扃。導引魂儀，來臨法會。具有壇檄，謹用披宣。

宣玉札檄文

向來壇檄，已具敷宣。伏請神虎二大聖、三部使者、七玉女等，齎持玄冥隱書、混元玉札，上入九清，下入九壘，以至十方三界，北陰酆都、九幽諸獄、洞府仙宮，開關啓路，追取上件亡過某魂，及九州分野、六道四生、孤魂滯魄等衆，速離所部，來赴玄壇。參朝太上，臨接陽眷。無所不往，無所不達。依准玄科，玉律奉行。幸勿稽延，有妨開度。

焚符檄如式

法師步斗，入斗，口執水劍，面東南立，呪曰

太一紫元君，天一北祚敕，神虎戟

飛，運招搖一，統隨玉札所至處，十方精光都一吸。急急如律令。

法師取東南炁，入水中，噴水一口，呪曰

何喬二神將，三部追魂使者，速往生方死所，追取亡過某人魂魄。速赴法會，領受靈寶昇度功德。存將吏前去，追取亡魂。

念善散如儀

无上黃錄大齋立成儀卷之二十五

无上黃錄大齋立成儀卷之

二十六

太上執法仙士蔣叔與修

科儀門

召靈儀

先備香花案一隻，於鬼門上，以召魂幡置於案前。請齋官上香，道衆序立，舉普獻頌。

法師上香，啓白

具法位臣某焚香，上奏三清三境、十極十華、大道慈尊、諸天大聖，日宮月府、北斗南辰、五星三台、地水嶽瀆、十方三界，應感真靈。仗此真香，普同供養。

香乃玉華散景，九炁凝烟。香雲密羅，徑衝九天。當願侍香金童、傳言玉女，上聞帝前。令臣所啓，咸賜如言。臣今伏爲齋主某，正薦亡親某乙 普薦在會衆魂，崇建无上黃錄大齋，三日三夜。除已謄詞帝闕，請命師尊，奏告十方，關盟三界，見今齋壇宿啓，勝範宣流。仰

望慈悲，俯垂開濟，持頌救命，普告靈司，召攝亡魂，來臨法會，領諸善果，超化生方。臣謹滌慮冥心，仰祈真應。

法師存變步神虎罡，召神

謹召北魁玄範府、神虎提魂攝魄、倒生玄司玉女等，雄左玉曹玄伯、雌右武鸞主吏、上部追魂使者、中部追魂使者、下部追魂使者、霄輔助精大神、七道功曹、呼吸魂魄、精光吏兵等，社令城隍、五道土地、導善衆神。仰聞今召火急到來本壇。奉爲齋主某官某，開建黃籙大齋，正 普薦亡親某乙 在會衆魂，解除業累，超證生方。除已奏告諸天，關盟十極，欲得所薦亡靈，親魂正魄，來詣壇所，祇受齋功。於今月某日時告行太一混元神虎玉札一道，前去生方死所，預行追攝外，以今恭遵玉格，修奉寶齋，合要上件亡魂，前赴靈壇，依科開度。伏請神虎二大聖、三部追魂使者、七玉女等，火急徧詣，三界十方，千真萬靈效職之所，追取某魂，攝赴靈幡之上，參真聽法，受化更生。無或稽違，有妨開度。如普薦，於此宣單名甲狀。

焚召魂大將軍符

師密呪曰

靈寶符命，拔度亡過某等，出離地獄，永辭長夜。五苦三塗，不得拘留。逼合鬼群，斷落死名。急急如長生大帝律令。

再祝曰

吾代天行化，度死濟生。藉汝靈通，輔吾正法。所是亡魂等，或在人天，或墮鬼趣，或拘考對，或繫幽陰，並請依準上玄符命，玉札天文，追取魂神，疾速赴壇。昭顯儀形，通接陽眷。用揚大教，取信群生。一準玄科玉律奉行，不得違滯。

次令純陽小童執幡

當職道士攝召如儀

焚二大聖符，師默祝曰

雄左玉曹玄伯，雌右武鸞主吏。我今攝召亡過某乙等魂，速赴靈幡，不得稽延。何昌喬苟，輔我身神。我令所下，急速奉行。急急。

攝召時，法師變身爲太一天尊。

自本師訣，歷至二旨甲下，歸上

帝訣，掐入亡人本命上。取鬼

門炁，吹幡。

志心告召，三元直事、神虎將軍、攝魄官君、追魂使者。伏願應時下降，速到齋壇，引領亡魂，分明報應。

志心召請，亡過某乙靈魂，惟願神魂不昧，儼若生存。今夜今時，來臨法會。和受此黃籙，開度功德。

歌斗章

陰陽推運兮劫數更遷，生死周流兮孰愚孰賢。輪轉無窮兮上元造化，未出三界兮拘於神變。魁魁東斗兮魑魍西轉，魑魍南斗兮魑魍北面。陰靈兮茫茫沒沒，陽魂兮碌碌幽幽。天地冥兮萬鬼潛，天地動兮萬鬼爽。陰陽運兮鬼神享，太一召兮何遲遲。先至後至律有常，感此彷徨赴我壇，賜汝靈書歸上清。

法師掐攝魂訣，密呪曰訣見修用祕旨

門

興生，獨隸，可韓，功都，聚魂，對魂攝。

再祝曰

魂神澄正，萬炁長存。不經苦惱，身有光明。復聚本形，復全本神。急急如長生大帝律令。三徧，取北炁吹籙上，營目存到

法師平讀呪曰

胎光，幽精，爽靈，三魂，歸空歸真，天地正真炁，再聚汝形神。此是五行造化真，無藏無避無逃形，一呼速至變真靈，急急如律令。

當職道士再召

志心告召，三元直事、神虎將軍、攝魄官君、追魂使者。伏願應時下降，速到齋壇，引領亡魂，和分明報應。

志心召請，亡過某乙靈魂，惟願神魂不昧，儼若生存。今夜今時，來臨法會。和受此黃籙，開度功德。

歌斗章

陽神返汝殘，陰靈逐我旛。北斗天蓬救，玄武開幽關。三魂無散失，七魄莫傾殘。乘此金符力，攝汝赴靈壇。願承無上道，賜汝歸飛昇。

法師默誦五帝真諱呪曰
襪臘，墨黑，靈寶、紅杏，磨真，急

急急如長生大帝勅奉行。取五嶽炁吹之。

再默誦度魂真諱呪曰

興生，獨隸，可韓，功都，聚魂，對魂攝，急急如長生大帝勅奉行。取三塗炁吹之。

法師平讀曰

一炁生萬物，萬物分一炁。吾復統一炁，再使萬物生。故知一炁中，不復失吾意。攝召汝亡靈，諦聽慈悲旨。

次當職道士三召

志心告召，三元真事、神虎將軍、攝魄官君、追魂使者。伏願應時下降，速到齋壇，引領亡魂，和分明報應。

志心召請，亡過某乙靈魂，惟願神魂不昧，儼若生存。今夜今時，來臨法會。和受此黃籙，開度功德。

歌迴黃章

太微迴黃旗，無英命靈旛。攝召長夜府，開度受生魂。和不可思議功德。

師行持平讀曰

三官北酆，明檢鬼營。不得容隱，金馬驛程。普告無窮，萬神咸聽。三

界五帝，列言上清。

師焚治病功曹符

召五神混合符祝曰

焚香上啓青帝護魂君，白帝侍魄君，赤帝養炁君，黑帝通血君，黃帝中主君，天醫大聖六職治官，尚藥仙靈二官神吏，生形博士，治病功曹，收毒將軍，敷藥靈官，砭石小吏，扁鵲官吏，仙藥童子，拘魂制魄生化大將軍，一切靈司。並請慈悲降臨壇所，奉爲見前受度衆魂，攝降真炁，醫治病苦，返生魂魄，整具形神，一如太上律令。

師行五府事默誦五帝真諱行持

法師祝曰

吾今奉爲齋主某正普薦亡親某人在會衆魂，開建无上黃籙大齋。今故召攝齋主合家，所薦亡魂，暨九祖七玄，父母妻子，若兄弟，若姊妹，若姪孫，近屬旁親，內宗外戚，凡名眷屬，以及姻蘿，負命負財，負恩負德，生前歿後，一切冤讎。俱屆道場，普受開度。我以道力，能令汝等，懽喜自在。來赴道場，汝宜靜念在心，勿生恐怖。我此齋法，

名曰平等。若不除三毒，尚蔽六情，人我冤親，妄生分別，則於平等，無有是處。應以男子身來者，分列于左；應以女子身來者，分列於右。各相携率，隨幡而來。入浴更衣，朝壇聽法。清衆虔誠，隱語迎導。

靈書引亡魂至沐浴所，一人以楊柳枝淨水，沿路洒穢

沐浴亡靈儀

先於浴室內，嚴潔排辦香水浴室二所。浴具所需之物，一一備足。仍以乾淨木桶貯淨水，置在大道前。法師引道衆，詣於香案前，上香，道衆依班序立。

法師啓白，請水

具法位臣某焚香上啓三寶師尊、十方大聖、五老上帝、三十二天帝君、日月五星君、東井星君，黃籙合會，應感威靈。臣聞死魂受鍊，開明必假於真筌；穢炁紛葩，蕩滌須資於法水。將期濟度，合具奏陳。臣今奉爲齋主某，崇建无上黃籙大齋正薦亡親某人，普薦在會衆魂，謹遵科式，召集靈儀。先與蕩滌形神，然後參朝壇陛。懺靈罪垢，超證生方。願賜慈悲，俯垂聞度。降流真炁，

昭錫天光。普令受度之衆魂，俱沐重玄之睿澤。臣無任虔禱之至。

次以杓攬水，自月建起。大衆同聲誦隱語，隨聲攬三十二轉畢

師回向

巍巍道德尊，功行已圓齊。降身來接引，師寶自相携。慈悲惠法水，用以洗愚迷。永度三塗岸，長辭五濁泥。

即將向來請水，無量殊因，並用蕩滌亡過某靈，一切罪根，普令清淨，爲如上緣。念大聖元始天尊，太上大道君，太上老君，十方救苦天尊。不可思議功德。

天河灌沐天尊引至浴室，分所請水入男女浴室。仍煎五香湯相雜，令溫和得所

當職道士行科

三塗熱惱，憑法澤以清涼；五累牽纏，仗靈津而澡雪。故我天尊哀愍，大道慈仁。滂灑衆生，濟度諸苦。啓熏修之妙典，垂灌鍊之明科。俾沐浴於華池。獲逍遙於道岸。然後形神俱妙，福慶自生。奉請亡靈，虔誠就浴。

舉東井頌衆和

法師存五色雲炁滿室，三十二天、日月五星之炁，交錯水中。

天河灌東井，石景水母精。圓光拂靈曜，玄暉瑩高明。元始披重夜，天人逐月生。沐浴蘭池上，龍負長庚瓶。金童洒香花，玉女流五星。冠帶濯玉津，鍊度五仙形。體香萬神降，乘景登高清。

長夜光明，雖自靈符之度苦；善功充滿，猶資香水以鍊精。庶茲五蘊之形軀，獲奉重玄之教戒。請法衆等，各運清淨心，奉爲亡靈，誦三元品誠沐浴蕩穢呪：

天氣澄清，五色高明。日月吐輝，濯鍊身形。神津內盥，香湯鍊精。光景洞耀，煥映上清。炁不受塵，五府納靈。罪滅三塗，禍消九冥。身受開度，昇入帝庭。

蕩形鍊質，名書紫策之中；度命返生，字列玉清之上。欲使魂神之澄正，當令罪垢之消除。請法衆等，各運利益心，奉爲亡靈，誦九真沐浴鍊真

呪：

太上高真，九靈之精。使魂飛仙，上登紫庭。沐浴華池，神身澄清。精通太虛，萬炁自生。啓東極之尊，普度生而濟死；激丹華之水，悉除穢以蕩陰。庶永奉於正真，克常行於清靜。請法衆等，各運廣大心，奉爲亡靈，誦沐浴丹陽鍊度大呪

龍漢蕩蕩，無形無名。渺渺億劫，皇道開清。神燈朗耀，九魂吐精。玉虛澄輝，太霞高明。元始開化，諸天齊靈。三元導養，二象攝生。已度者度，未成者成。已死即化，已枯即榮。蠢動蛭飛，一切冥靈。懷胎含孕，咸得受生。亡靈過命，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天地神祇，及諸河源。五嶽四瀆，及諸名山。洞玄洞虛，洞空洞仙。無極大聖，至真尊神。無極無窮，普監度生。地根斷絕，玄都記名。衆神並映，一切咸聽。
九清玉座，延上帝之恩光；三洞金書，演慈尊之法語。夫豈塵凡之可

望，類非穢濁之得聞。既潔身形，必嚴服飾。諸法衆等，各運莊嚴心，奉爲亡靈，誦三元品誠冠帶呪

五濁已清，八景已明。今日受鍊，罪滅福生。長與五帝，齊真上靈。

焚朝真衣等

五宮六府，內疏淪於群迷；九竅百骸，外滌除於諸垢。斯可詣壇聽法，謝罪除愆。受禁戒以絕惡根，度威光而識宿命。拔出地戶，上生天堂。奉爲亡靈，皈依以俟。

法事引靈歸位

呪食儀先於靈位前，設飲食淨水香花，供養

如儀

上香，宣白

金飯玉漿，餌之者陟九清之境；交梨火棗，食之者離五夜之鄉。非道力之攸資，豈法橋之可度。亡過某靈，奄隨逝水，俄歷流光。將逢開泰之期，虔備潔馨之薦。敬憑淨侶，式按沖科。宣寶偈以加持，演靈章而受記。伏願魂神不昧，儼若生存。享此齋功，克成妙道。

十方救苦天尊

結五嶽印，祝白

奉爲亡靈，上資往生天界，念玉清慧命啓請呪：

稽首冥慧虛無尊，稽首歸命重玄主。裁成天地無德稱，悉爲衆生作恃怙。慈濟五道轉輪魂，哀救三魂地獄苦。皈命金闕天中尊，皈命六度慈悲父，皈命玉清無上真，以離生死長綿綿。出有入虛無所待，能令枯朽變成仙。千劫萬劫難一遇，爲衆廣說業因緣。迴骸起死永長存，使其形神無變遷。出玉清經。

太一救苦天尊衆和三聲，後相同

切聞酆都幽遠，地獄昏冥。亡魂

欲假於薦揚，寶偈宜先於讚詠。今有淨酆都、破地獄法言，即當諷誦。

奉爲亡靈，上資往生天界，念淨酆都破地獄呪：

茫茫酆都中，重重金剛山。靈寶無量光，洞照炎池煩。七祖諸幽魂，身隨香雲旛。定慧青蓮花，上生神永安。

九幽拔罪天尊

既已地獄門開，酆都罷對。隨所託化，出離幽陰。今有玉清梵唱、生魂育魄法言，即當諷詠。

奉爲亡靈，上資往生天界，念玉清雲官梵唱生魂育魄呪：

靈芝無根，衆化之原。中凝七魄，上結三魂。二十四真，出入無門。杳冥之中，恍惚元精。隨劫存亡，逐炁而生。外凝混樸，內養七經。五神植華，三台敷榮。紫闕素童，返形歸嬰。騰雲而升，騁霧浮空。中有玉真，號曰神公。左挾無英，右衛白元。玄獸遏後，丹禽擁前。上浮翠蓋，下湧金蓮。香雲凝空，甘露無窮。用之無盡，尋源不終。出玉清經

朱陵度命天尊

此者魂魄既生，必超天路。鍊度形質，浣濯神儀。來赴法筵，受茲供養。尚慮喉頰未通，有諸障礙。今有甘露通真法言，即當諷誦。

奉爲亡靈，上資往生天界，念甘露通真法食呪

功德金色光，微微開幽關。華池

流真香，蓮蓋隨雲浮。千靈重元和，常居十二樓。急宣靈寶旨，自在天堂遊。

天尊言此神呪，若亡人，久拘地獄，未遂超生，如聞此呪，即得喉頰開通，無有障礙。自然快樂，飲食甘香。生回向心，絕煩惱業。

逍遙快樂天尊

元始開圖，真經演教，流恩有截，普度無窮，以能廣潤衆生，故名甘露。以能破除業障，故曰法言。今詣靈筵，受露法食。慈光照燭，惠露霑濡。孔竅既已開聰，神識自當明了。超離五苦，徑陟九清。再仗真筌，永充濟拔。今有玉清三光無上法言，即當諷詠。

奉爲亡靈，上資往生天界，念玉清甘露法食呪：

甘露法食呪：

稽首仰圓羅，合景揖靈芒。拘魂制七魄，思審定中央。行住禮虛無，寢息宴玄房。飢餐黃蘗花，渴飲瓊根漿。神旌命大魔，合體鍊真光。復照觀太無，恒在空中遊。圓通泯波濟，真化靡中期。宵眇無終始，行者當明知。寂寥忘理教，應運闡宏規。降道不自昭，

要當先所施。會歸無二處，隨心自合離。出玉清經不可思議功德。衆和三聲，後同

奉爲亡靈，上資往生天界，念三光法炁法食呪：以下四呪，出《導引三光九變經》

浩晶生法炁，氤氳凝玄中。兩曜共澄徹，五緯交相通。三光煥已明，寶氣盈三宮。帝鄉會九老，咽服百骸豐。金華照光景，身與日月同。念道上聖前，萬劫壽無窮。

奉爲亡靈，上資往生天界，念三光

流精法食呪：

妙道分一炁，炁中分陰陽。凝化日月星，燦然流三光。九華合九道，八色怡八方。煥爛洞真體，流精歸太茫。下生淵泉宮，上列無何鄉。縱體復飛跡，忽然都相忘。七寶流精潔，混沌雜華芒。咽服九雲散，此樂殊未央。

奉爲亡靈，上資往生天界，念三光

澤嬰法食呪：

玄絕九炁中，澤嬰生太無。鬱儀煥陽谷，結璘曜天衢。五星流寶光，斗極回乾樞。飛炁鬱勃散，咽御方踟蹰。

超跡天寶階，鍊芝服華敷。炁布萬神備，舉形升太虛。

奉爲亡靈，上資往生天界，念三光陽玉法食呪：

陽玉正真炁，妙真三景分。玄和唱靈音，八會敷瓊文。五老宴丹宅，飄乘景雲。大聖諸天衆，駕龍飲玉津。三五定生籍，遊戲太上賓。華光朗無際，携手朝帝宸。

奉爲亡靈，上資往生天界，念九幽往生呪：

寒庭多悲苦，回心禮元皇。女青靈寶符，中山真帝書。一念昇太清，默誦觀太無。功歸九幽下，旋旋生紫盧。

隨願往生天尊

奉爲亡靈，上資往生天界，念離苦升天呪：

功德不思議，行者生福報。施與法飲食，永生安樂道。

弘濟無邊天尊

向來宣演靈章，加持法食。乃玉清祕旨，甘露法言。奉爲亡靈，追修淨界。以茲善利，遍悉裝嚴。伏願名記

丹臺，罪消黑籍。永罷三途之對，徑登九老之鄉。咽浩炁於元房，飲瓊漿於丹宅。慶流門闕，福蔭宗枝。上極光明，下窮幽昧。同臻衆妙，共證無爲。稽首皈依，無極大道。

回向 念善

右世科有五種名香、六種珍果、七種寶漿、五種寶花、四種香飯，雖本玉清經，然用之無謂，徒爲美觀，夜晷有限，今悉刪去。

无上黃錄大齋立成儀卷之二十六

无上黃錄大齋立成儀卷之二十七

太上執法仙士蔣叔輿修

科儀門

鍊度亡靈請降水火醮獻儀

先以一方器，安壇之西北，以牌書云：南宮太陰水鍊池。又以一圓器，安壇之東南，以牌書云：南宮太陽火鍊池。預備黃華神水一器，柳木炭火於壇下。至鍊度時，鋪設醮筵三十六分位，或二十四分位，整辦如法訖。道衆引法師齋官序立，請齋官上香。

蕩穢 燒香頌

法師上香 祝香 啓白

具法位臣某上啓妙無上帝自然元始天尊，妙有大帝虛皇玉宸大道君，至真大帝萬變混沌玄元老君，紫微中天北極大帝，太微南極長生大帝，太一救苦天尊，丹天朱陵大帝，九天自然生神上帝，五靈五老上帝，三十二天帝君，東華木公青童道君，西靈金母元君，度人不死尊神道君，南昌上官長生大帝，

度世司馬大神好生韓君丈人，南上司命司錄延壽益筭度厄上生真君，迴骸起死監生大神度命成仙真君，靈寶五師君，三官大帝君，南極九華真人，五嶽惣領真君，南陵樞府朱陵火府南昌上宮受鍊司真宰，朱陵火府真宰，黃籙院真宰，黃籙鍊度、三界應感、合會威靈。伏以洞玄下化，演八門度命之儀；靈寶垂科，著九鍊返生之訣。超凌逝爽，拯護幽明。惠覃十方，恩周三界。臣今奉為齋主某，正 普薦亡親某乙在會衆魂崇建无上黃籙大齋，三日三夜。恭祈惠澤，普拔幽途。鍊度亡靈，遷昇福境。式陳菲醮，祇格真旂。冀殫螻蟻之誠，少效蘋蘩之薦。仰惟慈造，曲鑒精虔。俯賜恩光，監臨鍊度。臣與齋官某無任懇禱，仰望恩光之至。謹稽首再拜。

上香 請聖照鍊度堂聖位請

初獻 散花法事

臣謹上啓十方正真三寶無上師尊，北極紫微大帝，南極長生大帝，太一救苦天尊，南昌上官、朱陵火府、鍊度上

聖高真，三界感應，一切威靈。伏聞太極混淪，莫分於宗祖；真文煥發，普植於神靈。奠位三元，總司萬化。得生人道，濯形太陽。離其本真，自取死壞。五行散落，億劫飄沉。大聖大慈，普濟普度。津梁群品，方便多門。開洞陽冶鍊之庭，超慾海流吹之識。鍊胎返本，證品昇僊。今按典儀，宣行鍊度。伏乞迂回景曜，昭錫天光。勅三界之真靈，暨大法之官將。化形降炁，領職分司。輔助微臣，頒宣符命。庶使係薦一切亡魂，濯質黃華，鍊形流火。惡根斷絕，息苦道之輪迴；道炁充盈，臻福堂之清浮。臣等無任虔禱之至，鍊度表文，謹當宣奏。

宣表 上香

亞獻

上啓靈寶鍊度官君將吏，合會應感，一切威靈。伏聞元始開圖，真風遠暢。虛皇演教，大法興行。玉字金書，靈符祕篆。拔死魂於黑府，瑩生魄於朱宮。巍巍高尊，落落大範。俾令遵奉，用拯幽冥。法局官曹、仙靈將吏，

咸分主宰，具按威儀。宜共贊於玄風，速昭彰於神化。恪遵道旨，開度亡魂。六趣三塗，落陰曹之死錄；三化九鍊，上天府之生名。禮姑寓誠，儀不及物。惟神克享，用副精祈。無任虔禱之至。

上香 終獻

宣疏

上來誠悃，已具敷陳。竊揆真聰，諒垂昭鑒。塵寰囂雜，薦獻乖疏。不揣凡微，乞從矜宥。尚祈慈造，大霑天恩。證度亡魂，圓成善果。上廣大道好生之德，下副弟子皈命之誠。謹啓

焚錢馬 同表文，化之

回向 念善

次建立水火池 道衆法事，引法師至水火池，請降真水真火。師行火池法，步南斗火鈴罡，至火池

衆誦隱語

師至火池，羅周十二位。用開放流通法，念淨天地呪一遍，噴水一口，吹池中。依法行持畢，念建火池呪

太上有勅，赦罪度生。六趣三塗，

皆睹光明。建立火池，次第而昇。各隨果報，悉獲超生。急急如上帝勅。

存朱陵烈火流金，自火池東南角流入。炎炎金碧焰發，取午炁三口，吹入池中

執真火合同符，掐降真火訣。寅

勒至午

默呪曰

炎神炎神，朱雀飛騰。神火一下，上按丙丁。烈火神女，手把帝鍾。三昧真火，速降朱陵。吾奉南極長生大帝律令勅。取午炁吹符，焚於火池中

再密呪曰

南閻洞浮，流火之庭。玉眸誦誦，流火之膏。刀利禪猷，婆泥靈童。流火之質，玉眸真容。升入福堂，洞陽之宮。

師再面東，取當日太陽真炁，吹之

次指揮掌火池使者、鍊度官童將吏、日中陽精，速降池中伺候，引亡魂等，入火池，依法冶鍊身形。疾疾

存流火神庭，方廣無邊。上有

朱陵火府，樓閣森然。庭中火

金碧色，焰末皆有火鈴

師行水池法，步北斗玄樞罡，至水池

衆誦隱語

師至水池羅周十二位。用開放流通法，默念淨天地呪一遍，噴水一口，吹池中。依法行持畢，念建水池呪

太上有勅，赦罪度生。六趣三塗，皆睹光明。建立水池，次第而升。各隨果報，悉獲超生。急急如上帝勅。

存天河東井之水，自水池西北角流入，湛然澄清。取西北炁一口，吹池中

執真水合同符，掐降真水訣。申

至子

默呪曰

太陰太陰，玄武之精。神水一下，上按癸壬。天真玉液，上清華房。元始老君，好生韓君。靈根真水，速降樞府。吾奉北極紫微大帝律令勅。取北炁

吹符，沉水池中

再密呪曰

潔池無鏡，神龍之淵。運東井華，以滌幽魂。攬茲運容，太和之津。玄和玉女，灌之于神。魂神澄正，道炁長存。

師面西，取當日太陰真炁，吹之

次指揮掌水池使者、蕩形官童將吏、月中黃華靈根，速降池中伺候，引亡魂等，入水池，依法濯質蕩形。疾疾

存天河東井，方廣無邊。其水清淨光明，上有天府，樓閣森然。次法事，至鍊度所

上清南宮水火治鍊度命儀

道衆序立鍊度所

法師詣坐，祝香

返生靈香，飛烟結篆。諸天諸地，

氤氳普徧。委氣聚功，亡魂受鍊。一

切含生，俱登道岸。

具法位臣某焚香上啓三清三境、十極十華、太一救苦天尊，九天生神上帝，三省五府真宰，南陵樞府、朱陵火

府、南昌上宮，靈寶鍊度，合會聖真仙衆，三界內外應感威靈。臣聞大道流形，肇分於一炁；真陽開化，普植於萬靈。澤溥幽明，惠均生死。惟業緣之報對，致神爽之沉淪。匪仗真功，莫超生界。瓊宮大聖，金闕玄尊。開冶鍊之門庭，著遷神之品格。俾令遵奉，拯濟沉迷。臣今伏爲某官某，正普薦亡親某乙在會衆魂崇建无上黃籙大齋。乞按冲科，宣行鍊度。伏願霄輿降監，天仗迂臨。號召靈司，宣通符命，迴骸起死，監真度生。普令受鍊之死魂，咸沐重玄之慧澤。臣無任虔禱之至。

次吟法事

敷座法師凝神，存想天門。祥煙瑞炁，雲彩霞光，炫耀心目。三寶慈尊，青玄上帝，諸天上聖，鍊度真衆，赫爽下臨

法師召神

謹召靈寶大法局中，執職靈官功曹、金童玉女、鍊度真官仙吏，掌水池火池使者，丹天左右侍衛大將軍，火鈴靈童、九光童子、黃華玉女、東井玉女，度魂主吏，聚魂功曹，攝魄將軍，鍊度

使者，混元十二炁化生大將軍，飛元聚靈召神諸使者，六丁六甲諸大將軍，金童玉女，受鍊司直日神將功曹，黃籙院功曹，火府神兵，泰山五道社令，城隍土地等神，來詣壇所。今奉道旨，鍊度死魂。爾等威神，疾速恭依元教，攝召正普薦亡親某乙在會衆魂並赴靈壇，恭受鍊度。各爲分司聚炁，和合形神，鍊質凝真，登仙悟道，一如流火律。

存前件官吏，威儀嚴整，羅列左右。受度衆魂，俱在壇下。

三界通化天尊

次火鍊

執真火合同符，宣降真火呪掐午文

天中之靈，日月居通。甲乙炁令，五行旺剋。八景玉音，守形直符。招

靈致真，攝魂符使。聞吾呼召，速降通靈。承符奉令，輒莫容情。急急如長生大帝勅。取午炁吹符，焚火池中

再密呪曰

南閻洞浮，流火之庭。王眸誦誦，流火之膏。刀利禪猷，婆泥靈童。流火之質，玉眸真容。升入福庭，洞陽之

宮。取當日太傷炁吹之

謹請鍊度真人，九光童子，火鈴靈童，鍊度司仙衆，引某人靈魂，赴火池受鍊。存變並如初

火鍊丹界天尊

執火府隱文，宣火鍊大呪風火訣

南方之君，赤帝之精。熒惑使者，丙丁將軍。朱雀炎神，赫赫陽精。五行造化，萬物發生。天帝有勅，使者須聽。攝召亡魂，或言姓名。鍊度真形。急急如長生大帝勅。離火吹符，宣符文畢，焚火池中

執火鍊符，祝曰

謹請主火大將軍趙仲明，掌火池使者，速降真火，鍊度幽魂。疾疾。取南方火炁三口，運自己火炁三道，相交吹入符，焚火池中

玉眸鍊質天尊

次法師爲亡魂，攝召化生十二炁

執召一炁大將軍符，祝曰

謹召長生大帝君，一炁六元運陽化陰大將軍楊元光、從官符吏等，爲亡魂，攝降腎水少陰之炁。焚符，存至吹所度之魂中

次執生腎符，祝曰

謹請腎神玄冥君，字育嬰攝黑。子

文北炁吹符，焚之，吹所度亡魂

執召二炁大將軍符祝曰

謹召長生大帝君，二炁七變混景

大將軍丁忠、從官符吏等，為亡魂，攝

降心火少陰之炁。焚符，存至行持如前

次執生心符，祝曰

謹召心神丹元君，字守靈攝赤。午

文南炁吹符，焚之

執召三炁大將軍符，祝曰

謹召長生大帝君，三炁八迴合元

大將軍丁遷善、從官符吏等，為亡魂，

攝降肝木厥陰之炁。

次執生肝符，祝曰

謹召肝神龍煙君，字舍明攝青。卯

文震炁吹符，焚之

執召四炁大將軍符，祝曰

謹召長生大帝君，四炁九光會靈

大將軍陳志元、從官符吏等，為亡魂，

攝降肺金太陰之炁。

次執生肺符，祝曰

謹召肺神皓華君，字虛成攝白。酉

文兌炁吹符，焚之

執召五炁大將軍符，祝曰

謹召長生大帝君，五炁十合陰陽

大將軍王先之、從官符吏等，為亡魂，

攝降脾土太陰之炁。

次執生脾符，祝曰

謹召脾神常在君，字魂停攝黃。中

指中文上方炁吹符，焚之

執召六炁大將軍符，祝曰

謹召長生大帝君，六炁十一變靈

大將軍張同、從官符吏等，為亡魂，攝

降膀胱太陽之炁。

次執生膀胱符，祝曰

謹召膀胱神太虛君，字傳送攝蒼。

艮文東北炁吹符，焚之

執召七炁大將軍符，祝曰

謹召長生大帝君，七炁十二運化

大將軍李淵、從官符吏等，為亡魂，攝

降小腸太陽之炁。

次執生小腸符，祝曰

謹召小腸神太虛君，字水谷攝陵紅。

坤文西南炁吹符，焚之

執召八炁大將軍符，祝曰

謹召長生大帝君，八炁十三陽光

大將軍申孚、從官符吏等，為亡魂，攝

降膽腑少陽之炁。

次執生膽腑符，祝曰

謹召膽神龍曜君，字威明攝碧。巽

文東南炁吹符，焚之

執召九炁大將軍符，祝曰

謹召長生大帝君，九炁十四運度

大將軍周自然、從官符吏等，為亡魂，

攝降大腸陽明之炁。

次執生大腸符，祝曰

謹召大腸神太冲君，字治和攝綠。

乾文西北炁吹符，焚之

執召十炁大將軍符，祝曰

謹召長生大帝君，十炁十五成陰

變陽大將軍章脩、從官符吏等，為亡

魂，攝降胃腑陽明之炁。

次執生胃符，祝曰

謹召胃神靈元君，字太倉攝紫。中

指中文上方炁吹符，焚之

執召十一炁大將軍符，祝曰

謹召長生大帝君，十一炁十六三

景混成大將軍王卓立、從官符吏等，為

亡魂，攝降三焦少陽之炁。

次執生三焦符，祝曰

謹召三焦神羅列君，字玄液攝白。

良文東北炁吹符，焚之

執十二炁大將軍符，祝曰

謹召長生大帝君，十二炁十七陰陽合靈大將軍鄭明、從官符吏等，為亡魂，攝降心胞絡厥陰之炁。

次執生心胞絡符，祝曰

謹召胞絡神赤珠君，字靈運攝錄。

卯文震炁吹符，焚之

次祝曰

靈寶符命，鍊化亡魂。五臟六腑，胞絡根源。華精徧布，懸澍丹田。玉音攝炁，靈風聚煙。三景洞徹，萬神齊仙。九光煥耀，注化自然。千和萬合，上登玉天。急急如長生大帝勅。

太清靈變天尊

執五帝玉司真炁符，祝曰

准上帝勅，謹召青帝直符區更生、赤帝直符祝昌中、黃帝直符玉真、白帝直符辱曲正、黑帝直符尹豐。奉為亡魂，請降安寶華林青牙之炁，梵寶昌陽朱丹之炁，玉寶虛玄黃庭之炁，七寶金門明石之炁，朔單鬱絕玄滋之炁。依科鍊度，鍊質變仙。

默誦五帝祕諱，取五方炁吹符，焚

火池中，叩齒五通，祝曰

黃中理炁，元生自尊。胃腑幽通，保胎長存。白元公子，桃康保神。養育朱丹，長生神仙。得與大帝，飛昇九天。急急如長生大帝勅。取五方炁，吹所度亡魂

朱陵度命天尊

執火鍊變仙符，誦丹天火鍊大呪

炎精二神，三台流光。鍊胎易質，魄鍊魂更。穢炁殂落，乘煙飛颺。陰炁消釋，陽炁混康。精神益壯，洞入火鄉。混合九炁，總炁虛皇。昊天有勅，流金靈芒。九玄煥落，貞利無疆。急急如長生大帝勅。

火鍊成真天尊

執元君鍊身符，呪曰

炁化成人，尸變入玄。三化五鍊，升入九天。九天之劫，更度魂神。受化更生，得為真人。急急如長生大帝勅。取五方炁吹符，焚火池中

度人無量天尊

執合形變形成形大將軍符，祝曰掐

都召訣

謹召長生大帝君，化靈合形大將軍、凌飛運靈變形大將軍蔣真，度靈成形大將軍田師文，從官將吏。飛行變化，助吾真靈。攝降生炁，奉為亡靈，全形育質。祖炁吹符，焚火池中

再呪曰

磨真，襪臘，紅杏，墨黑，靈寶，急急如長生大帝勅。取五方炁，吹所度亡魂

興生，獨隸，可韓，功都，聚魂，急急如長生大帝勅。取辰卯寅三方炁，吹所度亡魂

次依寶經行持，念大梵隱語取四方

炁，吹所度亡魂，存亡魂出火池中，貌如嬰兒，身有陽光，洞徹目前

火池使者將軍，承行官吏，速押所

鍊亡魂，赴水鍊壇所。

隨緣赴感天尊三聲

次水鍊

執真水合同符，宣降真水呪：

太玄之一，八景同靈。五老祕諱，日月運明。璇璣運轉，十干五行。八史通靈，招神召真。開吾呼召，速降威靈。承符奉命，輒莫容情。急急如長

生大帝勅。取坎炁吹符，焚水池中

再密呪曰

靈池無鏡，神龍之淵。運東井華，以滌幽魂。攬茲迎容，太和之津。玄和玉女，灌之于神。魂神澄正，道炁長存。取當日太陰之炁，吹之

謹召鍊度真人、黃華玉女、東井玉女、鍊度司仙衆，引某靈魂，赴水池受鍊。存變如法

清淨度魂天尊

執洞明丹陽鍊度符，宣丹陽鍊度大呪蕩形訣

龍漢蕩蕩，無形無名。渺渺億劫，皇道開清。神燈朗耀，九魂吐精。玉虛澄輝，太霞高明。元始開化，諸天齊臨。三元導養，二象攝生。已度者度，未成者成。已死即化，已枯即榮，蠢動蛸飛，一切冥靈。懷胎含孕，咸得受形。亡者命過，魂歸三清。魄受鍊度，南宮變形。今日大吉，皆得光明。五帝鑒映，普告萬靈。天地神祇，及諸河源。五嶽四瀆，并諸名山。洞玄洞虛，洞空洞仙。無極大聖，至真尊神。無

極無窮，普監度生。地根斷絕，玄都記名。衆神並映，一切咸聽。急急如長生大帝勅。坎炁吹符，沉水池中

執水鍊符，祝曰

謹請主水大將軍王魁，掌水池使者，速降真水，鍊度亡魂。取北方水炁五口，運自己腎炁五道，相交吹入水池

黃華蕩形天尊

取飛元聚靈召神符、九陽真炁符，祝曰

謹召長生大帝君，飛元聚靈召神飛仙使者楊欣之，飛精使者王容，飛雲使者張起，飛魂使者富公弼，飛魄使者丁逢，飛光使者陳普，直仙使者時申，直真使者黃簡，直靈使者路顯等，從官符吏，飛行變化。奉為亡魂，攝降高上玉清天、混溟璉理之炁，泛華紫微之炁，玉婁鳳車之炁，中女辟邪之炁，太皇微延之炁，化真白瀨之炁，絳實子光之炁，天真命仙之炁，太皇寂玄之炁。依科鍊度，返魂生神。取祖炁吹符，宣符文畢，焚水池中

祝曰

三天育胎，九炁結神。上化玄丹，下轉變仙。二象交降，以成爾身。六腕瓊秀，九府納真。十二結節，各各絕根。盪除穢炁，五靈敷陳。玄女吐精，鍊化光鮮。金仙翼靈，玉華結篇。記名青宮，長保帝宸。急急如長生大帝勅。

好生度命天尊

執靈寶九鍊符，祝曰

准上帝勅，謹召疾除罪簿司，斷地逮役司，度上南宮司，飛空五戶司，受鍊更生司，仙化成司，過度三界司，飛昇太空司，普度無窮司靈官仙吏。奉為幽魂，請降胞命元第一天元一黃演之炁，胎命元第二天洞冥紫戶之炁，魂命元第三天長靈明仙之炁，魄命元第四天碭尸冥演由之炁，臟腑命元第五天五仙中靈之炁，靈府命元第六天高真冲融之炁，元府命元第七天高仙洞芟之炁，華府命元第八天真靈化凝之炁，嶽府命元第九天自然玄照之炁。依科鍊度，度命登真。

默誦上帝祕諱取祖炁吹符，焚水池中，叩

齒九通

祝曰

鬱單凝靈，禪善保神。梵監凝炁，驕樂會真。寂然安藏，梵寶生津。化應流景，高虛曜神。無結無愛，列名帝篇。陰陽會神，三萬六千。二炁交映，內保三田。克登聖品，與劫同年。流雲玉駟，來侍帝軒。策龍駕景，高昇九天。急急如長生大帝勅。取祖炁吹符，宣九鍊符文，焚水池中。取祖炁，吹所度亡魂

九天稱慶天尊

執石景水母玉精符，誦東井大呪曰

東井黃華，石景玉精。飛玄水母，

金體玉津。滔滔源源，不竭池亭。九龍灌鍊，三光垂精。仙人吐潤，鍊度魂靈。內外朗徹，表裏洞清。百關九竅，元炁滋榮。五臟六腑，萬神自生。胎胞結節，隨水開扇。死炁斷絕，惡根沉淪。我今鍊化，死骸生魂。反故改貌，玉體金容。變化鍊穢，飛昇紫庭。急急如長生大帝勅。取坎炁吹符，沉水池中

高真妙果天尊

執神府鍊身符，呪曰

已枯復榮，已滅復生。得生上天，更稟太靈。九天之劫，反復胎嬰。穢累蕩滅，白屍反生。急急如長生大帝勅。取五方炁吹符，焚水池中

金闕化身天尊

執金液鍊形符，呪曰

金液鍊形，與道合真。開明三景，是謂天根。無幽無極，無始無窮。元皇九醜，靈魔降宮。紫雲飛天，身乘六龍。火上水下，流入三宮。神居陽明，大道自通。急急如長生大帝勅。取玄炁吹符，焚水池中

轉輪聖王天尊

執分形鍊形養形大將軍符，祝曰

謹召長生大帝君，丹靈分形大將軍孫庚，上靈鍊形大將軍富盛，紫靈養形大將軍張告真，從官符吏，飛行變化真靈，攝降生炁。奉為亡魂，受化更生。祖炁吹符，焚水池中

再呪曰

墨黑，襪臘，靈寶，紅杏，磨真，急急如長生大帝勅。取五方炁，吹所度亡魂

興生，獨隸，可韓，功都，聚魂，急急如長生大帝勅。取寅卯辰三方炁，吹所度亡魂

隨願往生天尊

焚靈寶登真度命出離生死符，

呪曰

玉清赤書，上通紫庭。天慈赦宥，三界冥靈。十方世界，九幽罪魂。億曾萬祖，苦爽遊精。削除罪簿，落滅惡根。速赴生方，炁識閑寧。上登天堂，澄質鍊神。超離五苦，真心洞明。蕩除陰翳，入道昇真。急急如長生大帝勅。焚符，取祖炁吹池中。存亡魂，身有玉光，瑩然明淨，形容端儼，仙衣可愛

寶華圓滿天尊

師默誦度魂呪

興生，獨隸，可韓，功都，保魂，應魂攝。

符

次法師焚召丁甲金童玉女大將軍向來鍊度，功德已周。謹召六丁六甲大將軍，金童玉女，速押所鍊亡魂，各整形儀，恭詣上帝御前。祇謝天

恩，受戒傳符，登真度品。法衆虔誠，請行迎導。

次法衆諷隱語，引魂朝謁

次下座

无上黄錄大齋立成儀卷之二十七

无上黄錄大齋立成儀卷之

二十八

太上執法仙士蔣叔與修

科儀門

靈寶大齋傳授戒符昇度亡靈儀

先令齋家別靈。次當職道士祝白起靈，引旛至說戒所。

道衆序立

法師詣坐，上香

祝香

一炷道德香，願徹三境路。天尊大慈悲，宣演祕密語。拯拔諸亡靈，法橋當早度。普願九幽魂，同離三塗苦。

今日道場清淨，大衆同運誠心，奉爲齋官、億曾萬祖、受度亡靈，一心皈命，虔誠奉請太上無極至真大道玉京金闕三寶帝師、十極九霄諸天大聖、日月星宿璇璣玉衡三元四始四司五帝、神鄉幽嶽泉曲羅酆當界神祇、靈官典吏，三界應感，一切威靈。願賜慈悲，

俯垂降鑒，證盟功德，傳授戒符。庶令九夜之沉魂，獲證三乘之真果。

舉智慧頌第三

法師敷座

洞玄妙戒，靈寶玉符。上保國祚於升平，下超苦魂於浩劫。威禁至重，神力難思。今對道前，依科傳授。尚慮亡靈，夙迷真道，受此輪迴。先當普宣法音，開明王性。俾令悟解，得離冥途。謹按經云，三界衆生，本無流轉。純一道炁，初無生滅覺曉。聞知之性，亦未嘗分。來無其始，去無其終。溟滓大梵，無內無外。而一切有生，自從感形能知以來，色相歸目，聲相歸耳，香相歸鼻，味相歸舌，悟相歸心，欲相歸體。飢食渴飲，寒衣熱袒，陷於境界，溺於根塵，勞於嗜好，縛於執想。日將月就，惡根不消。生死大輪，未嘗暫息。或生天上，或在人間，墮地獄中，受一切苦。幾經淪化，未獲解脫。不知大道勝緣，本於何處。神炁精血，始於何化。性命生滅，竟從何來。設爲天人，壽億千萬，不明道本，不識至

真。劣爾長生，復當退墮。以是因故，高上真王，流出清淨光明、最上法寶，興立大教，普度天人。今爲宣揚，所宜諦聽。擊靜一聲，昔我元始天尊，以一法身，胎養道體，而後溟滓成空。空久生有，故諸生命，忽爾自生。生本無體，自空立象。因象成形，明識來居。妄爲生想，生想立已，執妄爲我。背悟爲明，明爲暗對。明暗相持，水火形見。於是分爲五物，假爲五形。遞相凌奪，互爲流轉。木爲仁愛，火爲明察，土爲信厚，金爲剛決，水爲智數。內化五形，是爲五藏。著成五見，總爲六根。情境支連，重疊爲對。遺失元始混沌，赤文無上上真一精妙道，認客爲主，生情害性，以知亂心。結愛爲根，結想成業。故有種種受生，種種滅盡，種種果報，種種因緣，種種天樂，種種冥苦。如是顛倒，不自覺知。生死去來，浩劫不息。擊靜一聲，坐下四衆，受度亡靈，試觀天地之內，所有世界，無極邊際，不可推量。天左地右，隨運南北，如是運轉，其孰主張。自非至神，不能遷易。

神無方體，見於事物。猶如人身中蘊性命，尸卧不動，便如無生。若起行步，音聲語言，方知神化性命，潛隱顯於動作。論於至神，亦復如是。神若不生，何有性命。性命之名，神之異號。在人身中，復是何物，作何體狀。若認起居動作爲神，則今死者，應無神理。而死亡之人，出爲崇癘，形見光影。或去世積年，忽爾附著所見親舊，論憶往事，悉如平生。端知此神，長在不滅。生神無生，滅亦無滅。與道爲一，肇於變化。或處天堂，或入地獄。若樂二塗，神無變改。假使上昇天堂，受無極樂。或入地獄，鑊湯火然，萬劫長夜，受無極苦。惟是受業識神，罪魂尸魄，受此業報。於汝元神，有何榮悴。是故當知，太上元始，中黃正道，分判天地，制法君臣，蘊靈太虛，神化生育。太空無相，不見其情。中有至神，獨運神化。神雖無間，罔則萬塗，起於升降，分爲暗明。兩半既成，陰陽乃定。陰陽合德，遂立生根。根茂枝繁，生子爲種，遞相變化，各不相知。

欲求其知，了不可得。知即非道，道離所知。三界之內，一切有生。未出陰陽，不斷生死。生生變易，極於自然。以知求道，去道彌遠。觀此出生無量變化，皆從太空神炁，生化靈妙而有。試觀汝身，稟此元命，從劫至劫，舍身受身，數不可計。生雖萬變，而所以爲汝者，未嘗遷也。綿綿若存，自古及今，其道不息。故我教中，令知空非頑空，內陶神化。生道不絕，爲道根本。以此養生，生無窮期，以此處物，物無盡相，擊靜一聲。受戒弟子，於此妙義，有此悟解，即識道真。離業根塵，絕輪迴道。若未契此，吾當爲汝，授三皈依，說九真戒，以爲梯櫬，用作津梁。今用宣傳，所宜尊奉。

唱人各恭敬

宣告亡靈，第一皈依無上道寶，十方上聖太上三尊，億劫度人，先天演教。慈悲廣救，普濟群生。玉相金容，分形變化。影隨響答，善應無窮。此世他生，常當信禮。

舉道寶頌

稽首皈依道，大羅元始尊。願以是道力，開度此亡魂。和往生神仙界。

宣告亡靈，第二皈依無上經寶，十方世界，寶藏靈文，玉字金書，龍章鳳篆，二十六部，萬八千篇。指引沉迷，超登道岸。消愆滅罪，得道成真。此世他生，常當信禮。

舉經寶頌

稽首皈依經，龍章鳳篆文。願以是法力，解悟此亡魂。和往生神仙界。

宣告亡靈，第三皈依無上師寶，玄中上聖靈寶三師，正一真人，三天教主，十方世界，得道神仙。傳法授經，開度群品。是真父母，是大醫王。此世他生，常當信禮。

舉師寶頌

稽首皈依師，靈寶衆慈尊。願以是神力，拯拔此亡魂。和往生神仙界。

亡靈等衆，皈依無上正真三寶已竟。當爲宣說，九真妙戒，消釋衆苦，遷昇九天。應當一心，諦聽諦受。

慈悲說戒天尊

第一戒者敬讓，孝養父母。

第二戒者克勤，忠於君主。

第三戒者不殺，慈救衆生。

第四戒者不淫，正身處物。

第五戒者不盜，推義損己。

第六戒者不嗔，兇怒凌人。

第七戒者不詐，諂賊害善。

第八戒者不驕，傲忽至真。

第九戒者不二，奉戒專一。

如上妙戒，並是元始天尊，金口演說。普爲一切，滅諸惡根。今依玄科，對聖傳授。仗此九真之力，永辭五苦之殃。上昇朱宮，超登紫府。伏願侍經玉女、護戒靈童、飛天神王、巨天力士，遍下十方無極世界、九幽地獄之中。二十四曹、三十六府，當與亡過某削名黑簿，滅罪陰關。開長夜之泉扃，指無爲之道路。九霄宮內，常爲遊宴之方；八極天中，依作逍遙之界。所有金籙白簡、玉券寶符，恭對道前，次第宣告。

告長生符法師存天門，豁開祥光，瑞彩眩

耀。心目玉京金闕三寶上帝，御於寶座，侍衛

儼然。上帝勅命金童玉女，捧符簡，乘金光，

自天門降，執簡叩齒三通，依法念散形咒，取

炁吹符訖。然後宣告文訖，封簡

度簡頌

宣九天寶誥

宣長生度命金籙

師祝曰

當願亡靈，受持之後。斷地逮役，

受鍊更生。永度三塗、五苦八難，超凌

三界，逍遙上清。呪畢，結幡上。

宣昇天券告文宣畢，法師分券爲二。以

右一半結幡脚，以左一半，封函如法，召當日

功曹發去

發保舉狀依法，召十方飛天神王，存至發

去

祝曰

伏聞，長生大聖飛天神王，契靈寶

之內音，承元始之付囑。天人同會，當

始青之上方；山嶽吞煙，值赤明之初

劫。傾光迴駕，監真度生。願賜慈悲，

同垂降鑒。齋元始之符命，赦北都之

罪魂。俾亡靈某以時刻而昇遷，咸計日

而受度。不經地獄，身有光明。逍遙

劫刃之臺，永處福堂之界。某無任虔禱

之至。

依次第，宣保舉狀

普告三界，歷關諸天。勅制地祇，元始符命。宣狀畢，以金錢一就焚化。

師祝曰

伏請飛天神王、飛天使者吏兵，一如昔日，始青天上，浮黎法會之中，不忘元始教戒之言。俯鑒齋主，虔誠之禱。俾亡過某靈，死魂受鍊，仙化成人。生身受度，劫劫長存。福留後裔，慶及家門。一切有情，同登道岸。

無量度人天尊

真經妙戒，玉券寶符，乃三洞之祕笈，演九天之勝範。指迷超悟，證道成真。尚慮無所依憑，有妨昇度。今爲亡靈，告盟衆聖。出給牒文，善自齋持，用爲身寶。

次宣功德牒宣畢

祝曰

當願亡靈，執牒爲據。地司永消罪錄，陰府更不拘留。天上人間，隨果超化。

舉北帝頌

向來傳授戒符，種種功德，並已周圓。伏願亡靈受持之後，書名紫策，度

品朱宮。佩寶誥以朝真，禮虛皇而受記。超神仙果，達快樂鄉。以今再爲亡靈，斬滅三尸，飛度五戶。庶得形神俱妙，與道合真，昇度有期，各宜珍重。

法師行持，召神

謹召玉清靈寶赫奕仙曹，落滅地獄惡道靈官，落滅下鬼惡道靈官，落滅畜生惡道靈官，飛度色累戶靈官，飛度愛累戶靈官，飛度貪累戶靈官，飛度情累戶靈官，飛度欲累戶靈官。請詣道前，祇承符命。奉爲亡靈某魂，一依太真之科，斬絕尸根。俾三惡之消滅，飛度業累；獲五道之開通，度越風刀。超昇天府，解形遂變，流景上清，元始玉符，謹當宣告。

宣三塗五苦符命告文每宣一符畢，即以錢紙焚符於幡下

惡根斷絕，免五道之飄沉；苦累

蠲消，超六塵之清淨。魔王監舉，無拘天門，再請仙童，同加引導。

請五方童子

奉請東方青靈啓道童子，手執青蓮花，接引此亡靈。和往生神仙界。

奉請南方丹靈啓道童子，手執紅蓮花，接引此亡靈。和往生神仙界。

奉請中央元靈啓道童子，手執黃

蓮花，接引此亡靈。和往生神仙界。

奉請西方皓靈啓道童子，手執白

蓮花，接引此亡靈。和往生神仙界。

奉請北方玄靈啓道童子，手執碧

蓮花，接引此亡靈。和往生神仙界。

十極神鄉，既疾除於罪簿；五靈

童子，將不滯於仙遊。逍遙碧落之天，

宴息清華之館。親朝元始，歌謠洞章。

不墮輪迴，永遵玄妙。所宜恭肅，祇謝

天恩。稽首歸依，無極大道。

逍遙快樂天尊引靈至大道前，法師引亡

靈同謝恩

有生苦相，受報輪迴。上聖恩光，

垂慈方便。著威儀俯仰之格，拯幽夜

沉冥之魂。亡過某靈，因建齋功，獲參

壇陞，聞經聽法，滌罪除愆。已濯質於

黃華，復鍊形於流火。傳符授戒，受化

更生。仰勤真馭之下臨，克俾死魂之

受度。天地大德，孰報罔極之恩；螻

蟻微誠，當識謝生之所。亡靈某等，仰

謝天恩，稽首再拜

舉靈書，引魂至焚燎所

法師回向，謝過

臣肅建瑤壇，宣行寶範。仰祈真造，開濟亡魂。以今度品功圓，生尸事畢。懼不明於科典，及有犯於威儀。考對三官，書愆九府。敢希恩祐，俯賜赦原。雲車旋返於瓊都，羽蓋復升於絳闕。馳心清漢，注想層霄。更乞洪私，益施妙陰。萬方清晏，大道興行。一切含靈，咸登妙果。臣無任瞻望聖真，謝罪乞恩之至。

法師三禮出，至焚燎所行持，召金龍驛吏，讀關子，發長生符

法橋大度天尊引魂度橋

宣升度法橋呪

天尊智慧，大道慈恩。九光陽炁，變化曲虹。長蜺千丈，金碧萬重。下入開光，上登朱陵。法橋濟度，普度無窮。平地昇霄，逕赴天門。各嚴形儀，步橋登空。改洗舊志，永劫無終。

送靈舉三清樂，焚化符簡經幡冥財等

舉焚簡頌行超度法，師默呪曰

魂神澄正，萬炁長存。不經苦惱，身有光明。功滿德就，逍遙上清。呪畢，再默念化生呪。

興生，獨隸，可韓，聚魂，功都，聚魂。急急如上帝勅。

默誦化牒呪

火鈴炎熾，上下八方。萬神侍衛，永斷不祥。急急如丹天火鈴律令。存火鈴滿地，烜赫如日，亘徹天地。受度靈魂，乘金光昇天而去。

宣普度薦魂呪

靈寶功德，無量度人。元始符命，釋赦罪根。長生回尸，九鍊生形。妙戒防非，三界超凌。隨劫輪轉，逍遙上清。功圓果滿，上朝帝君。福流後裔，慶及家門。好去好去，無忘道恩。

寶華圓滿天尊

上來開度，無量功德，並已周圓。仰憑淨衆，爲上因緣，念大聖元始天尊、太上大道君、太上老君、太一救苦天尊、十方救苦天尊、九幽拔罪天尊、朱陵度命天尊、法橋大度天尊、火鍊丹界天尊、金闕化身天尊、轉輪聖王天尊、隨願往生天尊、逍遙快樂天尊、大

慈大悲救苦真人、大慈大悲大慧真人、大慈大悲拔罪真人、大慈大悲拔度真人，不可思議功德。

奉爲齋官，功圓德就。集福消災，念紫清降福天尊、消災解厄天尊、延壽益筭天尊、福生無量天尊、八卦護身天尊、九宮捍厄天尊、寶華圓滿天尊，不可思議功德。

右世科度靈，有斬三尸、度五苦門儀，蓋本上清洞真部元始譜錄太真玉訣云。夫學上法，宜遣諸欲。落滅惡根，道自然降，仙自然成。當篆變景，流光玉文，依文施用。即度三塗五苦符是上尸符，青書玄素。中尸符，黃書白素。下尸符，白書白素。色累門符，墨書白素。愛累門，白書白素。貪累門，赤書白素。華競門，青書白素。身累門，黃書白素。其斬上尸符，弟子著頭上，中尸心中，下尸及五苦符並著兩足。於三惡門下，北向銜刀，請一杯清水，以面臨水

上。師於弟子後，叩齒九通而呪之。即世科，上尸青慾、中尸彭質、下尸彭矯三呪是也。每度一門，師取所銜刀，以繞弟子頭，結九過。取所卷玉符，埋於門下，以水灌之而去。五苦門一同本經，無呪。今宗壇受上清寶籙，則爲之太上符法。雖云神化無方，濟生亦可度死。然斬三尸呪，用於亡者，其間未免有窒礙處。而科文又極其鄙俗，今刪去。所是落滅三惡、飛度五尸靈官，自屬玉清靈寶大法，隨訣召降。若今宣通符命、開度亡魂，則於理爲可行。又世科五苦獄，名亦與經文不合。往往因三塗五苦經云，刀山劍樹、銅柱鑊湯、揲汲溟波，是名五苦，遷就入科也。然三惡五道門及流景玉符，既出太真玉訣，要當悉依經文施行，方爲盡善。五苦輪燈亦同。

无上黄籙大齋立成儀卷之二十八

无上黄籙大齋立成儀卷之二十九

太上執法仙士蔣叔輿撰

科儀門

鍊度幽魂醮獻儀

先於鍊度所或大道前，鋪設醮筵三十六分位或二十四分位。周備畢，道衆齋官請法師行事

蕩穢 上香 燒香頌

法師對聖啓白

具法位 臣某焚香，上啓大羅玉清無極無上至真大道元始天尊，太上大道君，太上老君，北極紫微大帝，南極長生大帝，朱陵大帝，太一救苦天尊，九天生神大帝，三十二天帝君，東華木公、西靈金母，護魂侍魄、養炁通血、中主五帝真君，日君月君，北斗七元君，南斗六司君，靈寶五師君，三省五府真宰，南昌上官長生大君韓君司馬，迴骸起死君，無量度人君，度命成僊真君，南極九華真人，玉清元始法師，太極左

仙公，五嶽總領真君，南陵樞府、朱陵火府、南昌上官黃籙真宰，靈寶仙曹、追攝鍊度官君將吏，北陰酆都大帝，五嶽聖帝，水府扶桑大帝，歲德尊神，社令城隍，五道土地，三界應感，一切威靈。臣聞，教闡紫清，開八門而拯度；經傳碧落，宣九鍊以返生。普爲沉淪，濟諸苦惱。滌除罪垢，鍊化生方。臣謬以下愚，叨傳上法。身濫司於濟度，職敢怠於宣騰。今據齋主某，正薦亡親某人普薦在會衆魂開建无上黄籙大齋，三晝夜。普設九泉六道，清淨無礙夜齋，護度靈儀，遷升道境。爰備蘋蘩之薦，少殫豺獮之誠。伏乞真聖監觀，仙靈降格。迂迴景馭，大沛天恩。俯賜威光，監臨鍊度。臣與齋官某等無任虔請，仰望恩光之至。謹稽首再拜。

上香 降真

具法位 臣某誠惶誠恐，稽首再拜。奉請无上至真三寶上帝，北極紫微大帝，南極長生大帝，朱陵大帝，太一救苦天尊。恭望天慈，應感分輝，垂慈降鑒。謹上請九天自然生神上帝，五老

五帝君，三十二天帝君，木公金母，日君月君，北斗七元星君，南斗六司星君，靈寶五師真君，四聖真君，三省五府真君，元始法師，太極仙公，南昌上

宮長生大君，南上朱陵火府君，南宮度命君，韓君司馬，鍊度成仙真君，南極九華真人，迴骸起死監生大神，飛天神仙，五嶽總領真君，南陵樞府、朱陵火府、南昌上宮黃籙院真宰，北陰玄天酆都大帝，五嶽聖帝，水府扶桑大帝。伏望聖慈，垂光下降。謹上請靈寶自然

至真無量度人真君仙吏，丹天左右侍衛大將軍，靈寶赫奕仙曹天將大神，九鍊真司靈官仙吏，混元十二炁化生大將軍，南昌掌水池火池使者，主水主火大將軍，飛元聚靈諸使者，六甲六丁諸大將軍，金童玉女，火鈴靈童，九光童子，黃華玉女，東井玉女，鍊度真人，鍊度使者，鍊度神將，鍊度功曹，鍊度合會主執官君，神虎大聖玉女三部追魂使者，追攝吏兵，天醫大聖，六職治官將吏，功曹主者法籙治職真官從官，歲德尊神，三界直符，七道功曹，社令城

隍，五道土地，啓道童子，禁將神君，地水職司，導善官吏，虛空監察，一切威靈。伏望聖慈，具官來降。

上香 初獻

臣謹上啓三清上帝，太一慈尊，三界十方衆聖。伏聞一炁肇分，陰陽定位。三元導養，品物流形。凡居覆育之間，咸賴生成之德。習因異果，業報殊塗。未除滅於妄塵，遂轉輪於苦道。非修觀行，難出化機。上聖高靈，垂慈接物。說微妙法，開方便門。蕩陰穢

化。虛皇御運，立法度人。用恩祐於沉淪，俾津梁於生死。直符守吏，典侍靈文。法局仙曹，佐揚勝範。宜共恢於妙化，以丕闡於皇猷。銜命宣恩，依儀行事。上遵道旨，下濟沉魂。成鍊胎返本之功，著監真度生之德。惡緣斷絕，永辭長夜寒池之鄉；真炁充盈，徑上丹英火鈴之界。惟神克享，用副精祈。神虎三部追魂使者，天人地仙神鬼業道功曹，請屆道前，承受文檄。

上香 終獻

宣關子，獻疏

於黃華，鍊陽精於流火。俾資道妙，永固生根，今齋主某崇修齋法，遷拔亡靈。普爲幽沉，宣行鍊度。伏乞天光下濟，惠澤旁流。勅勒真靈，遵依符命。分形降炁，鍊景攝生。俾受度靈魂，無邊滯爽。五神混合，絕五累之苦根；一性長存，證一乘之真果。克造無爲之岸，永清有漏之緣。臣等無任懇禱之至。

上香 亞獻

上啓靈寶鍊度，官君將吏，合會應感，一切威靈。伏聞元始開圖，分身下

上來誠悃，已具敷陳。竊揆真聰，諒垂洞鑒。塵寰穢雜，薦獻乖疏。不罪凡微，乞從昭宥。鍊度仙吏、追攝官君、太歲尊神、城隍里域，各遵大教，廣扇慈風。啓關冥關，召集幽爽。請伺本壇普召之時，部衛衆魂，依儀受度。立俟昭報，火急奉行。

回向 焚燎如儀

上清五府攝召幽魂全形昇度還神復性儀

先望鬼門，排列香案。次法事法師，行破暗開

通道路法，焚香，正立，誦淨天地呪一遍，吹四方，存九鳳破穢真官一人，朱表皂幘，跨丹鳳九首，吐火於前，炎炎燒身。次步九鳳破穢罡，旋身三匝，存身於火焰中，變爲九華真人，其火亘徹天地，光照十方，良久，想元始天尊引十方無極天真大聖，上聖高真，坐圓光中心，拜九過。密呪曰

元始登引天真大神，上聖高尊，妙行真人，傾光迴駕，監真度生。心拜三過。

法師祝香

具位臣某謹焚香，上奏三清三境，金闕至尊，東極宮中，尋聲赴感，太一救苦天尊，十方靈寶天尊，三界真司，十方主宰。臣謬籍宿因，叨傳上法。功虧毫露，釁積丘山。履地戰驚，仰天兢悸。冀弘宣於妙訓，俾普濟於幽沉。既奉歸投，敢忘關告。以今伏爲齋主某，正 普薦亡親某乙 在會衆魂，開建无上黃籙大齋，旁及六道四生、孤魂滯魄。依按真科，宣行鍊度。除已奏陳齋意，關告真司，召集靈儀，來臨法會，尚慮幽明異道，自取沉淪，難睹光明，莫霑開度。欲乞特頒道旨，告下南方丹天火府主令，照燭陽光，開通道路，破除

陰翳，令詣玄壇。臣敢不滌慮澄心，仰祈報應。法師叩齒三通，心拜三過

執開通道路符，密呪曰

元始登引，天真大神。上聖高尊，妙行真人。十方無極，至真大神。傾光迴駕，監真度生。諸天丞相，南昌上宮。韓司主錄，監生大神。執籙把籍，齊到帝前。隨所應度，嚴校諸天。普告三界，無極神鄉。泉曲之府，北都羅酆。三官九署，十二河源。上解祖考，億劫種親。疾除罪簿，落滅惡根。不得拘留，逼合鬼群。元始符命，時刻昇遷。急急如長生大帝律令。三過，取天門炁一口，吹符上。彈訣再掐訣，燒開通道路符於鬼門上

又呪曰

元始符命，時刻昇遷。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三途，五苦八難。超凌三界，逍遙上清。

法師上香，再祝曰

以今焚香，上請可韓府、獨隸府、

興生府、功都府、聚魂府、司命司錄、司功司殺一切神君。吾今奉行符命鍊度，六道四生、孤魂滯魄，除已關告真司，克取今時，攝召前來，赴壇受度，切慮冥途滯塞，未能洞達，准上帝勅，召南斗火鈴大將軍，急飛火鈴，照徹無方，洞達杳冥，一如告命。步火鈴罡，發火鈴訣，存火鈴六枚飛起

焚太一飛符，祝曰

妙道之先，混然無物。三號分而令生九炁，一元判而肇有三才。高澄凝滓，天地位焉。纖悉散殊，萬物備矣。炁元無象，人爲最靈。善惡始運於一心，報對遂淪於六趣。或生天道，或在人中，或居神道之門，或受地獄之苦，或招餓鬼之報，或處畜獸之中。一墮輪迴，未易出離。以至盡玄空界、積夜寒鄉，絕無祭祀之孤魂，莫遂超昇之滯魄，常炎飢火，永隔陽光。未落滅於惡根，徒流吹於苦海。洪惟太上，重軫哀矜。謂一切有情，俱元始之祖炁；故無邊弘濟，植大德之好生。廣宣要法，作人舟船。普度衆生，作法梯櫂。

垂百千相好，開十二願門。爰敷度死之科，用闢登真之路。俾死魂之受鍊，獲仙化以成人。削罪除愆，拔難濟苦。集諸善利，不可思議。以今恭啓瓊科，宣敷寶範。敷陳法食，空歌洞章。祥開五戶以遷神，重請衆真而監度。仰乘道力，來赴靈壇。領諸勝妙之因，永脫輪迴之苦。已夙憑於官將，悉牒告於攸司。無滯幽沉，來從引導。伏請神虎使者、追魂攝魄官將、三元將軍、歲德尊神、七道功曹、六甲使者，依律召集，攝赴靈壇。具有檄文，謹當宣示。

宣普召牒，焚之法師行持，焚召魂大將軍符

密呪曰

靈寶符命，拔度六道四生、孤魂滯魄。出離地獄，永辭長夜。五苦三塗，不得拘留。逼合鬼群，斷落死名。急急如長生大帝律令。取天門炁，吹符焚之

召追攝將吏

謹召靈寶大法司，南昌上宮、南陵樞府、朱陵火府、鍊度仙吏天將神君，

神虎三部追魂使者，天神地仙人鬼業道功曹，地水主司，城隍社令，承差部衛，幽魂主吏。仰聞今召，疾速管押，六道四生、孤魂滯魄，赴壇交割。仍仰禁止狂魂猖魄，整肅形神，善臨壇所。不得因時，報復讎怨，侵犯生人。玄憲昭垂，各宜遵守。儻或有違，罪難赦汝。

當職道士執幡，召攝

志心召請，遍十方界，盡玄虛際，無邊苦爽，一切幽沉，六道四生，孤魂滯魄。惟願乘三寶力，今夜今時，來臨法會。和受茲開度功德。

歌迴黃章

太微迴黃旗，無英命靈幡。攝召長夜府，開度受生魂。和不可思議功德。師掐攝召訣，默誦真諱呪。隨諱掐訣，行持

師平讀，祝曰

胎光幽精，爽靈三魂，歸空歸真。天地正真炁，再聚汝形神。此是五行造化真，無藏無避無逃形。急急如上帝律令勅。

又祝曰

三官北酆，明檢鬼營。不得容隱，金馬驛呈。普告無窮，萬神咸聽。三界五帝，列言上清。急急如上帝勅。師取東北炁，吹幡左營目三，存億萬鬼魂，齊集壇下

次呪曰

魂神澄正，萬炁長存。不經苦惱，身有光明。復聚本形，復全本神。急急如長生大帝律令。默誦三遍，取東炁吹之

法師陞座，道衆吟中篇，導幽魂詣座下參禮。

法師祝曰

今仰承無上道力，無上經力，無上法力，一切天道，一切人道，一切神道，一切地獄道，一切餓鬼道，一切畜生道，一切孤魂滯魄，既已雲集道場，尚慮汝等生世之日，或因雷霆水火、刑殺刀兵、瘡跛聾盲、厭呪蠱毒、胎產擗墜、蟲獸傷殘、非命橫亡、抱疾枉死、魂魄蕩散、神識飄沉，形相不完，肢體未具。陽間所患，陰境亦然。雖詣法筵，尚縈苦趣。今當遵依教典，告召靈司，奉行大法，攝召真氣，爲汝等衆，醫治疾病，解釋苦根，返質全形，還神復性。然後

蕩除穢濁，鍊化超昇。名生恭肅之心，勿墮崇修之果。

次上香，祝曰

謹焚香上啓，青帝護魂君，白帝侍魄君，赤帝養炁君，黑帝通血君，黃帝中主君，朱陵火府真君，南昌上宮真君，鍊度成仙真君，靈寶天醫神吏，治病功曹，鍊度真人，靈官仙衆，一切威靈。願賜慈悲，降流真炁。普爲男女衆魂，醫治病苦，完復形神。一如太上律令。

廣度沉淪天尊師存上件官吏下降，羅列左右，前後衛護

次祝曰

玉清元始尊，敕下天醫神。完全枯朽骨，普濟度天人。急急如元始無量度人律令。次行五府事，默誦五帝真諱呪曰
墨黑子，襪臘午，靈寶中，紅杏卯，磨真酉，急急如長生大帝勅奉行。取五嶽炁吹之

執治病功曹符，嘿祝曰

四生六道，十類有情。萬化所苦，一切成章。天光一攝，符命得昌。急

急如長生大帝律令。取祖炁吹符，焚之，默誦度魂真諱呪

興生辰，獨隸卯，可韓寅，功都大指甲下，聚魂對魂攝，急急如長生大帝勅奉行。取三塗五嶽炁，吹所度幽魂

法師就座，祝曰

迴骸起死，已返於本初；攝炁全形，當資於生化。庶得魂神澄正，身相光明。惟大洞之玉符，乃上清之寶諱。依科施用，鍊汝飛昇。

執大洞十八玉符，祝曰

准上帝勅，太乙元君命。謹召腦神泥九赤文混洞噓噓君酉，左目神通光玄真君離，右目神晨嬰陰精君離，舌神騰陽正生君辰，心神玄珠玄君辰，肝神青帝孟光君三指一節，脾神紫庭延年君子，肺神皓洞季成君戌，腎神太淵求都君四指一節，陰神續命伯強君坤，胞神元常秋夫君卯，胎神含生寅和君卯，結神九華彥遐君卯，節神杳浩空猷君卯，血神中幽良弼君辰，精神元徐祝祝君坤，炁神元英毳毳君亥，神神天生靈父君辰，命神正中幽田君坤，急急速降，奉

爲幽魂，委炁聚形，還神復性。取祖炁吹符，宣符文畢，就焚之

梵炁普生天尊

執召五神混合符，祝曰

准上帝勅太乙元君命，謹召混洞太無天寶之炁，赤混太無靈寶之炁，冥寂玄通神寶之炁，五方靈寶自然至真之炁，天帝玉真無色之境梵行之炁，三元九真四梵四極之炁，髮神蒼華太元之炁，腦神精根泥丸之炁，眼神明上英玄之炁，耳神空閑幽田之炁，鼻神玉瓏靈堅之炁，口神玉池太和之炁，齒神鐔鋒羅千之炁，舌神通命正倫之炁，重樓十二太一真君之炁，心神丹元守靈之炁，脾神龍煙含明之炁，膽神龍曜威明之炁，肺神皓華虛成之炁，脾神常在魂停之炁，腎神玄冥育嬰之炁，左青龍甲乙之炁，右白虎庚辛之炁，前朱雀丙丁之炁，後玄武壬癸之炁，急急速降，正真生炁，流入所鍊幽魂身中。取祖炁吹符，焚之

妙化無邊天尊

又祝曰

准上帝勅太乙元君命，謹召六丁金童、六丁玉女、六甲金童、六甲玉女，精藏神、水藏神、八萬四千毛竅神、三萬六千出入神、二萬四千息炁神、一萬二千精光神、一千二百形影神、三百六十骨節神，玉童君、玉女君、白元君、丹田君、三十六師子君、師父君、師母君、桃康君、合延君，上和君、中和君、下和君，上元君、中元君、下元君，急急速降，正真之神，各守所鍊幽魂形中。取五方炁，吹幽魂中

億劫化形天尊

次祝曰

准上帝勅太乙元君命，謹召三魂神台光、爽靈、幽精，謹召七魄神尸狗、伏矢、雀陰、吞賊、非毒、除穢、臭肺，各守本位。不得妄違，自然長生。將所結三塗五苦印，取三塗五苦炁，速印吹所度幽魂中

超真解脫天尊

師誦玉清生魂育魄保神內呪，曰
七炁成真，六儀運虛。五靈續絕，二曜扶□。旋綱躍空，飛步雲宮。胚胎有始，塵劫無終。金城孕質，玉洞凝

神。真炁內養，以成聖人。上入六虛，下洞幽泉。雲宮寶闕，中有真魂。出入福鄉，周旋生門。咀嚼靈芝，灌漱金泉。甘露川流，懸澍丹田。紫霞朝映，三炁凝煙。瓊室化仙，安坐金蓮。真儀掩日，塵劫為年。

金容出世天尊次以水洒之，存億萬幽魂，形相端好，齊集壇下，俟候開度

再祝曰

汝等幻身易滅，心病難除。地水火風之形，往日已散；飢渴疾苦之念，曠劫未忘。今故為汝生魂育魄，復性還神。形體不具者，從此完全；病苦未痊者，自今痊愈。疾除罪簿，落滅惡根。陰府不得拘留，人天將行託化。各宜整肅，以俟昇遷。

靈源普潤天尊

汝等苦根散釋，真性昭明。宜沐浴於蘭湯，終蕩除於業障。庶得形神俱妙，與道合真。清衆慈悲，請行引導。

靈寶普度大齋沐浴幽魂儀

依法嚴潔排辦浴室二所，桶貯香水，各沉洞明

丹陽沐浴鍊度符於水中。

法師於案前，祝曰

具法位臣某上啓，五老上帝，三十二天帝君，日月五星真君，東井星君。臣聞，仙真竊邈，居不染塵。至道玄虛，法無待物。惟衆生之昏昧，致業垢之牽纏。開明須假於真詮，蕩滌必資於慧澤。臣今伏為某，正普薦亡親某乙，在會衆魂開建黃籙大齋，普度六道四生，孤魂滯魄，加持法水，沐浴衆魂。願賜慈悲，俯垂開度。降流正真之炁，灌注香湯之中。俾蠲熱惱之憂，克超清淨之果。見前清衆，請為讚揚。師存日月，混合六合宮赤光黃精二炁，交映五色雲炁滿室，三十二天黃綠青赤蒼黑碧紫白日月五星之炁，交錯水中。

衆詠東井頌

天河灌東井，石景水母精。圓光拂靈曜，玄暉瑩高明。元始披重夜，天人逐月生。沐浴蘭池上，龍負長庚瓶。金童洒香花，玉女流五星。冠帶濯玉津，鍊度五仙形。體香萬神降，乘景登高青。

當職道士行科

先世迷真，遂漂流於苦海；今日

受度，得盥沐於華池。非仗殊因，莫超淨境。奉爲汝等，上資往生天界，念三元品戒沐浴蕩穢呪

天澄氣清，五色高明。日月吐輝，濯鍊身形。神津內盥，香湯鍊精。光景流曜，煥映上清。炁不受邪，五腑納靈。罪滅三塗，禍消九冥。惡根斷絕，福慶自生。今日大願，一切告明。普受開度，昇入帝庭。

玉虛澄輝，已蕩除於陰穢；金房度命，再灌沐於靈津。庶永奉於真宗，克常行於清淨。奉爲汝等，上資往生天界，念金房度命呪

天靈節榮，九孔肅清。五宮六府，神華鮮明。三元鎮固，萬炁充盈。金房度命，綠字返生。三鍊九化，昇入太清，二景同輝，天地齊并。飛行玄虛，遊宴紫庭。

蕩黃華之水，速致清虛；歌綠字之篇，能令飛化。俾惡根之永謝，保道炁以長存。奉爲汝等，上資往生天界，念綠字迴年内真呪

天地同清，洗穢除塵。鍊化九道，

返形太真。百關納靈，節節受新。清虛鑒映，內外敷陳。日吉時良，度命迴齡。玉童玉女，爲汝執巾。玄雲紫蓋，冠帶汝身。使汝長生，天地同根。

洗心滌慮，消累劫之冤愆；攝炁成形，脫五陰之舍宅。遂使凡塵不染，真境常明。速解情迷，無縈垢累。奉爲汝等，上資往生天界，念澡鍊超昇呪

天朗氣清，爾身已精。塵穢消除，九孔受靈。使爾變易，還返童形。幽魂超度，皆得飛昇。

激濁揚清，備臻於蠲潔；登真離苦，必假於莊嚴。今則金房度命，玉女致靈。空歌洞室之章，畢齊霓裳之盛。奉爲汝等，上資往生天界，念三元品戒冠帶呪

五濁已清，八景已明。今日受道，罪滅福生。長與五帝，齊真上靈。次化衣

天河灌沐天尊俟化衣畢，方止。存幽魂身相光明，仙衣儼然，衆魂歡悅可愛

汝等沐浴既周，衣冠悉具。畢蠲穢濁，頓獲清虛。然須整飾魂儀，來臨

法會。當使永除業垢，解釋三世之愆；頓生陽輝，昇入九天之路。各宜祇肅，以待昇遷。

次法師回向

即將向來沐浴功德，無量無邊。並用蕩滌，一切衆生。結節根塵，普令清淨。爲如上緣，念大聖元始天尊，太上大道君，太上老君，不可思議功德。

无上黃籙大齋立成儀卷之二十九

无上黄籙大齋立成儀卷之三十

太上執法仙士蔣叔與撰

科儀門

靈寶普度大齋加持斛食儀

法師自浴室引魂入茭郭，舉光明頌，巡繞茭郭一周。次道衆序立斛筵所。

法師祝香

此一炷香，先天立本，後地盤根。景散十華，上徹森羅之境；煙凝九炁，下通冥漠之鄉。普被含靈，徧周法界。以今奉為齋官某人，入齋意普為六道四生、孤魂滯魄，修設清淨無礙夜齋，焚此寶香，供養無極大道三境帝師、至尊經寶、諸天上聖、三界真宰、十鄉威靈。伏願策景凌空，盼祥雲而下鑒；傾光迴駕，泛瑞靄以來臨。見前受度衆靈，凝神滌慮，念道歸真。頓悟宿因，俾塵緣之永斷；薰陶法澤，知覺性之本空。直須目見耳聞，鼻通心解。三塗五苦，

不離清淨之根；六趣九幽，盡屬光明之界。永除染著，俱獲逍遙。稽首皈依，無極大道。

吟普獻頌

普獻無邊聖，香煙散十方。願成七寶臺，垂光五濁世。運度天人衆，咸令上法橋。同會至無為，勤修不退轉。

法師上香存變，依靈寶本章行持，化身為救苦天尊，壇衆為救苦真人。斛筵所為三層寶臺，斛中紅紫光炁上冲天際，監臨將吏、里社神司、四方守衛如法。次存三寶大帝、太極慈尊、十方救苦真人、日月生真三界主宰、金童玉女、靈官功曹將吏，一一分明。然後上啓

具法位臣某焚香，上啓妙無上帝自然元始天尊，無上道寶妙有上帝，虛皇玉宸大道君，無上經寶至真大帝，萬變混沌玄元老君，無上師寶東極太乙救苦天尊，十方尋聲救苦天尊，五老上帝，三十二天帝君，日官太陽帝君，月官太陰皇君，五方五德五星君，北斗七元星君，南斗六司星君，靈寶經籍度師真君，玄中大法師君，三天大聖師君，太極仙公真人，三省五府真宰，虛空監察香官使者，當境土地里域真官，三界

應感一切威靈。臣聞，六道循環，未離輪迴之海；四生飄浪，難超解脫之鄉。河沙十類之魂，長夜九泉之魄。展轉受報，脫化無期。嗜慾重而飢渴生，神智昏而憂惱集。一沉苦趣，永隔陽光。非憑三洞之真詮，莫遂九泉之生路。玄真哀憫，大道垂科。開夜齋普施之門，度苦海流吹之識。慧光照燭，攝化億千。法力加持，徧周法界。臣今奉為齋官某，正普薦亡親某乙，在會衆魂旁及六道四生、孤魂滯魄，開建无上黃籙大齋，用資超度。恭取今宵，普設太上慈悲，無遮無礙、廣大平等、清淨斛食一筵，先用供獻十極十華、三元三界、飛天大聖、應號慈尊，日月星辰、江河海嶽、泉壑土壘一切威靈。共賜鑒歆，同垂證度。三華寶曜，錫三景之明輝；八會靈章，集八天之梵炁。降流壇場之內，灌溉法食之中。俾六道四生、一切孤魂等衆。享食承供，六欲靜而百體豐；聽法聞經，一性圓而萬神集。惡根滅對，業道停輪。咸登自在之天，長處福堂之界。臣無任激切懇禱之至。

當職道士洒淨，祝曰

泠泠甘露饌，法味難思議。騫香流七珍，冥冥何所疑。受此法食施，生天登紫微。悲夫長夜苦，熱惱三途中。猛火入咽喉，長生飢渴念。一洒甘露雨，如熱得清涼。神魂生大羅，潤及於一切。

自然天厨食，法味難思議。普濟六道中，鬼神未濟者。盡霑甘露味，咸皆得飽滿。於此妙會中，遍及於一切。生天登紫微，上昇清都宮。存天門金光道炁，百千萬重，綿綿而降，既注己身及斛食水盂之中，映徹內外。太上三尊、青玄上帝、十方衆聖在空玄中，爲作證盟

請三寶 按人各恭信

法師白云

希夷莫測，獨居象帝之先，恍惚難明，肇自太初之始。剖分一炁，開張萬真。惟大道之尊崇，作衆生之恃帖。以今嚴陳淨供，式闡玄科。冀道寶之垂慈，俾幽靈之受度。仰希昭鑒，俯賜證盟。法衆虔誠，志心奉請。

知職道士舉

志心奉請，十方道寶，降臨壇所。

皈依无上道，至真大慈尊。普願諸衆生，咸證無爲果。

法師白云

琅書玉字，空生自然之先；金簡瓊章，炁結飛玄之始。保制劫運，普植神靈。惟三洞之尊經，作十方之真寶。以今嚴陳淨供，式闡玄科。冀經寶之垂慈，俾幽靈之受度。仰希昭鑒，俯賜證盟。法衆虔誠，志心奉請。

知職道士舉

志心奉請，十方經寶，降臨壇所。

皈依玄元始，三十六部經。普願諸衆生，得入三乘道。

法師白云

分身下化，爲生死之津梁；立法度人，作真仙之梯磴。汲引四輩，開導三乘。惟億劫之真師，實人天之慈父。以今嚴陳淨供，式闡玄科。冀師寶之垂慈，俾幽靈之受度。仰希昭鑒，俯賜證盟。法衆虔誠，志心奉請。

知職道士舉

志心奉請，十方師寶，降臨壇所。

皈依玄中主，大慈無上師。普願

諸衆生，常聞師寶訓。

願汝皈依無上道，願汝皈依無上經，願汝皈依無上師。和不可思議功德。

法師啓白

至心奏啓，東極宮中大慈仁者，尋聲赴感太一救苦天尊。臣聞，委炁聚功，太上著度生之典；尋聲赴感，慈尊標救苦之名。威神遍滿於十方，誓願普拔於一切。俾承道力，得離迷塗。臣今伏爲齋官某，正 普薦亡親某乙 在會衆魂開建无上黃籙大齋。恭取今宵，普設六道四生、孤魂滯魄、無遮無礙、廣大平等、清淨斛食夜齋一筵。伏望大慈，特回真馭。錫之景曜，燭以威光。敷慶雲以開生，施祥煙而塞死。還將上天之氣，濟此九幽之魂。寶號稱揚，三塗聞知而離苦；靈章誦詠，六道受度以超凌。仰賴至仁，俯垂洞鑒。再憑清衆，請爲讚揚。

太一救苦天尊四聲

誦救苦經一遍

存五色光明，現於東方。圓像

如月暈之狀，徧照天上地下，十方世界，無不洞明。中有青玄上帝，頂俯仰碧玉冠，衣飛青翠羽離羅帔，左手擎碧霞琉璃寶鍾，右手執空青羽枝，坐九色九頭獅子、金翠蓮花之座。獅子口中，各吐火燄圍繞。身光天尊於光燄中，別有九色圓像如虹蜺。項有圓像如日。從太一

八十一神、左右二真人、天丁力士、青玄功曹、黃籙童子玉女。神王頂出白毫慧光，鋒芒外射，如千萬鋒劍之像。一一分明，流注斛食。

志心奉啓三十二天帝君。臣聞，元始開圖，真陽布化。雖資生於妙有，實總炁於上元。色界以還，均爲輪轉。福緣報盡，則或代終。惟八會之真文，隱諸天之大梵。功超萬品，澤普九幽。臣今伏爲齋官某，正普薦亡親某乙在會衆魂開建无上黃籙大齋。恭取今宵，普設六道四生、孤魂滯魄、無遮無礙、廣大平等、清淨斛食夜齋一筵。仰祈霄馭，

下鑒塵寰。昭錫天光，降流法食。大千世界，資梵炁以攝化無窮；億劫沉魂，仗真乘而受用充足。庶俾元精之化育，益增弘覆之高明。清衆運誠，同聲讚詠。

諷隱語一遍，結三塗五嶽印。想道衆皆爲真人，同諸天帝君，齊聲諷誦。每一方畢，存本方炁，東九、南三、西七、北五條如數，從各方來灌注斛食吸吹水盂中。再依前誦隱語一遍，存黃炁十二，自五方來日月五星之光，上引三十二天之炁，交映羅絡，灌注斛食。再誦隱語三徧，存四方紅光，罩壇良久，混成五色虹蜺，下注兆身口五藏之間，復混爲一大圓象，廣大覆蓋，徧滿虛空，兆身如在日宮。其斛食自一生二，二生三，三生九，九九八十一，攝化無窮，徧滿十方，自地至天，廣大無量。次沉變食符水盂中，誦甘露通真呪三徧。師擎水盂，以柏枝

旋繞，徧洒斛食。存青玄上帝、同兆真人、及官君等，皆誦甘露真言，洒其甘露，香炁馥郁，徧滿充足。

功德金色光，微微開幽關。華池流真香，蓮蓋隨雲浮。千靈重元和，常居十二樓。急宣靈寶旨，自在天堂遊。

次誦破酆都地獄開業道呪三徧。道衆旋繞，法師居位凝神，存東北方酆都九幽諸大地獄等一切罪魂，受苦萬狀。次存泥丸中，玉清上帝御於寶座。依法行持同兆真人等及靈官將吏，皆誦破酆都地獄開業道呪。良久，上帝口吐九色慶雲紫炁，金光直指地獄，照破重陰鐵城，摧毀枷鎖，解脫刀劍，變爲青蓮。鑊湯化爲春圃，重冥九地，盡爲淨境。所有罪魂，並皆出離。前詣壇下，伺候開度。

茫茫酆都中，重重金剛山。靈寶無量光，洞照炎池煩。七祖諸幽魂，身隨香雲輿。定慧青蓮花，上生神永安。

上來加持法食，無量勝因。用薦幽魂，昇遷福境。汝昔大患，爲有此身。身有飢虛，以食爲念。身今安在，何以食爲。寒暑爲苦，以衣爲念。身非汝有，何以衣爲。以食以衣，財寶爲念。飢虛寒暑，了不相關。若財若寶，亦將焉用。六塵幻妄，種種歸空。見前衆靈，色身已滅。猶有愛樂念未斷耳。汝能解空見性，絕妄歸真。不著有無，自然超脫。如或塵根不斷，業想未除。見以飢渴爲苦者，即饗我無礙甘露法食。

十方救苦天尊

靈寶普度大齋施斛宣演法語儀

法師上香，就坐望鬼門鋪設

普告十方無極世界、一切天人等衆，一切飛空大力鬼神等衆，一切地獄苦魂等衆，一切畜生業累等衆，一切無主孤滯等衆。蓋聞善惡二緣，報殊苦樂。死生異道，隔以幽明。汝等纔捨蔭身，即淪鬼趣。但知飢渴之逼，執捄枯槁之餘。況有受罪之苦魂，根塵障礙；一萌中心之食念，業火熾然。今

者法會載陳，旛花迎召。化茲妙淨之供，濟汝苦餒之形。汝等聞命饗臻，應時麴至。懽言盛饌，慰若平生。老幼攜手而扶將，少長差肩而先後。無譁就列，既飽爲期。上承道法之慈悲，普同供養；下體齋修之願力，無有遐遺。當興難遇之懷，勿生有限之想。歸依真道，度脫此身。捧腹相懽，如有屬饜之量；省心知愧，似聞歎息之音。今爲汝等一切鬼神，設無量齋，加持法事。

當職道士吟玉清慧命啓請法言曰

師上帝訣

稽首明慧虛無尊，稽首皈命重元主。裁成天地無德稱，悉爲衆生作恃怙。慈濟五道轉輪魂，哀救三塗地獄苦。皈命金闕天中尊，皈命六度慈悲父。皈命玉清無上真，以離生死長綿綿。出有入虛無所待，能令枯朽變成仙。千劫萬劫難一遇，爲衆廣說業因緣。迴骸起死永長存，使其形神無邊遷。
出玉清經

次施食

雲厨妙膳，餌之者策景凌虛；紫府靈文，聽之者成真得道。今汝等鍊形濯質，攝炁成人。既詣法筵，各須霑足。奉爲汝等，上資往生仙界，念玉清甘露加持法食呪：

稽首仰圓羅，合景挹靈芒。拘魂制七魄，思審定中央。行住禮虛無，寢息宴玄房。飢餐黃碧花，渴飲瓊根漿。神旌命大魔，合體鍊真光。復照觀太無，常在空中遊。圓通泯波濟，真化靡中期。宵眇無終始，行者當明知。寂寥忘理教，應運闡弘規。降道不自照，要當先所施。會歸無二處，隨心自合離。
出玉清經

金聲垂教，玉冊流科。垂濟死之津梁，作昇仙之梯磴。須憑慧力，出離迷途。俾性智以圓通，得身心之清淨。奉爲汝等，上資往生仙界，念三光法炁呪：

浩晶生法炁，氤氳凝天中。兩曜共澄徹，五緯相交通。三光煥已明，寶氣盈三宮。帝鄉會九老，咽服百體豐。

金華照光景，身與日月同。念道上聖前，萬劫壽無窮。

三光煥耀，會九老於帝鄉；五緯交羅，棲萬神於真宅。嚙嗽玉醴，咀嚼靈芽。九竅既已開通，百關當遂調理。奉爲汝等，上資往生仙界，念三光流精呪：

妙道分一炁，炁中分陰陽。凝化日月星，燦然流三光。九華含九道，八色怡八方。煥爛洞真體，流精歸太茫。下生淵泉宮，上列無何鄉。縱體復飛跡，忽然都相忘。七寶流精潔，混沌雜華芒。咽服九雲散，此樂殊未央。

法航接引，度五苦之沉淪；慧露清涼，蠲三塗之熱惱。消除罪垢，須仗真詮。奉爲汝等，上資往生仙界，念三光澤嬰呪：

玄絕九炁中，澤嬰生太無。鬱儀煥暘谷，結璘曜天衢。五星流寶光，斗極回乾樞。飛炁鬱勃散，咽御方踟躕。超跡天寶階，鍊芝服華敷。炁布萬神會，舉形升太虛。

元始開圖，真文現世。慈尊接引，

勝範宣流。以能廣潤衆生，故名甘露；以能破除業障，故曰法言。汝等久墮苦輪，不聞正道。由妄緣之假合，致本性之昏蒙。欲超證於真常，當返生於魂魄。奉爲汝等，上資往生仙界，念玉清陰生梵唱呪

靈芝無根，衆化之原。中凝七魄，上結三魂。二十四真，出入無門。杳冥之中，恍惚無精。隨劫存亡，逐炁而生。外凝渾樸，內養七經。五神植華，三台敷榮。紫闕素童，返形歸嬰。騰雲而升，逞霧浮空。中有玉真，號曰神公。左挾無英，右衛白元。玄獸遏後，丹禽擁前。上浮翠蓋，下湧金蓮。香雲凝空，甘露無窮。用之無盡，尋源不終。

上來宣演，靈音法契，玉匱玄章。聲聞十極，恩周三界。道炁隨呪下降，恩光符合周流。溉入法食，普令清淨。得享之者，障業永消，五藏華敷，百關調理，壽命無盡，形同太虛，功德深重，不可思議。各各當發大慈悲心，普同一切，悉皆霑足。身心清涼，無復熱

惱。身心飽滿，無復飢虛。身心安泰，無復憂苦。身心解脫，無復輪迴苦樂福報者。轉此以食，普獻諸天，乃至普施一切孤窮，使無障礙。如是則爲不負我十方天尊，廣度沉淪，普拔幽暗之意。當願施者受者，俱沐道恩，同臻福果。今我天尊，有破地獄離苦升天神呪，爲汝衆等，一心諷誦。

功德不思議，行者生福報。施與法飲食，永生安樂處。

上來施食已畢，更當普爲汝等，說真實法，依憑修習，用作津梁。在昔空無，始生三炁。三炁凝結，而爲三天。三化爲九，九復生三，三十六天，由茲分列。下極九壘土水，及風二十七重，更相持擎，亦三十六上應於天。復有元氣之根，包承無極兩儀。既立人處其中，因與天地，分氣而理。氣有聚散，物有生死。從生入死，萬物常然。不死長生，是爲真道。道分三洞，教闡三乘。廣說因緣，開悟群有。天人神鬼，皆可修習。隨其願行，各證果位。積功爲漸，累德爲基。功滿德充，身超

三界。三界天人，壽考優劣，一一不同。修行精粗，一一有異。自微至著，漸契道真。從凡入仙，歷真成聖。超此界者，方入三清，始登極果，是爲長生不滅之道也。一切衆生，迷於道真，久習顛倒，心想雜亂，隨逐諸塵，捨一取一，無暫休止。惑於所有，昧於所無。業累因緣，以此而發。招引罪垢，歷世彌積。輪迴三界，漂浪忘返。流轉五道，長淪弗悟。嬰抱痛毒，不能自知。大道流形，品彙雜揉，氣不可極，數難可窮，死而復生，幽而復明。天地運輪，如車之輪。純一道炁，本無生滅。設爲天人，壽億千萬，不明道本，爲欲所拘，期盡有終，復當退墮四生五道、六趣三塗，展轉輪迴，無有息處。若復汝等，於諸法中，生有見心，捨於穢土。求三清樂，捨衆生身。求真道相，欲斷煩惱，而入無爲，求離諸見，乃得寂滅。如是等相，我說汝等，名大邪見。譬如愚人，畏於大地，而欲走避。所至之處，不離大地。衆生亦耳，畏生死身。疾捨三界，有心厭離。所得之

身，不離生死。如是衆生，未能見法。一切衆生，無明重暗。真道在身，莫能睹見。又如愚人，東西馳走，求覓空色。而不能知，即色是空。一切世間，亦復如是。心生馳走，欲求道真，不知身心，即是真道。我今宣示，汝等令知。將來三清，不離煩惱。今知大道，不在他方。但觀身心，修習正道，自然解脫。真道相者，名爲不作。無起無滅，非有非無，非常非斷，非大非小，非色非心。若能體此，名爲修習，真道正行。如上所說，並是三洞真實法語，可爲一切天人鬼衆修正之階。今依玄科，普設淨供。敷弘至妙，開化沉淪。伏願汝等，於此會中。起皈依心，行清淨行。絕輪迴道，超解脫門。廣積善功，進登道果。復慮汝等，不除三業，尚蔽六情。未契法言，難超淨境。恩惟太上，開濟無邊。垂鍊度之洪儀，說九真之妙戒。防非護性，攝氣歸真。升魂九天，超神三界。當依科式，次第宣傳，少憩靈壇，以需開度。

次起立，回向

向來設斛功德，無量勝因。資薦衆靈，成無上道。爲上因緣，念大聖元始天尊、太上大道君、太上老君，不可思議功德。

次請降真水真火鍊度如儀。

无上黄籙大齋立成儀卷之三十

无上黄籙大齋立成儀卷之 三十一

太上執法仙士蔣叔輿修

科儀門

上清南宮鍊度幽魂儀

先以方器安壇之西北，立牌書云南宮太陰水鍊池。又以圓器安壇之東南，立牌書云南宮太陽火鍊池。預備黃華神水一器及柳木炭火，放壇下。至鍊度時，法師叩齒、存神、默朝，乞降太上真水真火，下降于鍊度之所。三拜，三捻香，啓奏

具法位臣某謹上啓祖師北極紫微大帝君，祖師南極長生大帝君。臣下愚尸穢，冒叅法階，佩受靈文，遵承正教。濟生度死，以應誓言。輒露丹衷，上干天聽。臣伏爲齋主某人，正 普薦亡親某乙在會衆魂開建无上黄籙大齋，普設六道四生、孤魂滯魄、太上慈悲、廣大平等、無遮無礙、清淨斛食一筵。乞按真科，宣行鍊度，願承恩霈，離苦超昇。欲望天慈，特頒睿旨，告下南宮水火二司五

嶽總領真君，乞降陰陽靈根、真水真火，即日今辰，降下壇場，鍊度衆靈。使其魂神澄正，萬炁俱存。身相具足，復有光明。度品南宮，超昇天府。仰賴天威，睿澤洞鑒。臣俯伏以竢，天恩昭報。臣無任瞻天，望聖激切待罪之至。

次吟法事

師存元始上帝，在泥丸宮中，已爲九華真人、諸司仙曹將吏，嚴粧顯服，赫奕下降。師行火池法，步南斗火鈴罡，至火池，衆誦隱語。師至火池羅周十二位，用開放流通法，念淨天地呪一遍，嚙水一口，吹池中。依法行持，念建火池呪。

太上有敕，赦罪度生。六趣三塗，皆睹光明。建立火池，次第而昇。各隨果報，悉獲超生。急急如上帝敕。存朱陵烈火流金，自火池東南角流入，炎炎金碧焰發。取午炁三口，吹池中

執真火合同符師掐降真火訣，寅勒至午，默呪曰

炎神炎神，朱雀飛騰。神火一下，上按丙丁。烈火神女，手把帝鍾。三昧真火，速降朱陵。吾奉南極長生大帝律令敕。取午炁吹符，焚池中

密呪曰

南閻洞浮，流火之庭。玉眸誥誥，流火之膏。刀利禪猷，婆泥靈童。流火之質，玉眸真容。升入福堂，洞陽之宮。再面東，取當日太陽炁吹之

次指揮掌火池使者、鍊度官童將吏、日中陽精，速降池中伺候，引幽魂等入火池，依法治鍊身形。疾疾。

師存流火神庭，方廣無邊。上有朱陵府，樓閣森然。庭中火金碧色，焰末皆有金鈴，騰騰而上。

師行水池法

步北斗玄樞罡，至水池，衆詠隱語。師至水池羅周十二位，用開放留通法，默念淨天地呪一遍，嚙水一口，吹池中，依法行持畢，念建水池呪。

太上有敕，赦罪度生。六趣三塗，皆睹光明。建立水池，次第而昇。各隨果報，悉獲超生。急急如上帝敕。存天河東井之水，自水池西北角流入，湛然澄清。取西北炁一口，吹池中

執真水合同符，師摺降真水訣，申勒至子

默呪曰

太陰太陰，玄武之精。神水一下，上接癸壬。天真玉液，上清華房。元始老君，好生韓君。靈根真水，速降樞府。吾奉北樞紫微大帝律令勅。取北炁吹符，沉於水池中

密呪曰

靈池無鏡，神龍之淵。運東井華，以滌幽魂。攬姿運容，太和之津。玄和玉女，灌之于神。魂神澄正，道炁長存。再面西，取當日太陰真炁吹之

次指揮掌水池使者、蕩形官童將吏、月中黃華靈根，速降池中伺候，引幽魂等入水池，依法濯質蕩形。疾疾。師存天河東井，方廣無邊。其水清淨光明，上有天府，樓閣森然。

次法師至鍊度所

法師詣座上香，存變如儀

返生靈香，飛烟結篆。諸天諸地，氤氳普徧。委氣聚功，幽魂受鍊。一切含生，俱登道岸。

具法位臣某焚香，上啓三清三境、十極十華、太乙救苦天尊，長生大帝，三省五府真宰，朱陵火府、南昌上宮、靈寶鍊度合會聖真仙衆，三界內外，應感威靈。恭望瓊輪羽蓋，暫出於層霄；法雨慈雲，下覃於幽壤。俾臣得行開度，普濟沉淪。仰冀恩光，俯垂證鑒。臣無任虔禱之至。

敷座存天門祥烟，瑞炁雲彩，霞光炫耀。心目見三寶慈尊、青玄上帝、諸天大聖、一切仙靈，赫奕下臨

宣引魂呪

今日吉慶，大道吉辰。諸天降鑒，萬真齊臨。三界共會，八景合并。地司執職，普度幽明。部衛主者，拘魂壇庭。引導亡爽，受鍊身形。各整威儀，疾速來臨。齊登妙果，上詣朱陵。師存，所度幽魂億萬，俱在壇下。

次召神

謹召靈寶大法、赫奕仙曹，靈官功曹，金童玉女，鍊度仙吏，執職萬神，丹天左右侍衛大將軍，掌水池火池使者，火鈴靈童，九光童子，黃華玉女，東井玉女，度魂主吏，聚魂功曹，攝魄將軍，鍊度使者，混元十二炁化生大將軍，飛元聚靈召神使者，六丁六甲大將軍，金童玉女，受鍊司直日神將功曹，黃籙院功曹火府神兵，泰山五道社令，城隍土地等神，來詣壇所。今奉道旨，鍊度死魂。爾等威神，疾速恭依元教，攝召十方盡玄虛界、六道四生、有主無主、一切孤滯幽囚苦魂之衆，並赴靈壇，祇受鍊度。各爲分司聚炁，和合形神。鍊質凝真，登仙悟道。一如流火律令。存前件官吏，威儀整肅，羅列左右。受度衆魂，俱在壇下

三界通化天尊

次火鍊

執真火合同符，宣降真火呪掐午文天中之靈，日月居通。甲乙炁令，五行旺剋。八景玉音，守形直符。招

靈致真，攝魂符使。聞吾呼召，速降通靈。承符奉命，輒莫容情。急急如長生大帝敕。取午炁吹符，焚火池中

密呪曰

南閻洞浮，流火之庭。玉眸誵誵，流火之膏。刀利禪猷，婆泥靈童。流火之質，玉眸真容。升入福堂，洞陽之宮。取當日太陽炁，吹之

謹請鍊度真人，九光童子，火鈴靈童，鍊度司仙衆，引幽魂，赴火池受鍊。師存變，並如初

火鍊丹界天尊

執火府隱文，宣火鍊大呪風火訣

南方之君，赤帝之精。熒惑使者，丙丁將軍。朱雀炎神，赫赫陽精。五行造化，萬物發生。天帝有敕，使者須聽。攝召陰魂，鍊度真形。急急如長生大帝敕。離炁吹符焚火池中

執火鍊符，祝曰

謹請主火大將軍趙仲明，掌火池使者，速降真火，鍊度幽魂。疾疾。取南方火炁三口，運自己火炁三道，相交吹入符，焚火池中

玉眸鍊質天尊

執十二炁化生符，祝曰

謹召長生大帝君，運陽化陰大將軍楊元光，混景大將軍丁忠，合元大將軍丁遷善，會靈大將軍陳志元，陰陽大將軍王先之，變靈大將軍張同，運化大將軍李淵，陽光大將軍申孚，運度大將軍周自然，成陰變陽大將軍章脩，三景混成大將軍王卓立，陰陽合靈大將軍鄭明等，從官將吏，飛行變化。奉為幽魂，攝降腎水少陰之炁，心火少陰之炁，肝水厥陰之炁，肺金太陰之炁，脾土太陰之炁，膀胱太陽之炁，小腸太陽之炁，膽腑少陽之炁，大腸陽明之炁，胃腑陽明之炁，三焦少陽之炁，心胞絡厥陰之炁。依科鍊度，委氣聚形。

取祖炁，宣符文畢，焚化池中。再取炁，吹所度幽魂，祝曰

靈寶符命，鍊度幽魂。五臟六腑，胞絡根元。華精徧布，縣澍丹田。玉音攝炁，靈風聚烟。三景洞徹，萬神齊仙。九光煥耀，生化自然。千和萬合，上登三天。急急如長生大帝敕。

太清靈變天尊

執五帝玉司真炁符，祝曰

準上帝敕謹召，青帝直符區更生，赤帝直符祝昌中，黃帝直符玉真，白帝直符辱曲正，黑帝直符尹豐。奉為幽魂，請降安寶華林青芽之炁，梵寶昌陽朱丹之炁，玉寶虛玄黃庭之炁，七寶金門明石之炁，朔單鬱絕玄滋之炁，依科鍊度，鍊質變仙。誦五帝祕諱，取五方炁，吹符，焚火池中。叩齒五通

祝曰

黃中理炁，元生自尊。脾胃幽通，保胎長生。白元公子，桃康保神。養育朱丹，長生神仙。得與大帝，飛昇九天。急急如長生大帝敕。取五方炁，吹所度幽魂

朱陵度命天尊

執火鍊變仙符，誦丹天火鍊大呪，炎精二神，三台流光。鍊胎易質，魄鍊魂更。穢炁殂落，乘烟飛颺。陰炁消釋，陽炁混康。精神益壯，洞入火鄉。混合九炁，總契虛皇。昊天有敕，流金霏芒。九玄煥落，貞利無疆。急急如長生大帝敕。

火鍊成真天尊

執元君鍊身符，呪曰

炁化成人，尸變入玄。三化五鍊，昇入九天。九天之劫，更度魂神。受化更生，得爲真人。急急如長生大帝敕。取五方炁，吹符，焚火池中

度人無量天尊

執合形變形成形大將軍符，祝曰都

召訣

謹召長生大帝君，化靈合形大將軍凌飛，運靈變形大將軍蔣真，度靈成形大將軍田師文，從官符吏，飛行變化。助吾真靈，攝降生炁。爲幽魂等，全形育質。祖炁吹符，焚火池中

再呪曰

磨真，襪臘，紅杏，墨黑，靈寶，急

急如長生大帝敕。取五方炁，吹所度幽魂

興生，獨隸，可韓，功都，聚魂，急

急如長生大帝敕。取辰卯寅三方炁，吹所度幽魂。次念大梵隱語，取四方炁，吹所度幽魂。存幽

魂出火池中，貌如嬰兒，身有陽光，洞徹目前。

弘濟無邊天尊

次水鍊

執真水合同符，宣降真水呪

太玄之一，八景同靈。五老祕諱，

日月運明。璇璣運轉，十干五行。八史通靈，招神致真。聞吾呼召，速降威靈。承符奉命，輒莫容情。急急如長生大帝敕。取坎炁吹符，焚水池中

再密呪

靈池無鏡，神龍之淵。運東井華，

以滌幽魂。攬姿運容，太和之津。玄和玉女，灌之千神。魂神澄正，道炁長存。取當日太陰真炁，吹之

謹召鍊度真人，黃華玉女，東井玉

女，鍊度司仙衆。引幽魂，赴水池中受鍊。師存變如初

清淨度魂天尊

執洞明丹陽鍊度符，宣丹陽鍊度

呪

龍漢蕩蕩，無形無名。渺涉億劫，

黃道開明。神清朗耀，九魂吐精。玉虛澄輝，太霞高明。元始開化，諸天齊臨。三元道養，二象攝生。已度者度，未成者成。已死即化，已枯即榮。蠢動蜎飛，一切冥靈。懷胎含孕，咸得受形。幽魂過命，魂歸三清。魄更鍊度，

南宮變形。今日大吉，皆得光明。五

帝鑒映，普告萬靈。天地神祇，及諸河源。五嶽四瀆，并諸名山。洞玄洞虛，洞空洞仙。無極大聖，至真尊神。無極無窮，普監度仙。地根斷絕，玄都記名。衆神並映，一切咸聽。急急如長生大帝敕。坎炁吹符，沉水池中

執水鍊符，祝曰

謹召主水大將軍王魑，掌水池使者，速降真水，鍊度幽魂。取北方水炁五口，運自己腎炁五道，相交，吹入水池中

黃華蕩形天尊

執飛元聚靈召神符、九陽真符，祝

曰

謹召長生大帝君，飛元聚靈召神飛仙使者楊欣之，飛精使者王容，飛雲使者張起，飛魂使者富公弼，飛魄使者丁逢，飛光使者陳普，直仙使者時申，直真使者黃簡，直靈使者路顯等，從官符吏，飛行變化。奉爲幽魂，攝降高上玉清天混溟瑤瑤之炁，泛華紫微之炁，玉婁鳳車之炁，中女辟邪之炁，太皇微延之炁，化真白灑之炁，絳實子光之

炁，天真命仙之炁，太皇寂玄之炁。依科鍊度，鍊神返生。取祖炁吹符，宣符文畢，焚水池中。再取祖炁，吹所度幽魂，呪曰

三天育胎，九炁結神。上化玄丹，

下轉變仙。二象交并，以成爾身。六皖瓊秀，九府納真。十二結節，各各絕根。盪除穢氣，五靈敷陳。玄女吐精，鍊化光鮮。金仙翼靈，玉華結篇。記名青宮，長保帝晨。急急如長生大帝救。

好生度命天尊

執靈寶九鍊符，祝曰

準上帝敕，謹召疾除罪簿司、斷地逮役司、度上南宮司、飛度五戶司、受鍊更生司、仙化成人司、過度三界司、飛昇太空司、普度無窮司靈官仙吏。奉爲幽魂，請降胞命元第一天元一黃演之炁，胎命元第二天洞冥紫戶之炁，魂命元第三天長靈明仙之炁，魄命元第四天碣尸冥演由之炁，臟腑命元第五天五仙中靈之炁，靈府命元第六天高真冲融之炁，元府命元第七天高仙洞笈之炁，華府命元第八天真靈化凝

之炁，嶽府命元第九天自然玄照之炁。依科鍊度，度命登真。默誦上帝秘諱，取祖炁吹符，焚水池中。叩齒九通

祝曰

鬱單凝靈，禪善保神。梵監凝炁，驕樂會真。寂然安藏，梵寶生津。化應流景，高虛曜神。無結無愛，列名帝篇。陰陽會神，三萬六千。二炁交映，內保三田。克登聖品，與劫同年。流雲玉輶，來侍帝軒。策龍駕景，高昇九天。急急如長生大帝救。取祖炁吹符，宣九鍊符文，焚水池中。再取炁，吹所度幽魂

九天稱慶天尊

執石景水母玉精符，呪曰

東井黃華，石景玉精。飛玄水母，金醴玉津。滔滔源源，不竭池亭。九龍灌鍊，三光垂精。仙人吐潤，鍊度魂靈。內外朗徹，表裏洞精。百關九竅，元炁滋榮。五臟六腑，萬神自生。胎胞結節，隨水開肩。死炁斷絕，惡絕沉淪。我今鍊化，死骸生魂。返故改貌，玉體金容。變化鍊穢，飛昇紫庭。急急如長生大帝救。坎炁吹符，沉水池中

高真妙果天尊

執神府鍊身符，呪曰

已枯復榮，已滅復生。得生上天，更稟太靈。九天之劫，反復胎嬰。穢累蕩滅，白屍返生。急急如長生大帝救。取五方炁，吹符，焚水池中

金闕化身天尊

執金液鍊形符，呪曰

金液鍊形，與道合真。開明三景，是爲天根。無幽無極，無始無窮。元皇九醜，靈魔降宮。紫雲飛天，身騰六龍。水上火下，流入三宮。神居陽明，大道自通。急急如長生大帝救。取玄炁，吹符，焚水池內

轉輪聖王天尊

執分形鍊形大將軍符，祝曰

謹召長生大帝君，丹靈分形大將軍孫庚，上靈鍊形大將軍富盛，紫靈養形大將軍張告真，從官將吏，飛行變化。助吾真靈，攝降生炁。爲幽魂等，受化更生。祖炁吹符，焚水池中。

再呪曰

墨黑，襪臘，靈寶，紅杏，磨真，急

急如長生大帝敕。取五方炁，吹所度幽魂

興生，獨隸，可韓，功都，聚魂，急

急如長生大帝敕。取寅卯辰三方炁，吹所度幽魂

隨願往生天尊

焚靈寶登真度命出離生死符，呪

曰

玉清赤書，上通紫庭。天慈赦宥，

三界冥靈。十方世界，九幽罪魂。億

曾萬祖，苦爽遊精。削除罪簿，落滅惡

根。速赴生方，炁識閑寧。上登天堂，

澄質鍊神。超離五苦，真心洞明。蕩

除陰翳，入道升真。急急如長生大帝

敕。焚符，取祖炁，吹水池中。存幽魂身有玉光，瑩

然明淨，形容端嚴，仙衣可愛

寶華圓滿天尊

師默誦度魂呪

興生，獨隸，可韓，功都，保魂應魂

攝。

焚召丁甲金童玉女大將軍符

向來鍊度功德已周，謹召六丁六

甲大將軍，金童玉女，速押所鍊幽魂，

各整形儀，恭詣上帝御前，祇謝天恩，

受戒傳符，登真度品。法衆虔誠，請行
迎導。

法衆諷隱語，引魂朝謁

次下座

靈寶普度大齋傳符授戒儀

法師上香，祝曰

謹召十方無極世界，見前受度，一

切衆靈。汝等爰從浩劫，結植苦根。

受此輪迴，無有休息。瑤壇歲事，寶範

宣流。檄召幽明，集微塵之六趣；神

馳冲漠，祈真馭於九清。仰仗道慈，普

超逝爽。淨供息常然之飢火，法水滌

罪垢之形軀。陶鑄真精，鍊除陰翳，凡

此曲垂方便之教，盡皆親屈太上之尊。

汝等身至道場，各宜恭肅。祇受符戒，

今茲皈依。疇昔過愆，既已從於開

宥；今茲善果，當益謹於修持。常堅

信奉之心，以報生成之德。一切鬼神

等衆，投誠皈命，仰謝天恩，稽首再拜。

舉靈書，引衆魂，至說戒所

道衆序立唱，人各恭敬

師詣座上手爐香，請祝

今日道場清淨，大衆同各運心。

奉爲見前六道衆生、孤魂滯魄，一切衆
靈。稽首奉請太虛三元、七真空境、無
極妙道、九氣洞靈、元始無量化身天
尊，十方大聖諸君丈人，三十六天帝，
靈寶五師君，天地靈仙，日月星宿，四
司五帝，三界威靈。伏願垂慈受請，應
感分輝。以今降臨道場，證明受戒。
仰祈慧澤，大霑天恩。普及含靈，俱登
道果。

十方靈寶天尊

法師敷座

我今仰承道力，爲汝衆等，作大戒

師。念汝等衆，無量劫來，不信大道，

不悟真乘。或因三業生罪，或因六根

起過，或自內心邪僻，或自外境染著，

或從三毒生一百八煩惱業，或從六情

生八萬四千塵勞苦。歷劫迴旋，不自

覺悟。長淪苦趣，解脫無期。元始天

尊，大聖大慈，普念一切，分身散景。

下入九幽，度身威光，問諸罪惱，告四

衆曰：汝等諦聽在心，吾今爲汝，顯說

九真妙戒、金錄白簡。受持功德，拔難

濟苦，神力難思。衆靈稽首，伏受教

命。今依玄科，對聖傳授。應當一心，諦受勿忘。

慈悲說戒天尊

- 一者敬讓，孝養父母。
- 二者克勤，忠於君主。
- 三者不殺，慈救衆生。
- 四者不淫，正身處物。
- 五者不盜，推義損己。
- 六者不嗔，兇怒凌人。
- 七者不詐，諂賊害善。
- 八者不驕，傲忽正真。
- 九者不二，奉戒專一。

元始天尊，說是戒已。以慈慧力，普施存亡，神開悟解，各生善念。衆苦消釋，身心泰然。皆發道意，住不退轉。以今傳戒，給籙度符。惟願三寶師尊，同垂證度。察命童子，護戒威神，五帝直符，六宮掾吏，隨逐覆護，開化升遷。列字玉清，標名金格。徑圓成於道果，永超脫於苦輪。寶籙靈符，謹當宣告。

告長生符

告救苦符 法師存上帝，救金童玉女，捧籙

簡，乘金光，自天門降。師執簡，於香上度過

祝曰

元始上聖，玉帝高靈。玉文告命，濟死度生。金籙妙戒，拯護幽冥。白簡寶符，九真仙經。解消罪咎，冤債和平。救苦真人，削除罪刑。察命童子，注上生名。護戒威神，引詣福庭。超離五苦，乘駕雲駢。轉輪得道，飛升上清。

告生天寶籙 法師執籙，香上度過

祝曰

元始符命，時刻升遷。北都寒池，部衛形魂。制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三塗，五苦八難。超凌三界，逍遙上清。

祝符籙

當願六道四生、孤魂滯魄等衆，受持之後，書名紫策，度命朱陵。消大罪於九幽，拔出地戶；遂超陵於三界，無拘天門。然須再召天仙，特加防送，各宜珍重。

召防送將吏

謹召諸司法院天神將吏，受事功曹，六丁六甲大將軍，金童玉女，五雷神將當職，奉行科教，普度沉魂。聽法聞經，傳符受戒。今者法事粗悉，管送有期。特假威稜，嚴加護度。俾無留滯，得遂超凌。具載帖文，當如所告。

宣帖命

虛皇下化，軫念有緣。靈寶垂科，度人無量。遂俾幽途之逝爽，咸沐大道之恩光。金簡書名，朱宮度品。雲衢緲邈，羽袂飄揚。永斷輪迴，好辭壇去。

隨願往生天尊

次起身，回向

向來奉為黃籙大齋主某，正 普薦亡

親某乙 在會衆魂普度六道四生、孤魂滯魄，種種功德，並已周圓。當願元恩，允回真睭。俾咸臻於道果，終不墮於塵迷。平步法橋，速登道岸。三塗罷對，九夜停酸。法界衆生，安時處順。普天率土，悟道修真。終願臣身，永依道蔭。為如上善，念玉清元始天尊，上清靈寶天尊，太清道德天尊，太乙救苦

天尊，九幽拔罪天尊，朱陵度命天尊，火鍊丹界天尊，金闕化身天尊，轉輪聖王天尊，隨願往生天尊，逍遙快樂天尊，寶華圓滿天尊。無量不可思議功德。

次往門外，化帖牒符籙

舉焚簡頌法師行超度法

魂神澄正，萬炁長存。不經苦惱，身有光明。功滿德就，逍遙上清。急急如長生大帝救。

默念化生呪

興生獨隸，可韓聚魂。功都聚魂，急急如上帝救。

默念化牒呪

火鈴炎熾，上下八方。萬神侍衛，永斷不祥。急急如丹天火鈴律令。存火鈴滿地，烜赫如日，亘徹天地。受度靈魂並乘金光而去。

寶華圓滿天尊

上來開度功德，悉已周圓。再憑淨衆，爲上因緣，念大聖元始天尊，太上大道君，太上老君，不可思議功德。

靈寶放生儀

道士自放生，或別爲人放生，轉換用文。預於放生之所，鋪陳几案。師同道衆詣案所，先捻香，叩齒三通。

發鑪

無上三天玄元始三炁太上老君，召出臣身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。關啓此間，土地里域、真官正神。臣今奉爲某人，開建無上黃籙大齋，資薦某靈，已行滿散。正爾燒香放生，願得太上十方正真之炁，入臣身中，所啓速達徑御太上無極大道至真玉帝御前。

啓白

具法位臣某上啓太上無極大道十方至真，已得道大聖衆，扶桑大帝暘谷神王，洞源洞淵溟泠大神，三河四海、九江水帝，十二淮濟、河伯河侯，河中二千石清河夫人，水府神仙衆真靈官，及此間湖地里域、一切神祇。臣以有幸，宿世因緣。九天之劫，流延今身。

遭遇經教，崇奉三寶。任居大乘，自省穢陋，誠非所勝。然受命之日，約當修弘妙法。讚揚仁風。使太陽靈暉，洞映於九冥；元始慈澤，咸被於一切。造化育物，萬品繁興。人物殊形，同稟元炁。生生之類，莫不希全。而世俗道消，逆惡滋彰。人民貪濁，噉食衆生。禽獸魚鼈，資以爲糧。水陸羅捕，不可勝計。今齋主某義形報薦，建立大齋。輒捐己財，請贖物命。將養撫卹，普行完全。放之清泉，冀資冥福。如道士自放生，當依本科添入：伏按經文，放生度死，爲學所先。臣率身恭修，不敢有怠。又有清信男女某甲等，慈心愛物，好尚善緣。各以資財，市買龜魚，隨臣俱行，來到清淵。今同放之，還歸生源。如無人入會放生，不用又有清信男女等語。以陸天師科先有此文，不敢刪去。度脫災難，免離痛惱。咸沐生全，永享元吉。願以是功德，普流一切天人，七世父母、帝王國王、公侯兆庶，如道士自放生，當依本科添入：及臣受道法師，父母同學，賢者山棲，道士諸官，正一弟子朋友知識，六親眷屬，蜎飛蠕動，蚊行喘息，諸天獄、諸地獄、五嶽四瀆，幽魂苦爽，囚徒

責役，一蒙釋散，度脫惡道，咸登無爲之場。願天高清，風和雨調，日月光明，星辰列布。願地平正，山林茂盛，水澤流通，五穀豐熟。國主賢弘，威風翼翼。皇教明達，普天所瞻。人民義讓，敵國不爭。六夷賓服，妖惡不生。河海滿足，賢聖日生。推財讓義，衣食自然。男則高才，女則賢貞。路不拾遺，道德興隆。庠序濟濟，更相開度。損身布施，廣建福田。憂苦者散，逮及衆生。令弟子某七祖，上升天堂。反胞更生，騰景凌空。生爲種民，無憂無患。日月齊光，令度衆難。世世受度，慶及子孫。臣學得道真，白日升天。謹啓。

誦思微定志經偈，太極真人頌

賢者汝莫殺，亦莫懷殺想。衆生雖微微，亦悉樂生長。如何害彼命，而用以自養。自養今一時，累取自然爽。長淪三塗中，辛苦還復往。善惡各有緣，譬如呼有響。何不改此行，慈心以自獎。真人携手遊，逍遙觀浮量。

右一

大道雖無心，可以有情求。仁駕空洞中，迴盼翳滄流。淨明三界外，蕭蕭玉京遊。自無玄挺運，誰能悟冥趣。落落天漢澄，俯仰即虛柔。七玄散幽夜，及胎順沉浮。冥期苟潛凝，陽九無娛憂。睹此去來會，時復爲淹留。外身而身存，真仙會良儔。

右二

豐豐玄中趣，湛湛清漢波。代謝若旋環，椿木不改柯。靜心念至真，隨運順離羅。感應理常通，神適逮自徂。淡遊初無際，繁想洞九遐。飛根散玄葉，理返非有他。常能誦玉章，玄音徹霄霞。甲申洪災至，控翮王母家。永享無終紀，豈知年劫多。

右三

次放生 復鑪

无上黃錄大齋立成儀卷之三十一

无上黃錄大齋立成儀卷之三十一

三洞法師冲靖先生留用光傳授
太上執法仙士蔣叔輿撰集

齋法修用門

釋龍綵

下元黃錄簡文靈仙品曰：拔度罪根威儀，當以上金作龍十條，以鎮十方。拔度罪魂，十方各安一枚。當齋十方紋繒之信，東方青紋九十尺，亦可九尺。南方絳紋三十尺，亦可三尺。西方白紋七十尺，亦可七尺。北方黑紋五十尺，亦可五尺。四角悉用黃紋，各一百二十尺，亦可十二尺。上方碧紋三十二尺，下方黃紋三十尺。隨其方色，以安十方，拔度長夜之魂。主人齋本命繒，隨年。國主王公，悉用紫繒，以法天象。庶人則用本命所屬正方之色，以置中央，拔度年命，並令精妙。天子信，則疋數。諸侯丈數，庶人

尺數。尊卑有降，悉用明科。飛天神人曰：違者，考屬天官玄都曹。

釋升壇

凡入靖登壇，皆香水漱口，名曰蕩穢。出亦漱之，名曰閉真炁。安施既畢，先令道衆兩人，爲威儀前行，贊引法師弟子，升壇旋遶外壇一周，至東南角。師念入戶呪訖，率弟子，以次從地戶，升中壇。威儀止在外壇旋遶，不入中壇。每壇一面，常留威儀三人。三周畢，分四面立，步虛旋遶時，亦皆旋繞至西北角，師從天門升內壇，左迴三，上十方香一周。次上御案香，退西，向東立。弟子遶中壇一周，以次序立，依科行事畢。弟子引師出壇，弟子過師前出，師在後。建齋立壇，法天象地。內壇則自天門出入，中壇則自地戶出入。凡入壇，則師率弟子自地戶入，師在前，弟子在後。凡出壇，則弟子引師從地戶出，弟子在師前，師在後。

華夏讚并釋

勤行奉齋戒，誦經制六情。故得乘空飛，耀景上玉清。精心奉經教，吐納練五神。功德冠諸天，轉輪成上仙。右出靈寶玉匱盟真經。杜廣成

先生曰：今但用十八虛聲耳。今亦廢矣。

朝入戶呪

法師向地戶之左，叩齒三通，密呪之。夜入戶□，老子存思圖曰，存見四明功曹一人，通真使者一人，傳言玉女二人，侍靖玉女二人，共六人。

四明功曹，通真使者。傳言玉童，

侍靖玉女。爲我通達，道室正神。上

元生炁，入我身中。祝畢，入戶先左足入

朝出戶呪

出地戶畢，回身面壇，叩齒三通，祝之，存玉女一人。

出陰入陽，萬神開通。關啓事畢，

請閉黃房。侍靖玉女，明備神宮。祝畢

出戶，先右足出

夜入戶呪

老子存思圖曰，存見四上功曹一人，龍虎使者一人，侍靖素女一人，開明童子一人，上玄少女一人，共六人。

四上功曹，龍虎使者。正一生炁，

侍靖素女。夜有所啓，開明童子。上

玄少女，與我俱入。黃宮之裏，通達所

啓，皆使上聞。

夜出戶呪

出地戶畢，回身面壇，叩齒三通，祝之，存少女一人。

玄上太陰，八窗開明。向有所啓，

少女通靈。事畢復位，萬神潛寧。

右爲燒香威儀，出上元金錄簡

文真仙品

釋上十方香

清旦、日中上香，先從東方起，次東南方，次南方，次西南方，次西方，次西北方，次北方，次東北方，次下方，次上方。靜夜上香，先從北方起，次東北方，次東方，次東南方，次西南方，次西方，次西方，次西方，次下方，次上方。

右登齋行香，按靈寶本科，日中則自東方起，次南西北方，以次東北、東南、西南、西北、上方、下方，而此且以東南方、次東方者，以黃錄簡文拔度罪根威儀行香次序如此。今修黃錄齋，以本經爲據也。清都張萬福天師齋儀，升壇上香，次第一同。

蓋拔度罪根威儀，一本黃籙簡文靈仙科品。龍漢舊文，不可改也。

上香呪

法師上十方香畢，至御案前，三上香，密呪之。

玉華散景，九氣含煙。香雲密羅，徑衝九天。侍香金童，傳言玉女。上聞帝前，令臣長生。世爲神仙，所啓所願，咸乞如言。

右見上清大洞真經曰，上經燒香呪，無侍香金童四字。傳言玉女作侍香玉女。所啓作所向。咸乞作莫不。

釋禮師存念

先存太上三尊，在天寶臺中，左有三十六部尊經，右有玄中大法師。十真五帝，群仙侍衛，如大會朝真之儀。法師臨目，存見太上三尊乘空下降，左右龍虎君，千乘萬騎，三界尊靈，羣真侍衛，羅列在坐。師爲弟子，奏陳齋意。

次思經師，上清靈寶法師詹君諱齊，古字稽仲，行化長沙。心拜三過，

祝曰：願師得仙道，我得升度。

次思籍師，上清三洞法師田君諱居實，字若虛，甲寅五月初二日生，長沙真巖人，行化兩浙。心拜三過，祝曰：願師得飛仙，爲我開度，七祖母，早生天堂。我得道真，升入無形。

次思度師，上清三洞法師留君諱用光，字道輝，甲寅三月二十五日戌時生，乃信州貴溪人。以開禧丙寅天鵬羽化于龍虎山上清宮，行化荆湖江浙。心拜三過，祝曰：願師得升度，上登高仙，爲我開度，五道八難，名入仙籙，永成真入。

右按中元五籙簡文神仙品曰：奉師威儀，經師則經之始，故宜設禮，三曾之宗。籍師則度師之師，故宜設禮三，生死籙籍所由。度師則受經之師，度五道之難，故應設禮。爲學不尊三師，則三寶不降，三界不敬，鬼魔害身。杜廣成先生曰：經者，遠也。三師之中，經爲遠師，乃籍師之師，己之祖師也。

籍者，因也。傳真學道，師資相因，乃經師弟子，度師之師也。度者，進也。度我凡身，進登道品。從几至此，莫不因師，乃己之師也。所在之方，謂所居之方。心拜，存形貌、諱號，禮而祝之。所以禮師者，我所行之法，開度天人，因師教授，方至於此。凡有修奉，皆先禮師，不忘本也。然古者經從師受，故齋直燒香，必禮師。齋法出於神經，故建齋以奉經爲本。齋科所謂三師盟受三寶神經，供養尊禮，修行齋直是也。今世經不師授，齋法亦廢。結齋之士，苟未盟受寶經，如科中所稱上清金書三洞寶等語。皆當隨宜換易。禮師之時，存祝傳法籙三師可也。

清旦，思青雲之炁，匝滿齋堂，青龍獅子，備守前後。靈寶思神儀曰：青龍獅子合八頭。四頭在高座南使處兩邊巳未之上。四頭在北丑亥之上，以中央高座爲正。青龍在內，獅

子在外。悉東西相對兩向次思青炁從師肝中出，如雲之升。青龍獅子在青炁中出，覆弟子合家之身。

日中，思赤雲之炁，匝滿齋堂，朱雀鳳凰，悲鳴在左右。靈寶思神儀曰：雄曰鳳，雌曰凰，鳥也。其雞頭形，雞喙燕領，蛇頸龜背魚尾，五彩龍文，合八頭。四在東，馭兩邊寅辰之上。又四頭在西，亦使兩邊戌申之上，朱雀在內，鳳凰在外，南北相對向次思赤雲之炁從師心出，鳳凰朱雀在赤炁中出，覆弟子合家大小之身。

日入，思白雲之炁，迎滿齋堂，白虎麒麟，備守四方。靈寶思神儀曰：麒麟，獸也。麕身，牛尾，馬足，黃色，圓蹄，□角。頭有肉，合八頭。四生方，二頭在子午卯酉之上。白虎在內，麒麟在外，悉向南次思白雲從師肺中出，白虎麒麟在白炁中出，覆弟子合家大小之身。

次思仙童玉女、天仙地仙飛仙、日月星宿五帝兵馬，各九億萬騎，監齋直事，三界官屬，羅列左右，威儀肅肅，不有怠懈。靈寶思神儀曰：仙童侍香左東立，玉女侍香右西立。天仙至五嶽五帝，並是兵馬天仙官兵，著緋衣，處天門，在門東。地仙官兵，著如軍隊之

衣，處地戶。飛仙官兵著羽衣，處天門，在門西也。日宮官兵，著紅色衣，處日門。月宮官兵，著淺黃色衣，處月門。星宿官兵，各隨方色衣處四方、四季、四孟之上。五帝官兵馬隨方，色衣各處其方。中央處，建王之方。

次閉目內思，存見五藏五嶽，五星五帝，侍衛身中，映蓋一體。體作金色，真炁從肺後出。項有圓光，如日象。使照明十方，身中了然，盡見內外。靈寶思神儀曰：五藏者，先存肺，紅白色，有七葉，如蓮花，接喉嚨下，騶虞覆心。次存心，紫赤色，如油囊。中長三寸，上大，下小。中央孔在肺下。次存肝，紫蒼色，五葉在心下。次存腎有雙，紫黑色，如覆杯，當臍俠著脊。次存脾，混黃金泥色，長一尺。兩頭采小曲捲。太倉有胃管也，正在臍。五嶽者，存東嶽泰山、南嶽衡山、西嶽華山、北嶽恒山，各在其方。中嶽嵩高山，在西南。五嶽各在本域，遙存見之。五星者，存五星煥明五方。南方熒惑星在額上，中央鎮星來在心前，北方辰星來在兩膝間，東方歲星來在左肘，西方太白星來在右肘。五帝者，存青帝立東，赤帝立南，白帝立西，黑帝立北，黃帝立中央，建王之方。皆着帝王之冠，服隨方之色，立在齋壇內。又依上法，存真炁自肺藏後夾脊中出，直上衝高出頭上而出。四藏色炁次仰升紛錯，冠覆身形，葱鬱密宜，如濃烟之中。於是身爲金色，項生圓光，如口農照明十方。身中了然，盡見內外。

右爲建齋威儀，出靈寶上元金籙

簡文真仙品。凡登壇行道、燒香、啓祝、存思，並依上法。

衛靈呪並釋

東方

九炁青天，明星大神。煥照東鄉，洞映九門。轉燭陽光，掃穢除氛。開明童子，備衛我軒。收魔束妖，上對帝前。奉承正道，赤書玉文。九天符命，攝龍驛傳。普天安鎮，我得飛仙。

南方

南方丹天，三炁流光。熒星轉燭，洞照太陽。上有赤精，開明靈童。總御火兵，備守三宮。斬邪束妖，剪截魔王。北帝所承，風火八衝。流鈴交換，敢有不從。正道流行，我享上功。保天長存，億劫無終。

西方

七炁之天，太白流精。光耀金門，洞照太冥。中有素童，號曰帝靈。保神安鎮，衛我身形。斷截邪源，王道正明。宮殿整肅，三景齊并。道合自然，飛升紫庭。靈寶符命，普惠萬生。功加一切，天地咸寧。

北方

北方玄天，五炁徘徊。辰星煥爛，光耀太微。黑靈尊神，飛玄羽衣。備衛五門，檢精捕非。敢有干試，豁落斬摧。玉符所告，神真八威。邪門閉塞，正道明開。映照我身，三光洞輝。策空駕浮，舉形仙飛。

中央

黃中理炁，總統玄真。鎮星吐輝，流煥九天。開光童子，一十二人。元炁陽精，焰上朱煙。洞照天下，及臣等身。百邪摧落，煞鬼萬千。中山神呪，普天使然。五靈安鎮，身飛上仙。

右出靈寶真文要解經，名曰：太上靈寶自然五篇衛靈神呪

釋鳴法鼓

杜廣成先生曰：法鼓者，內正神炁，外滅魔靈。法事，所先也。左右相叩，爲天鍾；磬中相叩，鳴法鼓也。叩之以八爲節，三八二十四炁也。

三捻上香祝上香祝之，發爐

第一上香，祝曰：願達玉清境，供養妙無上帝，自然元始天尊，無上道

寶。

第二上香，祝曰：願達上清境，供養妙有大帝，虛皇玉晨大道君，無上經寶。

第三上香，祝曰：願達太清境，供養至真大帝，萬變混沌玄元老君，無上師寶。

右出杜廣成先生齋儀

上手爐香呪

道由心學，心假香傳。手執玉鑪，心存九天。真靈下盼，仙旆臨軒。令臣關奏，逕御九天。

右出宋朝頒降金籙儀，非古法也。不用亦可。蓋古法，高功都講位前，各有香案發鑪。止就本位案前上香，不用手鑪也。

釋發鑪

無上三天玄元始三炁太上老君，召出臣等身中三五功曹、左右官使者、左右捧香驛龍騎吏、侍香金童、傳言散花玉女、五帝直符直日香官，各三十六人出。出者嚴裝，關啓某處土地里域、真官正神。臣今正爾燒香，奉爲某官某乙

正 普薦亡親某乙 在會衆魂等，修建无上黃籙大齋，三日三夜。以今初夜，宿啓登壇，朝真行道，補職宣戒，關盟諸天。願得太上十方正真生炁降流臣等身中，令臣所啓速達逕御太上無極大道至真玉皇上帝御前。

右發鑪，爲關啓真靈之始，出金籙簡文。經道分三洞，教亦殊科。如上元五靈五老神真云，爲上清發鑪；太上靈寶無上元尊云，爲自然發鑪。傳言玉女上奏皇君云，爲洞神發鑪；太上玄元五靈老君云：爲正一發鑪。其他難以槩舉。至於靈寶，盡本金籙簡文矣。而黃籙簡文經所載，却不同。如曰香官使者、左右龍虎君、捧香驛龍騎吏、侍香玉女、五帝直符，各三十六人出，是也。張萬福天師正齋發鑪，雖依黃籙簡文經所載，至宿啓解壇又用金籙簡文經。祝語矣，前後異同。恐是正齋宗本經之文，而宿啓散

壇乃行自然朝法，故宗金籙簡

文，亦或未可知也。經教傳久，其間抵牾者多。如金籙簡文，三五功曹下，無左右官使者五字，却見於盟真科經。金籙簡文有侍香金童而盟真科作玉童。金籙簡文有侍香玉女而陸天師、杜廣成儀作、傳言玉女，張清都儀又作散花玉女。金籙盟真五帝直符下無直日香官四字，而陸天師張杜齋儀俱有之。金籙盟真諸經俱云至真玉皇帝前而黃籙簡文作玉皇上帝御前。要之三籙盟真諸經，相參爲用，故科云：盟真不可單行，金籙不可獨用。黃籙罪根雖卷目異名，亦相通爲下典廣有所入也。至於復鑪其間，亦有不

釋稱法位關啓

張萬福天師曰：各各自稱，所受法位。稱時，耳纔自聞，勿使喧聒。餘

皆例爾。

右宿啓散壇發鑪畢，稱法位關啓之文，出靈寶上元金籙簡文真仙品，爲朝禮衆真威儀經科，所謂自然朝法是也。與正齋上啓三上香願念之法不同，不啓聖位。張杜宿啓儀，並於稱法位後，便云：臣某等今故燒交願以是功德云，蓋一本經文耳。藏中所載靈寶諸齋宿啓儀，並無添入聖位者。止有一家靈寶自然齋立成儀，不載何人所修。其間辭語多易以今文，又添入行道所啓聖位。近世相承不革，留冲靖所傳亦因之。雖曰捻香啓，先當關奏上玄，但行道科所啓聖位，本文乃出洞玄靈寶長夜之府九幽五匱盟真科，因元始天尊在香林園中，與七千二百四十童子，俱教化諸法度身威光命，召十方飛天神人，說罪福緣對拔度上品。太上大道君啓白元始，乞垂旨教，可得

修行，以度一切。於是命飛天神人爲著齋直之訣。行道所啓聖位，蓋本於此。宿啓散壇，乃行自然朝法。既祖金籙簡文，本經無之，難以攙入。況中間祈哀懺罪禮謝乞願念之詞，特仗仙靈騰奏齋誠耳。今依古科，刪去聖位。尚慮後學，不見經文，反生疑惑，故略釋始末。

釋禮十方

日中從東方始，入夜從北方始。

張萬福天師曰：凡禮拜，始唱至心歸命東方，即至心注念東方。低身屈膝，呼無極太上靈寶，便靡靡而下，令兩手俱至地。呼天尊與聲齊，頭面著地。聽聲齊起，皆不遲疾，緩急得所。使五體合法，不得局促怠放。齊上齊下，每禮訖，合坐皆起立，然後坐如下方，例不得便坐。行磬，須聽唱天尊聲絕，然後打之。所以謂之禮拜者，謂起伏拜跪，威儀庠序，合法故耳。徧觀至心者，必能禮拜。禮拜者，必有至心。君不察其形恭，何以達其心識。

所以謝罪請福，皆以禮拜為先也。

釋懺悔三業

禮畢，各長跪，執簡，叩頭，懺悔。張萬福天師曰：自禮十方天尊，至三業懺。並出靈寶常朝儀。

三啓頌三首

樂法以為妻，愛經如珠玉。持戒制六情，念道遣所欲。淡泊正氣停，蕭然神靜默。天魔並敬護，世世受大福。

鬱鬱家國盛，濟濟經道興。天人同其願，縹緲入大乘。因心立福田，摩法法輪升。七祖生天堂，我身白日騰。

大道洞玄虛，有念無不啓。鍊質入仙真，遂成金剛體。超度三界難，地獄五苦解。悉歸太上經，靜念稽首禮。

右出洞玄靈寶消魔寶真安志智慧本願大戒上品經，亦見玉京山步虛經，謂之禮經。祝每終一首，各稱善一拜。真人口訣云：侍經仙童玉女，聞此祝，皆歡悅，而祐兆身也。是大經悉用此祝而禮拜矣。若冥心禮經者，亦心祝其文，乃上仙之秘

也。齋法以經為祖，凡是建齋，三寶之前，必安神經，以鎮齋壇。故上元金籙簡文真仙品曰：建齋威儀，旋行畢，一時北向，禮經三拜，是也。

釋三禮

張萬福天師曰：三禮，出靈寶常朝儀。

无上黃籙大齋立成儀卷之三十二

无上黃籙大齋立成儀卷之三十二

三洞法師冲靖先生留用光傳授
太上執法仙士蔣叔輿撰集

齋法修用門

釋安鎮真文

諸天隱語，自然玉書，無量洞章，出靈寶滅度五練生尸經。亦曰：練度五仙安靈鎮神法，專度亡魂。齋壇安鎮，所當遵用。法用青紙朱書，以鎮五方。宿啓夜，讀文訖，以金龍鎮之。散壇時，讀文訖，弟子捧文於香煙上，法師叩齒十二通，呪曰：

無上至真，大聖高尊。布化運炁，三十二天。八會九光，自然成文。安鎮天地，保制劫年。元始符命，普告三元。下勅九地，上關諸天。中告海嶽，名山大川。今日上告，萬神咸聞。弟子某乙，修齋行道。拔度幽魂，三官九署。削滅罪根，永度三塗。五苦之源，

世世受福。記名丹篇，神生天堂。鍊化自然，生死開度。億劫長存，九天誥命。風火驛傳。衆和三聲，出靈寶內音玉訣

呪畢，隨表函焚之。外有五老赤書玉文施用之法，不一具載。赤書玉訣，杜廣成之序，附見於左。

黃籙齋，極救幽靈，遷拔飛爽，開度長夜，升濟窮泉，固其大旨也。然祛灾致福，謝罪希恩，人天普修，家國兼利，功無不被矣。所鎮靈寶五老赤書真文，詳其所爲，祇通四種：一則求仙受道，自東方九炁下，二十四字；二則禳制星辰，自歲星輔肝下，三十二字；三則摧伏魔鬼，自東山神呪下，三十二字；四則蠲消水害，自下制東河下，三十二字。五篇之用，於斯畢矣。西京清都觀張萬福天師儀範云，諸天隱語，八會玉文，元始天尊於香林園中，爲上智童子所說。下拔五苦，通濟九幽。於遷神儀中，刻石行用。今則黃籙遷拔，宜用此文。凶吉合儀，銓量允當。庶幾永劫，可以通行。呪祝焚燒，與真

文同耳。具有成法，共弘之焉。天復元年辛酉十月十五日癸未，天姥峰羽衣杜光庭聖賓序。

智慧頌三首並釋

智慧起本無，朗朗超十方。結空峙玄霄，諸天挹流芳。其妙難思議，虛感真實通。有有竟不有，無無無不容。

智慧常觀身，學道之所先。渺渺任玄肆，自然錄我神。天尊常擁護，魔王爲保言。晃晃金剛軀，超超太上仙。

智慧生戒根，真道戒爲主。三寶由是興，高仙所崇受。汎此不死舟，倏歛濟大有。當此說戒時，諸天來稽首。

右出靈寶智慧觀身大戒經。每終一首，各稱一拜。

釋說戒法師西向，衆官東向

天尊告太上道君曰：今當普宣法音，開悟羣生。爲諸男女，解灾却患。請福度命，拔諸苦根。使生者見道，身脫八難；死者歡樂，飲食天堂。早生人中，轉輪聖王之家。修齋求道，皆當一心。請奉十戒，諦受勿忘。專精默念，洞思自然，勿得雜想，撓亂形神。

能如是者，便當靜聽。

第一戒者，心不惡妬，無生陰賊。檢口謹過，想念在法。

第二戒者，守仁不煞，愍濟羣生。慈愛廣救，潤及一切。

第三戒者，守正遜義，不姪不盜。常行善念，損己濟物。

第四戒者，不色不欲，心無放蕩。正潔守謹，行無玷汙。

第五戒者，口無惡言，言不華綺。內外中直，不犯口過。

第六戒者，斷酒節行，調和氣性。神不損傷，無犯衆惡。

第七戒者，不得嫉人勝己，爭競功名。每事推遜，退身度人。

第八戒者，不得評論經教，訾毀聖文。躬心承法，常如對神。

第九戒者，不得鬥亂口舌，評詳四輩。天人咎恨，傷損神炁。

第十戒者，舉動施爲，平等一心。人和神穆，行常使然。

天尊言，修奉清戒，每合天心。常行大慈，願爲一切，普度厄世。慊慊尊

教，不得中怠。寧守善而死，不爲惡而生。於是不退，可得拔度五道，不履三惡。諸天所護，萬神所敬。長齋奉戒，自得度世。

天尊言，道尊法妙，人身亦貴。故道開法遺戒經文，以度人身。人身既度，上與道同。宜爲精行，持齋奉戒。夷心靜默，志念分明。一心歸向，專想不二，滌蕩六府，過中不味。內外清虛，每合自然。是其齋日，揲皆啓願。應心上徹，四天司邏、十部威神，即下履行。觀聽至音，鑒映爾心。如戒行道，皆列功諸天，禍福立彰。道不負人，勤行諦受，勿使魔言。

天尊言，建齋行道，四天帝王，皆駕飛龍綠輶，八景玉輦。侍從真人玉女，手執花幡，前導鳳歌，後從天鈞，白鶴獅子，嘯歌邕邕，燒香散花，浮空而來。瞻禮行道，觀聽法音。天王下降，萬靈朝焉。如是豈可不盡其法也。當先受十戒，然後行道，庠序雅步，靜心閉意，坐起卧息，不離儀格。天王懽悅，列名上清。可謂得道，在方寸之

間。

奉戒頌 并釋

道爲無心宗，一切作福田。立功無定主，本願各由人。虛己應衆生，注心莫不均。大聖弘至教，亦由雨降天。高陵靡不周，常卑故成淵。海爲百川王，是能舍龍鱗。萬劫保智用，豈但在厥年。奉戒不暫虧，世世善結緣。精思念大乘，會當體道真。

右太極真人作，出靈寶仙公請問經。說戒畢，旋行，吟之。

釋補職

謹按上元金籙簡文真仙品曰，登齋威儀，當宿昔，舉高功法師、都講法師、監齋一人，侍經一人，侍香一人，侍燈一人，明日行道，各典所署。黃籙簡文所載，止請同法四人，一人監齋，一人直事，一人侍香，一人侍燈，於都門，隨師旋行，爲主人叩頭，祈請拔罪，更相開度。則自六職之外，別無他名。張清都科雖云齋官，以六人已上，至十人爲率。然亦別不著所掌之職，切意登齋行道，止具六職。其餘衆官，並

各分攝六職，共舉齋事。故金籙簡文曰，登齋上下，皆以職事爲上。職事同者，以年尊爲上。年同者，以人德爲上。六職尊卑，已有定序。若止一人，則不立職事。同者，以年尊爲上之文，於此槩可見矣。又太玄經曰，夫欲傳授道法，而對齋者，法限三十八人，小不可減六人。齋法九日、七日、五日、三日，若減一日者，此是會而非齋。所謂三十八人者，一曰三師一人爲正師，二人爲護師，即法師也，二曰五保五人即都講也，三曰六明六人即監齋也，四曰七證七人即侍經也，五曰八度八人即侍師也，六曰九成九人即侍燈也。是以藏中所載，九層壇行道儀，分補六職，不止一人，意本於此。近世自高功之外，其餘衆職，各披法服，具員充位。別創知鍾、侍磬、表白、直壇等目，代舉衆官之職。六職之外，頗有冗名，亦豈知登齋著褐，誦經著帔，科有明文。齋直以精誠爲先，懺謝爲本。務在虔切，以期感通，豈務求爲觀美耶。杜廣成論此蓋詳矣，今附于左。

杜廣成先生曰：經科皆云，齋官之內，以道德尊高者爲法師，明練法度者爲都講。又都講職詞云，先鳴法鼓，次引朋衆。風則軌儀，敬憑讚說。即讚唱導引皆都講之務也。吳中、江表、荆楚之間，皆以都講執磬，讚道行禮。夫先鳴法鼓者，鍾磬之謂也。欲令羣官整肅，儀制森然，須先擊磬齊衆，而後讚唱升壇，亦都講之職也。但以近年，或都講年德稍高，不欲一一勞之，即於衆官之內，差一人執磬唱禮。蓋事出一時，元非古制，詳其職簡，頗謂曠官。更有後學，生情妄爲，臆斷於六職之外，置一人侍磬，殊無經據，訛謬亦深。又高功法師，職在敷奏，進止俯仰，居衆之先。或昏耄不任，自可求退。豈容假手，翻類冗員。今蜀地高功，止於發鑪、復鑪，兩稱名位。其他宣讀，皆委他人。雖云先唱後隨，何異龍吟鼉應。此蓋不懼冥譴，自掇罪尤。人事尚且未容，天道如何通感。後之法主，深可戒焉。無蹈利於目前，更增罪於身後。監齋秉掌科憲，繩愆糾違。

務在無私，共弘典法。若有虧犯，預須授簡告之。受罰之人，亦須甘心伏罪。所冀外能合禮，以全溥濟之儀；內不欺心，以免抱冲之恨。不得使彈糾之際，彼此喧然。乘法者，進退有詞；負罪者，譴張拒命。不惟犯干玄聖，實且取笑衆人。其次侍經整飾壇場，主張法席，經科几案，供養供皿，施列敷張，皆須檢校。況舊法於齋堂之內，置兩高座，三時誦讀。故簡文云，三時講唱是也。又職簡云，衛師子之兩座，罰簡云，聽經倚據不執簡。又云，請問敗句。此皆明行道既畢，法師衆官，三時講誦矣。近代相承，祇於壇場之內，三時行道，三時轉經，無講唱之事，亦無兩座之設。然轉經之時，衆官既坐，一人行淨水，侍香行香，侍經行經。轉誦既了，侍經收經，安置本座，及整拂壇席，主持供養，無使外人凌冒輒踐法壇，此乃侍經職務也。不得虛參職任。倚傲不恭。使几案縱橫壇場，汗雜薦獻之物，使僮僕入壇，輕冒神真，凌犯禁戒。且禁壇之後，尚不許逆行，而僕

使庖夫，容易出入。例多此事，切宜禁之。苟或未除，皆侍經獲其殃責也。侍香所職，具在簡詞之中。近者因循多不勤恪，豈獨香烟中絕，往往火滅灰寒。兼有高功尚未升壇，壇中擅添香烟炷。此例違失，率皆有之。省閱科儀，亦宜戒謹。侍燈，惟在勤勵，興廢合儀，徹曙續明，即爲稱職。近有不經之士，淺識之人，不使侍經整飾壇筵，別置直壇之號。六職之外，頗有冗名。明鑒法師，所宜共弃。無履僞跡，取笑後賢。又按金科古儀，及黃錄舊法，宿啓之夜，及言功之時，皆先作自然朝，後行齋事。故啓齋儀云，衆官相率，先行自然朝，至三禮後，即告齋署職，說戒宣科。明旦晨曉，依法行道。此法自天師陸先生、寇天師、張清都，相傳至今，頗歷年代。皆以齋法出於靈寶，自然朝爲齋之祖宗。故先行自然朝，示不忘本也。近有庸愚道士，不達古賢之情，先於玄師之前，補署六職，宣科受簡，然後升壇。仍云，簡寂先生，齋法謬誤，飾非謗說，詞理紛然，寡識

無知，一至於此。尚有其黨，相做行之。不唯獲亂法之愆，實亦受謗賢之罪。達教君子，宜用斥之。舊法之中，有相傳錯誤者，唯啓齋言功之時，自然朝會合禮靈寶天尊。而相傳禮玉寶皇上等號，此稍失自然朝之本旨。恐是年代綿遠，書傳舛訛。今於儀中，已爲改正。非敢臆度，惟理所歸。時彥後賢，共弘之矣。

右靈寶齋法，具載十部飛天妙書。其啓祝、願念、懺謝之詞，威儀俯仰，登降之格，皆龍漢舊文，不可改易。法師職叅三洞，備受經錄，諳練儀軌，方可宣行。故張清都修建之儀，止拜啓元章及牒。里域神司，此外別無關奏。正以齋法玄微，仙靈吏兵，隨詞騰御，不假驛傳文書，而後期感通也。自靈寶大法降世，於是玉符金簡之文，寶籙真券之目，神虎攝召之訣，南昌鍊度之科，五仙沐浴之儀，回耀降光之格，策杖破獄之法，輪

燈懺謝之門，其修用有訣，其施行有序。遷升罪爽，普度幽明，視古法始加詳焉。古法惟齋直講誦，而不務它營，故事體簡徑。今世因崇建大齋，而叅施衆法，故節目繁多。今古異宜，各有攸當。須尋根蒂，方識指歸。夫正齋請謝，宿啓散壇，本之經文，頒宣符命，攝召鍊度，本之靈寶。法拜奏書，遷拔罪爽，本之正一。若洞究本末，則施爲罔不合之士，擇同志之人，尋卜勝地，建立壇場，止依經文。修建不叅衆法，吾知道眼監觀。功德巍巍，未易淺近量也。然非通貫三洞上學之士，亦未足以進此。

釋宣禁

右科云，三十六禁，出太極敷齋威儀經。當用牙骨竹木爲之，合三十六枚，廣八分，高九寸，刻書其文，與簡相類。張清都云，行道之日，置威儀案。杜廣成云，絳囊盛之，每升壇，監齋執

而行之。有犯者，授簡而罰之。二者皆通。張清都曰，夫惡逆之身，犯莫大之罪。猶使齋戒請贖，消散孽負。尋齋之所修，尊乎禮拜，而况高尚之士。但儀軌之失，愚謂以禮拜代之，亦在乎通其拜數多少，隨事輕重。執事之官，臨時詳判，此陸簡寂之意也。又三十六禁，亦見太極玄都律。以香油書罰，止三十條。而云三十六禁，恐以主人當掃洒屋宇，道士各齋巾褐版履，關白監齋。及有犯威儀，下座上座，於事有虧等，合前後禁文，爲三十六耳。然外六條，雖有禁文，而無香油之罰，似不可作簡。今張清都云，以竹木牙骨作簡，三十六枚。自高功以下，并科禁，各一一書之。要是合六職簡爲數也。

釋復鑪

關啓事畢，東向上香，呪祝。出靈寶

三錄簡文威儀自然經。

无上黃錄大齋立成儀卷之三十三

无上黄籙大齋立成儀卷之

三十四

三洞法師冲靖先生留用光傳授
太上執法仙士蔣叔輿撰集

齋法修用門

釋出官啓事

張萬福天師曰：凡傳言驛行，皆憑神道，庶得感通。所言神道，仙官吏兵是也。仙官吏兵，須是師受，即仙靈治籙、三部八景、三十二天、玉童玉女、五帝直符直事等是也。道士身有此仙官，始得預齋請。空輪屈折，罔冒真靈，貽其罪考，謹之。發鑪畢，衆官長跪，法師叩齒二十四通，出吏兵。上啓畢，各叩齒三通，咽液三過。

右出《靈寶太極敷齋威儀經》。仙公曰，此謂初齋啓事儀，日夕六時燒香，惟向香鑪呪耳，便禮拜也。張清都曰，建齋止出一官，至齋訖言功，不復出吏兵

也。

釋上啓願念

正齋上啓聖位，及後語，出靈寶盟真科，乃飛天神人所說。三上香願念文，出下元黃籙簡文靈仙品。今故燒香，自歸依師尊大聖衆至與道合真等語，凡齋科三上香願念之文，皆然。而今科上啓後，亦云與道合真，蓋以黃籙簡文經中所載，三捻香願念之前，亦有此文。不敢改易經語，張清都科亦因之。恐後學不知其故，略爲釋出。

釋二十方懺

隨方依科，懺謝日宮、東北方，月宮、中嶽、西南方，星宮、水府、經法、北方。四嶽，各隨本方。

右二十方懺文，爲拔度罪根威儀。出靈寶下元黃籙簡文靈仙品。

釋各思九色圓象咽液命魔

高功立鬼門之上，都講立天門之上，衆官次都講立。

先叩齒三通，咽液三過，心存日月，在己面上，從鼻孔，入洞房金華宮兩眉間却入辟方一寸，曰明堂宮。二寸，曰洞房宮。三

寸，曰丹田宮。明堂之北，洞房之南，向上辟方一寸，曰金華宮。日從鼻左孔入，月從鼻右孔入。光明出頂後，煥然作九色圓象，薄入玉枕，徹照十方。隨我繞經，而行之矣。又叩齒三通，嚙液三過。右出太上玉經隱注

密呪并釋杜廣成先生曰：此密呪不得令耳聞。違之有咎責。誠之，謹之

黃中策炁斬祿宗，密制強精斷邪翁。太上有命太上房，急召北帝詣五宮。受承威令宣魔王，五炁翦鬱與命衝。祕藏玉文方就隆，三天運明，六天運終。賢者哉。

右出靈寶五符人鳥經。洞真八道命籍存思之法，與此不同，并附見于後，可兼用之。禮方竟，還東向，思神閉目，叩齒五，嚙液五。存五神備在身中，五符煥明內外，五方羣魔奔走遠迸。來侍衛者，嚴裝羅列，在真官後。良久，咽液三，叩齒三，誦人鳥山經呪，曰黃中策炁。

張萬福天師曰：天尊未說經之前，諸天三界魔王、五帝大魔，皆爲萬

神之尊，總領鬼兵，遊觀太空，自號赫奕，與天齊功。行威縱毒，病苦萬人。男女禱祝，煞害鼓舞，以敬畏之。天尊說經之後，百魔伏化，而神公受命，普掃不祥。魔無干犯，鬼無妖精。衆魔既伏天尊，聖化便爲諸天上聖、妙行真人，策駕前驅，掃塵啓路。所以衆聖將欲遊天，先命諸魔，前驅策駕也。經云，魔王敬受事，故能朝諸天，是也。所以步虛先當存思命魔。

右三朝命魔，張清都所言盡矣。趙道升修黃籙儀認爲，內事止於午朝命魔，蓋本政和金籙。此是其所見錯處，非經旨也。

釋步虛旋繞

張萬福天師曰：玄都玉京山，上冠八方。即太上無極虛皇大道君之所治也，高仙之玄都焉。諸天大聖、高仙真人，各各持齋奉法，宗太上虛皇於此矣。凡遇齋日，並乘飛龍八景雲輿，大會太上玄都玉京，燒自然旃檀返生靈香，飛仙散花，旋繞七寶臺三匝，行誦空洞歌章也。其時八風揚旛，香花交

散。流煙翳鬱，太上稱善。又飛天之神，常乘碧霞之輦，遊於玉隆之天。一日三時，引天中衆聖，上朝七寶之宮、七寶之臺、七寶玉宮，皆元始天尊所居。諸天衆聖，朝時皆旋繞，誦歌洞章，即升玄步虛章。或旋空歌章，大梵無量洞章之流也。密呪畢，都講唱步虛旋繞，以次左行，繞經三周。其第一首，但平立，面經像。作第二首，即旋繞。至第十首，須各復位竟之。每稱善，各回身，向中散花，禮一拜，法十方朝玄都也。

右按上元金籙簡文真仙品曰：拔度生死，建齋威儀，禮十方畢。次一時左轉繞香燈三周，師誦步虛之章，弟子都門讚祝三周，如玄臺法。尊卑相次，安徐雅步，調聲正氣，誦詠空洞之章。勿得顧盼，意念不專，遲速越錯，更相進却，要量壇席廣狹爲則。如壇席狹處，第一、第五、第八首旋繞散花，餘面經像作可也。

步虛空洞之章十首并釋

稽首禮太上，燒香歸虛無。流明隨我迴，法輪亦三周。玄願四大興，靈慶及王侯。七祖生天堂，煌煌耀景敷。嘯歌觀太漠，天樂適我娛。齊馨無上德，下仙不與儔。妙想朗玄覺，誦誦巡虛遊。

旋行躡雲綱，乘虛步玄紀。吟詠帝一尊，百關自調理。俯命八海童，仰携高仙子。諸天散香花，肅然靈風起。宿願定命根，故致標高擬。歡樂太上前，萬劫猶未始。

嵯峨玄都山，十方宗皇一。迢迢天寶臺，光明爛流日。焯焯五林華，倩燦曜朱實。常念餐玄精，煉液固形質。金光散紫微，窈窕大乘逸。

俯仰存太上，華景秀丹田。左顧提鬱儀，右盼携結璘。六度冠梵行，道德隨日新。宿命積福應，聞經若至親。天挺超世才，樂誦希微篇。冲虛太和氣，吐納流霞津。胎息靜百關，寥寥究三便。泥丸洞明景，遂成金華仙。魔王敬受事，故能朝諸天。皆從齋戒起，

累功結宿緣。飛行凌太虛，提携高上仙。

控轡適十方，旋憩玄景阿。仰觀劫刃臺，俯盼紫雲羅。逍遙太上京，相與坐蓮花。積學爲真人，恬然榮衛和。永享無期壽，萬春奚足多。

大道師玄寂，升仙友無英。公子度靈符，太一捧洞章。舍利耀金姿，龍駕欵來迎。天尊盼雲輦，飄飄乘虛翔。香華若飛雪，紛靄茂玄梁。

頭腦禮金闕，携手邀玉京。騫樹圓景園，煥爛七寶林。天獸三百名，獅子巨萬尋。飛龍躡躅鳴。神鳳應節吟。靈風扇奇花，清香散人襟。自無高仙才，焉能耽此心。

嚴我九龍駕，乘虛以逍遙。八天如指掌，六合何足遼。衆仙誦洞玄，太上唱清謠。香花隨風散，玉音成紫霄。五苦一時迸，八難順經寥。妙哉靈寶囿，興此大法橋。

天真帝一宮，藹藹冠曜靈。流煥法輪綱，旋空入無形。虛皇拊雲璈，衆真誦洞經。高仙凜乎讚，彌劫保利貞。

至真無所待，時或轡飛龍。長齋會玄都，鳴玉扣瓊鍾。十華諸仙集，紫煙結成宮。寶蓋羅太上，真人把芙蓉。

散花陳我願，握節徵魔王。法鼓會羣仙，靈唱靡不同。無可無不可，思與希微通。

右出靈寶玉京山步虛經，每一首終，各稱善一拜。

釋重稱法位大謝

衆各重稱所受法位。高功北向，大謝。衆官人，各長跪。留冲靖止東向

右大謝懺罪之文，出黃籙簡文經及靈寶太極敷齋威儀經。

十念

一念爲道，四大合德。某家七祖母，免脫憂苦。上升天堂，衣食自然。

二念帝王國主，道化興崇。庠序濟濟，皇化恢弘。威儀翼翼，普天所瞻。民稱太平，戎夷賓服。妖惡日滅，賢聖日生。

三念法師，功德大建。教化明達，俱獲飛仙。

四念同志學人，早得仙道，更相開

度。

五念九親和穆，好尚仁義。貴道賤財，行爲物範。

六念損己布施道士及飢寒之者。天下人民，各得其所。

七念蠕動蚊行，一切衆生，咸蒙成就。

八念赦貫某家門前世。生死罪對，立功補過。

九念某家門興盛。宗廟有人，世生賢才。

十念尊受師經，不敢中怠。平等一心，廣度一切。克獲上仙，白日升天。拜見太上，永成真人。服五色雲衣，與道合同。一作雲車羽駕，與道合同。

十二願并釋

一願大道，淡泊虛無。安閑空寂，澄清自居。廣開法門，教導頑夫。皆蒙慧解，精苦是修。預以同學，普得升虛。與天相保，長存無憂。一切衆生，咸同寧休。

二願諸天，結氣澄清。高虛廣覆，保真固靈。氣候調節，四運和平。國

安民豐，普天閑寧。廣濟一切，惠逮有生。保劫長存，億億不傾。

三願地土，廣載無窮。安平不陷，海淪不崩。保鎮寧國，兆民興崇。養生安死，惠周十方。禾稼種植，滋生日豐。含德厚載，萬願咸從。

四願日月，二景高明。無有勃食，虧縮安清。光照諸天，洞消暗冥。保固劫運，世祚和平。普加潤惠，澤灑衆生。

五願星辰，與日月齊光。轉燭照耀，映朗十方。各安其位，經緯直行。保鎮安國，無有灾殃。四海寧一，普天興昌。

六願四時，隨節推遷。景氣調和，無有灾患。疫毒消滅，普天平安。五穀豐熟，國富民權。

七願浮雲，結氣聚煙。飛空高澄，蔭覆玄玄。隱則無爲，散則彌天。神仙同居，結友衆真。惠流一切，興國愛民。普濟群生，人同劫年。

八願風雨，流灑無窮。普加施泄，受其發揚。萬物滋生，國儲民豐。

九願五嶽，各安其方。巍巍包藏，長爲仙宮。安鎮國祚，保天無終。護度一切，莫不仰宗。

十願江海，蕩蕩無極。含容恢廓，無細不殖。淵澳柔惠，潤加喘息。天人獲慶，年同劫石。

十一願帝王，國主日昌。四海安穆，兵革不揚。天人歌唱，吉應來祥。敷教濟濟，威化洋洋。兆庶稱慶，長樂未央。

十二願蜺飛蠕動，已生未生。咸蒙安全，普得生成。皆見元氣，受陽之形。草木果林，經冬不零。一切濟度。靡不鮮榮。右出靈寶真文要解經。

回向誦

向來禮懺功德轉經作轉念功德，隨宜改換，上資家國，下及存亡。同賴齋功轉經作勝因成無上道。

小啓謝過密呪每日登齋出壇，於玄師前，密祝之

臣等今奉爲某官某乙登齋升壇行道，切恐進止犯科，不合儀格，爲四司所糾，五帝所□。千愆萬罪，乞垂赦

免。使功德成就，啓奏感通。即仰荷玄中大法師，三官五帝，罔極之恩。

畢三禮

无上黃錄大齋立成儀卷之三十四

无上黄籙大齋立成儀卷之三十五

三洞法師冲靖先生留用光傳授
太上執法仙士蔣叔輿撰集

齋法修用門

釋言功拜表

杜廣成先生曰：表文，以黃素五尺、朱界朱書，每行二十四字。生字不在下，死字不在上。第一行盡書法位，至頓首字。上言，獨占一行。太上無極大道，居第二行。表後，以聞，去臣姓三行。聖號，去臣姓三行。年月，去聖號三行。一如章法，不得塗改注乙，譴責尤重。謹之。讀表時，取表於香上熏之，即讀法位。起，再拜訖，復長跪，和聲正炁讀之。至弟子名，皆令再拜。至誠惶誠恐處，起，再拜。至年月日時某處拜上，又再拜。都畢，展於玉案上，證對御前，以龍頭書刀，鎮聖號之左。朱筆鎮右訖。次三捻上香，長

跪，叩齒三通，遣表勅表畢。法師於案後，臨日向天門，曲身，中存三五吏兵及三元將軍功曹、騎乘，羅列前後，身乘翠羽車龍馭在紫炁中，冉冉而升，上詣三天門下。先謁三天法師，入玄都宮門之左，呈表訖已，捧表函，徑入三天門。齋章呈章等從事一十二人，表候上省覽畢，即出三天門，御羽車與騎乘而迴。所經歷天宮道路、次第，一如三五拜章訣。次叩齒十二通，內官畢，再叩齒三通，咽液三過，存三五上章官吏，各復身中，再拜。次卷表於詞文之前內函中，封印訖，並真文，通於小椽上。同案捧之，監齋押之，幢節前引，弟子隨之，至天門上焚之。法師於本位，向天門，存真官捧真文表等，隨香烟朱焰，上升天門。

右言功表，亦謂之言功章。章表同法，皆本正一。古者籙生祭酒，領戶化民，進拜章書，止是依法操露存思，遣官齋呈，以俟玄報。所以本科遺章云，若有謬誤顛倒，長毫利筆，隨誤正定等語。楊傑修金

籙，却以己見，刪去此三十八字。蓋是未究古法操伏既畢，章書止留治中，至三元日，依斷章法方，一併焚去。至上元後，所拜章書，至中元日斷。中元後所拜章書，至下元日斷。蓋古者法籙全備，傳授有宗。三五吏兵，呼吸相應，不專委心於文書也。杜廣成納官後，方收表入函，焚於天門上。蓋是古法，後世傳授失真。自度非憑文翰，莫期感通。故於遣官後，即卷表入函，法師依法存伏，隨即焚燎。蓋少變古法矣。至趙道昇，則又自以聞後，令法師從後讀至前，仍以圭三熨聖號，蓋天一法也。靈寶五鍊生尸經，有黃繒章法，乃是表式。建齋之初，必出官啓事。事畢，拜表，與之言功令，其隨表上詣玄都，列受功賞。初未嘗再出官也。楊傑被旨，刪修科文，却於散壇三禮後，重稱法位，再出官，而後拜表。自後相沿不革，蓋是

不曾深考經文，非古法也。

釋納官

衆官長跪，法師叩齒十二通，納官畢。再叩齒三通，咽液三過。存三五官吏，各復身中。

釋納職

各依位相次於三寶前，禮一拜，長跪，受簡於高功訖。起三禮，退就西立並訖。高功三拜，行就本位。

釋宣簡

先三捻香，執山簡文，叩齒九通，讀之，香熏三過，乃讀。讀訖，衆官再拜，令弟子執簡，橫於香烟上。法師叩齒九通，面東呪之。呪時，衆官隨聲言之。畢，衆官再拜簡文，並呪金龍驛傳四字，皆三度言之。呪訖，封題如法。水土二簡，一同。

還戒頌

天尊大慈悲，說戒度衆生。威德被幽顯，果報感神靈。諸天來稽首，羣魔自束形。過去超八難，見在保千齡。齋福行當息，相共送虔誠。流梵逸雲唱，飛香雜烟馨。瓊鳳乘丹輦，金龍駕

綠駟。生死皆快樂，家國悉安寧。

太極頌

并釋

道以齋爲先，勤行登金闕。故設大法橋，普度諸人物。宿世恩德報，道心超然發。身飛升玄都，七祖咸解脫。右出太極敷齋威儀經

學仙頌

大學仙頌，見轉經儀

學仙行爲急，奉戒制清心。虛夷正炁居，仙聖自相尋。若不信法言，胡爲棲山林。

空洞頌

出靈寶空洞靈章經

元始開圖，敷落玉篇。高唱空洞，飛步入玄。神王度命，乘虛駕烟。禮誦靈章，與劫同年。

三塗五苦頌

三才及萬物，倚伏各有齡。終始大劫數，福盡天地傾。往反於五道，苦哉更死生。展轉三塗中，去來與禍并。

大賢慎茲戒，忍世念割情。愚夫不信法，罪痛常自嬰。吾念世無已，今古重告明。若欲度斯禍，皈命太上經。罪福不由他，諒自發爾身。大賢故閑口，欲絕諸惡緣。滅念皈兼忘，倚

伏待長泯。弘道以安世，終當見正真。

淫嫉爲禍首，滅身之至患。貪養如斯禍，恐必致夭殘。知惡而不革，豈是道所安。懷毒日齋直，今我發長嘆。

宿命有信然，弱喪謂之無。皆欲眼前見，過目即言悠。大賢明道教，慘戚憫頑夫。依依念子苦，勤勤令我憂。

人命易消盡，亦猶膏中火。四大暫相遇，五物權時假。盛年當勤學，趣求存吾我。福盡身神散，冥冥地獄下。上聖畏是故，尋道度斯禍。

學仙行爲急，奉戒制清心。虛夷正炁居，仙聖自相尋。若不信法言，胡爲棲山林。大賢樂經戒，受之爲身寶。就學常苦晚，治身恨不早。比當披幽蹟，倏忽年已老。執卷吸爾極，將更死痛惱。吾故及弱齡，棄世以學道。右太極真人作，出靈寶本願大戒經

釋然燈

下元黃籙簡文靈仙品曰：拔度罪根威儀，十方各安九燈火，合九十燈。在都門之外，太歲行年、大小墓、本命、俠門然燈，隨主人所安多少。每令光

明，徹照竟夕，勿使中滅。

右黃籙簡文，然燈雖有定數，要須量力及壇席闊狹施之，勿使妨礙行事及勿汗人衣冠爲佳。上元金籙簡文真仙品曰，然燈威儀，功德至重。上照諸天，下照諸地。八方九地，並見光明。全在侍燈之官，勤爲用意。每令燈光，明徹竟夕，不得中滅及半暗半明。令人絕世，宜常謹之。飛天神人曰，學士不明然燈燒香，七祖不得開度長夜之府，九幽之中身無光明，考屬太陰曹。

杜廣成先生曰：禮燈之法，出金籙簡文。凡修齋行道，以燒香然燈，最爲急務。香者，傳香達信，上感真靈。燈者，破暗燭幽，下開泉夜。所以科云，燒香然燈，上照諸天福堂，下照長夜地獄。苦魂滯魄，乘此光明，方得解脫。既然燈須，各有法象。春九夏三，秋七冬五，四季十二，皆隨五行本數設之。更有諸天諸地，八卦九幽，諸燈之

位，隨金籙簡文中，方位羅列，燒香禮祝，福德立降，灾咎自消。或以啓齋之夜，或三日七日之中，如法然燈，落景行道畢。出壇至地戶，以讚詠幢節，序雅步，導引衆官弟子等，旋繞燈下，依位祝之。每祝畢，衆官弟子皆禮。禮遍，復以空洞聲，引歸玄師前，散如常儀。只於地戶，列班禮祝，亦合其法。又曰，凡修黃籙，當依真文玉訣，四時然燈外，別然金籙諸燈，依法拜祝。或三日之內併行之，或拜祝一夕，皆獲福利，幽顯沾恩矣。或不因齋壇，特然此燈，依法拜祝，功以等矣。崇善之士，其弘之焉。

明燈頌

正一陽光，炎上朱烟。開光童子，一十二人。洞照天下，及臣等身。百邪摧落，却鬼萬千。光明朗徹，通真達靈。升入無形，與道自然。

右出靈寶上元金籙簡文真仙品然燈威儀

明燈讚三首

太上散十方，華燈通精誠。諸天

亦皆然，諸地悉玄明。我身亦光徹，五臟生華榮。炎景昭太元，遐想繁玉清。

丹精寄太无，玄陽空中響。含形滅苦根，幽妙至真想。垂華不現實，因緣示光象。我身亦如之，乘化託流景。

夜光表丹陽，迢迢照靈室。諸天普光顯，諸陰即日滅。我神亦聰明，常玩智與慧。逍遙適道運，遷謝任天勢。舉形躡空洞，夜燭煥流萃。右出洞真觀身大戒，見陸天師然燈禮祝威儀

滅燈頌

玄陰閑光，長燈續明。太陽已朗，八幽開清。燈還太陰，光附景生。日月二真，與我合并。

右出上元金籙簡文真仙品然燈威儀。

釋投龍簡

下元黃籙簡文靈仙品曰：拔度罪根威儀，修齋都畢，當依玉訣，投金龍一枚。丹書玉札，青絲纏之，以關靈山升度之信，掛於絕巖之中，一依具法。又曰，關水帝威儀，當丹書玉札，金龍一枚，青絲纏之，以簡沉之三江，以關

水帝升度之信，一依玉訣具文。又曰，關水帝畢，即以玉札金龍金鈕九枚，青絲纏之，埋於壇所，以告盟地官，一如科文。玉簡盟真科曰，修黃籙寶齋，當以上金三兩，鑄金龍。龍各一兩，國家用上金，公侯大臣次金，士庶銀銅塗金，並可通用，副以簡文。即玉札也題修齋所爲及國號、太歲、月日、法師姓名、投奠方所，投於名山大洞、靈泉龍穴及齋壇或在□之中，以告盟天地水三府，使監證齋功。闕者，考屬地官九都曹。科曰，龍者，乘雲炁，御陰陽，合則成體，散則成章，變化不測，入地升天。故三十六天，極陽之境，可以驛傳信命，通達玄靈者，其龍乎。龍者，陽畜也。夫天用莫如龍，地用莫如龜，人用莫如馬，是以天上以龍驛騎，往來人間矣。金者，五金之最，堅剛不渝，天地所寶，通靈合神。故以上金鑄之，取法龍形，投之洞府，盟三元也。洞府真官，所司寮屬，告龍信簡文，錄其善功，以奏言於上聖。感應之報，猶影之隨形。修尚之士，不可闕也。簡者，告也，紀也，札也。紀世

之善，告於上真。法長一尺二寸，象十二辰。廣二寸四分，法二十四真炁。厚二分，法二儀。上下正方，法日之方景，正真通達，無所避讓。國家以玉爲之，玉有九德，可以爲禮大地神祇之信，故用玉焉。公侯臣庶通用樅木，以其潔白纖緻，可比玉矣，明尊卑之殊也。璧者，禮天地山川之寶也，以玉爲之，投山簡用圓璧一，其色蒼，徑二寸，虛其中。山簡關九天之信，故用蒼璧，以法天地投水簡用六出之璧，其色黑，徑三寸，虛其中。水簡爲九海水宮之信，故用玄璧，水之色。六出，水之數也。投土簡用黃璧，正方，徑二寸，虛其中。土簡爲九地之信，黃者土之色也。方者，地之形也。璧與龍，副於簡封之外，以青絲纏之。投三簡之法，當用金鈕九隻。三簡用二十七鈕，金鈕代歃血，青絲代割髮，告盟達誠，最爲重也。故以青絲纏鈕璧，以附於簡及龍，而後放之也。鈕法，國家用金。臣庶以銀銅塗金可也。鈕徑九分，圓其外，如環之形也。修齋畢，別卜良日，或潔齋之辰，備醮饌。法師衆官及齋主弟子，或汎舟以詣水洞，或

梯陸以登山門。各於洞之外，蕪草掃灑潔淨，敷列醮席，酒果餚饌，當鹿脯湯茶等，國家六十分，臣庶二十四分。如嚴醮之儀，乃盛服澡漱，朝謁法事，備如科式。所在地司靈官、監察將吏，當爲子關啓洞中仙曹，通達告齋之簡，如此福善立感。不得都無關啓，直爾投於洞中，不達真靈，反獲罪考矣。若山水之洞稍遠，師衆不可俱行，難於登泛者，當選壇內法職一二人與弟子齋簡，以詣洞所，設醮關告，投奠一如本儀。若國家投龍五嶽諸山，具有金籙科式，與此常禮，繁省不同矣。齋官或公私所拘，不得躬詣洞府者，可精選謹虔恪信奉恭勤者一人，代往行禮。無可代者，師爲關告之。又不得藏匿簡文，因循持久，既闕告盟之信，所在地司錄奏，獲罪非細，切宜謹之。

无上黃籙大齋立成儀卷之三十五

无上黄籙大齋立成儀卷之

三十六

三洞法師冲靖先生留用光傳授
太上執法仙士蔣叔輿重修

修奉應用門

建齋之始投詞頌

渺渺空無象，悠悠感至靈。敬則承天貺，泄則被魔精。吉凶隨運轉，否泰應緣生。道不貴珠玉，神惟在至誠。丹悞盡勤苦，懇悃竭衷情。自然通大道，皆得降真靈。捻香陳所願，稽首崇嘉貞。天尊常湛寂，回心禮杳冥。

啓堂頌

學道當勤苦，歛信運丹誠。燒香歸太上，真炁雜煙馨。惟祈開大有，七祖離幽冥。

三皈依讚

至心歸依，十方道寶，當願衆生，起心回向，一切信禮。

至心歸依，十方經寶，當願衆生，

心開悟解，受持轉誦。

至心歸依，十方師寶，當願衆生，普上法橋，無有障礙。

聞經讚

聞經已後，當願衆生，萬罪永消，善芽增長。

聞經已後，當願衆生，深入法門，皈依信受。

聞經已後，當願衆生，永斷執迷，常修至道。

道讚

道場衆等，人各運心，皈命三寶無上尊一切念。衆官各念功德

請師讚

修齋行道，奉請經師，降臨壇所。
籍、度，玄天監齋，隨文改易

請玄師頌

科律嚴章奏，精誠享百神。投詞陳懇願，潔醮奉高旻。俯盼垂雲駕，冥心啓上真。玄師都教主。奉請降凡塵。

請天師頌

太上傳符籙，初因遇鶴鳴。積功

超玉闕，列位侍三清。接引章詞奏，克隨凡庶情。修齋當奉請，願俯鑒精誠。

請監齋頌

寶號流塵世，仙階列上清。三千功德滿，八百行光成。禮懺修真福，監齋作證盟。今宵仙馭降，祥祉被含生。

請天官頌

妙道垂真教，修齋立福田。結壇朝上聖，建醮會高仙。注念通穹極，精誠感上玄。天官乘寶輦，彩仗下凡筵。

請地官頌

翼翼陳丹懇，兢兢仰紫虛。祈通陳下志，願達土皇君。潛應垂真貺，遐臨赦罪辜。地官來下降，旌擁五雲輦。

請水官頌

方便開真化，慈悲立聖科。虔心修妙會，調炁詠靈歌。默念祈淵府，丹誠通大羅。水官龍駕降，雲錦起滄波。

請五帝頌

五帝居仙品，糾彈善惡因。祥光臨宇宙，惠澤濟沉淪。發露祈天祐，冥心感聖賢。存心俱快樂，享福永无垠。

請正一三師頌

靈寶明科範，三師列上清。修齋
虔降格，功德貴精誠。仰屈真仙馭，迴
翔羽旆旌。克疇垂福佑，享報應凡情。

請經師頌

入靜修黃籙，嚴裝啓上仙。奏章
先達御，詞款欲關宣。寶籙因師度，威
儀太上傳。經師來下降，奉請列羣仙。

請籍師頌

肅肅祈清福，誥誥結寶齋。登壇
須此夜，行道續徘徊。有願仍須啓，皈
心道眼開。籍師來下降，仙仗下瑤臺。

請度師頌

經戒丹心禱，虔誠召百神。捻香
祈至聖，持戒請仙真。清詠凌朝啓，精
思入夜勤。度師來下降，保護結齋人。

焚詞頌

人生多障難，大道實矜憐。救度
留科戒，咸令懺罪緣。愆辜編地府，釁
結已聞天。發露祈真祐，誠心仰聖賢。
虔恭禮三寶，願得拔九玄。壽長年。焚詞
歸上界，奏名玉帝前。

又

太虛感靈會，命我生神章。一唱
洞九玄，二誦天地通。混合自相和，九
徧成人功。大聖慶元吉，散花禮太空。
祈神神必應，請福福當弘。諸天並歡
悅，一切稽首恭。

度簡頌

赤明開元圖，和陽通上虛。元始
敷靈章，十部飛天書。開度九幽祖，萬
徧道自俱。玉阜秀瓊林，生死福德廬。
自無黃籙簡，苦根焉得除。旋行誦靈
章，五靈還相扶。

投龍簡頌

祈真登紫府山簡云紫嶽，土簡水簡云紫
府，告命詣靈壇。山簡云靈山，水簡云靈泉玉
女謠梵響，金童奏香烟。書名通九地，
列字上三天。永享無期壽，尅成高上
仙。

解壇頌

太空包有象，至道窈无形。承和
通妙炁，應感達衷情。倏忽周八極，依
稀降萬靈。微香陳素款，委質表丹誠。
遠泛翔鸞蓋，遐攀綺鳳旌。烟宮高鬱
鬱，雲閣上停停。瓊駕出霄漢，金龍入

太清。甘露冷人世，景福被幽明。

送師頌

修齋事畢，仰荷玄恩。志心稽首，
奉送某師。雲輿勿住，鶴駕難留。後有
修齋，還當奉請。

送經師頌

辭三帥讚，見杜儀

經法雖玄妙，崇奉悉因師。凡有
立善者，咸當願禮之。氣運功易就，心
慢悔難追。若能勤繫念，朝夕自仙飛。

送籍師頌

道以齋爲重，法以朝爲常。不修
不奉者，焉能遊帝鄉。有骨入仙品，自
然開紫房。玄女排雲駕，但見金銀堂。
是故謝三師，稽首禮虛皇。

送度師頌

迢迢玉京山，玄都何巍巍。真人
乘步虛，朗朗長夜開。大道由人弘，心
至神自歸。修齋行道畢，稽首辭三師。

送正一三師頌

至道傳師旨，垂光已燭壇。陰靈
皆感召，號令肅仙班。鶴駕將臨翥，鸞
驂亦告還。天邊想歸路，佩玉聽珊珊。

送五帝頌

仙仗來霄極，尊臨列五方。旂風吹羽節，鸞輅駐清場。齋事將圓徹，迴輿返上蒼。流恩無不徧，豈但感馨香。

送天官頌

妙範修齋直，明科洗罪根。瞻穹崇上善，歷懇致微言。既納依投請，蒙垂福宥恩。天官還玉府，寶駕入金門。

送地官頌

淨會朝元罷，齋功結果圓。真恩宣五嶽，誠悃奏三天。徹席停虛範，解壇送列仙。地官迴嶽府，高陟五靈軒。

送水官頌

宣演玄音畢，諸仙返上穹。靈風除橫厄，甘露報真功。復命驪龍駕，遙還暘谷宮。水官歸洞府，福祿賜無窮。

送監齋頌

靈壇崇法席，允賴下監臨。糾過兼書善，真仙亦仰欽。行當驅道騎，縹緲五雲深。生存當有賴，更復濟幽沉。

送天師頌

齋法已精嚴，表牋奏上天。至誠通感應，闔門得延年。幽冥昏暗獄，罪

苦悉皆原。掌握諸天籍，章詞御帝前。祖宗咸升度，嗣裔慶榮遷。三天扶教主，事畢奏功圓。

送玄師頌

上帝命真仙，修齋黃籙壇。諸天來下降，焚香懺罪愆。九時行道畢，齋事已周圓。亡魂得超度，玄師上九天。

回曜飛光頌

煌煌滿卮燈，閃爍同月光。反照名回曜，滿空象列星。流光如虹蜺，散艷生蓮華。誤入瓊瑤洞，宛在玉芝房。玉女映玉珮，金童照金裳。萬靈登道岸，衆真聚華堂。龍樓十二轉，晝夜輪光芒。

光明頌

太上大道君，位處無何鄉。寶光真童子，下理九幽房。悲嗟苦魂役，拔度痛哀傷。二十四門戶，咸令聞寶香。燈明長夜照，願消累劫殃。

北帝頌

稽首無上道，歸心元始尊。至真妙應主，開化飛玄門。妙戒怡五靈，金書警萬神。察命定籙籍，靈符度苦魂。

散華讚

玉京山上朝真會，散花林，十仙齊奏步虛音。散滿道場，天尊前供養。五彩雲隨步去，散花林，六銖仙服著身來。滿道場，天尊前供養。空洞一聲來，月下散花林，步虛三

乘雲朝玉帝，齊契玄中人。

焚簡頌

太上法微妙，籙籙度天人。元始告符命，時刻獲升仙。傳授救沉溺，皆得自儵然。書名金簡籙，逍遙玉帝前。

白鶴讚

太一真人冰雪容，步虛來往本無蹤。蓬萊要去如今去，雲在窗前鶴在松。

白鶴千年始一歸，山川依舊世人稀。不因華表分明語，誰識當時丁令威。

白鶴飛來下九天，數聲嘹唳出祥煙。日月相催人易老，不如修道學神仙。

胎化靈禽唳九天，雪毛丹頂兩相鮮。世人不認歸華表，來瑞升平億萬年。

散華讚

玉京山上朝真會，散花林，十仙齊奏步虛音。散滿道場，天尊前供養。五彩雲隨步去，散花林，六銖仙服著身來。滿道場，天尊前供養。空洞一聲來，月下散花林，步虛三

唱入雲間滿道場，天尊前供養。

十念

一念天地交泰，二念日月高明，三念陰陽順序，四念國土安寧，五念帝王萬壽，六念宰相安正，七念萬姓安樂，八念百穀豐登，九念幽途離苦，十念大道興行。

十二願

一願乾坤明素，二願氣象清圓，三願聖人萬壽，四願化洽八埏，五願天垂甘露，六願地發祥烟，七願四時順序，八願萬物生全，九願家行孝悌，十願國富才賢，十一願艷都罷對，十二願學道成仙。

四結願文

願大道興行，經法流演。至心稽首，正真三寶。

願聖化無疆，明齊三景。至心稽首，正真三寶。

願師尊父母，亡者生天，見存安樂。至心稽首，正真三寶。

願一切含生，免離諸苦，同會無爲。至心稽首，正真三寶。

大道玉清經瓊臺寶光上真十願

一願大道流行，普天懷德。二願一切有生，咸皆悟道。三願九夜悲魂，一時解脫。四願孤爽無依，咸得受生。五願天下太平，百穀成熟。六願臣忠子孝，君仁父慈。七願四海通同，冤親和解。八願潜胞處殼，俱得生成。九願積疾新痼，旋即痊愈。十願孤露衆生，豐衣足食。

无上黄籙大齋立成儀卷之三十六

无上黄籙大齋立成儀卷之

三十七

三洞法師冲靖先生留用光傳授
太上執法仙士將叔輿撰集

讚道節次門

崇建大齋，施行上法。綱目既衆，修用寔繁。務合規矩，方期通感。儻昧節次，率意變更，非惟有誤幽明，抑亦恐貽玄憲。謹詮舊典，立爲成儀。自始及終，一如軌範。

關發節次

先就殿前，設功曹符使將吏位，香茶酒果供養。或三十六分。或二十四分道衆於三寶前分班序立，次啓堂頌，次法師上香默奏，次齋官設拜上香再拜，次法師變神步罡，次移班詣將吏位灑淨，次法師上香關召，次齋官上香設拜，次初獻茶酒法事，次法師告白。次齋官再上香設拜，次再獻酒法事，次法師告

白。次齋官三上香設拜，次三獻酒法事，次讀關牒引單狀，次焚燎法師發遣將吏齋官跪酌，次法事，次回向念善。

揚旛節次

先設香案於旛竿下，法師上香啓白，次齋官上香設拜，次法師宣靈旛赦罪呪衆官隨聲讀呪，次舉旛，次回向念善。

開經節次

先集道衆於三寶前序立，次法師上香啓聖祝白，次齋官上香設拜，次宣開經疏，齋官跪執鑪宣疏畢，以金錢亦同焚之，次道讚隨意普念功德，次三皈依讚，次唱道場衆等人各執簡當心，平坐如法衆官坐定。次唱讚詠如法，吟宿命讚，行香行經，讚經如儀。次唱靜念如法，次唱請轉法輪，次轉經。轉經畢，都講擊磬，侍經收經。次解座頌，次起立嘆經，次三聞經讚，次吟太上智慧經讚，次回向念善。

如升壇轉經，衆官於玄師前立班，都講唱道讚，次華夏，升壇入戶，如朝儀。至本位立定，唱三皈依讚。依次第轉經，轉經

畢，吟學仙頌，出壇於玄師前，作回向讚畢，散歸齋堂，如常儀。

進章節次

先排設道場，鋪陳供養正中三寶御前，左正二三師位，右從章仙曹靈官位，三十六分。次道衆序班天師堂，法師上香。次齋官上香設拜，次唱按人各恭信，次請師，次齋官上香再拜，次點酌法事。次法師上香跪奏，進章詞意。次讚引至從章堂，法師上香。次齋官上香設拜，次法師啓白，次請上章靈官，次齋官上香再拜。次點酌三獻法事，啓白如儀。次讚引至三寶前，法師入戶上香。次齋官上香再拜，次法師上本位香入拜章儀，次唱各禮師存念如法，次法師宣衛靈呪，次唱鳴法鼓二十四通，次法師發鑪，次唱各稱法位，次法師入科，次請三清御位，次點酌法事，次唱長跪出官如法列班長跪，次法師存神出官。次法師開章，度付侍經。次侍經跪受章書，同侍香露三寶前，次宣章副齋官跪鑪，次校章，次法師遣章，次熏章封訖

入函，次侍經捧章函、監齋押之、威儀華夏、迎章至焚燎所、烈火焚之，次讀關先別遣一人，詣從章堂，讀從章疏，同明別一處焚化，次焚章頌，次法師伏地存神、進呈如儀、衆各淵默以俟興如告符，則於此後續入，次送聖頌，次法師納官，次法師復鑪，次出堂頌至天師前禮謝，次送師，次回向念善退。

告符節次

拜鄭都赦罪章畢、法師上香啓白，次法師祝救苦符柬，次宣簡文，次法師再祝符束，次法師告玉清拔幽魂符如上儀，次法師告玉清破地獄符，次法師告太上勅赦生天寶錄，次法師告東華青宮九龍符命，次法師關召驛吏童子，次讀關并錢馬狀，次法師祝遣童子驛吏，次焚化符束，次讀錢馬狀。

度詞節次

先道衆集靜默堂、議定六職、簽書職狀職榜，次依班序、立靜默堂祖師前，次法師上香、令一人讀職榜訖、各歸位立，次引齋官詣祖師前設拜上香再拜，次引齋官詣法師前再拜長跪、投

詞請師古法三跪俯伏，今從省次法師受詞、齋官再拜、以詞付監齋，次監齋致詞、請師陞高座、俟法師答允，次讚引法師升座，次宣詞，次法師祝香啓盟，次四結願，次法師下座，次書結盟狀，次贊引師出堂奉安幕次，次回向念善，次齋官設拜、散如常儀。

立幕節次

先道衆舉金闕化身天尊、引法師出靜默堂，次至監臨所、上香啓白、宣誓榜，次高功詣玄師幕上香、衆官列班拜，次齋官上香設拜，次請玄師下降，次請玄師頌，次齋官上香、設拜獻茶，次高功啓白，次宣疏，次焚疏，次讚引至五帝幕，次高功上香、衆官列班拜，次齋官上香設拜，次請五帝下降，次請五帝頌，次齋官上香設拜獻茶，次高功啓白，次宣疏，次讚結盟狀，次焚疏並結盟狀，次讚引至天師幕，次高功上香、衆官列班拜，次齋官上香設拜，次請天師下降，次請天師頌，次齋官上香、設拜獻茶，次高功啓白，次宣疏，次讚結盟狀讀畢，留在幕，焚疏，次讚引至三

師幕，次高功上香、衆官列班拜，次齋官上香設拜。次請經師下降，次請經師頌，次請籍師下降，次請籍師頌，次請度師下降，次請度師頌。次請齋官設拜獻茶，次高功啓白，次宣疏，次焚疏，次讚引至三官幕，次高功上香、衆官列班拜，次齋官上香設拜。次請天官下降，次請天官頌，次請地官下降，次請地官頌，次請水官下降，次請水官頌。次齋官上香、設拜獻茶，次高功啓白，次宣疏，次讚結盟狀，次焚疏并結盟狀，次讚引至監齋幕，次高功上香、衆官列班拜，次齋官上香設拜，次請監齋法師下降，次請監齋頌，次齋官上香、設拜獻茶，次高功啓白，次宣疏，次焚疏，次華夏旋至壇前序立，次高功率六職衆官、執柳枝水盂、誦淨天地呪、升壇旋繞、洒淨歸位，次禁壇如儀，次回向念善揖退。

請光分燈節次

先明燭一炬於三寶前、道衆列班於齋壇前序立，次齋官上香設拜，次法師同侍香侍經升壇、啓白請光，次法師

以符燭置手中、宣迴耀神呪，次法師以符燭一炬、就三寶前請光在手、宣分燈慧光呪，次侍香侍燈各執紙燭、就法師所執符燭分光，次法師啓白分輝，次舉流光法界天尊，次侍香侍燈分點壇上燈燭、衆官各執紙燭就法師手中分光、然點壇席燈燭、並令周遍，次法師存神行持，次道衆詠回耀飛光頌，次法師再拜回向念善下壇，次侍燈宣禮燈儀如科建壇畢，宣呪亦可

宿啓建壇節次

先道衆集靜默堂、行香水盥漱依位立、請高功法師入靖，次齋官上香設拜，次舉金闕化身天尊，次華夏讚引至五帝三師監齋幕，次高功齋官上香，次讚引至三官天師幕，次高功齋官上香，次讚引至玄師幕列班立，次高功上香，次齋官上香執齋詞於玄師前、自述修齋意訖再拜。次高功上香三拜長跪，次齋官回身捧詞跪授高功訖、再拜退立于右，次高功以詞置簡上、上啓告齋，次唱道讚，次法師至壇前分左右序立，次高功齋官上香設拜，次高功祝香

啓聖，次宣啓壇疏，次焚疏，次鳴金鍾玉磬，次華夏威儀引高功升外壇，次齋官升壇，次衆官以次升壇旋繞，次華夏旋至地戶、高功密呪、入戶率官升中壇威儀不入中壇，止在外壇旋繞，次高功同齋官升天門入內壇上十方香，次齋官上十方香歸位再拜，次高功上御案香歸位，次啓堂頌，次都講唱各禮師存念如法，次高功宣衛靈呪，次都講唱鳴法鼓二十四通，次高功發鑪，次高功上本位香、侍香引齋官上十方香，次都講唱各稱法位，次高功關啓，次唱禮十方如儀，次高功懺悔三業，次都講唱臣等至心皈命太上三尊十方衆聖、禮經如法，次三啓頌三首各一拜，次都講唱三禮。次高功詣東方上香，次高功執東方真文、香上熏之、宣真文，次衆官隨聲呪之畢各再拜，次高功詣南方上香、敷露南方真文如東方儀，次高功詣西方上香、敷露西方真文如東方儀，次高功詣北方上香、敷露北方真文如東方儀，次高功詣中央御案上香、敷露中央真文如東方儀，次高功再總呪真文、衆官隨

聲呪之畢、高功歸位。次宣十方靈官疏，次都講唱重稱法位，次高功重啓，次宣詞，次引齋官上香平立，俟讀詞至上啓、令再拜長跪執鑪，次高功入科，次吟智慧頌三首、旋行一周高功行至，都講位立，次唱默禮十方。次唱衆官平坐說戒威儀，次說戒，次奉戒頌、巡行至一周畢、唱奉戒三禮、高功歸位，次高功補職，次高功再拜受職，次都講以下依次再拜於高功處、跪受職簡訖再拜，次都講唱、衆官平坐、宣禁威儀，次高功宣科禁，次唱監齋受罰簡三拜，次高功復鑪，次學仙讚引高功出戶、或空洞、或奉戒，次高功至東三幕上香，次高功至西三幕上香、序立玄師幕，次回向讚，次高功上香、密啓謝過，次都講唱、監齋糾過，次讚引歸堂，次齋官上香拜謝法師，次皈依至道頌，次都講云建壇事畢、衆官復位。

破獄節次

先詣獄燈所排立，次法事，次高功齋官上香，次高功啓白告符，次宣破獄告文，次當職道士宣九獄燈儀，次高功

依儀逐獄、行持策杖、發符破獄如本儀，次回向念善。

召靈節次

先詣召靈所排立，次法事，次高功行持、當職道士召攝亡靈如儀，次隱語引亡靈赴浴所，次當職道士宣沐浴科，次迎亡靈朝謁，次送靈歸位、依儀呪食。遲，次夜亦可

正齋節次

先道衆集靜默堂、行香盥漱、依位立請高功入靜，次齋官上香設拜，次舉金闕化身天尊，次華夏讚、引高功參五帝三師監齋幕，次高功齋官上香，次參三官天師幕，次高功齋官上香，次列班於玄師幕序立，次高功齋官上香，次高功默奏齋意，次唱道讚，次華夏陞壇如儀，次高功入戶、依儀上十方香、訖歸位，次齋官上十方香、歸位再拜，次都講唱、各禮師存念如法，次高功宣衛靈呪中分落景，行道不宣，次都講舉、鳴法鼓二十四通，次高功發鑪，次都講唱、重鳴法鼓二十四通、閱吏兵行事衆官各長跪次高功長跪出官如法，次都講唱各稱法

位，次侍經獻茶，次當職道士引亡靈幡至壇下朝謁，次高功上啓，次宣詞齋官跪鑪，次高功三上十方香、願念如科侍香引齋官，三上十方香，次衆官壇西立、面東唱禮東方三禮、後同，次高功齋官上東方香，次跪讀方懺、齋官跪鑪後同，次西北立面東南、唱禮東南方、上香懺謝如上儀，次正北立面南、唱禮南方、懺謝如儀，次東北立面西南、唱禮西南方、懺謝如儀，次正東立面西、唱禮西方、懺謝如儀，次東南立面西北、唱禮西北方、懺謝如儀，次正南立面北、唱禮北方、懺謝如儀，次西南立面東北、唱禮東北方、懺謝如儀，次西北立面東南、唱禮下方、懺謝如儀，次東南立面西北、唱禮上方、懺謝如儀，次西南立面東北、唱禮日宮、懺謝如儀，次東北立面西南、唱禮月宮、懺謝如儀，次正南立面北、唱禮星宮、懺謝如儀，次正西立面東、唱禮東嶽、懺謝如儀，次正北立面南、唱禮南嶽、懺謝如儀，次正東立面西、唱禮西嶽、懺謝如儀，次正南立面北、唱禮北嶽、懺謝如儀，次東北

立面西南、唱禮中嶽、懺謝如儀，次正南立面北、唱禮水府、懺謝如儀，次就位唱禮經寶，懺謝如儀。次高功左行住鬼門面西立、都講住天門面東立、都講唱、各思九色圓象、咽液、命魔密呪，次高功存神密呪，次都講唱步虛旋繞，次吟步虛洞章十首，迴旋三周、散花唱善每首終，各唱善一拜，次都講唱禮經如法，次三啓頌三首每首一拜，次都講唱三禮，次侍經獻湯，次都講唱重稱法位，次高功大謝，次宣古法十念、十二願文清旦說念，臨午靜夜說願，次高功復鑪，次學仙讚引高功出戶，次高功出壇、至東三幕上香，次至西幕上香、序立玄師幕，次回向讚，次高功上香密謝，次都講唱監齋糾過，次讚引歸堂、別遣壇官舉天尊號、送靈幡歸位，次齋官上香、拜謝法師，次皈依至道頌，次都講唱、齋事既畢、衆官復位。

三日正齋，九時行道。並依此次第。惟第一日建齋發鑪之後，則長跪出官。每日清旦禮師，後宣衛靈呪，及第三日落景

行道發鑪後，拜天官升度章，徑入章科。拜章畢，分關啓如本科。餘皆同。

攝召幽魂、設斛節次

先詣普召所排立，次法事，次法師行破暗開道路法，次入科，次發普召牒、法師關行、當職道士依儀召請，次法師敷座詠中篇、引幽魂詣座下，次法師行持、爲幽魂全形，次舉廣度沉淪天尊，次法師告大洞玉符召神，次法師發治病功曹符，次舉梵炁普生天尊，次法師發召五神混合符、行持如儀，次舉妙行無邊天尊，次法師行持如儀，次舉億劫化形天尊，次法師爲幽魂、召三魂七魄，次舉超真解脫天尊，次法師誦玉清生魂育魄保神內呪，次舉金容出世天尊，次法師行持、以水洒幽魂、令俟升度，次舉靈源普潤天尊，次引幽魂沐浴如儀畢，次引幽魂、舉茱萸光明頌，次道衆序立斛筵所、法師祝香，次吟普獻頌，次法師行持入科，次洒淨，次舉人各恭信，次請道寶、舉道寶頌，次請經寶、舉經寶頌，次請師寶、舉師寶頌，次

法師啓白、請太乙天尊，次舉太乙救苦天尊四聲、諷救苦經，次法師啓白請三十二天帝，次諷隱語，次諷甘露通真呪，灑斛食，次諷破酆都開業道呪，次舉十方救苦天尊，次法師敷座施斛，次法師行持、當職道士加持、斛食如儀，次舉十方靈寶天尊，次法師宣法語，次回向。

鍊度幽魂節次

先詣鍊度所、法師上香啓奏、請降陰陽靈根、真水真火，次諷隱語、法師步罡至水火池、行持如儀。餘同正度科。鍊度畢，說戒度符超度如儀。

鍊度亡靈節次

先道衆序立鍊度所，次舉燒香頌，次法師啓奏，次請神，次三獻拜表如儀，次焚燎，次回向念善，次法事引法師、至火池請降真火如儀，次詣水池、請降真水如儀，次法師至鍊度所，次法師詣座祝香啓奏，次吟法事，次法師行持召神，次舉三界通化天尊，次法師宣治鍊火池度命儀，次發真火合同符、宣降真火呪，次法師指揮火鍊官吏，次舉

火鍊丹界天尊，次告火府隱文宣火鍊火呪，次發火鍊符，次舉玉眸煉質天尊，次法師召神爲亡魂化生十二炁如儀，次舉太清靈變天尊，次法師召神告

傳戒度靈節次

如儀，次舉隨願往生天尊，次發靈寶登真度命出離生死符，次舉寶華圓滿天尊，次法師焚符、召六丁六甲金童玉女將軍、引導亡魂。

當職道士引亡至說戒所

五帝玉司、爲亡魂鍊質變仙，次舉朱陵度命天尊，次發火鍊成仙符、宣丹天火鍊火呪，次舉火鍊成真天尊，次發元君鍊身符、宣返生呪，次舉度人無量天尊，次發合形變形符、行持如儀，次依寶緯行持大梵隱語，次舉隨緣赴感天尊，次法師宣飛鍊水池升度儀，次發真水合同符、宣降真水呪，次法師指揮水鍊官吏，次舉清淨度魂天尊，次發黃炁陽精洞明符、宣丹陽鍊度大呪，次發水鍊符，次舉黃華蕩形天尊，次法師召神、爲亡魂九鍊、釋罪如儀，次舉好生度命天尊，次法師召神、告九天生神寶符、特爲亡魂鍊神返生，次舉九天稱慶天尊，次發石景水母玉精符、宣東井大呪，次舉高真妙果天尊，次發神府鍊身符、宣聚形呪，次舉金闕化身天尊，次發金液鍊形符、宣鍊形呪，次舉轉輪聖王天尊，次發分形鍊形養形符、行持

當職道士引亡至說戒所，次法師詣座祝香，次舉智慧頌三首，次法師敷座說法，次宣三皈依，次宣九真戒，次告長生符，次宣九天寶誥，次宣長生度命黃籙，次宣升天大券，次召飛天神王，次召普告三界，次歷關諸天，次勅制地祇，次頒元始符命，次焚燎，次舉度人無量天尊，次宣功德牒，次法師召神，次度三塗五苦門，次請五方童子送靈，次引靈謝恩，次引靈詣升度所，次焚簡頌焚燎，次法師行超度法，次回向讚善。

散壇節次

先集靜默堂序立，次齋官上香設拜，次舉金闕化身天尊，次華夏引至壇參西三幕、高功上香，次參東二幕如建壇儀，次至玄師幕序立，次高功上香、默奏齋意，次唱道讚，次華夏讚、引高

功升壇入戶、上十方香歸位，齋官上香歸位，次各禮師衛靈呪，次鳴法鼓、發鑪稱法位、關啓禮十方日從東起，夜從北起、懺三業禮經、三啓三禮次第如科並同宿啓儀，次高功旋行、收五方真文、隨方讀文、如敷露之儀、讀文畢、令侍經執真文於香上熏之，次高功宣真文大呪，次衆官隨聲呪之畢置案上，隨表焚之，次都講唱重稱法位，次高功上香、衆官長跪，次宣詞、齋官跪鑪如儀，次高功拜表，次宣表，次露表，次遣表，次封表，次威儀迎表下壇、監齋押之，次焚表及青詞真文天門上，次高功伏表，次唱表詞以聞，次焚章頌，次納官，次高功上香、都講唱、長跪還戒如法，次高功還戒，次還戒頌，次告山簡宣畢、衆官再拜，次弟子執簡橫於香上、高功面東呪之，次衆官同聲呪簡，次告水簡如山簡儀，次告土簡如上儀，次投龍簡頌，次高功長跪，次都講唱、衆官納職各於三寶前禮一拜，長跪授簡，高功又三拜退。高功授職簡畢，二禮還本位立，次高功復鑪，次高功上香、面東立辭謝三寶，次三塗五苦頌、旋行下

榜，次引齋官升天門出地戶、隨衆官旋行一周歸位立，次三才及萬物頌、下東方南方榜，次大賢謹茲戒頌、下西方北方榜，次罪福不由它頌、下東南西南方榜，次淫泆爲禍首頌、下西北東北方榜，次宿命有信然頌、下上方下方榜，次人命消易盡頌、下天門地戶榜，次大賢樂經戒頌、下日月門榜，次解壇頌，次學仙頌出壇，次詣五帝幕、高功上香辭謝，次齋官上香設拜，次送五帝頌，次詣三師幕、高功上香辭謝，次齋官上香設拜，次送三師頌，次詣監齋幕、高功上香辭謝，次齋官上香設拜，次送監齋頌，次詣三官幕、各上香辭謝如上儀，次送三官頌，次詣天師幕、辭謝如上儀，次送天師頌，次詣玄師幕、高功齋官上香，次回向讚，次高功啓謝玄師，次送玄師，次送玄師頌，次讚引高功歸堂，次衆官三禮跪謝、高功又三禮，次齋官九禮三伏致謝、高功交賀禮成，次揖主者歸位。

設醮節次

先排辦醮筵如法，次道衆集靖室，

次遣法師一人、行禁壇法事，次華夏讚引法師入戶，次旋醮壇行香一周、依班序立，次齋官上香設拜，次唱道讚，次法師開啓，次開堂頌，次唱各禮師存念如法，次法師宣衛靈呪，次唱鳴法鼓二^①十四通，次法師發鑪，次唱長跪出官如法，次法師出官，次唱各稱法位，次法師上啓，次降聖，次齋官上香設拜。次法師躬身讚云：三清上聖，俯降道場，合醮真靈，列班朝禮。次法師又讚云，十方真聖，三界威靈，朝禮既周，各升醮座。次點茶進酒，次法事繞醮壇行香一周、至案前立，次奏長吟法事，次唱各稱法位，次法師入科，次宣科，次齋官跪鑪如儀，次法師入科，次法師齋官上香、初獻酒，次法事行香、如初獻儀，次法師上啓，次法師齋官上香、三獻酒，次法事行香、如初獻儀，次奏車輦錢馬，次宣功德都疏，次法師重啓，次送神頌，次長跪納官，次復鑪，次法事至焚燎所，次焚詞頌，次回向念善，次唱設醮事畢、衆官復位。

无上黄籙大齋立成儀卷之三十七

①「二」原爲「一」，誤，今改。

无上黄籙大齋立成儀卷之
三十八

三洞法師冲靖先生留用光傳授
太上執法仙士蔣叔輿重修

聖真班次門

齋壇聖位

太上无極大道，至真无上三十六
部尊經真文寶符，太上三尊十方聖衆
玄中大法師。

右三寶位，設於壇心，前安神
經，上施寶蓋，設帳座，供養如
法。

六幕聖位總十四位

三天化主玄中大法師真君，東方
安寶華林青靈始老青帝九炁天君，南
方梵寶昌陽丹靈真老赤帝三炁天君，
中央玉寶元靈元老黃帝一炁天君，西
方七寶金門皓靈皇老白帝七炁天君，
北方洞陰朔單鬱絕五靈玄老黑帝五炁
天君，三天大聖都天大法天師正一静

應真君，靈寶經師真君，靈寶籍師真
君，靈寶度師真君，玄都元陽七寶紫微
宮總主上真自然大聖上元一品賜福天
官大帝君，中元太陽洞耀元君二品赦
罪地官元虚洞靈皇帝君，下元金靈洞
陰大帝三品解厄水官洞真太皇元光皇
帝君，靈寶監齋大法師真君。

監齋位

法籙真仙靈官將吏，虚空監察日
直真官香官驛吏，當境土地里域真官。

右三位，列於齋壇門外，遥對壇
所。

某處城隍大王，監壇某神。謂元請監
壇者，正齋，每日獻齋監齋大法師時，亦獻齋食。

右二位，列於大門外。

鍊度堂聖位

大羅玉清無極無上至真大道太上
三尊，北極紫微大帝，太一救苦天尊，
南極長生大帝，朱陵度命天尊，南極真
王朱陵大帝，九天生神上帝，三十二天
帝君，東華木公上相青童道君，九靈太
妙白玉龜臺夜光金真萬炁祖母元君，
五帝護魂侍魄養炁通血中主君，靈寶

五師真君，度人不死尊神道君，度世司馬好生韓君鍊度成仙真君，南上司命司錄延壽益筭度厄上生真君，迴骸起死監生度命真君，南極九華真人，南斗陶魂北斗鑄魄君，三省五府真宰，南陵樞府朱陵火府真宰，南昌上宮受鍊司黃籙院真宰，五嶽總領真君，靈寶鍊度無量度人仙衆，火鈴靈童九光童子，黃華玉女東井玉女，靈寶赫奕仙曹九鍊真司靈官仙吏，丹天左右侍衛大將軍，混元十二炁化生大將軍，掌水池火池使者、主水主火大將軍，飛元聚靈召神諸使者，六甲六丁諸大將軍、金童玉女，南陵樞府、朱陵火府、受鍊司、黃籙院、主執官童將吏、功曹神吏，玄都金龍驛吏、察命童子、護戒威神、六宮掾吏，虛空監察、直符直事、直日功曹、應感威靈，歲德尊神，土地里域真官。

聖位三十有六，或分或合隨宜，壇席狹處，臨鍊度夜，供設醮獻亦可。聖位皆與鍊度科相關，不可刪動、以類相從併合之。

神虎堂聖位總十二位

北斗七元真君，北斗玄冥太一夫人，太一紫元神虎夫人，神虎玉札七夫人，天一北祚神虎大聖，神虎雄左玉曹玄伯，神虎雌右武鸞主吏，神虎提魂攝魄倒生玄司七玉女，上部追魂使者，中部追魂使者，下部追魂使者，神虎追魂攝魄官將功曹吏兵等。

壇席狹處，臨發玉札時，請召醮獻。

拜章聖位共三十六位，三清御位在外

祖師三天扶教輔元大法師正一靜應真君，正一女師真人，正一嗣師真人，正一系師真人。

右供設於東序。

上元道化真君，中元護正真君，下元定志真君，三天門下上章曹治引進真君，三天門下上古典者，二十四炁建節監功大將軍，高功治中真炁功效煞驛亭令丞四部監章按章從事，呈章錄章從事，通章禦章從事，定章校章從事，齋章刺章從事，五伯印章從事，直使正一治病功曹，左官右官使者，陰陽

神決吏，科車赤符吏，剛風騎置吏，驛馬上章吏，飛龍騎吏收食吏，小吏十二書佐，一緋衣使者，金光童子，五方夷蠻戎狄三秦老君，玄元始炁十二時辰甲子諸官君，里中真官注炁監察考召諸君將吏，四面方位山川谿谷社稷將吏，天官某章中諸靈官典者，直日直神從官將吏。扶衛章書一切官吏，法籙治職仙靈將吏，當境土地里域真官。

右設席供於西序。

醮筵聖位總三百六十位

玉清聖境虛無自然元始天尊妙無上帝，上清真境太上道君靈寶天尊虛皇上帝，太清仙境太上老君道德天尊混元上德皇帝。

右用第一等，請獻狀稱，道慈御座。

正筵御位第二列當中鋪設，離三清御座三尺許令可

太上開天執符御曆含真體道昊天玉皇上帝。

右用第一等，請獻狀稱，道慈御座。

正筵御座左第二列東西各離昊天三尺許，令旋繞

勾陳星宮天皇帝，太微南極長生大帝，九幽拔罪天尊。左列御位，三用第一等。請獻狀稱，天慈御座。

正筵御座右第二列

紫微中天北極大帝，東極宮中大慈仁者尋聲赴感太一救苦天尊，承天效法厚德光大后土皇地祇。

右列御位，三用第一等。請獻狀帝尊稱，天慈御座。后土稱宸慈。右正筵御座，共十位。

左列第一班醮位

无上玄老十方大聖至真諸君丈人，東方無極太上靈寶天尊，南方無極太上靈寶天尊，西方無極太上靈寶天尊，北方無極太上靈寶天尊，東北方無極太上靈寶天尊，東南方無極太上靈寶天尊，西南方無極太上靈寶天尊，上方無極太上靈寶天尊，下方無極太上靈寶天尊，十方救苦天尊，上元日宮皇極天尊，中元月宮正一天尊，下元星宮衆妙天尊，

洞淵三昧無量上上太一天君三洞天尊，靈寶至真明皇道君。

左列第一班從醮御位，十有七，用第二等，請獻狀降聖稱，天慈醮座。

左列第二班醮位

五福十神太一真君，太丹炎光鬱明太陽帝君，木德歲星重華真君，火德熒烺星執法真君，土德鎮星地侯真君，金德太白星天皓真君，水德辰星伺晨真君，羅喉神首建星真君，計都神尾墜星真君，天□紫炁星君，太一月孛星君，南斗天府司命上將鎮國真君，南斗天相司錄上相鎮嶽真君，南斗天梁延壽保命真君，南斗天同益筭保生真君，南斗天樞度厄文昌鍊魂真君，南斗天機上生監簿大理真君，周天三百六十五度分星君，日月星宿真人神仙玉童玉女，東斗主筭星君，西斗記名真君，南斗上生真君，北斗落死真君，中斗大魁星君，上清十華真人，靈寶經師真君，靈寶籍師真君，靈寶度師真君，三天化主玄中大法師真君，三天大聖都

天大法天師真君，靈寶監齋大法師真君，三清上境天真皇人，十方無極飛天神王長生大聖無量度人君，九天丈人儲福定命真君，九天好生韓君丈人，九天司錄司馬延壽益筭度厄真君，九天玉輔上宰四協侍宸迴骸起死監生大神，九天掌籍掌筭注生注祿運炁定貴續命真君，九天萬福定錄定命保命散禍消災真君，九天高明大使神功妙濟真君，九天諸司真君，天蓬都元帥真君，天猷副元帥真君，詔聖應感儲慶保德真君，佑聖鎮天真武靈應真君，南昌上宮受鍊司真宰，朱陵火府真宰，黃籙院真宰，興生獨隸可韓功都聚魂五府真宰，玉清元始法師總仙上真，一洞寶經九等法籙上聖高真翊衛仙靈，三界五帝大魔王，上元道化真君，中元護正真君，下元定志真君，上清十二宮神君，三天門下諸宮曹治真宮直日典者，三天門下引進真仙上章詞表靈官，齋主本命元辰、大小行年、驛馬將吏等、四司五帝、感應真靈。

右列第二班，上界醮位，六十第

三等。請獻狀降聖稱，聖慈醮座。

左列第三班醮位

中元太陽洞耀元君一品赦罪地官元虛洞靈皇帝君，北陰玄天酆都大帝，九壘三十六土皇君，九壘三十六洞仙王官屬，北陰玄滋太陰五炁靈君，北帝佐理玄滋真君，高皇九土四司五帝十二仙君九宮真人神仙靈官，東嶽太靈蒼光青帝真君，南嶽慶華紫光赤帝真君，西嶽素光曜魄太明白帝真君，北嶽鬱微洞淵无極黑帝真君，中嶽黃元太光含真黃帝真君，五嶽丈人儲副正職佐命大神^①，五嶽飛仙真人神仙靈官，五嶽總領真君，東嶽天齊仁聖帝，南嶽司天昭聖帝，西嶽金天順聖帝，北嶽安天元聖帝，中嶽中天崇聖帝，東嶽司命上卿佑聖真君，四嶽上真司命真君，五嶽下諸王公侯判官等衆。十大洞天仙官，三十六洞天仙官，七十二福地仙官，二十八治化仙官，名山洞府一切得道神仙。地府大素妙廣真君，地府陰德定休真君，地府洞明普濟真君，地府

玄德五靈真君，地府無上證度真君，地府飛魔演慶真君，地府五化威靈真君，中元洞空青靈宮左耐犯明晨府主生太陽火官，中元洞空青靈宮右紂絕陰天府主死太陰水官，中元洞空青靈宮中七非恬照府主生死罪錄官，中元南洞宮左諒事府主生太陽火官，中元南洞宮右宗靈府主死太陰水官，中元南洞陽宮中靈紐神府主生死罪錄官，中元北酆宮左連宛泉曲府主生太陽火官，中元北酆宮右泰煞九幽府主死太陰水官，中元北酆宮中罪炁咸池府主生死罪錄官，中元三官九府四十二曹一切真靈官屬。酆都紂絕陰天宮洞仙官官屬，酆都泰煞諒事宗天宮洞仙官官屬，酆都恬照罪炁天宮洞仙官官屬，酆都宗靈七非天宮洞仙官官屬，酆都敢司連宛天宮洞仙官官屬，酆都明晨耐犯武成天宮洞仙官官屬，酆都休明總靈天宮洞仙官官屬，酆都玄司重正天宮洞仙官官屬，酆都真正紹靈司天宮洞仙官官屬，酆都玉紀明晨天宮洞仙官官屬，酆都赤映雲曲天宮洞仙官

官屬，酆都統仙昇靈天宮洞仙官官屬，酆都希微正真天宮洞仙官官屬，酆都司命司錄司功司煞君，酆都諸大魔王九億鬼王，酆都鬼官北斗君三官都禁郎，酆都四明公賓友僚屬，地府崔府君，酆都六道都案主者，地府掌功德注生死冥官，地府掌籍掌筭注財注祿判官，地府轉輪六道大神分配四生使者，地府諸司曹屬諸大判官主者。

左列第三班，中界醮位，自中元地官起，至地府崔府君，六十六位，用第三等。請獻狀降聖稱，聖慈醮座。自六道都案至諸司曹，屬諸大判官，五位用第四等。請獻狀降聖稱，神慈醮座。

左列第四班醮位

青州社令主者，徐州社令主者，豫州社令主者，冀州社令主者，梁州社令主者，荊州社令主者，揚州社令主者，雍州社令主者，兗州社令主者，五道大神，八卦大神，靈壇四靈神君，中界直符使者。

左列第四班醮位，總十有三用，

第四等。請獻狀降聖稱，神慈醮座。

左列第五班醮位

九幽掌記主者，冥關幽路主者，幽臺墓吏蒿里丈人，太歲尊神，太歲下六十甲子諸官君，太歲下一百一十位官府神祇，七十二禁忌神將，五瘟年王月將炁候主者，天下都大城隍大王，本州城隍大王，監壇某神，本屬祀典、廟貌香火、一切正神、當境土地，里域真官，司命神君、十二禁將，承差諸處，沿路土地。

左列第五班，中界醮位，總十有四，用第四等。請獻狀降聖稱，神慈醮座。

左列五等醮位總一百七十五

右列第一班醮位

玉虛上帝，三清紫虛元晨高玄虛皇大道君，九天上帝，東方八天帝君，南方八天帝君，西方八天帝君，北方八天帝君，東方青靈始老青帝九炁天君，南方丹靈真老赤帝三炁天君，西方皓靈皇老白帝七炁天君，北方五靈玄老

黑帝五炁天君，中央元靈元老黃帝一炁天君，高上神霄玉清真王長生大帝君，青華大帝君，九天採訪使應元保運真君南極真王朱陵大帝，東華木公上相青童道君，九靈太妙白玉龜臺夜光金真梵炁祖母元君。

右列第一班，從醮御位，十有七，用第二等。請獻狀降聖稱，天慈。玉虛道君、青華採訪、本公金母，稱洪慈，並醮座。

右列第二班醮位

上清九老仙都君，黃華素曜元精聖后太皇君，北斗中高上玉皇尊星君，北斗中太微玉帝北極玄卿大帝君，北斗天樞貪狼陽明星皇君，北斗天璇巨門陰精星皇君，北斗天機祿存真人星皇君，北斗天權文曲玄冥星皇君，北斗玉衡廉貞丹元星皇君，北斗闔陽武曲北極星皇君，北斗搖光破軍天關星皇君，北斗洞明外輔星皇君，北斗隱元右弼星皇君，北斗玄冥太一夫人，三台華蓋星君，東方角亢氏房心尾箕七宿星君，北方斗牛女虛危室壁七宿星君，西

方奎婁胃昂畢觜參七宿星君，南方井鬼柳星張翼軫七宿星君，青帝護魂真君，白帝侍魄真君，赤帝養炁真君，黑帝通血真君，黃帝中主真君，上清玄一三真君，玉清上相，泰玄上相，天機上相，天樞上相，北極天心丞相真君，泰玄知省真君，天樞知院真君，玄都元陽七寶紫微宮總主上真自然大聖上元一品賜福天官大帝君，天曹太皇萬福真君，天曹定名玉曆延生保命真君，天曹延壽益筭注生勾死真君，天曹消灾散禍扶衰度厄真君，天曹司錄司命司非司危真君，天曹司罰司厄司煞司刑真君，天曹掌籍掌筭掌生死祿籍真君，天曹諸司真君，玉府五雷使院真君，玉樞五雷使院真君，北帝斗下雷司五雷上聖，元始符命真文寶籙一切真仙靈官騎吏，上元紫微宮左府主生太陽火官，上元紫微宮右府主死太陰水官，上元紫微宮中府主生死罪錄官，上元太極左宮左府主生太陽火官，上元太極左宮右府主死太陰水官，上元太極左宮中府主生死罪錄官，上元太極右宮左

府主生太陽火官，上元太極右府主死
太陰水官，上元太極右宮中府主生死
罪錄官，上元三宮九府三十六曹一切
真靈，上界真符使者，年直功曹使者，
月直功曹使者，日直功曹使者，時直功
曹使者。

右列第二班，上界醮位六十，用
第三等。獻狀降聖稱，聖慈醮
座。

右列第三班醮位

靈寶官屬領仙監齋諸君吏，六甲
官將六旬玉女社稷將吏兵虛空一切靈
司，三五功曹左右官使者，侍香金童傳
言玉女五帝直符直日香官，無上三天
執法開化陰陽功曹度道消灾解厄君
吏，二十四治建節監功大將軍，四部監
功謁者，仙靈直使正一治病促炁三部
功曹等，左右官使者陰陽神决科車赤
符罡風騎置吏等，驛馬上章飛龍騎吏
天仙飛仙騎吏等官，上部中部都官使
者，郎吏虎賁察姦鈎騎都官僕射天丁
力士天騶甲卒等吏，收食鬼神精邪毒
炁騎吏誅符破廟吏等，天地神真日月

星宿兵馬騎乘等，十天承受玉女上奏
靈官受事功曹，雷霆律令三大元帥靈
寶大法司天將天兵，北魁玄範府神虎
追攝官君聖衆，天一北祚神虎大聖玉
女三部使者等，靈寶鍊度主職官童將
吏，丹天左右侍衛大將軍，靈寶鍊度無
量度人仙吏，南昌上官鍊度仙衆，朱陵
火府鍊度仙衆，南陵樞府鍊度仙衆，鍊
度生化諸大將軍，飛元聚靈諸使者，靈
寶九鍊真司靈官仙吏，靈寶局中天醫
大神六職治官靈官功曹神吏，六甲六
丁大神將金童玉女，玄都茭龍驛吏地
府齋簡童子九龍符命使者，玄都金龍
驛吏火府齋簡童子，察命童子護戒威
神五帝直符六宮掾吏，太玄真一童子
夜光玉女，龍虎騎吏三元將軍，玉樞五
雷院雷將雷兵，天樞驅邪院神將神兵，
黃籙會中監臨翊衛宣通召命一切威
靈。

右列第三班，宣通翊衛真靈醮
位，三十八，用第三等。請獻狀
降聖稱，聖慈醮座。

右列第四班醮位

下元金靈洞陰大帝三品解厄水官
洞真太皇元光皇帝君，東霞扶桑丹林
大帝，水府龜臺大帝，水府玄溟大帝，
水府暘谷神王，蓬萊都水監仙官，三元
水府真君，水府雷師上聖五雷使者風
伯雨師，下元暘谷洞源宮左清源靈淵
府主生太陽火官，下元暘谷洞源宮右
九水寒夜府主死太陰水官，下元暘谷
洞源宮中朔單清靈府主生死罪錄官，
下元左清泠宮左齡劫府主生太陽火
官，下元左清泠宮右長夜寒庭府主死
太陰水官，下元左清泠宮中靈寶劫刃
府主生死罪錄官，下元右羅酆宮左開
度劫量府主生太陽火官，下元右羅酆
宮右泉曲鬼神府主死太陰水官，下元
右羅酆宮中通靈大劫府主生死罪錄
官，下元三宮九府四十二曹一切真靈
官屬，水府洞淵龍王，水府元君丈人侯
伯掾吏神仙靈官，四海四聖廣德廣利
廣潤廣澤王，水府漢楚湘浙吳川楊松
荆江水帝，江河淮濟四瀆源王，水府福
善順聖昭信王，十二河源仙官，溟泠大
神，十一溪真，五湖七澤大神當境溪洞

陂池川澤龍神，下界直符使者，水界主宰一切威靈。

右列第四班，下界醮位，三十，用第三等。請獻狀降聖稱，聖慈醮座。

右列第五班醮位

東方道都大主者，南方道都大主者，西方道都大主者，北方道都大主者，東北道都大主者，東南道都大主者，西南道都大主者，西北道都大主者，上方道都大主者，下方道都大主者，東方風雷地獄主者，南方火翳地獄主者，西方金剛地獄主者，北方溟冷地獄主者，東北方鑊湯地獄主者，東南方銅柱地獄主者，西南方屠割地獄主者，西北方火車地獄主者，中央普掠地獄主者，酆都八大地獄主者，酆都十八大地獄主者，酆都三十六地獄主者，酆都三官二十四地獄主者，酆都九幽無間諸大地獄主者，五嶽地獄主者，四瀆十二河源地獄主者，地府三司六曹太山七十四司冥官考吏，三元六宮嶽瀆河源考官官屬，巨天力士執罰神兵牛頭

獄卒神吏，地水冥曹幽獄一切主者考官掾吏。

右列第五班，冥官醮位，三十，用第四等。請獻狀降聖稱，神慈醮座。

右班五等醮位總一百七十五

鋪設醮筵、隨宜區處，須是務在嚴肅。每排醮位一班訖，各空却數位方排去，不可與次班醮位相連。蓋真仙品秩，既非俗見可定高下。分爲三界，各從其類，請降庶幾不致混雜。建醮之家，力不辦三百六十位者，或二百四十，或一百八十以下則不可，蓋聖位合不去。却將三界聖位，合并揆數，不可使有遺漏也。醮名謝恩，蓋謂建齋已畢，設醮酌賞，宣通召命監臨翊衛之真靈耳。法錄真仙，醮位比舊儀添入甚多，蓋大於此，其詳已見醮說。今世反之，是不明杜廣成之意也。若欲削去繁文，務合古法，却在貫通三洞之

士，審酌行之。

靜默堂師位

簡寂先生陸真人 諱修靜

清都先生張真人 諱萬福

廣成先生杜真人 諱光庭

右三位，隨宜設之

无上黄錄大齋立成儀卷之三十八

①「神」原作「伸」，誤，今改。

无上黄籙大齋立成儀卷之三十九

三洞法師冲靖先生留用光傳授
太上執法仙士蔣叔輿重修

圖式門


告盟寶旛

以黃大絹造旛一首，長四十九尺。

旛頂墨書，臣謹謹上奏，五字。旛身書，太上无極大道、至真无上三十六部尊經、真文寶符、太上三尊、十方衆聖、玄中大法師、三界官屬、一切威靈、伏望恩光、鑒臨齋事，四十九字。旛兩手足分書，上清三洞弟子某位臣姓某今據鄉貫入齋意，至福祐見存，臣據詞難抑，謹集法籙道士一壇，依下元黄籙簡文靈仙品格，建立靈壇。擇日崇修无上黄籙大齋，三白三夜，九時行道。預依次第，宣演真科。拜奏章書，頒行符命。遷拔罪爽，開赦幽沉。然燈續明，請光破獄。普施無碍斛食，攝召預薦亡魂。

沐浴更衣，朝真聽法。傳符授戒，鍊度超生。滿散拜表言功，投龍進簡。祇設清醮，三伯六十分位。上謝洪恩，所集善功，總資升濟。仰祈恩霈，普濟存亡。謹露齋誠，遍伸奏告。

旛式如左



遷神寶旛

以黃大絹造旛一首，長四十九尺。


旛頂墨書，遷神寶旛，四字。旛身書，東極宮中大慈仁者，發弘誓願、普救衆生、尋聲赴感、應念垂慈、太一救苦天尊空數字上帝垂文、寶旛遷神、亡靈受度、仙化成人。兩手足分書，東方玉寶皇上天尊，南方玄真萬福天尊，西方太妙至極天尊，北方玄上玉晨天尊，東方太方度仙上聖天尊，東南方好生度命天尊，西南方太靈虛皇天尊，西北方無量太華天尊，上方玉虛明皇天尊，下方真皇洞神天尊，大慈大悲救苦真人，大慈

大悲拔罪真人，大慈大悲拔度真人。左足書，破艷都呪。右足書，甘露神呪。

太乙寶旛

以黃絹造長旛，四丈九尺。旛身


書九龍符。兩手足，分書太乙寶誥。符見符命門。不能書大九龍符，止書小九龍符亦可。




命靈旛

以黃絹造旛，長一丈二尺，或二丈


四尺。正身墨書，朱陵度命天尊空三字，太微迴黃旗，無英命靈旛。攝召長夜府，開度受生魂。兩脚分書，超度亡過某乙，神識往生天界。





超度寶旛

以黃絹造旛，長一丈二尺，或二丈四尺。身書超度化升天尊空三字，太上垂慈，祥光下覆。九幽停刑，衆魂俱度。兩脚分書，追薦亡過某乙，神識往生天界。




回耀靈旛

以絳絹造旛，長九尺。旛首捺金泥，書中斗之形。旛身用墨，大篆回耀靈幡四字空三字，書轉輪聖王天尊。左手彩畫日形，書太陽鬱儀帝君六字。右手彩畫月形，書太陰結璘皇君六字。兩足分書，回耀頌：回耀紫微宮，曲映九幽戶。峨峨丘寒池，回照廓冰浦。炎炎烈火獄，霈然洒法雨。拔度長夜


魂，上登朱陵府。

如單栖寒士，則以紙造。



九獄燈旛

用青紙造旛九首，各長九尺九寸。頂書破獄救苦真符見符命門。旛身書，本方救苦天尊號。兩手分書，符呪誥文。兩足分書，上清寶籙真符，告下某方某獄。每獄用黃泥墩子一箇，以青竹植旛一首。復用黃紙造旛九首，篆九天生神符見符命門。破獄時，焚青旛訖，却換黃旛標之。



東方風雷地獄

旛身書，玉寶皇上天尊。告文：九炁青華，光耀風雷。玉寶慈尊，摧毀戈戟。扶晨通照，魂升太微。神識受鍊，享福無期。一如告命，風火驛傳。

南方火翳地獄

旛身書，玄真萬福天尊。告文：

三炁丹華，光徹火翳。萬福慈尊，蠲消火池。化成青團，甘涼瑩肌。苦魂承恩，逍遙無爲。一如告命，風火驛傳。

西方金剛地獄

旛身書，太妙至極天尊。告文：

七炁素華，照徹金剛。太妙慈尊，摧鋒滅亡。刀化騫林，劍變栢桑。魂魄受度，與日同光。一如告命，風火驛傳。

北方溟泠地獄

旛身書，玄上玉晨天尊。告文：

五炁蒼華，光徹溟泠。玉晨慈尊，冰消雪城。溫生寒廓，毒汗澄清。魂獲妙果，飛昇香林。一如告命，風火驛傳。

東北方鑊湯地獄

旛身書，度仙上聖天尊。告文：

梵炁晨華，徹照鑊湯。度仙上聖，威感無方。沸湧澄息，化甘泉漿。亡爽生神，遙升天堂。一如告命，風火驛傳。

東南方銅柱地獄

旛身書，好生度命天尊。告文：

生炁之華，下照東南。銅柱摧落，

炎焰息閑。好生度命，普濟無間。苦魂解脫，升度玉壇。一如告命，風火驛傳。

西南方屠割地獄

旛身書，太靈虛皇天尊。告文：

黃華月輝，透降坤維。鐵城摧毀，屠割停威。虛皇慈尊，保度浮黎。罪魂登甦，劫刃携持。一如告命，風火驛傳。

西北方火車地獄

旛身書，無量太華天尊。告文：

天光景色，祥華敷光。無量慈尊，除釋鋒鋌。火車摧毀，塗炭消亡。焦骨爛皮，再生清涼。一如告命，風火驛傳。

中央普掠地獄

旛身書，真皇洞神天尊。告文：


三晨玄景，洞照普掠。真皇慈尊，除落考掠。金鎚鐵杖，應時消變。百苦停酸，魂獲快樂。一如告命，風火驛傳。

召攝旛


白絹七尺二寸，中分爲二，作夾旛

二首。各長三尺六寸，以新竹爲竿，長五尺五寸，繫旛於竿稍。面朱書，太乙返真攝魂符。兩足分書，攝召亡故某乙，在會係薦一切亡魂。三魂俱赴，七魄俱來，急速奉行。背書大魁總監召靈符。下兩足分書，台光延生爽靈益祿幽精絕死，尸狗伏矢雀陰吞賊非毒除穢臭肺。左手書，雄左大力追鬼統制百節三魂符吏衆機玉曹玄伯何魁。右手書，雌右武鸞提魂攝魄倒生玄司飛符玉札主吏喬魑。如是普召旛下書云，攝召六道四生、孤魂滯魄、十方九幽、一切罪魂。

正面




背面




召幽魂旛

正面




背面



五方旛各以本方繒爲之，長五尺。


旛正面書，五方衛靈符。背面書，五帝鎮壇符。




三十二天旛

東青旛八。南，絳旛八。西，白旛八。北，皂旛八。各長三尺二寸，或二尺四寸。或依度人經法，以黃綠青赤蒼黑碧紫白九色相間爲之。亦可太黃

皇曾天用黃，太明玉完天用綠，以次相間，終於賈奕天用蒼。面書天名，背書三十二天符。符出靈寶大劫經。諸靈寶齋壇席，能以此拘定四方，依儀行事，即是壇場，不可闕也。三十二天符，又見洞真上宮太真科元洞九天生神寶命齋儀。各不同。



九獄燈圖



玄師曰：法天象地，方圓為式。九幽陰曹，主罪憲職。羅酆東南，是其所也。按太一聖真科，以土石作壇九所，方面二尺。九壇自方六尺，以法地之陰極，二六之象。每壇作四圍三曲，如獄之形。一壇明燈，三炬九壇，共然

二十七燈。又於九壇之中心立牌，並面書玉清破地獄真符，背書獄名。傍立青竹九竿，各長九尺，各掛小幡一首，書十方靈寶天尊聖號。於幡首，書酆都符。俟破獄之時，侍燈法師宣破獄儀，逐方用度。法師執靈寶策杖，詠破獄呪。衆和十方救苦天尊，即就燈化符於獄上。法師以策杖破獄，燒却青幡了，復掛黃幡。如此則地獄開光，亡爽登真。

九幽燈圖

洞玄靈寶元始天尊說三塗五苦拔度妙經曰，濟度拔亡，然燈為上。五方八極，地獄幽牢，在極陰之鄉，長夜之境。死魂囚閉，不見三光。冥闇之間，經諸考掠，宜造一燈樹，然九卮燈，自初終亡，至于七七。燈光相續，下照九幽。睹此光明，即當解脫。今可中樹一竿，然九燈。次第相續，為九九八十一燈。以普照重昏，開度苦爽。

回耀輪燈圖

玄師曰，盟真之科，有回耀降光之格，懺除五累苦門，開生死之業道，破

黑暗之罪庭。法用梓木作輪，如車軸之象。上一層燈，一十二塊；中一層燈，一十六塊；下一層燈，二十一塊。共四十九塊。中央五累苦門及立牌書寫諸獄名，自依回耀燈儀。仍造四十九首小幡，黃白之色相間，上書諸天尊琅函睿號。於幡首，朱書破酆都符。侍燈法師宣懺燈儀，大法師持策杖，隨懺儀，至每獄立卓杖，念大梵隱語，以柳枝淨水洒之，就燈焚化小繒幡。如此諸獄罪魂，乘陽光應時解脫諸苦，斷除五累煩惱，逕離塵勞之業根。

右按本科如此，今世久廢不用。宜做蔡致虛、路時中儀，以沙為之，外方內圓，徑九尺，凡三重，如車輪樣。第一外圍，二十四輻。第二中圍，十五輻。第三內圍，九輻。當中立回耀靈幡一首，然燈一盞。內圍九輻，安燈九盞，於燈後立三惡門、三尸道、三徒界標榜。中圍十五輻，然燈十五盞。於燈後立五累、五道、五苦門標榜。外圍二十

四幅，然燈二十四盞，於燈後立二十四獄標榜。又以黃白相間，造小幡四十九首，隨燈布之。懺燈畢，悉於燈上焚化幡榜。

內圍旛榜九

色欲門	元靈隱耀天尊
上尸道	威德寶際天尊
天徒界	普照幽明天尊
愛欲門	隨機赴感天尊
中尸道	虛皇普濟天尊
人徒界	大慈救苦天尊
貪欲門	慈悲救度天尊
下尸道	無邊普度天尊
中圍旛十五	
人道	元洞玉晨天尊
色累苦心門	普光弘濟天尊
太山地獄苦道	弘慈廣濟天尊
神道	通光普照天尊
愛累苦神門	法輪開化天尊
風刀地獄苦道	靈源普潤天尊
鬼道	慈悲惠愛天尊
貪累苦形門	神光廣被天尊

攄山負石苦道 玄上玉華天尊

地獄道 寶光通照天尊

華競苦精門 玉清玄上天尊

作江河苦道 慈恩萬善天尊

傍生門 金華慈慧天尊

身累苦魂門 玄明梵行天尊

吞火食炭苦道 玉真隱韻天尊

地徒界 法力超升天尊

外圍旛榜二十四

監天地獄 廣常慈愛天尊

玄沙地獄 普垂妙澤天尊

無上地獄 開度無量天尊

太真地獄 光明寶華天尊

虛無地獄 隨劫救苦天尊

火庭地獄 尋聲救苦天尊

毒刃地獄 無邊普濟天尊

寒夜地獄 九幽拔苦天尊

律令地獄 妙化無邊天尊

風刀地獄 廣常覆護天尊

九幽地獄 金華廣耀天尊

刑正地獄 聖力無邊天尊

太平地獄 廣大慈悲天尊

清沼地獄 無極快樂天尊

玄陰地獄 輪轉萬變天尊

天玄地獄 廣度沉淪天尊

天一北獄 高皇玉晨天尊

三十六天獄 高靈最妙天尊

元正地獄 慈教廣度天尊

河伯地獄 普垂惠澤天尊

禁罰地獄 廣大無邊天尊

黃天地獄 大弘普濟天尊

累劫地獄 隨念往生天尊


女青地獄 開度宿障天尊

右五苦地獄名，與世科不同，說見度靈儀。



无上黄籙大齋立成儀卷之三十九

生天臺




无上黄籙大齋立成儀卷之四十

三洞法師冲靖先生留用光傳授
太上執法仙士蔣叔輿編集

符命門

救苦真符 一曰東華青宮九龍金籙




長生靈符 一曰南昌上宮紫微鍊真之籙



靈寶大法，告長生符簡，關金龍驛

吏，告救苦符簡，關茭龍騎吏第符形多舛訛，又所傳悉無呪訣，故中表形修書，不暇修入。然世師承用既久，恐不可廢。今附見于後，乃林慧靈所修正者。

玄都茭龍騎吏符




玄都金龍驛吏符



好生韓君丈人，
度人不死之神，
南極長生之君，
度世司馬大神。

太上敕赦生天寶籙



太上生天寶籙
 唵吽吒唎。上三寸書符，下六寸書告文，
 告文分五行。

玉清拔幽魂符

玉清破地獄真符

玉清破地獄真符

東極青宮九龍符

東極青宮九龍符

青宮大九龍符

青宮大九龍符

青玄破豐都符



破九嶽符

東南方
 東南方
 東南方
 東南方

北方
 中央
 北方
 北方

東南方
 東南方
 東南方
 東南方

酆都山真形




回光符


三晨慧光符

太乙混元玉札

陽札。子寅辰午申戌，六陽日告札用。
 陰札。丑卯巳未酉亥，六陰日告札用。



神虎二大聖符




伯玄左雄




吏主右雌


神虎三部使者符 一本書姓諱於符下



部上




部中




部下


太乙返真攝魂符




大魁總監召靈符




五方衛靈符




方東




方南



方西




方北




央中


五方鎮壇符




方東




方南



方西




方北




央中


太皇黃曾天東方八天




大明玉完天




清明何童天




玄胎平育天




元明文舉天




上明七曜摩夷天




虛無越衡天




太極濛翳天




赤明和陽天南方八天




玄明恭華天




曜明宗飄天




竺落皇笏天




虛明堂曜天




觀明端靜天




玄明恭慶天




太煥極瑤天




元載孔昇天西方八天




太安皇崖天




顯定極風天




始皇孝芒天




太皇翁重浮容天




無思江由天




上揲阮樂天




無極曇擔天




皓庭霄度天北方八天




淵通元洞天




太素秀樂禁上天




太文翰寵妙成天




太虛無上常融天



玉釋玉隆騰勝天



龍變梵度天



太極平育賈奕天

無上黃籙

無上黃籙大齋立成儀卷之四十

無上黃籙大齋立成儀卷之

四十一

太上執法仙士蔣叔輿編集

符命門

五方真文玉字

東方真文

太上靈寶東方八天自然玉字青帝

九炁天文。每一行分作八字書。

東方真文玉字篆書，共九行，每行八字。

南方真文篆書，第一行。

南方真文篆書，第二行。

南方真文

太上靈寶南方八天自然玉字赤帝

三炁天文。

南方真文玉字篆書，共三行，每行八字。

西方真文

太上靈寶西方八天自然玉字白帝
七炁天文。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

北方真文

太上靈寶北方八天自然玉字黑帝
五炁天文。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

中央真文

太上靈寶大羅之天自然玉字黃帝
一炁天文。

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

昇天四保舉符
元始符命

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

歷關諸天

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

普告三界

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

敕制地祇

𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎
𠄎𠄎𠄎𠄎𠄎𠄎𠄎𠄎

右券符文

齋
醮
齋
醮
齋
醮
齋
醮

百
壇
醮
醮
醮
醮
醮
醮

靈
門
靈
門
靈
門
靈
門

靈
門
靈
門
靈
門
靈
門

靈
門
靈
門
靈
門
靈
門

靈
門
靈
門
靈
門
靈
門

靈
門
靈
門
靈
門
靈
門

生
生
生
生
生
生
生
生
靈
門
靈
門
靈
門
靈
門

左券背文

靈
門
靈
門
靈
門
靈
門

靈
門
靈
門
靈
門
靈
門

靈
門
靈
門
靈
門
靈
門

燦
燦
燦
燦

靈
靈
靈
靈

靈
靈
靈
靈

靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

靈
靈
靈
靈
靈
靈
靈
靈

洞玄靈寶長生度命黃籙

太上洞玄靈寶長生度命無上黃籙

維太歲 某甲子某年某月某朔某日某辰

鄉貫某人，伏為亡親某人同青詞語至上謝天

恩仍就 黃籙齋壇，乞傳授太上洞玄靈

寶長生度命無上黃籙一階，付某乙靈魂

賈執，過度三界，超升九天。謹按經云，元始天尊昔在九清妙境、三元宮中，與諸天聖眾，敷弘至妙，開化人天，標記善功，注名黃籙，金格玉簡，陳列三清。一一地獄，皆見十方救苦天尊，入於九幽，拔度諸苦。天尊普告四眾，汝等若能受持金籙白簡，九真妙戒，長生靈符、救苦真符，當消九幽大罪，標名九宮。察命童子、護戒威神、五帝直符、六宮掾吏，自當隨逐簡文，覆護受戒。弟子今當為汝顯說九真妙戒、金籙白簡，受持功德，救難濟苦，神力難思。眾靈稽首，伏聽教命。

天尊告曰：

- 一者敬讓，孝養父母。
- 二者克勤，忠於君主。
- 三者不殺，慈救眾生。
- 四者不淫，正身處物。
- 五者不盜，推義損己。
- 六者不嗔，兇怒凌人。
- 七者不詐，誣賊害善。
- 八者不驕，傲忽至真。
- 九者不二，奉戒專一。

護戒威神



南昌上宮度命寶錄
正度亡靈某乙受錄


童子命察



度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度
度	度	度	度	度	度	度	度	度	度

无上黄錄大齋立成儀 卷四一

救苦真符



告文

元始符命、金錄白簡、救苦真符告下，十方無極世界、三官九府、百二十曹、五帝考官、九幽地獄、巨天力士、執罰神兵、司命司錄、司功司殺、牛頭獄卒、三界大魔，拔度某乙靈魂，出離地獄，永辭長夜，睹見光明。萬罪蕩除，冤仇和釋。乘此九真妙戒，拔度功德，上生天堂，一如告命。

某歲某年某月某朔某日某辰於黃錄齋壇告下

百二十曹官

長生靈符



告文

元始符命、金錄白簡、長生靈符告下，南方丹天世界、朱陵火府、南昌上官、長生大君、韓君司馬、司命司錄、延壽益筭、度厄尊神、回骸起死、監生大神，超度某乙亡魂，上登朱宮流火之庭，玉眸鍊質，黃華蕩形，書名紫策，受化更生，乘此金錄度命功德，上生天堂，一如告命。

某歲某年某月某朔某日某辰於黃錄齋壇告下

迴骸起死尊神



監生大神



五六三

帝君品命



受度亡過某乙靈魂，即日恭詣黃籙齋壇，拜受

太上洞玄靈寶長生度命無上黃籙一階。如法受持，永充濟拔。人間天上，敬信奉行。一如玄科律令。

某歲某年某月某朔某日某州縣官觀黃籙齋壇給

保舉師具法位姓押

監度師具法位姓押

度師具法位姓押

太上洞玄靈寶長生度命無上黃籙

其長生度命黃籙，止正度亡魂用之，餘不給造籙。用黃紙朱


書玉堂本用青紙金書，彩色繪畫人物了畢，方注亡靈名謂正度靈魂某乙六字。注訖，方作流火亭、火鍊符。印押了畢，以青紫或黃紅之屬標背。用經帶軸頭。如今，宗壇籙檄，亭中人物，即火鍊符也。並依散形書之。右出蔡致虛黃籙儀，玉堂謂之金籙，不如此備。紫英靈書有無上盟真玉匱南昌上宮黃籙。止有籙文，及南昌官吏，中間疑有缺誤處，不修入。

上清度三塗符

上元滅慾斬尸變景流光玉符



中元滅慾斬尸變景流光玉符



下元滅慾斬尸變景流光玉符



上清度五苦符


解形逐變滅度五苦流景玉符




解形逐變滅度五苦流景玉符



解形逐變滅度五苦流景玉符



解形逐變滅度五苦流景玉符



解形逐變滅度五苦流景玉符

五苦流景山

上清四季投簡符

春季

春季符

夏季

夏季符

秋季

秋季符

冬季

冬季符

无上黄籙大齋立成儀卷之四十一

无上黄籙大齋立成儀卷之四十二

太上執法仙士蔣叔與編集

符命門

玉清開通道路符

玉清開通道路符

太乙飛符

如普度用，首名某等。設斛云，六道四生孤魂滯魄等。



靈寶召魂大將軍符

凡攝召公牒及催牒，並粘一道。

靈寶召魂大將軍符

玉清七道功曹符

天道功曹

天道功曹符

地道功曹

地道功曹符

人道功曹

人道功曹符


仙道功曹

仙道功曹符


神道功曹

神道功曹符


鬼道功曹



業道功曹



靈寶召五神混合符



腦符



目符




耳符




心符




肝符



脾符




肺符




腎符




陰符



胞符




胎符



結符




節符




血符




精符




氣符




神符



命符



太上靈寶變食符




玉清真火合同符



玉清真水合同符




火府隱文




道瀛羅紫霄洞

玉清火鍊符




玉清水鍊符




混元十二炁混神三景真符

十二符，各注將軍姓諱，於符下，用之。


一炁六元運陽化陰大將軍符




生腎符




二炁七變混元三景大將軍符




生心符




三炁八迴合元大將軍符




生肝符




四炁九光會靈大將軍符




生肺符




五炁十合陰陽大將軍符




生脾符




六炁十一變靈大將軍符




生膀胱符




七炁十二運化大將軍符




生小腸符




八炁十三陽光大將軍符




生膽符




九炁十四運度大將軍符




生大腸符




十炁十五成陰變陽大將軍符




生胃符




十一炁十六三景混成大將軍符




生三焦符



十二炁十七陰陽合靈大將軍符



生心胞絡符



无上黄籙大齋立成儀卷之四十二


无上黄籙大齋立成儀卷之四十三

太上執法仙士蔣叔輿編集


符命門

五帝玉司符


東方上元玄靈自然八道度仙符




南方下元天靈自然八微玉真符




西方中元皇靈九玄化生八炁紫金符



北方元皇靈都虛微八道金真玉符



中央三元靈微八王黃書真符




靈寶火鍊成仙符



太乙元君鍊身符



飛靈合炁召六甲六丁大將軍符




符下注本
軍將
諱姓

黃炁陽精洞明丹陽鍊度靈符




飛元聚靈召神諸使者符




九使者符同此
各書姓名於其
下依訣用之

王清九陽真炁符


一陽混溟瑋瑤之炁




二陽泛華紫微之炁




三陽天婁鳳車之炁




四陽中女辟邪之炁




五陽太皇微延之炁




六陽化真白灑之炁




七陽絳實子光之炁



八陽天真命仙之炁




九陽太皇寂玄之炁




靈寶九天生神寶符

胞命元第一天真炁通元寶符亦曰八生自然靈飛寶符




胎命元第二天真炁通生寶符亦曰玉真虛生混成靈符




魂命元第三天真炁通陽寶符

亦曰三炁龍玉虛化生自然符



魄命元第四天真炁通陰寶符

亦曰道真空玄九微素光符




臟腑命元第五天真炁通神寶符

亦曰九虛玄生飛靈元精符




靈符命元第六天真炁通仙寶符

亦曰王寶洞微左契理命保真符



元府命元第七天真炁通靈寶符

亦曰虛明左契神化通神符



華府命元第八天真炁通真靈符

亦曰空玄上元三炁化生自然符



嶽府命元第九天真炁長生通玄

寶符亦曰九炁生身三景清微飛生符




上清石景水母王精符




玉清鍊身符




玉清金液鍊形符



靈寶登真度命出離生死靈符




元光金真召六甲六丁金童符



符下書
本旬童
子姓名


靈華紫光召六甲六丁玉女符




符下書
本旬玉
女姓名

三簡靈符


山簡符



水簡符



土簡符



印文

靈寶
大法
司印



三炁
飛玄
玉章



通章印



三天
太上
之印



上清
九老
仙都
之印



元始
一炁
混沌
之印



青玄
左府
太一
救苦
迴骸
起死
之印



大章
皇四
大明
玉鬼
司主
之印



神虎
雌印



神虎
雄印




北極
驅邪
院印



都天
大法
主印



神霄
玉文
寶璽



南昌
上官
受鍊
司印



靈寶諸符錄，世本極多訛舛，今將所授秘文，參以太上玉章三洞符訣，稽

考訂證，稍合至理。修行之士，先須習熟呪訣，詳翫符形。庶幾書篆符合，施用感通。

无上黄籙大齋立成儀卷之四十三

无上黄籙大齋立成儀卷之四十四

三洞法師冲靖先生留用光傳授
太上執法仙士蔣叔輿編集

符告門

救苦符告文

柄簡，闊二寸四分，長九寸，告文四行，年月一行。

元始符命、金籙白簡、救苦真符告下，十方無極世界三官九府百二十曹、五帝考官、九幽地獄巨天力士、執罰神兵、司籙司命、司功司殺、牛頭獄卒、三界大魔，拔度某乙等亡魂如善度，則云拔度六道四生，孤魂滯魄，出離地獄，永辭長夜，睹見光明，萬罪蕩除，冤仇和釋。乘此九真妙戒拔度功德，上坐天堂。一如告命。

某年某月某朔某日某簡於黄籙齋壇告下

長生符告文

元始符命、金籙白簡、長生靈符告下，南方丹天世界、朱陵火府、南昌上宮、長生大君韓君司馬、司命司錄、延壽益筭度厄尊神、回骸起死監生大神，超度某乙等亡魂如普度，則云超度六道四生，孤魂滯魄，十方九幽，一切等衆，上登朱宮流火之庭，玉眸鍊質，黃華蕩形，書名紫策，受化更生。乘此金籙度命功德，上生天堂。一如告命。

某年某月某朔某日某簡於黄籙齋壇告下

救苦符外封

正面

元始符命金籙白簡救苦真符告下
十方無極世界

具法位姓某謹封

背面

拔度某乙亡魂等

長生符外封

正面

元始符命金籙白簡長生靈符告下
南方丹天世界

具法位姓某謹封

背面

超度某乙靈魂等

設斛夜別告符簡二面。救苦符告云，拔度六道四生、孤魂滯魄。長生符告云，超度六道四生、孤魂滯魄。二符外封並題云，告下黃錄院。

玉清拔幽魂符告文

簡闊三寸六分，厚三分，告文四行，年月、階位二行。

玉清寶錄拔度幽魂真符告下，十方三界、無極神鄉、泉曲之府、北都羅酆三官九署、十二河源，上解亡過某及祖考億劫種親，普及六道四生、孤魂滯魄、十方九幽、一切罪魂。疾除罪簿，落滅惡根，不得拘留，時刻升遷，萬神護送，徑詣人天。隨品受化，更生福鄉。一如告命，風火驛傳。

太歲某年某月某朔某日某時告下

具法位臣姓某承誥奉行

外封青紙朱書

玉清寶錄拔幽魂真符告下

三界十方冥曹主者

具法位姓某謹封

玉清破地獄真符告文

告下之式，一如拔幽魂符

玉清寶錄，照耀重泉。地獄摧毀，鐵城開宣。元始符命，時刻升遷。北

都寒池，部衛亡過某乙形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與道齊并。永度三塗五苦八難，超凌三界，逍遙上清。一如告命，風火驛傳。

某年某歲某月某朔某日某甲子某時

告下

具法位臣姓某承誥奉行

外封青紙朱書

玉清寶錄破地獄真符告下

九幽酆都天牢地獄主者

具法位姓某謹封

又破獄符告文

用黃紙，高九寸或一尺，長二尺四寸或一尺八寸，朱書符文，墨書告文，臨破地獄時告下。

玉清寶錄破地獄真符告下，北陰

酆都、內外宮洞、三千六獄、阿鼻地獄、九幽地獄、十二河源、泉曲水獄、大小鐵圍、十方獄庭、長夜陰關、冥司萬神，咸聽符命真文，煥發照耀陰冥。塗炭罷對，考掠俱停，炎火息焰，冰消雪崩，刀生玉樹，劍化鸞林，疾除罪簿，落滅惡根，不得拘留。亡過某乙等魂及一切囚苦罪魂，乘此真符救苦功德，速令出離，睹見光明，上升南宮，受化更生。

一如告命，風火驛傳。

某歲某年某月某日某時黃錄齋壇

告下

具法位臣姓某承誥奉行

可漏黃紙墨書

玉清寶錄照破地獄救度苦魂 具法位

臣姓某謹封

方函青紙朱書

玉清寶錄破地獄真符告下

九幽酆都天牢地獄主者

具法位臣姓某謹重封

生天寶錄

太上敕赦生天寶錄告下，十方三界、九幽主者。

具法師階位姓某，今據某鄉貫入齋意

至福佑見存，本司據詞難抑，謹取某月某日為始，就某處建立靈壇，關行齋法，頒宣符命，開赦九幽，廣集善功，總資超度。除已備奏上帝，乞降敕命施行，及奏諸天帝尊，請降睿旨，申三界真司，牒合屬去處，根尋亡過某乙等魂，至期親朝壇陛，懺雪罪垢，祇受齋功，尚慮所薦亡魂等衆，業緣報對，拘留獄庭，莫詣齋壇，參真聽法。乞宣降太上敕赦生天寶錄，開宥罪愆，超離苦趣。今準敕

命告下者。已上俱黃紙朱書。

此空，書符錄

右奉太上生天寶錄，救赦亡故某乙等魂，暨六道四生、孤魂滯魄，冥司地獄，冥曹幽扃、囚苦罪爽。夙世已來，至于今日，元因三業六根，造諸罪惡，或手弑君父，不孝二親。或誹謗大道，背真從偽。或傷殘兄弟，謀害師尊。或六親通同，淫犯骨肉。或為劫賊，殺害人命。或屠割衆生，自饒一身。或以強凌弱，以貴虐賤。或浮好三寶，執心不專。或輕慢法師，穢賤靈文。或心懷陰賊，安忍嫉妬。或惡口兩舌，鬥亂善人。或殺生淫祀，裸露三光。或心生，或口語，或自作，或教他作，積劫以來，所有諸罪，並與疾除罪簿，落滅惡根。不得拘留，時刻升遷。即使亡過某乙及一切罪魂，七炁成真，六儀運虛，五靈續絕，二曜扶衰，旋罡躍空，飛步雲宮。胚胎有始，塵劫無終。金城孕質，玉洞凝神。真炁內養，以成真人。上入太虛，下洞幽泉。雲宮寶闕，中有真魂。出入福鄉，周旋生門。咀

嚼靈芝，灌漱金泉。甘露川流，懸澍丹田。紫霞朝映，三炁凝煙。瓊室化仙，安座金蓮。真儀掩日，塵劫為年。一如告命，風火驛傳。

太歲某年某月某日某時告下

具法位臣姓某承諾奉行

天樞使相，

天機內相，

天機上相，

泰玄上相，

東極宮中太一尋聲救苦天尊，

萬劫應化真元教主太上老君。

已上係白紙墨書。

可漏青紙朱書

太上生天寶錄救赦亡過某乙等魂具法位臣姓某承諾奉行謹封

方函青紙朱書

太上救赦生天寶錄告下

十方三界九幽主者

具法位臣姓某謹重封

生天寶錄告文

用黃紙，闊三寸，長九寸，上留三寸書寶錄，下

六寸書告文。告文分五行，墨書，度六道四生

孤魂滯魄等衆用。

太上生天寶錄，超度六道四生、孤

魂滯魄，出離幽夜，隨果往生。主者恭依符命施行。

歲次某年某月某日具位臣姓某承

誥奉行

外封皮正面

太上生天寶錄告下

黃 錄 院

具位姓某謹封

背文

超度六道四生、孤魂滯魄等衆

九龍符命告文高九寸，黃素朱書

東極青玄救苦九龍符命告下，三

官九署、五嶽九州、酆都六洞、十宮九

幽、河源泉苦、五道都府、九州社令、冥

關幽扃、一切主者，咸領符命，拔度亡

過某乙等魂，及十方九野、病死橫亡、沉

魂滯魄、囚苦罪魂，徑出陰翳，永離幽

冥。地獄消苦，開泰泉扃。火翳滅焰，

刃毒摧傾，下明黑暗，上生朱陵，超度

三塗，宿對停輪。一如告命，風火驛

傳。

太歲某年某月某日某時告下

具法位臣姓某承諾奉行

可漏黃素丹書

東極青玄救苦九龍符命拔度亡魂某等
魂 具位臣姓某承誥奉行謹封

方函

東極青玄救苦九龍符命告下
三元十方九野地司陰曹萬神

具法位臣姓某謹重封

茭龍驛吏關

靈寶大法司

當司今據鄉貫某乙乞就某處，崇建
無上黃籙大齋正薦亡某 普薦亡某，旁及六
道四生、苦魂罪魄、遷升福境。今准元
始符命寶籙真符告下，十方無極世界、
一切冥司幽獄，開赦所薦亡魂等衆，出
離地獄者。

一元始符命、金籙白簡、救苦真符
二面，告下十方無極世界。

一玉清寶籙、拔幽魂真符一道，告
下三界十方、冥曹主者。

一玉清寶籙、破地獄真符一道，告
下九幽酆都、天牢地獄主者。

一太上敕赦生天寶籙一道，告下
十方三界、九幽主者。

一東極青玄救苦九龍符命一道，
告下三元十方、九野地司、陰曹萬神。

右關玄都茭龍驛吏、青宮九龍符

命使者、地府賚簡童子、地道功曹，請
疾速賚管，前去速詣，十方無極世界、
一切冥司幽獄去處告下，一依元始符
命施行。故關。

年 月 日時關

金龍驛吏關

无上黃籙大齋壇

本壇今月某日准元始符命、金籙白
簡、長生靈符，告下南方丹天世界，超
度亡過某乙等魂，上登朱宮者。

右關玄都金龍驛吏、火府賚簡童
子，請交管元始符簡若干面，疾速徑詣
南方丹天世界告下，一依元始符命施
行。故關。

太歲某年 月 日 時關

地道功曹關

无上黃籙大齋壇

本壇今準玉清寶籙、破地獄真符，
告下九幽酆都、天牢地獄、一切去處，
開赦罪魂者。

右關地道功曹，疾速賚管，前件寶
籙一函，徑詣九幽酆都、天牢地獄主者
告下，一依玉清符命施行。故關。

歲 年 月 日 時關

獻驛吏功曹等錢馬狀，並依常式

混元玉札告文

用白絹三尺六寸或七尺，以白紙背，過高一尺
二寸。朱書玉札於前，墨書告文於玉札後。
玉札見符命門。

天一北祚符命、太一紫元神文、玄
冥混元神虎玉札告下，無極神鄉、上元
天界，泉曲之府、下元水界，北都羅酆、
中元地界，九州分野、十方世界，仙宮
星府，地獄冥司，天牢幽局。追取上件
亡過某乙等魂魄精神，速離所部，來赴
黃籙靈壇，朝禮上帝，領受殊恩。神虎
奉行，萬神咸聽。

太歲某年某月某朔某日某時某告

下

具法位奉行神虎攝召告命臣姓某
承誥奉行

可漏青紙朱書

神虎玉札追取亡過某乙等魂 具法位臣
姓某承誥奉行謹封

方函青紙朱書

混元玉札神虎玄冥符命告下
十方世界千萬靈效職之所

具法位臣姓某謹重封

右書篆玉札訖，墨書亡人姓名，於所屬星下。人數多者具甲狀，粘於前，止以首度一名入玉札下，添等字。

神虎關

黃籙大齋神虎攝魂壇一云北魁玄範府神虎追魂局

本壇據鄉貫某人狀，伏為薦拔亡過某乙，併合門一切先遠，普及六道四生、孤魂滯魄等衆，乞就某處開建黃籙大齋，三晝夜。今取某日夜，攝召亡靈，赴壇懺謝罪愆，依儀升度。及取某日夜，普設九泉六道、一切鬼魂，無礙夜齋。除已章奏，上達三天，告簡敷落九地外，再開具所薦亡魂姓名，生死年月，殯葬去處，連粘在前。今準昆元玉札，告下須至關行者。

右關神虎提魂攝魄倒生玄司玉女、蔣魑魍等七人，雄左玉曹主魂吏何魑，雌右武鸞主魄吏喬魑等，仰同追魂三使者，賫持混元玉札神虎符命一道，徑往十方三界、千真萬靈效職之所，追取前件亡魂，並及孤魂滯魄等衆，至期來詣黃籙靈壇，昭顯報應，領受殊恩，不

違時刻。故關。

歲 年 月 日 時關

具法位奉行神虎攝召事姓 押

又神虎關

黃籙大齋神虎攝魂壇

本壇同前關，至須至關行者

右關神虎上部追魂使者侯魑，中部追魂使者魏魑，下部追魂使者張魑，隨從神虎大聖玉女，賫持混元玉札神虎符命一道，徑往十方三界、千真萬靈效職之所。餘式同前關結。

甲狀 普薦甲狀依正奏，門帳狀式關具

黃籙大齋神虎攝魂壇

今具所薦亡人及祖先眷屬、附壇

追度等亡魂姓名、生死年月、殯葬去處下項：

一正薦

亡故某官某乙存日享年若干歲，於某年月日，在某處因患命過，葬某處。

一附薦

逐一開列，家廟姻親等。

一附壇追度亡魂無外人附薦，則不用開此

逐一開列。

右具如前，仰神虎承行將吏玉女等，逐一子細追攝，不得違慢，旁及六道四生、孤魂滯魄、九幽長夜、一切苦魂，並要依時赴壇，明通報應，以憑依科升度。施行。

年 月 日 時具

无上黃籙大齋立成儀卷之四十四

无上黄籙大齋立成儀卷之

四十五

三洞法師冲靖先生留用光傳授
太上執法仙士蔣叔輿編集

符告門

五方真文

太上靈寶東方八天自然玉字青帝
九炁天文。真文六十四字，見符命門，出玉練生尸經。

維某年歲次某甲子某月某朔某日甲子
具官某乙伏為正 普薦某乙 衆魂謹齋法
信，詣靈寶大法司，乞請道士一壇，就某
處，於今月某日啓建無上黃籙大齋三晝
夜，滿散修設謝恩清醮，三百六十分
位。謹以本方鎮信，請法施行，東方八
天自然玉字，安鎮齋壇，明露天。拔
贖罪苦，開度超生。一如青帝太玄女
青符命。

餘四方真文，後文並同。東方，
隨方改換。

中間語內，中央真文，作中央大
羅之天。

太上靈寶南方八天自然玉字赤帝
三炁天文。真文六十四字

太上靈寶西方八天自然玉字白帝
七炁天文。真文六十四字

太上靈寶北方八天自然玉字黑帝
五炁真文。真文六十四字

太上靈寶中央大羅之天自然玉字
黃帝一炁天文。真文一十六字。右五方真文，
並用青紙朱書

四保舉狀

歷關諸天 此一狀用青紙朱書
泰玄都省

謹奉道旨，為某鄉貫某官，修建无
上黃籙大齋，三晝夜，升度亡過某乙等
靈魂，超升丹界。謹按靈寶本科，合行
保舉者。

右歷關諸天，請滅亡過某乙等三
惡，斬絕地根，飛度五戶，名列太玄。
魔王監舉，無拘天門。一如告命，風火

驛傳。

歲次某甲子某年某月某日某時告下
具法位臣姓某奉行
三天扶教都天大法天師

普告三界
泰玄都省

謹奉道旨同前文。
右普告三界無極神鄉、泉曲之府、
北都羅酆、三官九署、十二河源，上解

亡過某乙等祖考，億劫種親。疾除罪
簿，落滅惡根。不得拘留，通合鬼羣。
一如誥命，風火驛傳。

歲 年 月 日告下

具法位臣姓某奉行
三天扶教都天大法天師

敕制地祇

泰玄都省

謹奉道旨同前文

右敕制地祇侍衛，送迎亡過某乙
等，拔出地戶，五苦八難，七祖升遷，永
離鬼官。魂度朱陵，受鍊更生。是謂
無量，普度無窮。一如告命，風火驛
傳。

歲年月日 告下

具法位臣姓某奉行

三天扶教都天大法天師

元始符命

泰玄都省

謹奉道旨同前文

右元始符命，時刻升遷，北都寒池，部衛亡過某乙等形魂，制魔保舉，度品南宮。死魂受鍊，仙化成人。生身受度，劫劫長存。隨劫輪轉，與天齊年。永度三塗，五苦八難。超凌三界，逍遙上清。一如告命，風火驛傳。

歲年月日 時告下

具法位臣姓某奉行

三天扶教都天大□天師

右三狀，以黃紙墨書，並高一尺二寸，連前狀，同用黃紙，作一封。

可漏四紙共作一封

昇天保舉文狀 具法位姓某謹封

可漏背面

昇天亡故某乙等魂

昇天左右券

左券告文

靈寶昇天左券告下 三界天門守衛諸神

具法位臣姓某奉行

歲年月日 時告下

元始靈書、玉清中篇，太上撰次，降自三天，昇度亡過某乙上登道境，魂神受度，更生自然。一如告命，風火驛傳。

券文見符命門

背書三皇內文，六十八字。

元始靈書、玉清中篇，太上撰次，降自三天，昇度亡過某乙，上登道境，魂神受度，更生自然。一如告命，風火驛傳。

太歲某年某月朔日時告下

具法位臣姓某奉行

靈寶昇天左券告下 三界天門守衛諸神

右券告文

靈寶昇天右券告下 三界天門守衛諸神

具法位臣姓某奉行，太歲某年某月朔日時告下，無色之景，天帝玉真。梵行帝諱，三界天名。隱音隱韻，天中空

洞。自然靈章，天中之尊。天中大魔，天中之靈。九和十合，變化上清。無量之奧，深不可詳。敷落神真，普度天人。亡過某乙承茲功德，上登道境。一如告命，風火驛傳。

券文見符命門

背書三皇內文，六十八字。

無色之景，天帝玉真。梵行帝諱，三界天名。隱音隱韻，天中空洞。自然靈章，天中之尊。天中大魔，天中之靈。九和十合，變化上清。無量之奧，深不可詳。敷落神真，普度天人。亡過某乙承茲功德，上登道境。一如告命，風火驛傳。

太歲某年某月朔日時告下

具法位臣姓某奉行

靈寶昇天右券告下 三界天門守衛諸神

右二券，並青素丹書，高九寸，或一尺。長一尺六寸，或一尺八寸為則。度魂夜告訖，正中截斷。右一半函付天門吏，左一半付亡入收執，結幡脚上。

發真券可漏以黃紙三寸腰封

具法位姓名謹封

方函

靈寶昇天合同真券告下
三界天門守衛諸神

具法位姓名某謹封

發券牒

无上黃籙大齋壇 牒上 三界天門守

衛諸神

本壇今月某日，為某處某人崇建无上黃籙大齋，以某日夜，昇度亡過某乙等魂，超昇丹界。謹按靈寶大法，破昇天左右契券，除將一分付亡過某乙收執外，一分入方函，封印全，牒上 三界天門、守衛諸神，請行照會，須至專牒者。

牒前件券文，隨牒見到。請照會交管，伺候已受亡故某乙等，賚執券文到來，即與驗認合同，應時超度。魔王監舉，無拘天門。牒準靈寶大法科令奉行。謹牒。

歲 年 月 日 牒

發券關子

无上黃籙大齋壇

本壇今為齋主某，開建无上黃籙大齋，追薦亡親某乙等，除已依科開度外，今告行靈寶昇天大券文，昇度亡過某乙等魂，上登道境。所有合同券文一函，須至關發前去者。

右關某日當直功曹使者，請疾速賚管前去，徑請三界天門、守衛諸神告下，候亡過某乙，執券到日，依科放入天門，受生施行。

歲 年 月 日 時關

九天寶誥告文

中元金書九天寶誥

寶誥三十二字見符命門，分四行書

上帝符命宣告三官天牢地獄、主司大神，超度亡故某乙。咸領符命，部衛形魂。祇受寶誥，上朝帝庭。罪仇和釋，與道合并。神登玉闕，受鍊長存。一如告命，風火驛傳。

太歲某年 月 日 時告下

具法位臣姓某承誥奉行，天師、三天扶教輔元大法天師、正一靜應真君、聖師、東極宮中大慈仁者，尋聲赴感太乙救苦天尊，祖師、萬劫應化真元教

主、太平金闕前聖虛皇大道君。

右寶誥丹書黃上。告文墨書紙素，皆可用，綾錦之屬裝背。如今世告救樣，度魂夜宣訖，給付亡靈。

洞玄靈寶長生度命黃籙

太上洞玄靈寶長生度命黃籙

惟太歲某甲子某年某月某朔某日某甲子，鄉貫某人，伏為亡親某，同青詞語，至上謝

天恩仍就黃籙齋壇，乞傳授太上洞玄靈寶長生度命无上黃籙一階，付某乙靈魂賚執，過度三界，超升九天。謹按經云：元始天尊，昔在九清妙境、三元宮中，與諸大聖眾，敷弘至妙，開化人天，標記善功，注名黃籙，金格玉簡，陳列三清。一一地獄，皆見十方救苦天尊，入於九幽，拔度諸苦。天尊普告四眾，汝等若能受持金籙白簡、九真妙戒、長生靈符、救苦真符，當消九幽大罪，標名九宮。察命童子，護戒威神。五帝直符、六宮掾吏，自當隨逐。簡文覆護，受戒弟子。今當為汝，顯說九真妙戒、金籙白簡，受持功德。救難濟苦，

神力難思。衆靈稽首，伏聽教命。

天尊告曰：一者敬讓，孝養父母。二者克勤，忠於君主。三者不殺，慈救衆生。四者不姪，正身處物。五者不盜，推義損己。六者不嗔，兇怒凌人。七者不詐，諂賊害善。八者不驕，傲忽至真。九者不二，奉戒專一。

護戒威神像

太上度命靈錄

察命童子像

救苦真符

元始符命、金錄白簡、救苦真符告下，十方無極世界、三宮九府、百二十曹、五帝考官、九幽地獄、巨天力士、執罰神兵、司命司錄、司功司殺、牛頭獄卒、三界大魔，拔度某靈魂，出離地獄，永辭長夜，睹見光明。萬罪蕩除，冤仇和釋。乘此九真妙戒，拔度功德，上生天堂。一如告命。

太歲某年某月朔某日某甲子於黃

錄齋壇告下

百二十曹像

長生靈符

元始符命、金錄白簡、長生靈符告下，南方丹天世界、朱陵火府、南昌上宮長生大君韓君司馬，司命司錄、延壽益筭、度厄尊神、迴骸起死監生大神，超度某靈魂，上登朱宮流火之庭，玉眸鍊質，黃華蕩形。書名紫策，受化更生。乘此金錄度命功德，時刻昇遷。一如告命。

太歲某年某月某朔某日某晨於黃

錄齋壇告下

迴骸起死尊神像

帝君

品嬰兒坐三炁圓光中見符命門

命

帝君像見符命門

受度亡過某靈魂，即日恭詣黃錄齋壇，拜受太上洞玄靈寶長生度命无上黃錄一階。如法受持，永充濟拔。人間天上，敬信奉行。一如玄科律令。

太歲某年某月日某州縣宮觀黃錄

齋壇給

保舉師具法位姓押

監度師具法位姓押

度師具法位姓押

太上洞玄靈寶長生度命无上黃錄右長生度命黃錄，止正度亡魂用之，餘不給造。錄用黃紙朱書玉堂本用青紙金書，彩色繪畫人物了畢，方注亡靈名謂正度亡魂某乙六字，注訖，方作流火亭。火鍊符印，押了畢，以青紫或黃紅之屬標背，用經帶軸頭。

三塗誥告文

玉清開光寶符

符見符命門

右告下，落滅色根惡道靈官。奉為亡過某乙斬絕天徒界上，尸道色欲門。超度三界，逍遙上清。一如告命，風火驛傳。

歲年月日告下

具法位臣姓某承諾奉行

玉清開明寶符

符

右告下，落滅愛根惡道靈官。奉為亡故某乙斬絕人徒界中，尸道愛欲門。超度三界，逍遙上清。一如告命，風火驛傳。

歲年 月 日 告下

具法位臣姓某承誥奉行

玉清開苦寶符

符

右告下，落滅貪根惡道靈官。奉為亡故某乙斬絕地徒界下，尸道貪欲門。超度三界，逍遙上清。一如告命，風火驛傳。

歲年 月 日 告下

具法位臣姓某承誥奉行

五苦誥文

玉清流火

符見符命門

右告下，飛度色累戶靈官。奉為亡故某乙解除色累苦心門，滅度泰山地獄苦。形神昇度，謁帝天關。福智同生，參侍龍轅。一如告命，風火驛傳。

歲年 月 日 告下

具法位臣姓某承誥奉行

玉清流精寶符

符見符命門

右告下，飛度貪累戶靈官。奉為亡故某解除貪累苦形門，滅度攄山負石苦。形神昇度，謁帝天關。福智同生，參侍龍轅。一如告命，風火驛傳。結尾

同前

玉清流景寶符

符見符命門

右告下，飛度貪界戶靈官。奉為亡過某解釋貪界苦形門，滅度提石負山苦。形神昇度，謁帝天關。福智同生，參侍龍轅。一如告命，風火驛傳。結尾

同前

玉清流霞寶符

符見符命門

右告下，飛度欲累戶靈官。奉為亡故某解除華競苦精門，滅度填作江河苦。形神昇度，謁帝天關。福智同生，參侍龍轅。一如告命，風火驛傳。

玉清流輝寶符

符

右告下，飛度形累戶靈官。奉為

亡故某解除身累苦魂門，滅度吞火食炭苦。形神升度，謁帝天關。福智同生，參侍龍轅。一如告命，風火驛傳。

歲年 月 日 告下

具法位臣姓某承誥奉行

可漏

玉清某寶符超度亡靈某

方函

玉清某寶符告下

某靈官

具法位臣姓某謹 封

三簡告文

山簡

本貫某鄉某處，具官姓某，奉為亡親某靈，於某處，修建黃籙大齋，三日三夜，滿散祇設清醮若干分位，仰答恩光。齋壇解散，投簡靈山。伏願天官賜福，地府除愆。艷山削罪，幽獄停究。注名朱府，運度自然。見存得道，往逝生天。繒壁效信，金龍驛傳，一如告命。

太歲某年某月某朔某日某辰具高

功位某於某處山洞府告文

土簡

杜儀云：投於壇上天井中，或埋月艮之上。

本貫某鄉某處，具官姓某，奉為亡親

某靈，於某處，修建黃籙大齋，三日三夜，滿散祇設清醮若干分位，仰答恩光。齋壇解散，投簡壇中。伏願地官赦罪，罷對羅酆。刀山斷刃，劍樹摧鋒。中黃戊己，上奏蒼穹。有情衆類，普度南宮。見存得道，億劫無終。效信繒璧，傳驛金龍，一如告命。

太歲某年某月某朔日某辰具高功

法位某於某處靈壇告文

水簡

本貫某鄉某處，具官姓某，奉為亡親

某靈，於某處，修建黃籙大齋，三日三夜，滿散祇設清醮若干分位，仰答恩光。齋壇解散，投簡靈淵。伏願水官解厄，告命重泉。五湖四海，十二河源，疾除罪簿，息苦停冤。亡魂受鍊，超度南天。功加一切，注籍金篇。繒璧效信，金龍驛傳，一如告命。

太歲某年某月某朔某日某辰具高

功法位某於某處靈泉水府告文

玉清大洞玉符告文

玉清大洞金玄羽章飛空秘符

符見符命門

右告下，腦神泥丸赤文混洞君，目神通光君、晨嬰君，舌神騰陽君，心神玄珠君，肝神青帝君，脾神紫庭君，肺神皓洞君，腎神太淵君，陰神續命君，胞神元常君，胎神舍生君，結神九華君，節神查浩君，血神中幽君，精神元徐君，炁神元央君，神神天生君，命神五中君，速降真炁鍊化正薦某乙 普度在會衆魂九幽男女，孤魂滯魄等衆，委炁聚形，全神復性。一如玄科律令。

歲年月日具法位姓某奉行

玉清火府隱文告文

玉清火府隱文

符見符命門

玉清王府、玉篆雷文，關告冥曹，開泰亡爽。鍊度登真、火府靈官、南昌典主千五百神君，火帝火官，把籙當前。九鍊死魂，疾便受形，玉文一下，不得久停，司命司馬在左，司錄司生奉

行。一如告命。

歲次月日具法位姓某奉行

玉清混神三景真符告文

玉清一十二炁、混神三景、九陽攝

炁、鍊神飛仙真符

符見符命門

右告下，一炁生腎大將軍楊元光，二炁生心大將軍丁忠，三炁生肝大將軍丁遷善，四炁生肺大將軍陳志元，五炁生脾大將軍王先之，六炁生膀胱大將軍張同，七炁生小腸大將軍李淵，八炁生膽大將軍申孚，九炁生大腸大將軍周自然，十炁生胃大將軍章修，十一炁生三焦大將軍三卓立，十二炁生胞絡大將軍鄭明等，從官符吏，攝降真炁，鍊度正薦，亡親某乙 普薦在會某六道四生男女孤魂滯魄，混神合景，復形返生，一如玄科。律令。

歲年月日具法位姓某奉行

靈寶五帝玉司寶符告文

靈寶自然五帝玉司寶符告文

符見符命門

右告下，青帝直符區更生，赤帝直

符祝昌中，黃帝直符玉真，白帝直符辱曲正，黑帝直符尹豐，奉為正薦某乙，普薦在會某乙六道四生男女孤魂滯魄等，請降真炁，鍊胎返生，一如玄科。律令。

歲年月日具法位姓某奉行

玉清召合形變形成形大將軍符告文

玉清飛靈合炁召大將軍符

符

右告下，合形大將軍凌魑，變形大將軍蔣魑，成形大將軍曰魑魑，從官符吏等，攝降真炁，鍊度亡魂，一如玄科。律令。

歲年月日具法位姓某奉行

玉清九陽真符告文

玉清九陽炁梵真符

符

右告下，飛元聚靈召神飛仙使者楊欣之，飛精使者王容，飛靈使者張起，飛魂使者富公弼，飛魄使者下逢，飛光使者陳普，直仙使者時申，直真使者黃簡，直靈使者路顯等，從官符吏，攝降真炁，鍊度正薦某乙，普薦衆魂六道四生孤魂滯魄等，蕩形易質，仙化成人，一如玄

科。律令。

歲年月日具法位姓某奉行

靈寶九天生神寶符告文

靈寶自然九天生神寶符

符見符命門

右告下，疾除罪簿司，斷地逮役司，度上南宮司，飛度五戶司，受鍊更生司，仙化成人司，過度三界司，飛昇太空司，普度無窮司，靈官仙吏，奉為正薦某乙，普薦在會某乙六道四生孤魂滯魄等衆，請降真炁，生神育質，度命登真，一如玄科。律令。

歲年月日時告下

具法位臣姓某奉行

玉清召分形鍊形養形大將軍符告文

玉清飛靈合炁召大將軍符

符見符命門

右告下，分形大將軍孫魑，鍊形大將軍富魑，養形大將軍張魑，從官符吏，攝降真炁，鍊度幽魂，一如玄科。律令。

歲年月日時告下

具法位臣姓某奉行

玉清召六甲六丁金童符告文

玉清元光金真召六甲六丁金童符

逐旬換易

符見符命門

右告下，甲 金童， 丁 金童， 超度亡魂，上登 道境，一如玄科。律令。

歲年月日時告下

具法位臣姓某奉行

玉清召六丁六甲玉女符告文

玉清靈華紫光召六丁六甲玉女符

逐旬換易

符見符命門

右告下，丁 玉女， 甲 玉女， 超度亡魂，上登 道境，一如玄科。律令。

歲年月日時告下

具法位臣姓某奉行

无上黃籙大齋立成儀卷之四十五

①「左」原作「右」，誤，今改。

②疑缺「寶符」兩字。

③「科」原作「利」，誤，今改。

无上黄籙大齋立成儀卷之四十六

太上執法仙士蔣叔輿編集

白語次第門

初受投詞祝文

齋主齋狀并法信投壇拜請法師。法師受詣訖，即引齋主詣大道前，再拜上香，執狀自述修齋意訖。次再拜側立，以投狀授法師。師受狀置簡上，取信香爇以上奏云。

具法位臣某謹焚香，奏啓玉清上帝元始天尊，上清大帝靈寶天尊，太清大帝道德天尊，昊天玉皇上帝，紫微天皇帝，紫微北極大帝，太微南極長生大帝，東極太乙救苦天尊，十方靈寶天尊，五老上帝，三十二天帝君，靈寶經籍度師真君，玄中教主上清靈寶聖師真君，三天法主正一靜應真君，三元天地水官帝君，北陰酆都玄天大帝，五嶽聖帝，水府扶桑大帝，法籙治職靈官將吏，虛空監察，應感威靈。悉仗真香，普同供養。香乃玉華散景，九氣凝煙，

香雲密羅，逕衝九天。侍香金童，傳言玉女，上聞帝前，令臣啓奏，咸乞如言。今據某鄉貫讀至齋主投狀云，醮用物儀，具詞投臣，乞爲修奉。伏念臣幸因宿慶，叨佩靈章。職在宣揚，理難抑絕。謹當擇日，建立靈壇，依式告盟，宣行齋事。伏乞天恩昭監，聖造證盟。俾弟子某障難不生，齋功克就。先亡受度，幽顯蒙休。臣無任瞻天禱聖激切屏營之至，謹啓以聞。

請牒文

檄文以泰玄都省爲額者同之。

具法位姓某上啓三天大聖都天大法主天師正一靜應真君。伏以人炁中流，受化者資於不化；天真下降，無爲而入於有爲。故三籙之明科，開九泉之生路。凡伸修奉，合具敷陳。今據具官某追薦某靈，乞就某處，開建无上黄籙大齋，滿散修設謝恩清醮若干分位。仰憑道力，普濟幽冥。以今請命諸天，告盟三界。恭依元範，開建靈壇。伏念某性質凡微，形神穢濁。慮莫期於通感，致有玷於齋功。恭請師尊，主盟法

事。凡書檄命，悉假徽稱。所冀三界萬靈，恭承號召，十方大聖，洞達聰聞。仰瀆高明，乞垂賜可。某無任祈聖俟恩之至。

關發文

法師存變步罡，飛神默奉關召諸司將吏，自如本科。

次法事 洒淨

焚香供養某甲子年年直功曹使者，某甲子月月直功曹使者，某甲子日日直功曹使者，某甲子時時直功曹使者，上界直符使者，中界直符使者，下界直符使者，法籙治職、真仙將吏、靈官玉女，上奏功曹，里社城隍，監察土地，承受應感一切威靈。伏以大道無私，惟誠可格。至神如在，有感斯通。爰伸請召之儀，冀諒精虔之懇。以今奉爲具官某追薦某靈，乞就某處，修奉无上黄籙大齋。今將依科崇建，如律關盟。匪仗神功，無由傳達。用修菲供，肅迓神光。稽首皈依，一心奉請。

請將吏符使四直土地一元布化，萬範開張。三界分司，

百靈受職。真官將吏、符使功曹、里社神祇，承受土地，既符所請，來赴法筵。願監精誠，受歆獻禮。

初獻

大梵之天，上無色景；重陰之府，下極風輪。念陟降之迴殊，匪聲容之可接。飛行無碍，惟尔有神。三境十華，八冥九壘。體兹陳祝，速為通傳。丕顯威靈，立符彰感。用揚教法，以副傾祈。

亞獻

蘋蘩之薦，在物雖微。齋戒所將於誠為至敬，憑淨供以啓丹衷。請遵稟於元科，為通傳於檄命。乘風馭炁，倒景升遐。上窮非想之天，下極網維之境。邀迎真馭，降格壇場。全賴神庥，圓成齋事。

終獻

洞章聲闋，薦獻禮周。曲延竚於威靈，祈奏聞於詞愜。謹憑文翰，以達信誠。具載公文，敬當宣示。

讀關牒，焚燎如儀

進章，啓正一祖師文

具法位某謹上啓祖師三天大法師正一靜應真君，正一女師真人，正一嗣師真人，系師真人。伏以度死濟生，齋著洞玄之格；宣慈助化，章嚴正一之科。分千二百官君，總二十四治炁。某身充廉察，職在宣騰。况奉歸投，理難抑絕。入詞意恭取今辰，進拜天官某章，上詣某宮曹治。恭憑道力，普拔冥途。伏念某叨佩靈章，混同序俗。欲馳神於紫闕，以請命於清玄。非假恩光，莫期感徹。乞頒真旨，告召仙靈。扶衛章書，依文進御。齋誠上達，冀回洞鑒之聰；天澤下臨，克濟沉淪之苦。某下情無任虔祈禱懇之至。

進章醮靈官三獻文

具法位姓某焚香，上啓三元唐葛周真君，上章曹治引進仙寮，二十四治建節監功大將軍，效功效殺驛庭令丞，監功謁者從事功曹使者驛吏，書佐童子官君將吏，天官某章中靈官典者，法籙治職，仙靈真官，直日直神，從官符吏，里域真官，社稷將吏，扶衛章書，一切

威靈。伏以絳闕清都，上極虛無之境；神州赤縣，下通冥漠之鄉。雖陟降之迴殊，念精誠之可格。以今奉為某，資薦亡靈某魂。恭取今辰，進拜天官某章。欲仗威靈，進呈曹治。爰陳菲供，肅迓靈聰。願垂降鑒之私，允納精誠之禱。齋官某無任仰望威光之至，稽首皈依，謹當奉請。

上香 請聖 初獻法事

教闡玄元，著拜表上章之訣；科傳正一，留飛神謁帝之儀。仰叩玄聰，俯伸丹禱。今齋官某賫持法信，崇建寶齋。預拜章書，乞超逝爽。伏願三元上宰，引進仙官，四部監章，賫呈從事，羅列鹵簿，關啓穹旻。庶彰旨教之宣流，以顯神功之溥博。齋官某不勝虔禱之至。

上香 亞獻法事

赤書御運，黃籙垂文。普拯護於幽明，用超凌於品彙。爰立通章之法，俾殫奏事之誠。非假威靈，孰彰神化。請者下而召者到，用副傾祈；濟者度而求者通，密符願望。仰希仁造，洞監

微衷。齋官某無任懇禱之至。

上香 終獻法事

禮周三獻，詞已備陳。寶章行奏於三天，玄澤祈頌於九地。速飛神馭，徑過剛風。具案文書，通傳情旨。散齋竣事，如律奏功。少駐威靈，以俟遣發。

進章謝祖師文

某濫充祭酒，冒進章書。念穢炁之未消，慮忱誠之難格。輒祈真馭，降盼來臨。今按玄科，操伏已畢。懼不明於品則，必自速於過愆。恭乞慈恩，特賜原赦。塵寰藝瀆，下土喧囂。願返旌軒，復還霄極。某與齋官某無任慕戀之至。

啓告符師文

具法位臣姓某上啓玉清上帝元始天尊，上清大帝靈寶天尊，太清大帝道德天尊，東極太一救苦天尊，十方大聖飛天上真，靈寶五師真君，三官大帝，三界應感一切威靈。臣聞，靈寶垂科，功高萬法。真符赦罪，澤普九幽。敢祈上聖之恩光，用拯重泉之苦趣。臣

今伏爲某人資薦某靈，崇建無上黃籙大齋。尚慮所薦亡魂，名籍幽曹，罪違青律，不該超度，莫睹齋功。是用依按典儀，頒宣符命，普令赦宥，來赴靈壇。今當宣召玄都茭龍驛吏，青宮九龍符命使者，地府賚簡童子，地道功曹，恭對道前，承領符命，告下幽獄，開赦亡魂。伏乞上聖垂光，諸天洞鑒。允臣奏告，許以頒行。庶使亡故某沐慧澤以停酸，永辭長夜；霑天恩而受度，徑陟南宮。臣無任激切俟命之至。

請師開壇詞文

維年號某月某朔某日某甲子，某鄉貫某

處居住，奉大道弟子、具位姓某回家眷等，謹齋沐虔誠，稽首再拜，上啓上清三洞法師某君門下。竊以祖炁肇分，有物咸歸於覆育；道元始判，承流代出於真宗。必屬至人，克揚大教。輒伸悃悃，仰冒聰明。切念某等，伏爲亡過某靈，夙契真休，生居人道。久處六塵之妄，未清三業之緣。懼冥責之難逃，及人非之稔積。既淪夜壑，永隔陽光。非憑微妙之科，曷濟湮沉之苦。旁求

上士，式建靈壇。恭惟度師、真士先生，體道粹純，潛心虛寂。悟三洞四輔之旨，爲十方三界之師。開戶牖於玄門，作舟航於苦海。天人仰德，幽顯蒙恩。伏望曲軫弘慈，俯從丹禱。飛神總轡，冥通三境之天；錫命頒符，下拔九泉之魄。慶雲垂而生意無盡，靈風聚而死骸發煙。俾茲受對之魂，證彼登真之果。更冀九玄滯識，六道幽靈，咸登解脫之鄉，共達希夷之岸。依歸至切，敷述奚殫，干冒威尊。某下情無任懇禱激切之至。

開壇請答文

齋官度詞畢，監齋致詞云：黃籙大齋，紫清祕範。功高萬法，澤普九幽。伏請師慈，升壇演法。師答云：寶齋妙重，玄範幽深。非洞貫於威儀，莫宣揚於科典。揣材非稱，受請是難當。

監齋又致詞云：玉宸下化，三洞宣行。黃籙成儀，九幽開泰。豈獨一心之懇願，抑惟四輩之傾瞻。冀體天恩，俯從人欲，倘亡靈之獲度，實師寶

之垂慈。師答云：濟死度生，實憑妙範。代天行化，必屬至人。自愧凡庸，敢當大請。

監齋又致詞云：幽靈逝爽，齊到玄壇。色節華旛，共臨法席。伏望宣流法教，廣濟幽沉。豈惟大道之慈悲，抑實羣迷之幸會。齋官某等無任虔祈懇切之至。法師答云：真心易昧，至道難知，以六塵染着之身，居五濁浮華之世。業緣報對，神爽沉淪。非我法門，無由超度。過承大請，敢廢關行。科有彝章，吾當宣演。

齋官同壇衆欲拜謝法師。法師以手止之，贊引法師陞座，祝香啓盟。

啓盟文

高功陞座，法衆序立。啓堂法事，候監齋跪讀弟子詞畢，高功捧香祝曰。

浮黎國內，玉京山中，億萬年結炁凝煙，百千衆通誠達信。根盤騫木下，葉滿梅檀林。寶香一炷，熱鑪中，三界十方咸稽首。畢，以香熱爐中。

焚香上啓三清三境，十極十華，無上至真，道經師寶，十方三界，千真萬

靈，黃籙大齋，感應真宰。伏願驂龍駕鳳，飛空步虛。降臨道場，證盟功德。次就座，啓盟微妙同元，蓋一真之未布；機祥有統，由三炁之初分。寂寂至無之宗，蕩蕩自然之化。生於象帝之始，隱乎空洞之中。元始開圖，敷五文於碧落；洞玄啓祕，回十轉於本章。生之義，難終難窮；化化之原，莫明莫測。運兩儀之開闢，使萬品以化成。德本好生，獨立長生之道；功惟不宰，孰知真宰之筌。非常道而非常名，無弃人而無弃物。粵自三皇之始，道全乎人；迄于五帝之終，人遠乎道。私僞勝而天理滅，幻境迷而覺性昏。不能保命而愛神，益見背真而就僞。生由是而死由是，出於機而入於機。汨正念於喜怒貪嗔，棄真常如夢幻泡影。自取死壞，離其本根。人非鬼責以兼攻，雪刃霜鋒之交至。炎炎烈火獄，峨峨丘寒池。皆由一念之邪，自致九幽之苦。舉聲悲叫，徒知宿命之非；救苦化身，未遇霈恩之及。繫衆罪流吹不息，惟太上拔領無邊。宏敷黃籙之

文，茂著盟真之典。控九鳳八鸞之駕，尋救十方；宣九龍二虎之符，開度六趣。變熱惱以雲腴之醴，燦火翳以靈寶之光。劍樹摧鋒，鑊湯息浪。普召既終，而麗華得度；一人無畏，而北帝請陳。是爲無上之緣，茲實難量之果。蓋以元皇敷化，列聖流通。經分三十六部，而度人莫先；齋列二十七等，而黃籙爲首。葛仙公授大洞之旨，張靖應校正一之文。仙源流派，而浩浩無涯；真系傳宗，而綿綿不絕。弗惟功德之普博，抑亦禁戒之威嚴。非丹誠惟一惟精，豈大範可聞可見。今黃籙大齋官某歸誠十極，請命三天。奉先思孝，而遠度億曾；修善建功，而普資羣爽。投誠瀝款，賈信效盟。廣邀清靜之流，祇建盟真之會。宜得上士，與之宣行。如某者法海陳人，玄門末學。濫處冠裳之列，叨承師匠之傳。體未洞真，豈足致形神俱妙；德惟謏薄，安能使天地同歸。所當墮肢體而黜聰明，處山林而就藪澤。夫何塵跡，誤辱藻詞。顧惟皇灼之餘，益認精虔之至。

所幸夤緣有自，翊贊得人。期共結於誓盟，庶克圓於齋事。況以科條具載，功過悉分。三官五帝之書，九府四司之錄，毫分無失，纖芥不遺。弗萌簡慢之心，恐墜薦修之福。必也，告盟天地，質誓鬼神，各罄丹心，不生異念。當使功標青簡，超七祖以生天；無令罪結黑書，致九玄之墮地。登壇之際，受職之初，咸秉誓言，共揚大教。今則齋莊既肅，盟告云周。佩玉鏘鏘，見十方之振響；威儀濟濟，仰萬聖之監觀。同運誠心，舉揚勝事。以立清衆，伏惟珍重。

請監臨將吏文

焚香上請法錄治職、靈官仙吏，諸司法院、官將吏兵，虛空監察、應感靈司，直符功曹、香官騎吏，本府城隍大王、監衛齋壇某神，當境土地、里域真官，一切神祇。伏以天地開張，萬靈受職。聖真降監，百神駿奔。迎奉飈輿，關盟齋法。今將歲事，合具告聞。以今奉爲某官，追薦某靈，請修无上黃錄大齋，將啓靈壇，恭宣寶範。伏請合盟

布誓，共建齋功。掃穢除氛，祇迎真馭。通傳詞悃，延伫靈光。宜整肅於威儀，以導迎於景貺。各遵壇禁，毋紊齋盟。依準玄科玉律，疾速施行。

次宣誓言榜

請玄師文

具法位姓某，上啓三天化主玄中大法師真君。伏以位尊三界，仰師寶之隆名；教演重玄，賴慈光之接物。四十二壇醮法，七十二等齋科，總爲羣生，普濟諸苦。凡伸修奉，合具敷陳。某今奉爲某人，追薦某靈，請修无上黃錄大齋。今將依按玄科，關行齋法。仰祈恩霈，普濟幽明。恭乞祥光，下臨壇度。却諸魔惱，錫正炁於靈關；鑒此齋恍，拯沉魂於幽夜。慶覃家國，澤被存亡。某等不勝虔切懇禱之至，稽首皈依，修齋奉請。

請五帝文

具法位姓某，上啓東方安寶華林青靈始老青帝九炁天君，南方梵寶昌陽丹靈真老赤帝三炁天君，西方七寶金門皓靈皇老白帝七炁天君，北方洞陰

朔單鬱絕五靈元老黑帝五炁天君，中央玉寶元靈元老黃帝一炁天君。臣聞元始開圖，真文現世，三元奠位，五帝司方。運陰陽生殺之機，主人天功過之錄。凡伸修奉，合具奏陳。臣今奉爲某人，追薦某靈，請修无上黃錄大齋。今將依按玄科，關行齋法。仰祈恩霈，普濟幽明。恭乞祥光，下臨壇席。降飈輪於下土，如會浮黎；憫幽夜之沉魂，俾蒙道蔭。普令家國，均被恩休。臣等不勝虔切懇禱之至，稽首皈依，修齋奉請。

請天師文

具法位姓某，上啓三天法主都天大法天師正一靜應真君。伏以天道無名，因文立教。至神育物，惟聖能成。必有師資，而爲規範。將伸修奉，敢後皈依。某今奉爲某人，追薦某靈，請修无上黃錄大齋。今將依按玄科，關行齋法。仰祈恩霈，普濟幽明。恭乞祥光，下臨壇席。度生死有情之苦，咸沐齋功；洗宇宙曠劫之辜，肇新元化。普令品物，永享天休。某等不勝虔切懇禱

之至，稽首皈依，修齋奉請。

請三師文

具法位姓某，上啓靈寶經師真君，靈寶籍師真君，靈寶度師真君。伏以結炁成文，爰歲重玄之妙；先天立教，獨隆上古之名。必有真師，總茲具典。將伸修奉，敢後歸投。某今奉爲某人，追薦某靈，請修无上黃籙大齋。今將依按玄科，關行齋法。仰祈恩霈，普濟幽明。恭乞祥光，下臨壇席。圓成妙果，開度沉迷。九夜重泉，仗威神而通濟；三塗六趣，祈慧澤以昭融。國保安寧，民躋仁壽。某等不勝虔切懇禱之至，稽首皈依，修齋奉請。

請三官文

具法位姓某，上啓上元一品賜福天官紫微大帝，中元二品赦罪地官清虛大帝，下元三品解厄水官洞陰大帝。伏以玄元始青之炁，開判陰陽；水火考對之官，分司罪福。定死生於九府，總圖籙於三元。將啓齋修，敢忘扣請。某今奉爲某人，追薦某靈，請修无上黃籙大齋。今將依按玄科，關行齋法。仰

祈恩霈，普濟幽明。恭乞祥光，下臨壇席。啓明證誓，監真度生。落滅惡根，削女青之罪簿；增添善果，紀南上之仙名。全藉真休，克圓齋事。某等不勝虔切懇禱之至，稽首皈依，修齋奉請。

請監齋法師文

具法位姓某，上啓靈寶監齋大法師真君。伏以赤書御運，敷靈寶之本章；黃籙度生，著盟真之具典。將關盟於齋法，敢請命於師尊。某今奉爲某，追薦某靈，請修无上黃籙大齋。今將依按玄科，關行齋法。仰祈恩霈，普濟幽明。恭乞祥光，下臨壇席。證盟齋事，開濟沉魂。八冥細微之中，俱蒙道蔭；九幽羅酆之內，咸沐天休。冀師寶之携提，俾法輪之常轉。某等不勝懇禱之至，稽首皈依，修齋奉請。

无上黃籙大齋立成儀卷之四十六

无上黃籙大齋立成儀卷之四十七

太上執法仙士蔣叔與編集

白語次第門

開啓齋壇文

具法位臣姓某焚香，上啓太上無極大道元始天尊，太上大道君，太上老君，無上玄老，十方尋聲救苦天尊，已得道大聖衆，至真諸君丈人，三十六天帝君，玉虛上帝，玉帝大帝，東華南極、西靈北真、玄都玉京、金闕七寶、玄臺紫微上宮靈寶至真明皇道君，三十六部尊經，玄中大法師天師君，上相上宰，上保上傅，四司五帝，經籍度師，三元帝君，靈寶監齋大法師真君，三界官屬，一切真靈。臣聞赤書御運，開齋謝之門庭；黃籙度生，著靈仙之品格。凡伸修奉，合具奏陳。臣今爲某處某官，資薦某靈，乞就某處，崇建无上黃籙大齋，三日三夜。仰祈睿澤，普濟幽明。

謹爲勵率法流，關盟齋法。恭依玄範，宿啓黃壇。伏願上聖回光，衆真監度。俯垂降鑒，同賜證盟。臣無任瞻天望聖，激切屏營之至，啓壇文疏，謹用奏聞。

三日正齋六上啓經嘆經文

存思轉經之法，並見升壇轉經儀。止隨時換，易前後白語耳。

第一日早上嘆經文啓經用舊文

紫府玉文，周十方而惠庶品；玄都瓊札，總百魔以濟群生。上可致飛天下觀，下可使死魂受鍊。殊因溥博，稱嘆莫窮。以今奉爲具官某，資薦某靈，修建无上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻無上大羅天玉京金闕七寶紫微宮元始天尊，虛皇大道君，太上老君，道德衆尊，三洞靈文、瓊章玉字、十方衆聖，歷劫師尊，扶教真人，玄中法主，齋壇合會，一切真靈。集此勝因，先用裝嚴諸天諸地、日月星辰、嶽瀆靈祇，風雲主宰，宗祧先聖，帝后儲王，文武官僚，華戎黎庶。伏願二儀長永，三景著

明。六炁均而寒暑平，八節和而雨暘若。瑤圖鞏固，寶曆延洪。寰宇昭明，兵戎戢息。九圍共軌，四海同文。亡過某靈魂，黑簿除名，朱宮度品。真心不昧，覺性圓明。建齋弟子某厄難移遷，凶灾殄滅。一門康泰，咸躋仁壽之鄉；七祖升遷，徑陟逍遙之境。含靈受賜，幽夜開光。稽首皈依，虔誠讚詠。

右嘆經文，升壇轉經儀已載矣。今復撰此，正以轉經儀一卷，悉是杜廣成先生撰集，不欲改動古儀，又慮今人以爲習熟，故再立此。

晚上啓經文

元始本章，植神靈而開三景；諸天隱韻，禳毒害以度兆民。悟之者，證道成真；聽之者，消灾滅罪。巍巍大梵，蕩蕩難名。以今奉爲某資薦某靈，崇建无上黃籙大齋。謹集見前清衆，看誦《太上洞玄靈寶無量度人上品妙經》，願仗真乘，消除罪垢。福田增長，保身眷以安寧；慧澤霑濡，使幽明而

開泰。恩均家國，澤被存亡。

嘆經文

經傳元始，教闡虛皇。俾拯護於羣迷，用生成於萬彙。恩光普被，惠力難名。以今奉爲具官某，正薦亡親某乙，普薦在會衆魂崇建无上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻高皇九土四司五帝十二仙君，九宮真人，洞天福地儲副正職，五嶽佐命治化仙官，北都羅酆内外宮洞三官九府百二十曹，一切冥司考官掾吏。集此勝因，先用資福，四生六道，十地九幽，一切窮魂，無邊罪魄，亡過某靈，齋主某家，億曾萬祖，歷劫種親，宅舍方隅，沉埋滯識。伏願尅超生界，咸出苦源。聽法聞經，徑到無爲之境；參真悟道，永離有漏之塵。齋主某祿筭增延，灾殃殄滅。金真散結，元道遏死尸之根；玉簡注名，天機乞延生之錄。姻親康泰，幽顯蘇榮。

第二日早上啓經文

赤明開圖，真文現世。集諸天之

隱韻，成八會之靈章。俾拯護於羣迷，用超凌於萬彙。以今奉爲具官某，正普薦亡親某乙，在會衆魂崇修无上黃籙大齋。今集見前清衆，看誦《太上洞玄靈寶無量度人上品妙經》。願仗真猷，消除業累。九宮八卦，不爲身命之灾；六趣三塗，俱證真常之果。姻親康健，逝爽遷升。普及羣生，同霑上善。

嘆經文

至真經寶，最上福田。凡所皈依，隨願護果。惟度人之上品，實萬道之根宗。無量勝因，非嘆能盡。以今奉爲具官某，正普薦亡親某乙，在會衆魂修建无上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻扶桑大帝，暘谷神王，三河四海、九江水帝，八溟四瀆、十二河源、川澤神祇，龍神主宰。集此勝因，先用資福，遍十方際，盡玄虛界，有形有象，有識有情，蠢動飛行，胎卵濕化，日月照臨之土，風雲潤澤之鄉。一切含靈，無窮品類。伏願飛潛遂性，飲啄隨心。咸出苦源，

同臻道果。齋主某灾殃不染，福慶來并。早入慧源，悟無生之法相；克成仙道，斷有欲之根塵。見在利安，先亡超化。恩流家國，福被寰瀛。

晚上啓經文

大道無名，元炁潛太空之始；至真垂象，靈文開大有之先。有禱悉符，無文不度。以今奉爲具官某，正普薦亡親某乙，在會衆魂崇建无上黃籙大齋。今集見前清衆，看誦《太上洞玄靈寶無量度人上品妙經》。願仗真詮，普資洪福。慈雲廣覆，除十方世界障業之根；慧露遐覃，息九幽長夜焦勞之苦。亡魂超化，疫癘消亡。普及含靈，俱登壽域。

嘆經文

寶珠懸空，納十方無鞅之衆；真經洞煥，作五色鬱勃之祥。是爲微妙之文，普度淪胥之苦。以今奉爲某，正普薦亡親某乙，在會衆魂崇建无上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻某甲子太歲尊神，九

州十道，廟貌神祇，府縣城隍之神，司命土地，行年部分，一切衆神。集此勝因，先用裝嚴弟子某家，奉事香火，內外衆靈，太歲部下，遊年神煞，住居里域，禁將等神。伏願安鎮其方，各居所部。斥凶衰於四境，除灾沴於八方。火盜消除，門庭清吉。齋主某疾疫不作，福祿惟新。虛耗潛亡，精靈伏匿。姻親康泰，上南斗之生名，逝爽遷升，除北陰之鬼錄。含靈受賜，家國蒙休。

第三日早上啓經文

大道分光，初演不言之教；天尊布化，漸垂有作之文。結炁成章，凝雲作篆。總包萬法，普度羣生。以今伏爲某，正普薦亡親某乙，在會衆魂崇修无上黃籙大齋。今集見前清衆，看誦《太上洞玄靈寶無量度人上品妙經》。願仗真乘，解除罪垢，法乘接引，俱消塵漏之緣；聖智圓通，齊契正真之果。亡靈受度，率土蒙恩。

嘆經文

元始靈書，度人上品。落三灾，度九厄。理五炁，混百神。寶之上天，不

傳下世。是謂玄奧，難可尋詳。以今奉爲某官某，正 普薦亡親某乙 在會衆魂崇建無上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻南極長生大帝，日月九曜星君，太一十神，南辰北斗、二十八宿、十二宮神，建齋弟子某建生星斗，本命元辰，真官神將。身命運限，旁臨正照，威星暗曜，九宮八卦，陰陽支干，遊年太歲，一切神煞。集此勝因，先用懺滌齋主某家。

先從往劫，洎受此身。染着妄緣，因成障難。六根三業、五欲十纏，宿對重愆，陽非陰過，並祈蠲宥，咸與蕩除。伏願惠澤遐覃，天光下燭。永度水火風災之苦，不逢魍魎魍魎之妖。族屬平安，亡靈超濟。邦家受福，品彙蒙恩。

晚上啓經文

元始開圖，真經設教。上以和天安地，下以保國寧家。普度無窮，故曰無量。以今奉爲某官某，正 普薦亡親某乙 在會衆魂崇建無上黃籙大齋。謹集見

前清衆，看誦《太上洞玄靈寶無量度人上品妙經》。願仗真功，普流洪福。六塵幻妄，咸除六欲之根；三洞流行，俱究三便之果。寰區靜謐，泉夜清夷。上極萬天，下覃九壘。普承惠澤，同契無爲。

嘆經文

上品妙經，諸天勝梵。結三洞飛玄之炁，成八會雲篆之章。祕於玄都玉京、紫微上官，授以碧落空歌、大浮黎土。億兆世而五譯，四萬劫而一傳。爲羣品之津梁，作衆真之戶牖。無文不度，有禱悉符。如上聖功，非資能盡。以今奉爲某，正 普薦亡親某乙 在會衆魂崇建無上黃籙大齋。謹集見前清衆，看誦《太上洞玄靈寶無量度人上品妙經》各一過，並已周圓。以茲功德，回獻三洞四輔、侍經真官、靈寶官屬，領仙監齋、諸君將吏，虛空監察、直符直事、功曹使者，金童玉女、法籙治職、靈官將吏，四司五帝、應感威靈，齋壇翊衛，一切神明。集此勝因，總爲修齋弟子某等，增長善芽，導迎景貺。覃恩幽

顯，資福邦家。伏願覺性圓明，真心空寂。積生過咎，憑慧力以蠲除；未兆災殃，仗勝因而消蕩。添齡益筭，保命生根。集瑞慶於門庭，介休祥於姻族。上冀星辰順軌，風雨應時。鳳曆延洪，龍儀鞏固。兵戈疾疫，不撓於黎元；水火旱蝗，無侵於境邑。幽途罷對，夜府開光。品彙霑恩，含靈蒙福。齊契正真之果，俱登快樂之鄉。

請靈朝壇文

亡靈沐浴畢，隱語贊引執幡者至壇下，南向面北立讚云。

業緣飄蕩，覺性昏迷。一墮幽途，莫超生界。今憑道力，獲詣靈壇。所宜潔己，正身傾心。靜念皈依，三寶禮謝。衆真恭屆道前，祇受開度。

讚云：亡故某甲，志心朝禮，太上無極大道。

讚云：亡故某甲，志心朝禮，無上至真三十六部尊經。

讚云：亡故某甲，志心朝禮，太上三尊十方衆聖玄中大法師。畢，引幡復位

正齋第一日獻齋文

罔極之尊物，無可稱；薦誠之盡敬，至不文。臣祇奉寶齋，肅陳嘉饗。聿修豺獭之報，仰效蘋蘩之羞。冒犯明威，實深殞越。某等無任俯伏，待罪之至。

第二日獻齋文

祇修玄範，恭啓黃壇。請命師尊，祈恩光之昭格；薦誠蘋藻，冀肸蠶之來臨。仰賴至仁，俯矜微素。某無任俯伏，待罪之至。

第三日獻齋文

九龍垂御，煥光景之昭回；三炁凝姿，凜威顏於咫尺。輒備潔馨之薦，少殫夤奉之心。禮瀆神天，罪甘斧鉞。某無任俯伏，待罪之至。

請靈受度文

九朝畢，至度魂夜。令齋官及家眷等，詣靈壇前，上香辭靈訖。

請靈法師白云：生死異途，生者未嘗忘死；仙凡殊致，仙道可以超凡。惟靈涉世緣，深棲真路。邈自淪幽，夜未證生。方今者，開建黃籙，宣揚紫範。克除業累，已釋苦根。所宜端己

靜心，思真念道。恭受鍊度，祇伺升遷。瞻三炁之寶華，聽九真之妙戒。參傳白簡，超度朱宮。法衆虔誠，隱語迎導。

送靈祝文

道本強名，四大當知假合；身非我有，六親孰謂姻蘿。況夢境之虛浮，有劫塵之穢濁。不堪愛樂，但可弃捐。今則齋事已竣，朝真在即。飄揚羽袂，飛步雲衢。鍊魂三炁之天，稽首十華之界。常聞正法，永侍慈尊。深悟真空，無深依戀。好去。好去。

送五帝文

具法位姓某上啓，東方安寶華林青靈始老青帝九炁天君，南方梵寶昌陽丹靈真老赤帝三炁天君，西方七寶金門皓靈皇老白帝七炁天君，北方洞陰朔單鬱絕五靈玄老黑帝五炁天君，中央玉寶元靈元老黃帝一炁天君。太始既分，五老爲生化之祖；玄功莫測，三天總校錄之司。已散寶齋，難稽天步。雖舉齋謝修崇之典，實罹尸穢觸冒之愆。況進止之乖儀，及朝奏之失節，總

爲罪咎，乞賜矜原。冀資福於存亡，普覃恩於家國。瑤壇徹席，玉駕登輿。九鳳唱而八鸞鳴，萬真會而諸天悅。傾瞻深切，攀戀無從。某等不勝仰望恩光之至。謹再拜，奉辭。

送三師文

具法位姓某上啓靈寶經師真君，靈寶籍師真君，靈寶度師真君。朱表奏功，已上聞於十極；金龍騰景，行投奠於三元。仰籍師尊昭祐之恩，克終齋事圓成之果。幽明開泰，喜慶難言。荷肸蠶之來臨，及光靈之昭格。參侍雲闕，復返琅輿。回仙仗以上征，注彤霄而遐想。更祈慈造，普錫鴻恩。某等無任攀戀激切之至，謹稽首再拜，奉辭。

送監齋法師文

具法位姓某上啓靈寶監齋大法師真君。明真品格，昭垂拔度之文；黃籙簡章，備著威儀之訣。依科修奉，冒禁宣行。恐諸天無紀善之書，則五帝有執愆之錄。曷超逝魄，有玷殊因。仰望洪慈，特開大宥，宣告三界，關聞

十天。共證齋功，旁流惠澤。甦腐骸而更肉，起枯骨以成人。齋散瑤壇，鑪殘寶篆。回瞻風馭，已返瓊霄。某等無任攀戀激切之至，謹稽首再拜，奉辭。

送三官文

具法位姓某上啓，上元一品賜福天官、紫微大帝，中元二品赦罪地官、清虛大帝，下元三品解厄水官、洞陰大帝。建梵炁之靈壇，聿嚴齋謝；屈三元之景馭，俯賜證盟。幸道典之圓成，荷恩光之昭格。重虞褻瀆，有犯科條。錄考罰於四司，書愆尤於九府。難逃玄憲，或誤幽陰。乞垂大有之慈，曲赦不蠲之咎。斷地簡對，絕水盟言。普令法界之含靈，均沐重玄之慧澤。某等無任攀戀激切之至，謹稽首再拜，奉辭。

送天師文

具法位姓某上啓三天扶教、都天大法天師、正一靜應真君。元皇設教，著三籙之簡文；師寶垂慈，作重玄之法主。啓黃壇而告誓，屈丹馭以遐臨。勝果克圓，真功著炳。伏念某學法未

備，禁戒多違。冒舉洪儀，攝行齋事。頒行符命，召役神靈。存念不專，修崇有怠。悉爲罪目，難道冥誅。願賜哀憐，悉從貫宥。俾聞揚於皇化，益推廣於帝慈。仰望層霄，已嚴真馭。莫陪景從，徒切神馳。某等無任攀戀激切之至，謹稽首再拜，奉辭。

送玄師文

具法位姓某上啓三天化主玄中大法師真君。黃壇竣事，幸粗舉於鴻儀；白簡上生，諒潛符於景貺。迂迴霄馭，證質齋盟。徒殫衷赤之私，莫答重泉之施。伏念某等識不聞道，體未洞真。濫佩奉於靈章，乃混同於魔俗。身司濟度，職在宣騰。不量尸穢之微軀，冒舉明真之具典。頒宣符命，操露章書。五日告祈，九朝請謝。驅馳將吏，勞役神靈。學法未備而戒行弗充，存念不專而威儀多缺。凡諸褻瀆，皆是罪緣。慮從不赦之誅，致墮見修之果。惟希大有，普賜洪慈。錄齋主向道之誠，宥法衆違科之咎。覃恩幽顯，資福邦家。庶大振於慈風，永恢揚於

教法。實齋已散，鶴駕難留。拜手天衢，馳神霄極。某等無任攀戀激切之至，謹稽首再拜，奉辭。

送監臨將吏文

寶齋竣事，壇席成儀。功奏三天，恩流十極。請回神馭，各返靈司。齋官虔誠，稽首拜送。

設齋文

道衆赴堂序立

唱人各恭信 三禮

平坐如法

初行食，高功念施食呪曰

一切福田，施食爲先。見存快樂，已往生天。當來淨土，衣食自然。是故供養，普獻諸天。

香厨妙供，上獻天尊，中獻真聖，下及含生，普同供養。福流存亡，如水歸海。

齋畢，收出生飯，念施衆生文

勤修大道法，精心感太冥。真降魔魅散，衆妖皆滅形。七祖生天堂，超升飛上清。福既無不遍，此食施衆生。

次唱，爲諸來生，作善因緣

回向

至慈善貸，無願不從。大道集虛，有求皆應。設齋功德，無限勝因。用祝齋官，七祖父母，所薦亡靈，得出長夜，身入光明。灾消福降，生死升仙。念大聖元始天尊，太上大道君，太上老君，十方靈寶天尊。不可思議功德。

无上黄籙大齋立成儀卷之四十七

无上黄籙大齋立成儀卷之四十八

太上執法仙士將叔與編集

附壇追度門

投壇附薦狀式

鄉貫某州某處居住姓某，伏睹無上黄籙大齋，普度三界，一切有情。功高萬法，惠覃十方。竊念亡親某，粵自淪亡，俄歷歲月。欲伸薦悼，力乏修崇。伏見某為某亡靈，開建黄籙大齋，普度三界，一切有情。欲乞附薦魂儀，遷升福境。今開具生死年月，下項：

亡親某，命係某年某月某日某時生，於某年某月某日某時在某處命過，享年若干歲如所薦名數多，逐一依前開具

右謹具狀，申靈寶大法司。伏乞依科，開度施行，伏候法旨。

太歲某年 月 日鄉貫姓某狀

可漏

狀申 三洞法師門下 具鄉貫某處姓某謹封

如見大齋，外人欲入會附薦者，法難拒絕。今依前式，具投狀四紙，携詣投壇，法師受詞，備奏三天。申靈寶五師、酆都大帝，牒神虎直符，追攝赴壇，依科開度。其投壇狀四紙，一紙繳申三天門下，一紙繳申地府，一紙付三界直符神虎使者，一紙留本司照應。狀紙裁高一尺四寸，真楷書之。申發時連粘為一，合縫用印，此為正薦一人建齋者立文，眾會不用。

三清玉帝奏狀

具法位臣姓某

右臣先異奏聞，為某人正薦亡親某，乞取某月某日就某處開建黄籙大齋，用資超度。今據某處某人等狀稱，伏睹無上黄籙大齋，普度三界，一切有情。竊念某等，各家先遠，粵自淪亡，無力修崇，莫伸薦拔。乞於齋次，附度魂儀。懺謝宿愆，遷昇福境。臣據詞難抑，謹為附壇，依科開度。除已備申靈寶五師真君、北陰酆都大帝，牒本處城隍

司，各乞照會。今繳連某等，所薦亡魂姓名、生死年月帳狀，申三天門下上清天樞院，伺候敕旨。乞與頒行外，謹昧死具狀飛奏，欲望天慈，允臣所奏。特降敕命，下三界十方、地水職司、冥曹幽獄、一切去處，照應赦拔，亡過某等魂，宿對惡根，深愆重罪。俾出幽夜，睹見光明。克詣靈壇，普霑齋法。冒犯天威，臣誠惶誠恐，稽首頓首，死罪謹具奏聞，伏候敕旨。

歲次某年 月 日具法位臣姓名

狀奏

貼黃奏為某人等，乞附壇薦，拔亡親某等

超升，乞降敕命施行事

倚黃乞降付三界十方真司

可漏

三清玉帝至尊陛下

具法位臣姓名狀奏謹封

方函

奏狀一函上詣

三天門下上清天樞院請進

具法位臣姓名某謹封

五師狀

具法位姓名某，今據某鄉貫某人狀稱，

伏睹同前狀式至，遷升福境。某據詞難抑，謹為附壇，依科開度。除已備錄事由，

飛奏上帝，繳連某人等，所薦亡魂姓名、生死年月帳狀，申三天門下上清天樞院，伺候敕旨，乞與施行，及申北陰酆都大帝，牒本處城隍者外，須至申聞者。

右謹具申靈寶經師真君，靈寶籍師真君，靈寶度師真君，玄中教主上清靈寶聖師真君，三天大法天師正一靜應真君聖前。伏望聖慈，特降聖旨，下三界十方、地水冥曹一切去處，照應根刷，附薦亡過某等魂，不以罪業輕重，拘留執對。特與赦除冤業，解釋苦根。俾離重冥，普霑齋法。干冒聖威，某下情無任惶懼之至，謹具狀申聞。謹狀。

歲 年 月 日具法位姓名某狀

天樞院狀 如帳狀多各函發

靈寶大法司

今據某鄉貫某人狀稱同五師狀至，備

奏上帝，請降敕命，及申靈寶五師真君、北陰酆都大帝，牒本屬城隍主者，

各乞照會外。謹繳連某人等所薦亡魂

姓名、生死年月帳狀在前。今發奏狀

一函，重封印全，須至申聞者。

右謹具狀，申三天門下上清天樞院。伏乞徑為通奏，恭請敕旨，早與頒降施行。謹具申聞，伏候昭報。謹狀。

歲 年 月 日具法位姓名某狀

地府狀

具法位姓名某，今據某鄉貫某人狀稱同五師狀至，乞與頒行，申靈寶五師真君，牒本處城隍主者，合乞照會，及備牒三界直符神虎追攝亡魂使者，前去十方三界、地水幽陰，根尋所薦亡過某魂，請領赴壇，祇承功德外，今繳連所薦亡魂姓名，帳狀在前，須至申聞者。

右謹具狀，申北陰玄天酆都大帝聖

前。伏乞聖慈，特降聖旨，下十宮五嶽、

九地幽陰、冥曹幽獄、合屬去處，根刷

附薦亡過某等魂，或有宿債深愆、拘留

執對之者，並請指揮放釋，交付三界直

符、神虎使者管領，赴壇伺候，依科開

度施行。冒犯聖威，某下情無任惶懼之

至，謹具狀申聞。謹狀。

歲 年 月 日具位姓名某狀

城隍牒

靈寶大法司

牒上 某處城隍主者某

侯王

今據鄉貫某人狀稱同五師狀，改作當司，至伺候敕旨，乞與施行，及申靈寶五師真君、酆都大帝外、須至專牒者。

牒請詳前項事理，疾速移文，關報某府州管下，諸縣城隍管內，祀典正神，各令知委照應，直符備去，姓名及附壇所薦亡魂，來詣靈壇，伺候開度。一依盟真科品施行。謹牒。

歲 年 月 日牒

直符神虎牒

靈寶大法司 牒 三界直符神虎追魂使者當司。今據鄉貫某人狀稱同城隍牒云云，至申酆都大帝，牒某處城隍主者外，今來合要上件亡魂，赴壇受度，已繳連所薦亡魂姓名、生死年月帳狀在前。所有申狀公牒，開具通落去處，下項：

一 申狀一函，詣地府北陰酆都大帝聖前，申上。

一 牒一道，某處城隍主者，通下。

牒請照照會賚管，前去根尋所薦亡魂去處，並要請領赴壇，伺候開度。

如或陰關有阻，冥路為難，示以公文，庶為照證。一准玄科玉律施行。故牒。

歲 年 月 日牒

功曹關

靈寶大法司

今月某日發緊急文字，為某處某人乞附黃籙齋壇，追度亡魂事。須至關者：

一 奏狀一函、申狀一函，上詣三天門下、上清天樞院。

一 申狀一函，上詣靈寶五位聖師門下。

已上，逐處請進，申上。

右關某年年直功曹使者並同前正奏關式

錢馬單狀等格式，並同正奏式行用。右附壇所薦亡魂，至建齋宿啓三禮後，師為總告救苦符一面。如結局在拜酆都章前，則併附正薦亡魂，告去尤妙。師仍將齋意為穿入神虎關中。至鍊度夜，却為總告長生符一面。所有附薦亡位，飲食

各令附薦入，自就家廟供養。大道神化，應變無方，不分彼此。至如經幡、冥錢一項，入會者多則易冗雜，反累齋家。各令附薦之人，隨意自備，經幡紙陌，不拘多少。具狀詣壇師，為焚化，或携歸家廟，焚化亦可。立式如後。

附薦功德狀式

鄉貫孝孫某，

今於修奉大齋之次，附薦魂儀，超升福境，所有功德品目，具列如後：

一看誦

某經若干。逐一開列

一備化

某經幡若干，錢財若干

右謹獻上

亡親某靈逐一開列。伏乞大道證明，

清魂昭鑒。謹狀。

歲 年 月 日具位姓名狀

功德壇牒

無上黃籙大齋壇

本壇先據鄉貫某人狀稱，伏睹某人開建无上黄籙大齋，普度三界，一切有情。乞爲附薦亡親某靈，超升福境。本壇除已備奏三天，關騰三界，頒宣符命，召攝魂儀，來赴靈壇，普沾齋法。今來功德圓滿，及據某人別置到真經錢財，總伸資薦，頭連狀子在，合行給付，以爲遷升之據。開具下項：

一告下，元始符命救苦真符，已付茭龍驛吏送訖。

一告下，元始符命長生靈符，已付金龍驛吏送訖。

一給付，太上洞玄靈寶九真妙戒長生度命金籙寶符一階。

牒玉符赦罪，已落滅於惡根；黄籙度生，復增添於善果。仗此薦修之力，徑登快樂之鄉。永斷輪迴，常依元妙。故牒。

歲 年 月 日 牒

无上黄籙大齋立成儀卷之四十八

无上黄籙大齋立成儀卷之四十九

太上執法仙士蔣叔輿編集

齋直須知門

修奉規格

應開建大齋，要在洞天福地宮觀爲上。立壇須是方位端正，坐北，面南，如宮觀元有壇處坐向方位。或偏別就宇下，依式立壇。壇位既正，屋宇坐向雖偏，不妨行事。

應齋主建齋，當竭誠恪。營辦龍繒壁鈕，務在精好。香花油燭，一一所需，並要潔淨，不使穢觸及臨用有缺。科云，修設大齋，以精專爲先，龍繒爲上。香燭虔潔，抑又次之。苟有一闕，亦齋之瑕玷也。修奉之士，所當謹守。應凡建齋，須是量力所及。富則備物，貧則隨宜。所市齋需，不得用非義之財，及與人爭較價直。力有餘而苟且營辦，力不及而勉強經營，皆爲不

誠，難期感格。如齋主係忠孝之家，誠殫力乏，師爲代出龍繒之屬，凡事從省。應于文字醮獻等，以類相併，務在合宜。

應齋官上奏，有官位具官，無官稱奉道弟子。若父母之喪，稱孤子、哀子。

應停喪在室，屋宇深闊。喪在別處，亦可修奉。及生死厭穢、未經解除者，不得於家庭建立齋壇。

應齋儀中，修用存思訣法，並載齋法修用門。讚唱威儀，並載修奉應用門。更不於本儀中詳註。

應文字行遣，帝尊用奏狀，餘並用申狀，神司用公牒。

應奏狀並稱臣申，狀稱名天樞院，狀稱本司，前用司額。關帖牒等稱當司。

應奏申狀，前空一掌，後空兩掌。紙高一尺四寸來許餘，則用展割紙爲佳。醮請獻狀，止用狀紙。

應奏狀內，聖位並用黄籙，臨時貼。

應奏狀前，貼黃，高三寸二分，闊二寸四分，或高三寸六分，闊三寸爲則。分單行寫。貼黃後，合縫處，書臣名，用印，或依朝廷格式，貼黃亦可。

應奏申內，倚黃用小黃簽，側貼太歲下。

應奏申狀，可漏，單聖位者，用黃簽側貼。兩位、四位者，稍用闊黃簽當中貼。三位五位，以中爲尊。兩位四位，以右爲尊。聖中，寫御前，及聖前字。或止寫最前一位亦可。下界神祇狀，用白簽。

應奏申方函，面上並不用貼黃，亦不稱臣。兩頭止書名章詞表。外函同此。如申狀內聖位多者，方函止題最前一位。如東方木德與東方七宿同一狀，止題東方木德歲星真君聖前之類。

應奏申狀，上帝狀稱道慈勅旨，帝尊稱聖慈睿旨。二后稱宸慈聖旨。三清四帝，稱陛下，二后稱殿下。諸帝尊稱御前，諸真稱聖前，下界神祇稱神前。

應帝尊，並獻龍車。地祇皇君獻

輦。

應牒關劄，後並批朱。公牒書名押字。關劄只押字。牒皮正面，上書謹字，中印法階，書名押字，下書封字。用三印。背書司額牒上書主者，用二印。關劄正面印法階，只押字，下書封字，前用一印，後用二印。

應奏申狀並半年用印合縫者，書臣名後，用一印。可漏下用一印。方函正面上下，通用三印。凡牒關帖榜等，押字並用印。公牒並榜，太歲一行，用四印，前用三印。關劄半年用一印，凡用印，並從後起。

應符簡告文，年月用一印。可漏正面用二印，後用一印。應符文作方函發者，依方函式用印。

應奏狀及上界申狀，用三炁飛玄玉章，或用都天大法主印。方函兩頭一同或用通章印，正面用靈寶大法司印。中下界申狀用靈寶大法司印。

應長生符用元始一炁印，救苦符用青玄救苦印，玉札用玉魁司主印。

凡符文屬玉清者，並用元始印。屬東極者並用救苦印。屬上清者並用三天太上印。此印諸符亦可通用。

應章表並用九老仙都印。青詞用三炁玉章。外函同奏狀式，用印當中用三炁玉章，兩頭或用三天太上印，或通章印亦可。

應章書，每行十七字，相去二寸四分，乃爲一行。紙高一尺二寸。書表每行二十四字爲則，紙數及行數要合奇數爲佳。前空兩行，後空三行，依常式書。

應書青詞與章表同格，不拘字數。前空一掌，後空兩掌爲則。可漏用黃紙三寸，套封外用方函。

應書奏申章表等，並各專闢一室，中設香案，毋令外人得入。書寫人須令沐浴更衣入室。凡書章奏等，並用紙遮護兩頭，毋令以衣着上。

應寫奏申文字，不得以人姓名爲頭，鬼字爲首。不得垂生露死，抽破人姓名。

應燒香，不得用竈中灰火。焚燎

錢幣等，不得用油燭點發。

應齋饌，不得用乳酪。臨齋不得飲酒。

應高功法師，須備受三五都功錄、正一盟威錄、靈寶中盟五法錄、靈寶十部妙經，及行靈寶大法，方可依科修建。如止受都功盟威二錄，靈寶衆經及行天樞天心追攝鍊度等法，亦許攝行。奏申儀中稱靈寶大法司去處，及齋科稱盟受三洞寶文玉字金書等處，皆合隨文換易。

應法師止受都功職錄及昇玄、陽光、洞淵等錄，却不受盟威錄；或止受都功職錄及中盟五法錄，不受盟威錄；或止受都功錄及上清錄，不受盟威錄；或止受都功錄，不受盟威錄；或止受盟威錄，却不受都功錄。並不許開建。靈寶齋科，蓋出三五正一官吏，一錄不備受，則出官有礙，皆不可行齋事。

應都講以下五職，亦須備受三五、正一、靈寶、陽光等錄，方可使預壇席。應請同齋道衆，須是平時耐於拜跪，甘於淡泊，專修香火，不貪貨財，方

可結立誓盟。俾登壇席，要與齋官，各殫誠懇，祈叩穹旻，以招感格。若只務聲音韻美，注念不專，非惟枉役精神，虛費財寶，切恐反遭咎責，勞而無功。修建之法，全在擇人，不可不謹。

應執威儀道童十二人，須要先習步虛經、大步虛十首令熟。正齋旋遶時隨聲讚詠。

應寫文字書生，到局日，便令沐浴，浣濯衣服，務在清潔，方可立局，下手繕寫。書生並幹局人先與斷約，不許歸家宿食。別委一人與之，供備飲食，宿卧去處。仍專委一人，收掌紙札，照數出給。如有錯誤，不許別補。並要寫換一幅，則別給紙一幅與之，却與收下誤寫之紙，庶可稽考紙數結局。又可見其寫字錯誤多寡。

應經費門所料紙札數，乃是確定之數。買紙札時，當於數外別買數十幅，以備錯誤換易。

无上黃錄大齋立成儀卷之四十九

无上黃錄大齋立成儀卷之五十

太上執法仙士蔣叔輿編集

雜門

經費帳狀

一齋壇

上層方廣二丈浙尺淮尺一丈六尺，中層方廣三丈二尺淮尺二丈六尺，下層方廣四丈淮尺三丈二尺。每層高一尺二寸，或一尺五寸為則。

梵炁牌八橫造，各闊九寸，高五寸為則

青一，赤一，白一，黑一，黃一。

門牌十四

青三，赤二，白三，黑二，黃四。

門楣三十條隨壇門闊狹為則。日月雲

板三十片門楣上兩旁用之。壇纂八十一枚長纂三十五枚，長一丈。短纂四十六枚，長七尺。蓮花頭八十一箇纂頭上用。絳繩五百

尺，三十二天幡三十二首，五方幡五十首，小雜色幡一百二十首，間幡小花二百枝，蓮花燈五十籠，燈蓋，油心燭。副之壇四圍三十六籠，餘於壇外懸之，蓮花燈纂六十六燈蓋，油心炷副之。施於外壇，上層十八，中層二十二，下層二十四。門簾用之。班序牌十四座依位安之，上書都講監齋之類，周天燈座一百六十以木車成，高三寸為則，燈蓋油心炷副之，周天燈牌八十一座木造，黃紙上書燈名位。

三寶位

御案一卓衣副之，三寶牌三座上施蓋，寶蓋一座結綵為之，四圍皆垂小幡，香鑪一，香合一，花瓶二，茶湯盞棗果盤三副，湯瓶一副，燭臺二。

十方天尊位

香案十卓衣副之，香鑪十，香盤十，花瓶十，茶湯盞棗果牒十副，湯瓶一副，燭臺十，五方真文案五雙，九時散花九盤。

高功位

香案一卓衣副之，燭臺二。

都門外

香案一卓衣副之，花瓶二，香鑪

一，香盤二，燭臺二。

六幕

位牌十四座，香案六卓衣副之，花瓶六，香鑪六，香盤六，燭臺六，燈六座，茶湯盞棗果牒十四副，湯瓶副之。

監臨所

位牌五座，香鑪二，香案二卓衣副之，香盤二，花瓶二，燭臺二，燈二座。

齋壇鎮信

綵一百三十六尺青繒九，紅繒三，白繒七，黑繒五，碧繒三十二，黃繒八十，命繒各隨本命之色，一尺，公侯以紫金龍十條公侯以銀為之，士庶以銅塗金，玉璧十片，米一斛二斗或二斛四斗，錢二貫四百或一貫一百，公侯二十四貫或十二貫，油二斗四升或一斗二升，炭二十四斤或十二束，龍頭銀刀一柄，木硯十箇，墨十片，筆十管，紙十軸每軸十二幅。

投簡

金龍三條，玉璧三片青一圓造，黃一圓造，黑一六花、中皆通竅，徑三寸六分或二寸四分，金鈕二十七隻鈕銅皆可，徑一寸二分，中空，青絲一兩二錢以繫金鈕，白槿木簡三片各長一尺二寸，闊二寸四分，厚二分，封簡袋

三枚青一，黃一，黑一。或羅，或絹，或紗，皆可為之。

靜默堂

位牌三座，香案一卓衣副之，燭臺二，茶湯盞棗果牒三副，燈二座，花瓶二，香鑪一，香合一，講座一，座椅十四隻，長案二，水盆二，茶湯盞棗果牒十四副，香湯逐日昇壇，盥漱用之，最不可缺，手巾二。

一造諸幡

告盟幡黃絹造，長四十九尺，上垂寶蓋木老鴉，幡竿繩木副之，遷神幡黃絹造，長四十九尺，太一幡黃絹造，長四十九尺，命靈幡黃絹造，長一丈二尺，超度幡黃絹造，長一丈二尺，回耀幡紅絹造，長九尺。若寒棲之士，力不及者，止造告盟遷神回耀幡亦可，五方幡五首五色繒夾為之，長五尺。法師當自備，不可重費齋家。三十二天小幡同此，三十二天幡三十二首東青，南赤，西白，北黑，各入以繒夾之長，二尺二寸或隨天色為九色，九獄燈幡九首青紙造，長四尺九寸，破獄九天幡九首黃紙造，長四尺九寸，回耀燈小幡四十九首紙為之，黃白相間，召攝幡二首白絹十尺二寸，中分為之，長三尺六寸夾造。正度普度各一幡。

一章信 啓告玄穹章

紙一張，筆墨硯一副，書刀一口，金魚一枚以銀爲之，重半兩或三錢，二錢玉鴈一隻，香五兩，柴五十斤，炭五十斤，鹽一斤，豉一斤無豉，以豆代，油一斗二升，米一石二斗，錢一貫二百文，淨巾二條，命信若干尺。

自餘每章一通，米五斗、錢一貫二百文，紙筆墨硯如儀，餘悉免。或力乏不能備，師爲代出魚鴈書刀，止輸命信或米、或錢皆可。

一拜章每通合用

寫章劄紙二十幅，副章紙十幅，章函一隻栢木或梓木造，長一尺二寸八分，闊二寸八分，浙尺。正中上下，開三印，月池，章案一隻豹脚造，長二尺四寸，高八寸，栢梓楠木爲之。黃羅卓衣一副，裹章黃羅帕子一條，校章銀龍頭書刀一柄，金魚玉鴈各一隻餘章通同，力乏之者，師爲代出，寫章筆一管，淨墨一片，襯章綵一疋，入章腦子隨意，寫章信錢三貫小章二貫，護章香一斤降真香，從章醮三十六分，金錢三十六貼，雲馬三十六疋，茶酒果各三十九分三清三分，

從章三十六分，青絲繫章函用，黃蠟二兩封章用，章鑪。

一外造

拜言功表，表函一，及几一隻同章式，寫表黃絹一丈四尺一丈二尺寫表，二尺爲可漏。外備青絲黃蠟封表，昇天法橋朱陵火府、鍊度水火池、五苦門，龍童驛吏菱龍一角，青色裝。金龍兩用，黃色裝。童子二員，一青一黃。驛吏二人，直符裝束，一執斧、一執劍，獄名牌九座，回耀燈牌套四十九座，鋪燈細沙一石，懸幡小竹一束。

一幽魂

斛食隨力設之，或七，或五，或三，茭郭一所闔門，六道前齋食六分，多則尤妙，香案燈燭隨宜改之，六道六，浴室二所盆杓甕巾澡豆浴具之類副之，冥衣，冥財，馳馬，經幡，符簡，金銀綵繒。

一正薦亡位

符簡二面，符誥錄券黃絹二丈，黃紙十幅，黃綾一尺，誥錄表首用之，經帶青綾，浴具，冥衣，雲厨法食，冥財，駝轎，金銀綵繒，經幡自餘亡位及經轉等，並隨齋主意滿。

一供養

關發預告茶酒果子二十四分，金錢二十四貼，役馬二十四疋，金銀錢二貼，馬三疋。關發

正奏茶酒果子三十六分，金錢三十六貼，從馬三十六疋，金銀錢五貼，馬五疋。告符命金錢十二貼，馬十二疋。發玉札茶酒果子十二分，金錢十三貼，從馬十二疋。發開啓疏及六幕疏金錢十五貼，從馬十五疋。靜默師堂前茶湯三分，果子九椀。監臨所茶湯五分，果子十五椀。六幕茶湯十四分，果子四十二椀。三日正齋九時行道每朝茶湯三十二分，果子九十六椀，三寶三十，方十六，幕十四，監臨五，茶湯每朝一換，果子每日一換。關發謝恩清醮茶酒果子三十六分，金錢從馬三十六分。投山水簡每處茶酒各二十四分，金錢從馬二十四分。鍊度每次茶酒果子三十六分，金錢三十六貼，從馬三十六疋。符命符簡以栢木爲之，梓木亦可。符簡四面二面，長九寸，闊二寸四分。二面長九寸，闊三寸六分，厚二分。黃經紙二幅書生天寶錄九龍符用。青紙八幅五方真文五幅，歷關諸天狀一幅，左右券二幅，皆用青詞紙。白熟紙三寸六分薄紙背過書玉丸用。符命可漏青紙三幅。玉札生天錄可漏方函黃紙一幅。保舉狀黃紙四幅內一幅作可漏。九獄燈幡青紙三

十幅，黃紙十五幅。三塗五苦誥黃紙十二幅內四幅，作方函可漏用。書印開度符命黃紙五十幅，青紙二幅。寶誥長生度命籙黃絹一丈一尺。黃綾一尺五寸。朱砂一兩。銀朱四兩。

一諸色幡絹等數

告盟遷神太一命靈超度幡五首，總用黃絹十七丈一尺。如不立太一命靈超度三幡，止用黃絹九丈八尺。迴耀幡一首，緋九尺。召攝幡二首，白熟絹七尺二寸。玉札白熟絹，三尺六寸。黃羅五丈章几衣及袱用。黃道絹一疋。表籙黃絹，二丈六尺。

一文字紙數

預告

奏狀五通，申狀六通，牒三道，關二紙，引二紙，錢馬單狀三紙，劄子紙十三幅每一幅，作可漏六箇，大狀紙六幅方函用，截半為之，黃紙半幅貼黃及黃簽用，狀紙十八幅關牒一道，用紙一幅，封皮可漏用紙半幅。

正奏

奏狀二十四通，申狀四十六通，

帳狀四通，牒四十三道，關劄引十道，錢馬單狀三紙，劄紙九十幅，大狀紙三十五幅，狀紙一百三十幅，黃紙三幅。

開啓

疏九通，結盟三紙，職狀一紙，榜九道，劄紙三十幅，大狀紙六幅方函用之，狀紙一百張榜用，黃紙半幅。

開度滿散

鍊度表一通，疏二通，斛疏一通，薦亡疏三通，功德都疏一通，發詞疏引進狀二通，破獄關子一道，神虎甲狀發券關牒三道，普召牒一道，追取防送關子二道，發玉札關子二道，戒牒功德牒二道，發青詞關子二道，發詞疏關子二道，劄紙二十幅，大狀紙二幅，狀紙二十幅。

投簡奏謝

青詞一通，引進狀一通，奏狀二通，申狀四通，謝疏二通，牒五道，照劄四紙，關子二紙，單狀三紙，青詞紙二幅，劄紙十二幅，大狀紙四幅方函用，狀紙二十幅。

已上奏申展劄，共一百六十五

幅。預告十三幅，正奏九十幅，開啓六幕三十幅，鍊度設斛度亡二十幅，投簡奏謝十二幅。

方函大狀紙共五十三幅

預告六幅，正奏三十五幅，開啓六幅，開度滿散二幅，投簡奏謝四幅。

關牒狀紙共三百幅

預告十八幅，正奏一百三十幅，開啓百幅，開度滿散三十二幅，投簡奏謝二十幅。

黃紙九十幅內上等厚黃紙二十四幅，書符命簽黃用。

預告半幅，正奏三幅，開啓半幅，符命二十幅又五十幅，燈幡紙十六幅。

青詞紙四幅

正齋二幅，昇天券二幅。

福州青紙三十八幅

符命八幅，獄燈幡三十幅。書章紙一百二十幅百幅亦可用，副章紙六十幅，安鎮紙一百二十幅。

一醮筵紙數三百六十分料

大奏請狀十通，奏請狀三十四

通，申請狀二百五十四通，上請狀六十二通，關子二道，青詞四通，引進狀一通，關子一道，進狀十通，引進狀一通，奏獻狀三十四通，獻狀二百五十四通，上獻狀六十二通，關子二道。

已上上等狀紙三十幅，大狀紙五幅，次等狀紙八十幅，中等狀紙六百一十幅，次中等狀紙一百五十幅，青詞紙八幅，關子紙三十幅，黃紙五幅，黃簽用。

一鍊度堂、神虎堂、受度堂及醮筵內外，除醮具錢馬有定數外，自餘几案之屬，量屋宇闊狹設之。

卓子約用一百隻，卓衣副之，燭臺六十隻，燈五十椀，香鑪三十隻，醮器三百六十副，湯瓶二十隻，酒注二十隻。

一齋壇油燭數

齋壇六幕，監臨靖室，每夜用燭三十條。宿啓正齋通四夜，合用大燭一百二十條，小燭倍用。召靈懺燈，設斛鍊度，傳戒度靈，共用大燭六十條。

周天燈一百六十盞，每盞用油八文重，一夜用油八斤，四夜合用油三

十二斤。

蓮花燈纂百六十盞，諸幕內外二十四盞，共一百四十盞，一夜用油七斤，四夜合用油二十八斤。

齋壇香數齋主有力者，好香多尤妙

降真香二十五斤，檀香五斤，箋香三斤，速香，沉香，和香須自合者可用，轉經懺燈攝召開度降真香五斤，箋香一斤，護章降真香五斤。

一醮筵香燭

大燭一百二十條，油五斤，散花一盤，降真香五斤，檀香三斤，箋香三斤，速香一斤，沉香，印香須自合爲淨

一諸色錢馬數醮在外

金錢四百七十四分，金銀錢十分，雲馬四百七十四疋，步馬七疋，預告二十六分，正奏四十一分，告符十二分，發玉札十二分，發開啓疏十五分，謝恩清醮三十六分，投山水簡四十八分，鍊度二次七十二分，破獄告符三分，拜章六通共二百一十六分。

一醮筵車輦錢馬數

上帝龍車九乘，鳳輦二乘，后土，金母，

帝尊散位龍車三十三乘，金錢三百六十分，雲馬二百八十六疋，步馬三十疋，冥官用。

一齋壇內外諸色供養總計茶四十四兩，棗三百一十箇，酒六斗，時果八百十六椽。

啓齋立幕，茶湯二十二分，果子六十六椽。正齋諸幕，每朝茶湯三十二分，每日果子九十六椽。總用細茶棗湯三百一十分，果子三百五十四椽。茶十六兩，肥棗三百一十箇，時果三百五十四椽。

一關發投簡供養，茶酒果子二百二十八分。

預告二十四分，正奏三十六分，發玉札十二分，清醮三十六分，山水簡四十八分，鍊度七十二分。茶十二兩，酒三斗，果子二百二十八椽。

拜章供養，茶酒果子二百三十四分，齋壇章六通，每章一通，供養三十九分，茶十二兩，酒三斗，果子二百七十椽，金錢二百一十六分，雲馬二百一十六疋。如法師或併合上章，則供錢馬等件，亦可從省。

一醮筵三百六十分料

茶二十兩，酒五斗，果子四百八

十牒。

總數

齋壇

門牌十四，梵炁牌八，門楣三十

條，日月雲版三十片，壇纂八十一枚，蓮花頭八十一箇，絳繩五百尺，花二百朵，蓮花燈五十籠，蓮花燈纂六十六，班序牌十四座，燈座一百六十箇，燈牌八十一座，三寶御案一隻，十方香案十隻，五方真文案五隻，都門香案一隻，六幕監臨香案八隻，卓衣二十五條，香鑪香盤二十具，花瓶二十三隻，燈八座，燭臺三十隻，淨水盂二口，鎮信綵十三丈六尺，命繒一疋，金龍十三條，玉璧十三斤，槿木簡三片，金鈕二十七隻，青絲一兩二錢，封筒袋三箇，米一斛二斗，錢二貫四佰，油二斗四升，炭二十四斤，龍頭書刀一柄，木硯十箇，墨十片，筆十管，紙一百二十幅，醮器三十二副，章函一，章几一連衣，朱砂一兩，朱筆銀朱四兩。

靜默堂、鍊度堂、神虎堂、設斛所

位牌五十座，花瓶十二隻，香爐

合十副，燭臺十隻，燈十座，醮器五十副，卓子十五隻，卓衣十五隻，坐椅十四隻，講座一，茶湯盞棗十四，水盆二，手巾二。

拜章

御牌三座，位牌三十六座，香鑪合八副，花瓶十隻，燭臺十隻，燈八座，醮器三十九副，章函六，章几六衣副之，章袱六，書刀一口，金魚玉鴈各一，寫章筆五管，淨墨一片，襯章綵一疋，章信紙百張，筆墨硯六副，信香五兩，柴五十斤，炭五十斤，鹽一斤，鼓一斤，油一斗二升，米一石二斗，錢一貫二百文，淨巾二條，命信一疋，寫章錢，黃蠟二兩，青絲，腦子。餘章五通，隨力備之。

醮筵內外

卓子一百隻，卓衣一百條，燭臺六十隻，燈五十椀，香鑪合三十副，湯瓶二十隻，酒注二十隻齋中通用

旛札誥錄合用

大黃絹十九丈七尺不立太乙命靈超度旛，用十二丈四尺，緋絹九丈，白熟絹一丈

一尺，黃羅五丈章几衣及袱用，黃綾一尺五寸，黃道絹一疋。

香

降真香四十斤，檀香十斤，箋香七斤，速香，沉香，和香印香。

降真香，按仙傳云，降醮星辰燒此香，甚為第一。和諸雜香，燒之，烟直上天，可以召鶴及辟天行時氣。出蕃國者為上。

燭

大燭三百條，油六十五斤。

紙

奏申展劄紙一百六十六幅，方函大狀紙六十幅，青詞紙十二幅，關牒狀紙三百三十幅，黃紙一百幅內將三十幅書符簽黃用，須極厚者，書章展劄一百幅，副章紙六十幅，上等狀紙三十幅，次等狀紙八十幅，中等狀紙六百二十幅，次中等狀紙一百五十幅並是紙札實數。每樣各增數十副，備錯誤改換。

錢馬車輦

金錢共七百九十分，金銀錢七分，龍車四十二乘，鳳輦二乘，雲馬七

百六十疋，步馬三十七疋，齋中金錢四百七十四分，金銀錢七分，雲馬四百七十四疋，步馬七疋，醮中上帝龍車九乘，鳳輦二乘，帝尊龍車三十三乘，金錢三百六十分，雲馬二百八十六疋，步馬三十疋。

供養

茶六十四兩，棗三百二十箇，酒一石□斗，時果一千二百一十六楮。

齋壇內外

茶四十四兩，大棗三百二十箇，酒六斗。時果八百十六楮。

醮筵三百六十分

茶二十兩，酒五斗，時果四百楮。

外備

昇天法橋，龍童驛吏，九幽回耀燈牌，鍊度水火池，幡竿，章鑪，細沙一石，乾竹百把先洗令淨，曬乾，炭一百斤，小竹一束，淨水桶四隻，滌醮具桶十隻，熏籠二隻，章奏文字匣十隻，淨巾四條。

右依本科計料，如前有未盡者，隨

宜置辦。崇建大齋，禮物豐備，固爲盡善，然施於強盛有力者則可。儻孝子慈孫志切，薦嚴誠深，修奉力或不及，師當量其所捐之財，將齋醮供獻及鎮信香燭章奏紙陌之類，歸併從省與之，隨力建功，不可責備，俾有一毫勉強之意。至如齋觀，經科無文。法師所得鎮施，亦合分散同齋之人及貧乏者，是以不貪爲寶也。今世反此，失其旨矣。

无上黄籙大齋立成儀卷之五十

无上黄籙大齋立成儀卷之五十一

神位門

左一班

虛無玉帝，
無上玉帝，
太微天帝，
清微天寶君，
禹餘靈寶君，
太赤神寶君，
太真上象帝君，
大洞雌一五帝君，
蒼光太華扶搖帝君，
玉清大慈天尊，
玉清後聖太平天尊，
中元月宮正一天尊，
東方無極太上靈寶天尊，
南方無極太上靈寶天尊，
西方無極太上靈寶天尊，
北方無極太上靈寶天尊，

東北方無極太上靈寶天尊，
東南方無極太上靈寶天尊，
西南方無極太上靈寶天尊，
西北方無極太上靈寶天尊，
上方無極太上靈寶天尊，
下方無極太上靈寶天尊。

大羅諸天尊，
上清九老仙都君九炁丈人，
大羅玉天帝君，
大羅九天木帝君，
大羅九天火帝君，
大羅九天金帝君，
大羅九天水帝君，
大羅九天土帝君，
鬱單無量天帝，
上上禪善無量壽天帝，
梵監須延天帝，
寂然兜術天帝，
波羅尼密不驕樂天帝，
洞元化應聲天帝，
靈化梵輔天帝，
高虛清明天帝，
無想無結無愛天帝，

太玄上梵紫靈毓元快見天帝，
大梵九玄中元炁阿城給道德天帝，
極梵洞微九靈炁帶阿那天帝，
靈梵玄天炁禪天諸惠天帝，
太極無厓紫虛洞幽梵迦摩夷天帝，
玄梵大行無量無所念惠天帝，
無色玄洞微波羅答想天帝，
玄上錄梵滅然天帝。

玉清昌陽運機虛皇高元道君，
玉清皇老三天丈人道君，
玉清無上三天玉童道君，
玉清高上三天虛皇道君，
玉清上皇玉虛道君，
玉清洞虛三元大明皇上道君，
玉清皇上玉帝玄君，
玉清太素高虛上極紫微道君，
玉清中元高上崢秀玉皇道君，
玉清好生道君，
玉清易形道君，
太清紫元三炁法師長生君，
太清中宮青真玉童君，
太清三華建元玄微元君，
太清青虛紫微元君，

太清玄虛金素上真元君，
太清玄宮南真上聖元君，
太清九微上宮真妃元君，
太清中元三光玄虛元君，
太清真皇通靈元君，
紫清太微高虛洞曜三元道君，
紫清太明靈曜中真無上道君，
高清真上虛皇道君，
高清真元玉真元胎道君，
高清真微上真太清大道君，
高清真初紫元道君，
高清真虛太真洞景道君，
高清真太陽九炁玉寶玄元道君，
高清真太初九素金華景元道君，
高清真九皇上真司命道君，
高清真天皇上真玉華三元道君，
高清真太一南極上元司禁道君，
高清真元虛黃房真晨道君，
高清真太極總主四真元君，
高清真中和上真玉晨散華道君，
高清真紫元太微八景三素元晨道君，
高清真洞元青帝玉司道君，
高清真洞元赤帝玉司道君，

玄清洞元白帝玉司道君，
玄清洞元黑帝玉司道君，
玄清洞元黃帝玉司道君，
洞清太虛後聖元晨彭室上真道君，
洞清八極靈都九元道君，
太陽府紫微宮虛景太尉元光道君，
太陰府精微兌宮明晨太和道君，
除精府道微宮諫議玄和道君，
清微府育陽宮元景司空司錄道君，
始陽府太微宮玄景玉光無極道君，
少陽府虛微宮元景太一炎天道君，
陰暉府清微宮洞景司錄太陽道君，
玉清無上金真元皇道君，
高上天寶元皇道君，
玉清神母元君。
九靈太真萬炁金母元君，
高上虛無玄元混化初真聖母，
朱光洞陰二景聖母，
大有空洞混化素靈妙生聖母，
太陽神光玄極九仙聖母，
無上極真太虛天皇聖母，
北極交靈寶光太皇聖母，
虛無元皇九天絕空聖母，

三天真母上元夫人，
上宮九華安妃，
東華靈妃，
鬱單無量天元皇帝真元君，
上上禪善無量壽天元皇帝真元君，
梵監須延天元皇帝真元君，
寂然兜術天元皇帝真元君，
波羅尼密不驕樂天元皇帝真元君，
洞元化應聲天元皇帝真元君，
靈化梵輔天元皇帝真元君，
高虛清明天元皇帝真元君，
無想無結無愛天元皇帝真元君，
紫元太微八素三元玄晨元君，
洞元麻姑，
洞玄靈華夫人，
三元夫人，
上仙金妃，
中皇玉真。
上清又玄天帝君，
上清妙華天帝君，
上清大禹天帝君，
上清紫真天帝君，
上清究竟天帝君，

上清響量天帝君，
上清信果天帝君，
上清修身天帝君，
上清靈風天帝君，
上清皓然天帝君，
上清三昧天帝君，
上清宗敬天帝君，
上清蕭然天帝君，
上清智慧天帝君，
上清金庭天帝君，
上清九宮天帝君，
上清洞房天帝君，
上清圖南天帝君，
上清入神天帝君，
上清妙真天帝君，
上清足品天帝君，
上清鍊質天帝君，
上清逍遙天帝君，
上清至極天帝君，
上清聖像天帝君，
上清大乘天帝君，
上清小乘天帝君，
上清報應天帝君，

上清芬葩天帝君，
上清霧城天帝君，
上清婆娑天帝君，
上清種人天帝君，
上清高妙天帝君，
上清賢潔天帝君，
上清無源天帝君，
上清攝閑天帝君，
上清大魂天帝君，
上清本相天帝君，
上清鍊真天帝君，
上清碧海天帝君，
上清畢竟天帝君，
上清正真天帝君，
上清保華天帝君，
上清淨土天帝君，
上清三皇天帝君，
上清清靜天帝君，
上清化空天帝君，
上清元靈天帝君，
上清乾淨天帝君，
上清寶藏天帝君，
上清玉女天帝君，

上清素女天帝君，
上清化女天帝君，
上清筭壽天帝君，
上清神通天帝君，
上清玄都天帝君，
上清守一天帝君，
上清大章天帝君，
上清步綱天帝君，
上清禁戒天帝君，
上清五芽天帝君，
上清化男天帝君，
上清玉童天帝君，
上清冠天天帝君，
上清五帝天帝君，
上清洞變天帝君，
上清玉訣天帝君，
上清攝邪天帝君，
上清齊天天帝君，
上清明皇天帝君，
上清嚴淨天帝君，
上清法界天帝君，
上清靈皇天帝君，
上清無盡天帝君，

上清至誠天帝君。
東方太始少陽青帝，
南方洞陽納音赤帝，
西方少陰西金白帝，
北方通陰太陽黑帝，
中央總靈高皇黃帝。
靈微中帝，
洞微真帝，
三天無像天王，
三天太宗三昧天王，
九天飛天法王，
九天輪轉法王，
九天九靈丈人，
三天八素八老君，
三天上元禁君，
三天玄元始炁君，
三天綱炁六翮君，
三天三景君，
三天通變飛仙君，
三天妙化真仙君，
三天四梵君，
三天攝炁承天君，
三天威章降魔君，

三天聖皇都錄君，
三天高上隱玄君，
三天高上登真君，
三天高上溥攝萬靈君，
三天定伯六數君，
三天靈飛六甲君，
九天丹城君，
九天總仙君，
九天五帝大仙君。
高上虛皇君，
皇上玉帝君，
三元紫精君，
上元太素三元君，
清靈陽安元君，
高上太素君，
太極天道元景君，
無英中真高上老君，
太陽九天玉賢元君，
九天上真司命君，
太一上元司禁君，
太極總主四真人元晨華虛君，
辰中黃景元君，
太虛後聖无景彭室真君，

玄洲飛真伯上帝司禁君。
東方元化大神，
南方赤晶大神，
西方素成大神，
北方鬱微大神，
東北鎮極大神，
東南風輪大神，
西南太霄大神，
西北廣運大神，
上方高玄大神，
下方執成大神，
東方無極道憲神王，
南方無極神應神王，
西方無極氣合神王，
北方無極玄一神王，
東北方無極陽範神王，
東南方無極陰境神王，
西南方無極正性神王，
西北方無極意化神王，
上方無極感妙神王，
下方無極真精神王。
玉華元明天帝，
墟極化度天帝，

萬寧重暉天帝，
玄期耀和天帝，
會昌鬱明天帝，
扶搖恭靜天帝，
太易洞浮天帝，
玉光盈虛天帝，
炎明號名天帝，
鳳氣丹華天帝，
朱靈彤輝天帝，
紫素禁理天帝，
輝神仙契天帝，
化應奉晨天帝，
務猶合真天帝，
重離洞陽天帝，
雲景利貞天帝，
流輝素真天帝，
大華慶昭天帝，
極肇啓宗天帝，
金耀九司天帝，
浩都寶光天帝，
大明監化天帝，
明梁元素天帝，
玉林元上天帝，

含景太真天帝，
龍頤壽安天帝，
流明玉清天帝，
妙極周化天帝，
紫蓋耀離天帝，
玄凝神秀天帝，
淵明澄虛天帝。
東方無極仁旺大神，
南方無極合明大神，
西方無極皓元大神，
北方無極玄光大神，
東北無極保安大神，
東南無極流運大神，
西南無極鎮紀大神，
西北無極持綱大神，
上方無極生方大神，
下方無極延康大神。
東方賢善世界正化神王，
南方明離世界真惠神王，
西方皓洞世界招仙神王，
北方清靜世界多吉神王，
東北妙華世界威德神王，
東南九真世界福滿神王，

西南流光世界金華神王，
西北玉晨世界福智神王，
上方紫虛世界道樞神王，
下方慈護世界救厄神王。
靈蘭雲室天帝，
開真成化天帝，
祕景凝神天帝，
玉陽勝境天帝，
海國飛卿天帝，
岳靜虛音天帝，
智常極仁天帝，
神島遊車天帝，
炎正司治天帝，
百豐就和天帝，
朱陵典禁天帝，
降都昭靈天帝，
宇庭校精素魔天帝，
剛璣度光天帝，
都神耀羅天帝，
威明廣兵天帝，
東臺羽武天帝，
韓官蔦辜天帝，
龜巖西臺天帝，

直申迅靈天帝，
幽墟潛校天帝，
挈瀆垂神天帝，
波關龍濟天帝，
參首慶生天帝，
洞陰夜城天帝，
孤光王峰天帝，
黑嶷雷司天帝，
正居錫玄天帝，
太一張遙天帝，
素炁徊堂天帝，
龍威捨湟天帝，
至澤洪靈天帝。
東方無極始陽大神，
南方無極炎輝大神，
西方無極少陰大神，
北方無極太一大神，
東北無極保鎮大神，
東南無極通生大神，
西南無極冲厚大神，
西北無極運關大神，
上方無極主變大神，
下方無極持化大神，

東方無極超玄神王，
南方無極升炎神王，
西方無極易皓神王，
北方無極生神神王，
東北無極司變神王，
東南無極主化神王，
西南無極遷氣神王，
西北無極換質神王，
上方無極至有神王，
下方無極妙無神王。
神變九冥天帝，
角應震生天帝，
曲真啓元天帝，
歷陳蒼華天帝，
動緣仁宥天帝，
嶽判紀靈天帝，
翠闕寶輝天帝，
綠粹秀和天帝，
薰微炎照天帝，
陽光混虛天帝，
南玉化闕天帝，
耀景丹靈天帝，
朱明景平天帝，

安變澤神天帝，
龍變慶元天帝，
赤氣定初天帝，
雲極素靈天帝，
正化觀行天帝，
帝靜順康天帝，
竺珞道封天帝，
晶明虎寶天帝，
思度逸冲天帝，
大瑤保存天帝，
感羽浩明天帝，
紫度靜明天帝，
勾魂除邪天帝，
正察高玄儀真天帝，
玄符虛轄天帝，
德芳曜圓露神天帝，
鍾陽溟混天帝，
治化政安天帝。
智明洞空九常天帝，
東方考校濟度大神，
南方司察濟度大神，
西方司禁濟度大神，
北方司化濟度大神，

東北典獄濟度大神，
東南九幽濟度大神，
西南泉曲濟度大神，
西北羅酆濟度大神，
上方超生濟度大神，
下方昇化濟度大神，
東方無極保命神王，
南方無極保化神王，
西方無極散禍神王，
北方無極度厄神王，
東北無極救苦神王，
東南無極衛生神王，
西南無極拔罪神王，
西北無極度魂神王，
上方無極超化神王，
下方無極自在神王。
濟魂逸慶天帝，
曜澤證玄天帝，
流剛升陽天帝，
梵氣舉神天帝，
蕭臺校錄天帝，
祖猷徽緒天帝，
麗慈變生天帝，

道用超神天帝，
紫暉洞明天帝，
玉宸慈化天帝，
正宗玄露天帝，
初嬰育靈天帝，
佐無肇宗天帝，
鵠史利真天帝，
冥超生魂天帝，
祖靈增變天帝，
蟻棣益司天帝，
果成超衢天帝，
瑛觀紫虛天帝，
溢靈慶彰天帝，
朱霞淇至天帝，
黨峻悅疆天帝，
度生昇魂天帝，
魁符考岳天帝，
玉頤淨睹天帝，
機牛亢化天帝，
育乾次寧天帝，
昭本神華天帝，
玄龍史墟天帝，
仙斗迎旗天帝，

朝瑞玉幘天帝，
康庸濟魂天帝。
東方無極道化大神，
南方無極明性大神，
西方無極結炁大神，
北方無極開惠大神，
東北無極生魂大神，
東南無極育形大神，
西南無極保命大神，
西北無極延年大神，
上方無極迴生大神，
下方無極起死大神。
東方無極度命神王，
南方無極鍊魂神王，
西方無極衛質神王，
北方無極保化神王，
東北無極致仙神王，
東南無極寶氣神王，
西南無極迴生神王，
西北無極起死神王，
上方無極超形神王，
下方無極成德神王。
洞幾寂夷天帝，

孔常茂祺天帝，
彥麗漢度天帝，
昌治杭銖天帝，
冲忽晝虛天帝，
雍田禧福天帝，
全遙無思天帝，
側清舉執天帝，
角千火杵天帝，
洞微浩陽天帝，
起龍進城天帝，
滁極雕祥天帝，
峻房光重天帝，
洎正由仙天帝，
空玄懷漠天帝，
崑嶼芳凝天帝，
寶熙列儀天帝，
道維部需天帝，
歷陶極真天帝，
慶緒統皇天帝，
制魔曠猷天帝，
亮恭侍祥天帝，
溶境麗光天帝，
夏琳朱府天帝，

聚咸承籍天帝，
馬應崇元天帝，
蘿曷福世天帝，
詔印八鸞天帝，
逸登翠廓天帝，
霄庭應朝天帝，
釋虛素文天帝，
梵元勝樂天帝。

東方鍊炁變仙至真大神，
南方鍊炁變仙至真大神，
西方鍊炁變仙至真大神，
北方鍊炁變仙至真大神，
東北鍊炁變仙至真大神，
東南鍊炁變仙至真大神，
西南鍊炁變仙至真大神，
西北鍊炁變仙至真大神，
上方鍊炁變仙至真大神，
下方鍊炁變仙至真大神，
東方鍊炁變仙飛天神王，
南方鍊炁變仙飛天神王，
西方鍊炁變仙飛天神王，
北方鍊炁變仙飛天神王，
東北鍊炁變仙飛天神王，

東南鍊炁變仙飛天神王，
西南鍊炁變仙飛天神王，
西北鍊炁變仙飛天神王，
上方鍊炁變仙飛天神王，
下方鍊炁變仙飛天神王。

宛空明梵天帝，
紫元伯無天帝，
燕景鬱需天帝，
冲正洞極天帝，
明辯元黃天帝，
理重淵虛天帝，
覺真權衆天帝，
清微黃羽天帝，
敕明望世天帝，
越甫問時天帝，
炁靈昭浦天帝，
玄虛光範天帝，
上極四種天帝，
易化正鎮天帝，
孤罡八範天帝，
九延玉定天帝，
丹摩逸化天帝，
斗鑑虛輿天帝，

帝光無濟天帝，
朱陵耀光天帝，
紫景斷白天帝，
降仙台元天帝，
爽至謝深天帝，
鬱江斯蟬天帝，
佑侯利真天帝，
谷玄道用天帝，
李步明微天帝，
神廬昌應天帝，
度正克宗天帝，
大火赤衣天帝，
青帝洞遙天帝，
玄城百化天帝，
金離光啓天帝，
極黃玄運天帝，
周延靜平天帝，
寶送榮滋天帝，
慶真美元天帝，
祭無神肆天帝，
高降質華天帝，
道斯延紀天帝，
童利帝鋤天帝，

鼎神化微天帝，
太安順極天帝，
窮熙耀仙天帝，
紫都月廣天帝，
崔康節時天帝，
境碧落珉天帝，
普海洞幾天帝，
漁泗統真天帝，
虎伽霹方天帝，
仇淵落余天帝，
金晶正濟天帝，
皇利孔修天帝，
堯樞精靈天帝，
神吟蕭都天帝，
慶著岳符天帝，
琛明除苦天帝，
豐信考孚天帝，
政入豹部天帝，
耿壘瀝泉天帝，
鬼儲史樂天帝，
靈馥海輪天帝，
上極霄埴天帝，
碧常洞元天帝，

刑籍真筭天帝，
妙真德女天帝，
孕魂敗白天帝，
温胞育陽天帝，
池陰鎮神天帝，
諱津人山天帝，
太黃皇曾天帝，
太明玉完天帝，
清明何童天帝，
玄胎平育天帝，
玄明文舉天帝，
上明七曜摩夷天帝，
虛無越行天帝，
太極濛翳天帝，
元載孔昇天帝，
太安皇崖天帝，
顯定極風天帝，
始皇孝芒天帝，
太皇翁重浮容天帝，
無思江由天帝，
上揲阮樂天帝，
無極曇誓天帝。
太易帝君，

太初帝君，
太始帝君，
太素帝君，
太極帝君。
東方青天帝君，
南方赤天帝君，
西方白天帝君，
北方黑天帝君，
中央黃天帝君。

无上黃錄大齋立成儀卷之五十一

无上黄籙大齋立成儀卷之

五十二

神位門

左二班

大丹炎光鬱明太陽帝君，
 木德歲星重華真君，
 金德太白天皓星君，
 土德鎮星地喉真君，
 神尾計都墜星真君，
 太乙月孛彗星真君，
 太陽左相元皇真君，
 太陽右相黃道帝一真君，
 太陽左輔曜靈洞光真君，
 太陽右輔朱明景化真君，
 日中太丹夫人，
 洞靈太素真人，
 朱景童子，
 九光散暉玉童仙吏，
 青曜少陽啓明君，
 東陽太霞重華曜靈太山元命君，

太白子留金城曜精元道太山君，
 太白皓素天機君，
 太白總曜元素上皇白人君，
 中曜洞極玄天真君，
 中鎮曜靈太上高星君，
 玉斗左宮尊星君，
 玉斗右宮帝星君，
 天英貪狼太星君，
 天任巨門元星君，
 天柱祿存真星君，
 天心文曲紐星君，
 天禽廉貞綱星君，
 天輔武曲紀星君，
 天關破軍關星君，
 天內洞明輔星君，
 天蓬隱光弼星君，
 上台虛精開德星君，
 中台六淳司空星君，
 下台曲生司祿星君，
 魁精玄上真皇夫人，
 變隱迴元內嬪，
 虛精靈上玄皇夫人，
 保胎化形內嬪，

九極靈妃元皇夫人，
 六遁七隱上元聖母，
 上靈晨妃華皇夫人，
 匿景藏光中元內妃，
 北斗金蓋中皇夫人，
 變體易景斗中大女，
 安上晨華中皇夫人，
 隱迹散景斗中中女，
 玉華靈妃元皇夫人，
 分景萬形斗中少女，
 玉帝太明常皇夫人，
 化日月水火高皇左夫人，
 變靈上皇夫人，
 化金石山河右夫人，
 玄冥紫光太一夫人，
 天罡大聖萬真節度星君，
 東斗生炁君，
 南斗司禁君，
 西斗司察君，
 北斗司命君，
 中斗司刑君，
 天秤宮尊神，
 天蠍宮尊神，

人馬宮尊神，
 磨竭宮尊神，
 雙魚宮尊神。
 寶瓶宮尊神，
 白羊宮尊神，
 金牛宮尊神，
 陰陽宮尊神，
 巨蟹宮尊神，
 獅子宮尊神，
 雙女宮尊神。
 紫微垣列位星君，
 太微垣列位星君，
 天市垣列位星君，
 斗府玄曹列職官屬，
 日月星宿神仙，
 日月星宿玉女。
 上元天官紫微大帝，
 中元地官清虛大帝，
 下元水官洞陰大帝。
 玉清上元真宰，
 玉清真宰上相，
 洞真左玄上宰，
 洞真右玄上宰，

洞真左玄上相，
 洞真右玄上相，
 洞真左玄上卿，
 洞真右玄上卿，
 洞真九天金闕丈人，
 洞真太虛上真仙統，
 洞真金闕上仙侍郎，
 洞真金闕僕射，
 洞真玉虛僕射，
 洞真九天仙伯，
 洞真紫府侍郎，
 洞真紫府夫人，
 洞真玉虛太監，
 洞真玉清真令，
 洞真玉清大丞，
 洞真三天都尉。
 玉清宮總真都司君，
 洞神太極上相，
 洞神太極真伯，
 洞神太玄上仙統，
 洞神三天護法都帥，
 洞神九天大兵統，
 洞神太微僕射，

洞神太極僕射，
 洞神木部尚書，
 洞神火部尚書，
 洞神金部尚書，
 洞神水部尚書，
 洞神土部尚書，
 洞神太微護兵大卿，
 洞神極真益筭大卿，
 洞神紫府上仙大卿，
 洞神大仙威監，
 洞神太極上仙大夫，
 洞神三天斬邪護尉，
 洞神洞虛上仙卿，
 洞神九天保命上仙監，
 洞神紫微七政太監，
 洞神金闕盟威太監，
 洞神扶桑暘谷太監，
 洞神太極上仙監，
 洞神玄都仙令太監，
 洞神太極仙府兵錄，
 洞神九天護府司直，
 洞神九天雲霧太監，
 洞神紫府校錄，

洞神六虛明真監，

洞神八極仙都護尉，

洞神北極太監。

玉清左玄真人，

玉清左大悟真人，

玉清左大慈真人，

玉清左混元真人，

玉清左法解真人，

玉清左象外真人，

玉清左受教真人，

玉清左無何真人，

玉清左道寶真人，

玉清左經寶真人，

玉清左師寶真人，

玉清左化億劫真人，

玉清左亥殊妙真人，

玉清左寶光真人，

玉清左鬱明羅真人，

玉清左雲映真人，

玉清左妙寂真人，

玉清左大化真人，

玉清左法橋真人，

玉清左隱玄真人，

玉清左萬變真人，

玉清左法海真人，

玉清寒栖大師，

玉清太醫真王，

玉清東方天台真人，

玉清東方神仙主真人，

玉清東方天帝真人，

玉清東方保祥真人，

玉清東方丹霞真人，

玉清東方清華太光真人，

玉清西南方長生大法師浩渺真人，

玉清太極感仙真人，

玉清太微化仙真人，

玉清太霞運曆真人，

玉清先天總度真人，

玉清西北方九天觀行真人，

玉清普成妙道真人，

玉清增益玄功真人，

玉清穹碧高皇真人，

玉清紫光遠布真人，

玉清東北方方法王真人，

玉清東北方慎真真人，

玉清東北方道眼真人，

玉清東北方統經真人，

玉清東北方天壽真人，

玉清下方玄司總校真人，

玉清咸登大覺真人，

玉清太微紫虛尊仙真人。

上清太微皇上太極真人，

上清太微靈生玉寶真人，

上清太微安華紫元真人，

上清太微金華萬壽真人，

上清太微南華洞陽真人，

上清太微南朱文昌真人，

上清太微金耀暉德真人，

上清太微黃老太華真人，

上清太微暉晨金光真人，

上清太微元英紫陽真人，

上清左日精真人，

上清左太光真人，

上清左太智真人，

上清左左命真人，

上清左諸天傳教真人，

上清左舍景真人，

上清左隱微真人，

上清青羅真人，

上清寶上真人。

太清左九天仙伯文始先生妙道真人，

太清左通玄真人，

太清左冲虚至德真人，

黄庭二十四景戊己真人，

寂然兜術天右玄黄真人。

左九靈真人，

左承天真人，

左瓊丹真人，

左日光真人，

左月光真人，

左星光真人，

左清虚真人，

左妙色真人，

左齊天力真人，

左五億天真人，

右保壽真人，

右無量真人，

右六通圭真人，

右山王主真人，

右運炁光真人，

右無垠真人，

右玄通真人，

右玉晨真人，

右無色想真人，

右陶鎔劫真人，

右歷象化真人，

右滿虚空真人，

右體道德真人，

右領仙真人，

靈化梵輔天玄德真人，

左真炁真人，

左休明真人，

左宥光真人，

左九垓真人，

左靈符真人，

左靈纓真人，

左凌晨真人，

左寶業真人，

左玉霄真人，

左太塊真人，

左金貴真人，

右光景真人，

右雲宿真人，

右龍圖真人，

右亨國然真人，

右同秀真人，

右宗玄真人，

右大權真人，

右寶命真人，

右吉初真人，

右膺靈真人，

右光明真人，

無想無結無愛天左冲玄真人，

左高惠真人，

左總持真人，

左玄明真人，

左金仙真人，

左素王真人，

左至聖真人，

左法本真人，

左東霞真人，

左道貫真人，

左德化真人，

左延光真人，

右升仙真人，

右法廣真人，

右集福真人，

右步空真人，

右隱顯真人，
右超界真人，
右助聖真人，
右浮天真人，
右重明真人，
右天命真人，
右梵王真人，
右忉利真人。
清微宗主真元妙化上帝，
太初天君紫宸太華天帝，
玄中教主靈寶玉虛明皇道君，
大羅無極神公黃籙院知院真君，
玉清元始法師黃籙院使真君，
玉堂大教主黃籙院副使真君，
靈寶上古經師真君，
靈寶上古籍師真君，
靈寶上古度師真君，
靈寶監齋大法師真君，
玉清上相真君，
北極天心丞相真君，
泰玄知省真君，
天樞知院真君，
三天扶教大法天師正一靜應顯佑真

君，
九天司命太虛普惠真君，
高元宸照法王清真紫虛元君，
太極普濟徐真君，
太極左宮仙公冲應孚佑真君，
浮明道祖諶母元君，
淨明道師九州都仙大使神功妙濟真君，
人天教主僉書雷霆超應護國真君，
正一女師真君，
正一嗣師真君，
正一系師真君，
正一左侍王真人，
正一右侍趙真人。
雷霆玉府判府真君，
玉府左右侍中，
玉府左右僕射，
天雷上相，
玉樞使相，
斗樞上相，
上清司命玉府右卿，
五雷院使真君，
雷霆都司元命真君，

雷師皓翁真君，
雷令青童君，
玉樞五雷使院上聖，
北帝斗下雷司五雷上聖，
金闕神霄內外臺省主法高真，
神霄五師真君，
雷霆教主火師真君，
太和依玄元君，
靈妙和凝元君，
靈光聖母元君，
清微元一侍宸保仙元君，
上清西華通慧龐元君，
瓊室洞清郭元君，
福和耀真傅元君，
龍光道明姚元君，
紫英玉惠高元君，
洞陽上宰清虛華真人，
青城山通慧朱真人，
雲山保一李真人，
眉山混隱南真人，
丹山雷淵黃真人，
西山真息熊真人，
泰智冲和彭真人，

武當五龍雲萊葉張真人，
 太極北靈內輔鄭真人，
 稚川抱朴仙翁葛真人，
 南海鮑仙姑，
 全真大教東華少陽帝君，
 正陽鍾離帝君，
 純陽呂仙帝君，
 海蟾劉帝君，
 重陽王帝君，
 丹陽抱一無為普化真君，
 長真凝神玄靜蘊德真君，
 長生輔化宗玄明德真君，
 長春全德神化明應主教真君，
 玉陽体玄廣慈普度真君，
 太古廣寧通玄妙極真君，
 清靜淵真玄虛順化也君，
 天台悟真紫陽真人，
 杏林翠玄真人，
 道光紫賢真人，
 泥九翠虛真人，
 瓊瑄紫清真人，
 神霄傳道輔教宗師林真人，
 玉府上宰神霄左掌雷王真人，

金鼎妙化執法申真人，
 玄都御史神烈吳真人，
 校錄水府冲道黃真君，
 正特陳真君，
 元通周真君，
 神惠曾真君，
 洪施時真君，
 精行甘真君，
 勇悟施真君，
 替惠彭真君，
 和靖盱真君，
 普惠鍾離真君，
 西蜀制魔李真君，
 混元一炁妙道雷真人，
 開光救苦靈寶領教甯真人，
 五帝贊化靈寶領教杜真人，
 東華佐命仙卿靈寶領教項真人，
 靈寶領教嗣鄙鄭吳朱林盧章列位真
 人，
 青玄府下教司命靈寶領教水南林真
 人，
 靈寶領教嗣師高閒董真人，
 清微靈寶道德正一歷代師真，

神霄雷霆歷代師真，
 混元淨明歷代師真。
 天曹太皇萬福真君，
 天曹定名玉曆真君，
 天曹延壽益筭真君，
 天曹消灾散禍真君，
 天曹扶衰度厄真君，
 天曹掌生死祿真君，
 天曹注生勾死真君，
 天曹司命真君，
 天曹司祿真君，
 天曹司非真君，
 天曹司危真君，
 天曹司罰真君，
 天曹司厄真君，
 天曹司殺真君，
 天曹司刑真君，
 天曹掌籍真君，
 天曹掌筭真君，
 天曹財庫真君，
 天曹祿庫真君，
 天曹掌功德司真君。
 三天門下上清天樞院主宰仙官，

三天門下引進仙官，
三天門下直日典者，
三天天醫治病功曹，
三天門下上章詞表靈官，
三天門下掠剩大夫，
太上虛无丈人宮仙官，
太上玄老仙都宮仙官，
太上三天太清宮仙官，
太上重道宮仙官，
太上九炁文昌宮仙官，
太上天帝宮仙官，
太上大道宮仙官，
太上侍中左右監神仙官，
太上金單太歲宮仙官，
赤虛宮仙官，
太微宮仙官，
北斗宮仙官，
太清宮仙官，
通明宮仙官，
上明宮仙官，
高仙宮仙官，
紫微宮仙官，
侍春宮仙官，

武靈宮仙官，
素女宮仙官，
巨野宮仙官，
西明宮仙官，
治絳宮仙官，
典平宮仙官，
北府宮仙官，
南基宮仙官，
東明宮仙官，
西虛宮仙官，
司命宮仙官，
陽明宮仙官，
太陽宮仙官，
少陽宮仙官，
太陰宮仙官，
少陰宮仙官，
北辰宮仙官，
太白金宮仙官，
休明宮仙官，
青陽宮仙官，
啓明宮仙官，
建玉宮仙官。
一炁元神直使八景至真騎吏，

玉清輔官等神，
天地神真日月星宿兵馬騎吏，
十天承受玉女，
十天上奏靈官受事功曹。
清微三炁九霄符章經道雷帝天君，
雷霆欵火律令鄧天君，
雷霆正令都督尚書辛天君，
雷霆行令飛捷報應張天君，
三山木郎皓華荀天君，
火鈴督雷宋將軍，
雷霆樞機寶天君，
霆首大神馬天君，
神烈陽雷荀天君，
神化陰雷畢天君，
洞神主副龐劉二天君，
神霄樞機程雍二元帥，
洞玄主帥蒼牙鐵面劉天君，
神霄妙帥金火張天君，
天醫趙許二元師，
雷霆風雷昌陽大將軍，
雷霆火令含陰大將軍，
九天烈雷昭真楊符使，
九天捷疾焚炎楊符使，

雷霆三五火車鐵面雷公王元帥，
神霄驅雷霹靂程元帥，
統轄社雷蔣大將，
南宮琰摩羅朱將軍，
正一靈官馬陳朱蕭鄭五大元帥，
都天太歲至德殷元帥，
遣瘟滅毒翁元帥，
九天雷路神捷上將玄壇趙元帥，
雷火符使曲元帥，
清微周嚴二元帥，
三光符使溫耿二元帥，
九天考不信道法朱將軍，
北方風輪蕩邪周元帥，
天醫院趙馬黃三元帥，
神霄玉部翻解顛張二使者，
神霄普倒趙金剛，
捷疾黑面雷元帥，
五丁都司何元帥，
酆都主將楊元帥，
巨天力士孟元帥，
朗靈義勇關元帥，
地祇上將溫元帥，
急報無佞康元帥，

英雄猛烈鐵元帥，
地祇忠烈王張二元帥，
天心雷霆諸階法中雷帥官君，
玉樞三十六雷君，
雷霆諸司諸部雷神，
神霄內外臺諸部雷神，
上清諸品錄中仙靈官屬，
玉清五雷院雷將雷兵，
上清天樞院神將神兵，
北極驅邪院神將神兵，
三十六令雷公大神，
天雷真宰，
神雷真宰，
龍雷真宰，
水雷真宰，
社令雷主宰，
九天雷公將軍，
五方雷公將軍，
八方雲雷將軍，
五方蠻雷使者，
九社蠻雷使者，
三界蠻雷使者，
雷公楊將軍，

電母江元君，
風伯梁仙官，
雨師黃天神，
雲雷雨部效職萬神，
四司五帝應感真靈，
上界直符使者。
玄都玉京山仙君，
金華山仙君，
秀華山仙君，
浮絕山仙君，
元景山仙君，
峨嵋山仙君，
三秀山仙君，
紅映山仙君，
紫空山仙君，
廣霞山仙君，
童靈山仙君，
五澗山仙君，
三寶山仙君，
飛霞山仙君，
海上東嶽青帝勾芒君，
海上南嶽赤帝太昊君，
海上中嶽黃帝軒轅文昌君，

海上西嶽白帝少昊君，
海上北嶽黑帝顓頊君。
蓬萊山上真，
大方諸山上真，
小方諸山上真，
方壺山上真，
八亭山上真，
青丘山上真，
連石山上真，
東蒙山上真，
通霞山上真，
龜龍山上真，
方丈山上真，
鍾山上真，
飛霞上真，
真都山上真，
人鳥山上真，
滄海島上真，
圓嶠山上真，
岱嶼山上真，
火山上真，
瀛洲上真，
玄洲上真，

祖洲上真，
炎洲上真，
流洲上真，
元洲上真，
長洲上真，
鳳麟洲上真，
聚窟洲上真。
東華木司大帝，
南華火司大帝，
中華土司高皇大帝，
西華金司靈帝，
北華水司玄帝，
上元九皇君，
上元左都司仙官，
上元右都司仙官，
上元掌籍仙官，
上元太虛總校署仙官，
上元梵天玄署仙官，
上元中真署仙官。

无上黄籙大齋立成儀卷之五十二

无上黄籙大齋立成儀卷之
五十二

神位門

左三班

上元紫微宮左府主生太陽火官，
上元紫微宮右府主死太陰水官，
上元紫微宮中府主生死罪錄官，
上元太極左宮左府主生太陽火官，
上元太極右宮右府主死太陰水官，
上元太極左宮中府主生死罪錄官，
上元太極右宮左府主生太陽火官，
上元太極左宮右府主死太陰水官，
上元太極右宮中府主生死罪錄官，
上元紫微宮明真曹仙官，
上元紫微宮監正曹仙官，
上元紫微宮梵行曹仙官，
上元紫微宮靈關曹仙官，
上元紫微宮禁神曹仙官，
上元紫微宮正神曹仙官，
上元紫微宮通明曹仙官，

上元紫微宮開明曹仙官，
 上元紫微宮玉都曹仙官，
 上元紫微宮南上曹仙官，
 上元紫微宮元功曹仙官，
 上元紫微宮三靈曹仙官，
 上元太極左宮明梵曹仙官，
 上元太極左宮威靈曹仙官，
 上元太極左宮太常曹仙官，
 上元太極左宮太清曹仙官，
 上元太極左宮宣威曹仙官，
 上元太極左宮明都曹仙官，
 上元太極左宮太儀曹仙官，
 上元太極左宮都靈曹仙官，
 上元太極左宮明法曹仙官，
 上元太極左宮考正曹仙官，
 上元太極左宮明威曹仙官，
 上元太極右宮司正曹仙官，
 上元太極右宮四明曹仙官，
 上元太極右宮監天曹仙官，
 上元太極右宮司殺曹仙官，
 上元太極右宮明天曹仙官，
 上元太極右宮幽都曹仙官，
 上元太極右宮威儀曹仙官，

上元太極右宮太陰曹仙官，
 上元太極右宮下元曹仙官，
 上元太極右宮監司曹仙官，
 上元太極右宮監靈曹仙官，
 上元太極右宮大明曹仙官，
 上元考官考士，
 上元考兵考吏。
 中元五炁上仙律令考遷署仙官，
 中元太華真署仙官，
 中元九皇總署仙官，
 中元左都司仙官，
 中元右都司仙官，
 中元洞空青靈宮左耐犯明晨府主生太陽火官，
 中元洞空青靈宮右紂絕陰天府主死太陽水官，
 中元洞空青靈宮七非恬照府主生死罪錄官，
 中元南洞陽左宗天宮左掠事府主生太陽火官，
 中元南洞陽右宗天宮右宗靈府主死太陽水官，
 中元南洞陽左宗天宮中靈神府主生死

罪錄官，
 中元北艷都右陰天宮左連宛泉曲府主生太陽火官，
 中元北艷都右陰天宮右大殺九幽府主死太陽水官，
 中元北艷都右陰天宮中罪氣咸池府主生死罪錄官，
 中元洞空青靈宮靈都曹仙官，
 中元洞空青靈宮維正曹仙官，
 中元洞空青靈宮靈威曹仙官，
 中元洞空青靈宮黃神曹仙官，
 中元洞空青靈宮洞玄曹仙官，
 中元洞空青靈宮威仰曹仙官，
 中元洞空青靈宮靈紐曹仙官，
 中元洞空青靈宮岳正曹仙官，
 中元洞空青靈宮洞天曹仙官，
 中元洞空青靈宮九都曹仙官，
 中元洞空青靈宮通真曹仙官，
 中元洞空青靈宮通明曹仙官，
 中元洞空青靈宮儀範曹仙官，
 中元洞空青靈宮九考曹仙官，
 中元南洞陽左宮南昌曹仙官，
 中元南洞陽左宮考筭曹仙官，

中元南洞陽左宮太陽曹仙官，
中元南洞陽左宮機明曹仙官，
中元南洞陽左宮都律曹仙官，
中元南洞陽左宮九令曹仙官，
中元南洞陽左宮格靈曹仙官，
中元南洞陽左宮明都曹仙官，
中元南洞陽左宮監天曹仙官，
中元南洞陽左宮宣野曹仙官，
中元南洞陽左宮監令曹仙官，
中元南洞陽左宮丘丞曹仙官，
中元南洞陽左宮九炁曹仙官，
中元南洞陽左宮中神曹仙官，
中元北酆都右宮司非曹仙官，
中元北酆都右宮九殺曹仙官，
中元北酆都右宮韓司曹仙官，
中元北酆都右宮執正曹仙官，
中元北酆都右宮督察曹仙官，
中元北酆都右宮役考曹仙官，
中元北酆都右宮攝炁曹仙官，
中元北酆都右宮斗加曹仙官，
中元北酆都右宮主繫曹仙官，
中元北酆都右宮司微曹仙官，
中元北酆都右宮九幽曹仙官，

中元北酆都右宮開度曹仙官，
中元北酆都右宮寒夜曹仙官，
中元考官考士。
中元考兵考吏，
下元廣惠署仙官，
下元廣虛署仙官，
下元總都署仙官，
下元太淵署仙官，
下元左都司仙官，
下元右都司仙官，
下元暘谷洞源青華方諸宮左青元靈泉
府主生太陽火官，
下元暘谷洞源宮右九水寒夜府主死太
陰水官，
下元暘谷洞源宮中朔丹青靈府主生死
罪錄官，
下元左清泠宮左齡劫府主生太陽火
官，
下元右清泠宮右長夜寒庭府主死太陰
水官，
下元左清泠宮中靈寶劫仞府主生死罪
錄官，
下元左羅酆都宮左開度劫量府主生太

陽火官，
下元右羅酆宮右泉曲鬼神府主死太陰
水官，
下元右羅酆宮中通靈大劫府主生死罪
錄官，
下元水明曹仙官，
下元清水曹仙官，
下元烈火曹仙官，
下元三明曹仙官，
下元簡對曹仙官，
下元水令曹仙官，
下元明範曹仙官，
下元洞源曹仙官，
下元劫掠曹仙官，
下元從水曹仙官，
下元洞陽曹仙官，
下元機會曹仙官，
下元明劫曹仙官，
下元機齡曹仙官，
下元水梵曹仙官，
下元檢精曹仙官，
下元清正曹仙官，
下元罪福曹仙官，

下元簡會曹仙官，
 下元從炁曹仙官，
 下元攝靈曹仙官，
 下元召龍曹仙官，
 下元烈女曹仙官，
 下元開明曹仙官，
 下元度魂曹仙官，
 下元九河曹仙官，
 下元北元曹仙官，
 下元考正曹仙官，
 下元九科曹仙官，
 下元四極曹仙官，
 下元幽夜曹仙官，
 下元長劫曹仙官，
 下元苦魂曹仙官，
 下元三難曹仙官，
 下元五法曹仙官，
 下元萬諒曹仙官，
 下元溟波曹仙官，
 下元無極曹仙官，
 下元毒刃曹仙官，
 下元長夜曹仙官，
 下元考官考士，

下元考吏考兵。
 地府北陰玄天酆都大帝，
 酆都佐理太上靈君，
 酆都助理玄滋天君，
 酆都上相君，
 酆都大傅君，
 酆都生炁君，
 酆都成形君，
 酆都司禁君，
 酆都司命君，
 泰素妙廣真君秦廣大王，
 陰德定休真君初江大王，
 洞明普靜真君宋帝大王，
 玄德五靈真君五官大王，
 最勝耀靈真君閻羅大王，
 寶肅昭成真君變成大王，
 等觀明理真君泰山大王，
 無上正度真君平等大王，
 飛魔演慶真君都市大王，
 五化威靈真君轉輪大王，
 酆都東明公，
 酆都南明公，
 酆都西明公，

酆都北明公，
 酆都鬼官北斗君，
 酆都三官都禁君，
 酆都水官司命君，
 酆都右禁司命君主非使者，
 酆都執蓋郎九都使者，
 酆都察命都司監海開國伯，
 北帝內禁御史，
 酆都山紂絕陰天宮仙官，
 酆都山泰殺諒事宗天宮仙官，
 酆都山明晨耐犯武城天宮仙官，
 酆都山恬照罪炁天宮仙官，
 酆都山宗靈七非天宮仙官，
 酆都山敢司連宛屢天宮仙官，
 酆都山玄司重正宗虛天宮仙官，
 酆都山紂絕陰天宮洞大魔王，
 酆都山泰殺諒事宗天宮洞大魔王，
 酆都山明晨耐犯武城天宮洞大魔王，
 酆都山恬照罪炁天宮洞大魔王，
 酆都山宗靈七非天宮洞大魔王，
 酆都山敢司連宛屢天宮洞大魔王，
 酆都山玄司重正宗虛天宮洞大魔王，
 酆都山休明總虛天宮洞大魔王，

酆都山統仙升靈希微天宮洞大魔王，
酆都山正真紹靈宛司天宮洞大魔王，
酆都山雲樓玉紀明晨天宮洞大魔王，
酆都山崇虛赤映雲曲天宮洞大魔王。
北帝大魔王，
皇天九平大魔王，
壞人善性魔王，
附惡人亂世魔王，
好姪禍魔王，
好悲歌魔王，
食啗生人魔王，
好啗害魔王，
摧強盛魔王，
滅盈洮魔王，
掠剩財帛魔王。

酆都山咸池府定罪冥官，
酆都山靈紐府定罪冥官，
酆都山陰天府定罪冥官，
酆都山天乙府定罪冥官，
酆都山六宮考鬼仙官，
酆都山五帝考鬼仙官，
酆都山三元考鬼仙官，
酆都山治天憲考鬼仙官，
酆都山寒池考鬼仙官，
酆都山寒夜考鬼仙官，
酆都山期劫考鬼仙官，
酆都山萬死考鬼仙官，
酆都山十地陰司考鬼仙官，
酆都山主五瘟仙官，
酆都山治罪淪劫仙官，
酆都泉曲十府考鬼仙官，
酆都大禁神君，
酆都中禁神君，
酆都司命君，
酆都司錄君，
酆都司功君，
酆都司殺君，
地府彈方侯，

地府北河侯，
地府南已侯，
地府廬山侯，
地府典柄侯，
地府天門郎，
天門修文郎，
西明郎，
西明都禁郎，
北帝下中衛大將軍，
東越大將軍，
三天執罰大神，
九泉治罪典者，
地府大崔府君，
三司院相公，
地府夏侯相公，
地府六曹尚書，
地府六曹侍郎，
地府六曹善惡童子，
地府六曹都大判官，
地府掌受生十二庫判官，
地府陽曹院判官，
地府陰曹院判官，
察命都知司判官，

地府掌籍掌筭判官，

地府司命司錄判官，

地府注生注死判官，

地府注福注罪判官，

地府諸司崔許李陳趙熊六大判官，

地府諸司洪胡裴周陸屈六大判官，

地府諸司夏侯判官，

地府諸司凌劉鄭鄔惠五大判官，

地府諸司董蕭刁馮皇甫焦六大判官，

地府注長命判官，

地府掌受屈判官，

地府注短命判官，

地府注糧料判官，

地府注食祿判官，

地府注婚姻判官，

地府注非災判官，

地府注察命判官，

地府拘命攝魂判官，

地府掌刑名判官，

地府掌還魂判官，

地府掌印信判官，

地府汨沒司判官，

地府掌功德司判官，

地府善簿司判官，

地府惡簿司判官，

勾覆院何尚書，

開拆院滕尚書，

功德院都大判官，

掌功德廬使者張判官，

東方風雷地獄主者，

南方火翳地獄主者，

西方金剛地獄主者，

北方溟泠地獄主者，

東北鑊湯地獄主者，

東南銅柱地獄主者，

西南屠割地獄主者，

西北火車地獄主者，

中央普掠地獄主者，

磕石硤山血湖無間地獄主者，

酆都山大鐵圍山無間地獄主者，

酆都山總都阿鼻無間地獄主者，

五岳四瀆名山大川地獄官，

酆都山天乙東九獄主者，

酆都山流火南九獄主者，

酆都山鐵車西九獄主者，

酆都山玄沙北九獄主者，

酆都山九幽叅靈律令清泠諸獄考鬼靈官，

酆都山九平玄沙河伯諸獄考鬼靈官，

酆都山青詔禁罪玄天諸獄考鬼靈官，

酆都山天一黃天風雷諸獄考鬼靈官，

酆都山女青自然平天諸獄考鬼靈官，

酆都山虛天玄都元政諸獄考鬼靈官，

酆都山正刑萬死泉曲諸獄考鬼靈官，

酆都山九天寒冰鑊湯諸獄考鬼靈官，

地府泥犁刀山沸沙沸屎諸獄考鬼靈官，

地府黑耳火車鐵牀硤石諸獄考鬼靈官，

地府寒冰剥皮畜生刀兵諸獄考鬼靈官，

地府鐵磨灰河鐵册蛆蟲洋銅諸獄考鬼靈官，

城隍社廟靈壇林野原隰地獄官，

地府太玄本際童子夜光玉女，

察命童子護戒威神，

五帝直符六宮掾吏，

六道都案主者輪迴六道大神，

地府五道大神，

地府業鏡使者業秤使者，
柰河判官鐵船使者橋梁部衆，
無毒鬼王無常鬼王，
地府九億鬼王，
追魂引魂使者，
持幡開道使者，
巨天力士執罰神兵，
陰境飛雷電吏，
牛頭馬面羅刹夜叉等衆。

中岳佐命潘真人，
簡寂陸真人，
昇真王真人，
王屋山貞一馬真人，
茅山玄靜李真人，
茅山真伯徐真人，
廣成杜真人，
清都張真人，
虛靖天師玄通弘悟張真君，
清虛妙道救苦薩真人。
天下名山古今修真得道神仙真侶，
天下名山古今成真證道女真仙侶，
東嶽九土仙官，
南嶽三土仙官，
中嶽十二土仙官，
西嶽七土仙官，
北嶽五土仙官，
東華司命真君，
南極注生真君，
中元定祿真君，
西靈掌筭真君，
北真司錄真君。
華陽洞蕭間宮主者仙官，

華陽洞童初府主者仙官，
華陽洞易遷宮主者仙官，
華陽洞含真館主者仙官，
王屋山小有清虛洞天仙官，
委羽山大有空明洞天仙官，
西城山太玄極真洞天仙官，
西玄山三玄極真洞天仙官，
青城山寶仙九室洞天仙官，
天台赤城山上清玉平洞天仙官，
羅浮山朱明耀真洞天仙官，
句曲山金壇華陽洞天仙官，
林屋山尤神幽墟洞天仙官，
括蒼山城德隱真洞天仙官，
霍僮山霍林洞天仙官，
東嶽太山蓬玄太空洞天仙官，
南嶽衡山朱陵太虛洞天仙官，
西嶽華山太極總仙洞天仙官，
北嶽恒山太一總玄洞天仙官，
中嶽嵩山上帝思真洞天仙官，
峨嵋山虛靈太妙洞天仙官，
廬山仙靈詠真洞天仙官，
四明山丹山赤水洞天仙官，
陽明山極玄太元洞天仙官，

太白山真德洞天仙官，
西山天寶極真洞天仙官，
太瀉山好生玄上洞天仙官，
潛山天柱司玄洞天仙官，
鬼谷山太玄司真洞天仙官，
武夷山昇真元化洞天仙官，
玉笥山太秀法樂洞天仙官，
華蓋山容城太玉洞天仙官，
蓋竹山長曜寶元洞天仙官。
都嶠山寶玄洞天仙官，
白石山瓊秀長真洞天仙官，
勾漏山玉闕寶圭洞天仙官，
九嶷山朝真太虛洞天仙官，
洞陽山洞明隱真洞天仙官，
幕阜山洞真太虛洞天仙官，
大西山大西華妙洞天仙官，
金庭山金庭崇妙洞天仙官，
麻姑山丹霞洞天仙官，
仙都山玄都祈仙洞天仙官，
青田山青田大鶴洞天仙官，
鍾山朱湖太生洞天仙官，
良常山良常方會洞天仙官，
紫蓋山紫玄洞照洞天仙官，

天目山太微玄蓋洞天仙官，
桃源山白馬玄光洞天仙官，
金華山金華洞元洞天仙官。
地肺山福地主仙錄君，
蓋竹山福地主仙錄君，
石磻山福地主仙錄君，
東仙山福地主仙錄君，
西仙山福地主仙錄君，
南田山福地主仙錄君，
玉瑠山福地主仙錄君，
青嶼山福地主仙錄君，
郁木坑福地主仙錄君，
丹霞洞福地主仙錄君，
君山福地主仙錄君，
大若巖福地主仙錄君，
桂源福地主仙錄君，
靈墟福地主仙錄君，
沃州福地主仙錄君，
天姥岑福地主仙錄君，
若耶溪福地主仙錄君，
金庭山福地主仙錄君，
清遠山福地主仙錄君，
安山福地主仙錄君，

鵝羊山福地主仙錄君，
洞真墟福地主仙錄君，
清玉壇福地主仙錄君，
光天壇福地主仙錄君，
洞靈源福地主仙錄君，
洞宮山福地主仙錄君，
陶宮山福地主仙錄君，
三皇井福地主仙錄君，
欄柯山福地主仙錄君，
芹溪福地主仙錄君，
龍虎山福地主仙錄君，
靈山福地主仙錄君，
泉源福地主仙錄君，
金精山福地主仙錄君，
閤皂山福地主仙錄君，
始豐山福地主仙錄君，
逍遙山福地主仙錄君，
東白源福地主仙錄君，
鉢池山福地主仙錄君，
論山福地主仙錄君，
毛公壇福地主仙錄君，
雞籠山福地主仙錄君，
桐柏山福地主仙錄君，

平都山福地主仙錄君，
綠羅山福地主仙錄君，
虎溪山福地主仙錄君，
彰觀山福地主仙錄君，
抱犢山福地主仙錄君，
大面山福地主仙錄君，
辰山福地主仙錄君，
馬迹山福地主仙錄君，
德山福地主仙錄君，
高溪福地主仙錄君，
藍水福地主仙錄君，
玉峰山福地主仙錄君，
天柱山福地主仙錄君，
商谷山福地主仙錄君，
張公洞福地主仙錄君，
司馬海福地主仙錄君，
長白山福地主仙錄君，
中條山福地主仙錄君，
菱湖魚澄洞主仙錄君，
綿竹山福地主仙錄君，
瀘水福地主仙錄君，
甘山福地主仙錄君，
瑰山福地主仙錄君，

金城山福地主仙錄君，
雲山福地主仙錄君，
北邙山福地主仙錄君，
廬山福地主仙錄君，
東海山福地主仙錄君。
東方至真神仙一切大聖衆，
南方至真神仙一切大聖衆，
西方至真神仙一切大聖衆，
北方至真神仙一切大聖衆，
東北方至真神仙一切大聖衆，
東南方至真神仙一切大聖衆，
西南方至真神仙一切大聖衆，
西北方至真神仙一切大聖衆，
上方至真神仙一切大聖衆，
下方至真神仙一切大聖衆，
天妃聖母海島龍神。
乾宮六白神，
坎宮一白神，
艮宮八白神，
震宮三碧神，
巽宮四綠神，
離宮九紫神，
坤宮二黑神，

兌宮七赤神，
中宮五黃神。
東方道都大主者，
南方道都大主者，
西方道都大主者，
北方道都大主者，
東北道都大主者，
東南道都大主者，
西南道都大主者，
西北道都大主者，
上方道都大主者，
下方道都大主者。
揚州社令神，
冀州社令神，
荊州社令神，
青州社令神，
徐州社令神，
豫州社令神，
雍州社令神，
梁州社令神，
兗州社令神。
靈壇青龍白虎朱雀玄武神君，
天門地戶人門鬼路神君，

靈壇六甲六丁大神，
 靈壇八卦九宮大神，
 靈寶八方威神，
 九鳳破穢宮君，
 五帝五龍神君，
 乾羅塔那使者，
 洞罡太玄使者，
 吞魔食鬼將軍，
 銅頭鐵面騎吏解穢合干官屬，
 京都城隍之神，
 天符都天總管金容元帥大帝，
 地符副帥至聖魔王，
 五方五炁行瘟使者，
 和瘟匡阜真人，
 勸善明覺大師，
 十二年王大神，
 十二月將大神，
 十二日分使者，
 十二時辰使者，
 二十四氣使者，
 七十二候神王，
 行瘟南曹使者，
 行瘟北院判官，

行諸般瘟疫病使者，
 儀藥處士持藥大神，
 瘟司諸獄官僚顯化一切威靈，
 道林真覺普濟禪師，
 晋尚書令忠貞卞公之神，
 南唐劉越王之神，
 護國嘉濟江東崇惠忠佑之神，
 元衛國忠肅公之神，
 都督晏元帥平浪侯，
 國册祀典諸廟之神，
 司竈之神，
 中霤之神，
 司户之神，
 當境土地正神雲厨監齋大神。

无上黃錄大齋立成儀卷之五十三

无上黃錄大齋立成儀卷之
五十四

神位門

右一班

玉虚上帝，
 太微玉帝，
 少微天帝，
 太陽炎極朱明上帝，
 皇極上清金闕帝君，
 上清金闕梵行崇聖帝君，
 無上玄老上帝君，
 混沌太无元高上虚皇帝君，
 玉清虚無天尊，
 玉清大悲天尊，
 玉清後聖瓊闕天尊，
 上元日宮皇極天尊，
 下元星宮衆妙天尊，
 東方玉寶皇上慈悲救苦天尊，
 南方玄真萬福好生救苦天尊，
 西方太妙至極平等救苦天尊，

北方玄上玉晨大慈救苦天尊，
東北方度仙上聖普濟救苦天尊，
東南方好生度命無量救苦天尊，
西南方太靈虛皇普度救苦天尊，
西北方無量太華惠化救苦天尊，
上方玉虛明皇徧慈救苦天尊，
下方真皇洞神廣濟救苦天尊，
靈寶至真明皇道君，
天帝君天帝丈人。
大羅天帝君，
大羅北帝君，
大羅玄丘玉帝君，
大羅中元尊帝君，
大羅九玄帝君。
元精波羅摩禪天帝，
入色水無量億羅天帝，
玄精正炁首納淨天帝，
梵行上清炁首憩邊淨天帝，
玄梵玉虛元精羅迦淨明天帝，
大梵玄元炁離祕心行如天帝，
寶梵無色上真炁番羅玄妙天帝，
飛梵行真上玄苔謬福德天帝，
雲梵流精中元近懿際淳天帝，

大梵玄清元精苔憩近際天帝，
靈梵上清化靈須陀結愛天帝，
行元清玄靈炁須達天帝，
無名至極洞微梵寶天帝，
空室中天續元伊檀天帝，
綠梵自然識梵永和天帝，
雲梵上行維先阿慾天帝，
洞微玄上梵無阿竭含那天帝，
極色上行梵泥羅先若夷天帝，
上清太素高虛洞耀三元道君，
上清上元太素三元君，
上清中元紫素三元君，
上清下元黃素三元君，
上清紫宸天帝，
上清紫宸太微天帝，
上清紫宸太微九道高上玉晨君，
上清太虛上霄飛神中玄黃炁君，
上清紫元太微八素三元玄晨君，
上清太平金闕帝晨後聖玄元上道君，
上清八景老君，
太清高虛洞曜三元主大道君。
紫虛玉皇先生紫宸道君，
紫虛三元紫精道君，

紫虛真陽元老玄一道君，
紫虛上皇先生紫宸道君，
紫虛皇上帝道君，
紫虛皇老上帝道君，
紫虛青靈安老玄元道君，
紫虛皇清洞真道君，
紫虛元靈高上太素道君，
紫清玄真九元無上虛皇道君。
高上三元玄老虛皇玉晨道君，
高上三元晨冲黃境元臺虛一道君，
高上真老中元道君，
高上太極大道元景道君，
高上無英中真上玄道君，
高上真玄虛高上虛皇道君。
高上虛玄元始丈人，
高上九玄四始天王，
高上太空九天丈人道君，
高上玄虛九天真王道君，
高上空洞混化九天元父道君，
高上空虛自然九天真母道君，
高上玉寶九霄太真丈人道君，
高上紫英九霄太真玉道君，
高上玉虛太始先生道君。

洞清九微太真王東華上相青童道君，
上宰西城總真王真君，
上保太丹宮南極元君，
上傅白山宮太素元君，
洞清太元玄都九炁丈人主仙道君，
洞清小有玉真主圖真王道君，
洞清玄洲二十九真仙伯司禁君，
青陽府玄會始景老子大道君。
高上玉寶元皇道君，
高上真寶元皇道君。
東極真王扶桑大帝，
南極真王丹陵大帝，
西極真王素靈大帝，
北極真王洞陰大帝。
甲子天皇君，
甲申地皇君，
甲寅人皇君。
先天太一元君，
無上雌一帝真九光聖母，
三天陽魂太一聖母，
三素洞陰太微聖母，
九華九陽空洞飛生聖母，
太陰神光玄極青帝聖母，

元陽九華委夷皓真聖母，
梵寶昌陽洞冥玄光聖母，
萬炁絕冥紫光列紀聖母，
九天無量三昧太一元君，
九炁素生元妃，
大洞迴元羽真，
靈曜元君，
無上混元元君，
靈寶巴元君，
碧落元君，
九天像帝元君，
太素三元君，
白素元君，
黃素元君，
紫素元君，
太極帝妃，
洞玄太真夫人，
太微玄清左夫人，
南極紫元夫人，
中元上真，
諸天聖母上真元妃。
太清右九天保命天帝君，
太清右九天影元天帝君，

太清右定形天帝君，
太清右無終天帝君，
太清右陰陽天帝君，
太清惠景天帝君，
太清攝正天帝君，
太清悟玄天帝君，
太清遼邈天帝君，
太清旋行天帝君，
太清立功天帝君，
太清仙徒無數天帝君，
太清八音天帝君，
太清大衍天帝君，
太清元皇象天帝君，
太清無涯天帝君，
太清杳冥天帝君，
太清等劫仞天帝君，
太清端麗天帝君，
太清靈真天帝君，
太清應感天帝君，
太清金剛主天帝君，
太清億劫天帝君，
太清輪迴天帝君，
太清真身天帝君，

太清太虛天帝君，
太清太源天帝君，
太清太開天帝君，
太清色空天帝君，
太清妙色天帝君，
太清歸空天帝君，
太清瓊都天帝君，
太清無窮天帝君，
太清無形天帝君，
太清無影天帝君，
太清無邊天帝君，
太清萬變天帝君，
太清青真天帝君，
太清功果天帝君，
太清無際天帝君，
太清惠源天帝君，
太清圓滿天帝君，
太清福慶天帝君，
太清行道天帝君，
太清寂然天帝君，
太清澄淨天帝君，
太清實想天帝君，
太清定志天帝君，

太清通碁天帝君，
太清散花天帝君，
太清消魔天帝君，
太清鳳城天帝君，
太清三洞天帝君，
太清玉籙天帝君，
太清凝象天帝君，
太清瑞應天帝君，
太清開劫盤石天帝君，
太清三天大赤天帝君，
太清慶雲天帝君，
太清妙覺天帝君，
太清變化天帝君，
太清儲曜常期考校天帝君，
太清皎然天帝君，
太清升玄天帝君，
太清惠明天帝君。
東方青靈始老九炁天君，
南方丹靈真老三炁天君，
西方皓靈皇老七炁天君，
北方玄靈元老五炁天君，
中央黃靈元老一炁天君，
上清瓊宮東華玉真青帝君，

上清瓊宮南極玉真赤帝君，
上清瓊宮西靈玉真白帝君，
上清瓊宮北真玉真黑帝君，
上清瓊宮中黃玉真黃帝君。
希微蒼帝，
中微赤帝，
紫微白帝，
玄微黑帝，
始微上帝，
宣微下帝，
九微內帝。
三天命魔法主，
三天大洞法主，
九天妙寶法主，
三天廣霞法主，
三天衛聖大君，
三天飛騎羽服君，
三天神羽通聖君，
三天九鳳真仙君，
三天王皇譜錄君，
三天玄明神仙君，
三天長生大法君，
三天高上玄廣君，

三天無極承天君，
三天玄始天七星君，
三天高上都督君，
三天高上靖魔君，
三天高上中法君，
三天定陽九數君，
三天八素太玄君，
九天金室君，
九天開劫運化君，
九天道化君，
九天司禁都仙君，
九天玉虛君，
上皇先生紫晨君，
真陽元老玄一君，
上清紫精三素君，
皇清洞真君，
皇上四老道中君，
皇初紫靈元君，
青精上真內景君，
太初九素金華景元君，
天皇上真玉華三元君，
虛皇房真晨君，
五方五斗斗中中真考校君，

金闕上聖太平天帝上景君，
上清八皇老君，
西華太素玉臺輔相九靈真仙。
東方玉寶大神，
南方玄真大神，
西方大妙大神，
北方紫陽大神，
東北方度化大神，
東南方好生大神，
西南方明華大神，
西北方玄明大神，
上方玉虛大神，
下方真皇大神。
東方無極啓靈神王，
南方無極華景神王，
西方無極育素神王，
北方無極元精神王，
東北無極定運神王，
東南無極開生神王，
西南無極成德神王，
西北無極玄寶神王，
上方無極天樞神王，
下方無極地關神王。

耀祺靈藪天帝，
瑜昉智參天帝，
乙羅冲式天帝，
景妙盡思天帝，
田靈緒成天帝，
離真合玄變極天帝，
道依顯靜虛神天帝，
歷思證理明通天帝，
持容慶緒拱化天帝，
樂佑思真管熙天帝，
魯咸至中天帝，
英齊裕管天帝，
栗還玄冲天帝，
周極盟真天帝，
明洞祕思天帝，
康宗揚義超無天帝，
敦極洞皇天帝，
照志演微天帝，
太始昭生天帝，
嚴極靜修天帝，
直輪渾樞天帝，
吉靈化時天帝，
溫閔成儀天帝，

肅圓恭慶天帝，
惠祖龍坡天帝，
寂無常善天帝，
蒙玄靈示天帝，
妙度進良天帝，
灝景諛真天帝，
九真太羽天帝，
默和隆度天帝，
幽無委玄天帝。
東方碧落空歌至真大神，
南方碧落空歌至真大神，
西方碧落空歌至真大神，
北方碧落空歌至真大神，
東北方碧落空歌至真大神，
東南方碧落空歌至真大神，
西南方碧落空歌至真大神，
西北方碧落空歌至真大神，
上方碧落空歌至真大神，
下方碧落空歌至真大神。

東北方無極玉音神王，
東南方無極玉音神王，
西南方無極玉音神王，
西北方無極玉音神王，
上方無極玉音神王，
下方無極玉音神王。
碧梵玄无天帝，
碧空臻際天帝，
碧羅玄元天帝，
碧合澄開天帝，
碧顏朱景天帝，
碧宏虚曠天帝，
碧真洞陽天帝，
碧瑤絳宮天帝，
碧霞明素天帝，
碧無耀洞天帝，
碧運始圖天帝，
碧浩正虚天帝，
碧神照智天帝，
碧冲紫耀天帝，
碧蓋梵空天帝，
碧洞霞陽天帝，
碧華開曆天帝，

碧梵明遙天帝，
碧光寒華天帝，
碧液注延天帝，
碧丹化炁天帝，
碧廓慈明天帝，
碧落歌音天帝，
碧虚凝陽天帝。
東方青帝梁虚生化胎至真大神，
南方赤帝仲明賓除穢至真大神，
西方白帝翊成豫化胎至真大神，
北方黑帝元道明除穢至真大神，
東北八景明微君化胎至真大神，
東南八景玄靈君除穢至真大神，
西南八景真華君化胎至真大神，
西北八景靈暉君除穢至真大神，
上方八景吟穴君化胎至真大神，
下方八景祕形君除穢至真大神。
東方無極定生神王，
南方無極感化神王，
西方無極變胎神王，
北方無極斷根神王，
東北無極易胞神王，
東南無極解結神王，

西南無極散節神王，
西北無極極真神王，
上方無極去邪神王，
下方無極除穢神王。

至真回堂天帝，
虛洞普搖天帝，
遠師崇濟天帝，
皓景環宗天帝，
略無燕神天帝，
牛岵兆壺天帝，
妙宮蔽無天帝，
顧靈定虛天帝，
喬繁麗空天帝，
持命典仙天帝，
元師究申天帝，
霸澤回華天帝，
太素夷微天帝，
序乾標合天帝，
道表臻祥天帝，
冥轉運邦天帝，
龍玄胎神天帝，
丘定漾氣天帝，
昭力支羅天帝，

孝至岡虞天帝，
洞化寶陽天帝，
靈緒混甘天帝，
救牢拔塗天帝，
流曜絳章天帝，
耿易火帝天帝，
意寶聚真天帝，
溉本歷孚天帝，
河陣肆師天帝，
鑄精育神天帝，
胞命元化淨光天帝，
芒旹欲度天帝，
觀竺吉猷天帝。
東方青宮救苦大神，
南方朱宮明悟大神，
西方素靈宮玄定大神，
北方紫元宮幽感大神，
東北艷都宮雲營大神，
東南九幽宮拔罪大神，
西南泉曲宮度生大神，
西北天福宮超化大神，
上方真都宮靈妙大神，
下方玄妙宮寂定大神。

東方無極龍威神王，
南方無極丹靈神王，
西方無極皓華神王，
北方無極玄英神王，
東北無極鍊度神王，
東南無極變身神王，
西南無極復相神王，
西北無極正精神王，
上方無極火府神王，
下方無極返形神王。
基化正宣天帝，
由明應玄天帝，
極樂樞明天帝，
變真九仙天帝，
耀靈華運天帝，
不驕悲識天帝，
佑祺素寶周儲天帝，
歷爽古澗弘思天帝，
李檀舜籍天帝，
霞洞宴王天帝，
剎聽化高天帝，
封冥錄陰天帝，
度魂升慶天帝，

超對希樂天帝，
慈登福果天帝，
神校司官領錄天帝，
應祈勝妙天帝，
通化慮仙易真天帝，
久世垞畿影化天帝，
道戶寂然天帝，
敏正遙靈師補天帝，
玉都蕭韓主成天帝，
昇虛玄變天帝，
梵行大無天帝，
太微玉華天帝，
微覺宗仙天帝，
度靈蹟真天帝，
董正黎辯天帝，
陰臺總按天帝，
岳詔遷證天帝，
龍化真惠天帝，
女青攄文天帝。
東方大慈九炁救苦天君，
南方大智三炁赦罪天君，
西方大明七炁執法天君，
北方大惠五炁息苦天君，

東北大悲梵炁破獄天君，
東南除過梵炁九幽天君，
西南大心梵炁拔罪天君，
西北大仁梵炁玉匱天君，
上方普濟一十二炁萬福天君，
下方不動五炁玄母天君。
東方無極道化神王，
南方無極度生神王，
西方無極堅德神王，
北方無極玄照神王，
東北無極救苦神王，
東南無極拔罪神王，
西南無極濟苦神王，
西北無極赦罪神王，
上方無極升度神王，
下方無極普惠神王。
王餘明報天帝，
蒼靈洞籍天帝，
妙極神際天帝，
長智通奇天帝，
救籍惇和天帝，
道明雲覬天帝，
德育正化天帝，

玄靈妙濟天帝，
虛璿澄廉天帝，
彰容克閒天帝，
奏須曆淨天帝，
太妙希玄天帝，
和遲竟觀天帝，
深極勝離天帝，
鬼樞星映天帝，
超氣皇度天帝，
昭寅澄觀天帝，
蕩拂遠想天帝，
靈微四極天帝，
月廣曜虛天帝，
昌宜管祖天帝，
救嚴制魔天帝，
紫華慶陽天帝，
常憫亟濟天帝，
征旗闢盧天帝，
疆明拯機天帝，
太極允明天帝，
濯儲烈和天帝，
浸微液華天帝，
河都曲泉天帝。

東方無極道寂大神，
南方無極神力大神，
西方無極攝精大神，
北方無極玄運大神，
東北無極尸魔大神，
東南無極靈儀大神，
西南無極胎靈大神，
西北無極機用大神，
上方無極化屍大神，
下方無極受形大神。
東方無極蘊光神王，
南方無極開明神王，
西方無極大氣神王，
北方無極子育神王，
東北無極感德神王，
東南無極變生神王，
西南無極道母神王，
西北無極元父神王，
上方無極生尸神王，
下方無極回形神王。
利慶昭華天帝，
浮輿秉衡天帝，
汨沱灑流天帝，

少正除皇天帝，
角滌聚炁天帝，
記淀猶休天帝，
道治區玄天帝，
洞幽浚微天帝，
錫華紫真天帝，
商廬歲文天帝，
壯拔閱芒天帝，
報遵陽彭天帝，
火藏照沙天帝，
黃靈剡湧天帝，
谷羅應仙天帝，
睹佃幼明天帝，
鎮混洞香天帝，
乾庇邈虛天帝，
烈命周隅天帝，
閻正雅樞天帝，
濯幹紘化天帝，
汭回奉靈天帝，
夜河司靈天帝，
太紫輪真天帝，
寶聚紫陽天帝，
暴映神變天帝，

灑望昇持天帝，
太始珍輝天帝，
朝衛尊景天帝，
妙禁霄址天帝，
典教曆紀天帝，
照罪解尸天帝，
東方多聞大神，
南方多目大神，
西方堅住大神，
北方定海大神，
東北神用大神，
東南權化大神，
西南道聰大神，
西北玄藏大神，
上方永生大神，
下方息化大神。
東方無極清信神王，
南方無極明感神王，
西方無極堅立神王，
北方無極海空神王，
東北方無極聖仙神王，
東南方無極妙惠神王，
西南方無極定常神王，

西北方無極證真神王，
上方無極无影神王，
下方無極不回神王。

玉娑平海天帝，
喬炎祥備天帝，
雲礪龍磧天帝，
麗性希矇天帝，
鎮相流誓天帝，
岳樊膏汀天帝，
凝仙鹿觀天帝，
斗補玄司天帝，
嶧鱗飛機天帝，
洞炎赤圭天帝，
陽祈正父天帝，
金律整靈天帝，
烏稷無變天帝，
神歸合明天帝，
太元機省天帝，
校錄定真天帝，
明玄聖皇天帝，
曲生司世天帝，
總梵極元天帝，
玄化典法天帝，

華晶慶霄天帝，
列星交微天帝，
卯化液流天帝，
媁玉中華天帝，
太極抱愛天帝，
丹精朱闕天帝，
玄生象帝之君，
九華天真皇人，
赤明和陽天帝，
玄明恭華天帝，
曜明宗飄天帝，
竺落皇笏天帝，
虛明堂曜天帝，
觀明端靖天帝，
玄明恭慶天帝，
太煥極瑤天帝，
皓庭霄度天帝，
淵通元洞天帝，
太文翰寵妙成天帝，
太素秀樂禁上天帝，
太虛無上常融天帝，
太釋玉隆騰勝天帝，
龍變梵度天帝，

太極平育賈奕天帝。

帝昊英君，

帝尊靈君，

帝無懷君，

帝臨君，

帝魁君，

帝赫胥君，

帝大庭君，

帝綱君，

太上梵寶元陽君，

九天金錄無量壽生神尊君。

无上黄錄大齋立成儀卷之五十四

无上黄籙大齋立成儀卷之五十五

神位門

右二班

黃華素曜元精太陰皇君，
 火德熒惑執法星君，
 水德辰星伺晨星君，
 神首羅喉建星真君，
 天乙紫炁道曜星君，
 太陰素靈洞明大丹元君，
 太陰洞明青桂黃華元君，
 太陰鬱羅廣曜黃素元君，
 太陰鬱羅廣曜素通元君，
 太陰素華洞明太光元妃，
 黃華石景水母，
 流光夫人，
 圓光散輝童子玉女，
 月宮黃華主宰，
 太丹熒惑大洞元生太靈運機皇君，
 南陽炎惑元梵執法延壽司錄君，

南極太赤皇靈寶魄耀魂君，
 太辰玄洞元華鬱丹君，
 玄曜玉洞玄門太極五仙君，
 太極大仙元皇君，
 南極注生大帝，
 好生司馬真君。
 南斗天府司命真君，
 南斗天相司錄真君，
 南斗天梁延壽真君，
 南斗天同益筭真君，
 南斗天樞鍊魂真君，
 南斗天機上生真君。
 東斗陽度星君，
 東斗陽昌星君，
 東斗陽巨星君，
 東斗陽惠星君，
 東斗陽廣星君，
 東斗陽輝星君。
 西斗陰燾星君，
 西斗陰受星君，
 西斗陰領星君，
 西斗陰筭星君，
 西斗陰召星君，

西斗陰考星君。
 中斗大魁星君，
 中斗大理星君，
 中斗大籍星君，
 中斗大訓星君，
 中斗大申星君，
 中斗大固星君，
 中斗大濟星君。
 角宿天門星君，
 亢宿天庭星君，
 氏宿天府星君，
 房宿天駟星君，
 心宿天王星君，
 尾宿天雞星君，
 箕宿天津星君，
 斗宿天廟星君，
 牛宿天機星君，
 女宿天紐星君，
 虛宿天卿星君，
 危宿天錢星君，
 室宿天廩星君，
 壁宿天市星君，
 奎宿天捋星君，

婁宿天獄星君，
胃宿天倉星君，
昂宿天日星君，
畢宿天耳星君，
觜宿天屏星君，
參宿天水星君，
井宿天泉星君，
鬼宿天匱星君，
柳宿天厨星君，
星宿天庫星君，
張宿天秤星君，
翼宿天都星君，
軫宿天階星君，
日月星宿真人，
日月星宿玉童。
太皞伏羲氏，
百穀祖主炎帝神農氏，
黃帝軒轅氏，
帝金天氏，
帝高陽氏，
帝高辛氏，
帝陶唐氏，
帝有虞氏，

九地祖主后稷元真，
夏禹王，
商湯王，
周文王，
周武王，
周公大聖，
皇夔稷契伊傅召公諸大仙賢，
先聖大成至聖文宣王，
亞聖十哲諸大仙賢，
歷代帝王聖賢。
大社之神，
大稷之神，
天蓬蒼天上帝，
天猷丹天上帝，
翊聖皓天上帝，
佑聖玄天上帝。
洞玄左真上帝，
洞玄右真上帝，
洞玄左真上相，
洞玄右真上相，
洞玄紫府道紀，
洞玄玄都太卿，
洞玄紫府上相，

洞玄玄都上相，
洞玄左真上卿，
洞玄右真上卿，
洞玄玉虛侍郎，
洞玄紫微大夫，
洞玄紫微太監，
洞玄紫微真令，
洞玄極仙正都護，
洞玄玉宸大丞，
洞玄玄都大丞，
洞微宮總仙都司君。
太極典經中臺侍郎，
太極金闕侍郎，
太極太陽炎精上相，
太極虛无炎上三炁輔宰，
太極玄洲九仙伯，
太極上卿廣玄真人，
太極上玄虛素卿，
太極法師高上紫虛真人，
太極上仙九靈大夫，
太極左元大夫，
太極中候君，
太極中臺左大夫，

太極中臺左都尉，

太極左都司禁，

太極右上司仙郎，

太極左仙公萬華先生，

太極右仙公玄洲玉晨先生，

三清上境自然大仙天真皇人，

太慈大悲救苦真人，

太慈大悲大慧真人，

大慈普濟真人，

大慈普度真人，

上清左玄真人，

上清右玄真人，

三洞寶經九等法錄上聖高^①，

東方華林境界靜境真人，

南方梵天境界真老真人，

西方金光境界法寶真人，

玉清右明房紫霞保生真人，

玉清右中和真人，

玉清右運炁真會真人，

上元左真玄會真人，

上元中真隆會真人，

上元右真昌會真人，

雲宮太真寒林大師。

玉清東南方九玄延輔真人，

玉清素天秘藏真人，

玉清總仙九玄延輔真人，

玉清南方無上丹房真人，

玉清無上絳闕真人，

玉清九天護法真人，

玉清普光絳闕真人，

玉清大智力真人，

玉清西方元始三台真人，

玉清元始初劫延生真人，

玉清元始冲寂養育真人，

玉清洞幽太霞護命真人，

玉清北方大羅太玄真人，

玉清大羅妙行真人，

玉清大羅梵天真人，

玉清大成應玄真人，

玉清執符赦罪真人，

玉清開光破獄真人，

北方真定境界救苦真人，

東北長樂境界妙音真人，

東南碧霞境界真定真人，

西南曜真境界瓊光真人，

西北妙道境界濟苦真人，

上方玄都境界妙行真人，

下方水運境界太極真人，

十方救苦童子諸妙善神。

玉清右玄真人，

玉清右獨覺真人，

玉清右大惠真人，

玉清右無極真人，

玉清右受事真人，

玉清右總仙法師，

玉清右妙行真人，

玉清右太素真人，

玉清右靜度真人，

玉清右入玄真人，

玉清右靜梵真人，

玉清右空寂真人，

玉清右法印真人，

玉清右煉化真人，

玉清右廣通真人，

玉清右西華真人，

玉清右臺通玄真人，

玉清滅罪濟苦真人，

玉清上方青華玉宮真人，

玉清紫微金闕真人，

玉清太華真人。
上清太微玄極太一真人，
上清太微紫晨寶華真人，
上清太微安寶清華真人，
上清太微始老大司命真人，
上清太微景陽萬福真人，
上清太微洞真明德真人，
上清太微三景太虛真人，
上清太微丹靈素德真人，
上清太微瓊華白元真人，
上清太微西華道德真人，
上清太微紫霞元陽真人，
上清太微紫極大智真人。
上清右太玄真人，
上清右大明真人，
上清右傳教真人，
上清右輔教真人，
上清右諸天受事真人，
上清右玄闕真人，
上清右天覺真人，
上清右玉室真人，
上清右月精真人，
上清右玄真人，

上清右佐輔真人。
太清右玄真人，
太清右洞虛真人，
太清右南華真人，
太清右抱朴真人，
波羅尼密不驕樂天左大勢力真人。
左通玄萬變真人，
左法橋大智真人，
左丞仙惠明真人，
左无上大覺真人，
左元皇聖真人，
左五天立天真人，
左功侔力真人，
左造化應真人，
左仙駕空真人，
左崑崙王真人，
左靈慈普真人，
左純行都仙真人，
左五天極果真人，
右萬行功圓真人，
右三千功行真人，
右救生度死真人，
右五天傳經真人，

右救世業真人，
右傳經緯真人，
右天帝朝真人，
右總師真人，
右三洞經真人，
右監生真人，
洞元化應聲天左領仙真人，
左六天司禁真人，
左飛雲綠輶真人，
左金巾耀真人，
左諸天校量真人，
左歸命信真人，
左成道真人，
左哀愍業真人，
左祕旨妙真人，
左雲衢逕真人，
右蕭然真人，
右統玄真人，
右搏扶真人，
右形觀真人，
右鳳麟真人，
右飛霄真人，
右智覺真人，

右元始生真人，
右靜節真人，
右靈谷真人，
右丹陵真人，
右觀號真人，
右道炁足真人，
高虛清明天右冥寂真人，
左混成真人，
左真元真人，
左上元真人，
左崇元真人，
左儀範真人，
左翊衛真人，
左端靜真人，
左海業真人，
左凝素真人，
左明輝真人，
左无上敬真人，
右五緯真人，
右寶臨真人，
右雲路真人，
右仙卿真人，
右雲禦真人，

右肅光真人，
右元符真人，
右仙宗真人，
右精進真人，
右妙理真人，
右端節真人，
右洪源真人，
青帝護魂君，
白帝侍魄君，
赤帝養炁君，
黑帝通血君，
黃帝中主君。
東方无極无量品至真天神，
東方无極飛天神王長生大聖无量度人君，
東方寶光童子，
東方飛天使者玉女靈仙官屬，
南方无極无量品至真大神，
南方无極飛天神王長生大聖无量度人君，
南方金光童子，
南方飛天使者玉女靈仙官屬，
西方无極无量品至真大神，

西方无極飛天神王長生大聖无量度人君，
西方真定童子，
西方飛天使者玉女靈仙官屬，
北方無極無量品至至大神，
北方无極飛天神王長生大聖无量度人君，
北方開光童子，
北方飛天使者玉女靈仙官屬，
東北无極无量品至真大神，
東北无極飛天神王長生大聖无量度人君，
東北惠日童子，
東北飛天使者玉女靈仙官屬，
東南无極无量品至真大神，
東南无極飛天神王長生大聖无量度人君，
東南仙卿童子，
東南飛天使者玉女靈仙官屬，
西南无極无量品至真大神，
西南无極飛天神王長生大聖无量度人君，
西南紫虛童子，

西南飛天使者玉女靈仙官屬，
西北无極无量品至真大神，
西北无極飛天神王長生大聖无量度人
君，
西北上智童子，
西北飛天使者玉女靈仙官屬，
上方无極无量品至真大神，
上方无極飛天神王長生大聖无量度人
君，
上方玉山童子，
上方飛天使者玉女靈仙官屬，
下方无極无量品至真大神，
下方无極飛天神王長生大聖无量度人
君，
下方法幢童子，
下方飛天使者玉女靈仙官屬。
無色界大魔王，
色界大魔王，
慾界大魔王，
青天大魔王，
赤天大魔王，
白天大魔王，
黑天大魔王，

黃天大魔王。
諸天天師，
諸天真人，
諸天上仙，
諸天神王，
諸天龍王，
諸天梵王。
侍經玉郎，
典經玉郎，
衛經玉郎，
侍經仙官，
典經仙官，
衛經仙官，
皈經崇旨大神。
拔贖五苦大理真君，
解釋九幽碧空真君，
超生三界絳霄真君，
飛步萬丈丹漢真君，
九天丈人儲福定命真君，
九天司命保生真君，
九天司祿真君，
九天司馬真君，
九天玄女斬邪大仙，

九天開化主宰文昌梓潼帝君，
九天玉輔上宰真君，
九天四協侍宸真君，
九天延壽真君，
九天益筭真君，
九天度厄真君，
九天好生韓君丈人，
九天度人不死真君，
九天保命真君，
九天定命真君，
九天定祿真君，
九天萬福真君，
九天散禍真君，
九天消災真君，
九天掌籍真君，
九天掌筭真君，
九天注生真君，
九天注祿真君，
九天運炁真君，
九天定貴真君，
九天建生真君，
九天續命真君，
九天生神真君，

九天韓司主錄君，

九天注生仙卿王真君，

九天考校仙卿郭真君，

九天監生大神，

九天衛房聖母，

九天延生大神，

九天執錄把籍君，

九天司命太元妙道冲虚聖佑真應真君，

定錄右禁至道冲静德佑妙應真君，

三官保命微妙冲慧仁佑神應真君，

九天掌女青律官，

九天司天曹仙官，

九天陽官曹仙官，

九天司祿曹仙官，

九天司命曹仙官，

九天陰官曹仙官，

九天司罰曹仙官，

九天掌功德曹仙官。

南宮九華真人，

八門開度真人，

上元道化唐真君，

中元護正葛真君，

下元定志周真君。

太玄曹靈官，

太微曹靈官，

都正曹靈官，

正一曹靈官，

玄一曹靈官，

太崇曹靈官，

靈集曹靈官，

母虚曹靈官，

女青曹靈官，

三水曹靈官，

司錄曹靈官，

清叙曹靈官，

立正曹靈官，

中都曹靈官，

司非曹靈官，

司姦曹靈官，

統捕曹靈官，

統錄曹靈官，

監考曹靈官，

監司曹靈官，

典考曹靈官，

司官曹靈官，

玄天曹靈官，

太玄曹靈官，

都司曹靈官，

都事曹靈官，

直使曹靈官，

都典曹靈官。

暨下太陽火官，

暨下太元陰官，

暨下太陰水官，

暨下主左契官，

暨下主右契官。

靈寶領仙官屬監齋諸君吏，

六甲官將，

六旬玉女，

社稷將吏，

三五功曹左右官使者，

左右龍虎君，

左右侍香金童傳言玉女，

五帝直符直日香官，

無上三天執法開化陰陽功曹，

度道消灾解厄官吏，

二十四治建節監功大將軍，

四部監功謁者仙靈直使，

太上素車白馬大將軍，
正一功曹，
治病功曹，
促炁功曹，
左官使者飛騎吏，
章部諸君吏等官。
南昌上宮受鍊司真宰官屬，
南昌下宮受鍊司主宰官屬，
南陵樞府真宰官屬，
朱陵火府真宰官屬，
靈寶大法司真宰官屬，
上清黃籙院真宰官屬，
東極善政院真宰官屬，
北魁玄範府真宰官屬，
神虎攝召局真宰官屬，
上清天醫院真宰官屬，
聚魂五總府真宰官屬，
靈寶元皇降真青華符使，
靈寶玉虛召靈紫英符使，
青宮通靈變化九龍部總夏符使，
青宮第一烈火開天龍神張符使，
青宮第二奔雲破地龍神黃符使，
青宮第三烜赫晃光龍神賀符使，

青宮第四捲水吼電龍神余符使，
青宮第五掣電流光龍神邵符使，
青宮第六金精洞慧龍神高符使，
青宮第七撼山捷疾龍神路符使，
青宮第八救苦大威龍神王符使，
青宮第九普度靈濟龍神賀符使，
靈寶追魂朗靈張將軍，
紫微天金光大將楊將軍，
玉清輔弼杜將軍，
神霄捷疾大將軍，
上清天樞院追魂成童子，
玉清丹天主火趙將軍，
炎光三炁萬明大神，
八衝使者流火大神，
冲和真人九光童子，
附黑鼎茂綱領衆真，
朱陵流光炎赫金庭拱衛萬神，
掌火冶煉魂蕭符使，
火府直旛引魂寶大將，
火鈴將軍火鈴童子，
熒惑使者丙丁將軍丙丁大神。
聚魂張符使，
追魂李符使，

攝魂張符使，
拘魂鄧符使，
監魂賀符使，
報應童子侍魂童子火煉一行官吏。
玉清玄天主水王將軍，
皓靈玉回總章萬光大神，
十華玉女，
星華耀明萬真，
黃華石景水母，
天河金星，
三元七伺功曹，
碧庭翠沼神龍天淵翊衛等神，
掌水池煉魂袁符使，
水池直旛引魂孫大將，
東井玉女黃華玉女，
太素真人水鍊一行官吏。
天道姬功曹，
地道邵功曹，
仙道鄭功曹，
神道潘功曹，
人道郭功曹，
鬼道安功曹，
業道江功曹，

天醫治病成功曹，

續頭姚功曹，

續骨江功曹，

續形陸功曹，

續炁史功曹，

續血彭功曹，

續命軒轅功曹，

起死風功曹，

定命魏功曹，

合形卓功曹，

聚形莊功曹，

聚神冉功曹，

天醫符醫炁醫諸君吏，

分形博士，

化形將軍，

尚藥童子，

砭石小吏，

生脉仙吏。

腦神泥丸赤文混洞君，

左目神通光玄真君，

右目神晨嬰陰精君，

舌神騰陽正生君，

心神玄珠玄玄君，

肝神青帝孟光君，

脾神紫庭延年君，

肺神皓洞季成君，

胞神元常秋夫君，

腎神大淵求都君，

陰神續命百強君，

胎神含生寅和君，

結神九華彥遐君，

節神杳浩空猷君，

血神中幽良弼君，

精神元徐祝弼君，

炁神無英毳弼君，

神神天生靈父君，

命神中正幽田君。

十方龍威大神，

丹靈大神，

皓華大神，

玄英大神，

煉度大神，

變身大神，

復相大神，

正精大神，

火符大神，

返形大神，

度魂大神，

化生大神。

混元一炁六元運陽化陰楊將軍從官葉符使，

混元二炁七變混景丁將軍從官張符使，

混元三炁八回含元丁將軍從官章符使，

混元四炁九光會靈陳將軍從官張符使，

混元五炁十合陰陽王將軍從官王符使，

混元六炁十一變靈張將軍從官顏符使，

混元七炁十二化元李將軍從官陳符使，

混元八炁十三陽光申將軍從官潘符使，

混元九炁十四運度周將軍從官劉符使，

混元十炁十五成陰張將軍從官顧符使，

混元十一炁十六三景混成王將軍從官
梁符使，

混元十二炁十七陰陽合靈鄭將軍從官
盛符使。

青帝直符區使者，

赤帝直符祝使者，

白帝直符蓐使者，

黑帝直符尹使者，

黃帝直符王使者。

甲子化靈合形譚將軍，

甲戌紫靈養形張將軍，

甲申上靈錄形富將軍，

甲午丹靈分形孫將軍，

甲辰度靈成形田將軍，

甲寅運靈變形蔣將軍，

太極丹陽洞明陶符使，

紫霄一陽飛元聚靈楊使者，

景霄二陽飛精聚靈王使者，

青霄三陽飛雲聚靈張使者，

碧霄四陽飛魂聚靈富使者，

神霄五陽飛魄聚靈丁使者，

玉霄六陽飛魂聚靈陳使者，

琅霄七陽直仙聚靈時使者，

太霄八陽直真聚靈黃使者，
丹霄九陽直靈聚靈路使者。

无上黃錄大齋立成儀卷之五十五

①疑缺「真」。

无上黃錄大齋立成儀卷之
五十六

神位門

右三班

疾除罪簿司唐靈官，
斷地逮役司劉靈官，
度上南宮司黃靈官，
飛度五戶司彭靈官，
受鍊更生司范靈官，
仙化成人司張靈官，
過度三界司徐靈官，
飛昇太空司虞靈官，
普度無窮司潘靈官。
丁卯存神歸真徐將軍，
丁丑集神變真黃將軍，
丁亥明神通真劉將軍，
丁酉超神洞真陳將軍，
丁未分神守真鄭將軍，
丁巳變神成真孫將軍。
甲子金光鄧金童，

甲戌玄光凌金童，
 甲申靈光陳金童，
 甲午丹光吳金童，
 甲辰紫光蘇金童，
 甲寅青光楊金童，
 丁卯青元楊金童，
 丁丑寶元洪金童，
 丁亥紫元丁金童，
 丁酉素元傅金童，
 丁未上元葉金童，
 丁巳丹元章金童。
 甲子金華華玉女，
 甲戌黃華神玉女，
 甲申景華真玉女，
 甲午丹華靈玉女，
 甲辰秀華歡玉女，
 甲寅太華啓玉女，
 丁卯青靈須玉女，
 丁丑紫靈蘭玉女，
 丁亥金靈興玉女，
 丁酉素靈鮑玉女，
 丁未上靈淳玉女，
 丁巳丹靈龍玉女。

八門開度符使，
 火府引魂度橋孟符使，
 九斗陽芒流金火鈴大將軍，
 玄都菱龍驛吏，
 地府齋簡童子，
 玄都金龍驛吏，
 火府齋簡童子，
 六甲持符開道使者，
 玉籙招真致靈符使，
 玉籙飛空捷疾符使，
 無義斷恩攝精收魂王大神，
 正精火目招炁聚靈陸大神，
 震雷鼓日徐大神，
 全形復體直性梗靈淨觸李大神，
 威靈應感眷義全形洗浣周大神，
 解冤釋結生精制魄全形復體胡大神，
 生形致影長精復體馮大神。
 玉籙引魂胡符使，
 興生府丙寅嘯虎食穢好生王將軍，
 獨隸府戊寅役虎蕩穢回生燕將軍，
 可韓府庚寅驅虎破穢興生趙將軍，
 功都府壬寅放虎除穢主生樂將軍，
 切角府甲寅聚虎清穢超生彭將軍。

東方五龍破穢神兵，
 南方九龍破穢神兵，
 西方仙都騶虞破穢神兵，
 北方天河蕩穢神兵，
 中央神府前鋒不分淨穢神兵。
 銅蛇鐵犬黃彪餓虎大神，
 黃闕神君紫戶大神，
 流光玉女寶室真人，
 三十六真二十四神，
 狼吏虎賁萬二千神，
 主產姚功曹，
 分胎葛功曹，
 聚胎何功曹，
 六甲旃檀馮大神，
 催生保產高天丁，
 完形諸大符使，
 十方救苦符使，
 解冤釋結符使，
 太玄攝召左神烏神君，
 太玄攝召右神塗神君，
 上清龍天飛元攝魂徐符使，
 神虎陽神大聖何元帥，
 神虎陰神大聖喬元帥，

三部魏侯張使者，
七真蔣玉女，
龜臺素握濮玉女，
魯桓劉三將軍，
縮地脉大將軍，
地道功曹通幽使者，
金光杜元帥，
三元焦朱唐使者，
陰雷山洞海邦宋將軍，
牛齊二大將，
趙孟吳三使者，
金虎鎮壇陰陽二壇鐵迹彰光陰遁諸大將軍，
追魂攝魄取魂監魂攝魂召魂使者，
神虎功曹，
沙壇八局神將，
諸階煉度法中官將吏兵。

后土第七壘水制澤色地土皇君，
后土第八壘大風澤色地土皇君，
后土第九壘洞淵無色綱維地土皇君。
九天三十六洞仙王官屬，
高皇九土四司五帝十二仙君，
東九夷君，
南八蠻君，
西六戎君，
北五狄君，
中三秦君。
青帝慶壽功曹，
赤帝注生功曹，
白帝紀善功曹，
黑帝元本功曹，
黃帝理中功曹，
九土九宮真人神仙官屬，
土伯黃元戊己大神，
十二狩士九牛將軍土司官屬。
水府扶桑丹林大帝，
水府玄溟大帝，
水府龜臺大帝，
水府暘谷神王，
水府昧谷神王，

蓬萊都水監仙官，
三元水府真君，
水府雷司上聖，
五雷使者水伯雨師，
洞淵玄元大君，
水府元君丈人，
水府侯伯掾吏。
青華脩吉龍王，
長生多喜龍王，
長生華流龍王，
素雲甘思龍王，
素雲喜照龍王，
太陰波流龍王，
太陰思度龍王，
高皇宮臆龍王。
東方青帝行雨龍王，
南方赤帝行雨龍王，
西方白帝行雨龍王，
北方黑帝行雨龍王，
中央黃帝行雨龍王，
當年直令行雨龍王，
當季直令行雨龍王。
洞淵諸部龍王，

東海淵聖龍王，
 南海洪聖龍王，
 西海通聖龍王，
 北海冲聖龍王，
 江瀆之神，
 河瀆之神，
 淮瀆之神，
 濟瀆之神。
 浙江水帝龍王，
 吳江水帝龍王，
 楚江水帝龍王，
 荆江水帝龍王，
 楊子江水帝龍王，
 湘江水帝龍王，
 松江水帝龍王，
 五川南江水帝龍王，
 漢江水帝龍王。
 涇河龍君，
 渭河龍君，
 灞河龍君，
 滻河龍君，
 澧河龍君，
 浩河龍君，

滂河龍君，
 滌河龍君，
 黄河龍君，
 洛河龍君，
 淮河龍君。
 馬當山上水府之神，
 采石山中水府之神，
 金山下水府之神，
 五雲溪真之神，
 武陵溪真之神，
 苧羅溪真之神，
 桐柏溪真之神，
 崑崙溪真之神，
 岷山溪真之神，
 蟠塚溪真之神，
 沔池溪真之神，
 清遠溪真之神，
 滌溪溪真之神，
 浣沙溪真之神，
 巫峽溪真之神。
 太湖水神，
 青草湖水神，
 洞庭湖水神，

丹陽湖水神，
 彭蠡湖水神，
 西湖水神，
 九海北玄君，
 四洲九谷君，
 河侯神，
 河伯神，
 河掾神，
 石源水母，
 蓬萊都水使者，
 暘谷宮主宰仙官。
 青華宮左府主宰仙官，
 青華宮右府主宰仙官，
 青華宮朔單府主宰仙官，
 青華宮清泠府主宰仙官，
 青華宮行曹府主宰仙官，
 青華宮南水府主宰仙官，
 青華宮左府注生主宰仙官，
 青華宮右府注死主宰仙官，
 青華宮中府主罪主考主宰仙官，
 泉源宮主執主宰仙官，
 泉源宮左府注生主宰仙官，
 泉源宮右府注死主宰仙官，

泉源宮中府主罪主考仙官。

洞淵八部禁兵，

洞淵大明使者，

洞淵監神禁兵，

洞淵中天使者，

洞淵五神大將軍，

水神馮夷君，

波神子胥君，

海中玉女，

湖中玉女，

冥冷大神，

大阜江龍神，

清冷大神，

順濟龍王，

海源侯，

禁元中郎將，

海島顯化龍神，

松江顯化廟貌龍神，

山川溪源潭洞行雨英烈水雷龍雷諸

神，

水界主執一切威靈，

中界直符使者。

東嶽太靈蒼光青帝真君，

南嶽度華紫光赤帝真君，

西嶽素光曜魄大明白帝真君，

北嶽鬱微洞淵無極黑帝真君，

中嶽黃元太光含真黃帝真君，

五嶽丈人，

五嶽總領真君，

海上廣桑山主宰太極上真，

五嶽司命右弼桐柏王真君。

五嶽飛仙真人神仙靈官，

東嶽泰山之神，

南嶽衡山之神，

西嶽華山之神，

北嶽恒山之神，

中嶽嵩山之神，

東嶽佐命括蒼山真君，

東嶽佐命羅浮山真君，

南嶽儲副霍山真君，

南嶽儲副潛山真君，

西嶽佐命女几山真君，

西嶽佐命地肺山真君，

北嶽佐命河蓬山真君，

北嶽佐命抱犢山真君，

中嶽佐命少室山真君，

東嶽上殿太子威雄炳靈仁惠王，

齊天昭惠靈顯清源真君，

蒿里相公，

北門侍郎，

掠剩增禍相公，

天曹府君，

地府判君，

兩宮太子，

泰山門下裴薛凌屈黃五大尚書。

嶽府第一司主管諸司僉押案判官，

嶽府第二司主管天下生死案判官，

嶽府第三司主管生死勾押摧勘案判官，

嶽府第四司主管天下齋僧道案判官，

嶽府第五司主管天下修功德案判官，

嶽府第六司主管天下看經案判官，

嶽府第七司主管天下三長月齋案判官，

嶽府第八司主管天下取人案判官，

嶽府第九司主管天下注生貴賤案判官，

嶽府第十司主管天下勾生死案判官，

嶽府第十一司主管天下掠剩財物案判官，

官，

獄府第十二司主管天下增延福壽案判官，

獄府第十三司主管天下官職案判官，

獄府第十四司主管天下曹吏案判官，

獄府第十五司主管天下詞狀案判官，

獄府第十六司主管天下勾追罪人照證案判官，

獄府第十七司主管天下行瘟疫案判官，

獄府第十八司主管天下宿業疾病案判官，

獄府第十九司主管天下山林鬼神案判官，

獄府第二十司主管天下水府案判官，

獄府第二十一司主管天下畜生案判官，

獄府第二十二司主管天下飛禽案判官，

獄府第二十三司主管天下提點地獄案判官，

獄府第二十四司主管天下一十五種善死案判官，

獄府第二十五司主管天下一十五種惡死案判官，

獄府第二十六司主管天下無主孤魂案判官，

獄府第二十七司主管天下行雨地分案判官，

獄府第二十八司主管天下風伯案判官，

獄府第二十九司主管天下平等案判官，

獄府第三十司主管天下不欺昧案判官，

獄府第三十一司主管天下僧道案判官，

獄府第三十二司主管天下城隍案判官，

獄府第三十三司主管天下賊盜案判官，

獄府第三十四司主管天下山鬼案判官，

獄府第三十五司主管天下土地案判官，

獄府第三十六司主管天下精怪案判官，

官，

獄府第三十七司主管天下魍魎案判官，

獄府第三十八司主管天下門神案判官，

獄府第三十九司主管天下枉死案判官，

獄府第四十司主管天下索命案判官，

獄府第四十一司主管天下推勘案判官，

獄府第四十二司主管天下行汙案判官，

獄府第四十三司主管天下放生案判官，

獄府第四十四司主管天下殺生案判官，

獄府第四十五司主管天下施藥案判官，

獄府第四十六司主管天下善簿案判官，

獄府第四十七司主管天下惡簿案判官，

獄府第四十八司主管天下忠孝案判官，

官，
嶽府第四十九司主管天下姦逆案判官，
嶽府第五十司主管天下所生貴賤案判官，
嶽府第五十一司主管天下注福案判官，
嶽府第五十二司主管天下胎生案判官，
嶽府第五十三司主管天下卵生案判官，
嶽府第五十四司主管天下濕生案判官，
嶽府第五十五司主管天下化生案判官，
嶽府第五十六司主管天下水族案判官，
嶽府第五十七司主管天下墮胎案判官，
嶽府第五十八司主管天下陰謀行姦案判官，
嶽府第五十九司主管天下長壽案判官，

嶽府第六十司主管天下促壽案判官，
嶽府第六十一司主管天下催生案判官，
嶽府第六十二司主管天下行黃病案判官，
嶽府第六十三司主管天下行毒藥案判官，
嶽府第六十四司主管天下積財案判官，
嶽府第六十五司主管天下還魂案判官，
嶽府第六十六司主管天下速報案判官，
嶽府第六十七司主管天下子孫案判官，
嶽府第六十八司主管天下分引路案判官，
嶽府第六十九司主管天下正直案判官，
嶽府第七十司主管天下磨勘案判官，
嶽府第七十一司主管天下苦楚案判官，
嶽府七十二司主管天下憫衆案判官，

官，
嶽府第七十三司主管天下都察案判官，
嶽府第七十四司主管天下舉意案判官，
嶽府第七十五司主管天下速報司崇寧真君，
泰山諸嶽考鬼靈官。
地祇主帥王元帥，
地祇副帥張元帥，
地祇李劉楊張岳岳章六大太保，
聽聲張郎君小亭侯，
五嶽諸司帥將兵馬。
陽平治仙官，
秦中治仙官，
北平治仙官，
後城治仙官，
鹿堂治仙官，
真多治仙官，
本竹治仙官，
公慕治仙官，
鶴鳴治仙官，
昌利治仙官，

蒙秦治仙官，
平岡治仙官，
漓沅治仙官，
隸上治仙官，
平蓋治仙官，
主簿治仙官，
葛瓚治仙官，
湧泉治仙官，
雲臺活仙官，
玉局治仙官，
庚除治仙官，
稠稂治仙官，
澧口治仙官，
北邙治仙官，
岡氏治仙官，
軫山治仙官，
白石治仙官，
鍾茂治仙官。
綿竹靖廬仙官，
紫蓋靖廬仙官，
瀘水靖廬仙官，
丹陵靖廬仙官，
守真靖廬仙官，

靈淨靖廬仙官，
送仙靖廬仙官，
契靜靖廬仙官，
凌虛靖廬仙官，
鳳凰靖廬仙官，
子真靖廬仙官，
真性靖廬仙官，
契真靖廬仙官，
啓元靖廬仙官，
幽谷靖廬仙官，
君平靖廬仙官，
斗仙靖廬仙官，
光天靖廬仙官，
騰空靖廬仙官，
昭德靖廬仙官，
尋真靖廬仙官，
得一靖廬仙官，
啓靈靖廬仙官，
宗華靖廬仙官，
朝真靖廬仙官，
黃堂靖廬仙官，
迎真靖廬仙官，
昭陽靖廬仙官，

紫虛靖廬仙官，
啓聖靖廬仙官，
鳳臺靖廬仙官，
東華靖廬仙官，
祈山靖廬仙官，
元陽靖廬仙官，
東蒙靖廬仙官，
正陽靖廬仙官。
下界直符使者，
年直傳奏功曹，
月直傳奏功曹，
日直傳奏功曹，
時直傳奏功曹。
太歲直令至德尊神，
太歲下六十甲子諸官君，
太歲一伯二十位七十二禁忌神祇。
東方甲乙寅卯木神，
南方丙丁巳午火神，
西方庚辛申酉金神，
北方壬癸亥子水神，
中央戊己辰戌丑未土神。
東方土公土母神，
南方土公土母神，

西方土公土母神，
北方土公土母神，
中央土公土母神，
立春太簇神君，
雨水青帝大神君，
驚蟄夾鍾神君，
春分勾芒神君，
清明姑洗神君，
穀雨陽明神君，
立夏仲呂神君，
小滿炎帝神君，
芒種蕤賓神君，
夏至祝融神君，
小暑林鍾神君，
大暑太極神君，
立秋夷則神君，
處暑少皞神君，
白露南呂神君，
秋分蓐收神君，
寒露無射神君，
霜降太素神君，
立冬應呂神君，
小雪顓帝神君，

大雪黃鍾神君，
冬至玄冥神君，
小寒大呂神君，
大寒太始神君，
八風陰遁神君，
八穀陽遁神君，
八蠶大德神君。
功曹神君，
大衝神君，
天罡神君，
太一神君，
勝光神君，
小吉神君，
傳送神君，
從魁神君，
河魁神君，
登明神君，
神后神君，
大吉神君。
前一騰蛇君，
前二朱雀君，
前三六合君，
前四勾陳君，

前五青龍君，
後一天后君，
後二太陰君，
後三玄武君，
後四太常君，
後五白虎君，
後六天空君。
天德神君，
歲德神君，
月德神君，
日德神君，
合德神君，
衝德神君，
龍德神君，
天殺神君，
地殺神君，
歲殺神君，
月殺神君，
日殺神君，
時殺神君，
大殺神君，
小殺神君，
陰殺神君，

陽殺神君，
灾殺神君，
劫殺神君，
刑殺神君，
天厭神君，
地厭神君，
月厭神君，
日厭神君，
生炁神君，
死炁神君，
天醫神君，
天巫神君，
天雄神君，
天雌神君，
天盜神君，
天鬼神君，
天火神君，
兵雄神君，
兵雌神君，
天剛神君，
天赫神君，
風伯神君，
雨師神君，

雷公神君，
電母神君，
烈缺神君，
豐隆神君，
大禁神君，
小禁神君，
金匱神君，
玉堂神君，
明堂神君，
絳宮神君，
應係禁忌一切神君，
穀父神君，
蠶母神君，
播種五穀神君。
樹木花果之神，
歷代名賢儒仙哲士，
漢秣陵尉蔣忠烈之神，
祠山廣惠之神，
宋曹武惠王之神，
天下府州縣城隍之神，
京畿內外廟貌之神，
司井之神，
司門之神，

神荼鬱壘之神，
當境里域社令之神，
壇靖真宮主宰土地正神，
宮庭內外侍衛神祇，
齋壇宣通召命效職神祇，
隍司差來兵馬騎吏，
運遞錢馬一切神吏，
虚空監察應感一切真靈。

无上黃錄大齋立成儀卷之五十六

无上黄籙大齋立成儀卷之五十七

附錄修書本末

先君存齋先生，諱叔輿，字德瞻，舊字蕭韓，姓蔣氏。自梁普通世居永嘉，曾祖諱扶，祖諱敦，贈中大夫。父諱行簡，朝議大夫，知處州，贈中奉大夫。紹熙壬子，先君以郊恩補迪功郎，揚州戶掾會計。當耗數息，以清介聞。中奉薨，帥道侯鞏深嗟惜其去。往臨安排岸丁孫，令人憂監仁和鹽場。亭戶桀黠，數敗事先。君稱制出納，一繩以法，咸稱其廉平，畏其威而懷其惠。比三歲，額溢倍蓰，特恩轉承直郎，爲岳州軍節推。乙亥旱蝗亘數，路豫疏畫，荒政力贊，守推行之。市無貴糶，野無饑民。鼎民有誣李氏用人野祠者，守籍其家，實諸極典獄具，憲忽自疑檄。先君鞠之，鈎擿故牘。一訊得其情，悉平反之，所全活者，數十人。淳熙末，中奉鎮鼎有惠政，民懷之祠于

梁山及先君審李氏。冤感泣者于路曰：吾固知其爲蔣使君之子也。丞吉州永新不踰年，舉賢陞，知信州弋陽縣。縣綱壞久，歲餉江淮軍，月解淮東，總所椿積銀，類取贏額。外地境瘠，俗慳伎影，寄詭挾者連阡陌下戶苦役產破者相踵。先君躬按版籍，摘吏姦，平易近民，務通下情。剖決滯訴，以蘇洗冤負。填解積逋，以少紓督趣。鋤治強梗，以扶植良善。士民條畫利病以告者，立罷。行之僻墟，寂墅綏紳，稚耄聚談，慨嘆詠歌德政者不絕，徹于天朝。社稷壇壝，蕪穢風雨。師寄他所，悉更新之，植以所宜。木鬻舍廡樓館廢壞者，葺理不倦，費取諸經用之餘，蓋前政所貿、名以自潤者。非鞠死罪，獄無宿囚。惇獨嫠孺，有以情訴，率得直庭不留訟。志在於民，絲髮不綏。諸吏戴星出入，齎齎忘勸。竟以憂勤得疾，疾已侵視，官文書如，故禺中猶囑貳令，母弛縣綱，夜漏上，端坐而終，時嘉定十年正月二十六日也，享年六十有二。積階承議郎，以辛巳

明堂，恩賜五品服。嗚呼，痛哉。先君幼穎悟，明銳靈燭，古今載籍，博覽不倦，一二過目率成誦，敬誠篤實，語不妄發，賦性冲寅，宇量寬和。人與之交，邈不見其喜愠之色。工唐律，清苦雅淡，自得其趣。志不安於小成，旁羅百氏，天文地理，運氣律曆，倉技俞方，甘星巫學，靡不研蹟深造，而於混元道德之旨，尤所耽味。慶元乙卯，冲靖留君來括蒼。先君見之煙雨樓，與論古齋法，趣尚玄合，遂定交。己未、壬戌，再訪冲靖竹宮，極講究之。冲靖嘉嘆，悉以平生得於荆蜀方士隱君子者，授之先君，通其變而施行焉，每試輒驗。緩急叩請，悉無拒祛。怪拯危靈，異響答初。冲靖謂先君曰：以三洞真經爲道本，以十方懺謝爲真誠。精思九朝，密投三簡，齋法如是而已。譎詭幻怪，迷誤眩惑，非也。又曰：度人無量，萬道之宗。泰定田君，居實所傳，止於度死、消天災、鎮帝王、禳毒害，所以度天人者缺如也，盍詮考經法，且增益田君所未備，不亦善乎。先君深惟師訓，竊

病時俗，逐流忘返，徇華滅質，剽切緒餘，工習聲音以爲悅；依託罔象，附會影響，以爲神。波流風動，邪說靡亂，於是比次舊聞，根極原起，官遊所歷，奇書妙蘊。瓊章蕊笈，披閱殆遍，螢窗寒焰，不倦抄述。辭語之鄙淺者。釐而正之；作用之舛訛者，辨而折之。旨訣之異同者，整齊之使歸一；節目之殺亂者，刪合之使復正。爲黃籙齋儀三十六卷，自然齋儀一十五卷，度人修齋行香誦經儀二十四卷，總之曰：靈寶玉檢，合七十五卷。始於嘉泰壬戌，成於嘉定癸未，上下二十年。其扶翊大教，用心勤苦如此。朱遂、林堯夫、陳自誠、趙希火之徒，嗣其法。將易簣，謂災焱等曰：死生命也，富貴天也。吾書幸垂成，而大期忽屆。我若死，汝等當歸吾書于宗壇。庶齋法或自是流暢，幽明蒙賴，則吾志願畢矣。士之立身，惟毋友不如己者而已。言訖，瞑目而逝。既定，容體如生。嗚呼，天乎。痛哉，處死生之際而不亂，蓋先君之有得於道德玄元之宗指者，

深矣。災等啣哀茹苦，敬遵治命。再四校覆，謹以遺書，緘藏名山。且附錄其歷官大節，纂述之本末於後，以俾後人有考云。嘉定癸未七月，不孝孤遺，法名冲素，焱法名冲一等，泣血謹識。

宋冲靖先生留君傳

華文閣學士，通奉大夫，提舉江州太平興國宮，奉化郡開國侯，食邑一千四百戶，食實封一伯戶，高文虎撰并書

冲靖先生，名用光，字道輝，姓留氏。其始河洛人也。六世祖仕唐，官銀青光祿大夫。五代時徙家泉之晉江。宋興，削平四方，五世祖挾雋才，西游江淮間，過上饒郡，樂貴谿雲峰山，遂結廬。父發清修，特立有古君子風，偕其室詹氏，拜籙龍虎山。夜夢漢天師授以丹曰：服是，當有子而僊，遂娠。先生既誕，秀異渾古，端慤自持。少解悟玄學，受法于上清正一宮道士蔡元久。元久，宣和間太素大夫、凝神殿校籍，王道堅三世孫也。既入道，抗志精堅，守一淵確，探蹟索隱，窮歷險

艱。凡金簡玉字，瓊篆琅函之目，十洞要訣，三皇內文，能盡究旨歸，別條緒焉。諸法書靡一不練，專以玉府五雷法、正一法爲宗主。密行元鍊，垂三十年。孝宗皇帝，崇至化玩，希夷懷柔九僊，用毗大政三衢。歲大旱，郡太守沈侯作礪，聞其善召風雷，擇佳寮持禮屈致。既至，大書篆簡麾將吏呼叱鬼神奔走河嶽之勢，肅如也。郡縣吏農父老，且嗟且愕。即日，天大雨，四境霂，渥守以上，聞行在早。上覽奏大悅，召赴闕舍太一宮，趣致雨歲法如初。又刊鐵券，驅龍師。有頃，雨迅怒如霆。西湖漕河，涸不舟者，立盈。上遣內璫嘉諭，令以龍歸。須臾雲解，駁日穿漏。上嘉甚，延見選德殿，褒勞甚渥。錫牙簡金綵，授右街道錄居高士，齋請。歸故山後，一年，遣使趣召途中，值雨。顧使者曰：某之禱，久矣。天其孰分疆理乎，甫至闕雨隨車來。上曰：信乎，其行業清高、精誠感格矣。御奎翰賜以八字，既拜，賜遂且謝曰：聖德動天，雨且不違。臣誠愚戇，何力

有焉。冬不雪，受詔舉法，告于山川百神，曉雪平尺。上益神之。德壽宮劉貴妃薨，宮中修黃籙，夜有影響，如見李夫人者，召對便殿，咨以鬼神之事。對曰：一陰一陽之謂道。鬼神者，陰陽不測之謂也。聚成形，散爲炁。道家聚炁復神之法，鬼神之情狀可窺矣。上以爲然。且曰法中有正一旨要，文該義奧，盍訓詁之書，奏御詔鏤傳。未幾，又告歸，拜主管教門公事，龍虎山、上清正一宮管轄。光宗受禪，偶違豫壽。皇有憂色，命以法袪禳。俄現巨神，被髮橫劍殿下，左右驚視。帝躬清安，兩宮相賀。賜號冲靖先生，固辭。上即位，祈雪。夜拜綠章，星斗猶離離。曉以賀雪奏，上奇之，陞左街道錄擢太一宮都監。壬戌，歲旱。上諉以雨，方登壇場，行雨法。雨聲忽如江海音。上曰：留君，雨師也。賜宸翰牙簡。明年，又閔雨。對內殿曰：臣草菅細微，年年籲天。

實汝嘉，毋辭。時即得雨，郊祀禮成，謁謝太一宮，遷左右街道錄。一日忽曰，生有涯，知無涯，以有涯隨無涯殆已。士不委身霄嶺，滅景雲林，留連京師，動煩世主，吾其過歟。力丐歸。既歸，詔趣來者數四，以病辭。歲旦日，謁帝真與宮中，士會拜笑且訣。有問者曰：何之？對曰：遊乎無何有之鄉矣。又問曰：其朝白玉京歟，燕蓬萊島歟？對曰：一念倏萌，是曰妄想。達人大觀，孰來孰往。入室端坐而化。閱七日，顏色如生，真所謂尸解者乎。遺表聞上，嗟悼，降御香賜賻，禮給宣葬。自居竹宮時，王侯諸公貴人家延見盡禮、建齋露禱，問道受法者，皆傾誠竭力，人人得其歡。以符水濟人、危阨無告者，戶外履如織。夜繼日書篆，與人無倦意。不給鬻餌者，資之齋醮科，率泐舊文。每曰：人以情扣帝閭，豈無辭達焉。自爲製譔，人所不能言者，曲折宣揚之章詞表疏、牒檄戒誓之文，累數百紙，無一差。江浙間，建黃籙大齋會者萬計，舛蠻感應，登載充

冊。一日，壽康皇后殿召設大醮，爲星帝千有二百，各陳幣巨璫。監護者曰：先生富矣。笑不答禮，既盡，哀星幣同楮錢燎之。推賜金新正一宮中，殿藏數十楹輪，免甲江南。又鈔諸部經內之藏。荒臺圯觀，壞橋隳路，多所補治，惠乏周急，尤切切。若楊氏蘇於燼火，翟氏伸於銓庭，拯王益於覆舟，全鄭保於非命，人尤稱之。子思氏言，至誠能盡其性。至于能盡人之性，能盡物之性。孟子言，自可欲之善，至于不可知之神。觀諸業尚冲密勤恣幽深。理心事天，所保惟嗇。道接靈鬼，仁涵死生。功聞紫清，名在玉籍。其心主乎誠，其用幾乎神。未易以道家者，流窺得法者，郭友諒之流，十餘人。

贊曰：漢文帝召見賈生，宣室夜問鬼神之事，則鬼神尚矣。孝宗聰明英睿，非帝可及，便殿所咨，猶奉拳拳乎，茲挺挺哉。留君能以正對。夫以三靈和同，則動天地，順雨暘，不難於力。天所不能神其用者，人成之。人所不能極其摯者，鬼神與之。迄以美

利利乎民，是與訪崆峒、求蓬萊者異矣。嗚呼，孝宗仁矣夫。

无上黃錄大齋立成儀卷之五十七

（陳耀庭點校）

029 黃籙救苦十齋轉經儀

經名：黃籙救苦十齋轉經儀。
一卷。底本出處：《正統道藏》
洞玄部威儀類。

祝香

此香，乾坤育質，日月凝華。抱生成之數於五行，騰馥郁之馨於百和。諸天稱慶，萬聖臨軒。爇向爐中，供養至真无上道寶玄都萬壽天尊。以此爇香功德，端爲上祝皇圖鞏固，聖壽無疆。欽願北極齊年，南山等壽。箕畢上符於玉曆，華夷永被於淳風。

此香，天靈發穎，月窟蟠根。磅礴九霄，可以返魂致魄；周流八極，得之起死回生。爇向爐中，供養至真無上經寶太一救苦天尊。以此爇香功德，超度齋壇，所薦亡過某靈魂。洎附薦衆魂，盡脫重陰之府，俱登長樂之鄉。

福被見存，慶流後裔。

此香，靈煙結乎五岳，瑞炁翕乎九垓。爲道德香，遍清靜境，爇向爐中，供養至真無上師寶十方救苦天尊。以此爇香功德，拔度三塗六趣、十宮九幽、沉迷利害之魂，流浪死生之識。哀哀長夜，汨汨幽塗，咸承三寶之惠光，悉仗慈尊之願力。脫離垢濁，俱證清虛。

按人各恭信

三歸依，敷座讚

伏以妙道難名，洪恩普度。德顯大慈之號，位居東極之尊。灑甘露而熱惱清涼，散惠光而幽明洞照。無所化而不化，在處應身；因以機而顯機，利生接物。定而善應，慈以玄通。一體同觀，普天均被。說經教，化形於十方；救苦魂，超度於三界。息七趣六情之痛楚，停三塗九夜之辛酸。委炁聚功，享天堂之大福；隨機赴感，絕地獄之苦聲。接引羣迷，宏開衆妙。提携庶類，俱入大乘。以今奉爲齋主某，資薦亡過某靈魂，修崇妙範，恭啓蘭場。科宣三洞之洪儀，經轉十天之寶蘊。

冀玄穹之垂鑑，度魂爽以超昇。俾亡過某諦聽真詮，頓脫離於苦趣；躬承惠澤，獲造跡於仙階。旁及幽扃羈執之徒，悉濟身後冤仇之衆。俱沾曠蕩，盡出輪迴。茲請同盟之士，各運入室之誠。潔志澄心，端身正念。一依經法，次第宣行。

入壇至，東方跪奏

具位，誠惶誠恐，稽首頓首，再拜，奏啓東方玉寶皇上天尊，東鄉救苦真人童子，无鞅真衆。恭望聖慈，俯垂洞鑒。伏以尊居震位，有生咸賴於陶鎔；春動陽和，無物不資於造化。金丹初轉，木德敷榮。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓一遍之功。臣干冒聖威，下情無任懇祈之至。法衆虔誠，謹伸奉請。

請聖，散花，宿命讚，陞座

演第一遍經

伏聞香林苑內，常宣救苦之經；東極宮中，廣運博施之德。號大慈仁

者，稱救苦天尊。應念垂慈，尋聲赴感。發弘誓願，救度衆生。盡億劫以來，廣度人無量。以今陞座，異口同音。諷誦妙經，稱揚睿號。奉爲齋主，資薦靈魂。仗良因之妙力，消億劫之愆瑕。免歷東方考對之司，徑詣清靜無極之國。法衆虔誠，同聲諷誦。

經畢，再至東方

具位，啓聖。伏以應感分輝，如滿十方之界；尋聲救苦，願宏億劫之中。仰冀垂慈，敢忘皈命。見前清衆，異口同音。諷詠妙經，稱揚睿號，已周一遍。奉爲齋主，薦悼亡魂，往生仙界。伏願假威神之妙力，拔罪苦之迷途。出東方冥昧之鄉，登慧靜華林之境。所有太上真符，謹當宣告。

宣符，疏關，送聖

南方跪奏

具位，誠惶誠恐，稽首頓首，再拜，奏啓南方玄真萬福天尊，南鄉救苦真人，童子无鞅真衆。恭望聖慈，俯回洞鑑。伏以德輝離位，光明洞照於邇遐；化闡南閭，神造陶鎔於溟漠。兩

轉爐中之大藥，再全地下之枯骸。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓二遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第二遍經

伏聞，元始上帝，昔在香林苑內，宣告法解真人，讚嘆大慈仁者，謂欲九幽亡歿超度，必當一念，注想稱揚。願宏當時度品之功，俯鑑此際皈依之志。以今陞入經座，異口同音。諷詠妙經，稱揚睿號。奉爲齋主某，資薦亡過某靈魂。仗良因之妙力，消億劫之愆尤。免歷南方考對之司，徑詣真老無極之國。法衆虔誠，同聲諷誦。

經畢，再至南方

具位，啓聖。伏以天炁歸身，感自然之別體；塵沙示現，顯變化之殊因。功德難量，皈依至切。見前清衆，異口同音。諷誦真經，稱揚睿號，已周二遍。奉爲齋主某，薦拔亡魂，往生仙界。

伏願承赫奕之靈光，度魂儀於丹界。不拘逼合，永超南方冥昧之鄉；早證逍遙，徑上端化莊嚴之境。所有太上真符，謹當宣告。

宣符，疏關，送聖

西方跪奏

具位，誠惶誠恐，稽首頓首，再拜，奏啓西方太妙至極天尊，西鄉救苦真人童子，无鞅真衆。恭望聖慈，俯垂洞鑒。伏以兌澤潛流，金天乘運。說茲萬法，協和覆載之機；應彼四時，啓迪生成之化。羣生蒙惠，三遍說經。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓三遍之功。臣干冒天威，下情無任懇禱之至。法衆虔誠，謹伸奉請。

請聖，散花，陞座

演第三遍

伏聞，救苦真詮，功遍覃於九地；慈尊寶號，恩普及於十方。拔領無邊，讚揚莫盡。以今陞入經座，異口同音。諷誦真經，稱揚睿號。奉爲齋主，資薦

靈魂，往生仙界。仗良因之妙力，消億劫之愆瑕。免歷西方考對之司，徑詣法寶無極之國。法衆虔誠，同聲諷誦。

經畢，再至西方

具位，啓聖。伏以拔領無邊，散祥煙而塞死戶；超度三界，擁慶雲而開生門。仰聖化之巍巍，罄丹誠之切切。見前清衆，異口同音。諷誦真經，稱揚睿號，已周三遍。奉爲齋主，薦悼亡魂，往生仙界。伏願天光下燭，惠澤滂沾。出離西方冥昧之鄉，升舉利益莊嚴之國。所有太上真符，謹當宣告

宣符，疏關，送聖

北方跪奏

具位，誠惶誠恐，稽首頓首，再拜，奏啓北方玄上玉晨天尊，北鄉救苦真人童子，無殃真衆。恭望聖慈，俯回洞鑑。伏以啓至陰而肇運，習盛德於坎宮。萬物得以歸休，羣生資而靜息。說經四遍，敷澤羣黎。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓四遍之功。臣干冒

聖威，下情無任懇禱之至。法衆虔誠，謹伸奉請。

請聖，散花，陞座

演第四遍

伏聞，大洞妙經，普救無邊之苦衆；青玄上帝，常垂不倦之慈悲。恩被羣生，願弘浩劫。以今陞入經座，異口同音。諷誦妙經，稱揚睿號。奉爲齋主，資薦亡魂。仗良因之妙力，消億劫之愆瑕。免歷北方考對之司，徑詣救苦無極之國。法衆虔誠，同聲諷誦。

經畢，再詣北方

具位，啓聖。伏以體皆虛空，資混元而成立；炁能委順，備萬物以光明。凡有皈投，必垂開度。見前清衆，異口同音。誦誦妙經，稱揚睿號，已周四遍。奉爲齋主，資悼魂儀，往生仙界。伏願滅身心口業，生智惠光明。悉超北方冥昧之鄉，徑上定真快樂之境。所有太上真符，謹當宣告。

宣符，疏關，送聖

東北方跪奏

具位，誠惶誠恐，稽首頓首，再拜，

奏啓東北方度仙上聖天尊，東北鄉救苦真人童子無殃真衆。恭望聖慈，俯垂洞鑑。伏以大象胚暉，凝一炁以含韞；重玄化作，分八索以恢張。乾道流行，艮山列位。欲羣生而蒙福，茲五遍以說經。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓五遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第五遍

伏聞，太一慈尊，端拱青玄之左府；洞玄妙蘊，普救黑壤之沉魂。凡有歸崇，必蒙濟度。以今陞入經座，異口同音。誦誦妙經，稱揚睿號。奉爲齋主，資薦亡魂。仗良因之妙力，消億劫之愆瑕。免歷東北方考對之司，徑詣妙因無極之國。法衆虔誠，同聲諷誦。

經畢，再詣東北方

具位，啓聖。伏以渺渺仙源，肇布

一元之炁；巍巍大範，旁昭三洞之文。

特伸忱悃之私，願賜慈悲之澤。見前清衆，異口同音。誦詠妙經，稱揚睿號，已周五遍。奉爲齋主，薦悼魂儀，往生仙界。伏願罪消黑簿，名注丹書。出東北方冥昧之鄉，登長樂界蒼元之境。所有太上真符，謹當宣告。

宣符，疏關，送聖

東南方跪奏

具位，誠惶誠恐，稽首頓首，再拜，奏啓東南方好生度命天尊，東南鄉救苦真人童子，無鞅真衆。恭望聖慈，俯垂洞鑒。伏以丹華闕下，凝梵炁以爲宮；絳府庭中，揚巽風而煦物。百谷識朝中之所，三山標靈化之奇。浸德澤以無涯，配真功而不宰。說經六遍，布化羣黎。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓六遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第六遍

伏聞，巍巍大範，仰東極之慈悲；

蕩蕩自然，賴洞玄之靈蘊。莫窮稱讚，惟切皈依。以今陞入經座，異口同音，誦詠妙經，稱揚睿號。奉爲齋主，資薦靈魂。仗良因之妙力，消億劫之愆瑕。免歷東南方考對之司，徑詣真安無極之國。法衆虔誠，同聲諷誦。

經畢，再詣東南方

具位，啓聖。伏以紫雲密覆，是名

三寶之神尊；梵炁彌羅，以制九天之魂爽。玄功莫測，丹悃必從。見前清衆，異口同音。誦詠妙經，稱揚睿號，已周六遍。奉爲齋主，資薦魂儀，往生仙界。伏願形神俱妙，魂魄超升。出東南方冥昧之鄉，登妙寂界莊嚴之國。所有太上真符，謹當宣告。

宣符，疏關，送聖

西南方跪奏

具位，誠惶誠恐，稽首頓首，再拜，奏啓西南方太靈虛皇天尊，西南鄉救苦真人童子，無鞅真衆。恭望聖慈，俯垂洞鑒。伏以二象分靈，紐沉機於分野；重陰定位，凝至靜於坤輿。載物稱雄，承天立極。經已周於七遍，澤廣

被於羣生。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑑十真之會；琅函寶笈，周圓七遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第七遍

伏聞，空中灼灼，仰承大道之恩；

幽境冥冥，實著慈悲之惠。苦輪普救，仙境俱登。以今陞入經座，異口同音，誦詠妙經，稱揚睿號。奉爲齋主，資薦靈魂，往生仙界。仗良因之妙力，消億劫之愆瑕。免歷西南方考對之司，徑詣耀真無極之國。法衆虔誠，同聲諷誦。

經畢，再詣西南方

具位，啓聖。伏以靈篇朗誦，獲心

垢以俱清；睿號稱揚，舉耳根之益淨。既無文而不度，必有感以皆通。見前清衆，異口同音。誦詠妙經，已周七遍。奉爲齋主，資薦亡魂，往生仙界。伏願罪根蕩滌，神識清涼。出西南方冥昧之鄉，登妙樂境莊嚴之國。所有

太上真符，謹當宣告。

宣符，疏關，送聖

西北方跪奏

具位，誠惶誠恐，稽首頓首，再拜，奏啓西北方無量太華天尊，西北鄉救苦真人童子，无鞅真衆。恭望聖慈，俯垂洞鑒。伏以混元疏朗，廓玄象以傾光；梵炁冲融，鼓清風而立極。均分寒暑，主宰陰陽。既司善惡之權，須酌重輕之報。說經八遍，普澤羣生。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑒十真之會；琅函寶笈，周圓八遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第八遍

伏聞，大道恩深，宣真經而救苦；幽途幸甚，聞聖號以昇遷。志篤心崇，力祈濟度。以今陞入經座，異口同音。誦詠妙經，稱揚睿號。奉爲齋主，資薦亡魂。仗良因之妙力，消億劫之愆瑕。免歷西北方考對之司，徑詣濟苦無極

之國。法衆虔誠，同聲諷誦。

經畢，再詣西北方

具位，啓聖。伏以罪實可哀，蒙道

恩而濟度；念無休息，賴經法以生成。既伸皈向之誠，必沐超凌之澤。見前清衆，異口同音。誦詠妙經，已周八遍。奉爲齋主，資薦亡魂，往生仙界。伏願蠲消宿業，澄正魂神。出西北冥昧之鄉，登惠靜莊嚴之國。所有太上真符，謹當宣告。

宣符，疏關，送聖

上方跪奏

具位，誠惶誠恐，稽首頓首，再拜，奏啓上方玉虛明皇天尊，上鄉救苦真人童子，无鞅真衆。恭望聖慈，俯垂洞鑒。伏以虛无妙境，藏大範之玄功；碧落清風，扇自然之洪運。真功渺邈，惠智難窮。包括穹窿，司張象緯。既說經於九遍，當普救於羣黎。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑒十真之會；琅函寶笈，周圓九遍之功。臣干冒聖威，下情無任懇禱之至。法

衆虔誠，謹伸奉請。

請聖，散花，陞座

演第九遍

伏聞，真詮流布，示法炬於昏衢；寶號稱揚，運慈航於苦海。人天普濟，正道咸歸。以今陞入經座，異口同音。誦詠妙經，稱揚睿號。奉爲齋主，資薦亡魂。仗良因之妙力，消億劫之愆瑕。免歷上方考對之司，徑詣七寶紫霄之國。法衆虔誠，同聲諷誦。

經畢，再詣上方

具位，啓聖。伏以無名無我，惟接

引於羣生；不迷不荒，可悟成於真道。萬劫莫測於微妙，寸誠克遂於感通。見前清衆，異口同音，誦詠妙經，稱揚睿號，已周九遍。奉爲齋主，資薦魂儀，往生仙界。伏願火翳成清署，劍樹化爲騫。魂爽下離於幽都，神識上升於碧落。所有太上真符，謹當宣告。

宣符，疏關，送聖

下方跪奏

具位，誠惶誠恐，稽首頓首，再拜，奏啓下方真皇洞神天尊，下鄉救苦，真

人童子，无鞅真衆。恭望聖慈，俯垂洞鑒。伏以方輿載物，弘大信以無私；厚德安貞，布洪基而永固。咸資道力，克運神功。說經普救於九泉，聽法已周於十遍。皆承功而受度，令入聖以超凡。敢祈告命於靈司，是用頒符於曲府。匪憑洪造，難格玄恩。伏望綠輦丹輦，來鑒十真之會；琅函寶笈，周圓十遍之功。臣干冒聖威，下情無任懇禱之至。法衆虔誠，謹伸奉請。

請聖，散花，陞座

演第十遍

伏聞，東極慈父，青玄老君，沛法雨以潤衆生，布慈雲而覆羣品。恩沾九地，澤被十方。以今陞入經座，異口同音。涌詠妙經，稱揚睿號。奉爲齋主，資薦亡魂。仗良因之妙力，消億劫之愆瑕。免歷下方考對之司，徑詣淨土莊嚴之國。法衆虔誠，同聲諷誦。

經畢，再詣下方

具位，啓聖。伏以至真藏教，道力遍周。妙哉，三洞之經；至矣，威神之靈。上叩清都紫府，下逮黑壤黃泉。

咸被超升，俱承惠澤。見前清衆，異口同音。誦詠妙經，稱揚睿號，已周十遍。奉爲齋主，資薦魂儀，往生仙界。伏願委炁聚功，登真悟道。超度三界難，徑上元始天。所有太上真符，謹當宣告。

宣符，疏關

送聖

嘆經

經者徑也，指其徑路而歸焉。學道修真，濟生度死，坦坦蕩蕩。四通八達，無礙無障。以此徑路，行之於精，則能沂流入腦。腦滿則能體強，此深根無漏、保命長生之法，乃地仙行此徑路之妙也。行之於神，則內視返聽，至虛靜一，純白內備，天光煥明，乃神仙行此徑路之妙也。行之於炁，則能採盜大範之飛根，呼吸虛皇之天。炁出乾入坤，結成無相之體，號曰太一天尊，乃天仙行此徑路之妙也。行此徑路，去情慾則斷生死之根，去邪僞則登衆妙之門，去萬物則超世表而出塵埃矣。行此徑路於陽生之時，斡轉璇璣，

以運符一息之中，使金液灌頂，銀浪衝開。腦既已滿，則入功德。水通，鼻通，口復咽歸黃庭，以結中丹。用之長久，則髓滿，骨堅，百骸固密，不知有寒暑衆病之著人，此地仙之應驗也。行此徑路，內視返聽，守一真於上田黃房之內，未嘗暫離。雖隨機接物，動用形體，一意常溫，溫於黃庭之中。靜而常守，動而常寂。寂則明，明則復歸於上田，久久泰定，則白光圓象，煥爛一室。人有來干我者，我先知之，此神仙之應驗也。行此徑路，服炁於清晨，閉息於靜夜。所謂服炁者，服太和之精、二景之英。天炁入體，百神自靈。以神御炁，炁乃長停。既得其息，積之又積，積水成海，積炁成神。神凝胎結，身內生身，此天仙之應驗也。行此徑路，觀吾之心，如太空焉。觀吾之身，如太無焉。泛觀萬物，悉皆幻化，終歸殞滅。無一物一事，能動搖吾之心也。吾之神常寂矣，常寂則不知太虛之爲我，即我之爲太虛耶，此徑路之妙應焉。是故行此徑路，志怠功墮，泯滅大道，不

成矣。觀此徑路，非世人修行，不足以彰其妙。世人非此徑路，不足以驗其修行之功用也。道者，經之體。經者，道之用。體用兩忘，其道乃光。夫如是則忘於所忘，不忘其所忘也。重說偈曰：

爲仙爲佛本殊途，一揆同歸妙與俱。
識破這些關捩子，無無無有有還無。

三聞經

黃籙救苦十齋轉經儀

（陳耀庭點校）

030 黃籙十念儀

經名：黃籙十念儀。一卷。底本出處：《正統道藏》洞玄部威儀類。

法事如式

伏以天覆地載，密運生化之樞機；日往月來，盡屬虧盈之光景。惟是春榮秋落，陽息陰消，難逃遷謝之期，孰免輪迴之數。况乎，人生三界，性稟五常，如石火之耀明，似電光之倏忽。倘非得道，曷守真常。今者亡過，性稟冲和，心懷上善。妄想椿松等壽，金石齊年。奈何三彭二豎以相催，四大百骸而莫駐。繇是相離慘切，眷戀悲傷。慨歿後之情深，痛生前之義重。是用嚴精法會，虔備珍羞，啓三境之高真，揚十華之寶號。伏願神魂不昧，儼若生存。頓釋塵緣，恭聽法語。

按人各恭敬

宣告亡靈，第一歸依無上道寶，十方大聖，太上三尊。億劫度人，先天立教。慈悲廣濟，溥及羣生。玉相金容，分形變化。影隨響答，善應無方。此世他生，常當信禮。

宣告亡靈，第二歸依無上經寶，十方上聖。寶藏靈文，玉字金書，龍章鳳篆，三十六部，萬八千篇，指引沉迷，超昇道岸。行行滅罪，句句消愆。此世他生，常當信禮。

宣告亡靈，第三歸依無上師寶，玄中大聖，上古三師，正一真人，三天教主，十方世界得道神仙。傳法授經，開悟羣品。是真父母，是大醫王。此世他生，常當信禮。

伏以道引登真之路，經傳化善之階。祕典琅函，仗簪裳而讚詠；靈音妙範，引魂魄以超昇。人間之光景難留，何煩顧戀；仙界之雲輶自在，任意躋攀。已聞三寶之名，再舉十華之號。

道場衆等十念如法
志心信禮，東方九炁天君神仙諸

靈官。稽首東方主，玉寶皇上尊，願垂大慈力，超度此亡靈。和往生神仙界。

志心信禮，南方三炁天君神仙諸靈官。稽首南方主，玄真萬福尊，願垂大慈力，超度此亡靈。和往生神仙界。

志心信禮，西方九炁天君神仙諸靈官。稽首西方主，太妙至極尊，願垂大慈力，超度此亡靈。和往生神仙界。

志心信禮，北方五炁天君神仙諸靈官。稽首北方主，玄上玉晨尊，願垂大慈力，超度此亡靈。和往生神仙界。

志心信禮，東北方梵炁天君神仙諸靈官。稽首東北主，度仙上聖尊，願垂大慈力，超度此亡靈。和往生神仙界。

志心信禮，東南方梵炁天君神仙諸靈官。稽首東南主，好生度命尊，願垂大慈力，超度此亡靈。和往生神仙界。

志心信禮，西南方梵炁天君神仙諸靈官。稽首西南主，太靈虛皇尊，願垂大慈力，超度此亡靈。和往生神仙界。

志心信禮，西北方梵炁天君神仙諸靈官。稽首西北主，無量太華尊，願垂大慈力，超度此亡靈。和往生神仙界。

志心信禮，上方一炁天君神仙諸靈官。稽首上方主，玉虛明皇尊，願垂大慈力，超度此亡靈。和往生神仙界。

志心信禮，下方九壘土皇君神仙諸靈官。稽首下方主，真皇洞神尊，願垂大慈力，超度此亡靈。和往生神仙界。

禮念十方空界一切天君，奉爲亡靈虔誠懺悔

次懺悔

志心懺悔，奉爲亡靈，懺悔亡過身業罪。身業無邊罪，種種亦難量。舉止去來間，滯染諸塵垢。華飾貪逸樂，傲誕世間人。今對大慈尊，一心陳懺悔。願此亡靈身業罪，消除永不生。清淨契神仙，永離三途苦。衆和志心稽首，禮謝無上正真三寶。

志心懺悔，奉爲亡靈，懺悔亡過口業罪。口業無邊罪，種種亦難量。兩舌及浮言，毀謗真經教。啗食有情物，

窮辱世間人。今對大慈尊，一心陳懺悔。願此亡靈口業罪，消除永不生。絕彼是非言，常演真經教。衆和志心稽首，禮謝無上正真三寶。

志心懺悔，奉爲亡靈，懺悔亡過心業罪。心業無邊罪，種種亦難量。嗔喜及愛憎，一切從心起。嗜慾兼虛妄，嫉妬世間人。今對大慈尊，一心陳懺悔。願此亡靈心業罪，消除永不生。智識迴開明，洞達希夷旨。衆和志心稽首，禮謝無上正真三寶。

志心懺悔，奉爲亡靈，懺悔亡過慳貪嗔怒愚癡罪，邪淫偷盜殺生愆。謗經毀教不歸依，怨道咎師違盟誓。身心妄想無休息，耳眼生貪不住時。過去未來及今生，三世罪根難可測。此日發心陳懺悔，從前障惱願消除。言詞既向道前陳，衆聖定應空裏鑒。衆和志心稽首，禮謝無上正真三寶。

志心懺悔，奉爲亡過，懺悔亡靈耳眼鼻舌身心罪，六情六欲六根愆。管絃嘹唳少真音，紫綠繁華非正色。蘭麝競裝馨香處，車馬崢嶸馳騁時，甘辛

百節恣傷神，喜怒無常唯奪壽。六情每引沉淪路，三寶常開拯拔門。從今發露首前愆，總願罪根悉消滅。衆和志心稽首，禮謝無上正真三寶。

向來稱揚，十念功德。無限良因，用薦亡魂，超昇仙界。唯願雲車鶴駕，從空裏以來臨；寶節瑤幢，自丹青而接引。騫林樹下，常聽真經。寶月池邊，時聞雅範。生前萬罪，隨懺念以消除；歿後千愆，仗令辰而解釋。一禮一懺，句句消愆。功德巍巍，除殃滅罪。刀山成寶座，劍樹化騫林。獄卒竟修仙，牛頭成上道。鑊湯消業火，泉曲罷寒冰。五道與三途，火車皆消散。

生前諸罪咎，繫結在酆都。六情多恣縱，萬惡逐緣生。心口意三業，耳眼鼻舌身。

更願神超碧落，飛步黃庭。謁玉帝於天宮，會列仙於雲路。躋攀瓊樹，嬉戲瑤池。閑登劫仞之臺，道契無爲之侶。飛昇遂性，動植昭甦。一切有情，同登道岸。

黃錄十念儀

031 黃籙五老悼亡儀

經名：黃籙五老悼亡儀。一卷。
底本出處：《正統道藏》洞玄部
威儀類。

法事如式

伏以混元未判，包一氣以爲先；
太極既分，配三才而互立。由是三生
萬物，五極居中。位設五方，數分五
炁。天有五星而列照，地有五嶽以攸
司。縱橫而布九宮之圖，生成而現兩
儀之像。惟五老以定位，與一炁以同
生。仰奉三清，垂慈萬劫。救度羣品，
濟拔亡魂。敬者生天，聞者滅罪。今
辰某資薦亡過某，早罹五濁之境，未明
五蘊之空。耳聞五音，舌貪五味。眼
觀五色，而不期惑亂；身耽五慾，而自
取昏迷。豈知五行之數終，仍隨五苦
之惡趣。今則舉揚睿號，宣演祕文。

似影逐形，隨方懺悔。仰憑法衆，同心
慈悲。奉爲亡人，虔誠懺悔。

舉，按人各恭敬

吟偈

普獻無邊聖，香煙散十方。諸天
無量聖，日月斗星辰。玄師經錄祖，天
府衆高真。願垂大慈力，超度此亡魂。

普獻無邊聖，香煙透冥關。酆都
岱嶽府，考較罪魂司。幽牢遍諸獄，地
府衆威靈。願垂大慈力，超度此亡靈。

普獻無邊聖，香煙散扶桑。江河
淮濟海，雷電雨龍神。十洲三島谷，水
府衆真仙。願垂大慈力，超度此亡靈。

舉，志心皈命禮

東方青靈始老九炁天君

志心皈命東方主，安寶華林大慈尊。
青陽木德發生香，角亢氏房標本位。
青華宮內瞻慈相，色界諸天仰至尊。
寶光童子捧符來，耀景靈幡拔衆苦。
懺悔亡人眼根罪，風雷地獄盡消除。
鑊湯爐炭化成灰，神識不經斯苦地。
青天魔王爲保舉，皇笏天上恣遨遊。
焚香仰啓大慈尊，引領亡人生樂國。

舉，志心皈命禮

南方丹靈真老三炁天君

志心歸命南方主，梵寶昌陽大慈尊。
未明火德耀丹罡，井鬼柳星標本位。
丹靈宮內瞻慈相，無色諸天仰至尊。
丹靈童子捧符來，華景靈幡拔衆若。
懺悔亡人舌根罪，銅柱地獄盡消除。
鎔銅吞火變醍醐，神識不經斯苦地。
赤天魔王爲保舉，浮容天上任逍遙。
焚香仰啓大慈尊，引領亡魂生快樂。

舉，志心皈命禮

西方皓靈素老七炁天君

志心皈命西方主，七寶金門大慈尊。
皓靈白帝太陰君，胃昴觜參標本位。
素皇宮裏瞻慈相，四種旻天仰至尊。
定光童子捧符來，玉葉靈幡消衆苦。
懺悔亡人鼻根罪，金剛地獄盡消除。
鋒刀屠割不傷身，神識不經斯苦地。
日天魔王爲保舉，常融天上恣遨遊。
焚香仰啓大慈尊，引領亡人生淨境。

舉，志心皈命禮

北方黑靈玄元五炁天君

志心歸命北方主，洞陰朔單大慈尊。

黑靈水帝五靈君，室壁虛危標本位。
五靈宮裏瞻慈相，六欲諸天仰至尊。
開明童子捧符來，定水靈幡拔衆苦。
懺悔亡人耳根罪，溟冷地獄悉消除。
寒冰自覺暖煙生，神識不經斯苦地。
黑天魔王爲保舉，元明天上恣躋攀。
灾香仰啓大慈尊，願引亡人生仙界。

舉，志心皈命禮

中央黃靈皇老一炁天君

志心歸命中央主，黃靈皇老大慈尊。
黃中理炁表方維，土宿地喉居正位。
玉虚上帝慈光照，洞神天尊救苦來。
妙光童子奉命至，舞鶴靈幡拔罪苦。
懺悔亡人身業罪，普掠地獄盡消除。
力^①山劍樹化騫林，神識不經斯苦地。
黃天魔王爲保舉，大羅天上恣遨遊。
焚香仰啓大慈尊，願度亡人生樂國。

舉，志心稽首禮

無上正真三寶天尊

志心懺悔

身口意三業罪，无量亦无邊。今
對大慈尊，一心陳懺悔。
貪嗔癡愚罪，无量亦无邊。今對

大慈尊，一心陳懺悔。

殺害邪淫罪，无量亦无邊。今對
大慈尊，一心陳懺悔。

向來宣陳懺悔，萬罪消除。奉爲
亡靈，皈依三寶。

志心歸依

无上道，大羅元始尊，奉爲此亡
靈。衆和往生神仙界。

舉志心歸依

无上經，龍章鳳篆文，奉爲此亡
靈。衆和往生神仙界。

舉志心歸依

無上師，玄中大法師，奉爲此亡
靈。衆和往生神仙界。

舉志心歸依

三寶，已回，此妙良因。七祖及九
玄，衆和同生極樂國。

舉志心歸依

三寶已回，此妙良因，五道與三
塗，衆和同生極樂國。

舉向來

向來稱揚，五方五老，並已周圓。
奉爲亡靈，往生天界。伏願清魂不昧，

淨魄昭然。落罪籍於黑編，注生名於
丹簡。達初心於清靜，悟本性以逍遙。
乘彼碧霞，涉諸妙域。脫死因於九地，
證生理於三天。鶴駕雲車，入大羅之
法會；寶幡絳節，登浪苑之仙階。亡
者生天，見存獲福。上窮圓極，下及方
隅。有識無情，同登道岸。

黃錄五老悼亡儀

①「力」疑應作「刀」。

(陳耀庭點校)

032 黃籙齋十天尊儀

經名：黃籙齋十天尊儀。一卷。
底本出處：《正統道藏》洞玄部
威儀類。

法事

伏聞，三境高真，永鎮玉京之上；
十天寥邈，上通金闕之遙。是爲列聖
之居，皆號無極之國。仰惟玉宸之慈
化，重遺救苦之懇誠。訓告未聞，發明
聖境。儻皈依之不息，必昭鑑以無私。
載度天人，俾生者密膺於善祐；普覃
冥路，使亡者永脫於業緣。用舉齋盟，
敢忘皈向。今齋主某修建道場，用資亡
歿。仰憑道力，同爲讚揚。

十方救苦天尊

太上道君曰：東方青靈始老蒼帝
九炁天君。華林境界，其有真人，名曰
靜境無極之國，惠淨莊嚴。青鸞鼓舞

於晴空，白鶴飛鳴於碧落。仰衆真而
笑傲，陪九老以遨遊。奉薦亡靈，往生
彼國。衆傳妙道，聽法聞經。仰憑道
力，同爲讚揚。

玉寶皇上天尊

東方聖境妙難思，瑞氣盈盈鎖翠微。
九炁天君興善念，青靈始老握神機。
蒼龍昇降隨煙靄，暘谷靈澄瑩日輝。
玉寶天尊垂妙力，亡魂升度入金扉。
和不可思議功德。

太上道君曰：南方梵寶昌陽丹靈
真老赤帝，三炁天君。丹天境界，其有
真人，名曰真老無極之國，端化莊嚴。
雲上九都，總長生之錄籍；南昌六府，
司植福之樞機。奉爲亡靈，往生彼國。
衆傳妙道，觀聽法音。衆等虔誠，稱揚
功德。

玄真萬福天尊

南方聖境號丹天，中有真人體自然。
飛霧上騰三氣遠，景風低拂五雲旋。
蟠桃爛熳應千載，火棗芬芳定劫年。
萬福天尊垂救度，苦魂今得從朱軒。
和不可思議功德。

太上道君曰：西方七寶金門皓靈
黃老白帝，七炁天君。金光境界，其有
真人，名曰法寶無極之國，利益莊嚴。
金童捧蓋於遙空，玉女擷芳於琦圃。
敷濟生之妙範，宣度死之真詮。奉薦
亡靈，往生彼國，衆傳妙道，觀聽法音。
衆等虔誠，同爲讚揚。

太妙至極天尊

西方聖主號靈君，七氣天中別有春。
瓊樹參差凝湛露，瑤光零落散輕塵。
龜臺聖母遨遊遍，鳳闕仙鄉致宴迎。
太妙天尊來接引，靈魂有路謁羣仙。
和不可思議功德。

太上道君曰：北方洞陰朔單鬱絕
五靈玄老黑帝，五炁天君。真定境界，
其有真人，名曰救苦無極之國，救苦莊
嚴。導五炁以化兆民，布九宸而周萬
國。鑑映不遺於巨細，恢張豈間於幽
冥。奉薦亡靈，往生彼國。衆傳妙道，
觀聽法音。法衆虔誠，同爲讚揚。

玄上玉宸天尊

北方真境號仙鄉，快樂由來日月長。
環拱紫微懸列象，昭垂星斗燦靈光。

雙鬢童子持金簡，五老真人誦玉章。
玄上天尊來救度，普令亡爽得生方。
和不可思議功德。

太上道君曰：東北方長樂境界，
其有真人，名曰妙音無極之國，周匝莊
嚴。天廷高聳於黃輿，地紀潛凝於紫
府，光曜暘谷，翠湧扶桑。奉薦亡靈，
往生彼國。參傳妙道，觀聽法音。衆
等虔誠，稱揚功德。

度仙上聖天尊

良維聖境異羣方，長樂慈尊誦九章。
閔闕九重凝曉色，琪花千樹散春芳。
樽桑地勝飛煙煖，浴日波澄翠淡光。
上聖洪恩垂惠照，亡魂平步陟仙鄉。
和不可思議功德。

太上道君曰：東南方碧霞境界，
其有真人，名曰真定無極之國，妙寂莊
嚴。玉磬金鐘，每和長生之韻；翠房
丹館，常開不夜之門。奉薦亡魂，往生
彼國。參傳妙道，觀聽法音。衆等虔
誠，稱揚功德。

好生度命天尊

朱門碧瓦亘晴空，玉榜金書巽極宮。

靄靄飛煙珂影外，雍雍仙駕珮聲中。
鸞鳴鳳嘯悠揚遠，珠蕊瑶葩剪刻工。
魂爽恍如輕舉至，六銖仙袂自生風。
和不可思議功德。

太上道君曰：西南方耀真境界，
其有真人，名曰瓊光無極之國，善救莊
嚴。元輿靜鎮於坤維，真氣潛凝於地
紀。金樞發彩，玉井含光。奉薦亡靈，
往生彼國。參傳妙道，觀聽法音。衆
等虔誠，稱揚功德。

太靈虛皇天尊

坤維雄鎮宅仙真，坐死嘉生四季新。
駕瓦虬簷開月殿，龍樓鳳閣俯星津。
深根未斷還年藥，至藥多逢浩劫人。
此境堪迎靈魄去，五雲深處好爲鄰。
和不可思議功德。

太上道君曰：西北方妙道境界，
其有真人，名曰救苦無極之國，真仙莊
嚴。帝闕巍峨，勢迄崑丘之上；天花
散漫，光遙玉殿之中。奉薦亡魂，往生
彼國。參傳妙道，觀聽法音。衆等虔
誠，稱揚功德。

無量太華天尊

雲衢直與帝闈通，複閣重樓翠積中。
桂影飄香乘玉露，月華分彩映朱宮。
瑶臺絳闕塵晴漢，縹渺彤霞拂浪穹。
普濟真人朝太極，追資靈爽得無窮。
和不可思議功德。

太上道君曰：上方玄都玉京、金
闕七寶玄臺、三清鬱羅之界，三十二天
帝君，妙行真人，神仙玉女，无慾境界，
其有真人，名曰自然無極之國，紫霄莊
嚴。玉陛丹墀，盡高仙之班列；清霄
紫府，皆上聖之遨遊。奉薦亡魂，往生
彼國。參傳妙道，觀聽法音。衆等虔
誠，稱揚功德。

玉虛明皇天尊

上方聖境大羅天，一炁分三本自然。
玉珮金璫朝太上，霓旌絳節擁真仙。
祕文不墜神玄化，長樂天隨浩劫仙。
願度亡靈除積業，雲霞高舉五雲駟。
和不可思議功德。

太上道君曰：下方九土高皇，四
司五帝，九宮真宰，十二仙鄉，神仙玉
女，水運丹界，其有真人，名曰妙行無
極之國，淨土莊嚴。仙島神州，列真游

而別館；洞天福地，遺仙客之高蹤。奉薦亡靈，往生仙界。參傳妙道，觀聽法音。衆等虔誠，稱揚功德。

真皇洞神天尊

三山仙洞鎖煙霞，閨苑蓬壺景物嘉。
千載不資金鼎藥，四時親賞玉蘭花。
魚龍漫衍滄溟闊，鸞鵠伴翔景異奢。
從此神儀遊路遠，勝遊宴處是仙家。
和不可思議功德。

伏聞，大有妙書，宏開於碧落；十方聖境，分別於丹青。爰披應號之經，乃得皈身之旨。使羣迷之徑路，繫上聖之慈憐。奉薦亡靈，稱揚寶偈。

尋聲救苦天尊

天尊慈惠浩難量，聖境莊嚴大福堂。
應化分身周法界，洞幽燭暗發天光。
雲衢杳杳期超舉，仙範聲聲與薦揚。
入妙因緣今幸會，亡靈飛步得生方。
和不可思議功德。

向來稱揚功德，並已周圓。用薦亡魂，往生仙界。伏願睹天尊之妙相，依大道之恩光。昇陟仙方，逍遙自在。然冀福霑幽顯，利及存亡。一切有情，

同登道岸。

黃錄齋十天尊儀

（陳耀庭點校）

033 黃籙齋十洲三島拔

度儀

經名：黃籙齋十洲三島拔度儀。
一卷。底本出處：《正統道藏》
洞玄部威儀類。

舉步虛

次舉三天尊

啓白

焚香上啓，供養三清上聖、十極高真，東極官中慈悲太一救苦天尊，十方救苦天尊，九幽拔罪天尊、朱陵度命天尊，黃籙職司、無邊仙聖，十洲三島、一切威靈。仗此真香，普同供養。伏望聖慈，洞回昭鑒。伏以二氣運行，猶分消長；五常稟賦，豈免浮沉。乃知生滅之因，是特往來之數。倘欲延年住世，除非脫迹升仙。所以塵外十洲，盡是長生之境；海中三島，無非不老之

鄉。金醴玉漿，盈壺不竭。霞裾雲袂，

逐念而生。碧藕冰桃，三冬結實；奇

花異果，四季敷榮。風光駘蕩以如春，

日月周流而不夜。絳霄霽色，時開長

樂之宮；紫霧晨暉，遙敞虛皇之殿。

或駕黃龍之輦，或乘丹鳳之輿。鶴唳

一聲，度仙山而頃刻；鵬搏九萬，絕溟

海以須臾。皆憑虛而御空，能遺世而

絕俗。起居自適，營慮不關。錦繡谷

寒，朝映鬱儀之色；丹砂靈淨，夜澄結

璘之輝。玉女傳言，金童捧詔。時赴

瑤池之宴，同趨金闕之班。樂奏鈞天，

聲撼廣寒之丹桂；盃凝甘露，香和王

母之蟠桃。皆由身棄榮華，志甘澹泊。

怡神養性，得吸新吐故之方；鍊質修

真，悟入聖超凡之理。與塵寰而絕迹，

故仙籍以著名。遊憩三山，徘徊十極。

餐霞服炁，保仙壽以無期；煉藥燒丹，

度世人之有道。儻有歸依之志，為蒙

拯拔之恩。以今奉為亡過某，茂闡冲

科，大持仙範。演十洲之勝境，唱三島

之玄風。憑仗殊因，薦茲冥福。伏願

羣仙降鑒，列聖垂光。接引神儀，超登

樂境。法衆虔誠，稱揚功德。

舉大聖飛昇太空天尊

十洲佳景是仙鄉，三島瓊樓住渺茫。

西望龜臺通玉國，東連鯨海映扶桑。

壺天飛遠人難到，塵世雖悲道易忘。

願度神儀超此境，參陪王母禮虛皇。

第一瀛洲之境，高居溟海，遙對會

稽。瓊室真宮，乃二仙之窟宅；神之

靈草，為萬物之嘉祥。鍊昆吾之鐵，則

切玉如飛；飲玉醴之漿，則長生不老。

青丘隱迹，翠水藏仙。奉薦靈儀，飛昇

此境。伏願高登雲路，達自性之道

遙；回謝塵寰，了浮生之幻夢。法衆

皈依，讚揚功德。

瀛洲宮闕接諸天，象外春光不記年。

五色碧鷄啼曉日，千金丹鳳吸朱煙。

青丘翠水山川異，玉醴昆吾鐵石堅。

願度亡靈超彼處，親聞經法悟真詮。

第二玄洲之境，居巽宮之地，處北

海之中。遙對天門，是為地戶。風山

蔚秀，根萬籟以雷鳴；芝草芬芳，散瓊

葩而路重。為泰玄之都府，乃仙伯之

真司。地產黃金，石包白玉，壽齡無

限，衣食自然。奉薦神儀，超登此境。伏願飛仙接引，瞬息而福地洞天；神觀清明，換易而仙風道骨。法衆皈依，讚揚妙範。

玄都雄鎮宅仙都，榮館華房列聖居。玉女奏章乘鶴駕，金童傳敕跨鯨魚。瓊田產玉珍無價，靈棗敷榮錦不如。願薦靈儀超此境，好辭塵世學清虛。

第三長洲之境，中藏洞府，下壓南溟。甘液流泉，是謂長生之藥；青丘異號，真爲極樂之鄉。五千里之風景非凡，三萬歲之壽齡最久。紫瓊樓閣，悉女真學道之鄉；黃素符書，皆高聖煉形之訣。上有真都之嶺，旁臨廣利之宮。奉薦靈儀，超昇此境。伏願丹霞洞裏，常披寶藏之經；赤水山頭，遙禮玉清之駕。法衆皈依，讚揚妙範。

長洲風景四時春，鳳駕龍樓鎖翠雲。兩岸桃花人不到，一田芝草鶴成羣。瓊樓人散天風冷，玉局潮歸海日曛。願度靈儀超此境，紫虛宮闕禮元君。

第四流洲之境，三千里界，九十萬程。西海澄清，不見滄波之險；東風

披拂，時聞紫朮之香。仙仗往來，何須舟筏。靈籥斷續，自有宮商。明月階前，盡看青鸞之舞；飛霞山上，時乘白鶴而來。奉薦靈儀，超升此境。伏願一丸靈藥，從勾漏以携來；兩腋清風，隨玉川而歸去。法衆皈依，讚揚妙範。

流洲山上號飛霞，仙客騷人百萬家。瑞草靈芝千歲藥，碧蓮仙柰四時花。雲煙帳裏空留舄，牛斗河邊不用槎。願薦神儀超彼處，種桃歸去飯胡麻。

第五元洲之境，滄溟以北，仙圃居中。有玉館之崇高，爲紫虛之宴處。玄澗之甘泉如蜜，飲之者住世長年；靈峰之異草無名，佩之者脫胎換骨。洞門不鎖，仙客多閑。讀罷黃庭，但見雲生柱礎；驚回青夢，不知海變桑田。天闕之鐘鼓相聞，人世之舟車不到。光陰難老，壽筭無窮，奉薦神儀，超昇此境。伏願百骸蟬蛻，悵塵世之空花；三洞龍章，達真仙之祕範。法衆皈依，讚揚妙範。

元洲福境宅仙真，絳彩彤輝徹杳冥。玄澗醴泉流碧砌，紫虛玉館鎖蒼扃。

十年瑞鶴歸華表，五色玄龍吸火鈴。願度靈魂超此境，羽衣親惹御爐馨。

第六生洲之境，地浮東海，山接蓬萊。仙家參錯於翠微，勝境回環於碧障。鸞飛鳳翥，往來天上之真仙；虎嘯龍吟，呵護山中之靈跡。花敷太妙，木並騫林。洞戶長扃，時聽瓊鐘之韻；天臺高峙，每聞玉鐸之聲。清風發而籟振雲璈，皓月升而海涵半壁。四時殊勝，千歲優游。奉薦亡靈，超昇此境。伏願朝步虛皇之閣，焚衆妙香；暮登法樂之堂，禮三寶相。法衆皈依，讚揚功德。

生洲主者太清翁，掌握玄機斡化工。啄飲盡從天上降，榮華不與世間同。三花自得朝元趣，百藥何勞愈病功。願度神儀超此境，旋綱躡紀步虛空。

第七祖洲之境，地方萬里，雲鎖千家。芝號養神，毓瓊田之瑞氣；藥名不死，活塵世之枯骸。無病不痊，有緣斯遇。試之神草，果符鬼谷之年；求以靈童，莫迓君房之駕。靈苗數尺，彷彿仙瓜。神水一泓，涵濡異種。名品

冠十山之最，英華擅四海之奇。奉薦神儀，超昇此境。伏願踰躡羽服，一息飛過仙山；宛轉洞章，萬遍克成仙道。法衆皈依，讚揚功德。

祖洲風景異人間，綠水青山匝四環。拔宅飛來滄海闊，採芝歸去白雲閑。飢食黃碧調金鼎，渴飲瓊根徹玉關。願度靈儀超彼處，五雲樓閣任躋攀。

第八炎洲之境，氣分南極，地鎮離宮。真火炎炎，巨天萬丈。洪濤汹汹，騰勢千尋。鍊陰魄以飛昇，乘陽光而得度。布名火浣，滌塵埃於烈焰之中；獸號風生，復毛羽於積薪之下。大丹流火，官闕森嚴。上聖高真，威光烜赫。皆神仙之所住，與中國以相通。奉薦神儀，超昇此境。伏願玉眸煉質，受度命之真符；金液還丹，得返魂之仙術。法衆皈依，讚揚功德。

炎洲獨與世間通，千里航深入漢宮。蒸焰亘天飛鳥畏，洪波匝岸巨鰲雄。南昌上境通流火，東井華池接太空。願度神儀超此處，枯骸重得返嬰童。第九鳳麟洲之境，中有丹林之府，

上接青華之宮。下隔溟波，遙通天界。麒麟所產，鸞鳳交飛。出返魂滌穢之香，鍊金泥續弦之寶。仙人守鼎，藥味成丹。弱水環洲，禽毛不載。到此者，神仙上聖；治之者，天府高真。奉薦神儀，超登此境。伏願朝拜鬱儀之景，體洞金光；高奔結璘之宮，面瞻玉相。法衆皈依，讚揚妙範。

仙山高峙鳳麟洲，水弱輕毛不可浮。香度返魂千百里，膠煎麟角幾千秋。雲開慈閣丹如染，日上騫林翠欲流。願度神儀超此境，方壺圓嶠恣遨遊。

第十聚窟洲之境，山爲仙窟，宮號洞玄。靈根留却死之苗，玉釜鍊金精之液。聞之者，枯骸立起；飲之者，凡骨昇仙。俗尚真淳，民風樸素。壺中日月，境無春夏秋冬；洞裏乾坤，自有君臣父子。不貪不慾，無去無來。奉薦神儀，超昇此境。伏願彈指而仙山萬里，不假長蘆；舉頭而天闕九重，何妨飛鳥。法衆皈依，稱揚功德。洲登聚窟躡雲梯，幢節森森引步躋。湖口金沙林屋洞，桃花流水武陵溪。

仙翁禮斗留丹篆，玉女朝天鎖翠微。願度神儀超此處，十洲佳景好留題。

第一崑崙之島，四圍弱水，一號崑陵。遙望東南，接石圃仙遊之地；遠瞻西北，爲洞天北戶之鄉。井通大活之泉，路入城南之谷。真仙所聚，列聖來遊。積石山連，即西母龜臺之所；偃盆勢險，啓穆王仙路之疑。花尊玄圃之名，巔有閩風之號。天墉城峻，積萬鎰之黃金；梵炁樓高，映九高之碧玉。十二流晶之闕，晝夜常關；八千長壽之桃，春秋不謝。上接璇璣之府，下臨戊亥之區。流布五行，均調六炁。可謂福堂之境，真爲長樂之鄉。奉薦神儀，超昇此境。伏願琳琅風靜，身如一葉之輕；錦綉煙開，足躡五雲之瑞。法衆皈依，稱揚功德。

崑崙積石接東南，玄圃天墉聳翠嵐。地隔咸陽人不到，宮連王母水相涵。北臨大活通丹井，西望金城闕碧潭。願度神儀超此境，閩風臺上聽玄談。第二方丈之島，峰如積翠，上徹層霄。花似流丹，旁連疊嶂。聚金玉瑤

璃之殿，光奪星辰；爲蛟鯨龍蜃之宮，穴深滄海。乃三天司命之所治，爲九源丈人之真居。主領天下水族之神，校勘人間學仙之籍。金漿玉髓，飲之則萬劫忘飢；瑞草靈芝，佩之則一塵不染。石泉流潤，千載不枯。桑椹敷榮，萬年長秀，當仙子昇天之際，詣高真傳籙之壇。符授玄元，名通太上。班資榮峻，地位清高。奉薦神儀，超昇此境。伏願衆仙保舉，登金門而上玉堂；一念遙通，挾泰山而超北海。法衆皈依，稱揚功德。

海中方丈會神仙，地勢巍峨別是天。金鳳自多巢藥闕，玉膏誰引灌芝田。樓臺光瑩三清路，花木香浮五色煙。願度神儀超此處，不須回首慕塵緣。第三蓬丘之島，周回五千餘里，上通三十二天。北距鍾山，中連巨海。北阿門外，爲九天帝君之宮；溟渤波中，聳三島雲萊之地。飛仙來往，瑞靄迷漫。環珮珊珊，整朝天之班列；笙簫隱隱，奏鈞樂之歌音。散花來八海之童，持蓋肅五雲之御。穹鰲鼻鳳，負

石爲山；仙鳳徘徊，銜花作供。步虛聲徹，彩雲四斂於瑤峰；梵磬音低，絳節齊歸於紫府。山中一歲，人世百年。茹朮餐菁，不假休糧之術；棲神斷欲，何須執手之交。無寒暑之煎熬，辭利名之縈繫。逍遙自在，快樂無窮。奉薦神儀，超昇此境。伏願覺花開處，十洲之風景長春；昨夢醒來，三島之煙霞未散。法衆虔誠，稱揚功德。

蓬萊分命鎮洪濤，大帝仙卿列聖曹。五色雪霜浮玉籟，九清星月射金鰲。瑤臺影蘸天心冷，玉闕光浮海面高。願度神儀超此處，親陪王母賞蟠桃。

伏以福地洞天，不離塵寰之內；神仙達聖，亦居凡俗之中。修之者感應自然，昧之者情緣相繫。惟高真之憫惻，示仙界之清虛。使人返背勞生，歸依大道。幸逢勝會，披度靈儀。便當瞻禮至真，更不執迷塵世。今則仰憑善力，接引真旂。永脫凡籠，遙超仙界。法衆歸依，稱揚功德。

堪嗟人世隙中駒，利鎖名韁祇自拘。不悟因緣皆奇遇，每將勞苦作歡娛。

榮華富貴今何用，恩愛親姻了似無。從此便登仙路去，十洲三島是真都。

黃籙齋十洲三島拔度儀

（陳耀庭點校）

034 黃籙九幽醮無碍夜齋次第儀

經名：黃籙九幽醮無碍夜齋次第儀。一卷。底本出處：《正統道藏》洞玄部威儀類。

先於建道場日申時，詣玄中大法師前，拜啓玄章，焚之。次至酉時，於三天大法師前，齋主上香，法師請關牒。官中三道，士庶一道次法師度牒與齋主。次齋主傳與道流一人捧之。道衆舉華夏，迎往大門外，設香案，仍以香茶酒果供養三分，令齋主上香，再拜。次法師啓白

伏以拔幽魂，振滯魄，莫大於黃籙妙齋；締善果，植殊因，無逾乎紫清秘檢。惟克修於珍供，必仰奉於瓊科。既華壇之建儀，在明神而受職。以謂

九方同宇，雖並統於潛祇；萬域異區，寔交分於靈局。莫紘維之靈壤，垂里域之丕僞。載脩冲妙之規，寔有關聞之式。今者謹有齋主，奉爲亡過，某人，或七，或周年，或忌日命道士若干人，恭就奉靈之室，聿修度品之齋。蒞席載嚴，蘭場式啓。騰誠三界，仗四直以敷揚；拯罪九幽，覬五道而開度。城隍土地、里社正神，共證齋功，同資妙果。是用先伸關牒，告達明靈。伏望真聰，俯垂明鑒。

表白宣關牒

法師再啓白

向來齋修之意，具述牒文。宣白已周，各希聽用。共職瑤壇之事，俾超泉府之魂。在靈造之克勤，則齋功而允就。唯神聰直，俯受斯言，無任虔祝之至。

焚錢馬關牒單狀

焚詞頌，回向，念善退

次別排辦香花桌子一隻，召魂

巾一條，請齋主上香

次法師執召魂巾，召請亡靈，啓

白巾長一丈二尺，以熟絹

伏以淵宗諸粹，包千有以摘慈；靈宰播庸，同九冥而垂照。茂著薦崇之典，丕昭濟度之功。苟克奉於冲規，諒寧忘於妙蔭。今者奉爲齋主某人，伏爲亡過某人，奄辭昭世，倏僚幽塗。弟□深哀慕之誠，眷戚盡訴號之懇。爰遵祕式，克闡靈場。駢珍供於家庭，備真儀於館宇。瓊科祇肅，仰霄極之垂私；玉梵虛徐，迓丘寒之降顧。庶荷締緣之力，即承度品之恩。伏冀焱歛丕臨，神靈昭格。代魄荐除於黑簿，楚魂來入於循門。離九署之風刀，消其積釁；從三清之雲襪，被此殊緣。弭百罪於真靈，儲千祥於後裔。永彰欽奉，無爽鑒觀。謹言。

次威儀法事，引亡靈入宅，靈座

奉安。沿路令道流一人，持淨

水鉢盂，以柳枝灑淨散穢，念諸

天内音大梵隱語，至座訖

知磬起啓堂頌

法師啓白

伏聞，天地長久，尚聞傾覆之期；

日月高明，由有虧盈之度。况乎人生三界，性稟五常。豈能免此輪迴，離其生死。夫有生必有死，无始必无終。故莊周有夢蝶之悲，魯聖興逝川之嘆。聖賢不免，凡俗難逃。今齋主伏為亡過某人，奄辭昭世，倏隳幽塗。薦資用罄於虔誠，法會特陳於此夕。今則威儀濟濟，法侶誦誦。奉為亡靈，皈依三寶。

舉人各恭信

宣三寶及皈依

宣告亡靈，第一皈依，无上道寶。十方上聖、太上三尊，億劫度人，先天立教。慈悲廣濟，普及羣生。玉相金容，常當信禮。

志心皈依，十方道寶。當願亡靈，起心回向，一切信禮。

宣告亡靈，第二皈依，无上經寶。十方世界、寶藏靈文、玉字金書、龍章鳳篆、三十六部、萬八千篇，指引凡迷，超昇道岸。行行滅罪，句句消灾。此世他生，常當信禮。

志心皈依，十方經寶。當願亡靈，

心開悟解，受持轉誦。

宣告亡靈，第三皈依，无上師寶。玄中大聖、上古三師、正一真人、三天教主，十方世界，得道神仙。傳法奉經，開度羣品。是真父母，是大醫王。此世他生，常當信禮。

志心皈依，十方師寶。當願亡靈，普上法橋，无有障礙。

又啓白

伏以玉虛垂妙，廣昭濟拔之功；琅檢著文，誕示薦昇之式。爰仰遵於祕範，庸祇奉於逝靈。于今玉梵荐揚，瓊綱式舉。天章雲篆，已布於良緣；欵駕鸞輪，即彰於殊應。期鑒觀於紫宙，即超度於朱陵。已聞三寶之名，載舉十華之號。

志心信禮，東方九炁天君。和神仙諸靈官。稽首東方主，玉寶皇上尊。手執青華節，接引此亡靈。和往生神仙界。

志心信禮，南方三炁天君。和神仙諸靈官。稽首南方主，玄真萬福尊。手執丹霞節，接引此亡靈。和往生神仙

界。

志心信禮，西方七炁天君。和神仙諸靈官。稽首西方主，太妙至極尊。手執素靈節，接引此亡靈。和往生神仙界。

志心信禮，北方五炁天君。和神仙諸靈官。稽首北方主，玄上玉晨尊。手執玄靈節，接引此亡靈。和往生神仙界。

志心信禮，東北方梵炁天君。和神仙諸靈官。稽首東北主，度仙上聖尊。手執綠霞節，接引此亡靈。和往生神仙界。

志心信禮，東南方梵炁天君。和神仙諸靈官。稽首東南主，好生度命尊。手執絳霞節，接引此亡靈。和往生神仙界。

志心信禮，西南方梵炁天君。和神仙諸靈官。稽首西南主，太靈虛皇尊。手執洞靈節，接引此亡靈。和往生神仙界。

志心信禮，西北方梵炁天君。和神仙諸靈官。稽首西北主，无量太華尊。

手執紫毛節，接引此亡靈。和往生神仙界。

志心信禮，上方大羅天君。和神仙諸靈官。稽首上方主，玉虛明皇尊。手執命魔節，接引此亡靈。和往生神仙界。

志心信禮，下方九壘皇君。和神仙諸靈官。稽首下方主，真皇洞神尊。手執召靈節，接引此亡靈。和往生神仙界。

次唱禮十方空界，一切天尊。奉爲亡靈，虔心懺悔

次懺悔

志心懺悔，奉爲亡靈。懺悔身業罪，身業無邊罪。種種益難量，舉止去來間，滯染諸塵垢，華飾貪逸樂，傲誕世間人。今對大慈尊，一心陳懺悔。願此身業罪，消除永不生。清淨契神仙，永離三邊界。

志心懺悔，奉爲亡靈。懺悔心業罪，心業無邊罪。種種益難量，嗔熯并愛憎。一切從心起，嗜慾兼妄想，嫉妬世間人。今對大慈尊，一心陳懺悔。

願此心業罪，消除永不生。智識迴開通，洞達希夷旨。

志心懺悔，奉爲亡靈。懺悔口業罪，口業無邊罪。種種益難量，兩舌及浮言，毀謗於經教，啖食有情物，窘辱世間人。今對大慈尊，一心陳懺悔。願此口業罪，消除永不生。絕彼是非言，常演真經教。

志心稽首，禮謝无上正真三寶。

次吟大道洞玄虛

次三塗五苦頌

次悲吟啓白

向來稱揚，十念功德，無限勝因。惟願亡靈，往生天界，花臺花蓋，雲際來迎，寶節寶幢，空中接引。騫林樹下，常聽真經；寶月池邊，遙聞雅梵。生前萬罪，自此消除；歿後三塗，因今解釋。乘龍駕鶴，逍遙十極之天；悟道登真，自在三清之上。福流見生，再果當來。莫似今在，早相離別。洪惟列聖，允鑒精誠。有識含生，俱登正道。

次與亡靈回向，念善退

次靜夜於玄師前，唱讚行道。法事引下階於九幽燈前立。次

關九幽地獄燈

次勅水

次昇壇

次面西，請三師

次宣建壇說戒儀

第二日清旦，唱讚行道，宣科出官，一依常儀。

臨午如故，靜夜行道，宣科至三啓三禮畢，令道流一人，就請三十六位上章靈官，上香，茶酒果供養。次法師就位出官，拜讎都拔亡章。次讀章。次遣官操伏。次依儀大謝。次迎章於階下，焚之。次焚章頌，迴向，念善退

罷散，日初更。散壇，一依常儀。

次送三師

次詣玄師前，請白如故

二更初，詣亡靈前，請浴

次法師啓白請亡靈赴浴堂

伏以黃泉冥漠，凝濁而滯染魂

神；黑壤幽陰，積穢而沉埋靈爽。昏昏長夜，難遂超昇。是以太上慈憐，元皇悲愍。垂洗滌塵勞之法，宣沐浴鍊度之科。即使業網斷除，罪源蠲釋。今則嚴陳寶室，潔備蘭湯。設五香澡盥之儀，按三籙拯拔之格。

奉請亡過某人，赴浴室洗浣，蕩濁流清。事畢嚴裝，歸位聽法。

次法事引亡靈往浴室，沿路令道流一人洒淨，念諸天內音大梵隱語，前行淨路至浴。次法事止

次令道流一人，就浴盆，以木杓從西南起，左攬三十二轉，念沐浴蕩穢呪

天澄烝清，五色高明。日月吐暉，濯鍊身形。神津內盥，香湯鍊精。光景洞耀，煥暎上清。烝不受塵，五府納靈。罪滅三塗，禍消九冥。惡根斷絕，福慶自生。今日大願，一切告明。身受開度，昇入帝庭。

次又念沐浴鍊真呪
太上高真，九靈之精。使魂飛仙，

上登紫庭。沐浴華池，身神澄清。精通太虛，萬烝自生。

次法師念沐浴丹陽鍊度亡魂大呪

龍漢蕩蕩，无形无名。眇眇億劫，皇道開清。神燈明耀，九魂吐精。玉虛澄暉，太霞高明。元始開化，諸天齊靈。三元導養，二象攝生。已度者度，未成者成。已死即化，已枯即榮。蠢飛蛸息，一切靈冥。懷胎含孕，咸得受生。亡者命過，魂歸三清。魄受鍊度，南宮變形。今日大吉，皆得光明。五帝鑒暎，普告萬靈。天地神祇，及諸河源。五嶽四瀆，及諸名山。洞玄洞虛，洞空洞仙。无極大聖，至真尊神。无窮无極，普監度生。地根斷絕，玄都記名。衆神並暎，一切咸聽。

次道衆吟沐浴東井頌如三啓吟，出二十四生圖經

天河灌東井，石景水母精。圓光拂靈曜，玄暉瑩高明。元始披重夜，天人逐月生。沐浴蘭池上，龍負長綆瓶。金童灑香花，玉女流五星。冠帶濯玉

津，鍊度五仙形。體香萬神降，乘景登高。清。

次道衆吟散法事畢

次捲起裏面簾幕

次俟浴畢，法師念冠帶呪

五濁已清，八景已明。今日受鍊，罪滅福生。長與五帝，齊景上靈。

次捲起外面簾

次道衆吟法水度魂頌

今者澡蠲既畢，嚴潔已成。霓衣楚楚以飄香，雲趾徐徐而離室。請對三尊之御，宣盟九籙之科。傳戒受符，超凡入聖。庶克成於妙果，期速證於殊緣。靈魄如存，俯從迎導。

次法事迎引亡靈，沿路令道士

一名，洒淨水，念諸天梵言隱語，至三清側面，向東北角，設

香花卓子，拜褥，以手爐小案子

一面，於香花卓子前，令亡靈於

褥位立聽法

次法師啓白

仰啓三清上聖、十極靈仙，府垂鑒佑之私，深諒精虔之懇。今者以亡過某

人已周香沐，載整靈儀。既當太上御前，祇受皈依真戒。所宜肅端躬己，欽奉教科。勿形墮慢之容，恐墜資薦之果。爾時元始天尊，昔在香林園內，大福堂中，爲諸天仙衆、三界主宰、一切靈祇，說生死因緣，功過宿命。是時，即有救苦真人上白天尊言：臣睹幽陰地獄之內，羅酆北府之中，一切亡魂，沉淪受苦。或攀劍樹，或踐刀山。確搗磔磨，鑊湯爐炭，肢體零壞，膏血交流，萬死千生，不捨晝夜。其間獨有一人，形容無畏，巡履無傷，往來獄中，苦不能害，祥光瑞炁，覆護其身，不審此人，有何善果。天尊言：善哉，善哉。緣此人在生之日，心奉大道，志慕善緣。曾受九真妙戒、救苦真符，佩負靈文，持心弗怠。所以死魂快樂，自在逍遙。雖經地獄之中，不受輪迴之苦。削名黑簿，長睹光明。即得昇上南宮，克證仙果。今則三清御座，衆聖臨軒。奉爲亡靈，依科傳戒。伏冀受持之後，崇奉修行。當得永離陰冥，便昇快樂。罷幽牢之罪對，證清淨之福緣。更冀

垂休，潛扶宗族。謹依科法，備列威儀。奉爲亡靈，傳授經戒。恭惟淨魄，諦受聖言。

次知磬唱，人各恭信

次皈依三寶

宣告亡靈，第一皈依，得拔罪濟苦功德，不可思議，今依天尊威儀，次第傳授。伏冀神魂儼若，諦受諦聽。

次與亡靈說九真戒

第一，受初真戒者，不殺不盜，行平等心。當來託生獲端正長壽，持心勿犯。

第二，受念真戒者，不淫不慾，無著邪見。當來託生獲聰明智惠，持心勿犯。

第三，受持真戒者，不嫉不妬，不取非橫財物。當來託生獲富貴豪盛，持心勿犯。

第四，受守真戒者，常行善念，無有欺誑。當來託生獲吉慶安樂，持心勿犯。

第五，受保真戒者，不飲酒食肉，殺害衆生。當來託生獲清淨安閑，持

心勿犯。

第六，受修真戒者，願念衆生，解悟大道。當來託生獲法身善性，持心勿犯。

第七，受成真戒者，崇奉道法，修福持齋。當來託生獲具足十相，持心勿犯。

第八，受得真戒者，退身度人，不犯衆惡。當來託生獲遇大道教法，持心勿犯。

第九，受登真戒者，尊奉師訓，無有懈倦。當來託生獲大法王，持心勿犯。

向來所宣，九真妙戒。並是太上，金口演說。受持既畢，檢束神魂。蓋以戒法精嚴，威禁至重。仗此九真之力，永辭五苦之殃。徑上南宮，登超紫府。當得金童接引，玉女奉迎，快樂逍遙。无上道寶、十方上聖、太上三尊，億劫度人，先天立教。慈悲廣救，普及羣生。玉相金容，常當信禮。

志心皈依，十方道寶。當願亡靈，起心迴向，一切信禮。

宣告亡靈，第二皈依，无上經寶。十方世界寶藏靈文、玉字金書、龍章鳳篆、三十六部，萬八千篇，指引凡迷。超昇道岸。行行滅罪，句句消災。此世他生，常當信禮。

志心皈依，十方經寶。當願亡靈，心開悟解，受持轉誦。

宣告亡靈，第三皈依，无上師寶。玄中大聖、靈寶三師、正一真人、三天教主、十方世界得道神仙。傳法授經，開度羣品。是真父母，是大醫王。此世他生，常當信禮。

志心皈依，十方師寶。當願亡靈，普上法橋，无有障礙。

次法師再啓白：

向來，所宣三皈依者，是上皇元年，天尊現九色光相，遍照諸天諸地大會中，並見罪福，種種不同。乃知道用人宣，人從道立。汝等便可修行，持心在念。吾當爲汝，說九真妙戒、金籙白簡、救苦真符。汝等欽奉受持，勿生懈慢。即無爲自在。況乃天尊設教，拯濟沉淪。觀羅酆陰暗之中，徧九地幽

牢之內。見諸罪苦，報對輪迴。萬死千生，無有休息。是故天尊慈惠，哀愍衆生。乃召九光童子、救苦真人，給付九真妙戒、金籙靈符，拔度罪魂，離苦解脫。各遂超生道岸，身入光明。今則依按瓊科，傳符授戒。亡靈既已叅受神識，便遂往生。消歿後之怨憎，解生前之冤結。伏願侍經玉女、護戒靈童、飛天神王、巨天力士，遍下无極世界、九幽地獄之中，二十四曹、三十六府，當與亡靈，削名黑簿，滅罪陰關。開長夜之幽扃，指無爲之道路。九霄宮內，常爲遊宴之方；八極天中，永作逍遙之界。尚慮功德未備，法制有虧。更爲亡靈，告盟衆聖。出九幽壇牒，證此齋功。金籙真符，庶明券驗。冀靈儀而保執爲身；據以生方。地司無留滯之尤，天界有優遊之趣。分明領受，咸使聞知。

次法師捧真符白簡，祝曰簡，散壇時已對三寶讀了，更不宣

當願亡靈，受持金籙白簡，永辭幽夜，徑上南宮。無縈迷執之尤，克證道

遙之果。祝畢，給付與亡靈案子上。

次令道流一人，讀九幽壇牒。

宣讀

次法師祝牒

當願亡靈，受持黃籙齋法、九幽壇牒。周圓齋事，執牒爲憑。陰司更不拘留，地府永消罪錄。魂神超度，靈識分明。今對道前，一如宣示。祝畢，給付與亡靈案子上。

次啓白入十真禮

伏以高晨元聖，既彰度品之慈；大暮沉靈，實假崇因之力。顧明科而式奉，仰幽魄以是資。已陳大洞之儀，荐格重霄之眷。南宮受度，將遂於嬉神；北府校讐，即期於削籍。殊喜昭集，妙蔭溥臨。已聞三寶之名，載舉十真之號。

次舉十真禮

志心皈命禮，東方華林境界、惠靜裝嚴、无極之國、靜境真人。願普救亡魂，衆和永出三塗苦。已下並齊，和永出三塗苦

志心皈命禮，南方梵天境界、端化

裝嚴、无極之國、真老真人。願普救亡魂，永出三塗苦。

志心皈命禮，西方金光境界、利益裝嚴、无極之國、法寶真人。願普救亡魂，永出三塗苦。

志心皈命禮，北方真定境界、救度裝嚴、无極之國、救苦真人。願普救亡魂，永出三塗苦。

志心皈命禮，東北方長樂境界、周帀裝嚴、无極之國、妙音真人。願普救亡魂，永出三塗苦。

志心皈命禮，東南方碧霞境界、妙寂裝嚴、无極之國、真定真人。願普救亡魂，永出三塗苦。

志心皈命禮，西南方耀真境界、善救裝嚴、无極之國、瓊光真人。願普救亡魂，永出三塗苦。

志心皈命禮，西北方妙道境界、真仙裝嚴、无極之國、濟苦真人。願普救亡魂，永出三塗苦。

志心皈命禮，上方元都境界、紫霄裝嚴、无極之國、妙行真人。願普救亡魂，永出三塗苦。

志心皈命禮，下方水運丹界、淨土裝嚴、无極之國、太極真人。願普救亡魂，永出三塗苦。

次唱禮盡十方空界、一切真人，奉爲亡靈，虔心懺悔

次長跪懺悔

志心懺悔，奉爲亡靈懺悔慳貪嗔怒愚癡罪，邪淫偷盜殺生愆。謗經毀教不皈依，慢道背真違誓約。身心妄想無休日，耳眼生貪不住時。未來過去及今生，三世罪根難可測。此日發心稱懺悔，從前障惱願消除。言詞既向道前陳，衆聖定應空裏鑒。

志心重懺，耳眼鼻舌身心罪，六根六慾六情愆。管絃嘹唳少真音，紫綠暉華非正色。蘭麝競裝馨香處，車馬爭矜馳騁時。甘辛不節自傷生，喜怒無常惟奪筭。六根每引沉淪路，三寶常開拯拔門。衆今發露首前愆，總願罪根盡消滅。

志心稽首，禮謝无上正真三寶。

次吟三塗五苦頌

次舉三啓頌

向來功德，並已周圓。伏冀亡靈，俯迴昭鑒。然願躋神紫府，載魄朱陵。逍遙十極之方，自在三清之境。福流見在，慶及宗親。一切含生，俱登道岸。

次法事引亡靈，却歸靈座，奉安

次法師啓白

今者已對三寶，周圓勝利。即肅恭而諦受，宜寅畏以欽承。仍備肆筵，即期就序。享芬芳之佳薦，俟周滿之洪因。今奉爲亡靈，念玉清聖境寶光流精法食呪曰：

回首仰圓羅，含光挹靈芳。拘魂制七魄，思齊定中方。行住理虛无，寢息宴瓊房。飢餐黃壁花，渴飲瓊根漿。神精命大魔，合體鍊真光。復照觀太无，長在空中遊。圓同泯波際，真化靡終期。杳妙无終始，行者當自知。寂寥忘理教，應運闡宏規。降道不自照，要當先所施。會歸无二處，隨心自合離。

次重啓白

今則真儀備舉，妙唱悉周。總集

殊因，並資逝魄。伏冀靈魂不昧，幽趣無方，離五苦之寒庭，永辭長夜；聞三清之妙道，盡契無爲。福祐門庭，慶流眷愛。一切含生之類，俱登仁壽之鄉。稽首皈依，無極大道。

次法事引下階，焚亡靈符簡

次吟焚符簡頌

太上法微妙，簡籙度人天。元始告符命，時克獲昇遷。傳授救沉溺，皆得自儻然。書名金簡籙，逍遙玉帝前。

次回向，與亡靈念善退

次往大門外，設香卓子，上香，召无主孤魂滯魄。

伏以妙道先天，勛覃穹厚。聖君御宇，德被幽明。綿區推及物之恩，長夜降漏泉之澤。凡處沉冥之件，悉頒濟度之私。崇道薦亡，救及一切。其或英雄佐國，忠赤事君，逢危不顧於一身，致命乃酬於萬乘。歿於沙磧，死在戰場。骨未瘞藏，魂方沉滯。或即效官萬里，馳命四方。染疫癘以卒終，遇傷害而橫夭。關源爲阻，閭里攸賒。春夏秋冬，絕於祭祀。或投名上國，商

賈東西。跋履山川，泛涉江海。遇毒蟲而害命，遭狂浪以摧舟。或幼入空門，長依釋教。孤隱於林泉之裏，栖遲於巖谷之中。志慕修行，自甘寂寞。或爲遊客，或掌化緣，荏苒傾亡，因循遷化。或情嫌凡俗，心樂仙鄉。全清閑養素之名，居碧嶂出塵之界。未遂長生之理，難逃短景之期。或有工妙丹青，藝高藥術。因茲遊歷，客死他鄉。或效力往還，傭身驅役。或有冤而暗害。或無告以自殘。魂魄飛揚，無依無倚。或作狂徒劫盜，逆黨叛臣。負國難以自甘，墮陰冥而敢恨。或有欺慢神理。或不孝父孃，受天譴以滅殂，犯罰責而致殞。或因貧而寒餓。或避法以逃藏。計窮而自盡山林，事急而身投河井。或被虎狼啗食。或以水火漂焚。是女是男，或少或老。雖莫知於名姓，冀相率以俱來。先沐浴以清神，受法筵之饗祭。今者謹有齋主某人，奉爲亡過某人，或遇七七、周年、百日、三年遠忌資薦往生，命道士若干就奉靈位或云住宅開啓无上黃籙大齋，若干晝夜。

設九幽清醮一座，拜金籙符簡，供養夜宴，冥齋救度，一切亡靈，咸登道果。伏望冥塗滯魄、遠路孤魂。應請而來，齊赴蘭湯之浴；入筵無礙，聽宣教戒之文。魂而有靈，伏惟尚饗。

次法事引孤魂往浴室，沿路令道士一人，以淨水洒穢，念諸天内音大梵隱語，至浴室。

次令道流一名，先於浴室盆內，以杓自西南起，左攪水三十二轉，念法水呪：

太上神水，五行之數。生能育物，洗新除故。渴飲養命，死苦難遇。若非大慈，何爲救度。太上无上尊吟此一句。

次往女浴室，攪水念呪，同上
次下浴室簾，道衆吟散花法事，俟浴畢，法師啓白

再啓黃壤沉靈、冥臺逝衆。今者已周蘭浴，咸遂清虛。各捨惡心，共相和睦。宜序分而就列，俾躬肅以登筵。歆饗芳餚，無執迷見。悉期超度，盡出幽牢。世世生生，永同樂土。

次法事引孤魂，於無碍筵座

次法師與道衆巡遶茭郭，吟光明頌

太上大道君，位處無爲鄉。寶光真童子，下理九幽房。悲嗟苦魂役，拔度痛哀傷。二十四門戶，咸令聞寶香。燈明照長夜，願消累劫殃。

次往地獄官位，破二十四地獄文

在別卷，逐位破了，旋除幡子，揭位牌

次入茭郭南門，穿入起尋聲救苦天尊四聲，衆和

次吟未央偈三首 逐首，先和四聲功德，尾和无上尊

九幽黑闇那堪往，到者雷同是罪人。冥冥難得見光明，太上慈尊來救度。大慈大悲尋聲救苦來。衆和无上尊。

餓鬼窮魂皆解脫，冤家債主總懽心。刀山劍樹悉摧鋒，爐炭鑊湯俱滅燄。大慈大悲尋聲救苦來。衆和无上尊。

構置冤憎生地獄，迴心懽喜是天堂。至尊威力不思議，願假慈光宣戒。大慈大悲尋聲救苦來。衆和无上

尊。

次法師出茭郭北門行，載舉四聲功德，獨吟九幽苦神頌行往宣教戒處

生落苦神界，轉輪五道停。九幽長夜閉，累劫無光明。刀山多劍樹，毒刃互崢嶸。不見羣鳥集，但聞苦魂聲。迴風搖長夜，哀響流寒庭。上有履山魂，時刻無停寧。饑食曲泉炭，渴飲冶火精。流曳三塗中，豈識形與名。念汝不知命，苦哉傷人情。大慈大悲尋聲救苦來衆和无上尊。

次法師，向鬼門褥次就座

次起啓堂頌

次宣教戒儀開經，收經，說業報因緣，並在儀內宣儀畢。次吟天尊往生頌三首頌在教戒儀末

次法事引往大門外，先燒亡靈及孤魂錢綵等

次吟焚詞頌

次回向，念善退

次重上香火，設九幽醮

先詣玄師前，唱讚行道

次啓堂頌


次宣設醮儀，如故

次吟送真靈頌

次焚表頌

次回向，念善退

九幽醮圖



西方風雷地獄九點	東方風雷地獄九點
東南銅柱地獄九點	東北鑊湯地獄九點
東方火鑊地獄九點	

鑊湯地獄官	鑊湯地獄官
爐炭地獄官	爐炭地獄官
剉破地獄官	剉破地獄官
熔銅地獄官	熔銅地獄官
鐵輪地獄官	鐵輪地獄官
鐵床地獄官	鐵床地獄官
寒冰地獄官	寒冰地獄官
鐵棒地獄官	鐵棒地獄官
針碓地獄官	針碓地獄官
火坑地獄官	火坑地獄官
惡汁地獄官	惡汁地獄官
鐵鎖地獄官	鐵鎖地獄官

北二十四獄官名位次序
 每位手中一條時花果子酒食供養
 南交郭內供養六道茶酒食果子錢財綵段以草薦設之

第一天道眷屬 第二人道眷屬 第三神道眷屬

第四地獄眷屬 第五餓鬼眷屬 第六畜生眷屬

牒式

國家牒用四道，單狀，錢馬四分。士庶牒用一道，單狀九分，每分鐘二貼。

天師門下 牒上 城隍土地，諸

神祇。

今謹有崑崙東南、宛利天境、弃賢世界、赤縣中央某府某縣某鄉里，居住大道弟子具銜某，伏為亡靈某遠忌或終七百日周祥大祥預於某處請道士若干人，開啓无上黃籙大齋某晝夜。罷散日，拜草龍白簡，先設幽塗滯爽、無主孤魂、冥陽無碍、夜筵一中，及設九幽醮一座某分位。所伸意者，總用資薦亡歿某人，超生淨域。取今日某日亥時，施排質信，燈燭香花，開啓道場，宣揚法事。莫不事因發迹，委任靈祇。輒具懇誠，故行關牒者。

牒具如前事，須牒上城隍土地、社令神祇、五道大將軍、河侯河伯、蒿里丈人、上下二千石官、丘丞墓伯、十二塚侯，冥關幽路，一切主者。伏請同遵大教，共證齋功。使亡靈承開度之恩，見在獲遐長之福。齋功成就，期進真

階。科法昭明，豈虛效信。謹牒。

年 月 日 牒
 具 法 位 姓某押
 城隍 當境 社令 五道大將軍

黃籙九幽醮無礙夜齋次第儀

(陳耀庭點校)

035 太上靈寶玉匱明真

齋懺方儀

廣成先生杜光庭修

經名：太上靈寶玉匱明真齋懺方儀。一卷。唐末五代杜光庭修。底本出處：《正統道藏》洞玄部威儀類。

都懺

臣衆等至心歸命，十方無極太上靈寶天尊，十極天君，已得道大聖衆，至真諸君聖人，十鄉神仙諸靈官。禮足。各虔誠懺謝。

懺悔

臣等伏聞，元尊布化，開十極以臨人；大聖宣慈，觀八門而濟苦。由是上智問因緣之品，飛天陳報對之科。既彰罪福之文，遂著懺祈之旨。伋弘勝福，以拯幽關。臣今欽奉聖旨，謹依

科式，齋備信儀，十方紋繒，香花油燭。奉爲某修九幽玉匱明真大齋，幾日夜。披九光玄韞，請八會真文。歸命十方無極太上靈寶天尊，十極天君，十鄉神仙諸靈官。懺悔某億劫以來，至于今日，有諸故誤，無量無邊。以今立齋懺謝，並乞蕩除。伏冀鍊魄朱陵，瑩神丹霍。昇洞陽之府，登太極之庭。景侍虛皇，永階真品，宗祧先聖，社稷尊靈。備霞裳雲冕之儀，遊少廣太微之域。克昌洪祚，以固皇基。皇帝日月齊華，嵩衡等壽。六宮丹禁，太子諸王。常履福庭，永承天祿。公卿臣佐。億兆黎元。俱躋仁壽之鄉，克致昇平之化。三光調理，五氣均和。動植幽明，同登福界。得道之後，昇入無形，與道合真。

東方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青上官，齋青紋之繒一疋，歸命東方

無極太上靈寶天尊，已得道大聖衆，至真諸君聖人，東鄉神仙諸靈官。拔度某億劫罪根。三界司算，女青上官，削除罪錄，開度幽關。身入光明，上昇天堂，躋登道果，永列真仙。聖圖悠久，天壽遐長。萬方同福，四海太平。得道之後，昇入無形，與道合真。

南方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青陽宮，齋絳紋之繒一疋，歸命南方無極太上靈寶天尊，已得道大聖衆，至真諸君聖人，南鄉神仙諸靈官。拔度某億劫罪根。三界司算，女青陽宮，削除罪錄，開度幽關。身入光明，上昇天堂，鍊神丹霍，證品朱宮。帝王萬壽，祚曆遐長，四海安鎮，普天太平。得道之後，昇入無形，與道合真。

西方

臣衆等今故燒香，歸身歸神歸命，欽奉聖旨，依玉匱九幽明真科品，修拔

度大齋，燒香行道。懺謝某億劫以來，至于今日，所行故誤，無量無邊。謹依女青右宮陰官，齋白紋之繒一疋，歸命西方無極太上靈寶天尊，已得道大聖衆，至真諸君聖人，西鄉神仙諸靈官。拔度某億劫罪根。三界司筭，女青右宮陰官，削除罪錄，開度幽關。身入光明，上昇天堂。登西靈寶闕，鬱察瓊宮。龍圖延永，聖壽無疆。萬方受福，幽顯蒙恩。得道之後，昇入無形，與道合真。

北方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青太陽宮火官，齋玄紋之繒一疋，歸命北方無極太上靈寶天尊，已得道大聖衆，至真諸君聖人，北鄉神仙諸靈官。拔度某億劫罪根。三界司筭，女青太陽宮火官，削除罪錄，開度幽關。身入光明，上昇天堂。濯玉池之液，登金闕之宮。國祚綿遠，聖壽延洪。萬方

順化，普洽大同。得道之後，昇入無形，與道合真。

東北方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青左宮禁官。齋黃紋之繒一疋，歸命東北方無極太上靈寶天尊，已得道大聖衆，至真諸君聖人，東北鄉神仙諸靈官。拔度某億劫罪根。三界司筭，女青左宮禁官，削除罪錄，開度幽關。身入光明，上昇天堂。永登真品，遊宴九清。福流聖祚，帝壽天長。九圍一統，書軌同文。得道之後，昇入無形，與道合真。

東南方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青中宮，齋黃紋之繒一疋，歸命東南方無極太上靈寶天尊，已得道大聖衆，

至真諸君聖人，東南鄉神仙諸靈官。拔度某億劫罪根。三界司筭，女青中宮，削除罪錄，開度幽關。身入光明，上昇天堂。遊石闕銅階之域，登太陽日御之宮。福資景運，聖壽延長。三光昭朗，萬國和平。得道之後，昇入無形，與道合真。

西南方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青下宮右官，齋黃紋之繒一疋，歸命西南方無極太上靈寶天尊，已得道大聖衆，至真諸君聖人，西南鄉神仙諸靈官。拔度某億劫罪根。三界司筭，女青下宮右官，削除罪錄，開度幽關。身入光明，上生天堂，永登真果，遊宴九清。延休大寶，聖壽遐長。乾坤澄朗，萬國太平。得道之後，昇入無形，與道合真。

西北方

臣衆等今故燒香，歸身歸神歸命，

欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青太陰宮水官，齋黃紋之繒一疋，歸命西北方無極太上靈寶天尊，已得道大聖衆，至真諸君聖人，西北鄉神仙諸靈官。拔度某億劫罪根。三界司算，女青太陰宮水官，削除罪錄，開度幽關。身入光明，上昇天堂，超登真品，景侍玉晨。福流寶胤，聖壽遐長。普天蒙福，萬國咸寧。得道之後，昇入無形，與道合真。

上方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青上官都禁官，齋碧紋之繒一疋，歸命上方無極太上靈寶天尊，已得道大聖衆，至真諸君聖人，日月星宿諸天帝君，無極世界上方神仙諸靈官。拔度某億劫罪根。三界司算，女青上官都禁官，削除罪錄，開度幽關。身入光明，

上昇天堂。霞纓羽珮，證品登真。超凌三界，逍遙上清。二儀朗宴，三景著明。風雲應序，六炁無愆。國祚隆永，聖壽延長。普天率土，咸沐玄功。得道之後，昇入無形，與道合真。

下方

臣衆等今故燒香，歸身歸神歸命，欽奉聖旨，依玉匱九幽明真科品，修拔度大齋，燒香行道。懺謝某億劫以來，至于今日，所行故誤，無量無邊。謹依女青下宮四司官，齋黃紋之繒一疋，歸命下方無極太上靈寶天尊，已得道大聖衆，至真諸君聖人，九土高皇，四司五帝，十二仙君，九宮真人，名山洞府，嶽瀆神仙諸靈官。拔度某億劫罪根。三界司算，女青下宮四司官，削除罪錄，開度幽關。身生光景，昇入福庭。逍遙金闕，遊宴諸天。祚流帝業，聖壽無窮。山川等固，海嶽咸寧。萬國歸化，普天太平。得道之後，昇入無形，與道合真。

太上靈寶玉匱明真齋懺方儀

(陳耀庭點校)

036 太上靈寶玉匱明真

大齋懺方儀

廣成先生杜光庭修

經名：太上靈寶玉匱明真大齋懺方儀。一卷。唐末五代杜光庭修。底本出處：《正統道藏》洞玄部威儀類。

東方

臣衆等今故燒香，欽依仰謝東方無極太上靈寶天尊，已得道大聖衆至真尊神，太清玄元無上三天無極大道無上玄元老君，太上丈人皇上老君，皇上丈人青靈上真天帝君，天帝丈人九老仙都君，九老丈人百千萬重道炁千二百官君，太清玉陛下東極老人青華大神，上相司馬青童君、金闕後聖帝君、真陽始青神人靈寶九仙君、青神玉女主仙四真、東方無極世界一切尊靈。

懺悔某前代今生，有諸故誤。因今祈謝，咸乞蕩除，濯質青元，昇神碧落。克登真品，流福帝圖。俾國祚延洪，聖躬萬壽。普天率土，同洽太平。得道之後，昇入無形，與道合真。

南方

臣衆等今故燒香，欽依上謝南方無極太上靈寶天尊，已得道大聖衆至真諸君尊神，無極大道南上赤帝丹靈老君，太和玉女長生司馬好生大神韓君丈人，司命司錄南極度世君，飛天神人開度更生神仙、玉曆注生神仙、度世萬福君、萬度萬生君、南方無極世界一切尊靈。懺悔某前代今生，有諸故誤。因今懺謝，並乞蕩除。瑩質丹陵，棲神絳闕。逍遙天路，遊息雲衢。擢品高真，流祥大業。使帝圖安鎮，聖壽遐長。幽顯群生，咸登壽域。得道之後，昇入無形，與道合真。

西方

臣衆等今故燒香，欽依上謝西方無極太上靈寶天尊，已得道大聖衆至真尊神，無極大道西華太極至極上帝，金

堂玉真、龜臺仙母、金闕後聖上相帝君，玄古天師萬聖道主、總真總仙西極真人，神仙玉女西靈至真、西方無極世界一切尊靈。懺悔某自從億劫無始以來，前代今生，有諸故誤。因今懺謝，咸乞蕩除。鍊景瓊都，凝真太素。高登道果，常福帝居。使祚等嵩衛，壽齊溟渤。萬方順化，八表同文。國泰民歡，克臻福界。得道之後，昇入無形，與道合真。

北方

臣衆等今故燒香，欽依上謝北方無極太上靈寶天尊，已得道大聖衆至真尊神，無極大道太上老君，太上丈人高上玉晨君，北極真公萬聖道主太陰真人，妙行真人，太陰司命典死錄籍君、注算司馬總司主殺大神皇太真人、神仙玉女、北方無極世界一切真靈。懺悔某無窮之世，捨身受身，五欲六情，四塵三業，曾無積染，展轉因緣。從今懺謝，並乞蕩除。超度幽陰，躋昇天界。遷登真果，貽福聖圖。使天壽延洪，皇基隆永。幽明同福，動植沾榮。寓八

紘，咸臻景化。得道之後，昇入無形，與道合真。

東北方

臣衆等今故燒香，欽依仰謝東北方無極太上靈寶天尊，已得道大聖衆至真尊神，無極大道飛天神王，消魔制靈賢真都統、神人萬度萬生神皇上玄老君，真人玉女，東北方無極世界一切真靈。懺悔某億劫以來，前身今世，三業十纏，六情四大，結習相嬰，展轉流浪。以今懺謝，咸乞蕩除。度五累之津，落九冥之籍。生神雲路，騰景天衢。鍊化自然，逍遙長樂。流祥寶胤，垂裕帝躬。率王太平，幽扃朗晏。道風遐扇，慧渥所覃。共沐玄休，永臻洪福。得道之後，昇入無形，與道合真。

東南方

臣衆等今故燒香，欽依仰謝東南方無極太上靈寶天尊，已得道大聖衆至真尊神，南上老君丹靈皇老上元長生真人，度世司馬司命司錄好生韓君丈人，起死更生真人、鍊骨還形大神、太和王女、萬福真人，東南方大聖飛天神

王、無極世界一切真靈。懺悔某自從歷劫，爰泊今辰，捨身受身，有諸故誤。以今懺謝，咸乞蕩除。垢惱烟銷，身心雲淨。擢形丹霍，列品青華。追八帝以真道，昇九天而玄會。流祥介福，永固洪基。使帝業隆昌，乾坤寧泰。九幽六趣，五苦三塗。俱超執對之緣，並證逍遙之樂。得道之後，昇入無形，與道合真。

西南方

臣衆等今故燒香，欽依仰謝西南方無極太上靈寶天尊，已得道大聖衆至真尊神，天皇老人西南無極元皇真君，洞靈太陽衆神生氣君，長生度世飛天大神，西南無極世界神仙玉女一切真靈。懺悔某億曾萬世宗廟尊靈，自從無始，爰泊茲辰，捨身受身，有諸故誤。因今懺謝，並乞蕩除。鍊魄玄陰，昇神丹闕。上朱陵而遊宴，登太漠以飛翔。九聖齊軒，七真並駕。貽祥鳳闕，延貺鴻圖。帝王萬壽，四海和寧。幽夜開光，群生昭秦。得道之後，昇入無形，與道合真。

西北方

臣衆等今故燒香，欽依仰謝西北方無極太上靈寶天尊，已得道大聖衆至真尊神，大道上帝真皇老人，至真無極飛天神王、度仙上聖靈寶尊神、神仙玉女、無極世界一切尊靈。懺悔某爰從無始以來，至于今日，有諸故誤，無量無邊。因今懺謝，咸乞蕩除。擢質幽關，昇神天闕。御瓊軒，而證品飛瑤。蓋以參真宗廟靈儀，與天齊永。乾坤大業，體道長存。帝壽比於五山，皇猷覃於萬國。生靈舒泰，存歿安貞。有識含生，同臻福界。得道之後，昇入無形，與道合真。

上方

臣衆等今故燒香，欽依仰謝上方無極太上靈寶天尊，已得道大聖衆至真尊神，無上大道太上三尊，三十六天帝君，太上無爲大道明神君，玉皇帝諸君丈人，最大至尊無極無上洞明普照最大至真玄元大道無形無名元始高尊，玉清上清太清四民諸天、三界八梵、混沌虛玄、虛元自然、太上元根、冥寂玄

通、大智慧源、明威正一、三洞威神、无
上無爲道中之道元皇玉帝，應感真精
慈父聖后、無量道德真君、聖人道德萬
生君、萬氣萬元君、萬福萬壽君、億千

衆道鴻滓天神，太清玄元無上玄元三
氣君、太清太玄中黃正一君，上一正一
元一三尊至真、太元太始太初君、太素
太儀太平君、太玄太古太泉君，九老仙
都君、玉曆九氣君、太上玉真五仙九靈
君、十二真君、二十四神君、太清三十
六真君、五氣君、陰陽生氣君、上上太
一君，皇天太上帝元一神寶君、真寶靈
寶天寶君，元神元真元寶君、天皇老
君、南極黃神老君、銅城大聖中央黃老
君、太和太上皇真君、天真皇人、上古
三師天師君、道德父母、日君月君諸天
星宿三光大神、王父王母、五星九星
君，上方無極世界一切尊靈。懺悔某自
從無始以來，至于今日，有諸故誤，無
量無邊。因今懺謝，咸乞蕩除。出長
夜之庭，入光華之境。十真保舉，五帝
關明。浴流火之池，昇洞陽之闕。超
離陰府，騰翥天都。乘八鳳以徊翔，遡

九霞而遊宴。上朝太極，列籍紫清。
垂景貺於孫謀，保宏基於萬葉。幽明
舒泰，海嶽昇平。有識含生，俱登壽
域。得道之後，昇入無形，與道合真。

下方

臣衆等今故燒香，欽依仰謝下方無
極太上靈寶天尊，已得道大聖衆至真
尊神，無極大道下方玄黃洞淵靈寶高
皇九土四司五帝、十二仙君、太靈黃母
四司真人、中黃后土九地元君、九宮真
人、八史九玄君、四瀆五嶽佐命十一
九河八海儲副丈人，三十六洞天、十大
洞天、七十二福地、三百六十名山，崑
崙長離、廣桑廣野、麗農地軸、神仙真
人，九江水帝十二谿源、靈洞川澤一切
至真。懺悔某億劫以來，至于今日，有
諸故誤，無量無邊。因今懺謝，咸乞蕩
除。落地簡於陰曹，濯陽華於丹府。
日芒流景，瑩質鍊神。乘三素之輕颿，
駕八鸞之飛蓋。昇真天界，宴景帝鄉。
友五老於皇宮，朝三清於紫闕。允登
真景，高會瓊都。流巨貺於帝躬，固皇
基於億載。泉關開朗，庶類昭蘇。常

弘道德之風，永致隆昌之福。五山鎮
靜，八海澄波。率土普天，同臻玄祐。
得道之後，昇入無形，與道合真。

太上靈寶玉匱明真大齋懺方儀

①「道」字原缺，據文義補。

（陳耀庭點校）

037 太上靈寶玉匱明真

大齋言功儀

廣成先生杜光庭修

經名：太上靈寶玉匱明真大齋言功儀。一卷。唐末五代杜光庭修。底本出處：《正統道藏》洞玄部威儀類。

眾官依位導引，昇壇，念入戶呪

上五方香北方爲始

次上洞案香，念上香呪

各禮師存念如法

宣衛靈呪

鳴法鼓二十四通

无上三天玄元始三氣太上老君，

召出臣等身中三五功曹、左右官使者、左右龍虎君、侍香金童、傳言玉女、五帝直符直日香官、各三十六人出，當召某處土地里域真官正神，速出關啓。臣

今正爾燒香，奉爲某奉修靈寶九幽玉匱明真遷神大齋，功圓事畢，昇壇拜表，焚燒真文，復職還官，言功設醮，重明功德。願得太上十方正真生炁，降流臣等身中，所啓速達上御至真無極玉皇上帝御前。

人各三禮

各稱法位

上清玄都大洞三景弟子，无上三洞法師，奉行明真大齋法事。某嶽某帝先生小兆真人臣某等今故燒香，以是功德，上爲帝王太子，皇后皇妃，致福延禧，保安國祚。某廟皇帝尊靈，遊宴玉京，超凌宸極。今故燒香，歸身歸神歸命，太上靈寶自然至真無上大道。特乞玄造流恩，洪釐廣被。仙靈受度，證品成真。侍衛道君，逍遙無上金闕七寶自然宮。永與道合，啓啓玄感。上御十方无極至真道前。

禮十方從東方起

禮足，各長跪歸命懺悔

次三業懺

三啓

三禮

次收真文內音東南西北中

次弟子執真文於香烟上，師面壇中，叩齒十二通，呪曰

元始大帝，高上玉皇，普告十方，無上無下，無極神鄉。三十二天，隱韻靈章。五文結氣，八會流光。今日大有，萬善敷張。定名仙圖，列籍紫房。修齋行道，介福遷神。幽關朗晏，冥夜開光。超登三界，景侍虛皇。帝圖延永，壽祚無疆。萬真鑒祐，四海太平。妖星蕩滌，中外康寧。請如所告，金馬驛程。

安真文於御案上，待隨表焚之

重稱法位

上清玄都大洞三景弟子，无上三洞法師，奉行靈寶明真大齋法事，某嶽某帝先生少兆真人臣某等，謹重上啓太上無極大道元始天尊、太上大道君、太上老君、自然至真靈寶天尊，尋聲救苦大慈天尊、五老上帝，三十六部尊經、玄中大法師，三界內外，應感尊靈。臣等叨荷玄功，幸逢道化。三乘御運，五

炁開光。正法流行，普度幽顯。人天荷賴，生死霑榮。而大教垂科，開度爲本。上唯邦國，資祐帝王。使玄德遍覃，神功遐布天地之內；存歿同懽，凡在群生常加濟護。況奉明旨，敢不上聞。

次讀詞

按如詞誠，義深拯拔。恭依玄式，敷啓壇場。燒香然燈，轉經行道。輒坡靈韞，開露真文。以八會寶書，闡明三界。依時存注，關告尊靈。翹想十華，馳心八極。冀蒙玄鑒，普降洪休。法事功圓，願念周普。群真復駕，返羽衛於太空；萬聖迴軒，散祥輝於三境。下照長夜，廣度陰關。大扇慈風，咸除苦惱。臣等按依科品，瀝懇冥心。以今月某日爲始，修崇齋醮，行道轉經，至某日圓滿。今修齋事竟，所請天仙地仙、真人神人、五嶽四瀆、九宮五帝、三河四海、日月星宿、兵馬騎乘，諸天監齋直事、侍香金童、散花玉女、傳言奏事、飛龍騎吏等，及靈寶官屬、監齋衛真、四方監察、真官監臨衛護。宣通召命，

營衛齋事，有功勤者，今當別拜。黃繒朱表，言功舉遷。臣等恐進止犯科，不明玄奧。乞垂赦宥，仰戴玄恩。啓齋之始，所請智慧上品十戒，齋事既畢，謁還天宮。後有法事，當復啓請。謹上啓聞，伏須告報。臣修齋事竟，重明功德，復諸天位，拜黃繒朱表一通，在臣前奏案之上，請省表文。

次讀表

具錄職，奉行靈寶明真大齋法事，某嶽某帝先生小兆真人臣某稽首再禮。上啓太上無極大道，至真自然金闕下，臣等稟質下凡，自惟穢賤。叨奉大法，宣教度人。下濟生靈，上及邦國。佐時效節，質對幽明。而於法無功，動違科典。夙夜震懼，不敢違寧。臣等頓首頓首。臣等受法之日，盟告三官。約當佐國立功，奉揚玄化。使天地之內，道訓宣行，濟拔存亡，開度一切。臣今欽奉皇帝聖旨，上叩大道。奉爲某廟皇帝尊靈，證聖成真，昇入天府。詞誠丹切，披露聖神。明明寸心，感貫天地。臣叨佩經法，職主玄司。欽奉綸音，不

勝震惕。謹率同法道士若干人，以內藏所出質信之禮，依按玄科，於某處置立靈壇，法天象地。四界八極，玄應三清。出八會真文，內書寶字，爲天地神明之信。奉修太上靈寶九幽玉匱明真大齋，若干日夜。稽顙歸命，披心貢誠於太陽之前，三光之下。盟齋瀝懇，然燈續明。下照九幽無極世界，九地重陰之中，開諸光明，照燭冥夜。奉爲某懺謝九玄億世、宗廟先靈。前身所有，滯染塵緣，積諸障累。恐未能於昭徹，或尚致於冥行。仰仗天恩，咸希開釋。離諸染着，頓悟真常。即使九土潛寧，陵廟安穩。魂神受鍊，臟腑生華。灌沐陽精，消蕩陰滓。五神扶衛，騰景天堂。世享福緣，漸登道品。垂祥後嗣，延貺邦家。帝祚隆昌，皇圖克固。聖朝納祐，壽等嵩衡。太子諸王，咸臻景祐。后妃公主，永保福祥。內外臣寮，允新祿祚。六合清靜，兩耀光華。吉應日聞，妖惡殄滅。如蒙所願，永銜道恩。謹當焚燒真文，散灰揚煙。上御諸天，玄期有限，不敢稽滯。臣所修齋，

上請天仙兵馬、神仙兵馬、飛仙兵馬、真人兵馬、神人兵馬、日月星宿兵馬、九宮五帝兵馬、三河四海兵馬、五嶽四瀆兵馬，各九億萬騎，三十二天監齋直事、侍香金帝、散花玉女、五帝直符、傳言奏事、飛龍騎吏等，及靈寶官屬，三寶威神，此間土地里域真官，諸是監臨衛護，宣通召命，營侍齋事，有功勤者。一切嚴裝，隨臣今表，上詣玄都，列受功賞，進品上真，加爵帝秩。隨品署真，高下等級，皆令顯達。一如太真之儀，無令遺漏。臣謹伏地，拜黃素朱表一通，上聞九天。恩惟太上無極大道太上大道君、太上老君、無上玄老十方自然靈寶天尊，已得道大聖衆，至真諸君丈人，垂哀省覽，敕勒天官，典者曲垂，省理分別。惟蒙至聖，鑒映丹情。臣等學法，未備俯仰之格。恐進止犯科，不合儀式。爲四司所糾，五帝所執，千愆萬罪，乞蒙赦宥。哀原未悟，不見罪罰。恩惟太上，分別求哀。臣愚謹因真宮直使、正一功曹、左右官使者、陰陽神決吏、科車赤符吏、剛風騎置驛馬上

章吏、飛龍神龍天仙飛直騎吏，各二十四人出操。臣謹爲某奉修靈寶九幽明真遷神拔度大齋事竟。起壇遷職，復諸天位。重明功德，拜奏黃素朱表一通，上詣太上三夫曹，伏須告報。臣某誠惶誠恐，稽首再拜。以聞

臣姓某屬某州縣宮觀住持

太上無形無名虛無自然至真大道

无上元尊金闕七寶玉陛下

太歲某年某月日

次叩齒三通，啓曰

臣謹重啓太上無極大道太上三尊十方大聖。臣今拜奏表文，願敕功曹典者，主領進御，必使上合天府，應時行下，閉氣昇章，徑御太上無極大道御前。當令所請時下，所召時到，所申者通，所遷者達。若有下官，故氣邀截，表文不使上御者，錄付所在近司，依律理罪，以明天憲。臣等伏待報應。

次露表案上，存神如常，訖

起，再拜，收表，卦函

次告金籙度命簡

元始符命、金籙白簡、救苦真符，

告下十方無極世界、三官九府、百一十曹、五帝考官，九幽地獄、巨天力士、執罰神兵、司錄司命、司功司殺，牛頭獄卒，三界大魔。拔度齋壇，係薦應度亡魂，出離地獄，永辭長夜，睹見光明，萬罪蕩除，冤仇和釋。乘此九真妙戒，拔度功德，上生諸天，一如告命。

太歲某年某月日於某壇中告下

讀文訖，法師叩齒九通，呪曰

元始上聖，玉帝高靈。玉文告命，

濟死度生。金籙妙戒，拯護幽冥。白簡寶符，九真玄經。解銷罪咎，冤債和平。救苦真人，削除罪刑。察命童子，注上生名。護戒威神，引詣福庭。超離五苦，乘駕雲駟，輪轉得通，飛昇上清。

呪畢，以簡隨真文表函焚之。

聲讚二人，持節洞案，捧案，監

齋主同詣天門，焚表函真文白

簡訖。還復本位，次告山簡

今欽奉皇帝聖旨，於某處奉修靈寶九幽玉匱遷神明真大齋，若干日夜，行道事訖，投簡靈山。願神願仙，飛行上

清五嶽真人；至神至靈，乞削罪錄上名九天。請詣靈山，金龍驛傳。

太歲某年某月日具位臣某於某處告文

讀訖，青紙封龍配之

次第子執於香煙上師，叩齒十二通，呪曰

玄上開明，元始監真。上帝五老，赤書丹文。天地本始，總領三元。攝氣召會，催促舉仙。高上符命，普告十方。日月星宿，五嶽靈山。天上地下，冥靈大神。監生主錄，南上三門。關領玉簡，勒名丹篇。削落罪目，上補帝臣。修齋行道，上告九天。總校圖錄，削滅罪根。魂神開度，超出幽關。行道事竟，投簡靈山。三塗罷對，長夜蒙原。冤仇釋散，地府寧閑。福延大業，祚永乾坤。今日上告，萬真咸聞。請以龍簡，關盟真官。乞如所告，金龍驛傳。

呪畢，衆官再禮

次讀水簡文

今欽奉皇帝聖旨，於某處奉修靈寶

九幽玉匱遷神明真大齋，若干日夜。行道事訖，投簡水府。願神願仙，三元同存。九府水帝、十二河源、江河淮濟，溟泠大神。乞削罪錄，上名九天。請詣水府，金龍驛傳。

太歲某年某月日具位臣某於某處告文

元始五老，上帝高尊。十方至真，太華靈仙。赤文告命，無幽不關。上御九天，請下玉文。日月五星，北斗七元。中告五嶽，四方靈山。下告河海，十二泉源。九府水帝，溟泠大神。今日上告，萬願開陳。修齋行道，上告九天。總校圖錄，削滅罪根。幽夜開朗，超度魂神。三塗息苦，長夜蒙原。冤仇解散，上昇諸天，行道事訖，投簡靈淵。福祚隆永，帝業長延。請以龍簡，告盟水官。乞如所陳，金龍驛傳。

呪畢，衆官再禮

次讀土簡文

今欽奉皇帝聖旨，於某處奉修靈寶九幽玉匱遷神明真大齋，若干日夜。行道事訖，投簡靈壇。願神願仙，長生

度世。飛行上清，中黃九土，戊己黃神，土府五帝。乞削罪刑，請詣中宮。投簡記名，乞如所告。金龍驛傳。

太歲某年某月日具位臣某於某處告文

天地開張，元氣分靈。三元同存，十方朗清。五老上聞，主死領生。丹書赤文，元始上經。普告無下，九地皇靈。今日上告，萬仙定生。修齋行道，上告九天。總校圖錄，削滅罪根。九地開朗，遷度魂神。太陰息苦，六趣寧閑。和冤釋對，上生諸天。行道事竟，投簡靈壇。福流億世，帝祚長延。請以龍簡，告盟地官。乞如所告，金龍驛傳。

呪畢，衆官再拜

投簡於壇上、天井中或埋於月辰之上

次吟投龍讚

祈真登紫府全章

次稱名位，降神設醮

具法職，奉行靈寶明真大齋法事，某嶽某帝先生小兆真人臣某等稽首再

禮。臣謹奉皇帝，修建遷神大齋。

謹奉降玉京玄都紫微上宮十方大聖衆，至真諸君丈人，飛仙真人，玉童玉女，應感分輝，降臨醮座。

謹奉降天地靈仙，諸天上聖，日君月君，日月帝君，真人神仙，玉童玉女，降臨醮座。

謹奉降北極句陳天皇帝君，北斗七星君，南斗六星君，三台六星君，二十八宿君，周天三百六十五度星中大神，星中帝君，星中真人，降臨醮座。

謹上請東方青帝九氣君，南方赤帝三氣君，西方白帝七氣君，北方黑帝五氣君，中央黃帝一氣君，五帝真人，玉童玉女，降臨醮座。

謹上請三元君，上元天官、中元地官、下元水官，三宮九府，百二十曹，五嶽大神，十大洞天，三十六洞天，二十四化，三河四海，九江水帝，十二河源，九宮真人，十二仙君，九天司命，五嶽丈人，九天使者，儲副正職佐命大神，天仙地仙，飛仙神仙，玉童玉女，兵馬騎乘，降臨醮座。

謹上請三洞四輔侍經真官，仙公仙伯，仙卿大夫，九天御史，玄中大法師，天師嗣師系師，上古三師，經師籍師度師，三洞威神，三寶官屬，降臨醮座。

謹上請靈寶官屬領仙監齋，直符真官，侍香將吏，玉童玉女，六甲神將，六旬玉女，六丁玉女，社稷將吏，一切靈司，降臨醮座。

謹請身中所佩二十四治執節監功大將軍，四部監功謁者，上仙上靈直使，正一功曹、三部功曹、促氣功曹、三五功曹等，降臨醮座。

謹請身中所佩，陰陽神決吏、科車赤符吏、剛風騎置驛馬上章吏、飛龍騎吏、天真飛仙騎吏，上部使者、中部使者、都官使者，郎吏虎賁察姦句騎吏，都官僕射，天丁力士，天驕甲卒等，降臨醮座。

謹請收氣食氣吏、收神食神吏、收鬼食鬼吏、收邪食邪吏、收精食精吏、收毒食毒吏、誅符破廟吏等，降臨醮座。

謹奉請某皇帝本命神將、元辰神將、大小行年本命星官，驛馬將吏等，降臨醮座。

謹奉請四司五帝，應感真靈，三界職司、衛壇將吏，虛空監察，直日直符，當界主司等，降臨醮座。

奉請當處土地，里域真官，降臨醮座。

臣謹上啓太上三尊昊天上帝，十方上聖三光九耀天帝天君，三界內外，一切真靈。伏願普降洪慈，分輝照鑒。臣以夙承餘福，得誕今生。叨佩靈文，稟修玄教。功輕塵露，過重丘山。誠宜束身以自修檢，而法許開度，佐國立功，輔助帝王，宣弘道化。今欽奉皇帝聖旨，追薦某尊靈，齎金龍紋繒，香花質信。恭依科典，虔立靈壇。奉修靈寶九幽明真玉匱遷神拔度大齋，若干日夜。以某日某時功圓事畢。焚燒真文，解壇復職。重明功德，設醮言功。願爲某懺謝罪尤，解銷冤對。不經幽夜，昇入天堂。瑩質朱陵，鍊神丹霍。上朝太極，飛步九清。友萬帝以優游，接

羣真而宴處。延休帝業，貽貺孫謀。傳鳳曆於無疆，固鴻圖於億載。同文共軌，地久天長。疫毒潛寧，灾凶殄息。兵戈不作，水旱無侵。夷夏懽康，龍神翊衛。中黃上府，陵寢常安。十雨五風，生靈永泰。伏冀三官拂簡，紀錄齋功。五帝迴軒，鑒臨勝福。告下天地曹府，幽明職司，降祐垂祥，普均四海。臣等不任懇願虔祈之至。稽首再禮。

次焚狀

奏獻錢馬

臣重啓靈壇感降，內外真靈。臣所修齋，功德成就。實賴三寶官屬，應感職司。降此洪休，副茲丹懇。啓奏傳送，勞歷真官。恐薦獻失儀，違犯科典。動靜俯仰，不合天儀。再具披陳，特乞原赦。高真上聖，昇駕太空。三界尊靈，各還所部。侍衛官吏，當境職司，未就座者，歆納誠禮。陰陽將吏，內外正神，佐國度人，立功利物。驅除氛沴，掃蕩妖兇。使九土太平，帝王萬壽。三會之日，別當舉遷。諸獄冥曹，

三徒六趣，九幽滯爽，萬類孤魂，賴茲遷拔之緣，盡詣逍遙之境。某等稽首，再禮奉辭。

次送神頌

還戒頌

都講云，衆官復職

高功都講列職，各納職

次十二願

次復爐

次引弟子，隨師，昇天門，出地

戶

次解壇頌

出戶呪

次辭三師

次回向禮畢

太上靈寶玉匱明真大齋言功儀

(陳耀庭點校)

038 洞玄靈寶八節齋宿

啓儀

經名：洞玄靈寶八節齋宿啓儀。
一卷。底本出處：《正統道藏》
正乙部。

法師冠帶，執簡。引道衆，依位

幡花幢節。一如常式

晝入戶，祝。叩齒三通，呪曰

四明功曹、通真使者，傳言玉童，侍靜素女，爲我通達，道室正神。上元生氣，入我身中。呪畢，便進左足，右足隨之。

夜入戶，祝。叩齒三通，呪曰

四上功曹、龍虎使者，正一生氣，侍靜素女，夜有所啓。願得開明童子、上玄少女，與我俱入，皇宮之裏。通達所啓，皆使上聞。呪畢，便進右足，左足隨之。

次旋行，遶高座一匝，還西，向東，平立。次都講唱，各禮師，

存念如法

思經師所在之方，心禮三拜。願師得仙道，我身昇度。

思籍師所在之方，心禮三拜。願師得飛仙，爲我開度。七祖父母，早昇天堂。我得道真，昇入無形。

思度師所在之方，心禮三拜。願師得昇度，上登高仙。爲我開度，五道八難。名入仙錄，我成真人。凡六時行道，皆先禮師，法輪經所誡。

清旦行道，思青雲之氣，帀滿齋堂。青龍獅子，備守所處。仙童玉女，天仙日月，星宿五帝、兵馬九億萬騎，監齋直事，三界官屬，羅列左右，威儀肅肅，不有懈怠。

日中行道，當思赤雲之氣。朱雀鳳凰，備守前後，帀滿齋所。

日入行道，思白雲之氣，帀滿齋堂。麒麟、獅子、白虎，備守四方。仙童玉女，一如清旦之法。又閉目內思，五嶽五仙五帝備守身中，金映蓋一體，體作金色。從肺後出，項有圓光，如日象。使照明十方，身中了然，盡見內

外，六時並同。

鳴法鼓二十四通

无上三天玄元始三炁太上老君，召出臣等身中三五功曹、左右官使者、左右捧香驛龍騎吏、侍香金童、傳言玉女、五帝直符、直日香官，各三十六人出。關啓此間土地里域真官，並速出嚴裝。臣今正爾燒香，奉爲大道弟子，修建某節，靈寶宿啓妙齋，一日一夜，三時行道，三時轉經。願得太上十方正真生炁，降流臣等身中。令臣所啓，速達逕御太上無極大道至真玉帝御前。

各稱名位

上清玄都大洞三景弟子，奉行靈寶宿啓妙齋法事。臣某謹同誠上啓，虛无自然元始天尊，無極大道太上道君，太上老君，高上玉皇，十方已得道大聖衆，至真諸君丈人，三十二天帝，玉虛上帝，玉帝大帝，東華南極西靈北真玄都玉京金闕七寶玄臺紫微上宮靈寶至真明皇道君，玄中大法師，三界官屬，一切神明。臣等謹相携率，奉爲大道弟子，修某節靈寶宿啓妙齋，即夜宿啓法

堂，朝真騰奏，開度齋主家九玄七祖、亡靈眷屬。上爲皇帝，宰輔大臣，土地州牧縣宰，次及經籍度師，旁及幽栖志士，同學之人，九親門族，天下人民，蜎飛蠕動，蚊行喘息，一切衆生。今故燒香，歸身歸神歸命，太上無極、十方靈寶、自然至真、無上大道。伏乞原赦齋主，前世宿世，今世生死，宿罪重過，得免離三惡之道、十苦八難、九厄之中，超度輪迴，早昇天堂。次及家門眷屬，長幼女男，福慶咸臻，筭壽無極。臣等身得道真，飛行虛空，白日昇天，侍衛道君，逍遙無上金闕七寶玄臺自然宮殿，永與道合。所啓玄感，應聲上御至真無極道前。

禮十方

懺悔

臣等至心歸命十方無極大道、太上靈寶天尊。奉爲齋主弟子，存亡兩代，九族宗親。仰慮稟性昏蒙，行乖正道。或夭傷物命，違戾天常。凡所云爲，罔知避忌。陰罪陽過，無量無邊。乞今燒香行道，一蒙蕩滌。回凶成吉，所願

盡諧。伏願法事通流，無諸譴却。方期悔謝，蒙獲感通。稽首歸憑，正真三寶。

禮經

三禮

重稱名位

上清玄都大洞三景弟子，奉行靈寶宿啓妙齋法事。臣某等謹重上啓虛無自然元始天尊、太上道君、太上老君、無上玄老、十方靈寶天尊，已得道大聖衆，至真諸君丈人，玄中大法師天師君，上相上宰，三界官屬，一切神靈。臣等兆劫垂因，千生流俗。獲聞玄教，得悟化源。三洞金書，備詳奧妙；五千深旨，伏覽希夷。而乃根地浮危，智源膚淺。不能遺形獨往，永匿岩扃；猶以小善爲功，冀先開度。凡有來情，理合申奏。

讀詞

按如詞言，情唯丹切。仰憑大道，開度存亡。謹相携率，滌慮洗心。爲修某節，靈寶妙齋，一日一夜，三時行道，三時轉經。法天象地，秉燭爇香。

宿露懇誠，冀其通感。恩惟太上三尊、十方衆聖、監齋大法師，垂神鑒映，省覽所陳。乞勅勒靈寶官屬、土地真官，悉合同心，併力營衛齋所，滌蕩內外，誅滅思賊。令臣等心安神定，招真致靈。齋功克成，無有窒礙。敬依齋法，說戒威儀。使同齋之人，咸服法訓。明晨行道，續更啓聞。

東向平立，誦智慧頌。北向，首體投地，迴心遍禮十方。衆官東向，法師西向說戒。威儀如法

天尊告太上道君曰：今當普宣法音，開度羣生。爲諸男女，解災却患。請福度命，拔諸苦根。使生者見道，身脫八難；死者歡樂，飲食天堂。早生人中，轉輪聖王。修齋行道，皆當一心。請奉十戒，諦受勿忘。專精默念，洞思自然。勿得雜想，撓亂形神。能如是者，便當靜聽。

第一戒者，心不惡妬，無生陰賊。檢口慎行，想念在法。

第二戒者，守仁不殺，愍念羣生。

慈愛廣救，利及一切。

第三戒者，守貞讓義，不淫不盜。常行善念，損己濟物。

第四戒者，不色不慾，心無放蕩。貞潔守慎，行無玷汙。

第五戒者，口無惡言，言不華綺。內外忠直，不犯口過。

第六戒者，斷酒節行，調和氣性。神不損傷，無犯衆惡。

第七戒者，不嫉人勝己，爭競功名。每事遜讓，退身度人。

第八戒者，不得評論經教，訾毀聖文。躬心冰法，常如對神。

第九戒者，不得鬥亂口舌，評詳四輩。天人咎慘，損傷神氣。

第十戒者，舉動施爲，平等一心。人和神穆，行使常然。

天尊言，修奉十戒，每合天心。常行大慈，願爲一切。普度厄世，謙謙尊教，不得中怠。寧守善而死，不爲惡而生。於是不退可得，拔度五道，不履三惡，諸天所護，萬神所敬。長齋奉戒，自得度世。

天尊言，道尊法妙，人身亦貴。故道開法，遺戒經文，以度人身。人身既度，上與道同。宜爲精行，持齋奉戒。夷心靜默，志念分明。一意歸向，專想不二。滌蕩六府，過中不二。內外清虛，每合自然。是其齋日，捻香啓願，應心上徹。四天司邏、十部威神即下，瞻履行道，觀聽法音，鑒映爾心。如戒行道，皆列功諸天。禍福立彰，道不負人。勤行諦受，勿使魔言。

天尊言，建齋行道，四天帝王，皆駕飛雲綠輶、八景玉輿。從真人玉女，手把華幡，前導鳳歌，後從天鈞。白鶴獅子，嘯歌邕邕。燒香散花，浮空而來。瞻履行道，觀聽法音。天王下降，萬靈朝焉。能如是者，豈可不盡其法也。先當受十戒，然後行道。庠序雅步，靜心閉意。坐起卧息，不離儀格。天天歡悅，列名上清，可謂得道方寸之間矣。

復鑪

香音使者、左右龍虎君、侍香諸靈官，當令修齋之所，自然生金液丹碧芝

英，百靈衆真，交會在此香火案前。令齋生家眷康寧，年壽延遠。先亡遠逝，咸獲超昇。一切生靈，共資休慶。歲時蒙祐，天下沾恩。十方仙童玉女，侍衛香煙，傳臣向來所啓，逕達玉皇上帝御前。

奉戒頌

小學仙讚

回向讚

於玄師前，散如常儀

洞玄靈寶八節齋宿啓儀

(陳耀庭點校)

039 洞玄靈寶自然齋戒

威儀經 (擬)

經名：洞玄靈寶自然齋戒威儀經（擬）。撰人不詳，似出於南北朝末或隋唐之際。係摘錄《靈寶金錄簡文》、《智慧觀身大戒》等靈寶經書改編而成。《正統道藏》未收此經。但此經中部分文字，與《道藏》洞玄部威儀類收南朝陸修靜撰《洞玄靈寶齋說光燭戒罰燈祝願儀》見合。底本出處：敦煌 P. 3282、S. 6841 + BD15636 + P. 2455 號殘抄本。

(P. 3282 抄本，前缺)
自然齋儀，為國及百姓悉用，謹錄如左。

夫此齋法，太上大道君愍念眾生之荼炭，哀地獄之苦愁。故請元始天

尊下教於世，敷演宣化，濟度一切。夫發音誦詠，則聲聞九霄，響徹諸天。衆真設禮，鬼神稱善。若遭遇聖教，聞見法音，由宿世重福積慶所延。能敬受一句，讚嘆靈音者，司命即加其筭壽，七祖皆得解脫。若善男子善女人，善心信向，奉受供養，晨夕香燈，尊禮不懈。天子侯王則德澤隆盛，國土太平。保其宗廟，安樂无量。命過遷化，剋得成道。凡夫庶人則見世安隱，福慶臻萃。宿對釋散，所欲必從。命過即昇天堂，出生為人侯王長者。女子供養，轉輪滅度必為男形。若能清齋持戒，脩行其事，積功累德，隨行厚薄，或白日昇天，或尸解得仙。若「遭」^①橫事疾病，怨家盜賊所見衝惚，脩齋祈請，咸蒙度脫。若陰陽不和，水旱為災，日月昏蝕，星宿錯綜，兵病流行，國土不安，及欲拔贖亡者，拯濟幽魂，除殃去豐，諸所求願，並弘此經。此經靡所不宜矣。

夫善資難積，惡業易彰，執惑守科，猶懼罪獲，而越憲，彰放情可得拓

福乎？一日之功，尚不能全。三千之盈，將焉有日。如此恐玄都路邈，北酆期近。弘法興化，身為福先，豈所以謂學哉。每三復禁律，研尋冥典，何嘗不五情戰惕，形魂失厝。人生若寄，暫見忽終。得覺無常之苦，投身法渚，超絕羣儕，亦為遼矣。將來君子，寧不深悟此法哉。

建齋之始，未至齋先一日，皆當香湯沐浴。宿到齋所，主人送作本末，投辭法師，禮拜啓願，法師便「為」道戶依事申奏。明旦相率，依法行道。出金錄簡文。

宿啓，法師先依常作自然朝。朝法如左。

齋官尊卑次序入道戶，左行，繞香火一周，東向叩齒廿四通。

咒曰

無上三天玄元始炁太上老君，召出臣等身中三五功曹、左右官使者，左右捧香驛龍騎吏、侍香玉童、侍香玉女、五帝直符，各卅六人出。關啓此間土地里域、真官正神。今正尔燒香行

道，願得太上十方正真之炁入我身中，所啓速達，逕御太上無極大道至真玉帝几前。

畢，齋官一時三檟香，各稱位号。

太上靈寶无上三洞弟子某岳先生臣某甲等，今故燒香，願以是功德，爲七世父母、天子王侯、土地官長、經藉度師，及山林巖栖道士、同學義賓、九親門族，天下人民，蜎飛蠕動、歧行蝸息、一切衆生。今故揲香，歸身歸神歸命，太上十方靈寶自然至真无上大道。乞原赦前世今生生死宿罪重過，得免離三惡之道、十苦八難、九厄之中。臣等身得道真，飛行虚空，白日昇天，侍衛道君，逍遙无上金闕七寶自然宮，永與道合，所啓玄感上御至真無極道前。

畢。便北向十拜，迴心礼十方。
出金籙簡文。

次十方懺。懺曰

至心歸身歸命十方靈寶三世天尊。衆等奉遵敕令，旨及施主辭狀，爲某事云云，謹相携率，精心静念，依法行

道，宿啓朝真。願降洪慈，曲垂攝受，使法事光隆，怨難弭息，天清地静，魔試不干。方有祈願，賜獲通感。

畢，起向北，詠禮經呪三首。出智慧寶真安定本願大品誡經中。

樂法以爲妻，愛經如珠玉。持戒制六情，念道遣所欲。淡泊正炁停，簫然神静默。天魔並敬護，世世受大福。

鬱鬱家國盛，濟濟經道興。天人同其願，飄眇入大乘。因心立福田，摩法輪昇。七祖生天堂，我身白日騰。

大道洞玄虛，有念無不啓。鍊質入仙真，遂成金剛體。超度三界難，地獄五苦解。悉歸太上經，静念稽禮首礼。

畢，一時稽首三拜，長跪啓曰

三洞弟子某岳先生臣某等，上啓太上元極大道太上道君，卅六部尊經寶符、玄中大法師天師君、上相上宰、四司五帝、三界表裏應感尊靈。衆等謬獲宿稟真言要戒，宣道布教，竊願奉行，加有上命，彌思罄節。某位皇帝陛下受圖御宇，屬當眷命，應樂權於民

上，力善政於天下，憂憐兆庶，愍念蒼生。每建福田，亟脩鴻業。將以和天安地，保國寧民。常脩寶齋，誦經行道，拜章獻醮。又爲太子攘灾請福，清静官闈云云。當剋明日寅時爲始，即日翹誠，齊到齋所，依法净宿，以啓聞思。惟太上三尊、十方衆聖、監齋大法師、侍經威神，同施慈光，俯垂監照。勅勒九天將吏，詔下三界官屬，各率所部，咸來擁護，使衆等心安神定止，思念感徹。降伏魔恐，清蕩禍鄣。六情内静，十惡外消。齋功成就，無有譴礙。並依經旨，重宣戒法。又案威儀，詮舉職任，儀軌法則。皆依舊典，須長更啓，且續復上聞。

畢。一時東向平立，誦智慧三首曰出智慧觀身大戒經。

智慧起本无，朗朗超十方。結空峙玄霄，諸天挹流芳。其妙難思議，虛感真實通。有有竟不有，无无无不容。智慧恒觀身，學道之所先。眇眇任玄肆，自然録我神。天尊常擁護，魔王爲保言。晃晃金剛軀，超超太上仙。

智慧生戒根，真道戒爲主。三寶由是興，高聖所崇敬。汎此不死舟，儻歎濟大有。當可說戒時，天真並稽首。

畢，一時北向，首體投地，迴心禮十方，還向東而伏。法師還東面西，說戒曰

天尊告太上道君曰：今當普宣法音，開悟群生，爲諸男女解災却患，請福。度命，拔諸苦根，使生者見道，身脫八難，死者歡樂，飲食天堂，早生人中，轉輪聖王。修齋求道，皆當一心請奉十戒，諦受勿忘，專情默念，洞思自然，勿得雜想，撓亂形神。能如是者，便當靜聽。」（以下缺省）

「經言：夫感天地，致群神，通仙道，洞至真，解積世罪，滅凶咎，却怨家，修盛德，治疾病，濟一切，莫過乎齋轉經者也。夫齋直是求道之本，莫不由斯成矣。此功德巍巍，無能比者。上可昇仙得道，中可安國寧家，延年益壽，保於福祿，得無爲之道，下除「宿愆」，赦見世過，拔厄度難，消災治病，解脫死人憂苦，度一切物，無有不宜

矣。

經言：夫齋法之大者，莫先太上靈寶齋也。靈寶之文，是天地之元根，神明之戶牖，衆經之祖宗，无量大法橋也。若誦經一句，則響徹九霄，諸天設禮，鬼神振肅也。幽邃遠妙，難以言宣。夫非天下之至善，莫能致焉。非天下之至信，莫能請焉。非天下之至精，莫能奉焉。非天下之至才，莫能行焉。太上所重，衆真所尊，皆鑄金爲字，刻書玉篇。封之於无上大羅天、玄都玉京山、紫微上宮、七寶玄臺。此臺則是太上之所治也。五老侍衛，万帝朝禮，真人散花，玉女執巾，金童揚煙，燼百和合香，流薰紫庭，吐日精以却穢，散月華以拂塵。神燈朗照，煥燭合明，金風八散，慶雲四陳。飛龍毒獸，備衛玉闕。十方至真，三千已得道大聖衆，及自然妙行真人，皆一日三時旋繞上宮，稽首行礼，飛虛浮空，散花燒香。手把十絕，嘯詠洞章，讚九天之靈奧，尊靈文之妙重也。今道士齋時，所以巡繞高座，吟詠步虛者，正是上法

玄根衆聖真人朝晏玉京時也。行道禮拜，皆當安徐雅步，審正庠序，府仰齊同，不得參差。巡行步虛，皆執版當心。冬月不得拱手，夏月不得捉扇，唯正身前向，臨目內視，存見太上在高座上，注念玄真，使心形同丹，「合」於天典，則爲飛仙之所嗟歎，三界之所軌範，鬼神之所具瞻也。不得左顧右盼，更相前却，及言語笑謔，有所呵喚，則觸「忤」威靈，爲四司糾過，五帝結形。明科所禁，可不慎哉。

「經言：齋時，日夕各三時燒香悔過，唯一心聽受經法妙蹟之義，故轉經說法，像古真人教化時也。聖人傳授經教，教於世人，使未聞者聞，未知者知，欲以此法橋普度一切人也。行道之時，不可得亂語，論及世務。唯當請問法師經義禁戒，法師當爲解說真要，能使内外夷然。敬受經一句，則司命延加十算，後皆聰明智慧。若内外燥競，毀忤經文一句，則司命奪十算，後墮痴愚盲道。故真人不言，言必有中，言皆合於法言。人能弘道，非道弘人，

此之謂也」。

畢，法師便依舊選舉職僚，明日行道，各典所「署」。

一人都講。其職也，克明正典，摠持法座。至如行道時節，禮拜容止。先鳴法鼓，次引朋衆，風則軌儀，敬憑唱說。

一人監齋，其職也，督勵虧怠，彈糾衍失。不偏不儻，無隱無濫。炳執憲章，務令允愜。

一人侍經。其職也，肅奉尊文，瞻理巾蘊。衛師子之兩座，整旋行之四席。壇堂施置，每令得所。

一人侍香，其職也，炎爐夙整，芳燼常燃。使畢夜烟流，終朝火續。此法事之所先，宜晨昏而忽怠。

一人侍燈，其職也，蘭炬晚映，繼明西日。灼燦庭堂，照晰宵夜。若值兩權停，過風暫息。當賓主參詳，與時興廢。幸勿臆斷，用虧成典。

一人侍座，其職也。^⑧
畢，便爲宣科說禁，告示威儀也。法師^⑨。

夫齋法清虛，威禁至重。主人當灑掃宅舍，每令淨潔。丁勅大小「內」外靜寂。不可使香油乏少，法用有虧。

道士登齋，皆各賫巾褐、手版、履具，不得臨時交換彼我。於^⑩事有闕。勿得牽引非己之服。

道士登齋，起居皆當關白監齋。禮法師一拜。次礼香火，三拜而去^⑪。還亦如之。右出金錄簡文^⑫。

畢，起復位，東向上香，復鑪如法。

香官使者，左右龍虎君、侍香諸靈官，當使靜室自然生金液丹精芝英，衆真交會在此香火前。使臣等得道，剋獲上仙，玉童玉女侍衛香烟，傳奏臣言，逕御无上道前。

畢，左迴奉戒，出治戶。

登齋上下誦經儀式

道士雖受經文，亦多不諳練。故論出之，若有未聞練者，幸可宣告。

建齋威儀，上坐誦經法。當北向經前三拜。又因礼經藉度師各一拜。畢，便北向上座，左轉東向，叩齒卅六

通。思靈炁覆滿一室，青龍白虎、師子玄龜、朱鳥鳳皇，備守前後；仙童玉女、五帝神官、神仙兵馬、九億萬衆，營衛左右。便搖身三過而誦經。誦經竟，從南面下床，復礼如初。夫此禮拜儀式，登坐一過行之後，重誦者，則不復如始也。若長齋者，日別一過行之矣。右出金錄簡文。

當開經蘊之時，燒香整法服，禮拜存思如上法。畢而呪曰
寂寂至無宗，虛峙劫刃阿。豁落

洞玄文，誰測此摩訶。一入大乘迹，孰計年劫多。不生亦不死，欲生因蓮花。超凌三界塗，慈心解世羅。真人无上德，世世爲仙家。出玉經隱注。

道士登座，於誦經之次，不得與下坐交語。經卷不竟，亦不得中住。若住後，皆更從上始。法五百言，得進清飲咽液。出金錄簡文。

明日行道齋法威儀

次序如左：
初入齋堂咒戶，
次礼師思神，

次誦衛靈神咒，

次咒香巖爐，

次出官啓事，

次三上願，

次十方禮，

次十方懺，

次存思命魔，

次步虛及禮經懺謝，

次願念，平旦誦十念，齋時誦五念，西際誦

十二願。

次咒香復爐，

次詠奉戒頌，

次事畢出道戶咒，

次日滿齋竟言功。

朝入道戶，於戶外叩齒三通，咒曰

四明功曹，通真使者，傳言玉童，

侍靜玉女，爲我通達道屋正神，上元生

炁入我身。咒畢便進。

夜入道戶，於戶外叩齒三通，咒曰

四上功曹，龍虎使者，正一生炁，

侍靜素女，夜有所啓請，得關明童子、

上玄少女，與我值（俱）入黃宮之裏，通

達所啓，皆使上聞。咒畢便進。

初入齋堂，法師在前，衆官以次各三揲香，左迴繞高座一匝，還西南，東向，都講唱，禮師思神如法。

各思經師所在之方，心拜三過。願師得仙道，我身昇度。

次思籍師所在之方，心拜三過。願師得飛仙，爲我開度七祖父母，早昇天堂，我得真道，昇入无形。

次思度師所在之方，心拜三過。願師昇度，上登高仙，爲我開度五道八難，名入仙錄，永成真入。存禮三師，出玉錄文。

凡六時燒香，皆先禮師。出法輪經。

次思青雲之炁匝滿齋堂，青龍師子備守前後。仙童玉女、天仙地仙飛仙、日月星宿，五帝兵馬，九億萬騎，監齋直事三界官屬，羅列左右。又思青炁從師肝中出，如雲之昇。青龍師子在青炁中。天仙地仙飛仙、五方兵馬、三界官屬，並匝覆弟子家宅及大小之身。

至日中行道，當思赤雲之炁匝滿齋堂，朱雀鳳皇悲鳴左右，仙童玉

女、天仙地仙飛仙、日月星宿五帝、兵馬九億萬騎，監齋值事三界官屬，羅列左右。又思白炁「從師」腓中「出，如」雲之昇，「白虎麒麟在」白炁中，天仙地仙飛仙、五方兵馬、三界官屬並往，匝覆弟子門內，營衛左右前後大小身形。

次思内存見五藏五星五帝備衛身中，金映蓋一體，體作金色，先從腓出。項有員光如日象，使照十方。身中了然，盡見外內。晝夜六時行道，皆思此法。四條出金錄。

平旦思神訖，誦衛靈神咒曰誦咒時並東向，日一過行之。

九炁青天，明星大神。煥照東鄉，洞映九門。轉燭揚光，掃穢除氛。開明童子，備我衛軒，收魔束妖，上對帝君。奉承正道，赤書玉文，九天符命，神龍驛傳，普天安鎮，我得飛仙。

南方丹天，三炁流光，熒星轉燭，洞照太陽。上有赤精，開明靈童。摠御火兵，備守三宮。斬邪束妖，翦截魔王。北帝所承，風火八衝，流鈴交煥，

敢有不從。正道流行，我願上功，保天長存，億劫無終。

七炁之天，太白流精。光曜金門，洞朗太冥。中有素皇，号日帝靈。保神安鎮，衛我身形，斷截身源，王道正明，官宅整肅，三景齊并，道合自然，飛昇紫庭。靈寶符命，普惠萬生。功加一切，天地閑寧。

北方玄天，五炁徘徊。辰星煥爛，光曜太微，黑靈尊神，飛玄羽衣。備衛五門，檢精捕非，敢有干試，豁洛（落）斬摧。玉符所告，神真八威。邪門閉塞，正道明開。映照我身，三光同輝。策空駕浮，舉形仙飛。

黃中理炁，摠統玄真。鎮星吐輝，流煥九天，開光童子，一十二人，元炁陽精，爛上朱烟，洞照一宅，及得我身，百耶摧落，煞鬼萬千，中山神咒，普天使然，五靈安鎮，身飛上仙。出真文要解。

畢，各櫟香東向平立，叩齒廿四通，咒曰

无上三天玄元始炁太上老君，召出臣身中三五功曹、左右官使者、左右

捧香驛龍騎吏，侍香玉童、散花玉女、五帝直符，各卅六人出。關啓此間土地里域真官正神。今正燒香行道，願得太上十方正真之炁入我身中，所啓速達，「逕」御太上無極大道至真玉帝几前。出金錄簡文。

畢，衆官因長跪，鳴天鼓廿四通，出官啓事

謹出臣等身中五體真官功曹吏，出臣（以下缺）

洞玄靈寶自然齋戒威儀經

①按方括號「」中文字，系整者據前後主義擬補。後文同此者，不復出校記。

②原誤作「昇」，據文義改。

③按此以下數段經文，均見於《道藏》所收陸修靜編《洞玄靈寶齋說光燭戒罰燈祝願儀》（簡稱祝願儀）。又可參見《無上秘要》卷四十八。

④按P.3282抄本止於此處。以下括號「」中文字，據陸修靜《祝願儀》擬補。

⑤按S.6841抄本起於此處，原本首行僅殘存「之道下除」四字。以上括號「」中文字，系據陸修靜《祝願儀》擬補。

⑥妙行：原衍作「妙行行」，刪「行」字。

⑦按原本此段後漏抄一段經文，據陸修靜《祝願儀》擬補。

①按原本此句後疑有漏抄文字。

②於事：原本誤作「功事」。

③而去：原本衍作「而去志」，刪「志」字。

④按此段後疑有漏抄文字。又按以下經文不復見於陸修靜《祝願儀》。

⑤按S.6841抄本止於此處，以下接續BD15636號抄本。

⑥界官屬羅列左右又思白炁從師佛中出如雲之昇白虎騏麟在白炁中天仙地：按此兩行三十一字，原在BD15636尾部及P.2455首部。原抄本此兩行破裂，今據殘字綴合（括號中文字見於P.2455）。又按：以下經文據P.2455抄本校錄。

（王卡點校）

040 洞玄靈寶自然齋儀

經名：洞玄靈寶自然齋儀。一卷。底本出處：《正統道藏》洞玄部威儀類。

各禮師，存念如法

次鳴法鼓二十四通

次發爐

無上三天玄元始三氣太上老君召出，臣等身中三五功曹，左右官使者、左右捧香驛龍騎吏，侍香金童、傳言玉女，五帝直符、直日香官，各三十六人出。關啓此間土地里域，真官正神。臣今正爾燒香行道，奉爲弟子某陳乞所願。願得十方真正生氣，降流臣等身中。令臣所啓速達，徑御太上無極大道至真玉皇上帝御前。

各稱名位

具法職某嶽先生臣某等同誠上啓，

虛無自然元始天尊、無極大道太上道君、太上老君、高上玉皇、十方已得道大聖衆，至真諸君丈人，三十二天帝、玉虚上帝，玉帝太帝，東華南極西靈北真，玄都玉京金闕七寶玄臺紫微上宮靈寶至真明皇道君，玄中大法師，三界官屬，一切尊靈。臣等宿命因緣，生逢大化。玄真啓拔，得入法門。三師盟受，三寶神經，供養尊禮，以求所願，荷恩隆重，喜懼交並。然受法之日，約當罄竭。愚短自效毛髮，宣通法音，讚揚妙化，普令一切，咸入法門。救生度死，令衆安樂。凡有投告，理合申騰。今有詞文，謹當宣奏。

次讀詞

具如詞言，情唯丹慊。仰憑至道，由慮將來。臣等忝荷洪慈，職唯拯救。伏聞，虚皇布法，爲萬品之津梁；大帝垂文，作千真之軌躅。門開接引，教許依投。有感即通，無求不應。精誠內著，芝英爲之表祥；靈澤下流，星辰爲之列耀。運茲初捻上香，歸身歸神歸命，十方無極大道太上三尊。願以是

功德，歸流大道。弟子某家九玄七祖、前亡後化、一切宗親，並願俱出九幽，齊登十極。落北陰之玄籍，上南極之丹文。福慶遐臻，禎祥遠集。仇讎罷對，慶及子孫。今故燒香，自歸依師尊大聖衆至真之德。得道之後，昇入無形。和與道合同。

夫玉京非遠，斂念即通。真宰無方，隨心必應。運茲二捻上香，歸身歸神歸命，十方無極大道太上三尊。願以是功德，歸流皇帝。執象化人，秉圖御運。人懷凱悌，物遂生成。次及臣等，受道三師，經生父母，巖棲志士，同學之人，九姻門族，天下人民，蜎飛蠹動，一切衆生。各遂安寧，悉離灾橫。今故燒香，自歸依師尊大聖衆至真之德。得道之後，昇入無形。和與道合同。

夫大道無私，隨機必應。至精有信，待感而通。運茲三捻上香，歸身歸神歸命，十方無極大道太上三尊。願以是功德，歸流齋主。大道弟子某并門族親姻，伏願厄患消寧，身心朗徹。洞

金房之奧旨，超艷部之幽徒。福善自彰，神明匡衛。生齡更遠，比枯木而再榮；盡命方延，類寒燈而重焰。男女貞順，畜產繁昌。今故燒香，自歸依師尊大聖衆至真之德。得道之後，昇入無形。和與道合同。

次禮十方懺

次四聖方懺

臣法衆等至心歸命，十方無極太上靈寶天尊，十鄉神仙諸靈官。但弟子某生自囂塵，長多罪累。淪神喪氣，有偽無真。恩愛所拘，聲名所誘。唯深愆犯，莫保安危。又慮積生已來，至于今日。陰罪陽過，犯觸十方。或不順陰陽，罔知避忌。殺生害命，恣意極情。或知而故爲。或謬誤不覺。或身心自構。或被逼從人，罪咎貫盈。神明譴責，宿夜憂懼。不敢寧居，仰憑高尊，希蒙覆育。臣等洗心首過，靜念祈恩。爲修靈寶妙齋，拔贖幽明之咎。當願見存人口，良賤尊卑，厄難雲消，算壽天永。見存姻屬，內外宗親。神爽清夷，盡沾玄慶。子孫昌熾，長會善緣。

福起十方，禍沉九夜。稽首歸依，正真三寶。

次左迴向，西平立，思九色圓像，命魔

密呪

次步虛，旋繞

次三啓

次三禮

次重稱名位

具法職某嶽先生臣某等同誠重上啓，太上無極大道至真靈寶三十六部尊經，太上三尊，十方衆聖，玄中大法師，三界官屬，一切神靈。臣等餘福所流，運遇大法。玄真啓拔，忝佩靈文。而胎染結陋，未能抗絕。負越科禁，丹誠莫申。自宜灰心，甘真冥罰。但以千真有格，許立微功。輒勵管窺，奉宣慈化。期以拔贖，用濟群生。今謹有大道弟子某辭情丹慊，實可哀矜。生在塵途，情唯昏蔽。因緣所習，超度無門。唯保倚上玄，特希洪澤。臣等謹相携率，沐浴身心，焚香轉經，以期悔謝。伏惟太上衆尊、監齋大法師、侍真群

靈、三界官屬。垂神鑒映，照覽所陳。特開大宥之恩，俯遂塵微之懇。伏乞赦弟子，九玄七祖，下及己身。積世已來，至于今日。恣情極欲，廣構罪田。或不了義方，不明妙趣。喪神耗氣，恥朴好華。口實心違，外真內偽。陰罪陽過，無量無邊。或謬誤不知。或知而故犯。違盟破戒，怠墮幽冥。諸如此條，不可憶識。乞今燒香行道，賜蒙蕩滌。伏愿太上高聖大神，至真群靈。垂大慈之澤，致感應之靈。迴救度之福，降罔極之恩。召飛天神人，齋東華青宮九龍符命，歷下十方，檢校曹局。凡有弟子某家存亡罪咎，咸願消除。受鍊南宮，削名北府。福流玄葉，吉享見存。使老少咸和，子孫賢貴。殃災雲散，善瑞日生。僕隸安康，豢養滋茂。臣等謹爲齋主，所首所謝，咸乞如言；所啓所陳，事蒙原解。上明天尊弘慈之澤，下副臣等歸命之誠。謹啓以聞。

次十二願

次復爐

香官使者，左右龍虎君，侍香諸靈

官。當令齋堂之內，自然生金液丹碧
芝英。百靈衆真，交會在此，香火爐
前。令弟子修齋已後，舉家受福，內外
蒙恩。十方仙童、玉女侍衛，香煙傳臣
向來關啓，徑御太上無極大道玉皇上
帝御前

次出堂

洞玄靈寶自然齋儀

(陳耀庭點校)

041 洞玄度靈寶自然券儀

經名：洞玄度靈寶自然券儀。
一卷。底本出處：《正統道藏》
洞玄部威儀類。

告齋竟

法師東向，三上香，叩齒三通

呪香

無上三天玄元始三炁太上老君，召出臣身中三五功曹，左右官使者，左右捧香驛龍騎吏、侍香玉童、傳言玉女、五帝直符，各三十六人出。關啓此間土地里域、真官正神。臣今正爾燒香度事，願得太上十方正真之炁，入臣身中，所啓速達，徑御太上無極大道至真玉帝前。

次長跪，又叩齒二十四通，出官謹出臣身中五體真官、功曹吏，出臣身中上三天執法開化、陰陽功曹、度

道消災、散禍解厄君吏，各十二人。出臣身中治職君吏，某治建節監功大將軍、前部效功後部效殺驛庭令、驛庭丞、四部監功謁者，臣身中仙靈直使，正一功曹、治病功曹、左右官使者、陰陽神決吏、科車赤符吏、剛風騎置驛馬上章吏、飛龍騎吏等，各二人出。出者，嚴莊顯服，冠帶垂纓，整其威儀。直使功曹，戴通天之冠，衣皂紬單衣。正一功曹，冠朱陽之幘，着絳章單衣。使者，冠九德之冠，五色綬命單衣，腰帶虎符，齊執玉版。直使功曹，住立四方。正一功曹，住立中央。治病功曹，營衛臣身中。左官使者，持幢在前。右官使者，建節在後。陽神決吏，立左。陰神決吏，立右。上部功曹，住立上方。中部功曹，住臣身中。促氣功曹，催促十方。上部使者，遠望上天。中部使者，遠瞻八方。都官使者，匝繞臣身中。郎吏虎賁、察奸鈎騎，都官僕射、天丁力士，收氣食氣吏，收神食神吏，收鬼食鬼吏，收邪食邪吏，收精食精吏，收毒食毒吏，誅符破廟吏，科車

赤符吏，剛風騎置驛馬上章吏，飛龍騎吏，屯住臣前後左右。功曹使者，嚴裝事竟。羅列鹵簿，關啓靈寶官屬，領仙監齋君將吏。天師所布下二十四治、三十六靜廬、七十二福地、三百六十名山、崑崙等上官，三萬六千神。日月星宿，璇璣玉衡，天地五帝，三界官屬將吏，及道上二玄三元，四始四面，方位風氣，注氣甲子，諸官將吏考召君。東九夷胡老神君、南八蠻越老神君、西六戎氏老神君、北五狄羌老神君、中央三秦儉老神君，五嶽四瀆丘沼君，諸廟神在所高山，山川溪谷，山林孟長，十二溪女，根原本始土地之主、社稷將吏，一時嚴裝，與臣身中功曹使者、飛龍騎吏，上啓太上無極大道太上大道君、太上老君、太上丈人、無上玄老、十方無極大道道德衆聖天尊、至真大帝、天帝天師君、靈寶監齋大法師，諸官君。臣生長魔俗，沉淪季業。翫樂榮華，千載慶會。謬見標拔得預大化，三師盟授三寶尊經。供養尊禮，以求所願。荷恩隆重，喜懼交衿。臣受法之日，要當

宣通法音，讚揚大化，傳授後學，開度天人。今有某府某縣鄉里，太一道士，男女官真人某甲稟性慈仁，忠貞孝順。雖處濁俗，抗志高邁。潔己清行，仰慕神仙。已受至法，太一符契。今齋信投誠，求受太上洞玄靈寶玉文真經寶符。丹誠慊至，不可違逆。臣輒依法與某甲對齋日限事竟。今破券度經，謹拜黃繒赤章一通，功曹使者飛龍驛騎以時騰奏，上詣太上。曹章露在玉案，上分別請省。

次讀章畢，叩齒三通曰

臣重因衆真上官功曹使者飛龍騎吏，分別關奏。操臣所授某甲無上至真五篇大經，破券赤素章一通。上聞清玄御前，無令下官故氣。邀截公文，令不上達。臣閉口氣升，章到三天。曹伏須告報。

拜章竟，因長跪曰

具法職某岳先生臣某上啓，太上無形無名、虛無自然、至真大道、無上元尊、太上大道君，十方無極大道道德衆聖天尊，玄中大法師，太極真人，玄一

三真人天師君。臣以下愚行尸臭肉，宿命緣會，謬荷非分。進受大法三寶尊經，未能棲隱幽林，超絕塵跡。又不能敷宣皇教，廣建福田，濟度苦厄，立功補過。而混同常人，魔俗不別。大道之恩，賜全首領。得有今日，視息三光。恩深施重，實在罔極。臣某誠惶誠恐，頓首頓首，死罪死罪。蓋聞真經尊貴，非凡陋之徒所可施行；妙義淵曠，非賤臣小子淺識肉眼所可仰瞻。臣僥倖之運，遭遇際會；三洞御世，換選種人。得以穢質，叨忝靈文。臣受經始淺，未宜宣露。今壬辰之運，太平已近。禍福交行，自非得道之夫。年劫難保，雖人心難測。賢者勤求，不宜閉絕。謹有某府縣鄉里某道士某甲，耽玄注真，祛棄榮華。畢志上契，願樂神仙飛騰之道。丹情苦至，翹慕勇猛，請受尊文。今建置玄科，分券授經。告誓三官，約不妄宣。謹以上聞，須報施行。

啓事畢，便分券契未授，師還北向，弟子左轉向南，長跪，擎丹

水當心，師北向呪曰

具法職某岳先生臣某，敢告丹水，某府縣鄉里，甲乙年如干歲，奉承黃赤王一太一一言之訣，所叨已大。今操辭立誓投命，詣臣求受太上靈寶至真五篇太真道經。向已爲拜黃表章素，列啓太上衆尊願監盟君吏、靈寶君、靈寶丈人、天官地官水官三官君吏，及某家七世祖考監，見某甲自來求生，齋戒投心，所受靈寶妙經旨訣約。承案大法，奉遵俯仰。檢口慎行，棄諸色累。斷絕外想，靜心夷默。專志在法，不得混濁。更相招引，以亂真氣。常行大慈，廣度一切。國安民豐，四海寧一。七祖父母，皆得升度。身入光明，早生人中。大劫運終，同飛上清。其未仙度，五八爲期。不得中泄，妄傳非其人。愆盟負信，輕漏靈文。生死父母，長沒幽夜。風刀萬劫，不得有怨。違諸禁戒，一如明真之文。

弟子某甲承真告命，法師口訣，不敢違負。妄傳非其人，殃延甲身。要不負上下中央，四面八方，正真神明。今

共吞盟丹水。案法齋戒，修行妙旨。乞弟子及師，得度天災。陽九百六，甲申大厄。從劫到劫，無有虧盈。日月同暉，三寶齊輪。伏受靈寶君靈寶丈人，三洞天文見生之法。呪畢，三接丹水，授券。授券竟，師起燒香，散花，巡誦五真人頌一首畢。弟子輒禮再拜。都畢，弟子長跪，執法信。師叩齒三十六下，心存五藏之色，令備具合成寶蓋之雲羅，覆經師徒，而呪曰：天書簡不煩，道德自備足。修之必神仙，當復何所欲。文耀太無間，煥然而朗郁。傳授悉依法，泄慢墮地獄。

畢，弟子三拜受經。又方禮一拜，周十方。從北始，東迴而周也。想見太上十方真形，如方像矣。師誦三塗五苦歌頌。畢，師誦智慧三首，說法，授十戒，度事竟。言功復官。

洞玄度靈寶自然券儀

（陳耀庭點校）

042 靈寶半景齋儀

自旦至午，謂之半景

經名：靈寶半景齋儀。一卷。
底本出處：《正統道藏》洞玄部
威儀類。

清旦，第一朝

先門啓白意

次昌道

次華夏讚，引至地戶

次各禮師，存合如法

次衛靈神呪

次鳴法鼓，二十四通

次發爐

無上三天玄元始三炁太上老君，

召出臣衆官等身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出，關啓此間土地里域、真官正神。

臣今正爾燒香，奉爲大道弟子某修設靈寶半景妙齋一中，祈恩懺罪，謝過消灾，保護平安，希求福祐，願得太上十方正真生炁，降流臣及齋主弟子等身中，令臣所啓速達，逕御太上無極大道至真玉皇尊帝御前。

次各稱法位

具法位臣某等謹同誠上啓，虛無自然金闕天尊無極大道太上大道君、太上老君、高上玉皇，十方已得道大聖衆，至真靈寶天尊、三十二天帝君、玉虛上帝、玉帝大帝、東華南極西靈北真玄都玉京金闕七寶玄臺紫微上官靈寶至真明皇道君、玄中大法師、北極帝君、天地水三官、九天司命真君、九天使者真君、三界官屬一切真靈。臣聞大道無名，強啓不言之教；天尊出世，特開正法之門。於是玉律宣行，金科闡化。既有祈求之路，爰昭應感之機。臣等學業因師，叨傳儀式。凡有信心歸向，須陳像設威容。欲導精誠，先呈詞疏。

次讀詞

具如詞奏，聖道以聞。伏惟太上三尊，垂光照鑒，齋主弟子。伏聞玄元設教，常善救人。太上真風，弘慈被物。度有心於福善，接回向於裝嚴。臣等受法之時，約令級引。存玉皇而俯仰，祈真聖以來臨。今故燒香，歸身歸神歸命，十方無極太上靈寶自然天尊，乞降道場，受斯供養。聽臣關奏，願賜恩光，使齋主弟子某福果周圓，功德成就。懺罪愆於已往，希善慶於將來。家眷平安，公私康泰。九玄七祖，承功德以逍遙；土地龍神，奉靈恩而祐助。今故燒香自歸依師尊大聖衆，至真之德。得道之後，昇入無形，與道合真。

次禮方

次懺悔

臣等伏聞，大道強名，天尊應號。御金闕玉京之上，見十方三界之中。照群生，垂日月之光；資品物，布四時之炁。凡有祈告，隨願感通。今時謹有齋主弟子某投詞丹慊，啓露玄師。請立道場，奉修齋法。祈真啓請，願降香筵。稽首天尊，歸命懺悔。伏恐弟子某

自從曠劫，爰及今時。父母宗親，至于眷屬。三業造三千之罪，六根爲六賊之愆。生世生身，有罪有咎。今日設齋懺悔，敬禮十方無極太上靈寶天尊。伏願罪滅福生，愆消過息。年歸善壽，命益延昌。九祖生天，一門慶泰。禍沉未兆，福起自新。稽首歸依，正真三寶。

次三啓頌

次三禮

次稱名位

具法位臣某等謹重上啓，太上無極大道太上道君、太上老君、高上玉皇、無上玄老、十方已得道大聖衆，至真靈寶天尊、三十六部尊經、玄中大法師、天地水三官、三界官屬一切威靈。臣等服佩師資，傳經受籙。先約立齋塵世，常轉法輪；後及剋意修真，存三守一。凡有人天請命，當須依按科儀。布露壇場，裝嚴象設，具其齋意，關奏上聞。齋主詞文，向已宣讀。兼持法信，披訴望恩。伏惟無上虛皇自然尊帝，眇靈輿於碧落，照虔告之丹心。齋功克遂

於周圍，福果盡蒙於昭著。洪恩燭祐，使萬禍以消除；靈澤霑臨，蕩千災而殄滅。伏願齋主身安命泰，福祿增榮。家眷女男，俱資景壽。九玄七祖、三代家先，受齋福以逍遙，各生天而自在。住宅龍神，土地城隍，廟貌靈祇，皆承啓謝之功，悉助善緣之德。則上明天尊弘慈之澤，下副臣等歸命之誠。謹啓。

次十念

次復爐

次小學仙讚

次回向讚畢，散如常儀

平旦，第二朝

自唱道至發鑪，並如前法只不宣衛靈神呪

無上三天玄元始三炁太上老君召出，臣衆等身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。關啓此間土地里域，真官正神。臣今正爾燒香，奉爲大道弟子某修設靈寶半景妙齋一中，祈恩懺罪，請福消災。

願得太上十方正真生炁，降流臣及齋主弟子身中。令臣所啓，速達逕御太上無極大道玉皇尊帝御前。

次各稱名位

具法位臣某等謹同誠上啓，虛無自然金闕天尊無極大道太上大道君、太上老君、高上玉皇、十方已得道大聖衆，至真靈寶天尊、三十二天帝君、玉虛上帝、玉帝太帝、東華南極西靈北真玄都玉京金闕七寶玄臺紫微上宮靈寶至真明皇道君、玄中大法師、北極帝君、天地水三官、九天司命真君、九天使者真君、三界官屬一切威靈。臣聞，大羅空寂，中分九虛。大包億萬之天，獨止法王之極。轉法輪於天上，流真教於人間。師寶相承，玄風廣扇。立九真之玉律，修七聖之金科。祈求之疏，爰申齋法之門。遂啓臣等，早蒙師教，受籙傳經。先弘濟度之心，以副人天之請。既奉詞疏，合具奏聞。

次讀詞

具如詞奏，玄鑒以聞。伏惟太上三尊，聖慈昭覽。眇顧虔祈之懇，賜留

不恃之恩。臣等以滌滌身心，恭行關告。降真聖於九天之上，禮天尊於十極之中。齋主某專備香花，嚴陳供養。時也金雞報曉，玉漏將終。展此席之威儀，按三時而行道。祈恩有所，請福周勤。既陳初上之香，先用祝堯之壽。

運茲初捻上香，供養玉清聖境元始天尊。願以是功德，先用上資，當今皇帝陛下。伏願天長寶位，地久居尊。聖明齊日月之明，皇化並唐虞之化。北辰同德，南面永光。乘景運於千年，扇薰風於萬國。諸王太子，磐石彌堅。將相諸侯，匡安社稷。時豐俗阜，天下和平。灾害不生，民安物泰。今故燒香，自歸依師尊大聖衆至真之德，得道之後，昇入無形，與道合真。

臣聞，香花二奏，騰搖曳於三清；福報見存，遠薰修於九祖。積善之家，先德，有餘之慶追思。運茲二捻上香，供養上清真境虛皇靈寶天尊。願以是功德，奉爲齋主，九祖七玄、三代家先。伏恐父母因緣，造諸罪業，未脫三塗五苦、沉淪萬劫之愆。伏願承此懺悔，俱

蒙蕩雪。冠帶裝嚴之境，逍遙自在之天。福蔭家門，子孫光顯。今故燒香，自歸依師尊大聖衆至真之德，得道之後，昇入無形，與道合真。

臣聞，名香三上，達金闕之齋心；煙散玉花，滿十方而供養。請福之期，必應，求恩之果感通。運茲三捻上香，供養太清仙境玉皇太極天尊。願以是功德，奉用保持。齋主某伏願真靈降祐，消世上之三灾；道炁護持，度人間之九厄。赦愆尤於已往，恕過犯於將來。壽算增延，年命長遠。福祿叶四時之慶，官榮光極品之稱。眷屬女男，盡蒙康泰。境土樂農桑之業，市鄣臻百貨之財。土地龍神，共資陰鷲。今故燒香，自歸依師尊大聖衆至真之德，得道之後，昇入無形，與道合真。

次禮方 次懺悔

臣聞，玉皇端御，強爲之容。弘慈而天地圓通，恕宥而神明方便。衆生造罪，懺悔能消。日久過愆，首陳皆雪。今時，齋主弟子某歸依大道，敬念清齋。

稽首天尊，歸命懺悔，伏恐弟子六根造罪，三業爲愆。世懼之灾，生虞九厄。又恐前身過犯，見報愆尤。害命殺生，冤家債主。爰從多劫，父母種親，無量罪源，宣陳難盡。今日設齋，至心懺悔，敬禮十方無極太上靈寶天尊。乞赦千愆萬罪，過犯深冤。使赫日恩威，霜消雪釋。年增福善，日免凶灾。家眷康寧，身躬慶泰。先亡玄祖，承善果以逍遙；土地龍神，保公私而清吉。禍沉九夜，福起十方。稽首歸依，正真三寶。

次三啓，至重稱名位，並如前法。具法位臣某等謹重上啓，太上無極大道至真玉皇上帝、太上老君、九天使者真君、三十六部尊經、玄中大法師，三界官屬一切威靈。臣聞，道德巍巍，難窮衆妙。龍漢蕩蕩，何能別真。蓋天尊垂旨浮黎之天，遂轉法輪之境。初傳天上，漸降人間。師資相傳，法教彌廣。臣以稟承明訓，裨讚真風。先弘接世之心，後志修行之道。凡有人天請命事，須開置壇場。存太上於法筵，

具詞章而啓奏。陳其齋意，宣達上聞。齋主墨詞，向已披露。伏惟玉皇大道金闕天尊，眄視丹誠，聽宣詞疏。伏乞齋主某赦見生之罪障，消已往之愆尤。賜八景之玄恩，注九天之善福。祿延南斗，命益東華。家眷平安，各增壽算。免三灾於歲月，除九厄於年庚。然願七祖靈儀，先亡神識。旁及追修之力，俱承解脫之功。各遂逍遙受生，常樂住宅。龍神禁忌，城隍社令，廟貌靈祇。同資啓謝之恩，皆作護持之力。則上明天尊弘慈之澤，下副臣等歸命之誠。謹啓。

次十二願散如常儀

已時，第三朝

自唱道至發鑪，並如前法只不宣

衛靈神呪

無上三天玄元始三炁太上老君，召出臣衆等身中三五功曹、左右官使者、左右捧香驛龍騎吏、侍香金童、傳言玉女、五帝直符直日香官，各三十六人出。關啓此間土地里域、真官正神。臣今正爾燒香，奉爲大道弟子某修設靈

寶半景妙齋一中，三時行道，祈恩懺罪，請福消灾。願得太上十方正真生炁，降流臣等身中，令臣所啓速達，逕御太上無極至真玉皇尊帝御前。

次各稱名位

具法位臣某等謹同誠上啓，無上虛皇金闕天尊、太上真皇無極天尊、高上玉皇太極天尊、太上玉宸大道君、太上玄元老君、十方得道大聖衆、至真諸君丈人，三十三天帝、玉虛上帝、玉帝大帝、東華南極西靈北真玄都玉京金闕七寶玄臺紫微上宮靈寶至真明皇道君、玄中大法師、九天司命真君、九天使者真君、北極大帝、天地水三官，三界官屬名山洞府一切真靈。臣聞空洞之前，虛無何有。既結自然之炁，強名大道之稱。於是朴散分元，成天立地。融先發妙，唯神大明。立天子而置三公，有師資而弘教法。自此真經降世，科律宣行。茫茫欲海之中，得爲舟楫；浩浩愛河之上，憑作橋梁。救群生於八苦之門，度厄禍於三灾之運。廣留齋法，特濟人天。臣等忝職玄科，

俾弘誓願。凡有信心所請，具有詞疏宣呈。

次讀詞

具如詞奏，情理備陳。衆聖已聞，虔祈慊切。伏惟虛皇大道，無上慈尊。鑒照俗心，乞垂聽覽。臣聞，天尊寂然不動，見形於三界之中；玄德感而遂通，應念於群生所告。齋主弟子某特將齋法，啓顯真靈。薦香騰搖曳之花，供養設芳饍之饌。臣等恭行關奏，希達上聞。既蒙昭祐之恩，必降護持之力。謹以初捻上香，供養虛無大道金闕天尊。願以是功德，奉爲齋主先用，仰祝當今皇帝陛下。伏願聖躬萬歲，寶位億春。齊日月之大明，等乾坤之永壽。垂衣問道，窮象帝於希夷；端拱凝旒，協華封之獻祝。諸王太子，光玉樹於龍樓；文武重臣，耀功名於麟閣。薰風廣扇，淳化弘流。天下清平，民康俗阜。今故燒香，自歸依師尊大聖衆至真之德。得道之後，昇入無形，與道合真。

臣聞，道力無形，強名功德。死生

重罪，回向能消。宜持二上之香，沖雪九玄之苦。謹以二捻上香，供養無極

大道衆聖。願以是功德，奉爲齋主家，

先亡後化，七祖九玄、三代魂儀、一門

宗屬。伏願赦三塗之苦懣，昇十極之

福堂。步八景以逍遙，證六通而自在。

面朝真帝，親視法王。福蔭見存，永流

餘慶。今故燒香，自歸依師尊大聖衆

至真之德。得道之後，昇入無形，與道

合真。臣聞，天尊妙相，因凡相而裝

嚴；大道無形，假凡心而立教。欲降

九天之福，宜騰三上之香。謹以三捻

上香，供養玄元大道無上天尊。願以

是功德將用，保持齋主。伏願玄恩賜

祐，東華益算於命宮；靈澤降流，南斗

延生於祿位。壽山增峻，福海彌深。

居官寵極於人臣，榮慶顯光於九族。

處私保安於動止，年庚康泰於四時。

眷屬一門，尊卑男女。各比松筠之操，

盡堅金石之顏。千災隨懺以雲消，萬

禍因齋而雨散。住宅寧謐，財帛豐饒。

蠶吐八絲，田登九穀。經求稱意，市井

駢闐。然及六道冥靈，悉霑餘福。今

故燒香，自歸依師尊大聖衆至真之德，得道之後，昇入無形，與道合真。

次禮方

次懺悔

臣聞，多事過生，罪莫大於可欲；道

生安靜，福莫積於善緣。故三灾因三

業而行，九厄隨九竅而作。既有六根

之患，拘成四大之身。茫茫生死之中，

擾擾愛貪之內。賴神僊救世，教闡多

門。齋法弘宣，濟其沉溺。齋主歸依

大道，開置法筵。稽首天尊，至心懺

悔。伏恐弟子某前生今世，行止施爲，

叠叠愆尤，海深山積。今日設齋啓謝，

敬禮十方無極太上靈寶天尊。惟願赫

厥靈之恩澤，蕩無妄之灾虞。年資福

壽，以增新命。叶善祥而延益。先亡

七祖，各遂逍遙。見在尊卑，盡蒙康

泰。禍猶冰釋，福若川臻。稽首歸依，

正真三寶。

次三啓，至重稱法位，並如前

法。

具法位臣某謹重上啓，闔座真靈一

切主者。臣等夙生餘慶，浩劫信根。出

煩惱之慾塵，入真師之法宇。人間天

上，相次提携。莫知出沒僞真，寧測去

來凡聖。神仙妙典，經教科儀。先弘

濟俗之心，後詣修行之路。每遇人天

祈福，事須關奏法筵。存虛皇於寥廓

之中，降太上於道場之內。今有齋主某

持設詞疏，修此妙齋。已呈三奏之儀，

庶滿十全之禮。備以香花燈燭，果饌

獻誠。瞻尊像以傾心，竭塵情而供養。

願以是功德，並用保持。齋主某伏願壽

山增峻，福海添波。資祿算於椿松，保

年命於龜鶴。居官則位崇極品，長作

重臣；處私則身運亨通，神明助祐。

宅多慶泰，人口平安。九玄七祖，先代

尊魂。一切有情，咸歸至化。則上明

天尊至真之德，下副臣等歸命之誠。謹

啓以聞。

次十二願散如常儀

午朝罷，散白，讀三獻文

自唱道至發爐，並如常儀

次各種法位

具法位臣某等謹同誠上啓，太上無極大道太清玉陛下中黃九土十二仙

官、五土神君、九宮八卦日月星宿天曹地府太歲將軍、土漂神將、四面方位，一切威靈。臣聞天元定紀，土德居尊。清浮濁凝，八方期判。圓象復西迴之道，方輿飛東注之流。鬼神之理，既彰陰陽之功；益著五行，造化萬物咸生。穴處巢居，京觀宮殿。上棟下宇，方傳先聖神功；戶牖鑿開，始自上皇洪範。六十甲子，納音於五行變通；十二時辰，司禁於二宅方位。伏以水漿泛溢，住宅重興。動土興工，鼎新換舊。益虞觸犯，是用醮陳。伏惟許允干祈，再拜奉請。

次第一獻，上香、上茶、上酒

臣謹上啓，天父太陽上帝、地母太陰尊神、北極紫微五靈太微帝君、北斗七元三台九曜二十八宿、天地水三官、九地真皇、四司五帝、宅後禁忌、十二時辰、三百六十禁、旬百二十殺、方位城隍，土府五行，一切至神。臣今謹爲弟子，緣宅宇以闕修，遂命工而添換。既多損動，掘鑿高深。慮恐觸犯龍神，驚搖禁忌。具陳醮謝，布露香燈。祈

福祐於上真，謝愆尤於下土。備將丹懇，錄在素函。弟子詞文，謹當宣奏。

次讀詞

具如詞狀，玄覽周知。臣聞，天覆地載，日月流暉。星辰運度於上天，人物稟承於下土。五行運化，陰陽變通。惟神惟靈，有禁有忌。今有某夙承祖業，繼嗣前風。節鎮藩宣，職臨府郡。准上有功之作，得無動土之勞。莫不下掘井泉，上崇臺榭。耀華堂宇，構造庭除。換舊添新，惟加壯麗。掘鑿恐傷於龍將，興工慮犯於神明。所以虔奉道門，請陳料法。嚴施醮禮，供設香燈。繒綵鎮方，命財質信。銀錢駝馬，逐位獻陳。酒脯飛觴，祭神如在。伏惟四司五帝、土府真官。軫鑾駕於九宮，降醮筵於十地。領納誠禮，賜福留恩。使眷屬無災害之虞，宅宇有周圍之慶。經營葉泰，出入咸安。五土城隍，歡喜成就。再拜。

次第二獻，上香、上茶、上酒

臣謹重上啓，真靈上帝、五土尊神。臣聞，造化之初，陰陽有物。變穴處巢

居之代，歸京城宮殿之朝。莫不埏埴範金，斧斤斲木。上棟下宇，城壘堤防。蚩尤拒敵於軒轅，兵甲遂流於後代。天文垂象，五行通變於百神；地理分形，八卦統成於萬化。一十二辰之官府，六十甲子之納音。博古自此，而禁方上郡，因茲而避忌。舉家動用，民庶行藏，先宜揀日揀時，利方而吉，況今國家詔命，使主新臨公署，興修葺之功，使宅動廣深之役，莫非掘鑿，煥赫重新。九宜難測於凶方，人物恐生於災患，舉家懷慮。戶主知修，依道門謝過之科。醮設五方土德。伏惟五方五帝，十二時辰，土府城隍，宅神禁忌。納闔宅之醮席，領齋主之虔祈。興祐家宅，克昌盛族。蛾蠶結秀，倉箱資盈。宅宇功成，裝修事遂。惟神懽喜，仰荷靈恩。再拜。

次第三獻，上香、上茶、上酒

臣謹重上啓，天父地母、五土尊神、闔座衆聖，及諸靈位。臣謹爲弟子，醮設百神。祇謝五帝，盡賜威光。聽茲關陳，許從謝過。領納醮禮，鑒映蘋

繫。祐助闔家，益昌人口。門庭受福，

奉送。

靈寶半景齋儀

(陳耀庭點校)

戶牖歡心。願從今醮之後，五帝順行之化，四神和叙之恩。八卦興八節之康，九宮降九天之慶。太歲正常生之道，太陰滋祿綬於人。將軍專鎮化之權，月將致福祥之任。青龍白虎，振威武於宅門；朱雀北玄，耀文章於戶牖。玉堂金匱，天德明堂。長招富貴之人，永保門庭之祿。今則四向懸於寶鏡，五方立於星刀。照十二位之正神，辟二八方之凶鬼。五色繒綵，質命五龍。五般錢財，獻陳五帝。莫斯醮禮，以謝百神。伏惟闔座尊神，特垂鑒祐。依方鎮守，永致吉祥。禍去福歸，灾消善集。利康人物，興盛家門。在官者，祿受昇榮；在私者，所求皆得。福星進照，積孽蠲消。宅舍光明，戶庭肅睦。綵窗繡戶，四時之喜氣長盈；香閣華堂，八節之嘉聲益振。然後動鑿興工，四向無灾。眷屬一門，以時康泰。瘟灾不起，風火無虞。倉庫資財，無諸耗散。謝冥真於今夕，留福祚於此時。所獻錢財，謹具燒化。臣及弟子，再拜

『十五』國家重點圖書出版規劃項目

主 編 張繼禹

本冊主編 陳耀庭

華夏出版社

中華道藏

第四三冊

目錄

001 敦煌本靈寶金錄齋儀(擬)	一
002 金錄齋啓壇儀(杜光庭集)	七
003 金錄齋懺方儀(杜光庭集)	一一
004 金錄大齋宿啓儀	一四
005 金錄大齋啓盟儀	一六
006 金錄大齋補職說戒儀	一八
007 金錄早午晚朝儀	二一
008 金錄解壇儀	二八
009 金錄齋投簡儀(張商英編)	三〇
010 金錄齋三洞讚詠儀(張商英編)	三四
011 金錄設醮儀	四三
012 金錄齋放生儀	四六
013 金錄祈壽早午晚三朝儀	四八
014 金錄上壽三獻儀	五四
015 金錄延壽設醮儀	五六
016 金錄玄靈轉經早午晚行道儀	五九
017 金錄十迴度人早午晚朝開收儀	六八
018 金錄十迴度人三朝轉經儀	七八
019 玉錄資度宿啓儀	八八

020 玉錄資度解壇儀	九一
021 玉錄資度設醮儀	九四
022 玉錄資度早午晚朝儀	九七
023 玉錄生神資度轉經儀	一〇三
024 玉錄生神資度開收儀	一一三
025 玉錄三日九朝儀	一一九
026 玉錄濟幽判斛儀	一三五
027 太上黃錄齋儀(杜光庭編)	一三九
028 无上黃錄大齋立成儀(蔣叔輿編)	三二六
029 黃錄救苦十齋轉經儀	六六七
030 黃錄十念儀	六七四
031 黃錄五老悼亡儀	六七六
032 黃錄齋十天尊儀	六七八
033 黃錄齋十洲三島拔度儀	六八一
034 黃錄九幽醮無碍夜齋次第儀	六八五
035 太上靈寶玉匱明真齋懺方儀(杜光庭修)	六九五
036 太上靈寶玉匱明真大齋懺方儀(杜光庭修)	六九八
037 太上靈寶玉匱明真大齋言功儀(杜光庭修)	七〇一
038 洞玄靈寶八節齋宿啓儀	七〇七
039 洞玄靈寶自然齋戒威儀經(擬)	七一〇
040 洞玄靈寶自然齋儀	七一六
041 洞玄度靈寶自然券儀	七一九
042 靈寶半景齋儀	七二二